



স্বর্গীয় শত্ৰুচন্দ্র মুখোপাধ্যায়।

প্রদীপ



নব বর্ষে

ক্ষীণ প্রদীপের আলো জ্বলি অন্ধকারে
একেলা বসিয়া আছি প্রতীক্ষায় যার
সে কেন আসে না, বর্ষ আসে বারে বারে ?
শুধু জাগরণে কাল কাটে গো আমার !
পবন-কম্পিত শিখা ক্ষুদ্র হস্তে ঢাকি
চেয়ে আছি পথ পানে আকুল নয়নে।
এস হে বাঞ্ছিত এস ! প্রেমভরে ঢাকি
নিত্য আমি ; তুমি কি তা শোন না শ্রবণে ?
ওগো দীপ্তি ! ওগো মোর জীবন-দম্বল !
এস গো হৃদয় করি আলোকে উজ্জ্বল।

শ্রীবিজয়চন্দ্র মজুমদার।



গীতার ত্রিতত্ত্ব।

আধুনিক শিক্ষিতগণের মধ্যে অনেকের বিশ্বাস আমা-
দের মনোবিজ্ঞান নাই। মনোবিজ্ঞান লইয়া হিন্দুগণ বড়
একটা মাথা ঘামায় নাই। মনোবিজ্ঞানের যে সকল কথা
আমাদের আধুনিক ভাষায় ভাসিয়া আসিতেছে, তাহাদের
আমদানি প্রধানতঃ পাশ্চাত্য দর্শন বিজ্ঞান হইতে ঘটি-
তেছে। শিক্ষিতগণের মধ্যে বাঁহারা কিছু স্বপ্নদর্শী,
জাতীয়শাস্ত্র বিজ্ঞানে কিছু আস্থাবান ও বাৎপন্ন, তাহাদের
ধারণা যে হিন্দুর অধ্যাত্ম দর্শন (Ontology) কিছু
আছে কিন্তু মনোবিজ্ঞান (Psychology) আদৌ নাই।
এ বিশ্বাস ও ধারণা নিতান্তই ভ্রমাত্মক বলিয়া বোধ হয়।
আমাদের গভীর গবেষণাপূর্ণ দর্শন ও ধর্মতত্ত্ব বিশেষরূপে
আলোচনা করিলে অতি স্পষ্টরূপে বুঝা যায় যে, হিন্দুর
অধ্যাত্ম-বিজ্ঞান ও মনোবিজ্ঞান উভয়ই অমোঘ যুক্তি ও
কঠোর চিন্তার ভিত্তির উপর সংস্থাপিত। মনোবিজ্ঞানে
হিন্দুর কৃতকার্যতার জাজ্জল্যমান প্রমাণ—পাতঞ্জল দর্শন ও
গৌতম দর্শন। হিন্দু যে কতদূর স্বপ্নতার সহিত মানবের
মানসিক তত্ত্ব অনুশীলন ও আলোচনা করিতে সক্ষম, মহর্ষি
গৌতম পাতঞ্জল প্রমুখ প্রতিভাশালী পুরুষগণ তাহা অতি
বিষদভাবে দেখাইয়া দিয়াছেন। অধ্যাত্ম বিজ্ঞানের বিচার-

ব্যাখ্যান সম্বন্ধে, শব্দ প্রভৃতি মনস্বিগণ, অতুল কীর্তি-
স্তম্ভ মানবত্বের বিশাল বিজ্ঞান চক্ষে প্রোথিত করিয়া
রাখিয়াছেন। আর উভয়কে—অধ্যাত্ম দর্শন ও মনো-
বিজ্ঞান—এই উভয়কে সম্মিলিত করিয়া, মানব-ত্বের যে
অপূর্ব স্বপ্ন সন্ধান, আর্থা প্রতিভা নির্ধারণ করিয়াছে,
তাহার তুলনা জগতের আর কোন স্থানে কোন কালে
দেখিতে পাওয়া যায় না—যাইবেও না।

যে ত্রিতত্ত্বের উপর নানবের মানবত্ব সংস্থাপিত, যে
ত্রিতত্ত্ব ধরিয়া মনুষ্যের মনুষ্যত্ব বিকশিত, যে ত্রিতত্ত্বের
সমজ্ঞান অনুশীলনে, সম্যক অনুষ্ঠানে মানবত্বের সাধনায়
মহাসিদ্ধি সংলব্ধ হয়, তাহাই সেই স্বপ্ন সন্ধানের মহা ফল।
অধ্যাত্ম দর্শনের সহিত মনোবিজ্ঞান মিলিত হইয়া, জীবন
কাণ্ডের যে গভীর জটিল রহস্য উদ্বেদ করিয়াছে—জীবের
গন্তব্য পথ প্রশস্ত পরিষ্কৃত করিয়া বিশদরূপে দেখাইয়া
দিয়াছে—সেই মহাফল স্বরূপ ত্রিতত্ত্বের ব্যাখ্যান বিবৃতির
এক মাত্র প্রসূতি আর্থা প্রতিভা। আর সেই প্রথর
প্রতিভা পূর্ণাঙ্গে প্রকটিত শ্রীশ্রীমদ্ভগবদগীতায়। অতি
জটিল গভীর রহস্যপূর্ণ মানবত্বের ত্রিতত্ত্ব-বীজ বিশাল বৃক্ষে
বিকশিত কেবল গীতাক্ষেত্রে।

মানব তিন উপাদানে গঠিত। তিন ভাব লইয়া মানব-
আত্মা সৃষ্ট। ত্রিতত্ত্বকে ধরিয়া মনুষ্যত্ব হৃষ্টপুষ্ট। আধু-
নিক পাশ্চাত্য মনোবিজ্ঞান অবিসম্বাদিতরূপে নির্দেশ
করিয়াছে যে বেদনা (Feeling) বাসনা (Willing)
ও জ্ঞান (Knowing) মানব মনের এই তিন
ভাব। এই তিন উপাদানে মানবের মন সংস্থিত।
ক্যান্ট, হেগেল, ফিডো আদি জন্মান দার্শনিকগণ হইতে
হ্যামিলটন, মিল, বেইন আদি ইংরাজ মনোবিজ্ঞানবিংগণ
পর্যন্ত সকলেই একবাক্যে মানব-মানসকে উক্ত তিন
ভাবে বিভক্ত করিয়া নিজ নিজ দার্শনিক অট্টালিকার
ভিত্তি সংস্থাপন করিয়াছেন। অপূর্ব প্রতিভাশালী ফরাসী
মনস্বী কোমৎ, ঐ তিন ভাবকে, মানবত্বের মৌলিক
উপাদান ধরিয়া, তাহার প্রত্যক্ষবাদের কর্মময় প্রেম ধর্মের
(Religion of humanity) প্রচার করিয়াছেন। আধু-
নিক সমুদয় প্রধান প্রতীচ্য দর্শন, উক্ত ত্রিতত্ত্বকে মানব
মনের মূল উপাদান বলিয়া মানিয়া লইয়া, আপন আপন
সিদ্ধান্ত নিঃসন্দেহে নির্দেশ করিতে সমর্থ হইয়াছে।

আধুনিক সভ্য শিক্ষিত সমুন্নত জগৎ, জীবন কাণ্ডের
যে ত্রিতত্ত্বের আভাস ইঙ্গিত ধরিয়া, মনুষ্যত্বের অনুশীলন
সম্প্রসারণ উদ্দেশে ধাবমান, তাহার দেদীপ্যমান আদি
প্রকাশ হিন্দু দর্শনে—আর তাহার পূর্ণাঙ্গে প্রথম প্রকটন
শ্রীশ্রীমদ্ভগবদগীতায়।

গীতার পতীর বার্তা বিশেষ স্বপ্নরূপে আলোচনা
করিলে, অতি বিশদভাবে তাহার উদ্দেশ্য বুঝা যায়।
বুঝা যায় যে, মানবের মনুষ্যত্ব প্রকাশক ব্রুতি কয়টির মর্ম
কথা বুঝা, তাহাদের অনুশীলন শিক্ষাই গীতার উদ্দেশ্য।
বুঝা যায় যে, সেই শিক্ষা দীক্ষা দিয়া মানবের মলিনত্ব
পশুত্ব দূরীকরণ—মানবকে দেবত্বের দিকে পরিচালন—
গীতার চরম উদ্দেশ্য। আর বুঝা যায়, এক মহা মর্ম-
কথা এই যে, জগতের মধ্যে কেবল এক গীতার
মধ্যেই মানবত্বের মানব ধর্মের মানব কর্মের আদি মধ্য
অন্ত সকল স্বপ্ন কাণ্ডই তন্ন তন্নরূপে ব্যাখ্যাত বিবৃত
বিশ্লেষিত। মানবের ত্রিতত্ত্বের বিষয় আলোচনা করিলে,
এ সিদ্ধান্তের সারবত্তা সহজে বুঝা যায়।

আজি কালি অনুশীলন (Culture) বলিয়া শিক্ষিত
সমাজে একটা শুভ সংবাদ সঞ্চারিত হইয়াছে। মানবের
যে সকল উচ্চ ব্রুতি আছে—মানবমন যে সমুদয় সমুন্নত
শক্তিতে বিভূষিত—তাহাদের যথোপযুক্ত সংপৃষ্টি সংবর্দ্ধন,
অনুশীলনবাদের উদ্দেশ্য। এই শুভ সংবাদ, বহু যুগ
পূর্বে গীতাকার, কুরুক্ষেত্রের ধর্মক্ষেত্রে প্রচার করিয়া
গিয়াছেন।

এখন একটু বিচার করিয়া দেখিলে বেশ বুঝা যাইবে
যে বহু বর্ষ পূর্বে গীতায় যাহা প্রচারিত হইয়াছে, এখন-
কার দর্শন বিজ্ঞান তাহারই আভাস ইঙ্গিত ধরিয়া,
মানবকে উন্নতির পথে উঠাইতে চেষ্টা করিতেছে।
আধুনিক দর্শন বলে যে, মানব মনের প্রধান তিন ভাব—
বেদনা (Feeling) বাসনা (Willing) ও জ্ঞান (Know-
ing)। এই তিন ভাবের সংযত সামঞ্জস্য অনুশীলন
দ্বারা, মানবের মানবত্ব অভিব্যক্ত ও সংপুষ্ট হইয়া থাকে।
কিন্তু এই ভাবত্রয়ের সারভূত স্বপ্ন সূত্র কি—কোন
উপাদান অবলম্বন করিয়া অনুশীলন অনুষ্ঠান করিতে
হয়—সে সম্বন্ধে আধুনিক দর্শন বিশেষ কথা কিছু বলিতে
পারে না, সত্য সিদ্ধান্ত কিছু বুঝাইতে পারে না। গীতা

যে বিশেষ কথা বলিয়াছেন—যে সত্যসিদ্ধান্ত বুঝাইয়া-
ছেন (গীতা বুঝাইয়াছেন যে মানবের সার উপাদান
আত্মা) আত্মার সার উপাদান—বেদনা বাসনা জ্ঞান।
বেদনার সারতত্ত্ব প্রেম ভক্তি—বাসনার সারতত্ত্ব কর্ম—
আর জ্ঞানের সারতত্ত্ব অধ্যাত্ম বিজ্ঞান। এই তিন তত্ত্ব—
এই তিন উপাদান অবলম্বন করিয়া মূল মানবত্বের অনু-
শীলন করিতে হয়। গীতা তাই মানবের উন্নতি উদ্ধার-
কল্পে ভক্তিযোগ, কর্মযোগ ও জ্ঞানযোগ—এই তিন
তত্ত্বের মর্ম কথা বিশ্লেষণ করিয়া দেখাইয়াছেন—তাহাদের
সার স্বপ্ন সন্ধান তন্ন তন্ন করিয়া বুঝাইয়াছেন। এই
তিন তত্ত্বের যোগসাধনই প্রকৃত অনুশীলন—সেই অনু-
শীলনেই মানবের মহত্ব মানবত্ব পূর্ণ প্রকারে পরিণত
ও প্রকটিত। মানবের মহাধর্ম এই তিন তত্ত্ব সংস্থিত।
সেই মহা ধর্মের সাধনায় এই ত্রিতত্ত্বের অনুশীলন অনু-
ষ্ঠানে সিদ্ধি লাভ ঘটয়া থাকে। ইহাই গীতার প্রচারিত
মহাধর্ম—এই তত্ত্বের বিশ্লেষণ ব্যাখ্যানই গীতার মূল মর্ম।
এই মহা ধর্মের সাধনে এই মূল মর্মের বিজ্ঞানে মনুষ্যত্বের
স্বৃষ্টি পরিণতি অভিব্যক্তি।

শ্রীরাখালদাস ভট্টাচার্য্য।



কুরুক্ষেত্র।



দ্বিতীয় প্রস্তাব।

“প্রকরণ রত্নাকর” নামক সুপ্রাচীন জৈণ শাস্ত্রে
কুরুক্ষেত্র সম্বন্ধে প্রাকৃত ভাষায় লিখিত আছে “কুরুনাই
চুলাসী সহসা। ছ হ চ চ অ ব ণ তরনাই উ। পাই
বেগাইম। দো দো মহানি উ। ছহু দাস সহসা উ পট্টয়ম্।”
জৈণ শাস্ত্র কুরুক্ষেত্রকে “পতিত পাবন” লিখিয়া গিয়াছেন।
(লঘুক্ষেত্র খণ্ড, চতুর্থ অংশ দেখুন।) তৈত্তিরীয় আরণ্যকে
কুরুক্ষেত্রের মহিমা বর্ণিত আছে; আচার্য্য মূর কুরুক্ষেত্রকে
হিন্দুর মহাগৌরবের স্থল বলিয়া বিশ্বাস করিতেন।
(Muir's Sanskrit Texts, Part IV. PP. 109—
111) আচার্য্য য়োয়েবর বলেন, এই মহাক্ষেত্র অতি
পুরাতন ও পবিত্র। জেনেরল কনিংহাম সাহেবের মতে,
চৈনিক পরিব্রাজক হিয়ংসা এই ক্ষেত্রে ভ্রমণ করিয়াছিলেন।

এবং মহাভারতের স্থানে স্থানে কুরুক্ষেত্র “সামন্ত পঞ্চক”
নামেও অভিহিত হইয়াছে। সাহেব বলেন—

General Cunningham, in his *Archaeological Survey Report*, Vol. II. PP. 212-223, mentions the land of Kooroo in the following strain “All the country immediately around Thaneshwar, between Saraswatee and Drisadwatee rivers; is known by the name of Koorooksetra, that is the land or field of Kooroo. * * * The district (Chakra) of Koorooksetra is also called *Dharmaksetra* or the Holy Land, which is evidently the original of Hewen Thsang's *le champ du bonheur* and “Samantapanchak” of Mahabharata.

সাহেবের মতে দৃশবতী ও সরস্বতী এই দুইটি নদী প্রাচীন
কুরুক্ষেত্রের দুই দিকের সীমা। মোগল কুলতিলক আকবর
সম্রাটের প্রধান মন্ত্রী আবল ফজল তাঁহার স্মৃতিস্মিত “আইন
আকবরী” গ্রন্থে কুরুক্ষেত্রের পরিমাণ ৪৮ ক্রোশ বলিয়া
নির্দিষ্ট করিয়াছেন। যাহা হউক, কুরুরাজার বঙ্কক্ষেত্র
“কুরুক্ষেত্র” নামক মহাতীর্থ বাস্তবিক ঐতিহাসিক লীলার ও
আধ্যাত্মিক লীলার অগ্রতম প্রধান স্থান। সুবিখ্যাত পৃথি-
রাজা কুরুক্ষেত্রে ভবলীলা সম্বরণ করেন এবং সম্রাট বাবর
পাঠানদিগকে পরাজয় করিয়া এই স্থানেই মোগল সাম্রা-
জ্যের ভিত্তি স্থাপন করিতে সমর্থ হইলেন। এই কুরুক্ষেত্রে
সম্রাট আকবর তাঁহার ত্রয়োদশ বৎসর বয়সক্রমে হিমুকে
এক প্রবল যুদ্ধে পরাজয় করিয়াছিলেন এবং ১৬৯৩ শকে
এই স্থানেই হিন্দু স্বাধীনতার উত্তম সর্বশেষ সমর সংঘটিত
হইয়াছিল। বেদব্যাস, পরশুরাম, গয়াম্বর, ভীম, ভীষ্ম,
শ্রীকৃষ্ণ, বৃষ্ণিষ্টির প্রভৃতি এস্থলে বহুদিবস ব্যাপিয়া বাস
করিয়াছিলেন। কুরুদৈপায়ণের সমসাময়িক হুদ এখনও
বদরী রক্ষাবলী পরিবেষ্টিত হইয়া বর্তমান রহিয়াছে।
চন্দ্র গ্রহণ বা সূর্য্য গ্রহণ কালে কুরুক্ষেত্র দর্শনের ফল সম্বন্ধে
রাশি রাশি শ্লোক সংস্কৃত সাহিত্যে পাঠ করা যায়। ফলতঃ
এই ক্ষেত্রকে হিন্দুজাতি এতই পবিত্র বলিয়া বিশ্বাস করেন
যে, প্রতিমাসে ভারতের নানা স্থান হইতে দলে দলে
বহুসংখ্যক নরনারী এখানে আগমন করিয়া থাকে
এবং নানাবিধ কষ্ট সহ্য করিয়াও মনে মনে যথেষ্ট শান্তি
ও প্রফুল্লতা উপভোগ করে।

ইতিহাস পাঠ করিতে করিতে দেখিতে পাই, ১৭৬১ অব্দে কাবুলের নরপতি আমেদশাহ বহুসংখ্যক আফগান সেনা লইয়া কুরুক্ষেত্রে মহারাষ্ট্র বীরদিগকে অক্রমণ করিয়াছিলেন। এই যুদ্ধে মহারাষ্ট্রদিগের দুই শত কামান এবং ৫ লক্ষ লোক সমবেত হইয়াছিল। কিন্তু মহারাষ্ট্রদিগের সৌভাগ্যসূচী অসুস্থিত হইবে ইহা পরমেশ্বর কর্তৃক পূর্ব হইতেই বিধিবদ্ধ ছিল বলিয়া, আফগানসেনার হাতে মহারাষ্ট্রীয়গণ অল্প সময় মধ্যে নিহত হইয়াছিল; বোধ হয় একশত লোকের অধিক মহারাষ্ট্রীয় প্রাণ লইয়া পলাইতে পারে নাই। হিন্দুর উপরে মুসলমান আফগানেরা বৈরাগ্য নৃশংস ব্যবহার করিয়াছিল তাহা স্মরণ করিলে রোমাঞ্চ উপস্থিত হয়।

পঞ্জাবের ইতিহাসে লিখিত আছে, আফগানেরা যখন স্বদেশ হইতে যুদ্ধার্থে বহির্গত হইয়াছিল, তখন তাহাদের মাতা, মাদী, স্ত্রী, ভগ্নী, পিতা, খুল্লতাত প্রভৃতি কহিয়া দিয়াছিল “তোমরা যত কাফের বধ করিবে তত সংখ্যক পুত্রের তোমরা পিতা হইবে। তোমরা তোমাদের নিজের স্বর্গকামনার জন্ত কাফের বধ করিও এবং আমাদের কল্যাণের জন্তও অহতঃ আমাদের প্রত্যেকের নামে এক একশত কাফেরকে কতল (বধ) করিতে ভুলিও না।”

কুরুক্ষেত্র যুদ্ধে যবনেরা যে অধাশ্মিক ও রাজস জনোচিত ব্যবহার করিয়াছিল তাহার তুলনায় আজিকালিকার অন্তায় যুদ্ধ বা অধর্ষ যুদ্ধ নগণ্য মাত্র। মুসলমানেরা কুরুক্ষেত্র নগরকে বহুবার ধ্বংস করিয়াছে; অখংস রমণীকে হকারে বিধবা এবং পুত্রহীন করিয়াছে, এবং হিন্দু পুরুষের ধর্ম, স্ত্রীলোকের সত্যত্ব, মন্দিরের মর্যাদা, নগরের ভঙ্গাবশেষ এ সকলের দিকে অণুমানও ভাবিয়া দেখে নাই। যুদ্ধাবশেষে মহারাষ্ট্রীয় সেনাপতি পেশোয়া বাহাদুরের একমাত্র পুত্র জীবিত ছিল, মুসলমানেরা তাহার মস্তক ছেদন করিয়া ঐ মস্তকে প্রচুর লবণ মাখিয়া রৌদ্রে শুষ্ক করতঃ কাবুলে লইয়া গিয়াছিল। সম্রাট আলেকজান্দর (সেকেন্দর বাদশাহ) এবং তৈমুর লঙ্গ কুরুক্ষেত্রের মাঠ দিয়া ভারতের অভিমুখে অগ্রসর হইয়াছিলেন। নিকটবর্তী কর্ণালের প্রান্তরে ইন্দোরের (হোলকার) মহারাজা ইংরাজের সঙ্গে সর্ব প্রথম যুদ্ধ ঘোষণা করেন। অদূরস্থিত পানিপথ নগরে এক জন আয়ল-গুবাসী দস্য

কিছুকাল এমন দৌরাণ্য করিতে আরম্ভ করিয়াছিল যে, কয়েক বৎসরের জন্ত এই আইরীশ ডাকাত এখানে রাজা বলিয়া পরিগণিত হইয়া উঠিয়াছিল।

Paniput was also remarkable as having been quite recently the capital of an Irish Raja, the famous George Thomas (*vide* Charles Macfarlane's History of British India, 1862 Page 320,) an adventurer from Tipperary and a deserter from English fleet, who had made himself master and sovereign of the whole of the Hurriannah, or “the green country,” a beautiful district, extending to the verge of the sandy desert of Ajmere. (*Vide* B. T. Fraser's Life of *Lietenant Colonel Skinner* and Captain W. Franclin's [Calcutta, 1803] *Military Memoirs of Mr. George Thomas* and Bishop Heber's ‘Indian Journal’)

সু প্রসিদ্ধ লর্ড লেক সাহেব কুরুক্ষেত্র দর্শন করিয়া যাহা লিখিয়া গিয়াছেন, আমরা এস্থলে তাহা উদ্ধৃত করিয়া দিলাম।

“On my left, there now appeared Sandhills in endless succession, like the waves of the ocean, desolate and dreary to an immense extense; while to the front and right of these wastes, the eye was deceived by all the illusions of the mirage. Major Thorn, the historian who accompanied us and who himself suffered what he described, says that these optical deceptions exhibited to us the representations of specious lakes and rivers, with trees and other subjects, in such a lively manner as almost to cheat the sense of persons familiarly acquainted with the phenomenon; while they who were oppressed by excessive heat and parched with thirst cheered themselves with the hope of being soon refreshed with water from the friendly tank or cooling stream, of which they thought they had so clear a prospect. Often were we thus agitated between expectancy and disappointment, flattering our imaginations with a speedy indulgence; when, just as the delightful vision appeared on the point of being realised, like the cup of Pausanias, the whole vanished, and left us

nothing to rest upon but arid plains of glittering and burning sands.

বিখ্যাত লেখক থরনটন সাহেবের মতে, বর্তমান থানেশ্বর গ্রাম, সমগ্র কুরুক্ষেত্রের কেন্দ্রস্থল। তিনি বলেন শান্তনুর পিতা কুরু মহারাজা থানেশ্বরে সন্ন্যাসাশ্রম অবলম্বন করিয়া তপস্যা করিয়াছিলেন, এই ক্ষেত্রে তিনি মহাযজ্ঞের সমাধা করিয়াছিলেন বলিয়া ইহা কুরুক্ষেত্র আখ্যা প্রাপ্ত হইয়াছে। সাহেবের মতে সমগ্র কুরুক্ষেত্রে ৩৬০টি তীর্থ ভূমি আছে। Imperial Gazetteer of India, Vol. V) থানেশ্বরের মাঠে এখনও দশ লক্ষ লোক দাঁড়াইয়া থাকিতে পারে এবং ফিলোরের মাঠে সাত লক্ষ তীর্থযাত্রী অনায়াসে উপবেশন করিতে সমর্থ হয়। সমুদয় কুরুক্ষেত্রের মহা প্রশান্ত প্রান্তরে পঞ্চাশ লক্ষ লোক দণ্ডায়মান, উপবেশন, শয়ন ও পাকক্রিয়া করিতে পারে।

কুরুক্ষেত্রের সুবিশাল প্রান্তরে আর একটি আশ্চর্য্য দৃশ্য আছে, এরূপ অপূর্ব দৃশ্য ভারতবর্ষের আর কোথাও নাই; বোধ হয় পৃথিবীর কোনও স্থানে কেহ কখনও এপ্রকার অদ্ভুত দৃশ্য দেখে নাই। কুরুক্ষেত্র গ্রাম হইতে প্রায় একাদশ ক্রোশ দূরে এক প্রাচীন ও প্রশস্ত হ্রদ আছে, ইহার নাম “মীনা তলাও” ইংরাজিতে ইহাকে ফিস্ লেক্ বলা হইয়া থাকে। এই ফিস্ লেকে (Fish Lake) মৎস্য থাকে না এবং বাস্তবিক ইহাতে মৎস্য নাই, ইহার জলে মাছ ফেলিয়া দিলে তৎক্ষণাৎ সেই মৎস্য মরিয়া যায়। ইংরাজেরা চল্লিশ বৎসর কাল ব্যাপিয়া পুনঃ পুনঃ পরীক্ষা করিয়া ইহা সত্য বলিয়া স্বীকার করিতে বাধ্য হইয়াছেন। অদ্য পর্য্যন্ত কেহ ইহাতে মৎস্য দেখে নাই, কিন্তু আশ্চর্য্যের বিষয় এই যে, প্রতি-বৎসর একদিন মাত্র একটি বৃহদাকার মৎসাকে এই হ্রদের জলের উপরে ভাসিতে অথবা খেলা করিতে দেখিতে পাওয়া যায়। যে দিন মীন রাশি সম্পূর্ণভাবে সূর্য্যমণ্ডলে প্রবেশ করে সেই দিনকে পঞ্জাব প্রদেশে “মীনরোজ” বলা হইয়া থাকে। বৎসরের কোন দিনে মীনরাশি সূর্য্যে প্রবেশ করিবেন, পশ্চিমগণ তিন মাস পূর্ব হইতে তাহা গণনা করিয়া দেন কখনও বা তিন বৎসরের গণনা একত্রে প্রকাশিত হইয়া থাকে। ঐ দিন দলে দলে অসংখ্যাসংখ্য পুরুষ ও স্ত্রীলোক নানা স্থান হইতে পুষ্প, চন্দন, মিষ্টান্ন,

দধি, দুগ্ধ, নারিকেল, বেল, শর্করা প্রভৃতি উপাদান লইয়া ঐ পুকুরের মাটে উপস্থিত হয় এবং মৎস্য দর্শন করিবার মাত্র তাহার পূজা করিতে আরম্ভ করে। ইহাকে “মচ্ছি-পূজা” (Fish worship) কহে। মহাশচর্য্যের বিষয় এই যে, ঐ দিন নিশ্চয়ই ঐ পুকুরে একটা বড় মাছ দেখিতে পাওয়া যায়, কিন্তু অস্ত্রান্ত দিনে কোনও মৎসাই দেখা যায় না। এরূপ হ্রদ ও এরূপ মাছের পূজা অতীব কৌতুককর বটে। মৎস্য ও মৎস্যধারী ধীবর, পৃথিবীর ইতিহাসে ও ধর্ম শাস্ত্রে নানা কারণে প্রসিদ্ধ। ধীবর বা জেলে এই নাম, এক্ষণে এদেশে অধমত্ব ব্যঞ্জক শব্দ বলিয়া পরিগণিত হয়, কৃষিকার্য্যকারী হালিক কৈবর্ত এই জন্ত মৎস্যধারী জালিক কৈবর্তকে (জেলেকে) অনাধা, শূদ্র, অধম প্রভৃতি শব্দে অভিহিত করিয়া থাকে, কিন্তু হিন্দু শাস্ত্রে দেখা যায় “মৎস্যধারী অপেক্ষা মৎস্য-বিক্রেতা শতগুণ অধিক অপরাধী, এবং মৎস্যখাদক এতদ্ভয় অপেক্ষা সহস্র গুণে আরও পাপী।” যাহা হউক, মৎস্যের পূজা নূতন নহে। পৃথিবীর অনেক দেশে মীন পূজা হইয়া থাকে কিন্তু এরূপ ভাবের হ্রদ, এরূপ ভাবের জল এবং এরূপ অদ্ভুত মৎস্য আর কোনও দেশে নাই, ইহা নিশ্চয়।

যে সকল কারণে কুরুক্ষেত্র হিন্দুর নিকটে পবিত্র তাহার মধ্যে সর্বশ্রেষ্ঠ কারণটিকে অনেকে ভুলিয়া গিয়াছেন। বলা বাহুল্য, কুরুক্ষেত্রেই প্রাচীন আর্ষ্যের সর্বপ্রথম আগমন এবং এই স্থানেই সর্বপ্রথম সনাতন বৈদিক ধর্মের প্রচার হইয়াছিল। গীতাতত্ত্বের উন্মেষণে সেই ধর্মের পূর্ণতা প্রাপ্তি হইয়াছে। স্মরণ্য হিন্দুর সম্মুখে কুরুক্ষেত্রের প্রত্যেক বৃক্ষ, লতা, তৃণ, পর্য্যন্ত আদরের জিনিষ। কুরুক্ষেত্রের মাঠে প্রাচীন হিন্দুপুরুষগণ যে গভীর গবেষণা, অধ্যায় জ্ঞান, মানসিক উৎসাহ, শারীরিক তেজ, শৌর্য্য, বীর্ষ্য, সাহস প্রভৃতি প্রদর্শন করিয়া গিয়াছেন, এক্ষণে পঞ্জাব প্রদেশে তাহার অণুমাত্রও আছে কিনা সন্দেহ।

সেই শৌর্য্য, বীর্ষ্য, জ্ঞান, গেল ক্রমে ক্রমে।

আর্ষ্যের সন্তান দেখ, অগৌরবে ভ্রমে ॥

শ্রীধর্ম্মানন্দ মহাভারতী।

শম্ভুচন্দ্র মুখোপাধ্যায়।*

সিন্ধুবাহিনী পুণ্যতোয়া ভাগীরথীর পূর্বতীরস্থিত কলিকাতা মহানগরীর অন্তঃপাতী প্রসিদ্ধ বরাহনগরে ১২৪৬ সালের ২৫শে বৈশাখ মঙ্গলবার (ইংরাজি ৮ই মে, ১৮৩৯ অব্দ) শম্ভুচন্দ্র মুখোপাধ্যায় জন্ম গ্রহণ করেন।

শম্ভুচন্দ্রের পূর্বপুরুষগণের আদিনিবাস শান্তিপুর। কোন সময়ে যে তাঁহারা শান্তিপুর আসিয়া বসতি করেন তাহা জানিবার উপায় নাই। শম্ভুচন্দ্র যে বংশে জন্মগ্রহণ করিয়াছিলেন সে বংশে সরস্বতীর কৃপা বহুল পরিমাণেই ছিল। তাঁহার পূর্বপুরুষগণ বাগ্‌দেবীর পাদ-পদ্মে ভক্তি-ভরে পুষ্পাঞ্জলি অবিচ্ছিন্নভাবে প্রদান করিয়া আসিয়াছেন। তন্নিবন্ধন তাঁহাদিগকে কখনও তাঁহার করুণা হইতে বঞ্চিত হইতে হয় নাই। কায়মনোবাক্যে সরস্বতীর পূজা করাই তাঁহার পূর্বপুরুষগণের প্রধান কৰ্ম ছিল। অর্থলোভে মুগ্ধ হইয়া কখনই তাঁহারা বিদ্যাদেবীর পূজা করিতে বিরত হয়েন নাই। যে জ্ঞানতৃষ্ণা মিটাইবার জন্ত শম্ভুচন্দ্র আজীবন অবিকৃতচিত্তে যত্নবান ছিলেন তাহা তাঁহার পৈতৃক সম্পত্তির মধ্যে গণ্য করিলে অত্যাুক্তি হয় না।

আদিপুত্র কর্তৃক আহৃত ভট্টনারায়ণ প্রমুখ যে পঞ্চ ব্রাহ্মণ কাণ্যকুজ হইতে বাঙ্গালা দেশে যাত্রা সম্পাদনার্থ আগমন করিয়াছিলেন শ্রীহর্ষ তাঁহাদিগের মধ্যে একজন। এই ভরদ্বাজ গোত্রাপত্য শ্রীহর্ষ নৈষধ কাব্যের রচয়িতা কিনা তদ্বিষয়ে মতভেদ থাকিলেও তিনি যে এক জন অসাধারণ পণ্ডিত এবং বিদ্যালুরাগী ও তেজস্বী ব্রাহ্মণ ছিলেন তদ্বিষয়ে অণুমাত্র সন্দেহ করিতে কেহই সাহসী হইবেন না। এই শ্রীহর্ষ রাঢ়ীয় শ্রেণীস্থ ভরদ্বাজ গোত্রের আদিপুরুষ। আদিপুরুষ হইতে অধস্তন ষোড়শ পুরুষ গোপীনাথ সার্কভৌম ভট্টাচার্য বাঙ্গালার এক জন প্রধান পণ্ডিত ছিলেন। পুত্রকলত্রাদি বহু পরিবারের ভরণ পোষণাদির ব্যয়ভার বহন করিয়াও তিনি শান্তিপুরে একটি

* এই প্রবন্ধে যে সকল পত্রাদি সন্নিবেশিত করিয়াছি তাহা পূর্বে কখন প্রকাশিত হয় নাই। পুস্তকাকারে প্রকাশিত হইবার সময় আরও অনেক অপ্রকাশিত পত্রাদি প্রকাশিত হইবে।

চতুষ্পাঠী* স্থাপন করেন এবং বহুসংখ্যক অবৈতনিক ছাত্রকে বিদ্যালয় করিতেন। প্রায় ষোল বিঘা ভূমি ব্যাপিয়া তিনি এক ভদ্রাসন নির্মাণ করেন। তাঁহার পুত্রদিগের জন্ত স্বতন্ত্র টোল বা চতুষ্পাঠী স্থাপিত হয়। কৃতবিদ্য আত্মীয়েরা এই বৃহৎ ভদ্রাসনে ২৪ টি চতুষ্পাঠী স্থাপন করিয়া বিদ্যালয় করিতেন। এই ক্ষুদ্র বিশ্ব-বিদ্যালয়ে গ্রাম দর্শন স্মৃতি কাব্য ইত্যাদি বিষয়ের আলোচনা হইত এবং ছাত্রদিগকে শিক্ষা প্রদান করা হইত। প্রতিবৎসর বহুসংখ্যক ছাত্র বাঙ্গালার বিভিন্ন স্থান হইতে বিদ্যার্থী হইয়া শান্তিপুরে আগমন করিতেন এবং গুরুসেবার বিনিময়ে অমূল্য জ্ঞানলাভ করিয়া স্বদেশে প্রত্যাবর্তন করিতেন। এই সকল ছাত্রের ভরণপোষণাদির ব্যয় ভার সার্কভৌমকেই বহন করিতে হইত।

যে স্থান হইতে তাঁহার পূর্বপুরুষগণ বাঙ্গালায় আসিয়াছিলেন, তাহা দেখিবার জন্ত সার্কভৌম উত্তর পশ্চিমাঞ্চলে গমন করেন। বারানসীাদি তীর্থস্থান দেখিয়া তিনি পরিশেষে কাণ্যকুজ ধামে উপস্থিত হন। তখন ভারত মুসলমান সম্রাটদিগের করতলগত। পারসী এবং উর্দু তখনকার রাজভাষা। এই দুই ভাষা আয়ত্ত করিতে না পারিলে স্বকর্য্য সিদ্ধির পথে অনেক প্রতিবন্ধক উপস্থিত হইবার আশঙ্কায় তিনি ঐ ভাষা আয়ত্তীকৃত করিবার জন্ত কাণ্যকুজে এক মৌলবির শিষ্যত্ব স্বীকার করেন। অল্প সময় মধ্যে তাঁহার পারসী এবং উর্দু ভাষায় অধিকার জন্মিয়াছিল। রাজভাষায় স্বেচ্ছানুরূপ কথোপকথন করিবার সামর্থ্য জন্মাইলে তিনি কাণ্যকুজ পরিত্যাগ করতঃ মুসলমান রাজধানী দিল্লীনগরে গমন করেন। স্বকীয় বিদ্যার প্রভাবে ও নৈসর্গিক গুণগ্রামে এবং উর্দুতে কথোপকথনের ক্ষমতাহেতু তিনি অনতি-বিলম্বে দিল্লীসম্রাটের এবং অমাত্য ও প্রধান রাজকর্মচারীদিগের শ্রদ্ধাভাজন হইয়াছিলেন। ব্রাহ্মণের মুখে উর্দু ভাষা শুনিয়া তাঁহারা চমৎকৃত হন এবং সার্কভৌম সম্রাট সমীপে গমন করিবার অভিপ্রায় প্রকাশ করিলে রাজকর্মচারীরা তাঁহাকে সম্রাট সমীপে লইয়া যান।

* এই চতুষ্পাঠীর দৃশ্য অদ্যাপি শান্তিপুরে বর্তমান রহিয়াছে। শান্তিপুরের লোকেরা এখন ইহাকে সার্কভৌমের চাঁদনী বলিয়া নির্দেশ করেন।

মুসলমান সম্রাটগণ, সকলে না হউন অনেকেই, সংস্কৃত অভিজ্ঞ পুরুষগণকে যথেষ্ট সম্মান করিতেন এবং আপনাদিগের দরবারে লইয়া গিয়া তাঁহাদিগের সহিত কথোপকথন করিতেন। রাজ্যশাসন কিরূপ হইতেছে, রাজকর্মচারীরা প্রজাবর্গের সহিত কিরূপ ব্যবহার করেন, ইত্যাদি বিষয় সম্বন্ধে জিজ্ঞাসাদি করিতেন। সার্কভৌম একে পণ্ডিত, তাহাতে পারসী এবং উর্দু ভাষায় যথেষ্ট জ্ঞান আছে শুনিয়া সম্রাটঅত্যন্ত প্রীতিলাভ করেন এবং তাঁহাকে প্রকাশ্য দরবারে রাজ্যসংক্রান্ত ও অগ্রান্ত বিষয়ে প্রশ্ন করিলে সার্কভৌম এতই সুন্দররূপে ঐ সকল প্রশ্নের উত্তর প্রদান করেন যে, সম্রাট তাঁহাকে পুরস্কার স্বরূপ অনেক আয়মা জমি এবং চৌবানী এবং পাটাইগাছি নামক দুইখানি গ্রাম নিষ্কর পুত্রপৌত্রাদি ক্রমে উপভোগ করিবার আজ্ঞা প্রদান করেন। পাটাইগাছি এখন বর্ধমান কালেক্টরির অধীন। ইহার কালেক্টরিনম্বর : ২৯৬ এবং বার্ষিক খাজনা ১১২৯/১৫। এই গ্রাম প্রায় ২৭৪ বিঘা ভূমিতে পরিব্যাপ্ত। ইহাব্যতীত শান্তিপুরের অধীন বৈঁচা নামক গ্রাম তিনি নিষ্করে ভোগ করেন।

দিল্লী হইতে প্রাত্যাগমনের অল্পদিন মধ্যেই সার্কভৌম মানবলীলা সম্বরণ করেন। তাঁহার চারিপুত্র, মহাদেব তর্কপঞ্চানন, রামভদ্র সিদ্ধান্ত, গোবিন্দচন্দ্র গ্রামবাগীশ, শিবরাম সিদ্ধবাচস্পতি। পৈতৃক বিষয়বিভাগের সময় জ্যেষ্ঠ ও মধ্যম চৌবানী এবং তৃতীয় ও কনিষ্ঠ পাটাইগাছি গ্রাম প্রাপ্ত হন। পিতার গ্রাম বশস্বী না হইলেও সার্কভৌমের পুত্রগণ পিতার মান সঙ্গম রক্ষা করিতে পারিয়াছিলেন। মহাদেব তর্কপঞ্চাননের পঞ্চপুত্র,— রত্নেশ্বর গ্রামালঙ্কার, চন্দ্রশেখর বিদ্যালঙ্কার, রামরাম, জয়দেব এবং মনোহর। রত্নেশ্বর গ্রামালঙ্কারের পঞ্চপুত্র,— হরিনাথ, কৃষ্ণদাস, রামকিশোর, ব্রজকিশোর এবং আনন্দরাম তর্কালঙ্কার। কনিষ্ঠ আনন্দরাম তর্কালঙ্কার চাঁদপুরে বিবাহ করেন এবং শান্তিপুর ত্যাগ করিয়া চাঁদপুরে বাস করেন। তীর্থস্থান পর্য্যটন করিবার জন্ত সংসার হইতে বিদায় গ্রহণ করিয়া তিনি পুনরায় গৃহে প্রত্যাবর্তন করেন নাই। প্রায় ১২ বৎসর অতীত হইলে তাঁহার চারিপুত্র— রামলোচন, নবকুমার, রামচন্দ্র এবং ভবানিশঙ্কর কুশে পিতৃদেবের মূর্ত্তি নির্মাণ করিয়া অস্ত্যোষ্টিক্রিয়া সমাধা

করিয়া শ্রাদ্ধাদি কার্য্য শেষ করেন। শম্ভুচন্দ্রের পিতামহ নবকুমার মুখোপাধ্যায় ইংলিশ ইষ্ট ইণ্ডিয়া কোম্পানির বঙ্গ বেহার উড়িষ্যার দেওয়ানি প্রাপ্তির সময় জন্ম গ্রহণ করেন। বাল্যকালে সংস্কৃত ভাষা অধ্যয়ন করিয়া পরিশেষে পারস্য ভাষা এবং আইন শিক্ষা করেন। ১৭৯০ খৃষ্টাব্দে বর্ধমান জেলায় সন্ন্যাসী বিদ্রোহ উপস্থিত হইলে অনেক ভূম্যধিকারী ক্ষতিগ্রস্ত হন। সেই সময় নবকুমার শান্তিপুর হইতে পৈতৃক সম্পত্তি রক্ষার জন্ত কলিকাতায় আসেন। অধিক কাল কলিকাতায় বাস করায় তিনি গঙ্গার পরপারস্থিত শিবপুরে দ্বিতীয়বার বিবাহ করেন। নবকুমারের শাশুড়ী ঠাকুরাণী তাঁহার পিত্রালয় বরাহনগরে অনেক সময় বাস করিতেন, সেই হেতু নবকুমারকেও বরাহনগরে পত্নী সহিত থাকিতে হয়। নবকুমারের মামাশঙ্কর বরাহনগরে ডাচ কোম্পানির অধীনে এক বড় চাকরী করিতেন। তাঁহার সাহায্যে নবকুমার তখনকার কলিকাতার পুলিশ আদালতের ধনাধক্ষের পদ পান। এবং পরে সুপ্রিমকোর্টের দেওয়ান রামজয় মুখোপাধ্যায়ের খাজাঞ্চি হন। ১৮২৫ খৃঃ অব্দে যখন বরাহনগর ডাচ কোম্পানির নিকট হইতে ইংলিশ ইষ্টইণ্ডিয়া কোম্পানি ক্রয় করেন তখন নবকুমার বরাহনগরবাসীদিগের জন্ত বহুল পরিশ্রম করিয়া প্রজাস্বত্বের অনেক সুবিধা করেন। এই বৎসরের শেষে নবকুমার ইহলোক পরিত্যাগ করেন। নবকুমারের দুই সংসার, প্রথম পত্নীর গর্ভে গোবিন্দচন্দ্র এবং শেষ পত্নীর গর্ভে মথুরানাথ নামক দুই পুত্র জন্মগ্রহণ করেন। শম্ভুচন্দ্রের পিতা মথুরা নাথ* অতি শৈশবে পিতৃহীন হন। বিধবা মাতার যত্নে মথুরানাথ সামান্ত বিদ্যালভ করেন। মথুরানাথ হুগলি জেলার অন্তর্গত তারামাটপুরে নিবাসী রামচন্দ্র বন্দ্যোপাধ্যায়ের জ্যেষ্ঠা কন্যার পাণিগ্রহণ করেন। ইহার গর্ভের একমাত্র সন্তান শম্ভুচন্দ্র। মথুরানাথের শঙ্কর চিংপুরে বিলাতি পণ্য দ্রব্যের ব্যবসা করিয়া জীবিকানির্ভর করিতেন। তাহা দেখিয়া তিনিও এইরূপ কার্য্য করতঃ স্বাধীন ভাবে জীবন যাপন করিতে মনস্থ করেন। রাধাবাজারে † মথুরা

* সাধারণে তাঁহাকে মথুরামোহন বলিয়া ডাকিত।

† ৬২ নং রাধাবাজার স্ট্রীটে এই দোকান অবস্থিত ছিল।

নাথ শঙ্করের শ্রায় এক দোকান স্থাপিত করেন। পৈতৃক সম্পত্তির আয় ভিন্ন মথুরানাথ এই কারবার হইতে বিলক্ষণ লাভ পাইতেন, বরাহনগরে তাঁহাকে ধনাঢ্য ব্যক্তি বলিয়া লোকে জানিত।

নিজে সংস্কৃত ভাষায় অভিজ্ঞতা লাভ করিতে না পারায় মথুরানাথের মনে বিশেষ একটি আক্ষেপের কারণ ছিল। সেই কারণে পুত্র শম্ভুচন্দ্রের জন্মগ্রহণের সময় হইতে তাঁহাকে বিশেষরূপে সংস্কৃত ভাষায় পণ্ডিত করিবার ইচ্ছা তাঁহার মনে বলবতী হয়। কয়েক খানি বাঙ্গালা পুস্তকের পাঠ সমাধা করিলে মথুরানাথ পুত্রকে মুখবোধ ব্যাকরণ এবং অমরকোষ অভিধান পড়ান। এবং তাঁহার বাটির নিকটস্থ এক পণ্ডিতকে* পুত্রের শাস্ত্র শিক্ষার জন্ত নিযুক্ত করেন। খৃঃ ১৮৪৪ হইতে ১৮৪৭ পর্যন্ত শম্ভুচন্দ্র সংস্কৃত শিক্ষা করেন। খৃঃ ১৮৪৮ অব্দের প্রারম্ভে একদিন তিনি খেলা করিতে বরাহনগরস্থ ফ্রিচার্চ মিসন বিদ্যালয়ে গমন করেন। বাল্যকালে শম্ভুচন্দ্র খেলায় অত্যন্ত পটু ছিলেন। তাঁহার খেলার সাথীরা তাঁহাকে মিসন বিদ্যালয়ে শিক্ষালাভ করিতে অনুরোধ করিলে পিতা মাতার অজ্ঞাতসারে তিনি বিদ্যালয়ে ইংরাজি শিক্ষা করিতে আরম্ভ করেন। কিয়ৎ কাল পরে শম্ভুচন্দ্রের মাতা এ বিষয় জানিতে পারেন, কিন্তু বিরক্ত না হইয়া বরং যাহাতে শম্ভুচন্দ্র ওই বিদ্যালয়ে ইংরাজি শিক্ষা করিতে তাঁহার পিতার নিকট কোন প্রকার বাধা না পান তজ্জন্ত বিশেষ চেষ্টাশীল হন। পুত্রকে স্বেচ্ছভাষায় সুপণ্ডিত করিবার ইচ্ছা মথুরানাথের আদৌ ছিল না, কিন্তু যখন দেখিলেন যে ঘটনাচক্র তাঁহার বাসনা পূর্ণ হইবার পথে প্রতিবন্ধক তখন তিনি তাঁহার সহধর্মিণীর সহিত একমত হইয়া শম্ভুচন্দ্রকে ইংরাজি ভাষা শিখিতে আদেশ করেন। কয়েক মাস মিসন

* বাল্যকালে শম্ভুচন্দ্র অত্যন্ত হুরন্ত ছিলেন। তজ্জন্ত গুরু মহাশয়ের নিকট মধ্যে মধ্যে ভৎসিত এবং প্রহারিত হইতেন। এক দিন গুরু মহাশয়ের কলিকার ভিতর তিনি মরিচের বাঁচি ক্ষেপণ করেন। বৃদ্ধ তামাক খাইয়া অত্যন্ত কাসিতে থাকে এবং শেষে দম আটকাইয়া পঞ্চ পাইবার উপক্রম হয়। শম্ভুচন্দ্র এইরূপ করিয়াছেন জানিয়া গুরুমহাশয় তাঁহাকে শাস্তি দিবার জন্ত এক দিন পিপীলিকাপূর্ণ জালার মধ্যে ফেলিয়া দিয়াছিলেন।

বিদ্যালয়ে শম্ভুচন্দ্র ইংরাজি শিক্ষা করেন। ১৮৪৮ খৃঃ অব্দের নভেম্বর মাসে মিসন বিদ্যালয়ের চারিটি ব্রাহ্মণ ছাত্র খৃষ্ট ধর্ম গ্রহণ করিলে অন্যান্য সকল বালক বিদ্যালয় পরিত্যাগ করে এবং বিদ্যালয়টি ছাত্রাভাবে বন্ধ হইয়া যায়। কাজেই কয়েক দিনের জন্ত শম্ভুচন্দ্রকে বাটিতে বসিয়া ইংরাজি শিক্ষা করিতে হয়। ১৮৪৯ খৃঃ অব্দে ৬ গোরদাস বসাক শম্ভুচন্দ্রের বাটির নিকটে একটি ইংরাজি শিক্ষার উপযোগী বিদ্যালয় স্থাপন করেন। এই বিদ্যালয়ে শম্ভুচন্দ্র এক বৎসর বিদ্যালয় করেন। তৎপর গরাণহাটাস্থিত ৬গোরমোহন আচার্য* প্রতিষ্ঠিত ওরিয়ান্টাল সেমিনারিতে ১৮৫০ খৃঃ অব্দের প্রারম্ভ হইতে বিদ্যালয় করিতে আরম্ভ করেন। প্রতিদিস মথুরানাথ পুত্রকে বিদ্যালয়ে রাখিয়া রাধাবাজারে তাঁহার ব্যবসায়স্থলে যাইতেন। এই বিদ্যালয়ে শম্ভুচন্দ্র ৬ কৃষ্ণদাস পালের সমপাঠি ছিলেন। বিদ্যালয়ের ছুটি হইলে পর পিতার না আসা পর্যন্ত কখন কখন শম্ভুচন্দ্র কলিকাতা পাবলিক লাইব্রেরীতে বসিয়া পুস্তক পড়িতেন, কখন বা অন্যান্য বালকের সহিত সাহিত্য বিষয়ক চর্চা লইয়া নিযুক্ত থাকিতেন। বিদ্যালয়ের উচ্চ শ্রেণীর বালকেরা একটি ডিবেটিং ক্লাব স্থাপনা করিয়া তথায় সাহিত্য বিষয়ক বক্তৃতা দি করিত; শম্ভুচন্দ্র সময়ে সময়ে উক্ত সভায় যাইয়া বক্তৃতা দি শ্রবণ করিতেন। নিম্ন শ্রেণীর বালক বলিয়া শম্ভুচন্দ্র উচ্চ শ্রেণীর বালকদিগের সহিত সহজে মিশিতে পারিতেন না, কিন্তু ইহাতে তাঁহার জ্ঞানভূষণ দিনে দিনে বৃদ্ধিত হইতে লাগিল। কিরূপে উচ্চ শ্রেণীর বালকদিগের শ্রায় সাহিত্য বিষয়ক প্রবন্ধাদি লিখিতে এবং তর্কবিতর্ক করিতে পারিবেন সেই জন্ত শম্ভুচন্দ্র সদাসর্বদা চেষ্টাশীল থাকিতেন। উচ্চ শ্রেণীর বালকদিগের কথাবার্তা সমুদয় তিনি অতি মনোযোগের সহিত শ্রবণ করিতেন। গোপনে উচ্চ শ্রেণীর বালকদিগের শ্রায় প্রবন্ধ রচনা করিয়া তাঁহার শিক্ষকের নিকট দেখাইয়া লইতেন।

ওরিয়ান্টাল সেমিনারিতে শম্ভুচন্দ্র দুই বৎসর মাত্র বিদ্যালয় করিয়াছিলেন। ১৮৫৩ খৃঃ অব্দে যখন হিন্দু

* ১৮৪২ খৃঃ গোরমোহন আচার্য গঙ্গায় জলমগ্ন হইয়া প্রাণত্যাগ করেন।

মেট্রপলিটন কলেজ কলিকাতায় স্থাপিত হয় তখন শম্ভুচন্দ্র এইখানে আসিয়া ভর্তি হন।

হিন্দু মেট্রপলিটন কলেজ আমাদের দেশীয়দিগের অর্থে এবং উত্তম উচ্চশিক্ষা বিতরণ করিবার জন্ত প্রথম স্থাপিত হয়। ইতিপূর্বে হিন্দুকলেজেই দেশীয় সম্ভ্রান্ত ব্যক্তিদিগের পুত্রগণের শিক্ষা হইত কিন্তু ১৮৫৩ খৃঃ অব্দে এক অভিনব ঘটনা হেতু হিন্দুকলেজের সহিত দেশীয় ধনাঢ্য ব্যক্তিদিগের শিক্ষা সম্বন্ধীয় সকল বিষয়ে সম্বন্ধ রহিত হইবার উপক্রম হয়। উক্ত বৎসরের প্রারম্ভে হিন্দু কলেজের কর্তৃপক্ষগণ কলিকাতার তদানীন্তন প্রসিদ্ধ বারনারী হীরাবাই এর এক জারজ সন্তানকে হিন্দুকলেজের ছাত্ররূপে গ্রহণ করেন। ইহাতে কলিকাতার ধনাঢ্য ব্যক্তিগণ বিশেষ চাটয়া কলেজের কর্তৃপক্ষদিগকে উক্ত বালককে কলেজ হইতে বহিস্কৃত করিয়া দিবার জন্ত অনুরোধ করেন। কলেজকর্তৃপক্ষ এই অনুরোধ রক্ষা না করায় কলিকাতার তদানীন্তন ধনাঢ্য ব্যক্তিগণ এক সভা আহত করিয়া এক নূতন বিদ্যালয় স্থাপিত করিয়া ভদ্রলোকদিগের পুত্রগণের যাহাতে বিদ্যালয় হয় তজ্জন্ত মনস্থ করেন। মতিলাল শীলের জ্যেষ্ঠপুত্র হীরালাল শীল, আশুতোষ দেব (ছাতুবা), রাজেন্দ্রনাথ দত্ত,* রাজা রাধাকান্ত দেব, রাজা কালীকৃষ্ণ দেব, রাজা সত্যচরণ ঘোষাল (ভূকৈলাস) বাবু হরিমোহন সেন, কৃষ্ণকিশোর মল্লিক, বৈষ্ণবনাথ মুখোপাধ্যায়† প্রভৃতি এই বিদ্যালয় স্থাপনের প্রধান উদ্যোগী ছিলেন। ১৮৫৩ খৃঃ তরা মে স্প্রিম কোর্টের তদানীন্তন প্রধান বিচারপতি সার জেমস কলভিলের সমক্ষে এই বিদ্যালয় বড়বাজার সিঁড়িরপটির

* সাহেবেরা ইহাকে রাজেন্দ্র দত্ত বলিয়া ডাকিতেন। তাঁহার উদারতায় এবং দয়াদাক্ষিণ্যে মোহিত হইয়া সাধারণে তাঁহাকে রাজাবাবু বলিয়া ডাকিত। রাজেন্দ্র দত্ত খৃঃ ১৮১৮ অব্দে জন্মগ্রহণ করেন এবং ১৮৮৯ খৃঃ অব্দের ৫ই জুন তারিখে স্বর্গলাভ করেন। ইনি প্রসিদ্ধ অক্সফোর্ডের প্রপোজ ইহার পিতার নাম পার্শ্বভীচরণ দত্ত। ইহার জীবনচরিত শম্ভুচন্দ্র কর্তৃক লিখিত হইয়া ১৮৮৯ সালের ৮ই জুন তারিখের রেইস এণ্ড রাইয়টে প্রকাশিত হয়।

† বৈষ্ণবনাথ মুখোপাধ্যায় বিচারপতি ৬ অক্টোবর মুখোপাধ্যায়ের পিতামহ।

বাবু কৃষ্ণকিশোর মল্লিকের বাটিতে‡ প্রথম খোলা হয়। বাবু মতিলাল শীল ইতিপূর্বে যে অবৈতনিক বিদ্যালয় স্থাপন করেন তাহাও এই হিন্দু মেট্রপলিটন কলেজের সহিত মিশ্রিত করা হয়। কলেজ দুই ভাগে বিভক্ত ছিল— সিনিয়র ও জুনিয়র। সিনিয়র বিভাগের অধ্যক্ষ কাপ্তেন ডি, এল, রিচার্ডসন সাহেবকে নিযুক্ত করা হয়। অধ্যক্ষ ব্যতীত কাপ্তেন হারিস, উইলিয়াম মাস্টার্স এবং উইলিয়াম কার্কপ্যাট্রিক নামক তিন জন প্রসিদ্ধ পণ্ডিত সিনিয়র বিভাগের ছাত্রদিগের বিদ্যা শিক্ষার জন্ত নিযুক্ত হইয়াছিলেন। এই বিদ্যালয় স্থাপিত হইলে শম্ভুচন্দ্র, কৃষ্ণদাস পাল প্রভৃতি অনেক ছাত্র এখানে আসিয়া ভর্তি হন। শম্ভুচন্দ্র এবং কৃষ্ণদাস পাল সিনিয়র বিভাগের ছাত্র ছিলেন। শম্ভুচন্দ্রের জ্ঞানভূষণ এখানে আসিয়া আরও বৃদ্ধিত হয়। কাপ্তেন রিচার্ডসন সাহেবের শ্রায় পণ্ডিত আমাদের দেশে কখনও পদার্পণ করেন নাই। তাঁহার শিষ্যত্ব লাভ করিয়া শম্ভুচন্দ্র পরম প্রীতি লাভ করিলেন। কাপ্তেন সাহেবও শম্ভুচন্দ্রকে বিশেষ সাহিত্যানুরাগী দেখিয়া তাঁহার উপর স্নেহমান হন। শম্ভুচন্দ্র যে সকল প্রবন্ধ লিখিয়া দেখাইতেন তাহা তিনি দেখিয়া অতি আগ্রহের সহিত পড়িয়া সাহিত্যবিষয়ে শম্ভুচন্দ্রকে উপদেশ দিতেন। শম্ভুচন্দ্রের অন্ততম শিক্ষক কাপ্তেন হারিস—তিনি সে সময়ে মণিং ক্রণিকেল নামক সাপ্তাহিক পত্রের সম্পাদক ছিলেন। তিনিও শম্ভুচন্দ্রকে সংবাদ পত্রে প্রবন্ধাদি লিখিতে উৎসাহিত করেন। এমন কি শম্ভুচন্দ্রের প্রবন্ধাদি আপনার পত্রিকায় অতি সমাদরের সহিত প্রকাশ করিতেন।

হিন্দু মেট্রপলিটন কলেজে পড়িবার সময় শম্ভুচন্দ্র কৃষ্ণদাস ব্যতীত এই বিদ্যালয়ের প্রধান পৃষ্ঠপোষক রাজেন্দ্রনাথ দত্তের দুই কনিষ্ঠ ভ্রাতা রমেশচন্দ্র ও সুরেশচন্দ্রের সহিত সখ্যতা স্থাপন করেন। ইহা তাঁহার জীবনের একটি প্রধান ঘটনা।

বন্ধু সুরেশ চন্দ্রের অমুকম্পায় শম্ভুচন্দ্র এবং কৃষ্ণদাস পাল হিন্দু ইনস্টিটিউশনের নামক পত্রিকার সম্পাদক প্রসিদ্ধ ইংরাজি কবি কাশীপ্রসাদ ঘোষের সহিত পরিচিত

‡ চিংপুরের রাস্তা এখন যেখানে হারিসন রোডের সহিত মিলিয়াছে তথায় এই বাটি অবস্থিত ছিল।

হন। পঠদশার শত্ৰুচন্দ্র এবং কৃষ্ণদাস কাশীপ্রসাদ ঘোষের কাগজে প্রতিসপ্তাহে প্রবন্ধাদি লিখিতেন। এইসময়ে শত্ৰুচন্দ্র এবং কৃষ্ণদাস গোপনে একখানি মাসিক পত্রিকা প্রকাশ করেন। তাহার নাম ছিল কলিকাতা মান্থলি ম্যাগাজিন। শত্ৰুচন্দ্র এবং কৃষ্ণদাস পালের শৈশবের বন্ধু প্রসাদ দাস দত্ত এই মাসিক পত্রিকার সমস্ত খরচ নির্বাহ করিয়াছিলেন। কিন্তু এই পত্রিকা স্থায়ী হয় নাই। কয়েক খণ্ড বাহির হইবার পর ইহা বন্ধ হইয়া যায়। ১৮৫৬ খৃঃ অব্দের প্রারম্ভে হিন্দু মেট্রপলিটন কলেজের লীলা শেষ হয় এবং শত্ৰুচন্দ্রের পঠদশাও সেই সঙ্গে সমাপ্ত হয়। হিন্দু মেট্রপলিটন কলেজে পড়িবার সময় শত্ৰুচন্দ্র আরও দুইজন পণ্ডিতের সহিত সখ্যতা স্থাপন করেন। তদানীন্তন হিন্দুপেট্রিয়টের সম্পাদক হরিশ্চন্দ্র মুখোপাধ্যায়ের রচনা নৈপুণ্যে বিমোহিত হইয়া তিনি হরিশ্চন্দ্রের সহিত সাক্ষাৎ করিবার মানস কাশী-প্রসাদ ঘোষের নিকট ব্যক্ত করিলে, কাশী-প্রসাদ ঘোষ শত্ৰুচন্দ্রকে এক পরিচায়ক পত্র দেন। এই পত্র লইয়া শত্ৰুচন্দ্র প্রাতঃস্মরণীয় হরিশ্চন্দ্রের সহিত প্রথম সাক্ষাৎ করেন।

অপর খ্যাতনামা পুরুষের নাম গিরিশ্চন্দ্র ঘোষ। ইনি হিন্দু পেট্রিয়টের অগ্রতম প্রতিষ্ঠাতা। কাশীপ্রসাদ ঘোষ, গিরিশ্চন্দ্র ঘোষ এবং হরিশ্চন্দ্র মুখোপাধ্যায় এই তিন জনকে শত্ৰুচন্দ্র তাঁহার সাহিত্য গুরু বলিয়া মান্য করিতেন। ১৮৫৩ খৃষ্টাব্দের ফেব্রুয়ারী মাসে শত্ৰুচন্দ্র কলিকাতা জোড়ামাঁকো নিবাসী রাধানাথ বটব্যালের জ্যেষ্ঠাকণ্ঠার সহিত পরিণীত হন।

হিন্দু মেট্রপলিটন কলেজ বন্ধ হইলে শত্ৰুচন্দ্রের পঠদশা শেষ হয়। ইহার পর তিনি আইন শিক্ষার জন্ত মেকার-টিচ্ নামক এটর্নির আপিসে আরটিকেল ক্লাক নিযুক্ত হন। ইহা তাঁহার পিতার ইচ্ছা, কিন্তু শত্ৰুচন্দ্রের ইহা মনঃপুত হয় নাই। ১৮৫৬ খৃঃ অব্দের শেষে মণিংক্রনিকেল নামক সংবাদ পত্রের সম্পাদক কাপ্তেন হারিস উক্ত কাগজের স্বত্বাধিকারী লভ সাহেবের সহিত বগড়া করিয়া পদত্যাগ করিলে, লভ সাহেব শত্ৰুচন্দ্রকে সম্পাদক নিযুক্ত করেন। কিন্তু কিছুদিন পরে উক্ত স্বত্বাধিকারী শত্ৰুচন্দ্রের বাল-কোচিত ব্যবহারে অসন্তুষ্ট হইয়া কাগজ প্রকাশ করিতে

নিরস্ত হন। কাজে কাজেই শত্ৰুচন্দ্রকে পুনরায় এটর্নির আপিসে কার্য করিতে হয়। ১৮৫৭ খৃঃ অব্দে সিপাহি বিদ্রোহ আরম্ভ হইলে দেশ মধ্যে ঘোর আতঙ্ক উপস্থিত হয় এবং লর্ড ক্যানিং সংবাদ পত্রের মুখ বন্ধ করিবার জন্ত এক আইন পাস করেন। বেঙ্গল হরকরার সম্পাদক ভৎসিত হন, ফ্রেণ্ড অব ইণ্ডিয়ান সম্পাদক হেনরি মিডকে তাঁহার কার্যালয় হইতে সৈন্ত সাহায্যে বহিস্কৃত করিয়া দেওয়া হয় এবং পারশ্ব ভাষায় রচিত ছরবিন নামক সংবাদ পত্রের মুসলমান সম্পাদক কারারুদ্ধ হইলেন। কাশীপ্রসাদ ঘোষ ভয়ে তাঁহার হিন্দু ইনস্টেলেজেনসার নামক কাগজ বন্ধ করেন এবং মুদ্রাবন্ধ বিক্রয় করেন। এই সকল ঘটনা দেখিয়া শত্ৰুচন্দ্র সিপাহী বিদ্রোহের কারণ সকল নির্দেশ করিয়া এক পুস্তক লেখেন এবং তাহা প্রকাশ করিবার জন্ত বিলাতে ম্যালকলম লিউইন সাহেবের নিকট প্রেরণ করেন। লিউইন সাহেব ইহার এক অবতরণিকা লিখিয়া বিলাতের ষ্টানফোর্ড কোম্পানির দ্বারা এই পুস্তক বাহির করেন।

এই বৎসরাবধি শত্ৰুচন্দ্র কখন বা পিতার দোকানে কখন বা এটর্নির আপিসে কখন বা কলিকাতা পবলিক লাইব্রেরিতে থাকিয়া সময় ক্ষেপণ করেন। ১৮৫৮ খৃঃ অব্দে বিদ্রোহ-বহিঃ প্রশমিত হইলে এবং কোম্পানির শাসন শেষ হইলে, কন্মক্ষেত্রে অনেক সুবিধা ঘটে। এই বৎসর কলিকাতার ব্রিটিশ ইণ্ডিয়ান সভার কার্য অনেক পরিমাণে বৃদ্ধি হইলে, উক্ত সভার তদানীন্তন সহকারী সম্পাদক মহাত্মা হরিশ্চন্দ্র মুখোপাধ্যায় তাঁহার এক জন সহকারীর প্রয়োজন বোধ করেন। সভায় হরিশ্চন্দ্রের প্রস্তাব গৃহীত হয়। কাশীপ্রসাদ ঘোষ এই বিষয় জানিতে পারিয়া শত্ৰুচন্দ্রকে এই কার্যের প্রার্থী হইতে বলেন। শত্ৰুচন্দ্র এবিষয় তাঁহার পিতাকে জানান। মথুরা নাথ পাকপাড়ার রাজা প্রতাপচন্দ্র এবং ঈশ্বরচন্দ্রের সহিত পরিচিত ছিলেন, এই কারণে তাঁহাদের সাহায্যে এই কার্য পূত্রকে দেওয়াইবেন এই রূপ মনস্থ করেন। শুভদিন দেখিয়া রাজাদিগের সহিত সাক্ষাৎ করিবেন ভাবিয়া কয়েক দিন গত হয়। পরে রাজাদিগের সহিত সাক্ষাৎ করিয়া অবগত হন যে, এই কার্যের সমস্ত ভার হরিশ্চন্দ্র মুখোপাধ্যায়ের উপর স্থস্ত, তিনি বাহাকে

মনোনীত করিবেন, তিনিই এই কার্য পাইবেন। পিতা পুত্রকে এই সংবাদ যথাসময়ে জানান। ইতিপূর্বে যে ঘটনা হেতু শত্ৰুচন্দ্রকে ব্রিটিশ ইণ্ডিয়ান সভার কার্য হইতে বঞ্চিত হইতে হয় তাহা নিম্নে বিবৃত হইল। কাশীপ্রসাদ ঘোষের নিকট এই কার্যের সংবাদ পাইবার পর, শত্ৰুচন্দ্র তাঁহার বন্ধু কৃষ্ণদাস পালকে একদিন কথা প্রসঙ্গে এই কার্যের সংবাদ বলিয়া ফেলেন। কিন্তু কৃষ্ণদাস পাল শত্ৰুচন্দ্রের নিকট প্রতিশ্রুত হন যে এই কার্য পাইবার জন্ত তিনি চেষ্টা করিবেন না। কৃষ্ণদাস পাল কিন্তু এই প্রতিজ্ঞা রক্ষা করেন নাই। রাজা রমানাথ ঠাকুর এবং বাবু হরচন্দ্র ঘোষের সাহায্যে তিনি অতি সত্বরে হরিশ্চন্দ্র মুখোপাধ্যায়ের সহিত সাক্ষাৎ করিয়া এই কার্য প্রাপ্ত হন। যে দিন প্রাতঃকালে হরিশ্চন্দ্র মুখোপাধ্যায় কৃষ্ণদাস পালকে সহকারী নিযুক্ত করেন, সেই দিবস ১০ ঘটিকার সময় শত্ৰুচন্দ্র পিতার নিকট হইতে পাকপাড়া রাজাদিগের খবর পাইয়া, হরিশ্চন্দ্র মুখোপাধ্যায়ের সহিত মিলিটারি অডিটার জেনারেল আপিসে দেখা করেন। হরিশ্চন্দ্র কৃষ্ণদাসকে এই কার্যে, সেই দিবস প্রাতঃকালে নিযুক্ত করিয়াছেন জানান এবং এই কার্য শত্ৰুচন্দ্রকে দিতে না পারায় অত্যন্ত দুঃখিত হন।

বিফল মনোরথ হইয়া প্রত্যাভর্তনের অনতিবিলম্বে পুনরায় হরিশ্চন্দ্র মুখোপাধ্যায় তাঁহাকে ডাকাইয়া হিন্দু পেট্রিয়টের সহকারী সম্পাদক নিযুক্ত করেন। কিন্তু এই কার্য শত্ৰুচন্দ্র অধিক দিন করিতে পারেন নাই। নিম্নলিখিত কারণ বশতঃ তিনি স্বয়ং এই কন্ম পরিত্যাগ করেন। ১৮৫৯ খৃঃ অব্দের প্রারম্ভে কলিকাতার ব্রিটিশ ইণ্ডিয়ান সভা বাহাতে সিভিল সারভিস পরীক্ষা এদেশে হয় তজ্জন্ত তদানীন্তন সেক্রেটারি অব স্টেট সার চার্লস উড সাহেবের নিকট এক আবেদন পাঠান এবং এই আবেদন পত্র হিন্দুপেট্রিয়টে সম্পাদকের মন্তব্য সনেত ছাপা হয়। এই আবেদন পত্র হরিশ্চন্দ্র মুখোপাধ্যায়ের লেখা। হিন্দু পেট্রিয়টে এই আবেদন পত্র প্রকাশ হইলে ত্রীরামপুরের ফ্রেণ্ড অব ইণ্ডিয়া নামক সাপ্তাহিক সংবাদপত্রের স্বত্বাধিকারী এবং সম্পাদক মেরিডিং টাউনসেণ্ড সাহেব তীব্র উপহাস পূর্ণ এক প্রবন্ধ তাঁহার কাগজে প্রকাশ করেন। টাউনসেণ্ড সাহেবের প্রবন্ধ পড়িয়া শত্ৰুচন্দ্র বিশেষ চটিয়া

মান এবং এক তীব্র প্রতিবাদ রচনা করেন।* প্রবন্ধ ছাপা হইবার পূর্বে শত্ৰুচন্দ্র হরিশ্চন্দ্রকে তাহার এক প্রফ প্রেরণ করেন। প্রফ দেখিয়া হরিশ্চন্দ্র তাহার কিয়দংশ অভদ্রজনোচিত ভাষায় লিখিত মনে করিয়া বাদ দেন। পুনরায় প্রফ সংশোধনের সময় উক্ত পরিত্যক্ত অংশ বাদ না দিয়া যেরূপ লেখা হইয়াছে সেইরূপই বাহির করার জন্ত শত্ৰুচন্দ্র হরিশ্চন্দ্রকে অনুরোধ করেন। শত্ৰুচন্দ্র একে বালক ও অপরিণামদর্শী তাহাতে আবার হরিশ্চন্দ্র অত্যন্ত প্রিয়পাত্র ছিলেন। কাজে কাজেই হরিশ্চন্দ্র যখন দেখিলেন যে শত্ৰুচন্দ্র একেবারে নাছোড়বান্দা তখন শত্ৰুচন্দ্রকে সন্তুষ্ট রাখিবার জন্ত প্রবন্ধ যেরূপ লেখা হইয়াছিল সেইরূপ বাহির হইতে আজ্ঞা দেন। প্রবন্ধ বাহির হইবার পর দিবস শত্ৰুচন্দ্র যেরূপ সময়ে প্রত্যহ আফিসে আসেন সেইরূপ আসেন। আসিয়া দেখিলেন টেবিলের উপর কয়েকখানি পত্র সম্পাদকের নামে আসিয়া রহিয়াছে। সম্পাদকের সমুদয় পত্রাদি শত্ৰুচন্দ্রের দেখিবার ক্ষমতা ছিল। পত্রগুলি খুলিতে খুলিতে দেখেন যে তাহার মধ্যে তদানীন্তন প্রসিদ্ধ প্রেসিডেন্সি কমিসনার ডবলিউ, জে, হারসেল সাহেবের একখানি চিঠি। এই চিঠিতে হারসেল সাহেব শত্ৰুচন্দ্রের প্রবন্ধ বিষয়ে হরিশ্চন্দ্রকে তীব্রভাবে লিপিয়াছেন। পত্র পাঠ করিয়া শত্ৰুচন্দ্র অত্যন্ত ভীত হন এবং হরিশ্চন্দ্রকে অনর্থক বিরক্তভাজন করাইয়াছেন দেখিয়া মনে মনে ক্ষুব্ধ হন। এই ক্ষোভের বশবর্তী হইয়া তিনি আর কার্য করিবেন না স্থির করিয়া তৎক্ষণাৎ হিন্দুপেট্রিয়টের আফিস ত্যাগ করেন। কার্য পরিত্যাগ বিষয়ে হরিশ্চন্দ্রকে কোন কথা বলাই নাই। পরিশেষে হরিশ্চন্দ্র বাবু হারসেল সাহেবের চিঠি পড়িয়া সমস্ত বিষয় অবগত হন এবং শত্ৰুচন্দ্রকে কার্য পরিত্যাগ করিতে নিষেধ করেন। কিন্তু শত্ৰুচন্দ্র লজ্জায় হরিশ্চন্দ্রের সহিত দেখা পধ্যস্ত করেন নাই।

হিন্দুপেট্রিয়টের সহকারী সম্পাদকতা পরিত্যাগের পর শত্ৰুচন্দ্রের পরম হিতকারী বাবু রাজেন্দ্রনাথ দত্ত তাঁহার নিজের ব্যবসারে দত্ত লিন্‌জী নামক কোম্পানীর

* এই প্রবন্ধে তিনি বীশুখুইকে জারজ মতান বলিয়া বর্ণনা করেন।

আপিসে তাঁহাকে একটি কাজে নিযুক্ত করেন। তখন দেশ মধ্যে ইনকাম টেক্স লইয়া ঘোর আন্দোলন চলিতেছিল। সিপাহি বিদ্রোহে ভারত ধনাগার শূন্য হয়। অর্থের অনটন ছুরীকরণার্থে বিলাতের প্রসিদ্ধ অর্থনীতি বিশারদ জেমস উইলসন সাহেবকে ভারতে প্রেরণ করা হয়। উইলসন সাহেব তিনটি নূতন কর স্থাপন করিয়া অর্থানটন নিবারণ করিবার জন্ত লাট ক্যানিংকে পরামর্শ দেন। তন্মধ্যে ইনকমটেক্স বা আয় কর একটি। লাট রাজি হইলে লাট সভায় আইন পেশ হইল। এই আইনের বিরুদ্ধে এক তীব্র প্রবন্ধ লিখিয়া শম্ভুচন্দ্র পুস্তকাকারে প্রকাশ করেন। এই পুস্তকে তিনি লাট ক্যানিং এবং অর্থ-সচিব জেমস উইলসন সাহেবের উপর বিশেষ কটুক্তি বর্ষণ করিলেও ইহার রচনা-নৈপুণ্য এবং যুক্তিমার্গ সকলেই মুক্তকণ্ঠে স্বীকার করিয়াছিলেন। হরিশ্চন্দ্র মুখোপাধ্যায় স্বয়ং হিন্দুপেট্রিয়ট পত্রিকায় এই পুস্তকের সমালোচনা করিয়াছিলেন।

১৮৬০ খৃঃ অর্ধে জুনমাসে হিন্দু পেট্রিয়টের সম্পাদক হরিশ্চন্দ্র মুখোপাধ্যায় মৃত্যুশয্যায় শায়িত হইলে তাঁহার জ্যেষ্ঠ ভ্রাতা হারাণচন্দ্র মুখোপাধ্যায় বরাহনগরে যাইয়া শম্ভুচন্দ্রকে পুনরায় পেট্রিয়টের সহকারী সম্পাদক হইবার জন্ত বিশেষ অনুরোধ করেন। অনুরোধ উপেক্ষা করিতে না পারায় শম্ভুচন্দ্র পুনরায় হিন্দু পেট্রিয়টের সহকারী সম্পাদক হন। ১৮৬১ খৃষ্টাব্দের ফেব্রুয়ারী মাসে তিনি “Mookerjee's Magazine” নামক মাসিক পত্রিকা প্রকাশ করেন। তাঁহার পরম বন্ধু গিরিশচন্দ্র ঘোষ তাঁহার রাজমহল গমন বৃত্তান্ত ইহাতে প্রকাশ করেন। শম্ভুচন্দ্র শোভাবাজারের রাজবংশের প্রতিষ্ঠাতা রাজা নবকৃষ্ণের এক জীবনচরিত ইহাতে প্রকাশ করেন। কিন্তু এই পত্রিকা স্থায়ী হয় নাই, পাঁচ সংখ্যা মাত্র বাহির হয়। শেষ সংখ্যায় হরিশ্চন্দ্র মুখোপাধ্যায়ের জীবনচরিতের প্রথম অংশ প্রকাশিত হইয়াছিল।

১৮৬১ খৃঃ অর্ধের জুন মাসে হরিশ্চন্দ্র মুখোপাধ্যায় ইহলোক পরিত্যাগ করেন। মৃত্যু সময়ে হরিশ্চন্দ্র অত্যন্ত ঋণজালে জড়িত ছিলেন এবং পরিবারবর্গের ভরণপোষণের কিছু করিয়া যাইতে পারেন নাই। শম্ভুচন্দ্র এবং হরিশবাবুর জ্যেষ্ঠভ্রাতা হিন্দুপেট্রিয়টের কার্য পরিচালন সম্বন্ধে বন্দোবস্ত

করিবার মানসে হরিশবাবুর বন্ধুবান্ধবগণকে আহ্বান করেন। বাবু রাজেন্দ্রনাথ দত্ত, গিরিশচন্দ্র ঘোষ, কালীপ্রসাদ ঘোষ, ক্ষেত্রমোহন ঘোষ প্রভৃতি সকলে একত্রিত হইয়া স্থির করেন যে, হিন্দুপেট্রিয়ট বাবু কালীপ্রসন্ন সিংহের নিকট ৫০০০ টাকা মূল্যে বিক্রয় করিয়া হরিশের সমস্ত ঋণ পরিশোধ এবং তাঁহার পরিবারবর্গের ভরণ পোষণ নিরীহ হইবে। হিন্দুপেট্রিয়টের মুদ্রায়ন্ত্র ভবানীপুর হইতে কালীপ্রসন্ন সিংহের জোড়াসাঁকোর বাটিতে আনয়ন করা হয়। হিন্দু পেট্রিয়ট কালীপ্রসন্ন সিংহের সম্পত্তি হইবার পরও শম্ভুচন্দ্র ইহার সম্পাদকতা করেন। পূর্বে হিন্দুপেট্রিয়ট বৃহস্পতি-বারে বাহির হইত, শম্ভুচন্দ্রের আমলে ইহা সোমবারে বাহির হইতে লাগিল। হিন্দুপেট্রিয়টের আকারও ৬ পাতা হইতে ৮ পাতায় বর্দ্ধিত হইল। কালীপ্রসন্ন সিংহের বহুল অর্থের আনুকূল্যে হিন্দুপেট্রিয়টের অবস্থার ক্রমেই শ্রীবৃদ্ধি হইল বটে, কিন্তু ইহাতে দেশের অনেক ধনাঢ্য ব্যক্তি চটিলেন। শম্ভুচন্দ্র স্বভাবতঃ স্বাধীনচেতা পুরুষ, কাজেই তাঁহার কাগজে অনেক অপ্রিয় সত্য বাহির হইতে লাগিল। শম্ভুচন্দ্রের ছায় কালীপ্রসন্ন সিংহও কাহারও ক্ষেপে দৃষ্টিপাত করিতেন না। কাজে কাজেই দেশের ধনাঢ্য ব্যক্তিদিগের মধ্যে একটা ষড়যন্ত্র আরম্ভ হইল। কালীপ্রসন্ন সিংহ শম্ভুচন্দ্রের পরম বন্ধু, কাজেই শম্ভুচন্দ্রকে তাঁহার দ্বারা হিন্দুপেট্রিয়টের ক্ষমতা হইতে বঞ্চিত করা অসম্ভব। অনেক রকম উপায় নিষ্ফল হইলে চক্রীদিগের মধ্যে দুই জন কালীপ্রসন্ন সিংহের মাতার নিকট উপস্থিত হইয়া তাঁহার সন্তানের অমিতব্যয়িতা শম্ভুচন্দ্রের উপর আরোপ করিয়া মিথ্যা অপবাদ ঘোষণা করিতে লাগিল। কালীপ্রসন্ন সিংহের মাতা তাহাদের কথা মন্ত্রবৎ জ্ঞান করিলেন এবং শম্ভুচন্দ্র বাহাতে আর হিন্দুপেট্রিয়টের সম্পাদক না থাকিতে পারেন তাহার জন্ত ষড়যন্ত্র আরম্ভ করিলেন। ষড়যন্ত্রের ফল ক্রমে ক্রমে ফলিতে লাগিল কিন্তু কালীপ্রসন্ন সিংহের আশ্বাস বাক্যে প্রথমে শম্ভুচন্দ্র ইহা উপেক্ষা করিতে লাগিলেন। কিন্তু পরিশেষে, ১৮৬১ খৃঃ অর্ধের ১৮ই নবেম্বর তারিখের হিন্দুপেট্রিয়টের সংখ্যা প্রকাশ করিয়া দিয়া শম্ভুচন্দ্র কালীপ্রসন্ন সিংহকে কোন কথা না বলিয়া বরাহনগরে চলিয়া

যান। পরদিন এই কথা জানিতে পারিয়া কালীপ্রসন্ন সিংহ শম্ভুচন্দ্রকে পুনঃ আনয়ন করিবার জন্ত বরাহনগরে গমন করেন এবং তথায় দুই দিন বাবং বাস করেন, কিন্তু শম্ভুচন্দ্র কিছুতেই প্রত্যাবর্তন করিতে রাজি হন নাই। কালীপ্রসন্ন সিংহ মহাসঙ্কটে পড়িলেন। পর সংখ্যা হিন্দুপেট্রিয়ট কিরূপে বাহির করিবেন ইহার জন্ত অন্তোপায় হইয়া পণ্ডিত ঈশ্বরচন্দ্র বিদ্যাসাগরের নিকট পরামর্শ গ্রহণ করেন। বিদ্যাসাগর তখন কালীপ্রসন্নের মহাভারত তরঙ্গমার কার্যে নিযুক্ত ছিলেন। বাবু কুঞ্জলাল বন্দ্যোপাধ্যায়কে * বিদ্যাসাগর মহাশয় এক সংখ্যা হিন্দুপেট্রিয়ট লিখিতে বলেন। এই সংখ্যা প্রকাশিত হইলে ইংরাজি সংবাদ পত্রে হিন্দুপেট্রিয়ট বাগকের দ্বারা লিখিত হইয়াছে বলিয়া তীব্র সমালোচনা বাহির হয়। লজ্জায় বিদ্যাসাগর এবং কালীপ্রসন্ন সিংহ অধোবদন হইলেন। বিদ্যাসাগর তাহার পর সংখ্যা মাইকেল মধু-সুদন দত্তকে লিখিতে বলেন, কিন্তু তিন সংখ্যা বাহির হইবার পর কাগজের অবস্থা ক্রমেই হীন হইতে লাগিল। পঞ্চম সংখ্যা দ্বারিকা নাথ মিত্র † কর্তৃক সম্পাদিত হয়। কিন্তু ইহাও রীতিমত লেখা হয় না। পরিশেষে অন্তোপায় হইয়া কালীপ্রসন্ন সিংহ কৃষ্ণদাস পালকে হিন্দুপেট্রিয়টের সম্পাদক নিযুক্ত করিবার জন্ত বিদ্যাসাগরকে অনুরোধ দেন।

হিন্দুপেট্রিয়টের সহিত সম্বন্ধ পরিত্যাগের পর কয়েক দিনের মধ্যেই শম্ভুচন্দ্রের মাতৃবিয়োগ হয়। তিনি জমনীর অন্ত্যেষ্টিক্রিয়া সমাধা করিয়া কার্যক্ষেত্রে পুনরায় প্রবেশ করিবার মানস করেন কিন্তু তাঁহার পিতা পুনর্বার দার পরিগ্রহ করিবার ইচ্ছা প্রকাশ করিলে শম্ভুচন্দ্র পিতার উপর অসন্তুষ্ট হন। পিতার পুনরায় দারপরিগ্রহের পূর্বেই ১৮৬২ খৃঃ অর্ধের মার্চ মাসে তিনি কলিকাতা পরিত্যাগ করিয়া তাঁহার পরম বন্ধু রমেশচন্দ্র দত্তের নিকট মুন্সের পির পাহাড়ে গমন করেন। তথায় থাকিবার সময় তাঁহাকে লক্ষ্মী হইতে রাজা দক্ষিণারঞ্জন মুখোপাধ্যায় অধোধ্যায় তালুকদারদিগের সভার সহকারী সেক্রেটারী এবং সভার “সমাচার হিন্দুস্থানী” নামক কাগজের

* পরে ইনি ছোট আদালতের জজ হন।

† ইনি পরে হাইকোর্টের জজ হন।

সম্পাদক করিবার মানসে পত্র লিখিলে তিনি উভয় কার্য গ্রহণ করেন। ১৮৬২ খৃঃ অর্ধের মে মাসে শম্ভুচন্দ্র প্রথম লক্ষ্মী যাত্রা করেন। শম্ভুচন্দ্রের আমলে তালুকদার সভার মুখপত্র “সমাচার হিন্দুস্থানী” কাগজের এত দূর শ্রীবৃদ্ধি হইয়াছিল যে, বিলাতের প্রসিদ্ধ সংবাদ পত্র সকল ইহা হইতে তদানীন্তন রাজ-নৈতিক বিষয়ক অনেক বিষয় উদ্ধৃত করিত। তদানীন্তন অর্থসচিব ম্যায়ুয়েল লেং সাহেব বড় লাট সভায় প্রকাশ্য-ভাবে সমাচার হিন্দুস্থানীকে সুখ্যাতি করিতেন। উত্তর পশ্চিমাঞ্চলের যাবতীয় ইংরাজ সম্পাদিত খবরের কাগজে ইহার ভূরি ভূরি প্রশংসা হইয়াছিল। কি রচনা নৈপুণ্যে, কি রাজনৈতিক তর্কে সকল বিষয়েই “সমাচার হিন্দুস্থানী” নীর স্থান অধিকার করে। ১৮৬২ খৃঃ অর্ধের অক্টোবর মাসে লর্ড ক্যানিং বিলাতে মারা যান। শম্ভুচন্দ্র অধোধ্যায় বাহাতে তাঁহার রীতিমত দেশীয়ভাবে শ্রদ্ধা হয় তজ্জন্ত “সমাচার হিন্দুস্থানী”তে এক প্রবন্ধ লেখেন এবং তালুকদার সভায় মন্তব্য প্রকাশ করেন। লর্ড ক্যানিংএর প্রতি তালুকদারদিগের অগাধ ভক্তি ও প্রেম ছিল কারণ এই মহামতি ক্যানিংএর জন্ত তালুকদারগণ তাঁহাদের পৈতৃক সম্পত্তি হইতে বঞ্চিত হন নাই। ১৫ অক্টোবর ১৮৬২ খৃঃ অর্ধে সমস্ত অধোধ্যায় তালুকদারগণ একত্র হইয়া মহামতি ক্যানিংএর দেশীয়ভাবে শ্রদ্ধা করেন। তাঁহার কিরূপ স্মৃতি-চিহ্ন স্থাপন করিতে হইবে এ বিষয়ে শম্ভুচন্দ্র প্রকাশ্যে এক প্রবন্ধ লিখিয়া তালুকদারগণকে তাঁহার নামে একটি বিদ্যালয় স্থাপিত করিবার পরামর্শ দেন। ইহার ফল লক্ষ্মী ক্যানিং কলেজ। ১৮৬২ অর্ধের ডিসেম্বর মাসে শম্ভুচন্দ্র তাঁহার মাতৃদেবীর বাৎসরিক শ্রদ্ধা সমাধা করিবার জন্ত এক মাসের ছুটি লইয়া বরাহনগরে আসেন। ১৮৬৩ খৃঃ অর্ধের জানুয়ারী মাসে তিনি পুনর্বার লক্ষ্মী ফিরিয়া যান।

হিন্দুপেট্রিয়ট কৃষ্ণদাস পালের হস্তে আসিলে পর ইহা অধিক দিন বিদ্যাসাগর মহাশয়ের অধীনে থাকে নাই। বিদ্যাসাগরের অন্তিমুখ্য কৃষ্ণদাস পাল হিন্দুপেট্রিয়টের সম্পাদক হইলেন বটে কিন্তু তাঁহার অধীনে থাকিয়া হিন্দুপেট্রিয়টের কার্য চালান তাঁহার মনোগত ভাব ছিল না। দুই তিন মাস গত হইলে কৃষ্ণদাস পাল গোপনে

বিদ্যাসাগরকে হিন্দুপেট্রিয়টের অধ্যক্ষতা হইতে বঞ্চিত করিবার জন্ত ব্রিটিশ ইঞ্জিনিয়ার সভার কয়েক জন সভ্যের সহিত মিলিত হইয়া ষড়যন্ত্র আরম্ভ করেন। কৃষ্ণদাসের অসৎ ব্যবহারের কথা ক্রমে বিদ্যাসাগর বুঝিতে পারিলে তিনি বিরক্ত হইয়া হিন্দুপেট্রিয়টের অধ্যক্ষতা ত্যাগ করেন। কালী প্রসন্ন সিংহও ইহাতে বিশেষ চটিয়া যান। হিন্দুপেট্রিয়টের কার্যভার নিজ হস্তে রাখিতে তাঁহার কখন বাসনা ছিল না। কাজে কাজেই অন্তোপায় হইয়া ১৮৬২ খৃঃ অক্টোবর জুলাই মাসে চারি জন ট্রাষ্টার* উপর সমস্ত ভার নিক্ষেপ করিয়া নিশ্চিত হইলেন। হিন্দুপেট্রিয়ট ট্রাষ্টারদিগের হস্তে যাইলে কাগজখানি এক রকম ব্রিটিশ ইঞ্জিনিয়ার সভার মুখপত্র হইল দেখিয়া অনেকে বিরক্ত হইলেন এবং ১৮৬২ খৃঃ অক্টোবর শেষভাগে বাবু উমেশচন্দ্র বন্দ্যোপাধ্যায় (Mr. W. C. Bonerjee) এবং তাঁহার কয়েক জন বন্ধুদিগের উদ্যমে এবং অর্থে “বেঙ্গলী” নামে একখানি সংবাদপত্র প্রকাশিত হয়। “বেঙ্গলী” খ্যাতনামা গিরিশচন্দ্র ঘোষের দ্বারা প্রথম সম্পাদিত হয়। গিরিশচন্দ্র কর্তৃক অনুকল্প হইয়া লক্ষ্মী হইতে শম্ভুচন্দ্র প্রতি সপ্তাহে নিয়মিতরূপে “বেঙ্গলীতে” লিখিতে আরম্ভ করেন। ১৮৬৩ খৃঃ অক্টোবর প্রারম্ভে রেভারেন্ড লাল-বিহারী দে “ইঞ্জিনিয়ার রিফরমার” নামক এক সাপ্তাহিক সংবাদ পত্র প্রকাশ করিতে আরম্ভ করেন। এই সকল কারণে কৃষ্ণদাস পালের হস্তে প্রথমে হিন্দুপেট্রিয়টের বড়ই ছুরবস্তা ঘটে। এমন কি কৃষ্ণদাস এই কাগজের সম্পাদকতা ত্যাগ করিয়া জনাই বিদ্যালয়ের শিক্ষক হইবার জন্ত বারংবার ঠাকুরদাস চক্রবর্তীকে অনুরোধ করেন। কিন্তু ঠাকুরদাস এরূপ কার্য হইতে কৃষ্ণদাসকে বিরত করেন।

ক্রমশঃ

শ্রীসঞ্জীবচন্দ্র সাত্তাল।



* রাজা প্রতাপচন্দ্র সিংহ, বাবু রমানাথ ঠাকুর, বাবু যতীন্দ্রমোহন ঠাকুর (এথম মহারাজা নার যতীন্দ্রমোহন ঠাকুর, কে, সি, এস, আই:) এবং বাবু রাজেন্দ্রলাল মিত্র হিন্দুপেট্রিয়টের প্রথম ট্রাষ্টার হন।

দিনাজপুরে বাণ রাজার গড়।

বিগত ষষ্ঠবর্ষের ৮ম সংখ্যা “প্রদীপে” প্রকাশিত “শোণিতপুর” শীর্ষক প্রবন্ধ পাঠ করিয়া আমার দীর্ঘকাল সঞ্চিত বিশ্বাসের উপর একটি সন্দেহের ছায়া পতিত হইয়াছে। নতুবা সেই প্রবন্ধের প্রতিবাদ করা আমার উদ্দেশ্য নহে। ফলতঃ আন্দোলন ও আলোচনা দ্বারা প্রাচীন ঐতিহাসিক ঘটনা পরম্পরার ভ্রম সংশোধন এবং সত্য-নির্ধারণ হওয়াই আমার উদ্দেশ্য।

দ্বাদশ বৎসর অতীত হইয়াছে ১২৯৯ সালে উত্তর বঙ্গের দিনাজপুর জেলায় অবস্থান কালে, চৈত্রসংক্রান্ত উপলক্ষে বাণরাজার স্থাপিত ৮ বিরূপাক্ষনাথ মহাদেবের চড়ক পূজা দর্শনেচ্ছুক হইয়া স্বনামখ্যাত বলিরাজ পুত্র বাণ রাজার গড়ে গিয়াছিলাম এবং তথায় আমি স্বচক্ষে সমস্ত দেখিয়াছি। যে স্থানে বাণরাজার বাড়ী ছিল বলিয়া লোকে বলিয়া থাকে সেই স্থান হইতে বিরূপাক্ষনাথ মহাদেবের মন্দির প্রায় এক মাইল দূরে। এই দুই স্থান কি নামে পরিচিত তাহা আমার স্মরণ পথে উদিত না হওয়ায় ঐ দুই স্থানের একই নাম, কি ভিন্ন ভিন্ন নাম তাহা এক্ষণে বলিতে পারিতেছি না। তবে যে স্থানে বাণ রাজার বাড়ী ছিল সেই স্থানটিকে লোকে সচরাচর “বাণ রাজার গড়” বলিয়া থাকে, এবং আমিও তাহাই শুনিয়াছিলাম বলিয়া উহার আর অন্য কোন নাম আছে কি না তাহা জানিবার জন্ত তত যত্ন করি নাই।

একটি ক্ষুদ্রকায়া স্রোতস্বতীর তীরে ৮ বিরূপাক্ষনাথ মহাদেবের মন্দির স্থাপিত। বলা বাহুল্য যে, ঐ নদীটির নাম এখন আমার স্মরণ নাই। মন্দিরটি খুব বড়ও নহে একবারে ছোটও নহে মন্দিরের পার্শ্বেই আর একটি ছোট পূজার দালান আছে, উহার মধ্যেও অগ্ন্যগ্নি বিগ্রহ দেখিয়াছিলাম। স্থানীয় প্রবাদ, এই বিরূপাক্ষনাথ মহাদেবের সাধনা সম্বল করিয়াই বাণ রাজা ধন্য হইয়াছিলেন এবং এই বাণ রাজা হইতেই চড়ক পূজার সৃষ্টি। পুরাণে উল্লিখিত আছে একদা বাণ রাজা মহাদেবের দর্শনাভিলাষী হইয়া অতি কঠোর সাধনা করিয়াও দর্শন

লাভ না হওয়াতে চড়ক পূজা ব্রত অবলম্বন করিয়া স্বীয় পৃষ্ঠ, চক্ষু প্রভৃতি স্থান অগ্নান বদনে বিদ্ধ করিয়া * তন্ত্রস্থানে রজ্জু সংযোগে নিজেই চড়কে ঝুলিয়াছিলেন, এবং এই প্রকার কঠোর সাধনায় ইষ্ট দেবতাকে তুষ্ট করিয়া স্বীয় অভীষ্ট পূর্ণ করিয়াছিলেন। এতদ্বিবন্ধন অদ্যাপিও সে স্থানে বাণ রাজার স্থাপিত ৮ বিরূপাক্ষনাথ মহাদেবের চড়ক পূজা চির প্রচলিত প্রথাভাষায়ী হইয়া আসিতেছে। এই উপলক্ষে কেবলমাত্র ঐ দিন একটি ছোট রকম মেলা সেখানে হইয়া থাকে এবং চতুষ্পার্শ্বস্থ নিকট ও দূরবর্তী গ্রাম সমুদয় হইতে বহুতর দর্শনাভিলাষী ভদ্রাভদ্র স্ত্রী-পুরুষের সমাগম হয়। বিশেষতঃ রোগমুক্তি ও সন্তান কামনায় ১৫২০ ক্রোশ, কোন কোন সময় তদপেক্ষা দূরবর্তী স্থানেরও বহুতর লোক আগমন করে। এবং ঐ সমুদয় যাত্রী স্বীয় অভীষ্ট পূর্ণ হওয়া উপলক্ষে ষাঁড় ও অগ্ন্যগ্নি নানাবিধ সামগ্রী সঙ্গে করিয়া লইয়া আসিয়া বিরূপাক্ষনাথের প্রীত্যর্থে উৎসর্গ করিয়া দিয়া থাকে। কেহ কেহ তদীয় সেবাইত ব্রাহ্মণকে প্রদান করে। কথা প্রসঙ্গে সেই সময়ে শুনিয়াছিলাম যে ৮ বিরূপাক্ষনাথের সেবা পূজাদির জন্ত দিনাজপুরের মহারাজবংশের পূর্ব পুরুষের প্রদত্ত দেবোত্তর ভূমি পুরুষানুক্রমে উক্ত বিগ্রহের নামে চলিয়া আসিতেছে। ঐ নিষ্কর দেবোত্তর সম্পত্তি পুরুষ-পরম্পরাক্রমে এই সেবাইত ব্রাহ্মণগণ রক্ষণাবেক্ষণ করিতেছেন এবং তদ্বারা বিগ্রহের সেবা পূজাদি যথারীতি চালাইয়া আসিতেছেন। বিশেষতঃ ঐ চড়ক পূজার দিনটি সেবাইত ঠাকুরের পক্ষে বৎসরের মধ্যে একটি বিশেষ দিন, এই দিনে তাঁহার যথেষ্ট প্রাপ্তি হয়।

৮ বিরূপাক্ষনাথ মহাদেব যে গৌরীপাটের উপরে

* চড়কপূজা উপলক্ষে সন্ন্যাসিগণ এক প্রকার লোহার কাটা (শুজ্জাবন্ধ) আছে তদ্বারা নিজ নিজ পৃষ্ঠের কতক পরিমাণ স্থান বিদ্ধকরতঃ চড়কগাছে ঝুলিয়া অকাতরে তাহাতে ঝরিত। যদিও ব্রিটিশ গভর্নমেন্ট কর্তৃক বর্তমান নামের এরূপ পদ্ধতি রহিত হইয়াছে তথাপিও সন্ন্যাসিগণ ঐ সমস্ত কাটা পূর্ণনিয়ম রক্ষার্থে এখন নগ্ন করিয়া আনে মাত্র। এমন লোক এখনও আমাদের দেশে দুই একটা দেখিতে পাওয়া যায় যাহারা সন্ন্যাসী দলভুক্ত হইয়া ঐ রূপ পিঠ ফোড়াইয়া চড়কে ঝুলিয়াছিল। একটিকে আমি দেখিয়াছি সে একাদিক্রমে সাতবার ঐ রূপ ঝুলিয়াছিল।

স্থাপিত সেই গৌরীপাটখানি অত্যন্ত প্রকাণ্ড না হইলেও শিবলিঙ্গটির পরিমাণে খুব বৃহৎ এবং শিবলিঙ্গটি গৌরীপাটের সঙ্গে একত্র সংলগ্ন নহে অর্থাৎ আলগা; টানিয়া খুলিয়া লওয়া যাইতে পারে। সেই সময়ে স্থানীয় একটি সংব্রাহ্মণের কাছে শুনিয়া ছিলাম যে, বাণ রাজার স্থাপিত সেই বিরূপাক্ষনাথ শিবলিঙ্গ এখন আর নাই। উল্লিখিত সেবাইত ব্রাহ্মণ স্বীয় উপজীবিকার একমাত্র দক্ষল নিষ্কর দেবোত্তর বজায় রাখার অভিপ্রায়েই অল্প একটি যেমন তেমন শিবলিঙ্গ ঐ গৌরীপাটের উপর স্থাপিত করিয়াছেন। বলা বাহুল্য যে, আমারও যেন কতকটা ঐরূপ ধারণা হইয়াছিল। কারণ যে গৌরীপাটের উপরে বর্তমান শিবলিঙ্গটি স্থাপিত আছে, উহার গোড়ার চতুষ্পার্শ্বস্থ ছিদ্রের পরিমাণে বুঝা যায় যে, ইহা অপেক্ষা অনেক বড় একটি শিবলিঙ্গ পূর্বে ঐ ছিদ্রে সংস্থাপিত ছিল।

৮ বিরূপাক্ষনাথ মহাদেবের দর্শনান্তে আমরা সাধ্যাত্ম-যায়ী পূজাদি নিস্তাহ করিয়া সুবিখ্যাত বাণ রাজার গড় দর্শন করিতে তথা হইতে অনুমান এক মাইল দূরবর্তী উক্ত গড়ে উপস্থিত হইলাম। দেখিলাম, অনুমান দুই হাজার বিঘা পরিমিত ভূমি ব্যাপিয়া গড় অবস্থিত। দূর হইতে দোঁখলে একটি ক্ষুদ্র পাহাড় বলিয়া অনেক সময়ে ভ্রম জন্মিতে পারে। উহার চতুষ্পার্শ্ব স্বগভীর গড়খাই দ্বারা পরিবেষ্টিত ও পরিরক্ষিত রহিয়াছে। চৈত্র মাসে আমি যে সময়ে দেখিয়াছিলাম তৎকালে উক্ত গভীর গড় খাইয়ের কোন স্থানেই জল ছিল না, কিন্তু বর্ষাকালে ঐ সকল গড়খাই জলে পরিপূর্ণ হয়। এবং অবশ্যই তখন বাণ-গড়ের সৌন্দর্য্য আরও ননোমুগ্ধকর হইয়া থাকে।

গড়ের একস্থানে দেখিলাম একটি ছোট বাড়ীর পরি-মিত স্থানের চতুষ্কোণে চারিটি অতি প্রাচীনকালের সুন্দর কারুকায়িত পিলারের মধ্যে একটি ফকির ভিক্ষার্থী হইয়া বসিয়া আছেন। তিনি সকল সময়েই সেখানে থাকেন বলিয়া আমার বিশ্বাস হইল না। সম্ভবতঃ ঐ মেলার দিনে বাণ রাজার গড় দর্শন করিতে বহু লোকের সমাগম হয় বলিয়া তিনি কিছু পাইবার প্রত্যাশায় সেখানে বসিয়াছেন। বলা বাহুল্য যে, উক্ত চারিটি পিলারের

উপরে কোন ছাদ নাই। দেখিয়া বোধ হইল এককালে উহার কোনরূপ ছাদ ছিল।

ইতস্ততঃ ভ্রমণ করিয়া দেখিলাম, ঐ ক্ষুদ্র পর্বতাকার স্থলের মধ্যে তিনটি কি চারিটি (ঠিক মনে নাই) ছোট ছোট পুষ্করিণী আছে, এবং তাহাতে অল্পাধিক পরিমাণে জলও ছিল। আরও দেখিলাম, স্থানে স্থানে উহার কোন কোন অংশ কৃষকদিগের দ্বারা কর্ষিত হইতেছে। তথাপি আমি যে সময়ে দেখিয়াছিলাম তখনও ঐ গড়ের কোন কোন স্থানে যথেষ্ট জঙ্গল ছিল তাহাতে মনে হইল বর্ষাকালে ঐ গড় একটি ক্ষুদ্র অরণ্যরূপে পরিণত হইয়া থাকে। বিশেষতঃ ঐ গড়ের মধ্যে মনুষ্যের বসবাস নাই। গড়ের বহির্ভাগে এক মাইল, কি দেড় মাইল দূরে কতিপয় গ্রাম দেখিয়াছিলাম বলিয়া মনে হয়।

স্থানে স্থানে দেখিলাম, অতি প্রাচীনকালের স্মৃহং বৃক্ষরাজি, স্তম্ভাকার পরিণিত ইষ্টক ও প্রস্তরনির্মিত হিন্দু দেবদেবীর ভগ্নাবশেষ এবং প্রস্তরনির্মিত অটালিকার সুন্দর কারুকর্ষাসম্পন্ন ভগ্ন, অর্ধভগ্ন কতকটা পাথরের তক্তার ঞায় বরগা ও দরজার চৌকাঠ প্রভৃতির কতক কতক অংশ নানা স্থানে বিক্ষিপ্ত রহিয়াছে। অনুসন্ধানে শুনিলাম ঐ সমুদয় কারুকর্ষাখচিত প্রস্তরাদির মধ্যে যেগুলি ভাল অবস্থায় ছিল তন্মধ্যে চৌকাঠ প্রভৃতি কতক কতক দিনাজপুরের সুবিখ্যাত মহারাজ বংশ লইয়া গিয়া তদীয় রাজবাটীস্থ কতিপয় ইষ্টকগৃহে ব্যবহার করাইয়াছেন। আমি নিজেও দিনাজপুর রাজবাটীর সম্মুখস্থ কতিপয় ইষ্টক গৃহের দরজায় ঐরূপ কারুকর্ষা সম্পন্ন প্রস্তর নির্মিত চৌকাঠ সংলগ্ন দেখিয়াছিলাম।

ঐদিন বৈকালে উক্ত গড় দর্শনান্তে আমার তৎকালীন কাম্বস্থান উল্লিখিত বাণরাজার গড় হইতে অনুমান ৪।৫ ক্রোশ দূরবর্তী স্থানে গো শকটে বাইতে বাইতে উক্ত গড় সম্বন্ধে নানামত চিন্তা করিয়া পরিশেষে ইহাই স্থির করিয়াছিলাম যে, ইহা পুরাণোল্লিখিত সুবিখ্যাত বাণরাজার বাড়ী না হইলেও অতি প্রাচীনকালের কোন সম্ভ্রান্ত হিন্দু রাজবংশের আবাসস্থান ছিল, ইহা নিঃসন্দেহ।

উক্ত স্থানে অবস্থানকালে এই সম্বন্ধে স্থানীয় অনেক প্রাচীন লোকের নিকটে শুনিয়াছি যে, ইহাই পুরাণোল্লিখিত বলিরাজপুত্র সুবিখ্যাত বাণরাজার আবাস স্থান।

আসামে “রক্ত” অর্থাৎ “শোণিত” শব্দকে “তেজ” রূপে ব্যবহার করিয়া থাকে বলিয়া “তেজপুর” ও “শোণিতপুরে” ঐক্য হওয়ায় এবং উহার অদ্রবর্তী স্থানে কতিপয় প্রাচীন ইষ্টকস্তম্ভ ও কারুকর্ষানির্মিত প্রস্তরবলীর এবং হিন্দু দেবমন্দিরাদির ভগ্নাবশেষ দেখিয়া উহাকেই পুরাণোল্লিখিত সুবিখ্যাত বলিরাজপুত্র বাণরাজার আবাসস্থান শোণিতপুররূপে নির্দ্ধারিত করা অসম্ভব নাও হইতে পারে। উহা বাণরাজার আবাসস্থান শোণিতপুর না হইয়া প্রাচীনকালের অত্র কোন হিন্দু রাজবংশের রাজধানী ছিল ইহাও হইতে পারে।

অথবা ঐ তেজপুরই ঠিক শোণিতপুর আর আমি যে বাণরাজার গড় ও তৎস্থাপিত ৮বিরূপাক্ষ নাথ মহাদেবের বিষয় বলিতেছি তাহা হয় ত অপর কোন প্রাচীন হিন্দু রাজকীর্তির ভগ্নাবশেষ এরূপও হইতে পারে। কিন্তু তাহা হইলেও ইহার রীতিমত আন্দোলন হইয়া ঐতিহাসিক সত্যের অনুসন্ধান ও নীমাংসা হওয়া অবশ্যই একান্ত বাঞ্ছনীয়।

বঙ্গের প্রাচীন রাজবংশ দিনাজপুর রাজবাটীতে এতৎ সম্বন্ধে অনুসন্ধান চলিতে পারে। দয়া ধর্ম্মের আদর্শ স্বরূপ ও বিদ্যোৎসাহী বর্তমান মহারাজা বাহাদুর দয়াপন্ন হইয়া সাহায্য করিলে, এ বিষয়ে সত্যের অনুসন্ধান ও উদ্ধার হইতে পারে।

ফল কথা এ সম্বন্ধে বিশেষ আলোচনা হইলে লুপ্ত ঐতিহাসিক তথ্যের পঙ্কোদ্ধার হইতে পারে।

শ্রীচন্দ্রেশ্বর চক্রবর্তী।



আসামীয় বঙ্গভাষা ।

প্রকাশিত অপ্রকাশিত প্রাচীন পুঁথির ভাষা হইতে বর্তমান “আসামী ভাষা” ক্ষিপ্রগতিতে পৃথক হইয়া পড়িতেছে। ইহার কারণ “আসামী ভাষা” এখন স্বতন্ত্র। এই স্বাতন্ত্র্য রক্ষা করিবার জন্ত আসামী ভ্রাতাগণ বিশেষ যত্নবান। তাঁহারা “বাঙ্গালা ভাষার” প্রতি বিদ্বেষ বশতঃই হউক অথবা স্ব ভাষার প্রতি অনুরাগ বশতঃই হউক স্বদেশীয় প্রাচীন পুঁথির ভাষা গ্রহণে অনিচ্ছুক। এই নিমিত্তই তাঁহারা ভাষাকে নূতন পরিচ্ছদে ভূষিত করিতেছেন। ইহা এক হিসাবে মন্দ নহে। তবে ভাষার উন্নতিবিধান ও স্বাতন্ত্র্য রক্ষা হেতু ভাষাকে বিকৃত করা যুক্তিযুক্ত নহে। আসামের প্রাচীন কবিগণ ৪০০।৫০০ শত বৎসর পূর্বে যে ভাষায় “ঘোষা, কীর্তন, ভক্তিরত্নাবলী, শ্রীমদ্ভাগবত, রামায়ণ, মহাভারত” প্রভৃতি রচনা করিয়া গিয়াছেন তাহা বঙ্গীয়। যখন দেখিতেছি প্রাচীন পুঁথির ভাষা উভয় প্রদেশেই এক তখন অবশ্যই বলিব বঙ্গভাষাই আসামের আধা হিন্দুদিগের ভাষা ছিল এবং এখনও আছে।

শব্দই ভাষার ভিত্তি। শব্দের সমষ্টিই ভাষা। শব্দের উচ্চারণভেদে ভাষা ভেদ হয় না। তবে লিখিত ব্যবহার উচ্চারণানুযায়ী হইলে প্রাদেশিক ভাষা হয়। প্রাদেশিক ভাষা পৃথক নহে। “আসামী ভাষা” প্রাদেশিক। ইহার শব্দগুলিই তাহা প্রমাণ করিতেছে। আমরা নিম্নে কতকগুলি শব্দ উদ্ধৃত করিয়া দিতেছি তদৃষ্টে পাঠকগণ আমাদের কথার সারবত্তা উপলব্ধি করিতে পারিবেন :—

| প্রচলিত | প্রচলিত | লিখিত বর্তমান | লিখিত বর্তমান |
|-----------------------------------|--|---------------|----------------------------|
| আসামীয় বাঙ্গলা শব্দ (উচ্চারিত) | বাঙ্গলা শব্দ প্রাচীন ব্যবহার (আসামে) | মই = (ময়) | আমি মুই, আমি মঞি, মুঞি, মই |
| তুমি | তুমি, তোমা, তোমা | — | — |
| তই | তুই | তোহোর | — |
| — | তোমার | তঁয় | — |
| তোমাক | তোমাকে | — | তোমাক |
| মোর | আমার } মোর } | মোহোর | মোর |

| আমার | আমাদের | — | আমার |
|-------|-------------|------|-------|
| মোক | আমাকে | — | মোক |
| যি | যে | যে | যি |
| সি | সে | সে | সি |
| তৌও | তিনি | — | তৌও |
| কৌও | কে | কে | কৌও |
| কি | কি | কি | কি |
| ই | ঐ } এই } | — | ই |
| এ | এক | এক | এ |
| এটি | একটা | একটা | এটা |
| এনে | এইরূপে | — | এনে |
| এনেতে | এমন সময়ে | — | এনেতে |
| ইয়াত | এখানে | — | ইয়াত |
| — | এত | এতৈক | — |

বঙ্গের বিভিন্ন স্থানের কতকগুলি কথিত শব্দ (উচ্চারণানুযায়ী)

| কোয়ানের | কোনখানের } কোথাকার } |
|------------|-------------------------|
| ওল | নাব |
| থেয়ে | থেকে |
| ক্যান্বায় | কেমন করে |
| ওথায় | অমন করে } ও রকমে } |
| ওলনা | হলনা (হ = ও) |
| আমাগে | আমাদের |
| যাব অনে | যাব এখন |
| হইছে | হইয়াছে |
| এডা | এটা |
| থোও | রাখ |
| কুষ্ঠি | কোথা |
| কুথি | |
| ক্যা | কেন |
| খাবু | খাবে |
| বাপা | বাবা |

| | |
|--------|-------|
| করিছ | করচ |
| থাইচ্ছ | খাচ্ছ |
| বলিচ্ছ | বল্চ |

ইত্যাদি।

আজকাল আসামে অক্ষরেরও পরিবর্তন

আরম্ভ হইয়াছে যথা :—

স=চ, যথা :—চাহব (সাহেব), চফর (সফর),
চহর (সহর) চেনেহ (স্নেহ), আচলত (আসলে)।

ষ=হ, যথা :—মানুহ (মানুষ), শেহত (শেষে)।

স=হ, যথা :—কিহেরে (কিসেরে), আহিলৌ
(আসিলাম) উলাহর (উল্লাসের)।

চ=ছ, } যথা :—গুচুরা (ঘুচান), ছলাব (চলাব)
ষ=গ, } চালান গুচাই (ঘুচাই)।

ছ=চ যথা :—মুচ্চা (মুচ্ছা), চল চলীয়া (ছল ছল)

ফ=প, যথা :—পেলাই (ফেলাই)।

উ=অ, যথা :—অলেখ (উলেখ)

শ=চ, যথা :—বেচি (বেশী)—ইত্যাদি।

এখন আমরা আসামের প্রাচীন কবিগণের লেখা
স্থানে স্থানে উদ্ধৃত করিয়া দেখাইব :—

আসামে বৈষ্ণবধর্মপ্রচারক কবি শঙ্করদেবরচিত
“কীর্তন” প্রকাশিত পুঁথি হইতে নিম্নে কয়েকটি পদ
প্রদত্ত হইল।

* * *
আপন গৃহক, চলি গৈলা পাছে
উদ্ধবক লৈয়া সঙ্গে।

* * *
চন্দন অর্পণ, বিনে কুবুজীর,
আন কিছু পুণ্য নাই।

* * *
এতেকতে হেন, দেখিয়ো পরম
প্রসাদ পাইলেক তাই।

৩ অনন্ত কন্দলিকৃত স্তম্ভদ্বারহরণ হস্তলিখিত পুঁথি
হইতে নিম্নে কয়েকটি পদ প্রদত্ত হইল।

কহিয়ে করুণাময় ইহাক সম্প্রতি।
কিমতে জিনিব জরাসন্ধ মন্দমতি।

অনন্তরে কুস্তিগ্নতে গুনিলা মনতে।
জরাসন্ধ রাজাক জিনিবা কেন মতে ॥

সেহি বেলা গুনিলাস্ত আকাশি বচন।

নচাডিবা পুত্র রাজা তেজতয় মন ॥

গুনি দমঘোষ রাজা ভাবীয়ে সহিতে।

আগবাড়ি যাদবক নিল হরিষতে ॥

৩ রাম সরস্বতী রুত উদ্যোগ পর হস্তলিখিত পুঁথি
হইতে নিম্নে কয়েকটি পদ প্রদত্ত হইল।

তাত হন্তে অত দুখ পাইব নিরন্তর।

নাহি মোর শোক আর কৌতুক বিস্তর ॥

বিছুর বচনত মহা লাজ পাই।

মহাক্রোধে দুর্ঘোষনে দশন ছোবাই ॥

অঙ্গুলি টোয়াই বিছুরক প্রতি বৈল।

কৃষ্ণের আগত পাছে বলিবাক লৈল ॥

দুর্ঘোষন বদতি নজানে পূর্নাপর।

অকারণে মোক দোষ দিয়া দামোদর ॥

কবি অনন্ত কন্দলি রচিত দশম স্কন্ধ শ্রীমদ্ভাগবত
প্রকাশিত পুঁথি হইতে নিম্নে কয়েকটি পদ প্রদত্ত হইল।

উষার বদন, নিরীক্ষি সঘন
তোলন্ত মধুর হাস।

* * *
উষার সস্তাপ, কহিতে না পারি,

স্বামিত অপার বেথা।

* * *
অনন্ত কন্দলি, কহে কুতাজলি,
ডাকি বোলা রাম রাম ॥

কবি মাধবদেবরচিত “ঘোষা” ও “ভক্তিরত্নাবলী”
প্রকাশিত পুঁথিদ্বয় হইতে নিম্নে কয়েকটি পদ প্রদত্ত
হইল।

* * *
হরিত শরণ লৈয়া যিতো জনএ,

হরির চরিত্র শ্রবণ কীর্তন করে।

দুর্ঘোর অপার সংসার সাগরএ,

সিতো মহাজনে অতি অপ্রয়াসে তরে ॥

* * *

অদ্ভুত গুপ্ত লিপি।

প্রথম পরিচ্ছেদ।

আমার নাম মহেন্দ্রনাথ বন্দ্যোপাধ্যায়, জন্মস্থান হুগলী
জেলায় কোন এক ক্ষুদ্র গ্রামে। কিন্তু এ সকল পরিচয়ের
এস্থলে কোন প্রয়োজন নাই। আমি প্রায় চতুর্দশ
বৎসর কাল কলিকাতায় পুলিশে ডিটেক্টিভের কার্য
করিতেছি এই বলিলেই যথেষ্ট পরিচয় হইল।

চৈত্রমাস সূর্য্যের প্রথর কিরণে কলিকাতা সহর বাঁবাঁ
করিতেছে। কোন বিশেষ কার্যাবশতঃ স্থানান্তরে গমন
করিয়াছিলাম, অত্যন্ত ক্লান্ত হইয়া যখন থানায় আসিয়া
পদার্পণ করিলাম, তখন দেড়টা বাজিয়া গিয়াছে। আহা-
রাদি এখনও হয় নাই। পরিহিত জামা ও উড়ানিখানি
রাখিয়া কিঞ্চিৎ শ্রান্তি লাভাশায় যেমন হাতে মুখে একটু
জল দিতে যাইতেছি, এমন সময় টুংটুং করিয়া দেওয়াল
সংলগ্ন বেলের শব্দ আমার কর্ণে আসিয়া পৌঁছিল।
আমি হস্তস্থিত জলপাত্র রাখিয়া দ্রুতপদে অফিসের ভিতর
গমন করিয়া টেলিফোনের চোঙ্গা কানে লাগাইলাম।
গুনিলাম “মাথাঘসার লেনে * * নম্বর বাটীতে ঐ বাটীর
মালিক মৃত অবস্থায় পতিত আছে। বাটীতে অপর কোন
ব্যক্তিও নাই। স্থানীয় পুলিশের সাহায্যার্থে অবিলম্বে
তুমি তথায় গমন কর। ইহা তোমার উদ্ধৃতম কন্সচারীর
আদেশ জানিবে।”

পিপাসায় ছাতি ফাটিতেছে, স্নানের জন্ত প্রাণ ব্যাকুল
হইতেছে, এই অবস্থায় উক্ত আদেশ পাইয়া আমার মনের
ভাব যে কিরূপ হইল, তাহা আপনারা সহজেই অনুমান
করিতে পারিতেছেন। পুলিশের চাকুরীর প্রতি মনে
মনে শত ধিক্কার আসিতে লাগিল, আর সহস্র ধিক্কার
আসিতে লাগিল আমাদের এই পাপময় জীবনে, প্রাতঃ-
কাল হইতে অনবরত ঘুরিয়া ঘুরিয়া স্নানাহারান্তে কোথায়
একটু বিশ্রাম করিব, না তৎপরিবর্তে মড়া বাঁটিতে যাইতে
হইবে। কিন্তু কি করি উপায় নাই, আদেশ পালন
করিতেই হইবে।

আমি পকেট হইতে একটি ছয়ানি বাহির করিয়া
দিয়া, একজন হিন্দুকনেষ্ঠবলকে দোকান হইতে কিছু

ন করি সংশয় চয় শুনা স্থির মনে।

ইহার প্রমাণ লৈয়ো নারদ বচনে ॥

পাঠকগণ স্ব স্ব পল্লীর, স্ব স্ব প্রদেশের কথিত শব্দ-
গুলির সহিত উক্ত উদ্ধৃত শব্দগুলির অপূর্ণ মিলন দেখিয়া
চমৎকৃত হইবেন আর বলিবেন “তাইত এ শব্দগুলি দেখুছি
আমাদেরই পল্লী ব্যবহৃত শব্দ, এ পদগুলি দেখুছি আমা-
দেরই প্রাচীন কবিদিগের পদ, ইহা আবার “আসামী
ভাষা হইল কি প্রকারে?” বাস্তবিক কথিত ভাষা বিস্তৃত
বঙ্গের সর্বাংশেই স্বতন্ত্র। ইহার লিখিত ব্যবহার সাহিত্য
ক্ষেত্রে হইলে বিকট স্বতন্ত্রতারই সৃষ্টি হইত—“আসামীয়
বঙ্গভাষার” ন্যায় সংক্ষিপ্ত অপভ্রংশ ছুট, স্বাধীনতাবর্জিত,
বিশৃঙ্খল ও সীমাবদ্ধ হইয়া যাইত আর শত শত ভাষার
সৃষ্টি করিত।

ভাষার বিস্তৃতিই উন্নতি ও জীবন। প্রাদেশিক ভাষা
দেশীয় ভাষার সহিত সংঘর্ষক্ষেত্রে উপনীত হইলে পরাজয়ই
পরিণাম ফল। দেশীয় ভাষার গর্ভে তাহাকে প্রবেশ
করিতেই হইবে—ইহা স্বাভাবিক। তাই বলিতেছি
“আসামী ভাষা” সেবকগণ যে ভাবে ভাষাকে চালাইতে-
ছেন তাহাতে অচিরেই আসামী ভাষার প্রাণ চরম সীমায়
উপনীত হইবে।

কথিত ভাষার উচ্চারণভেদ বঙ্গের ভিন্ন ভিন্ন অংশে
যে রূপ আছে আসামেও সেইরূপ থাকিবে। ইহা ভাষার
ক্রমোন্নতির সহিত, লোকশিক্ষা বিস্তারের সহিত, বিভিন্ন
অংশের লোকের পরস্পর সম্মিলনের সহিত ধীরে ধীরে বহু
শতাব্দীর পর তিরোহিত হইবে। কথিত ভাষার ভেদ
আছে বলিয়া, লিখিত ব্যবহারে ঐ ভেদ রাখিতে হইবে,
ইহা যাঁহারা মনে করেন, তাঁহারা দেশের ও ভাষার শত্রু।
দেশের একপ্রান্ত হইতে অত্র প্রান্তে তথ্য বহন করে
ভাষা। ভাষার ভিতর দিয়াই পরস্পরের মনোভাব বিনি-
ময়—ভাষার অধীনে থাকিয়া আমরা প্রত্যেকেই সবল।
এহেন ভাষাকে যদি শতধা বিভক্ত করা যায়—উচ্চারণ
ভেদে যদি ভাষা ভেদ করা যায়—তাহা হইলে আমরাও
বিভক্ত হইব। বারান্তরে এই বিষয়ে আরও কিছু বলিবার
ইচ্ছা রহিল।

শ্রীদেবনারায়ণ ঘোষ।

মিষ্টান্ন আনিতে বলিয়া মুখ, হাত ধুইয়া লইলাম। দোকান থানার নিকটেই ছিল, জলখাবার আসিতে বিলম্ব হইল না। আমি তাড়াতাড়ি আমার পরিচ্ছদ পরিধান করিয়া জল খাইয়া লইলাম এবং অবিলম্বেই গমনোদ্দেশ্যে বাহির হইলাম। অল্পদূর অগ্রসর হইতে না হইতেই এক খানি আরোহী শূণ্ণ চলতি গাড়ী যাইতে দেখিয়া তাহা ভাড়া করিলাম।

মাথাঘসা গলিতে প্রবেশ করিয়াই গাড়ী হইতে দেখিতে পাইলাম অনতিদূরে একটি বাটার সম্মুখের পথে অনেক লোক দাঁড়াইয়া রহিয়াছে এবং তাহাদের মধ্যে কয়েকটি লাল পাগড়ীও দেখিতে পাইলাম। যথাস্থানে পৌঁছিয়া গাড়ী হইতে অবতরণ করিয়া দেখিলাম, স্থানীয় পুলিশ ও দারোগা রমেশ বাবু অগ্রেই উপস্থিত হইয়াছে। বাটার দরজা বন্ধ রহিয়াছে, পুলিশ কাহাকেও ভিতরে প্রবেশ করিতে দিতেছে না। আমাকে দেখিয়া পুলিশের লোকেরা সম্মান প্রদর্শন করিল। দারোগা বাবুর সহিত আমার বিশেষ আলাপ না থাকিলেও তিনি একেবারে আমার অপরিচিত নহেন। তাঁহাকে জিজ্ঞাসা করিলাম “বাটার দরজা বন্ধ রাখিবার কারণ কি? আপনি কি এপর্যন্ত কোনরূপ তদারক করেন নাই?” দারোগা বলিলেন,—“আমি ভিতরে গিয়া লাস দেখিয়া আসিয়াছি কিন্তু ঐ মৃত ব্যক্তিকে দেখিয়া, উহার সাধারণ ভাবে মৃত্যু হইয়াছে কি কাহারও কর্তৃক হত হইয়াছে তাহা কিছুই স্থির করিতে পারিলাম না। বাটার ভিতর একটিও জনমানব নাই, অথচ বাক্স, সিঁদুক ও বিবিধ দ্রব্যাদি রহিয়াছে দেখিয়া আমি পুলিশ সাহেবকে সংবাদ পাঠাই। তত্বতরে আপনার আসিবার সংবাদ পাইয়া আপনার জন্ত অপেক্ষা করিতেছিলাম।”

আমি একজন পাহারাওয়ালাকে দ্বারে থাকিতে আদেশ করিয়া কয়েকজন প্রতিবেশী ভদ্রলোককে সঙ্গে লইয়া বাটার ভিতর প্রবেশ করিলাম। দারোগা বাবু অগ্রে অগ্রে আমাকে সঙ্গে লইয়া যাইতে লাগিলেন, পশ্চাতে ভদ্রলোক কয়টি ও পুলিশের লোক কয়জন আসিতে লাগিল। প্রথমে ক্ষুদ্র উঠানের ধারের একটি অপ্রশস্ত রোয়াক অতিক্রম করিয়া ছোট একটি সিঁড়ি দিয়া উপরে উঠিলাম, এবং দুইটি ঘরের পর রাস্তার ধারের

একটি কোণের ঘরে গিয়া উপস্থিত হইলাম। দেখিলাম ঘরটির আকার নিতান্ত ক্ষুদ্র নহে। এক পার্শ্বে একটি সুন্দর কাঠের আলমারি ও দুই খানি কুশন চেয়ার, অত্র পার্শ্বে একখানি বৃহৎ মুকুর এবং দেওয়ালের গাত্রে কয়েকখানি বিলাতি ছবি ও কয়েক জোড়া দেওয়ালগিরি। মেজের সমুদয় অংশ ফরাশে আবৃত এবং তত্বপরি কয়েকটি তাকিয়া ইতস্ততঃ ভাবে বিক্ষিপ্ত রহিয়াছে। একটির উপর হত ব্যক্তি অর্ধশায়িত ভাবে পড়িয়া আছে। প্রথম দেখিবারাত্র, উহাকে মৃত কি জীবিত স্থির করা যায় না, হঠাৎ মনে হয় যেন তাকিয়ায় ঠেস দিয়া হাতের উপর মস্তক সংস্থাপন পূর্বক নিদ্রা যাইতেছে। মুখ দেখিতে পাওয়া যাইতেছে না। অবয়ব দেখিয়া বোধ হইল মৃতের বয়সক্রম চল্লিশ বিয়াল্লিশ বৎসরের অধিক হইবে না। বর্ণ সুন্দর, শরীরও বলিষ্ঠ পরিধানে একখানি দেশী ধুতি। ট্যাঁকে একটি টাকার মত কি রহিয়াছে।

আমি মৃতদেহ স্পর্শ না করিয়া, প্রথমে উত্তমরূপে একবার লাস দেখিয়া লইলাম। কোন স্থানে কোন প্রকার আঘাতের চিহ্ন বা অস্ত্র কিছুই অস্বাভাবিক দেখিতে পাইলাম না। তখন রমেশ বাবুকে জিজ্ঞাসা করিলাম, “আপনি লাসকে প্রথম কি ভাবে দেখিয়াছিলেন?”

দারোগা বাবু বলিলেন, “আমিও ঠিক এই ভাবেই পতিত রহিয়াছে দেখিতে পাই। নাড়িয়া চাড়িয়া ভাল করিয়া দেখি নাই।”

কোনরূপ ব্যাধিজনিত মৃত্যু ঘটয়াছে, কি কোন নৃশংস পাষণ্ড এই ব্যক্তিকে হত্যা করিয়াছে, তাহা স্থির করিবার জন্ত লাসটিকে চিৎ করিয়া ফেলিলাম। সকল অঙ্গ বিশেষ পরীক্ষা করিয়া দেখিলাম, কোন প্রকার আঘাতের বা দৈব মৃত্যুর লক্ষণ দেখিতে পাইলাম না। কেবল দক্ষিণহস্তে একটি দাগ দেখিতে পাইলাম, ক্ষণপরেই উহা কোন তাগার দাগ বলিয়া মনে হইল। মুখের ভাব অতি সামান্য মাত্র বিকৃত। কিন্তু দেখিয়া বোধ হইল মৃত ব্যক্তি একজন সৌখীন প্রকৃতির লোক ছিলেন। ওষ্ঠ তখনও তাশ্বলরাগ রঞ্জিত।

যে বাটীতে অস্ত্র অহুসন্ধান করিবার জন্ত আসিয়াছি, তথায় ঐ বাটার মৃত অধিকারী ভিন্ন আর কেহ নাই। এস্থলে আমার অভিলষিত প্রশ্নসকলের উত্তর কাহার

নিটক হইতে জানিতে পারিব তাহা বৃত্তিতে পারিলাম না। তখন উপস্থিত ব্যক্তিবৃন্দ ও ঠিক পার্শ্বের বাটার প্রতিবেশী-বর্গকে পূজাত্মপূজারূপে জিজ্ঞাসাবাদ করিতে লাগিলাম। উহাদের নিকট হইতে যে সকল বিষয় অবগত হইতে পারিলাম তাহা একে একে সমস্ত লিখিয়া লইলাম। তাহার সারমর্ম এইরূপ :—

১ম। মৃত ব্যক্তির নাম নবগোপাল সাত্তাল। উহার বয়সক্রম আন্দাজ পঁয়তাল্লিশ বৎসর। ক্লাইভস্ট্রীটে অর্ডার সাপ্লাইয়ের কাজ করিতেন। তাঁহার শরীরে কোন বিশেষ ব্যাধি ছিল বলিয়া প্রকাশ নাই। সন্ধ্যার সময় কেহ কেহ তাঁহাকে দেখিয়াছেন।

২য়। সংসারে তাঁহার দুইটি পুত্র, একটি কন্যা ও স্ত্রী তিন একজন জ্যেষ্ঠা বিধবা ভগ্নী থাকিতেন। স্ত্রী, পুত্রদ্বয় ও কন্যাটি প্রায় কুড়িপঁচিশ দিন পূর্বে সহরে বসন্ত রোগের প্রকোপ বৃদ্ধি হওয়ার কারণ ফরাশডাঙ্গায় স্বশুরালয়ে প্রেরিত হইয়াছে। বিধবা ভগ্নী বাটীতেই ছিলেন কবে কোথায় গিয়াছেন কেহ বলিতে পারে না। দাস দাসীদিগকে কল্যাণ দেখিতে পাওয়া গিয়াছিল।

৩য়। দুই তিন মাসের মধ্যে বাটীতে কোন নূতন লোক আসিয়া বাস করিয়াছিল বলিয়া কাহারও জানা নাই। তাঁহার এক জ্ঞাতি ভ্রাতা কদাচিত্ আসিয়া দুই এক দিবস থাকিতেন, এবং মধ্যে মধ্যে তাঁহার এক ভাগিনেয় আসিতেন এবং বড় অধিক দুই এক ঘণ্টা থাকিয়া চলিয়া যাইতেন।

৪র্থ। নবগোপাল বাবুর জন্মস্থান কলিকাতায় নহে, মফস্বলের কোন পল্লীগ্রামে। তিনি দশ বার বৎসরের অধিক কলিকাতায় বাস করিতেছেন।

৫ম। সন্ধ্যার পর প্রায় প্রতিদিন তিনি বৈঠকখানায় বসিতেন, এবং কোন কোন দিন বন্ধুবান্ধবগণের সহিত গল্প করিতে করিতে বা তাস দাবা খেলিতে রাত্রি এগার বারটা পর্যন্ত বাজিয়া যাইত। গত রজনীতেও বোধ হয় ঐ ঘরে বসিয়াছিলেন।

৬ষ্ঠ। তাঁহার অর্ডারের কার্যে বেশ পশার আছে শুনিতে পাওয়া যায়। তাঁহার অফিসের রামলাল ও শরৎ চন্দ্র নামক দুইজন কর্মচারী কর্মস্থলে কখনও কখনও বাবুর সহিত বাটীতে আসিয়া থাকেন।

৭ম। নবগোপাল বাবুর সামান্য পানদোষ ছিল, কিন্তু বাটীতে সে কার্য বড় করিতেন না। তাঁহার প্রকৃতি সরল ছিল এবং কোনরূপ অহঙ্কারের চিহ্ন আদৌ দেখিতে পাওয়া যাইত না। কাহারও সহিত বিশেষ বিবাদ ছিল বলিয়া কাহারও জানা নাই।

৮ম। যে খোঁটা চাকর প্রায় সর্বদা দরজায় থাকিত তাহার নাম রামধনীয়া।

৯ম। প্রাতঃকাল হইতে বাটার সদর দরজা খোলাই রহিয়াছে।

কে এই লাস প্রথম দেখিয়াছিল বা কাহার দ্বারা এই সংবাদ থানায় প্রথম প্রেরিত হয় তাহার কিছুই নির্ণয় করিতে সক্ষম হইলাম না। লোক পরম্পরায় এই লোমহর্ষণ সংবাদ থানায় পৌঁছে দারোগা বাবুর নিকট ইহাই অবগত হইলাম।

—:—

দ্বিতীয় পরিচ্ছেদ ।

আমি উক্ত বিষয় সকল অবগত হইয়া, দারোগা বাবুর সহিত পরামর্শ করিয়া ডেড্ হাউসে পরীক্ষার্থে লাস পাঠাইয়া দিলাম। শবের ট্যাঁকে একটি টাকার মত যে সামগ্রীর কথা পূর্বে বলিয়াছি, তাহা চাবির রিং, বলা বাহুল্য উহা ট্যাঁক হইতে খুলিয়া লইয়াছিলাম। আমি এইবার একে একে সকল ঘরের সকল স্থান বিশেষরূপে অনুসন্ধান করিলাম। যে যে কক্ষের তালা বন্ধ ছিল তাহা খুলিয়া দেখিলাম। আমার অনুসন্ধানের সাহায্য হইতে পারে এ প্রকার কোন দ্রব্যই কোন স্থানে পাইলাম না।

যে গৃহে শব ছিল তাহার পার্শ্বের প্রকোষ্ঠে একটি ছোট লোহার আলমারি রহিয়াছে দেখিতে পাইলাম। চাবির রিং লইয়া উহা খুলিতে চেষ্টা করিলাম, কিন্তু তাহা ব্যর্থ হইল। তখন পূর্বোল্লিখিত কাঠের আলমারি খুলিবার ইচ্ছায় চাবি মিলাইতে লাগিলাম, সহজেই চাবি লাগিয়া গেল। দেখিলাম উহার ভিতর কতকগুলি পরিষ্কার জামা, কাপড়, রুমাল প্রভৃতি পরিচ্ছদ ভিন্ন আর কিছুই নাই। একটি ডুয়ার টানিয়া দেখিলাম উহার মধ্যে অপর একটি ছোট রিংয়ে একটি পিতলের ও একটি লোহার বাস্কের চাবি রহিয়াছে উহা দেখিয়াই লোহার

আলমারির চাবি বলিয়া মনে হইল এবং তদ্বারা প্রকৃত পক্ষে আলমারি খুলিতেও পারিলাম। উহার ভিতর একটি সিকি ও কতকগুলি পুরাতন দলিল ভিন্ন আর কিছুই দেখিতে পাইলাম না।

সামান্য গৃহস্থের বাটীতেও ছই এক খানা অলঙ্কার এবং কিছু টাকা কড়ি থাকে; কিন্তু নবগোপাল বাবু ব্যবসাদার ব্যক্তি এবং ব্যবসায় বৈশিষ্ট্য প্রতাপিত আছে শুনিতেছি; এরূপ অবস্থায় তাঁহার আলমারি হইতে মূল্যবান কিছুই না পাইয়া মনে দৃঢ় বিশ্বাস হইল নিশ্চয়ই কোন ছুটলোককর্তৃক এই হত্যাকাণ্ড সাধিত হইয়াছে এবং যাহা কিছু অর্থ বা অলঙ্কার ছিল তাহা তৎকর্তৃক অপহৃত হইয়াছে। গৃহ অনুসন্ধান কালে অপর একটি ক্ষুদ্র গৃহে একটি টিনের তোরঙ্গ দেখিয়াছিলাম। উহার চাবি কোথাও খুঁজিয়া পাইলাম না। অবশেষে সর্ব সমক্ষে তাহা ভাঙ্গিতে আদেশ প্রদান করিলাম। দেখিলাম তাহার ভিতর কতকগুলি নূতন ও পুরাতন কাপড় ও একটি ছোট টিনের বাক্স, ঐ বাক্সের মধ্যে বস্ত্রখন্তে বাঁধা পুরাতন রূপার গোট একছড়া, সোনার হার একছড়া, একগাছি ভাঙ্গা অনন্ত ও ছইটি মাকড়ি এবং অল্প নেকড়ায় বাঁধা ৫৭ টি টাকা মাত্র। এই সকল দ্রব্যের একটি ক্ষুদ্র তালিকা লিখিয়া লইয়া ঐ লেখা সমেৎ ছোট বাক্সটি একজন পাহারাওয়ালার জিম্মায় রাখিয়া দিলাম।

তৎপরে আমি আর একবার একাকী বাটীর নীচু উপর সকল স্থান দেখিলাম। ছাদের সিঁড়িতে উঠিয়া দেখিলাম উহার কপাট উন্মুক্ত রহিয়াছে। ছাদের উপর হইতে বেশ করিয়া পার্শ্বের বাড়ীগুলি দেখিয়া লইলাম। এই স্থানের বাড়ীগুলি এত ঘনসন্নিবিষ্ট যে সামান্য আয়্যাসে প্রায় এক বাড়ীর ছাদ হইতেই সকল বাড়ীর ছাদে যাওয়া যায়। তন্মধ্যে ঠিক উত্তরে যে বাটীটি আছে তাহার ব্যবধান এত অল্প যে, একখানি তক্তার সাহায্যে অতি সহজে এ বাটী হইতে ও বাড়ী যাওয়া যাইতে পারে। এই বাড়ীর দরজা জানালা প্রায় সমুদয় বন্ধ রহিয়াছে, নীচের নামিয়া জিজ্ঞাসা দ্বারা জানিলাম, উহা একটি ভাড়াটীয়া বাড়ী প্রায় মাসাধিক কাল শূন্য অবস্থায় বন্ধ আছে।

বাটীর মধ্যে যে সকল উল্লেখযোগ্য দ্রব্যাদি রহিল, তাহার একটা মোটামুটি ফর্দ করিয়া সকল গুলি একটি ঘরে পুরিয়া তালা বন্ধ করিয়া শিল করিয়া দিলাম, এবং সেই গহনা টাকা ও উভয় তালিকা খানায় পাঠাইয়া দিলাম। অবশেষে প্রধান দ্বারে চাবি বন্ধ করিয়া এক জন পাহারাওয়ালার মোতায়েন করিয়া, এই হত্যার কথা চিন্তা করিতে করিতে প্রত্যাগমন করিলাম।

আমার প্রথম চিন্তা, ইহার মৃত্যু স্বাভাবিকভাবে ঘটয়াছে কি ধনাদি অপহরণের জন্ত কেহ গুপ্ত হত্যা করিয়াছে। দ্বিতীয় চিন্তা, বাটীর দাস দাসী প্রভৃতি পলাইল কেন, তবে কি তাহারাই এই পাপ কার্য করিয়া পলায়ন করিয়াছে? অথবা তাহারাই না করিলেও হয়ত ইহা তাহাদের জানিত। আবার মনে হইল যে বিধবা ভগ্নীর কথা শুনিলাম তিনিও কি এই ভয়ানক কার্যে লিপ্ত থাকা সম্ভব? তৃতীয় চিন্তা, মৃত্যু স্বাভাবিক ঘটিলেও দাস দাসী প্রভৃতির ভয়প্রযুক্ত পলায়ন করা একেবারে অস্বাভাবিক নহে, কিন্তু সেই বিধবা ভগ্নী পলাইবেন কেন? চতুর্থ চিন্তা, যদি হত্যাই নিশ্চয় হয়, তাহা হইলে এরূপ হত্যা নিতান্ত মূর্খ ব্যক্তির দ্বারা সম্পন্ন হওয়া অসম্ভব, অতএব সামান্য দাস দাসীর দ্বারা ইহা হইতে পারে না। পঞ্চম চিন্তা, যদি কোন ব্যাধি জনিত মৃত্যু ঘটয়া থাকে, তাহা হইলেও চাকর বাকরের দ্বারা টাকাকড়ি চুরি হওয়া অসম্ভব নহে। কিন্তু পতিপুত্রহীনা বয়স্হা ভগ্নীর তাহাতে যোগ দেওয়ার স্বার্থ কি? ষষ্ঠ চিন্তা, যদি অর্থাৎ চুরি না হইয়া থাকে তাহা হইলে হত্যা না হওয়াই সম্ভব।

এই প্রকার বিবিধ অনুকূল ও প্রতিকূল চিন্তার উদয় হইয়া মাথার ভিতর কেমন গোলমাল বাধাইয়া দিতে লাগিল। আমি স্থির করিলাম আমার প্রথম কার্য, ডাক্তার সাহেবের রিপোর্ট দেখিয়া মৃত্যু সম্বন্ধে সন্দেহ দূর করা। দ্বিতীয় কার্য, বাটীতে যে স্ত্রীলোক, এবং দাস দাসী ছিল তাহাদের অনুসন্ধান করা। তৃতীয়, প্রকৃত কোন দ্রব্য অপহৃত হইয়াছে কি না সন্ধান করা। এই গুলি জানিতে পারিলে তবে, যদি হত্যা হইয়া থাকে তাহা হইলে উহার নায়কের সন্ধান হইলেও হইতে পারিবে, নচেৎ কোন প্রকারেই কিছু করিতে পারিবে না।

তৃতীয় পরিচ্ছেদ।

মাথাঘসা লেন হইতে যখন খানায় আসিয়া পৌঁছিলাম তখন বেলা ষ্টো বাজিয়া গিয়াছে। আহাের বড় আর প্রবৃত্তি ছিল না, কিন্তু স্নানের লোভ ছাড়িতে পারিলাম না। স্নান সমাপনান্তর দোকান হইতে গরম লুচি আনাইয়া জলযোগ শেষ করিলাম। তাহার পর ডাক্তারের পরীক্ষার ফল জানিবার জন্ত ইচ্ছা প্রবল হইতে লাগিল, কিন্তু ডেডহাউসরূপ নরক দর্শন করিতে আর ইচ্ছা হইল না। একজন কর্মচারীকে লাসের Postmortem Report আনিতে মেডিকাল কলেজে পাঠাইলাম।

প্রায় দেড় ঘণ্টা পরে প্রেরিত লোক প্রত্যাগমন করিয়া আনীত রিপোর্ট আমার হস্তে দিল। উহা পাঠে অবগত হইলাম * * * নম্বর মাথাঘসা লেনে যাহার মৃতদেহ পাওয়া গিয়াছিল হাইড্রোসেনিক এসিডের আঘাতে তাহার জীবন নাশ হইয়াছে। লাস তদারকের সময় যেরূপ দেখিয়াছিলাম তাহাতে নবগোপাল বাবু যে আত্মহত্যা করেন নাই এই ধারণার বিরুদ্ধে কোন প্রমাণই পাই নাই, সুতরাং ইহা যে গুপ্ত হত্যা সে বিষয়ে আর সন্দেহ রহিল না।

এক্ষণে কি উপায় অবলম্বন করিয়া এই ভয়ানক হত্যারহস্যের অনুসন্ধান প্রবৃত্ত হইব, কিরূপেই বা নবগোপাল বাবুর অপহৃত সম্পত্তির উদ্ধার সাধন করিয়া উপযুক্ত প্রমাণাদির সাহায্যে নরঘাতককে রাজদ্বারে আনয়ন পূর্বক উচিত দণ্ডে দণ্ডিত করিতে পারিব, তাহাই ভাবিতে ভাবিতে খানা হইতে বহির্গত হইলাম। আমার গন্তব্য স্থানে পৌঁছিতে রাত্রি প্রায় ৮টা বাজিয়া গেল। ক্লাইব স্ট্রীটের অধিকাংশ দোকানগুলিই এখন বন্ধ হইয়া গিয়াছে, ছই চারি খানি যাহা খোলা আছে তাহাদের জিজ্ঞাসা করিয়া নবগোপাল বাবুর অফিসের কোন সন্ধান পাইলাম না। অনন্তোপায় হইয়া রাস্তার উভয় পার্শ্বের দোকানগুলির বর্হিদেশের ট্যাবলেট বা সাইনবোর্ড গুলি দেখিতেছি এমন সময় কোন ভদ্রলোকের মুখে শুনিলাম, রাজা উদমত্ত স্ট্রীটে সাঞ্চাল কোম্পানি নামে একটি ছোট অফিস আছে, উহার মালিকের নাম নবগোপাল সাঞ্চাল, কথাবার্তায় জানিলাম নবগোপাল বাবুর সহিত ঐ ব্যক্তির আলাপ আছে, কিন্তু এ পর্যন্ত তিনি উহার হত্যার সংবাদ

কিছুই জানেন না। আমার অনুরোধে এই ভদ্র লোকটি সাঞ্চাল কোম্পানির অফিস দেখাইয়া দিলেন। উহা বন্ধ রহিয়াছে দেখিয়া পার্শ্বের একখানি দোকানে জিজ্ঞাসায় জানিলাম অত্বে কেহ দোকান খোলে নাই। এই স্থানে আরও শুনিলাম তাঁহার কিছু পূর্বে নবগোপাল বাবুর সম্বন্ধে ভয়ানক অশুভ সংবাদ শ্রবণ করিয়াছেন; কিন্তু বিশ্বস্ত ভাবে অবগত না হওয়ার কারণ, আমার নিকট এই সংবাদের বিবরণ কিছুই প্রকাশ করিলেননা। ঐ দোকানে যে সকল কর্মচারী কাজ করেন তাহাদের নাম জানিয়া লইলাম, কিন্তু উক্ত দোকানদার বা ঐ স্থানের কোন ব্যক্তি তাহাদের ঠিকানা বলিতে পারিল না, পূর্বে তদন্তের কালে যে ছই জন কর্মচারীর নাম জানিতে পারিয়াছিলাম এক্ষণে তাহাদের ভিন্ন, রাধিকানাথ দত্ত নামক আর একটি যুবক ও মহাদেব চৌবে নামক এক হিন্দুস্থানী জমাদারের নাম জানিতে পারিলাম। এবং কেবলমাত্র এক জনের নিকট শুনিলাম রাধিকানাথ দত্ত চোরবাগানের কোন বাটীতে থাকে।

আমি আর কাল বিলম্ব না করিয়া চোরবাগান অভিমুখে গমন করিলাম। তথায় পৌঁছিয়া প্রত্যেক গলির প্রত্যেক বাটীতে রাধিকানাথ দত্তের অনুসন্ধান করিলাম। কেহই তাহার কথা বলিতে পারিল না, কেবল রামশীলের বাটীর পশ্চিমধারে একটি মেসে রাধানাথ দত্ত নামক এক জন কলেজের ছাত্রকে পাইলাম। তখন অগত্যা নিরাশ হৃদয়ে নিজ বাসাভিমুখে ফিরিলাম। বাসায় আসিবার কালে কোন প্রকারে রামধনীয়ার বা বাটীর দাসীর যদি সন্ধান জানিতে পারি এই মনে করিয়া পুনরায় একবার মাথাঘসা গলি হইয়া আসিতে ইচ্ছা হইতেছিল। কিন্তু এখন রাত্রি প্রায় ১১টা বাজিয়া গিয়াছে, এসময় কাহাকেও দেখিতে পওয়া সম্ভব নয় মনে করিয়া আর তথায় বাইলাম না। স্থির করিলাম, আজ কিছুই হইল না, কল্যাণ প্রাতে প্রথমে পুনরায় মাথাঘসার গলিতে যাইব এবং আবশ্যক হইলে আর এক বার রাজা উদমত্ত স্ট্রীটে গমন করিয়া কর্মচারী ও জমাদারের সন্ধান লইব।

বাসায় আসিয়া নিয়মমত কালি কলম লইয়া আমার প্রাইভেট ডায়েরিতে অঙ্কার প্রয়োজনীয় সকল বিবরণ লিপিবদ্ধ করিলাম। যখন শয্যা গ্রহণ করিলাম তখন

রুক্মিণীতে ঠংকরিয়া একটা বাজিল। শয়ন করিয়া নানা কথা চিন্তা করিতে করিতে শীঘ্রই নিদ্রিত হইয়া পড়িলাম।

চতুর্থ পরিচ্ছেদ।

পূর্ব রজনীর সঙ্করমত প্রাতঃকালেই পুনরায় মাথাঘসার গলিতে গমন করিলাম। যে বাটীতে নৃশংস ঘটনা ঘটিয়াছিল তাহার পূর্বদিকে একটি অপ্রশস্ত ক্ষুদ্র গলি আছে। ঐ গলির ঠিক পরপার্শ্বে যে বাটীটি অবস্থিত, তাহার একটি প্রকোষ্ঠ হইতে যে প্রকোষ্ঠে নবগোপাল বাবু হত হইয়াছিলেন তাহা উত্তমরূপে দেখিতে পাওয়া যায় বিবেচিত হইল। আমি প্রথমেই এই বাটীতে প্রবেশ করিলাম এবং সম্মুখেই বাটীর কর্তাকে দেখিতে পাইলাম। তিনি আমার সাদরে অভ্যর্থনা করিয়া বসিতে বলিলেন। আগমনের কারণ বলিবার পূর্বে অগ্রে তাঁহার পরিচয় লইলাম এবং যথার্থ আত্মপরিচয় প্রদান করিলাম। এই বাবুর নাম মোহিনীমোহন মজুমদার, বয়স প্রায় পঞ্চাশ * * কলেজে প্রফেসরি করেন। ইঁহারা জাতিতে ব্রাহ্ম। অশ্রান্ত কথার পর আমি বলিলাম,—

“মহাশয়! আমি অজ্ঞ যে কারণে আপনার নিকট আগমন করিয়াছি, তাহা বোধ হয় বুঝিতে পারিয়া থাকিবেন।”

“যখন আপনি একজন ডিটেক্টিভ পুলিশ বলিতেছেন, তখন কিছু কিছু বুঝিতে পারিতেছি বই কি।”

“মহাশয়, গত কল্যা আপনার পার্শ্বের বাড়ীতে যে হত্যাকাণ্ড সংসাধিত হইয়াছে, আমার প্রতি তাহার অনুসন্ধানের ভার পড়িয়াছে কিন্তু কি সূত্র ধরিয়া যে এই ভয়ানক কাণ্ডের সকল রহস্যভেদ করিতে পারিব তাহার উপায় দেখিতে পাইতেছি না। এই কারণ আপনার নিকট হইতে কিছু সাহায্য পাইতে পারি কি না এই মনে করিয়া আসিয়াছি। ভরসা করি এই বিষয়ের আপনার দ্বারা যে টুকু সাহায্য প্রাপ্ত হওয়া সম্ভব, তাহা করিতে রূপণতা প্রকাশ করিবেন না।”

“মহাশয়! আমিও ইহার বিষয় আদৌ অবগত নহি। পরশ্ব যখন কলেজে যাই, তখন নবগোপাল বাবুর সহিত সাক্ষাৎ হইয়াছিল তাহার পর আর হয় নাই। কল্যা

বৈকালে কলেজ হইতে আসিবার সময় পথে শুনিলাম, মাথাঘসা লেনে খুন হইয়াছে, কিন্তু কে খুন হইয়াছে তাহা কিছুই শুনি নাই। বাসায় আসিবার সময় দেখিলাম আমার বাসার নিকট কতকগুলি লোক দাঁড়াইয়া আছে, মনে একটু শঙ্কা হইল। তৎপরে নিকটে আসিয়া সবিশেষ জানিলাম, তখন পুলিশ তদারক করিয়া চলিয়া গিয়াছে।”

“আপনি এ বাড়ীতে কতদিন আছেন, এবং নবগোপাল বাবুর সহিত আপনার কতদিন আলাপ?”

“আমি প্রায় আট মাস এই বাড়ীতে আসিয়াছি এবং আসিবার পর অল্প দিনের মধ্যেই আলাপ হয়।”

“পূর্বে আপনি কোন্ স্থানে ছিলেন?”

“পটলডাঙ্গার পিরুখানসামার গলিতে।”

“আপনি কি সর্বদা নবগোপাল বাবুর বাড়ীতে যাতায়াত করিতেন।”

“খুব অল্প, আমার যাইবার সময়ও অধিক ছিল না।”

“আচ্ছা, যে ঘরে নবগোপাল বাবুর মৃত্যু হয় এবং যেখানে তিনি অধিকাংশ অবসর সময় অতিবাহিত করিতেন, আপনার উপরের ঘর হইতে তাহা বেশ দেখিতে পাওয়া যায় বলিয়া মনে হয়।”

“যায়, কিন্তু আমি প্রায় ও কক্ষে যাই না, উহাতে আমার এক কণ্ঠা থাকেন। এবং ঘরের ঐ ধারের জানালাও প্রায় সর্বদা বন্ধ থাকে।”

“পরশ্ব সন্ধ্যার পর যদি তিনি নবগোপাল বাবুকে দেখিয়া থাকেন তবে কত রাত্র পর্যন্ত কিভাবে তিনি দেখিয়াছিলেন যতপি আপনার কণ্ঠাকে একবার অনুগ্রহ ক’রে জিজ্ঞাসা করেন তাহা হইলে বড়ই অনুগ্রহীত হই।”

“আপনি বলিতেছেন, আমার জিজ্ঞাসা করিতে ক্ষতি নাই; কিন্তু সম্ভবতঃ সে কিছুই বলিতে পারিবে না। আপনি একটু অপেক্ষা করুন আমি জিজ্ঞাসা করিয়া আসিতেছি।”

মোহিনী বাবু চলিয়া গেলেন এবং কিছুক্ষণের পর ফিরিয়া আসিয়া বলিলেন,—“না মহাশয়, সে কিছুই দেখে নাই, তবে অশ্রান্ত দিনের মত পরশ্বও সে যতক্ষণ জাগরিতছিল অর্থাৎ প্রায় ১০টা পর্যন্ত নবগোপাল বাবু প্রভৃতির কথা শুনিত পাইয়াছিল।”

“আপনাকে অনেক বিরক্ত করিতেছি, কিছু মনে করিবেন না। নবগোপাল বাবুর বিষয় আমায় এবং উহার সংসারের অবস্থা আপনার কিছু জানা আছে কি?”

“না মহাশয়, উহার সংসারিক কথা কিছুই জানি না। শুনিয়াছি দোকান আছে। আমার বিশ্বাস তাঁহার অবস্থা মন্দ নহে।”

“ঐ বাড়ীতে যে সকল দাসদাসী ছিল তাহাদের কাহারও কোন সংবাদ পাওয়া যাইতেছে না। আপনারও হিন্দুস্থানী চাকর দেখিতেছি, উহাকে জিজ্ঞাসা করিলে রামধনীর কোন সন্ধান পাওয়া যাইতে পারে না কি?”

“উহাকে আমি সবে মাত্র তিন দিন নিযুক্ত করিয়াছি, উহাকে জিজ্ঞাসা করা বৃথা। আচ্ছা দাঁড়ান মহাশয়, বামুন ঠাকুর বোধ হয় মৃত নবগোপাল বাবুর বাড়ীর পাচক বামুনকে জানে। সেদিন সে বলিতেছিল, বৈশাখ মাসে বাড়ী যাবে এবং উহাকে আমার বাড়ীতে রাখিয়া যাইবে।”

“একস্থানে নিযুক্ত থাকিয়া কিরূপে আপনার বাড়ীতে কাজ করিবে?”

“উড়িয়া বামুনেরা এক সময় ২৩ জায়গায় কাজ করিয়া থাকে।”

এই কথা বলিয়া মোহিনী বাবু উচ্চৈঃস্বরে ডাকিলেন—“অর্জুন।”

মলিন বস্ত্রপরিহিত হরিদ্রারঞ্জিত হস্তে উড়িয়া ব্রাহ্মণ অর্জুন আসিয়া উপস্থিত হইল। মোহিনী বাবু তাহাকে বলিলেন,—“হ্যারে নবগোপাল বাবুর বাড়ী যে বামুন রাঁধে সে কোথা থাকে জানিস?”

ব্রাহ্মণ।—সে পাথুরেঘাটায় থাকে।

মোহিনী বাবু।—একবার তাকে ডেকে আনতে পারিস।

ব্রাহ্মণ।—এখন তো সে বাসায় নাই, সকালে ওখানে এক জন কাদের বাড়ীতে রাঁধে, তারপর এখানে আসে।

মোহিনী বাবু।—একবার তাকে ডেকে নিয়ে আসতে পারিস?

ব্রাহ্মণ।—এখনই যাব?

মোহিনী বাবু।—যা, বলিস বেশী দেরী হবে না।

উড়িয়া পাচক চলিয়া গেল, আমার মনে একটু আশা হইল যে এইবার কতকগুলি বিষয় জানিতে পারিব।

আমি মোহিনী বাবুর সহিত এই উড়িয়া পাচকের প্রসঙ্গে কত ছোট লোকদের সহিত আমাদের ব্যবহার করিতে হয়, কত ঘণাকর স্থানে আমাদের গমনাগমন করিতে হয় এই সব কথা কহিতেছি, প্রায় পঁচিশ মিনিট পরে অর্জুন তৎসদৃশ আর একজন খোঁপা বাঁধা উড়িয়াকে লইয়া উপস্থিত হইল। এই ব্যক্তি ব্রাহ্মণ হইয়াও আমাদের উদ্দেশ্যে অবনত মস্তকে নমস্কার করিল। তাহার মনে যে তখন একটি নূতন ভাল চাকুরি পাইবার আশা উপস্থিত না হইয়াছিল তাহা কে বলিতে পারে। মোহিনী বাবু বলিলেন,—এইবার ইহা দ্বারা যদি কিছু সংগ্রহ করিতে পারেন দেখুন।”

আমি উহাকে জিজ্ঞাসা করিলাম,—“তুমি নবগোপাল বাবুর বাড়ীতে রাঁধে?”

আমার এই প্রশ্ন শ্রবণ করিয়া বামুন ঠাকুর মোহিনী বাবুর দিকে দৃষ্টি ভীতভাবে চাহিল এবং কোন উত্তরের পরিবর্তে নিস্তব্ধ হইয়া রহিল। মোহিনী বাবু সাহস দিয়া বলিলেন—“বাবু যা জিজ্ঞাসা করেন বল কোন ভয় নাই।” তখন সে ধীরে ধীরে আমার প্রশ্নের উত্তর দিতে লাগিল। পাঠকের ধৈর্য্যচূড়তির ভয়ে এই সকল প্রশ্নোত্তর আর এখানে তুলিয়া দিলাম না। তাহার এজাহারে নূতন কথা যাহা জানিতে পারিলাম তাহার সার মর্ম্ম এই,—(১) রাত্রে আহালাদি করিবার পর নবগোপাল বাবুর মৃত্যু হয়। (২) বামুন ঠাকুর যখন কাজ সারিয়া চলিয়া যায় তখন রামধনীয়া ও সৌরভ নামক দাসী বাড়ীতে ছিল। (৩) নবগোপাল বাবুর জ্যেষ্ঠা বিধবা ভগ্নী অজ্ঞ চারি দিবস হইল তাঁহার দেবর-কণ্ঠার বিবাহোপলক্ষে বাড়িতে গিয়াছেন। (৪) বাবুর স্ত্রীর সহিত যে দাসী চন্দননগরে গিয়াছে তাহার নাম চাঁপা। (৫) যে দিন নবগোপাল বাবু হত হন সে দিন সন্ধ্যার পর দুই জন ভদ্রলোক অনেকক্ষণ পর্যন্ত তাঁহার নিকট ছিল। তাহাদের নাম ধাম জানা না থাকিলেও উক্ত পাচক ব্রাহ্মণ তাহাদিগকে দেখিলে চিনিতে পারে কারণ তাহারা প্রায় আসিতেন। (৬) ঘর তন্নাসিকালে যে কক্ষে একটি ছোট টিনের ভিতর দুইটি টাকা ও কয়েকখানি সোণার ও রূপার অলঙ্কার পাই, ঐ গৃহে বাবুর ভগ্নী থাকেন। (৭) বাবুর স্ত্রী দেখিতে সুশ্রী। (৮) আট

দশ দিনের মধ্যে কোন নূতন লোককে সে বাটতে আসিতে দেখে নাই। (৯) বাবুর যে ভাগিনেয়র কথা পূর্বে শুনিয়াছিলাম তাহার নাম বিনোদলাল রায়।

এই ব্যক্তি বাহা বাহা বলিল তাহাতে আমার কোন অবিশ্বাস হইল না, কেবল তাহার একটি কথা আমার মিথ্যা বলিয়া মনে হইল। আমি জিজ্ঞাসা করিলাম কল্যা প্রাতে রাঁধিতে আসিয়া সে বাবুকে কিরূপ অবস্থায় দেখিয়াছিল। তাহার উত্তরে সে বলিল তাহার জর হওয়ার কারণ কল্যা রাঁধিতে আসে নাই। একথা আমার আদৌ বিশ্বাস হইল না। আমি আসিবার কালে নবগোপাল বাবুর ভগ্নীর সম্বন্ধে কয়েকটি কথা সংক্ষেপে জানিয়া লইলাম এবং মোহিনী বাবুর নিকট কৃতজ্ঞতা জানাইয়া ফিরিয়া আসিলাম।

(আগামী বারে সমাপ্য।)

শ্রীহরিহর শেঠ।

চীন-প্রসঙ্গ।

পৃথিবীর মধ্যে চীন অতি প্রাচীনতম সাম্রাজ্য। চীনের ইতিহাস এত পুরাতন যে কোন বিচক্ষণ ঐতিহাসিকই ইহার নিশ্চিত সময় নির্ধারণে প্রয়াসী হন নাই। খৃঃ পূর্বের হাজার হাজার বৎসর পূর্বে চীনেরা যে ভাষায় কথাবার্তা কহিত, যেরূপ সামাজিক রীতিনীতি অনুসরণ করিত এবং যেরূপ রাজনৈতিক পদ্ধতি মানিয়া চলিত বর্তমান সময়েও তাহারা সেইরূপই করিতেছে।

সময়ের পরিবর্তনে কত জাতি, কত দেশ, কত মহাদেশের সামাজিক রীতি নীতি ও সভ্যতার কতরূপ পরিবর্তন সংসাধিত হইয়াছে কিন্তু চীন অতি প্রাচীনতম কাল হইতে একই ভাবে চলিতেছে। সংক্ষেপে এক কথায় বলিতে গেলে বলিতে হয় চীনারা অত্যন্ত রক্ষণশীল জাতি। চীন প্রাচীন ইজিপ্তিয়ান, আসিরিয়ান এবং জুইসদিগের সমসাময়িক রাজ্য এবং বর্তমান সময়ে পৃথিবীর মধ্যে চীনের স্থায় অপর

কোন প্রাচীন রাজ্যের অন্তিম বিদ্যমান নাই। চীনের অতি পুরাতন ইতিহাস বিশেষরূপে পর্য্যালোচনা করিলে দেখিতে পাওয়া যায় যে, বিখ্যাত কনফিউসাসের সময় হইতে বর্তমান সময় পর্যন্ত তাহারা একই ভাবে চলিয়া আসিতেছে, এই সুদীর্ঘকাল পর্যন্ত যে জাতির পরিবর্তন ঘটে নাই তাহারা যে জগতের ইতিহাসে বিস্ময় উৎপাদন করিবে তাহার আর সন্দেহ কি?

কালের পরিবর্তনে সময় সময় ঘটনাচক্রে চীনরাজ্যের সীমার হ্রাস বৃদ্ধি হইয়াছে বটে কিন্তু খাস চীন রাজ্য অতি প্রাচীন কাল হইতে যে অষ্টাদশ প্রদেশে বিভক্ত ছিল তাহার কোনও পরিবর্তন ঘটে নাই, উহা আজিও সমভাবে বিদ্যমান আছে।

চীনের অপর একটি বিশেষত্ব এই যে, জগতের অন্ত কোন দেশ বা জাতির সহিত ইহার অতি অল্পই সংঘর্ষ ছিল। চীনারা স্বদেশের সীমার ভিতর আবদ্ধ থাকিয়া যুদ্ধবিগ্রহ ব্যবসা বানিজ্য সম্পন্ন করিত। পৃথিবীর অপর কোন দেশ বা জাতির সহিত ইহাদের কোন সংশ্রব ছিল না। বাণিজ্যের প্রসার বৃদ্ধি অথবা রাজ্যভাঙনসময় বশবর্তী হইয়া কখনও তাহারা নরশোণিতে ধরণীর অঙ্গ প্রাণিত করে নাই। স্বদেশজ পণ্যদ্রব্যে স্বীয় অভাব পূরণ করিয়া চীন আপন মনে আপনাকে লইয়াই ব্যস্ত থাকিত; জগতের অপরাংশে কোথায় কি হইতেছে তাহার বড় একটা খোজ খবর রাখিত না। গত শতাব্দীর মধ্যভাগে চীনের প্রতি ইউরোপীয় শক্তিনিচয়ের দৃষ্টি পড়ে। এবং প্রকৃত পক্ষে সেই সময় হইতেই চীনও পৃথিবীর অপরাংশের সংবাদ লইতে শিখিয়াছে। বর্তমান সময়ে বিদেশীয়গণ কিরূপভাবে চীনের প্রতি ব্যবহার করিতেছে তাহা সকলেই বিশেষরূপে অবগত আছেন সুতরাং সে বিষয়ের পুনরুক্তি, এস্থলে নিশ্চয়োজন।

চীনাদিগের পূর্বপুরুষগণ, সর্ব প্রথমে চীনের উত্তর পশ্চিমস্থ সেন্সি নামক স্থান হইতে আসিয়া চীনে বসবাস করে বলিয়া অনুমিত হয়। তৎপরে 'ফহি' নামক এক ব্যক্তি তাহাদের আদি শাসনকর্তারূপে নির্ধারিত হন। ফহিকে আজিও চীনারা দেবতা জ্ঞানে সম্মান প্রদর্শন করে এবং তাঁহার উদ্দেশে পূজা

দিয়া থাকে। ভারতের মনুর স্থায় ফহি চীনদেশের আইন কানন ও আচার-পদ্ধতির প্রবর্তক বলিয়া বিখ্যাত। তাঁহার পরবর্তী একজন উত্তরাধিকারীর নাম হাংটি। হাংটির অর্থ স্বর্গের সম্রাট। ফলতঃ এই সময় হইতেই চীন সম্রাটের পদ সৃষ্ট হয়। হাংটি স্বীয় দেশ দশ প্রদেশে বিভক্ত করেন এবং প্রত্যেক প্রদেশে দশটি বিভাগ, প্রত্যেক বিভাগে দশটি জেলা, এবং প্রত্যেক জেলায় দশটি করিয়া নগর সংস্থাপিত হয়। হাংটি চীন পঞ্জিকার আবিষ্কারক এবং তাঁহার পৌত্র জ্যেতিষ শাস্ত্রের সংস্কারক অথবা আবিষ্কারক বলিয়া প্রসিদ্ধ।

হাংটির উত্তরাধিকারীর মধ্যে "জাওর" নাম বিশেষ উল্লেখযোগ্য। জাও সর্বদা প্রজাপুঞ্জের সুখ সমৃদ্ধির ও তাহাদের সর্ববিধ উন্নতির চিন্তায় দিনাতিপাত করিতেন। প্রজারঞ্জক নরপতি বলিয়া চীন ইতিহাসে

তাঁহার নাম বিশেষ গৌরবান্বিত। জাও চুং নামক একজন জ্ঞানী ব্যক্তিকে স্বীয় মন্ত্রীপদে মনোনীত করিয়া তাঁহার সাহায্য ও সংপরামর্শে রাজ্য শাসন করেন, এবং মৃত্যু কালে চুংকেই স্বীয় রাজ্যের ভাবী উত্তরাধিকারীরূপে রাজসিংহাসন প্রদান করিয়া যান। চুং অপত্যনির্কিণে প্রজাপালন করিয়া পরে 'জু' নামক এক ব্যক্তিকে রাজ্যভার দিয়া স্বর্গারোহণ করেন।

জাও, চুং এবং জুর শাসনকাল চীন-ইতিহাসে বিশেষ উল্লেখযোগ্য। ইহাদের স্বশাসন কাল "রাম রাজত্বের কাল" বলা যাইতে পারে। দেশের সর্বশ্রেষ্ঠ ব্যক্তিই এই ভাবে সম্রাট পদে বরিত হইত। প্রচলিত প্রথানুসারে জু মৃত্যু সময়ে তাঁহার উত্তরাধিকারী মনোনীত করিয়া যান কিন্তু তাঁহার পুত্র টিকি বলপূর্বক সিংহাসন অধিকার করেন এবং এই সময় হইতে



সম্রাট কনলুং।

চীনের সম্রাট বংশ স্থাপিত হয় এবং বংশপরম্পরা রাজ্যশাসন প্রথা প্রবর্তিত হয়। টাংর শাসনকাল হইতে প্রথম হিয়া বংশের রাজত্ব আরম্ভ হয়। খৃঃ পূঃ ২১৯৭ বর্ষে এই ঘটনা সংঘটিত হয় বলিয়া অনুমিত হয়। এই বংশের ১৭ জন নরপতি পর্যায়ক্রমে খৃঃ পূঃ ১৭৭৬ অব্দ পর্যন্ত চীনের শাসনদণ্ড পরিচালন করেন।

চীনের দ্বিতীয় রাজবংশ চাং। এই বংশীয় ২৮ জন নরপতি ৬৫৪ বৎসর কাল অর্থাৎ খৃঃ পূঃ ১১২২ অব্দ পর্যন্ত রাজ্যশাসন করেন; কিন্তু ইহাদের শাসনকালে বিশেষ কোন উল্লেখযোগ্য ঘটনা ঘটে নাই। পরে চৌ নামক তৃতীয় রাজবংশের রাজত্ব আরম্ভ হয়। এই বংশীয় রাজগণ ৮৬৭ বৎসর কাল চীনের শাসনদণ্ড পরিচালনা করেন। এই বংশে ভাল মন্দ উভয় প্রকার নরপতির আবির্ভাব হয়। এই রাজবংশের শাসনকালে বিখ্যাত সংস্কারক মনস্বী লাউসি, কনফিউসাস্ এবং মেন্সিয়াম্ জন্মগ্রহণ করেন। ইহার পর অনেকানেক রাজবংশ চীন-রাজ্য শাসন করেন।

বর্তমান সময়ের নরপতিদিগের মধ্যে কিনলুংএর নাম বিশেষ উল্লেখযোগ্য। তাঁহার সৈন্যগণ হিমালয় উত্তীর্ণ হইয়া পামীরে প্রবেশ করে এবং তিনি মধ্য এশিয়ায় চীন-প্রভুত্ব স্থাপন করেন। তাঁহার রাজত্বকালে চীনের অশেষবিধ উন্নতি সাধিত হয় এবং তিনি অপত্যনির্কীর্ষে প্রজাপালন করিয়া ১৭৪৫ খৃঃ অব্দে মানবলীলা সম্বরণ করেন। পূর্ব পৃষ্ঠায় তাঁহার প্রতিকৃতি প্রদত্ত হইল।

বর্তমান সময়ে চীনের সম্রাটগণ ম্যাণ্ডারিন্ বা বিভাগীয় শাসনকর্তাদিগের সাহায্যে, রাজ্যশাসন করিয়া আসিতেছেন, রাজ্যশাসন বিষয়ে, এই ম্যাণ্ডারিন্দিগের ক্ষমতা অত্যন্ত অধিক। ইহাদিগের হস্তে দেশের দেওয়ানী ফৌজদারী উভয়বিধ ক্ষমতা শুল্ক রহিয়াছে। দেশে যুদ্ধ বিগ্রহ উপস্থিত হইলে, ম্যাণ্ডারিন্গণ স্ব স্ব অধিকারের পরিমাণ ফলানুসারে, নির্দিষ্ট সংখ্যক সৈন্য সরবরাহ করিয়া, সম্রাটের আদেশ প্রতিপালন করিয়া থাকেন। পার্শ্বে এক জন মিলিটারী ম্যাণ্ডারিনের প্রতিকৃতি প্রদত্ত হইল।

প্রাচীন ইতিহাসের কথা বলিতে হইলে, চীনের সাধারণ লোকদিগের সভ্যতা বিষয়ে ছুই এক কথা বলা



মিলিটারী ম্যাণ্ডারিন্।

একান্ত প্রয়োজনীয়। সাধারণতঃ চীনের লোক গুলি শিল্প-কার্যে বিশেষ পটু। ইহাদের শিল্পনৈপুণ্যের বিষয় পৃথিবীর অপর দেশ মহাদেশে পরিব্যাপ্ত। কি কারু-কার্য, কি চিত্র কার্য, কি পূর্ত কার্য, সর্ব বিষয়েই চীনারা চরমোৎকর্ষ লাভ করিয়াছে। চীনের স্থাপত্য বিচার উন্নতি বিষয়ে পর্যালোচনা করিলে, চমৎকৃত হইতে হয়। সুপ্রসিদ্ধ চীনের প্রাচীর ইহার জাজ্জল্যমান প্রমাণ স্বরূপ দণ্ডায়মান রহিয়াছে। এতদ্ভিন্ন ক্ষেত্রে জল-সেচন জন্ত উৎকৃষ্টতর পয়ঃপ্রণালী ও খালসমূহ খনন দ্বারা এবং স্থলে স্থলে উহার উপর সুন্দর সুন্দর সেতু নিৰ্মাণ করিয়া, চীনারা বিশেষ শিল্প নৈপুণ্যের পরিচয় দিয়াছে।

চীনে কৃষিকার্যের উন্নতিও যথেষ্ট হইয়াছে। বিখ্যাত চাউ বংশের রাজগণের রাজত্বকালে সরকারী কৰ্মচারি-গণ কৃষকদিগের কার্য পরিদর্শন করিতেন এবং উৎকৃষ্টতর কৃষিকার্য বিষয়ে লোকদিগকে উপদেশ ও পরামর্শ প্রদান করিতেন। এই প্রকার প্রণালী অনুসরণে, চীনে কৃষিবিজ্ঞানের বিশেষ উন্নতি সংসাধিত হইয়াছে। চীনের কৃষকগণ অত্যন্ত পরিশ্রমী এবং কৰ্মঠ। তাহা-

দের স্বস্থ সবল দেহ তাহাদের কৰ্মজীবনের অল্পরূপ নিয়ে এক জন পূর্ণবয়স্ক কৃষকের প্রতীমূর্তি প্রদত্ত হইল। সংসারযাত্রা নির্বাহের জন্ত যে যে কার্য প্রয়োজন হয়, তাহার প্রত্যেক কার্যেই চীনারা ন্যূনাবিক কৌশল

চীনের লোকের! এতই কৌশলী যে, একটি লবণ প্রস্তুতের কারখানায় বয়লারের পরিবর্তে আগ্নেয়গিরি ব্যবহৃত হইতেছে। আগ্নেয়গিরি এইরূপ সুরক্ষিত যে তদ্বারা লোকের কোনরূপ আশঙ্কার কারণ নাই। অথচ অল্প ব্যয়ে




চীনকৃষক।

প্রকাশ করিয়া থাকে। পাশ্চাত্য বিজ্ঞানের সাহায্য না পাইয়াও, চীনারা দেশের শিল্পজাত দ্রব্যের উৎপন্ন বিষয়ে, সহজ অথচ সুন্দর কৌশল উদ্ভাবন করিয়া জগতের বিশ্বয় উৎপাদন করিয়াছে।


প্রকৃতির সাহায্যে কেবল বুদ্ধিকৌশলে কত বড় বৃহৎ কার্য সাধিত হইতেছে। চীন অতি উৎকৃষ্ট মাটির বাসনের জন্ত বিখ্যাত। এই মাটির বাসনের প্রস্তুত প্রণালী অতীব সহজ; এমন কি ক্ষেত্রকর্ষণ অপেক্ষাও ইহা সহজসাধ্য।

চীনদেশে জলের সাহায্যে অনেক ইঞ্জিনের কার্য সম্পন্ন হইয়া থাকে ।

বর্তমান সময়ে চীনে টেলিগ্রাফের যথেষ্ট প্রচলন হইয়াছে, কিন্তু চীনারা তাহাদের প্রাচীন ডাকের প্রথার বিশেষ পক্ষপাতী । এক স্থান হইতে অত্র স্থানে ডাক বহন করিবার বন্দোবস্ত অতি সুন্দর । নির্দিষ্ট পরিমাণ দূরে এক একটি ঘাঁটি বা আড্ডা আছে, তথায় উপযুক্ত সংখ্যক অশ্বারোহী পত্রবাহকগণ সর্বদাই উপস্থিত থাকে এবং এইরূপে গ্রাম হইতে গ্রামান্তরে অতি অল্প সময় মধ্যে চিঠি পত্র ও সংবাদাদি প্রেরিত হয় । এইরূপে ২৪ ঘণ্টার মধ্যে ১০ দিনের পথে ডাক চলিয়া যায় ।



মৎস্য ধরিবার কৌশল ।



ক্ষেত্রে জল সেচন-প্রণালী ।


চীনারা সর্ববিষয়ে কৌশলী পূর্বেই বলা হইয়াছে । পার্শ্ব মৎস্যধরিবার কৌশলের নিদর্শন স্বরূপ একটি চিত্র প্রদত্ত হইল ।

চীনের কৃষি-উৎসব এক অপূর্ণ ব্যাপার । চারি হাজার বৎসর পূর্বে সম্রাট জাওর রাজত্ব কাল হইতে এই উৎসব চলিয়া আসিতেছে । প্রতি বৎসর বসন্তকালে এই উৎসব অনুষ্ঠিত হয় । দেশের ছোট বড় আপামর সাধারণ সকলেই এই ব্যাপারে যোগ দিয়া থাকে । মৃত্তিকা নিষ্কৃত এক প্রকাণ্ড গাভীর মূর্তি ও অত্রা অত্র অনেক গুলি ছোট বড় মূর্তি প্রস্তুত হয় । ঐ সকল মূর্তি সমূহ লইয়া এক মিছিল বাহির হয় । দেশের প্রধান ম্যাণ্ডারিন এই মিছিলের অগ্রে অগ্রে চলেন এবং তাঁহার পশ্চাতে ঐ বৃহৎকায় গাভী মূর্তি এবং উহার পর অত্রা অত্র মূর্তিগুলি বহন করিয়া ক্ষেত্রের কোন নির্দিষ্ট স্থলে লইয়া যাওয়া হয় । তথায় সমবেত হইয়া কৃষিকার্যের গুণ কীর্তন ও কৃষিবিষয়ক বক্তৃতাতির পর উপস্থিত জনসমূহের মধ্যে শ্রেষ্ঠ ব্যক্তিবর্গ স্বহস্তে ক্ষেত্র কর্ষণ করেন । এইরূপে এই মহোৎসব সুসম্পন্ন হয় । চীনে ইহা একটি প্রধান উৎসব ।

চীনারদের ক্ষেত্রে জলসেচন প্রণালীও সুন্দর । নদী, নালা, খাল প্রভৃতি উচ্চ অথবা নিম্ন স্থান হইতে নিম্ন প্রদ-

র্শিত উপায়ে ক্ষেত্রে জল সেচন করিয়া চীনারা প্রচুর শস্য উৎপাদন করে ।

চীনে ধান হইতে চাউল প্রস্তুত প্রণালী প্রায় আমাদের দেশের অনুরূপ । আমাদের টেকৌর ত্রায় যন্ত্র চীনে ধান ভানিবার জন্ত ব্যবহৃত হয়, নিম্নে উহার এক চিত্র প্রদত্ত হইল ।



ধান ভানিবার যন্ত্র ।

চীনের জলবায়ু অতীব স্বাস্থ্যকর । এই কারণে চীনের লোক সংখ্যাও খুব বেশী । সমগ্র পৃথিবীর প্রায় এক তৃতীয়াংশ লোক চীনে বাস করে, খাস চীনের পরিমাণ ফল সমগ্র ইউরোপের তুল্য, এবং তথায় প্রায় ৪০ কোটি লোকের বাস ।

চীনে শিক্ষিত লোকের সম্মান খুব বেশী । বিদ্যালয়গ চীনদেশীয় লোকের হৃদয়ে একরূপভাবে বদ্ধমূল যে, সাধারণ শিক্ষার জন্ত আইন কানন বিধিবদ্ধ করিতে হয় না । চীনের বর্ণমালা ভাবদ্যোতক । আমাদের বর্ণমালা ক খ ইত্যাদি কিম্বা ইংরেজী বর্ণমালা এ, বি, সি প্রভৃতির ধরূপ কোন অর্থ নাই, চীনের বর্ণমালা সেরূপ নহে । চীনের এক একটি বর্ণমালায় এক একটি বিষয়ের বা ভাবের অর্থ বোধ হয়, এই জন্ত চীনের বর্ণমালায় সংখ্যাবাহুল্য দৃষ্ট হয় । এই সংখ্যাবাহুল্যের জন্তই ইহা আয়ত্ত করিতেও বিশেষ আয়াস আবশ্যক । ভাষা শিক্ষার সম্বন্ধে বিদেশীয় লোকের পক্ষে ইহা এক প্রধান অন্তরায় ।

নয়খানি প্রাচীন পুঁথি অধ্যয়ন করিলেই চীনে সাধারণ শিক্ষা সমাপ্ত হয় । এই নয়খানি গ্রন্থের মধ্যে কনফিউসাস সংগৃহীত "সিকিং" অথবা সঙ্গীত পুস্তক বিশেষ উল্লেখ-

যোগ্য । এই পুস্তকে সমাজ, রীতি, নীতি, ধর্ম এবং প্রধান প্রধান লোকের জন্ম মৃত্যু উপলক্ষে আনন্দ বা শোক প্রকাশার্থ রচিত উৎকৃষ্ট জাতীয় সঙ্গীত সংগৃহীত হইয়াছে ।

চীনের পুস্তক সংগ্রহ এক অদ্ভুত ব্যাপার । ইউরোপের বিখ্যাত "এনসাইক্লোপিডিয়া ব্রিটানিকা" ত্রায় সুবৃহৎ পুস্তকও চীনের পুস্তকসংগ্রহের নিকট হার মানেন । চীনে মিং রাজগণের রাজত্ব সময়ে এক "এনসাইক্লোপিডিয়া," প্রস্তুতের আদেশ হয় কিন্তু উহা সম্পূর্ণ হইতে বহুবর্ষ অতীত হয় । এই পর্বতাকার সুবৃহৎ গ্রন্থে ২২৯৩৭ খানি পুস্তকের সার সংগ্রহ আছে । উহা আর মুদ্রিত হয় নাই । এখনও এই হস্তলিখিত পুঁথি পিকিনেনয় রাজকীয় পুস্তকাগারে সুরক্ষিত রহিয়াছে ।

চীনে শিক্ষিত লোকের ক্ষমতা যথেষ্ট । প্রতিযোগী পরীক্ষা দ্বারা শিক্ষিত লোকের মধ্য হইতে সরকারী কার্যে লোক নিযুক্ত হয় । শিক্ষিত লোকের সংখ্যার অনুরূপে অতি অল্প লোকেই সরকারী চাকুরী পাইয়া থাকে, সুতরাং এই শিক্ষিত লোকেরা চাকুরী প্রাপ্তি বিষয়ে বিফলমনোরথ হইয়া দেশে অশান্তির স্রোত শতগুণে বর্দ্ধিত করে । ইহার কারণে সর্ববিধ উন্নতির প্রতিবন্ধক স্বরূপ দেশের মহদনিষ্ঠ করিয়া থাকে, রাজকীয় বিধানানুসারে চীন বিশ্ববিদ্যালয়ের উপাধিধারী গ্রাজুয়েটগণ সর্ববিষয়ে মুক্ত হস্ত । ইহার গুরুতর অপরাধ করিলেও বিনাদণ্ডে অনায়াসে নিষ্কৃতি পায় । কারণ সম্রাটের বিশেষ আদেশে ইহা-দিগের উপাধী কাড়িয়া না লইলে তাহাদিগের অপরাধের বিচার করিতে কোন মাজিষ্ট্রেট বা ম্যাণ্ডারিনেরই ক্ষমতা নাই । আইনের বলে বলীয়ান হইয়া এই শিক্ষিত লোকেরা আপনাদিগকে উচ্চ পদস্থ রাজকর্মচারীর সমকক্ষ জ্ঞান করিয়া থাকে এবং মুর্থ নিরক্ষর লোকদিগকে নানা উপায়ে উৎপীড়িত করিয়া অর্থোপার্জন পথ সন্ধান করে । যে সমুদয় শিক্ষিত লোক সরকারি চাকুরী না পায় তাহাদের জীবিকার্জনের জন্ত দুই পথ মুক্ত আছে—এক চিকিৎসা ব্যবসায় অপর বাণিজ্য । কিন্তু শিক্ষিত লোকেরা ব্যবসায়কে ঘৃণার চক্ষে দেখিয়া থাকে । সূত্রধরের পুত্র লেখাপড়া শিখিয়া আর হাতুরী বাঁটাল হস্তে ছুতারের কার্য করিতে রাজী হয় না । সরকারী কার্যের

সংখ্যার অল্পতা হেতু সকলেরই চাকুরী জুটে না স্মতরাং বেকার থাকিয়া ইহারা কেবল দেশের দারিদ্র্য বৃদ্ধি করিয়া থাকে, এবং নানাপ্রকার অশান্তির বীজ বপন করে।

নিম্নে চীনের একজন বেকার শিক্ষিত লোকের প্রতিকৃতি প্রদত্ত হইল।




বেকার শিক্ষিত লোক।

বর্তমান সময়ে চীনদেশে শিক্ষিত লোকদের মধ্যে ভীষণ দারিদ্র্যের স্রোত প্রবলবেগে প্রবাহিত হইতেছে। যতদিন চীনে পাশ্চাত্য বিজ্ঞানের সম্যক প্রচলন না হইবে ততদিন এই দৈন্যভাব উত্তরোত্তর বৃদ্ধি প্রাপ্ত হইবে। চীনে

শিক্ষিত সম্প্রদায় সরকারি চাকুরীর জন্ত কিরূপ লালায়িত তাহার একটা দৃষ্টান্ত না দিয়া আমরা বর্তমান প্রবন্ধের উপসংহার করিতে পারিতেছি না। ১৮৯২ খৃঃ পিকিন নগরে একটা সরকারি কার্যের জন্ত লোক গ্রহণের বিজ্ঞাপন প্রচারিত হয়। আমাদের দেশের মুদ্রার পরিমাণ অনুসারে ঐ পদের মাসিক বেতন প্রায় একশত টাকা। পাঠকগণ শুনিয়া স্তম্ভিত হইবেন যে, ঐ চাকুরীর জন্য প্রায় দেড় হাজার আবেদন উপস্থিত হইয়াছিল। এদৃশ্য আজি কালি আমাদের দেশেও বিরল নহে। এই জীবন-সংগ্রামের দিনে চাকুরীর জন্ত ভারতবর্ষেও কিরূপ তুমুল কাণ্ড ঘটতেছে তাহা প্রত্যেক অভিজ্ঞ ব্যক্তিই সম্যক পরিজ্ঞাত আছেন। ভারতবর্ষের মধ্যে আবার খান বাঙ্গালা দেশের আরো ভীষণ অবস্থা। বাঙ্গালী ও শিক্ষিত চীনাাদের স্থায় সরকারী চাকুরীর মোহন মন্ত্রে মুগ্ধ। এদেশেও দুই জন ডেপুটী মাজিষ্ট্রেট নিয়োগের প্রতিযোগী পরীক্ষা গ্রহণ করিলে দুই শতের অধিক পরীক্ষার্থী উপস্থিত হয়। সামান্য কেরাণীগিরির জন্ত বিজ্ঞাপন বাহির হইলে শত শত উমেদার উপস্থিত হয়। আফিসের কর্তারা (No vacancy অথবা Vacancy filled up) 'চাকুরী খালি নাই' 'কর্ম্মে লোক নিযুক্ত হইয়াছে' ইত্যাদি বিজ্ঞাপন প্রচার করিয়া উমেদারগণের হস্ত হইতে নিষ্কৃতি লাভ করেন। এখন আর বাঙ্গালী বিদেশ গমনে ভীত হয় না! পেটের দায়ে চাকুরীর মায়ায় ভেতো বাঙ্গালী এখন হনলুলু, ইছাগুলো অথবা জুলুল্যাণ্ডে যাইতেও প্রস্তুত!

স্মতরাং চীনের স্থায় আমাদের দেশের অবস্থাও ভীষণ হইতেছে। কবে যে এ অবস্থার পরিবর্তন হইবে, ভগবানই জানেন। বারান্তরে চীন সম্বন্ধে আরো অনেক জ্ঞাতব্য বিষয়ের আলোচনার ইচ্ছা রহিল।

শ্রীঃ—



পাহাড়ী বাবা।

মগ্ধম পরিচ্ছেদ।

মহামায়ার বিবাহ তাড়াতাড়ি দিবার জন্ত বিমলার এত আগ্রহের কারণ—কেবল পাহাড়ী বাবা নহে, অল্প কারণও ছিল। একেত কন্যার বিবাহের বয়স উত্তীর্ণ হইয়া গিয়াছে, তারপর দেশে আসা অবধি কন্যার ভাব গতিকও কেমন ভাল নহে। হুর্গাদাসের গৃহে থাকিতে থাকিতেই বিমলার মনে একটা সন্দেহ উপস্থিত হয়, সেই কারণে বিমলা তাড়াতাড়ি আপনার বাড়ী চলিয়া আইসে। এখানে দুই একদিন বাস করিবার পর, বিমলার মনে কিন্তু আর সে সন্দেহ রহিল না, তখন সে সন্দেহ বিশ্বাসে পরিণত হইয়া গেল। কি ঘটনায় এইরূপ হইল, তাহা বলিতেছি।

মহামায়া যে দিন নিজ বাড়ীতে আসিয়াছিল, তারপর দিন জননীকে কহিল—“মা, আমার এ বাড়ীতে থাকতে ইচ্ছে করে না, কাঁকা মহাশয়ের বাড়ীতে কেবল বেতে ইচ্ছে করছে।”

বিমলা উত্তর করিল—“সে কি মা? এ যে তোমার নিজের বাড়ী, সে বাড়ী যে পরের বাড়ী।”

মহামায়া। আমার বড় মন কেমন করে মা।

বিমলা। কার জন্তে মন কেমন করে মা?

মহামায়া। কেন—অতুল দাদার জন্তে।

কথাটা শুনিয়া বিমলা কিছুক্ষণ স্তম্ভিত হইয়া রহিল। বিমলার মুখে আর কথা নাই। মহামায়া পুনরায় কহিল—“আচ্ছা মা, অতুল দাদার জন্তে তোমার কি মন কেমন করে না?”

এ অবস্থায় কন্যার এ সরলতা জননীর বিষতুল্য মনে হইতে লাগিল। কি ভাবিয়া বিমলা কহিল—“কল্পে না কেন—করে। তোর মন কি রকম করে আমায় খুলে বুল্ দেখি।”

মহামায়া। দেখ মা, আমার কেবল তাঁকে দেখতে ইচ্ছে করে, তাঁর কাছে থাকতে ইচ্ছে করে, তাঁর কথা শুন্তে ইচ্ছে করে।

এমন সময় হঠাৎ বিমলার মুখ হইতে বহির্গত হইল—
“দূর হতভাগী—তবে তুই মরেছিস্!”

মহামায়া জননীর এ কথার কোন অর্থই বুঝিতে পারিল না। একটু অপ্রস্তুত হইয়া কেবল তাঁহার মুখের দিকে ফ্যাল ফ্যাল করিয়া চাহিয়া রহিল। মহামায়ার অপরাধ কি?

বিমলা এই সময় কন্যার মুখমণ্ডলের প্রতি একবার তীক্ষ্ণ দৃষ্টি নিক্ষেপ করিল। তারপর কহিল—
“তোরা অতুল দাদাকে কি তোর বিয়ে করতে ইচ্ছে করে?”

বিবাহের কথায় মহামায়ার সেই ঐচ্ছুকিত মুখকমল ঈষৎ আকৃষ্ট ও আরক্ত হইল। মহামায়া চক্ষু অবনত করিয়া কহিল—“না মা।”

বিমলা তখন এক দীর্ঘ নিশ্বাস ত্যাগ করিয়া কহিল—
“তেমন অদৃষ্ট কি তোর হবে? দেখি—জগদম্বার মনে কি আছে? দেখ্ মহামায়া, আজ আমার কাছে যে সকল কথা বল্লি, আর কার কাছে এ সকল কথা বলো না মা। ছি! বলতে নেই! তুমি ত এ দেশের রীতিনীতি জান না, মা। এ রকম কোন কথা শুন্লে হয় পাগল বল্বে, না হয়, নিন্দে কর্বে।”

সরলা বালিকা সরল ভাবেই জননীকে প্রশ্ন করিল,—
“কি কথা বলতে নেই না?”

বিমলা। এই এখন যে কথা তুই আমার কাছে বল্লি।

মহা। কি কথা বলছি মা?

বিমলা। এই তোর অতুল দাদার জন্তে মন কেমন করার কথা। তাকে দেখতে ইচ্ছে করে—তার কাছে থাকতে ইচ্ছে করে,—এ সকল কথা আর কার কাছে কখন বলো না মা।

মহা। কেন বলবো না মা?

বিমলা। ছি! বড় লজ্জার কথা—বড় ঘৃণার কথা! দেখ মহামায়া, বার সঙ্গে তোর বিয়ে দেবো, কেবল তার জন্তে তোর ঐ রকম মন কেমন করা উচিত, আর কার জন্তে নয়।

মহা। তবে অতুল দাদার জন্তে মন-কেমন কেন করে না?

বিমলা। করতে নাই—করলে পাপ হয়।

মহামায়ার সেই প্রফুল্ল মুখ তখন বিষণ্ণ হইল। এমন সময় দূর হইতে লোহিয়া ডাকিল—“মহামায়া!”

মহামায়া চমকিয়া উঠিল! তারপর—“লোহিয়া কেন ডাকছে—যাই মা”—বলিতে বলিতে দ্রুতপদে জননীর নিকট হইতে প্রস্থান করিল। লোহিয়ার নিকট আসিয়া মহামায়া কহিল—“কেন লোহিয়া?”

লোহিয়া মহামায়ার সেই বিষণ্ণ মুখ দেখিয়া এবং অস্বাভাবিক কণ্ঠস্বর শুনিয়া প্রথমে বিস্মিত নেত্রে কিছুক্ষণ চাহিয়া রহিল। তারপর কহিল—“তোমার মুখ শুকনো আছে—কেনরে মহামায়া?”

মহামায়া সে প্রশ্নের কোন উত্তর দিতে পারিল না। বরং সে প্রশ্নে তার মুখখানি যেন আরো শুকাইয়া গেল। লোহিয়ার প্রাণ আকুল হইয়া উঠিল। লোহিয়া আকুল প্রাণে কহিল—“মহামায়া!”

লোহিয়ার সম্মুখে মহামায়ার ক্রন্দন! এইবার মহামায়া কাঁদিয়া ফেলিল। কি সর্বনাশ! ব্যাতী আপন শাবকের হঠাৎ বিপদ দেখিলে, যেমন সে বিপদ উদ্ধারের চেষ্টায় মুহূর্তের মধ্যে লাপাইয়া পড়ে, লোহিয়াও তৎক্ষণাৎ সেইরূপ মহামায়ার উপর ঝাফাইয়া পড়িল তারপর মহামায়াকে সন্নেহে বক্ষে ধারণ করিয়া লোহিয়া কহিল—“হামি বুঝেছে—হামি বুঝেছে—মা তাকে বকেছে। কেন বকেছেরে মহামায়া?”

বলিতে বলিতে ক্রুদ্ধ ব্যাতীর শ্রায় লোহিয়া ফুলিয়া উঠিল। মহামায়া এ প্রশ্নের কোন উত্তর দিতে পারিল না। লোহিয়ার বক্ষে মস্তক রাখিয়া কেবল ফুলিয়া ফুলিয়া কাঁদিতে লাগিল। মহামায়াকে কাঁদিতে দেখিয়া লোহিয়াও কাঁদিল। যেন কঠিন পর্বত ভেদ করিয়া নির্ঝরিণী ছুটিল। লোহিয়ার চক্ষের জলে তাহার বক্ষঃস্থল ভাসিয়া যাইতে লাগিল। কেন মহামায়া কাঁদে, মহামায়া তাহা জানে না। কেন লোহিয়া কাঁদে, লোহিয়াও তাহা জানে না। কিছুক্ষণ পরে লোহিয়ার সে হুঁস হইল। লোহিয়া মহামায়াকে সাস্বনা করিয়া জিজ্ঞাসা করিল—“কে তুমি হার কাঁদায়ছে মহামায়া?”

মহামায়া ধীরে ধীরে উত্তর করিল—“কেউ আমায় কাঁদায়নি লোহিয়া।”

লোহিয়া। তবু কেন তুমি কাঁদিলি আর হামারে ভি কাঁদালি মহামায়া?

মহামায়া। সত্য বল্চি—আমায় কেউ কাঁদায়নি, আমার প্রাণটা কি জানি কেন, আপুনি কেঁদে উঠলো—লোহিয়া।

লোহিয়া। তুমি মনে কিছু ছুঃখ আছে। কি ছুঃখ আছে হামায় বল্বে না মহামায়া?

মহামায়া। কই ছুঃখ ত কিছু নাই। তবে থেকে থেকে একটা কথা আমার কেবল মনে হয়। মা বলেন—সে কথাটা মনে হতে নাই।

লোহিয়া। সে কি কথা আছেরে মহামায়া?

মহামায়া। মা যে কারু কাছে সে কথা বল্তে বারণ করে দিয়েছেন।

লোহিয়া। হামায় বল্তে বারণ না করেছে। হামারে বল্তে কিছু দোষ না আছে।

মহামায়া তখন তাহাই বিশ্বাস করিয়া কহিল—“এই অতুল দাদার কথা।”

লোহিয়া বিস্মিত হইয়া কহিল—“তুমি অতুল দাদার কি কথা আছেরে।”

মহামায়া অপেক্ষাকৃত ক্ষীণস্বরে বলিতে লাগিল—“দেখ লোহিয়া, অতুল দাদাকে দেখতে না পেলে আমার বড় মন কেমন করে। মনে হয়—ছুটে গিয়ে একবার দেখে আসি। পূর্বেত এমন হতো না। এ বাড়ীতে আসা পর্যন্ত আমার মনটা এই রকম হয়েছে। মা বলেন—এ রকম হওয়া ভাল নয়—এতে পাপ হয়। পাপই যদি হয়, তবে আমার মন কেন এমন হলো লোহিয়া?”

প্রশ্ন শুনিয়া লোহিয়ার আগ্রহ অধিকতর বৃদ্ধি পাইল। লোহিয়া আগ্রহের সহিত কহিল—“তুমি হার কথা শুনে, হামার পরাণটা কেমন কর্ছে। তুমি কি অতুল দাদাকে ভালবাসিস?”

মহামায়া সরলভাবে উত্তর করিল—“তা কেমন করে বলবো? আমি মাকে যেমন ভালবাসি, তাকে যেমন ভালবাসি—এ ভালবাসা ত সে রকম নয়।”

লোহিয়া। হামি বুঝেছে—কিছু কিছু বুঝেছে। মহামায়া, সেটি হবে না—হামার জান্ যাবে, তবু সেটি হবে

না। এবার যখন মন কেমন কর্বে—হামায় বল্বে, হামি তুমি হার মন টেনে ছিঁড়ে ফেলে দেবে।

মহামায়া ভীত হইয়া লোহিয়ার মুখের প্রতি চাহিল। সে মুখ দেখিয়া সে ভয়ের মাত্রা বৃদ্ধি ভিন্ন হাস হইল না। মহামায়া তখন অপরাধীর শ্রায় স্থির হইয়া দাঁড়াইল, কিন্তু অপরাধ যে কি করিয়াছে, তাহা কিছুই বুঝিতে পারিল না। কিছুক্ষণ পরে মহামায়া ডাকিল—“লোহিয়া!”

সে কণ্ঠস্বরে লোহিয়ার সে উগ্রমূর্তি আর নাই! লোহিয়া মহামায়ার মুখচুষন করিয়া উত্তর করিল—“কেন মহামায়া?”

মহামায়া। যে কথা মনে রাতদিন জাগে, সে কথা কাউকে বল্তে নেই কেন লোহিয়া? আর সকলের জগ্গে মন-কেমন কর্তে আছে, কেবল অতুল দাদার জগ্গে মন কেমন কর্তে নেই কেন লোহিয়া? কর্লে পাপ হয় কেন লোহিয়া?

লোহিয়া কিছুক্ষণ চিন্তা করিয়া কহিল—“পাহাড়ী বাবার হুকুম, তুমি হার এখন বিয়ে হবে না। তুমি কারু সাথে সে ভালবাসা করিস না। অতুল দাদা তুমি হার হুস্মন্ আছে। তুমি মনমে তাকে আস্তে না দেবে। এলে জোরে তাড়িয়ে দেবে। পাহাড়ী বাবার হুকুম না শুন্বে—আর পাপ হরে না?”

মহামায়া উত্তর করিল—“ছি লোহিয়া! এমন কথা মুখে এনো না। অতুল দাদাকে হুস্মন্ কখন বলো না। অতুল দাদা আমাদের কোন মন্দ করেন নাই, কারুই কোন মন্দ করেন নাই—মন্দ কর্তে জানেনই না। তুমি তাঁকে হুস্মন্ বলো না লোহিয়া।”

লোহিয়া। তুমি হার যে সাধী কর্তে মাংচে, সেই হামাদের হুস্মন্—এ পাহাড়ী বাবার কথা।

মহামায়া। আমি বিয়ে কাউকে করবো না লোহিয়া। তুমি স্বীকার কর অতুল দাদাকে হুস্মন্ মনে করবে না?

লোহিয়া। আচ্ছা, হামি দেখ্বে—এখন কিছু মনে কর্বে না—হুস্মনের কাম কর্লে মনে কর্বে। হামি দেখ্বে—ছোড়বে না—দেখ্বে।

এই কথা বলিয়া লোহিয়া সে স্থান হইতে চলিয়া গেল। কি ভাবিয়া এই সময় মহামায়া একবার সদর বাড়ীতে দৌড়িয়া আসিল। এ ঘর সে ঘর কাহার অনু-

সন্ধান করিয়া যেন বেড়াইতে লাগিল। সদর বাড়ী শূন্য—কেহ কোথাও নাই। হঠাৎ এই সময় সদর বাড়ীর সম্মুখস্থিত উদ্যানের দিকে দৃষ্টি পড়িল। এক! ঐ না অতুলচন্দ্র বাগানে ফুল তুলিতেছে? মহামায়া আর স্থির থাকিতে পারিল না—দৌড়িয়া অতুলচন্দ্রের নিকট আসিল। ফুল চুরি করিতে আসিয়া ধরা পড়িলে যেরূপ হয়, অতুলচন্দ্রের অবস্থা এখন সেইরূপ হইল। কিন্তু মহামায়াত ফুল-চোর ধরিতে আসে নাই। মহামায়া আসিয়া কহিল—“অতুল দাদা, আমি তোমায় ভাল ভাল ফুল তুলে দিচ্ছি।”

অতুল দাদার বুকের ভিতর যেন ধড়াস ধড়াস শব্দ হইতে লাগিল—মুখে কোন কথাই নাই। মহামায়া অনেকগুলি ভাল ভাল ফুল তুলিয়া অতুলচন্দ্রকে দিল। চোরের মতন অতুলচন্দ্র সে সকল ফুল গ্রহণ করিল। পাছে কেহ দেখিতে পায়—অতুলচন্দ্রের এই ভয়। এমন সময় লোহিয়া ছাদের উপর হইতে ডাকিল—“মহামায়া!” লোহিয়ার কণ্ঠস্বর শুনিয়া অতুলচন্দ্র দ্রুতবেগে সেখান হইতে পলায়ন করিল, আর মহামায়া হতবুদ্ধির শ্রায় অবাক হইয়া রহিল।

অষ্টম পরিচ্ছেদ।

বিমলার গৃহে হঠাৎ পাহাড়ী বাবার আগমনের সহিত লোহিয়ার কোন সম্বন্ধ ছিল কি না—বলিতে পারি না, কিন্তু আমরা জানি—লোহিয়াই পাহাড়ী বাবার চর। পাহাড়ী বাবা এখানে আসিয়া বিমলার গৃহে বাস করিলেন না, তিনি কালীঘাটের ৮কালীমন্দিরে এবং কেওড়াতলার শ্মশানে গিয়া বাস করিতে লাগিলেন। তিনি উভয় স্থানেই মধ্যে মধ্যে তাঁহার তান্ত্রিক ক্রিয়ার অনুষ্ঠান করিতেন, স্মরণ্য তিনি যে একজন ঘোরতর তান্ত্রিক, সে কথা ঐ অঞ্চলে রাষ্ট্র হইয়া পড়িল। এই সকল ক্রিয়ার জগ্গ তাঁহার অস্ত্রের সাহায্যে গ্রহণ করিতে হইত, এই কারণ তাঁহার দুই তিন জন শিষ্যও জুটিয়াছিল, তাহাদের মধ্যে কেবল রামচন্দ্রের সহিত আমাদের এই আধ্যাত্মিক সন্ধান আছে। শূল বেদনা, ক্ষয়কাশ প্রভৃতি কয়েকটি কঠিন কঠিন রোগেরও তিনি আশুফলপ্রদ ঔষধ জানিতেন এবং আরোগ্য করিয়াছিলেন এই কারণ প্রতিদিন প্রাতঃকালে কেওড়াতলার শ্মশানে লোকে লোকারণ্য হইত।

রোগী বাতীত তাহাদের মধ্যে অল্প রকমেরও অনেক লোক আসিত। কেহ মোকদ্দমা জয়ের আশায় পাহাড়ী বাবীর শরণাগত হইত, কেহ পুত্র কামনায় আসিত, কেহ বা হইহা অপেক্ষা অধিকতর গোপনীয় উদ্দেশ্য সাধনের উদ্দেশ্যে উপস্থিত হইত। কিন্তু পাহাড়ী বাবা যে কয়েকটি রোগের ঔষধ জানিতেন, কেবল সেই কয়েকটি রোগেরই ঔষধ দিতেন। অল্প কার্যে কেহ তাঁহার কোন সাহায্যই পাইত না। তথাপি লোকে অল্প রকম ভাবিত, ব্যর্থমনোরথ হইয়া লোকে ভাবিত—তাহারই ছুরদৃষ্টক্রমে তাহার প্রতি বাবার দয়া হইল না।

এইরূপে পাহাড়ী বাবার নাম ও কার্য যখন ঐ অঞ্চলে প্রকাশিত হইয়া পড়িল, তখন হঠাৎ একদিন পাহাড়ী বাবা দুর্গাদাস বাবুর গৃহে দর্শন দিলেন। দুর্গাদাস বাবু সেই সময় ঠাকুর ঘরে সন্ধ্যাহিকে নিযুক্ত ছিলেন, স্ত্রী অতুল ও অনুকূলচন্দ্র আসিয়া পাহাড়ী বাবার অভ্যর্থনা করিলেন। পাহাড়ী বাবা আসন গ্রহণ করিয়া বহুদিনের পরিচিতের ছায় তাহাদের সহিত নানারূপ কথাবার্তা কহিতে লাগিলেন। এই সকল কথাবার্তার সময় অতুলচন্দ্র দেখিলেন—পাহাড়ী বাবার সেই বড় বড় উজ্জল চক্ষু দুইটি তাহারই মুখের উপর কি জানি কেন স্থাপিত থাকে। অতুলচন্দ্র ইহার কারণ কিছুই অনুভব করিতে পারিলেন না। মধ্যে মধ্যে তাঁহার মনে হইতে লাগিল—যেন সেই জ্যোতিষ্ময় চক্ষুর প্রক্ষিপ্ত রশ্মি তাহার হৃদয়ের অন্তস্তল স্পর্শ করিতেছে। অতুলচন্দ্র শেষে আর থাকিতে পারিলেন না—পাহাড়ী বাবাকে স্পষ্ট কহিলেন “পাহাড়ী বাবা, আপনি আমার মুখের দিকে এরূপভাবে চাহিয়া থাকেন কেন?”

দ্বন্দ্ব হাসিয়া পাহাড়ী বাবা উত্তর করিলেন “কোন প্রিয়জনের মুখ তোমার মুখ দেখে মনে পড়ে বলিয়া। তারা—তারা।”

অতুল। আমার মুখের সহিত কি তাঁর মুখের সাদৃশ্য আছে? আপনার সেই প্রিয়জন কে?

পাহাড়ী। না—সাদৃশ্য নাই। তুমি যার কথা এখন ভাবিছ—সেই আমার প্রিয়জন। তুমি এইমাত্র যাকে দেখিতে যাবে মনে করছো—সেই আমার প্রিয়জন। তারা—কুলকুণ্ডলিনী মা আমার।

অতুলচন্দ্র স্তম্ভিত হইয়া রহিলেন। অনুকূলচন্দ্রও বিস্মিত নেত্রে অতুলের মুখের দিকে চাহিলেন। কি ভাবিয়া অতুলচন্দ্র এই সময় পুনরায় প্রকৃতিস্থ হইলেন এবং পাহাড়ী বাবার কথাটা উপহাস ছলে উড়াইয়া দিবার চেষ্টায় কহিলেন—“আপনার অনেক আসাধারণ ক্ষমতার কথা শুনেছি। শুনেছি বুজুর্কীতে আপনি একজন অধিতীয়। আপনার দুই একটা বুজুর্কী দেখান দেখি।”

পাহাড়ী বাবা দ্বন্দ্ব হাসিয়া কহিলেন—“তোমরা নব্য সম্প্রদায়। ইংরেজী বিদ্যা শিখে যোগবলকে বুজুর্কী ভিন্ন আর কি বলবে? কিন্তু তোমাদের গুরু অনেক ইংরেজও এখন আমাদের বুজুর্কীতে বিশ্বাস করেন। ফলিত জ্যোতিঃশাস্ত্র তুমি কি বিশ্বাস কর বাপু?”

অতুলচন্দ্র উত্তর করিলেন—“না।”

পাহাড়ী বাবা কহিলেন—“আচ্ছা হাতে হাতে ফলেই বিশ্বাস করবে। দেখি তোমার করকোষ্ঠী?”

অতুলচন্দ্র পাহাড়ী বাবাকে করকোষ্ঠী দেখাইতে অনিচ্ছুক হইলেন। কিন্তু অনুকূলচন্দ্র তাঁহাকে বিশেষ অনুরোধ করায় তিনি অগত্যা পাহাড়ী বাবাকে করকোষ্ঠী দেখাইলেন। পাহাড়ী বাবা অতুলচন্দ্রের হাতখানি লইয়া কিছুক্ষণ নিবিষ্টচিত্তে দেখিলেন, তার পর একটি দীর্ঘনিশ্বাস ত্যাগ করিয়া কহিলেন “তোমার অদৃষ্টে জীবন্মৃত্যু রয়েছে দেখছি। তারা—তারা।”

“জীবন্মৃত্যু!”—বিস্ময়বিষ্কারিত নেত্রে পাহাড়ী বাবার মুখের প্রতি চাহিয়া অতুলচন্দ্র কহিলেন—“জীবন্মৃত্যু! জীবন্মৃত্যু কি রকম পাহাড়ী বাবা?”

অনুকূলচন্দ্রও পাহাড়ী বাবার এই কথা শুনিয়া বিশেষ ভীত হইলেন। তিনি মনে মনে জীবন্মৃত্যুর একটা অর্থ করিয়া কহিলেন—“পক্ষাঘাত রোগ হবে না কি পাহাড়ী বাবা?”

পাহাড়ী বাবা উত্তর করিলেন—“না।”

অনুকূলচন্দ্র পুনরায় কহিলেন—“তবে কি মূর্ছারোগ?” পাহাড়ী বাবা এবারও পূর্বের ছায় গম্ভীরভাবে উত্তর করিলেন—“না।”

সে উত্তর শুনিয়া অতুল ও অনুকূল পরস্পরের মুখ চাওয়া-চাহি করিতে লাগিলেন। পাহাড়ী বাবা কহিলেন, “জীবন্মৃত্যু যাই হউক তোমার অদৃষ্টে স্পষ্টাক্ষরে ঐ কথা

লেখা আছে। তুমি কি তাঁর হাত থেকে রক্ষা পেতে চাও? তারা—তারা।”

অতুল। আমি কি ইচ্ছা করলে রক্ষা পেতে পারি? পাহাড়ী। পার—মনে করলে সহজেই পার। কখন বিবাহ করো না।

এ কথায় অতুলচন্দ্রের মস্তকে যেন অকস্মাৎ এক বজ্রাঘাত হইল। তাঁহার মুখমণ্ডল রক্তিমাবর্ণ ধারণ করিল। অবনত মস্তকে অতুলচন্দ্র স্থিরভাবে বসিয়া রহিলেন। পাহাড়ী বাবা বলিতে আরম্ভ করিলেন—“তুমি যে বালিকাকে প্রাণের সহিত ভালবাস—তাকে বিবাহ করবার আশা একবারে পরিত্যাগ কর। সে বিবাহের ফল কখনই শুভ হবে না। এমন কি তাকে বিবাহ করবার চেষ্টা করলেও তোমার অদৃষ্টে জীবন্মৃত্যু ঘটবে—কেউ রক্ষা করতে পারবে না। সাবধান! অতুলচন্দ্র সাবধান! তারা—কুলকুণ্ডলিনী মা আমার।”

কি ভয়ঙ্কর কথা! অতুলচন্দ্রের মুখে আর কথা নাই। তাঁহার প্রাণের ভিতর এই সময় একটা ধড়াস্ ধড়াস্ শব্দ হইতে লাগিল। অনুকূলচন্দ্র তখন তাঁহাকে চুপি চুপি জিজ্ঞাসা করিলেন—“হাঁ অতুল, পাহাড়ী বাবার কথা কি সত্য না বুজুর্কী?”

উত্তরে অতুলচন্দ্র সে কথা গোপন না করিয়া কহিলেন—“পাহাড়ী বাবার কথা সত্য—কিন্তু এষে বড় ভয়ঙ্কর সত্য।”

তার পর পাহাড়ী বাবাকে কহিলেন—“পাহাড়ী বাবা, এখন আর সাবধান হবার উপায় নাই। আমি তাকে বড়ই ভালবাসি।”

পাহাড়ী। আমি সে কথা জানি। তোমার পছন্দ খুব ভাল, কিন্তু অদৃষ্ট বড় মন্দ।

এই সময় অনুকূলচন্দ্র কহিলেন—“কে সে বালিকা অতুল?”

প্রশ্ন করিয়াই আগ্রহের সহিত অতুলচন্দ্রের মুখের প্রতি চাহিয়া রহিলেন—যেন সেই প্রশ্নের উত্তরের উপর তাঁহারও জীবন মরণ নির্ভর করিতেছে। অতুলচন্দ্র উত্তর করিলেন—“সে কথা পরে বলবো অনুকূল।”

উত্তর শুনিয়া একটা ভয়ঙ্কর সন্দেহ অনুকূলের মনে উদয় হইল। সেই সন্দেহের-বন্ত্রণায় তিনি অধীর হইয়া পড়ি-

লেন। এমন সময় একজন ভৃত্য আসিয়া সংবাদ দিল—“কর্তা মহাশয়ের পূজো আঙ্কি শেষ হয়ে গেছে, তিনি পাহাড়ী বাবার সঙ্গে দেখা করবার জন্ত অপেক্ষা করছেন।

ভৃত্যের কথা শুনিয়া পাহাড়ী বাবা গাত্ৰোত্থান করিলেন। সে গৃহ পরিত্যাগ করিবার সময় কহিলেন—“অতুলচন্দ্র, নিজের জীবন অপেক্ষা প্রিয়বস্তুর আর এ পৃথিবীতে নাই। কেন ইচ্ছা করে আপনার জীবনকে নষ্ট করবে? তোমার মতন শিক্ষিত ও সচ্চরিত্র যুবকের স্ত্রন্দরী পাত্রীর অভাব হবে না—তবে কেন আপনার অকল্যাণ আপনি টেনে আনেন? সাবধান! অতুলচন্দ্র সাবধান! তারা—তারা।”

এই কথা বলিয়া পাহাড়ী বাবা সে গৃহ হইতে দুর্গাদাস বাবুর সহিত সাক্ষাৎ করিতে গেলেন। অতুলচন্দ্র বিষম মনে অশ্রুমনস্কভাবে স্থির হইয়া বসিয়া রহিলেন। অনুকূলচন্দ্র কিন্তু অস্থিরভাবে প্রকাশ করিতে লাগিলেন। তিনি আগ্রহের সহিত অতুলচন্দ্রকে কহিলেন—“কে সে বালিকা অতুল—আমায় বলবে না?”

অতুলচন্দ্র একটু দীর্ঘনিশ্বাস পরিত্যাগ করিয়া কহিলেন—“মহামায়া।”

অনুকূলচন্দ্রের মস্তকে যেন বজ্রাঘাত হইল। তিনি চাবিদিক অন্ধকার দেখিতে লাগিলেন।

নবম পরিচ্ছেদ।

অতুলচন্দ্র অনুকূলচন্দ্রের মনের ভাব কিছুই বুঝিতে পারিলেন না, কিন্তু মহামায়ার নাম শুনিয়া তিনি যে সন্তুষ্ট হন নাই সে কথা বুঝিতে তাঁহার আর বাকী রহিল না। অতুলচন্দ্র কি ভাবিয়া কহিলেন—“দেখ ভাই অনুকূল, তোমার কাছে কোন কথা গোপন করা উচিত নয় বলেই আমি বলে ফেলেছি। কিন্তু এ কথা আর কার কাছে তুমি প্রকাশ করো না।”

অল্পক্ষণ চিন্তার পর অনুকূলচন্দ্র উত্তর করিলেন—“আচ্ছা, আমি এ কথা প্রকাশ করবো না, কিন্তু তুমি মহামায়াকে ভুলে যাবে আমার কাছে প্রতিজ্ঞাবদ্ধ হও।”

অতুল। সে কি! আমি সে কথা মনে ধারণা করিতেও পারি না। প্রতিজ্ঞায় আবদ্ধ হবো কি করে?

অনুকূল। তবে তোমার অদৃষ্টে জীবন্মৃত্যুই আছে।

অতুল। জীবন্মৃত্যুর আর আমার বাকী কি আছে? মহামায়াকে না পেলে আমার এ জীবন জীবনই নয়—এত আমার পক্ষে মৃত্যুই বটে।

কিছুক্ষণ নীরব থাকিয়া অনুকূলচন্দ্র কহিলেন, “এখন আমি সব বুঝতে পাচ্ছি। তুমি পরীক্ষার ভাগ করে এতদিন আমাদের ভুলিয়ে রেখেছিলে। এই রকম করে তুমি কি এবার পরীক্ষা দেবে নাকি?”

অতুল। আর আমার পরীক্ষা! এখন মহামায়াকে কি রকম ভালবাসি—কেবল সেই পরীক্ষা দিতে পারি। কলেজের পরীক্ষার কথা আর আমার মনেও নাই।

অনুকূল। পাহাড়ী বাবার গণনায় কি তোমার বিশ্বাস হলো না?

অতুল। বিশ্বাস হওয়া না হওয়া আমার পক্ষে দুই সমান।

অনুকূল। সে কি! তুমি কি মৃত্যুর ভয় করো না?

অতুল। মৃত্যুর ভয় করি—কিন্তু মৃত্যুর ভয়ে মহামায়ার আশা পরিত্যাগ করতে পারিব না। এখন এই পরীক্ষা দিতে আমি প্রস্তুত আছি। ভাই অনুকূল, এ বিষয়ে তুমি আমার অনুকূল হবে কি?

অনুকূল। না—বরং প্রতিকূল হবে। প্রাণ থাকতে মহামায়ার সঙ্গে তোমার বিয়ে হতে দেবো না।

অতুল। শুনেছি পাহাড়ী বাবা অনেক রকম যাছ জানেন। তোমায়ও তিনি যাছ করেছেন বোধ হয়। পাহাড়ী বাবার কথায় কখন বিশ্বাস করো না। আমি শুনেছি তাঁর নিজেরই কোন কু-অভিপ্রায় চরিতার্থ করার জন্তু আমাকে এইরূপ বৃথা ভয় দেখাচ্ছেন। তুমি যদি আমার যথার্থ শুভানুধ্যায়ী ভাই হও, তবে আমি যাতে মহামায়াকে লাভ করতে পারি—সে পক্ষে আমার সাহায্য কর। আমার এ অনুরোধ তুমি রাখবে না?

অনুকূল। তোমার এ অনুরোধ আমি রাখতে পারি না।

অতুল। তবে তুমি আমার শুভানুধ্যায়ী ভাই নও। আমি যে তোমায় সহোদর ভাইএর মতন দেখি—তার পুরস্কার কি এই?

অনুকূলচন্দ্র এইবার যেন উত্তেজিত হইয়া কহিলেন—

“তোমার কথাই ঠিক—এখন আর আমি তোমার শুভানুধ্যায়ী ভাই নই। আজ হতে শুন অতুল, আমি তোমার শত্রু—আজ হতে তুমি আমার শত্রু বলেই জেনো। আজ হতে তোমার অনিষ্ট, আমার ইষ্ট—তোমার অমঙ্গল, আমার মঙ্গল—তোমার অশুভ, আমার শুভ। এমন একদিন ছিল—যে দিন তোমার ইষ্ট সাধনের জন্তু আমি হাস্তে হাস্তে এ জীবন বিসর্জন দিতে পারতুম—যে দিন তোমার মঙ্গলকে আমি নিজের মঙ্গল মনে করতুম—যে দিন তোমার শুভকার্যের জন্তু আমি নিজের অশুভ অনুষ্ঠানেও পশ্চাৎপদ হতুম না। কিন্তু সেদিন আর নাই—আজ তোমার মুখে যা শুনলুম, তাতে আমার মনে এখন দৃঢ় বিশ্বাস জন্মেছে যে, তোমার মতন শত্রু আমার আর এ পৃথিবীতে নাই।”

স্নেহপালিত বিহঙ্গম হঠাৎ বিষধর সর্প মূর্তি ধারণ করিয়া সোহাগে চুস্বনোদ্যত প্রতিপালকের অধরে দংশন করিলে প্রতিপালকের মনের অবস্থা যেরূপ হয়, অনুকূলচন্দ্রের উপরোক্ত কথায় অতুলচন্দ্রের মনের অবস্থাও সেইরূপ হইল। তিনি স্নেহময় ভ্রাতার অকস্মাৎ এই মূর্তিপরিবর্তনে অনেকক্ষণ স্তম্ভিত হইয়া রহিলেন। তার পর হঠাৎ তাঁহার মুখ হইতে বহির্গত হইল—“আমার অপরাধ?”

পূর্বের শ্রায় উত্তেজিতভাবে অনুকূলচন্দ্র উত্তর করিলেন—“তোমার অপরাধ—তুমি বামন হয়ে চাঁদ ধরতে প্রয়াসী। তোমার অপরাধ—তুমি খোঁড়া হয়ে পর্বত উল্লঙ্ঘন করতে চাও। তোমার অপরাধ তুমি অন্ধ হয়ে, প্রকৃতির শোভা দেখতে চাও। তোমার অপরাধ—তুমি আজন্ম কালা হয়ে স্নমধুর সঙ্গীত শুনতে চাও। আমি থাকতে তুমি যখন মহামায়াকে বিবাহ করতে চাও, তখন তোমার মতন অপরাধী আর কে আছে? কিন্তু সাবধান! তখন না জেনে শুনে যে কাজ করেছ—এখন জেনে শুনে সাবধান হও। শুন অতুল, আর গোপনে কাজ নাই—আমি তোমায় স্পষ্ট বলছি আমি মহামায়ার প্রার্থী আমি মহামায়াকে ভালবাসি। তুমি আমার প্রতিদ্বন্দী হইও না। পাহাড়ী বাবার গণনায় আমার দৃঢ় বিশ্বাস জন্মেছে তুমি মহামায়াকে বিবাহ করলে আপনার মৃত্যু আপনি ডেকে আনবে। আমার পথ পরিষ্কার কর—তুমি সে আশা ত্যাগ কর।”

অতুলচন্দ্র অধিকতর বিস্মিত হইয়া কহিলেন—“একি সত্য না স্বপ্ন? একি অনুকূলের কথা না পাহাড়ী বাবার ভোজবাজী?”

অনুকূল। এ স্বপ্ন নয়—সত্য ঘটনা। এ পাহাড়ী বাবার ভোজবাজীও নয় অনুকূলের প্রাণের কথা!

অতুলচন্দ্র তখন আর স্থির থাকিতে পারিলেন না। অনুকূলের শ্রায় উত্তেজিত স্বরে কহিলেন,—“তবে আজ থেকে তোমায় শত্রু বলেই মনে করবো। পূর্ব স্নেহ, মায়ার ও ভালবাসার জলাঞ্জলি দিয়ে, তবে আজ থেকে আমি তোমার শত্রু হলাম। শত্রু হলাম বটে, কিন্তু আমি তোমার শত্রুতা করতে পারবো না। তেমন নীচবংশে আমার জন্ম নয়। আজ থেকে কেবল জানতে পারলুম তুমি আমার ভাই নও—প্রতিদ্বন্দী,—তুমি আমার বন্ধু নও—শত্রু, তুমি আমার শুভাকাঙ্ক্ষী নও—অশুভাকাঙ্ক্ষী।”

অনুকূল। এতে যদি তোমার ক্ষতিবোধ হয়, তার উপায় কর।

অতুল। বিশেষ ক্ষতি বোধ করি—কিন্তু উপায় কি?

অনুকূল। ইচ্ছা থাকলে উপায়ও আছে। অতুল, আমি তোমায় প্রাণের সহিত ভালবাসি, তুমি ইচ্ছা করে কেন জলন্ত অগ্নিতে বাঁপ দেবে? ভাই, আমার কথা শোন—মহামায়ার আশা পরিত্যাগ কর। তোমার মঙ্গল হবে।

অতুল। অনুকূল, ভাই, আমার ক্ষমা কর। আমি প্রাণ থাকতে তোমার অনুরোধ রক্ষা করতে পারবো না। তোমার মতন এত নিষ্ঠুর হই নাই যে, সেই সংসার অনভিজ্ঞ সরলা বালিকার মনে কষ্ট দেবো। মহামায়ার প্রতি যদি তোমার যথার্থ ভালবাসা থাকতো তবে তুমি এরূপ প্রস্তাব কখনই মুখে আনতে পারতে না। আমি না হয়—তোমার শত্রু হলাম। কিন্তু সে সরলা বালিকাকে কেন তুমি চিরহুঃখিনী করবে? আমি যদি তোমার পক্ষে অপরাধী হই—তার কি অপরাধ? এই কি তোমার ভালবাসা? এই কি তোমার ভালবাসার জন্তু স্বার্থত্যাগ?

অনুকূল। তোমার এ কথা আমি কিছুই বুঝতে পাচ্ছি না। তুমি কি আমার জানাতে চাও যে, মহামায়ার তোমায় ভালবাসে? মিথ্যাকথা—অসম্ভব—বিশ্বাসের অযোগ্য।

অতুল। যদি তোমার চক্ষু থাকে—যদি আজও স্বার্থে

একবারে অন্ধ না হয়ে থাকো—তবে দেখতে পাবে একথা মিথ্যা নয়—সত্য, অসম্ভব দূরের কথা—সম্পূর্ণ সম্ভব, অবিশ্বাসের অযোগ্য নয়—সম্পূর্ণ বিশ্বাসযোগ্য।

অনুকূলচন্দ্র তখন বিশ্বয়-মাগরে একবারে হাবুডুবু খাইতে লাগিলেন। সে কথা মনে স্থান দিতেও যেন তাঁহার অসহ কষ্টবোধ হইতে লাগিল। তিনি আর সে স্থানে থাকিতে পারিলেন না। অধীর হইয়া উঠিয়া দাঁড়াইলেন। অতুলচন্দ্র তখন কথা কয়েকটি শেষ করিয়াই ক্রোধে ক্রোধে মনোকষ্টে ও মর্মবেদনায় একবারে ঘাড় হেঁট করিয়া নীরবে রহিলেন। অল্পক্ষণ পরে একটি সুদীর্ঘ নিশ্বাসের শব্দ সে নিস্তরুতা ভঙ্গ করিল। কি ভাবিয়া আকুল প্রাণে অতুলচন্দ্র একবার চারিদিক চাহিয়া দেখিলেন। অনুকূলচন্দ্রের চিহ্নও তথায় নাই!

ক্রমশঃ।

শ্রীযোগেন্দ্রনাথ চট্টোপাধ্যায়।



কবিতাগুচ্ছ।

ছায়া।*

অপূর্ব কবির সৃষ্টি কে তুমি ললনে?
বিস্মৃত বিরহ ব্যাথা, জাগাইতে পূর্বকথা,
আসিয়াছ ছায়ারূপে পঞ্চবটী বনে।

উজ্জল বিরহানলে ইন্ধনরূপিনী,
সঙ্গে তব সচরী বাসন্তী বনের নারী
কহে ভূতপূর্ব কথা বিয়োগকাহিনী।

আজও তেমনি আছে পঞ্চবটী বন,
তেমনি বহিছে তথা গোদাবরী খরস্রোতা,
তেমনি শোভিছে তরু আগেও যেমন।

* ভবভূতির উত্তরায় চরিতের ছায়া সীতাকে উদ্দেশ করিয়া।

তেমনি পুষ্পিতা লতা কানন ভিতর,
কুসুমিত শাখে থাকি, তেমনি ডাকিছে পাখী,
তেমনি নাচিছে শিখী হরষ অন্তর ।

ঐ দেখ আৰ্য্য-পুত্র সম্মুখে পতিত,
শ্রামল সুন্দর কায় বিশীর্ণ কঙ্কালপ্রায়,
বনপথ মাঝে আজি স্মরিয়া অতীত ।

অশরীরি-বাণী প্রায় তব কণ্ঠস্বর,
পশি শ্রবণের মূলে কি ব্যথা জাগায় তুলে,
বুঝ নাকি ছায়াময়ী বিরহকাতর ?

একি খেলা খেলিতেছ প্রাণনাথে ল'য়ে
আজি যুগান্তের পরে তেমনি সোহাগ ভরে
দেখাও ও মূর্তি তব মূর্তিমতী হ'য়ে ।

উঠুক হরষে কাঁপি রামের হৃদয়,
মুহু পুষ্প তুলনায় শোকে দ্রবীভূতপ্রায়
কর্তব্যের পথে যাহা বজ্রসারময় ॥

শ্রীদেবব্রত কবিরত্ন ।

আদর্শ ।

কোথায় সে চিরশুদ্ধ আদর্শ মহান ?
আদরে ধরিব বুকে সমগ্র জীবনে !
কোথায় সে দিব্যমূর্তি দেব মহাপ্রাণ ?
সতত নিরখি ধীরে জুড়াব নয়নে !
কোথা সে নিশ্চলচিত্ত স্বভাবসুন্দর ;
সুস্নিগ্ধ প্রেমের উৎস দিতেছে ঢালিয়া ;
কে জুড়ায় চিরদগ্ধ তাপীর অন্তর ?
কে রেখেছে মুক্তপ্রাণ এ বিশ্ব ব্যাপিয়া ?
কোথা আছ হে আরাধ্য—কোন্ নিকেতনে ?
প্রেম আলিঙ্গনে বাঁধি জুড়াও আমায় ;
জলে বক্ষ এ সংসার-ভুজঙ্গ দংশনে,
দাও হে কোমল করে অমৃত মাথায় !
হও মোর চিরাদর্শ জীবনে মরণে,
সকলি ভুলিব আমি পূজিব তোমায় !


শ্রীনগেন্দ্রনাথ সোম ।

তুমি ।

তুমি স্তম্ভ ভুবনে মধুর উজ্জল
শুভ্র জ্যোছনা হাসি,
তুমি গগনে পবনে বিশ্বভবনে
শান্ত সুসমায়াশি ;
তুমি স্নিগ্ধ প্রভাতে কুন্দকুসুম
মন্দ সুরভি ঢালা,
তুমি ঝিল্লিমুখর রজনীকণ্ঠে
স্ফুট তারারি মালা ;
তুমি জ্যোৎস্নাপ্লাবিত যমুনা বক্ষে
বিশ্বমোহন তান,
তুমি স্তব্ধ নিশিথে সাহানা বেহাগে
মুগ্ধ বাঁশীর গান ;
তুমি পুষ্পখচিত কুঞ্জকুটীরে
শান্তিরূপিনী ছবি,
তুমি পূর্ব গগনে পুলকদীপ্ত
তরুণ অরুণরবি ;
তুমি অশ্রুপ্লাবিত উদাস বক্ষে
প্রীতির প্রতিমা সম
এস পূত নিশ্চল সুন্দর সখা
অন্ধ হৃদয়ে মম !

শ্রীদেবেন্দ্রনাথ মহিন্তা ।





শ্রীজগন্নাথ দেবের মন্দির ।

প্রদীপ

৭ম ভাগ ।

আষাঢ়, ১৩১১ ।

[৩য় সংখ্যা ।

বাঙ্গালা ব্যাকরণ ।

বিগত তিন বৎসর কাল এতদ্দেশে বাঙ্গালা ব্যাকরণ লইয়া মহা আন্দোলন চলিতেছে । ১৩০৮ সালের জ্যৈষ্ঠ মাসে এই আন্দোলনের প্রথম সূত্রপাত হয় । কলিকাতা সেন্ট্রাল টেক্সট বুক কমিটির সভ্যগণ উক্ত আন্দোলনের জন্ম অংশতঃ দায়ী । বাঙ্গালা ভাষায় এ পর্য্যন্ত প্রায় আড়াই শত ব্যাকরণ প্রস্তুত হইয়াছে । তন্মধ্যে কোন্ গুলি ছাত্রগণের পাঠ্য এবং কোন্গুলি অপাঠ্য তাহা নির্ণয় করিবার ভার টেক্সট বুক কমিটির হস্তে গুস্ত আছে । কমিটির সভ্যগণ স্ব স্ব সংস্কার অনুসারে কতকগুলি ব্যাকরণ বিদ্যালয়ের পাঠ্যরূপে নির্ধারিত করেন এবং অপর কতকগুলি একেবারে বর্জন করেন । তাঁহারা কি নিয়মের বশবর্তী হইয়া এই নির্ধারিত ক্রিয়া নিষ্পন্ন করেন, তাহা সাধারণের অবিদিত । দরিদ্র গ্রন্থকারগণ— বিশেষতঃ বাঁহাদের গ্রন্থ কমিটির অনুমোদিত না হয় তাঁহারা—অত্যন্ত ব্যাকুল অন্তঃকরণে অনুসন্ধান করেন— ব্যাকরণের বিশুদ্ধি ও অশুদ্ধির নিয়ামক কি? কিন্তু ছুঃখের বিষয় তাঁহাদের প্রশ্নের সমুচিত উত্তর দিবার লোক নাই । টেক্সট বুক কমিটির সকল সভ্যের মত একরূপ

নহে । সাহিত্য পরিষদ, সাহিত্য সভা, সাহিত্য সম্মিলন প্রভৃতি বঙ্গীয় সমিতি সমূহ এখনও কোন আদর্শ বাঙ্গালা ব্যাকরণ প্রকাশিত করেন নাই ।

অথচ বিশুদ্ধ ব্যাকরণ বিদ্যমান না থাকায় বাঙ্গালা সাহিত্যের সবিশেষ অনিষ্ট ঘটিতেছে । অধুনা বাঙ্গালা লেখকগণ কোন নিয়মের বশবর্তী নহেন । তাঁহারা মনে করে তাঁহাদের লেখনী হইতে যাহা নির্গত হয় তাহাই বিশুদ্ধ বাঙ্গালা পদ । তাঁহাদের এই অনায়াস সুলভ পদ প্রয়োগে বাঙ্গালা রচনার যে কি বিশৃঙ্খলা হইতেছে তাহা বলা যায় না । পূর্কালে বাঁহারা সংস্কৃত ভাষায় গ্রন্থ লিখিতেন তাঁহাদিগকে প্রথমতঃ ব্যাকরণ, অভিধান, অলঙ্কার, ছন্দঃ প্রভৃতি শাস্ত্র রীতিমত অধ্যয়ন করিতে হইত । শব্দ শাস্ত্রে সম্যক ব্যুৎপত্তি না জন্মিলে কেহই লেখনী ধারণ করিতেন না । কিন্তু অধুনাতন সাহিত্যের অবস্থা স্বতন্ত্র । আজকাল অনেকেই মনে করেন—বাঁহারা শব্দ শাস্ত্র অধ্যয়ন করিয়া গ্রন্থ লিখিতে যাইবেন, তাঁহাদের রচনা প্রণালী অবশ্যই অস্বাভাবিক হইবে । এই হেতু বাঁহারা শব্দ শাস্ত্রের নিয়মাবলী লঙ্ঘন করিয়া গ্রন্থ প্রণয়ন করেন, তাঁহারাই লেখক শিরোমণি বলিয়া পরিগণিত হন । তাঁহাদের লেখনী রীতিই অস্বাভাবিকতা দোষ বিবর্জিত বলিয়া বিবেচিত হয় । এই স্বাভাবিক রচনার প্রভাবে ধাতুর চিরন্তন অর্থ পরিবর্তিত হইয়া যাইতেছে, গন্ধ ও স্বাদ

বিধির প্রয়োজনীয়তা একেবারেই তিরোহিত হইয়াছে, হ্রস্ব ও দীর্ঘ স্বরের প্রভেদ সংরক্ষণ করিবার আদর্শেই আবশ্যিক নাই, এবং রস ভাব গুণ দোষ অলঙ্কার ইত্যাদি শাব্দিক বিধিসমূহ উপহাসের বিষয় হইয়া পড়িয়াছে। এইরূপে শব্দ শাস্ত্রকে উপেক্ষা করিয়া যে সকল বাঙ্গালা গ্রন্থ বিরচিত হইতেছে, তাহাদের সারবত্তা কতদূর তাহা সহজেই অনুমান করা যাইতে পারে।

বড়ই সুখের বিষয় ১৩০৮ সালের প্রারম্ভ হইতে কতিপয় লক্ষপ্রতিষ্ঠ লেখকগণ বাঙ্গালা ব্যাকরণের সূত্র সঙ্কলন কল্পে ত্রুতী হইয়াছেন। এই সকল লেখকের সহ সময়ে সময়ে আমাদের মতভেদ হইয়াছে বটে কিন্তু তাঁহাদের চেষ্টা যে বিশেষ প্রশংসনীয় তদ্বিষয়ে কোন সন্দেহ নাই। বাঙ্গালা ব্যাকরণ লইয়া যঁাহারা গত তিন বৎসর কাল নিরন্তর আলোচনা করিতেছেন, তাঁহাদের কতিপয়ের নাম নিম্নে উল্লেখ করিলাম। সঙ্গে সঙ্গে তাঁহাদের প্রবন্ধাদির সার মর্ম ও প্রদত্ত হইল।

১৩০৮ সালের শ্রাবণ মাসে মহামহোপাধ্যায় পণ্ডিত হরপ্রসাদ শাস্ত্রী সাহিত্যপরিষদের কোন অধিবেশনে “বাঙ্গালা ব্যাকরণ” শীর্ষক একটা নাতিদীর্ঘ প্রবন্ধ পাঠ করেন। ঐ প্রবন্ধ ১৩০৮ সালের পরিষদ পত্রিকার ১ম সংখ্যায় মুদ্রিত হইয়াছে। শাস্ত্রী মহাশয় বলেন—এদেশের ব্যাকরণ সমূহ “ছুই শ্রেণীর লোক কর্তৃক ছুই প্যাটেণ্টে প্রস্তুত হইতেছে; একটা মুগ্ধবোধ প্যাটেণ্ট, গ্রন্থকার পণ্ডিতগণ, আর একটা হাইলি প্যাটেণ্ট, গ্রন্থকার মাষ্টারগণ। অনেকে আবার ছুই প্যাটেণ্ট মিশাইয়া এক প্রকার খিচুড়ী প্রস্তুত করেন। সে অতি উৎকৃষ্ট পদার্থ। তাহাতে যুক্তির লেশমাত্রও নাই; বহুদর্শিতার নামও নাই।” শাস্ত্রী মহাশয় সংস্কৃত আদর্শে প্রস্তুত, ইংরেজী আদর্শে প্রস্তুত ও উভয়ের মিশ্রণে প্রস্তুত—এই তিন শ্রেণীর বাঙ্গালা ব্যাকরণের প্রতি কটাক্ষ করিয়া নানা কথা বলিয়াছেন। বোধ হয় তাঁহার বলিবার উদ্দেশ্য এই যে সংস্কৃত ব্যাকরণ ও ইংরেজী ব্যাকরণের সহ সম্বন্ধ না রাখিয়া বাঙ্গালা ব্যাকরণ প্রস্তুত কর। প্রবন্ধের শেষাংশে তিনি লিখিয়াছেন—বাঙ্গালা ব্যাকরণে কণ্ঠ্য তালব্য মূর্দ্ধন্য দন্ত্য ইত্যাদি উচ্চারণ স্থান বিষয়ক বিধি লিপিবদ্ধ করিবার প্রয়োজন নাই। তিনি বাঙ্গালা ব্যাকরণে সন্ধি

ও সমাসবিষয়ক নিয়ম সমূহ বিহীন করিবারও প্রয়োজন অনুভব করেন না। তাঁহার মতে ঐ সকল নিয়ম যঁাহারা জানিতে চান তাঁহারা সংস্কৃত ব্যাকরণ অধ্যয়ন করুন।

শাস্ত্রী মহাশয়ের প্রবন্ধ পাঠের কয়েক সপ্তাহ পরেই শ্রীযুক্ত পণ্ডিত বীরেশ্বর পাণ্ডে মহাশয় উক্ত প্রবন্ধের প্রতি লক্ষ্য করিয়া সাহিত্য সভায় “জাতীয় সাহিত্য” নামে এক সুদীর্ঘ প্রবন্ধ পাঠ করেন। ঐ প্রবন্ধ সাহিত্য-সংহিতায় মুদ্রিত হইয়াছে। পাণ্ডে মহাশয় ভাষা ও ব্যাকরণ সম্বন্ধে যে সকল কথা বলিয়াছেন, তাহার মর্মার্থ এই যে বাঙ্গালা ব্যাকরণ সংস্কৃত ব্যাকরণের আদর্শে প্রস্তুত হওয়া উচিত।

১৩০৮ সালের সাহিত্যপরিষদ পত্রিকার তৃতীয় সংখ্যায় শ্রীযুক্ত বাবু রবীন্দ্রনাথ ঠাকুর মহোদয় “বাঙলা কৃৎ ও তদ্ধিত” নামে এক প্রবন্ধ প্রকাশিত করেন। ঐ প্রবন্ধ ১৩০৮ সালের আশ্বিন মাসে সাহিত্য পরিষদের মাসিক অধিবেশনে পঠিত হইয়াছিল। প্রবন্ধের প্রারম্ভে রবীন্দ্র বাবু লিখিয়াছেন—উচ্চারণ অনুসারে বানান করা উচিত এবং সংস্কৃত ব্যাকরণের পরিভাষা বাঙ্গালা ব্যাকরণে প্রয়োগ করা উচিত নহে।

রবীন্দ্র বাবুর প্রবন্ধ পাঠের ছুই এক সপ্তাহ পরেই শ্রীযুক্ত পণ্ডিত শরচ্চন্দ্র শাস্ত্রী মহাশয় সাহিত্যপরিষদের কোন মাসিক অধিবেশনে “নূতন বাঙ্গালা ব্যাকরণ” নামে এক সুদীর্ঘ প্রবন্ধ পাঠ করেন। ঐ প্রবন্ধ ১৩০৮ সালের অগ্রহায়ণ মাসের ভারতী পত্রিকায় মুদ্রিত হইয়াছে। মহামহোপাধ্যায় হরপ্রসাদ শাস্ত্রী ও শ্রীযুক্ত বাবু রবীন্দ্র নাথ ঠাকুর মহোদয় দ্বয়ের মতের তীব্র সমালোচনা করিয়া প্রবন্ধকার বলিয়াছেন—বাঙ্গালা ব্যাকরণ সংস্কৃত ব্যাকরণের আদর্শে প্রস্তুত করা উচিত।

পণ্ডিত শরচ্চন্দ্র শাস্ত্রীর প্রবন্ধ পাঠের কিয়ৎকাল পরেই শ্রীযুক্ত বাবু রবীন্দ্রনাথ ঠাকুর উক্ত প্রবন্ধের প্রতিবাদ করিয়া সাহিত্যপরিষদে “বাঙলা ব্যাকরণ” নামে এক প্রবন্ধ পাঠ করেন। ঐ প্রবন্ধ ১৩০৮ সালের পৌষ মাসের বঙ্গদর্শনে প্রকাশিত হইয়াছে। এই প্রবন্ধে তিনি যে সকল কথা বলিয়াছেন তাহা দ্বারা অনুমান হয় তিনি বাঙ্গালা ব্যাকরণের সহ সংস্কৃত ব্যাকরণের বিশেষ কোন সম্বন্ধ রাখিতে অনিচ্ছুক।

রবীন্দ্র বাবুর উল্লিখিত প্রবন্ধের প্রতিবাদ করিয়া ১৩০৮ সালের ফাল্গুন মাসের ভারতী পত্রিকায় পণ্ডিত শরচ্চন্দ্র শাস্ত্রী মহাশয় “ব্যাকরণ ও বাঙ্গালা ভাষা” নামে আর এক প্রবন্ধ প্রকাশিত করেন। উহা ১৩০৮ সালের পৌষ মাসে বঙ্গীয় সাহিত্যপরিষদের অষ্টম মাসিক অধিবেশনে পঠিত হইয়াছিল। পণ্ডিত শরচ্চন্দ্র শাস্ত্রী এবারেও বলিয়াছেন—সংস্কৃত ব্যাকরণকে ভিত্তি করিয়া বাঙ্গালা ব্যাকরণের প্রতিষ্ঠা করা উচিত।

১৩০৮ সালের মাঘ মাসের ভারতীতে আমি “ভাষার সহিত ব্যাকরণের সম্বন্ধ” নামে এক প্রবন্ধ প্রকাশিত করি। উহাতে আমি কথিত ভাষা ও সাহিত্যের ভাষা এতদ্বয়ের মধ্যে ভেদ নির্ধারণ পূর্বক বলিয়াছিলাম—কারক বিভক্তি, ক্রিয়া বিভক্তি ও পদান্বয় এই তিনটি বিষয় বাঙ্গালা ব্যাকরণের নিজ সম্পত্তি। তদ্ভিন্ন বাঙ্গালা ব্যাকরণের প্রায় আর সমস্ত বিষয়ই সংস্কৃত ব্যাকরণ হইতে গ্রহণ করা যাইতে পারে।

১৩০৮ সালের সাহিত্যপরিষদ পত্রিকার ৪র্থ সংখ্যায় শ্রীযুক্ত বাবু রামেন্দ্রসুন্দর ত্রিবেদী মহাশয় “বাঙ্গলা ব্যাকরণ” নামে এক সুদীর্ঘ প্রবন্ধ প্রকাশিত করেন। ঐ প্রবন্ধে তিনি পণ্ডিত হরপ্রসাদ শাস্ত্রী, পণ্ডিত শরচ্চন্দ্র শাস্ত্রী, শ্রীযুক্ত রবীন্দ্রনাথ ঠাকুর ও আমার প্রবন্ধের সমালোচনা করিয়া নিজে কতকগুলি সারণ্ত মন্তব্য প্রকাশিত করিয়াছেন। তিনি বলেন—“আমাদের সাহিত্য সমাজের সুধীগণ স্থূলতঃ ছুই পক্ষ অবলম্বন করিয়া দাঁড়াইয়াছেন। এক পক্ষ সংস্কৃত ভাষার প্রতি অনুরাগী; তাঁহারা সাহিত্যের ভাষায় ও লৌকিক ভাষার পার্থক্য বজায় রাখিতে ও এমন কি সেই পার্থক্য বাড়াইতে চাহেন। অপর পক্ষ সাহিত্যের ভাষা ও লৌকিক ভাষার পার্থক্য রাখিতে চাহেন না। ইঁহারা সংস্কৃতশব্দ-বহুল বাঙ্গালা ভাষার প্রতি বিরূপ।” রামেন্দ্র বাবু উভয় পক্ষের যুক্তি সমূহ তুলিত করিয়া বলিয়াছেন—উভয় পক্ষের যুক্তিতেই কিছু না কিছু সত্য আছে। এবং বোধ করি উভয় পক্ষ ত্যাগ করিয়া মধ্যপথ অবলম্বন করিলেই শ্রেয়স্কর হইতে পারে।

১৩০৮ সালের সাহিত্য পরিষদ পত্রিকার ৪র্থ সংখ্যায় যুক্ত বাবু ব্যোমকেশ মুস্তফী মহাশয় “বাঙলা কৃৎ ও

তদ্ধিত” নামে এক প্রবন্ধ প্রকাশিত করেন। তিনিও বোধ হয় বাঙ্গালা ব্যাকরণ সংস্কৃত ব্যাকরণের অনুযায়ী করিতে চাহেন না।

১৩০৮ সালে বাঙ্গালা ব্যাকরণ সম্বন্ধে যে আন্দোলন হইয়াছিল, তাহার সংক্ষিপ্ত বিবরণ এস্থলে উদ্ধৃত হইল। এইরূপ ১৩০৯ ও ১৩১০ সালেও বাঙ্গালা ব্যাকরণ লইয়া অনেক আন্দোলন হইয়া গিয়াছে।

১৩০৯ সালে বাঙ্গালা ব্যাকরণ বিষয়ক প্রবন্ধ সমূহের মধ্যে বীরবল (ব্যারিষ্টার প্রমথনাথ চৌধুরী মহাশয়?) কৃত “কথার কথা” নামক প্রবন্ধ সমধিক উল্লেখযোগ্য। এই প্রবন্ধ ১৩০৯ সালের জ্যৈষ্ঠমাসের ভারতী পত্রিকায় প্রকাশিত হইয়াছে। প্রবন্ধ লেখক আমার ও পণ্ডিত শরচ্চন্দ্র শাস্ত্রীর মত সমালোচনা করিয়া বলিয়াছেন বাঙ্গালা ব্যাকরণের সহ সংস্কৃত ব্যাকরণের কোন সম্বন্ধ নাই। প্রবন্ধের উপসংহারে বীরবল লিখিয়াছেন—বাঙ্গালার স্বক্কে সংস্কৃতের মৃতদেহ চাপাইও না; বাঙ্গালার প্রাণ একটুখানি অতখানি চাপ সইবে না।

১৩০৯ সালের সাহিত্য পরিষদ পত্রিকার ১ম সংখ্যায় অধ্যাপক শ্রীযুক্ত ললিতকুমার বন্দ্যোপাধ্যায় মহাশয় “বাঙ্গালা কর্মকারক” সম্বন্ধে যে ক্ষুদ্র প্রবন্ধ প্রকাশ করিয়াছেন তাহা তাঁহার চিন্তাশীলতা ও বহুদর্শিতার পরিচায়ক। ললিতবাবুর প্রবন্ধের সমালোচনা করিয়া শ্রীযুক্ত বাবু শ্রীনিবাস বন্দ্যোপাধ্যায় মহাশয় ১৩১০ সালের সাহিত্য পরিষদ পত্রিকার প্রথম সংখ্যায় “বাঙ্গালা কর্মকারক” নামে যে প্রবন্ধ প্রকাশিত করিয়াছেন তাহা হইতে ও বাঙ্গালা ব্যাকরণের কিছু কিছু উপাদান সংগ্রহ করা যাইতে পারে। বাঙ্গালা শব্দসমূহের সংগ্রহ ও সমালোচনা বিষয়ে যে সকল মহাত্মা হস্তক্ষেপ করিয়াছেন তাঁহাদের মধ্যে অধ্যাপক শ্রীযুক্ত যোগেশচন্দ্র রায়, অধ্যাপক শ্রীযুক্ত হারণচন্দ্র বন্দ্যোপাধ্যায়, শ্রীযুক্ত বাবু জ্ঞানেন্দ্রমোহন দাস, শ্রীযুক্ত বাবু কালিদাস নাথ, শ্রীযুক্ত বাবু মেঘনাথ ভট্টাচার্য্য প্রভৃতির নাম বিশেষ উল্লেখযোগ্য। স্বর্গীয় বিদ্যাসাগর মহাশয়ের সংগৃহীত বাঙ্গালা শব্দের যে তালিকা ১৩০৮ সালে সাহিত্য পরিষদ পত্রিকার ২য় সংখ্যায় মুদ্রিত হইয়াছে তাহাও বাঙ্গালা ব্যাকরণ সঙ্কলন কার্যে বিশেষ সহায়তা করিবে।

বাঙ্গালা ব্যাকরণ বিষয়ে সর্বশেষ আন্দোলন গত জ্যৈষ্ঠ মাসে সংঘটিত হয়। এই সময়ে সাহিত্য পরিষদের কোন বিশেষ অধিবেশনে শ্রীযুক্ত বাবু রবীন্দ্রনাথ ঠাকুর “ভাষার ইঙ্গিত” নামে এক প্রবন্ধ পাঠ করেন। আমি ঐ প্রবন্ধের যে সমালোচনা করিয়াছিলাম, তাহার প্রতিবাদ করিয়া শ্রীযুক্ত বাবু দীনেশচন্দ্র সেন মহাশয় “বাঙ্গালা ভাষার ব্যাকরণ” নামে এক প্রবন্ধ ১লা আঘাচের ভারতী পত্রিকায় প্রকাশিত করিয়াছেন। দীনেশবাবুর মতে বাঙ্গালা ভাষার প্রতিভা স্বতন্ত্র। স্মরণ্য বাঙ্গালা ব্যাকরণ প্রণয়ন কালে সংস্কৃত ব্যাকরণের অনুসরণ অপ্রয়োজন।

যে সকল মহাত্মা বাঙ্গালা ব্যাকরণ সম্বন্ধে প্রবন্ধ লিখিয়াছেন তাঁহাদের কতিপয়ের নাম এস্থলে উদ্ধৃত হইল। এতদ্ভিন্ন অনেক কৃতবিদ্য ব্যক্তি সভা সমিতিতে উপস্থিত হইয়া ব্যাকরণ সম্বন্ধে স্ব স্ব সারগর্ভ মন্তব্য প্রকাশ করিয়াছেন। ইহাদের মধ্য হইতে কতিপয় মহাত্মার নাম এস্থলে উল্লেখ করিতেছি :-

শ্রীযুক্ত বাবু হীরেন্দ্রনাথ দত্ত মহাশয় নানা প্রসঙ্গে যে সকল মত প্রকাশ করিয়াছেন তাহার সার মর্ম এই যে বাঙ্গালা ভাষাকে সংস্কৃত ব্যাকরণের নিয়ম-নিগড়ে শৃঙ্খলিত করা একান্ত নিঃস্বের কাব্য। শ্রীযুক্ত বাবু সুরেশচন্দ্র সমাজপতি মহাশয় বলেন বাঙ্গালা ভাষার সংস্কৃত ব্যাকরণের নিয়ম যতদূর সম্ভব প্রবর্তন করা উচিত কিন্তু ইহাও যেন মনে থাকে যে সংস্কৃত ও বাঙ্গালা ভাষার প্রকৃতি স্বতন্ত্র। শ্রীযুক্ত বাবু সত্যেন্দ্রনাথ ঠাকুর মহোদয়ের মতে কথিত ভাষার সহ লিখিত ভাষার প্রভেদ বত কম থাকে ততই ভাল। তিনি বলেন—বাঙ্গালা ভাষার গতি পর্যবেক্ষণ করিয়া উহার জন্ত স্বতন্ত্র ব্যাকরণের সৃষ্টি করাই উচিত। শ্রীযুক্ত রায় বতীন্দ্রনাথ চৌধুরী মহোদয়ের মতে সংস্কৃত ব্যাকরণের অনুসরণ করিয়া বাঙ্গালা ব্যাকরণ প্রস্তুত করা উচিত। রায় বাহাদুর পণ্ডিত রাজেন্দ্রচন্দ্র শাস্ত্রী ও শ্রীযুক্ত চন্দ্রনাথ বসু মহাশয় দুয়েরও অবিকল এইরূপ মত। সুপ্রসিদ্ধ লেখক শ্রীযুক্ত বাবু ইন্দ্রনাথ বন্দ্যোপাধ্যায়ের মতে বাঙ্গালা ব্যাকরণ সঙ্কলনের উপযুক্ত কাল এখনও উপস্থিত হয় নাই। অবসর প্রাপ্ত মাননীয় বিচারপতি শ্রীযুক্ত ডাক্তার সার গুরুদাস বন্দ্যোপাধ্যায় মহাশয় বলেন নাটকাদি লঘু সাহিত্যে খাঁটি বাঙ্গালা শব্দ ব্যবহার

না করিয়া পারা যায় না, স্মরণ্য তাহার জন্ত কতকগুলি বাঙ্গালা সূত্রের প্রয়োজন। এইরূপ আরও অনেক মহাত্মা বাঙ্গালা ব্যাকরণ সম্বন্ধে অনেক মন্তব্য প্রকাশিত করিয়াছেন।

এপর্যন্ত অনেক সারগর্ভ মন্তব্য প্রকাশিত হইয়াছে বটে কিন্তু এখনও ব্যাকরণ সম্বন্ধে আমরা কোন স্থির সিদ্ধান্তে উপনীত হইতে পারি নাই। অতএব এবিষয়ে এখনও পুনরান্দোলনের প্রয়োজন। বহু আন্দোলন ও বহু আলোচনা করিতে করিতে অবশ্যই কোন সর্ববাদি-সম্মত সিদ্ধান্তে উপস্থিত হওয়া যাইবে। সাহিত্য পরিষদ এবিষয়ে অনেক শ্রম স্বীকার করিয়াছেন। সাহিত্য সভাও এবিষয়ে নিশ্চেষ্ট ছিলেন না। ভারতী পত্রিকায় নিরন্তরই এতদ্বিষয়ে আলোচনা প্রকাশিত হইয়াছে। বঙ্গদর্শনও ইহাতে যোগ দিয়াছেন। কেবল সাহিত্য সম্মিলন এবিষয়ে উদাসীন। সম্মিলনকে বাঙ্গালা ব্যাকরণের আন্দোলনে নিয়োজিত করিবার জন্ত আমি আপনাদের সমীপে দুইটি প্রস্তাব উৎখাপিত করিতেছি।

প্রথম প্রস্তাব—বাঙ্গালা ভাষায় ব্যাকরণের প্রয়োজন আছে কি না?

দ্বিতীয় প্রস্তাব—যদি থাকে তাহা হইলে বাঙ্গালা ব্যাকরণ সংস্কৃত ব্যাকরণের আদর্শে প্রস্তুত করা উচিত কি না?

প্রথম প্রস্তাবের সপক্ষে যে সকল যুক্তি আছে তাহার কয়েকটি যুক্তি এই প্রবন্ধের প্রারম্ভে বিবৃত হইয়াছে। ইহার বিপক্ষেও অবশ্য অনেক যুক্তি আছে। ব্যাকরণের সূত্রে বদ্ধ হইলে ভাষা মরিয়া যাইবে। ব্যাকরণ ভাষার প্রাণসংহারক। ব্যাকরণ সূত্রের বন্ধ বন্ধনে বদ্ধ হইলেই ভাষার বৃদ্ধি ও ক্ষয় তিরোহিত হয়। হ্রাস বৃদ্ধির অভাবই ভাষার প্রাণহীনতার পরিচায়ক। আমার মনোগত অর্থ একটি উদাহরণ দ্বারা ব্যক্ত করিতেছি। মনে করুন আপনারা নূতন বাঙ্গালা ব্যাকরণ সঙ্কলন করিয়া সূত্র করিলেন—“জোড়া কথা তৈরী করিতে হইলে ধাতুর দ্বিত্ব করিয়া প্রথমার্ধের শেষে “আ” ও দ্বিতীয়ার্ধের শেষে “ই” যোগ করিতে হয়। কিন্তু যেখানে আত্মক্ষেপে ইকার উকার বা ঔকার আছে সেখানে আ প্রত্যয়কে তাহা বন্ধ ওকারের শরণাপন্ন হইতে হয়। যেমন কিলোকিলি,

খুনোখুনি, দৌড়োদৌড়ি * যদি আপনাদের কেহ বাঙ্গালা ব্যাকরণের অনুসরণ করিয়া পরিশুদ্ধভাবে গ্রন্থ লিখিতে চান, তাহা হইলে তাঁহাকে আজিই হউক, পাঁচশত বৎসর পরেই হউক, সহস্র বৎসর পরেই হউক, কিলোকিলি অর্থে “কিলোকিলি” এই পদেরই প্রয়োগ করিতে হইবে। কিন্তু সম্ভবতঃ সহস্র বৎসর পরে কথিত ভাষায় “কিলোকিলি” এই পদের প্রয়োগ থাকিবে না। কথিত ভাষা সাধারণ লোকের ভাষা। সাধারণ লোক ব্যাকরণের অনুশাসন মানে না। স্মরণ্য কথিত ভাষার পরিবর্তন অবশ্যম্ভাবী। মানবদেহ যেমন নিয়ত পরিবর্তিত হইয়া যাইতেছে, মানব ভাষাও তেমনই নিয়ত পরিবর্তিত হইতেছে। পাঁচ শত বৎসর পরে কথিত ভাষার সম্পূর্ণ পরিবর্তন ঘটবে। যখন “কিলোকিলি” এই পদ কথিত ভাষা হইতে একেবারে অন্তর্হিত হইবে, সাহিত্যের ভাষায় অন্ততঃ আপনাদের ব্যাকরণে তখনও উহা বিদ্যমান থাকিবে। “কিলোকিলি” প্রভৃতি মৃতশব্দ লইয়া আপনাদিগকে সাহিত্যের ব্যবহার চালাইতে হইবে। তখন যদি আপনারা তৎকাল প্রচলিত সজীব কথিত ভাষার প্রতি আকৃষ্ট হন, তাহা হইলে আপনাদিগকে অধুনাতনকাল রচিত ব্যাকরণ বিসর্জন দিতে হইবে। বস্তুতঃ কথিত ভাষার পরিবর্তনের সঙ্গে সঙ্গে আপনাদের ব্যাকরণেরও পরিবর্তন করিতে হইবে। প্রতিদিন অলক্ষ্যভাবে ভাষার পরিবর্তন হইয়া যাইবে, এবং ঐ সঙ্গে যদি আপনারা ব্যাকরণেরও পরিবর্তন করেন, তাহা হইলে আপনাদিগের সাহিত্যের স্থায়িত্ব থাকিবে কিরূপে? যে সাহিত্য দুই চারিশত বৎসর পরে দুর্লভ হইয়া পড়িবে এমন সাহিত্যের প্রয়োজন কি? অথচ বাঙ্গালী জাতির এই অভ্যুদয়ের সময়ে বাঙ্গালা সাহিত্যের সৃষ্টি ও পুষ্টির নিতান্ত প্রয়োজন। ইহা স্বতঃসিদ্ধ সত্য যে সাহিত্যের উন্নতি ব্যতীত কোন জাতির অভ্যাগমন হয় না। বস্তুতঃ জাতীয় অভ্যাগতির সঙ্গে সঙ্গে জাতীয় সাহিত্যের উদ্ভব হয়। এই হেতু বাঙ্গালা সাহিত্যের উন্নতি আমাদের সকলেরই কামনীয়। ব্যাকরণ ব্যতীত সাহিত্যের শ্রীবৃদ্ধি কখনই সম্ভবপর নহে। অতএব বাঙ্গালা ভাষায় ব্যাকরণ সঙ্কলন নিতান্ত আবশ্যিক। ব্যাকরণ সাহিত্যের সৌন্দর্য্য

দেখাইয়া দেয়। ব্যাকরণই শব্দের প্রকৃত অর্থ ব্যক্ত করে। ব্যাকরণ মধ্যে পদবিশেষের অবস্থান ব্যাকরণ দ্বারা নির্ণীত হয়। ব্যাকরণের সাহায্য ব্যতীত ভাষার গঠন প্রণালী বুঝিতে পারা যায় না।

আমরা দেখিলাম—সাহিত্যের উন্নতির পক্ষে ব্যাকরণ নিতান্ত প্রয়োজনীয় অথচ ব্যাকরণের সূত্রে বদ্ধ হইলেই ভাষা মরিয়া যায়। ব্যাকরণ-বদ্ধ ভাষার হ্রাস বৃদ্ধি হয় না। এরূপ অবস্থায় আমাদের কি করা কর্তব্য? আমার মতে যে সকল শব্দের বা পদের হ্রাস বৃদ্ধির সম্ভাবনা আছে, সেই সকল শব্দ ও পদকে সাহিত্যের মধ্যে আনয়ন না করাই উচিত। আর যে সকল শব্দ ও পদ পূর্ণ পুষ্টি লাভ করিয়াছে এবং যাহাদের আর ক্ষয়ের সম্ভাবনা নাই, কেবল সেই সকল শব্দ ও পদকে সাহিত্যে ব্যবহার করা কর্তব্য। ব্যাকরণ ও সাহিত্য হইতে প্রাদেশিক ও ক্ষণভঙ্গুর শব্দ একেবারেই বিদূরিত করা উচিত। যে সকল শব্দ দেশের সকল লোকে বুঝিতে পারে না এবং যাহা উন্নত সাহিত্যে এখনও স্থান লাভ করিতে পারে নাই। ঐ সকল শব্দ অবশ্যই বর্জনীয়। যে সকল শব্দ বহুস্থান ও বহুকাল ব্যাপিয়া অবস্থিতি করিতেছে। ঐ সকল শব্দকেই সবল বলিয়া গণ্য করিতে হইবে। সকলেই স্বীকার করিবেন যে যে সকল শব্দ সংস্কৃত হইতে বাঙ্গালায় আসিয়াছে উহার অত্যন্ত সবল। সংস্কৃত ব্যাকরণের সূত্র সমূহ যথোচিত পরিবর্তিত করিয়া বাঙ্গালা ব্যাকরণে প্রয়োগ করিলে বোধ হয় ঐ সকল সূত্রও বহুকাল বাঙ্গালা সাহিত্যের ব্যবহার নিষ্পন্ন করিতে পারিবে। অতএব সংস্কৃত ব্যাকরণ যে প্রণালীতে রচিত হইয়াছিল, বাঙ্গালা ব্যাকরণ যদি সেই প্রণালীতে রচিত হয়, তাহাহইলে উহা কিছুকাল স্থায়ী হইবে এরূপ আশা করা যায়। এই হেতু আমার মতে সংস্কৃত ব্যাকরণের প্রণালী অবলম্বনপূর্বক বাঙ্গালা ব্যাকরণ প্রস্তুত করা উচিত। বাঙ্গালা সাহিত্যে যখন বহু সংস্কৃত মূলক শব্দ থাকিবে, তখন বাঙ্গালা ব্যাকরণ হইতে সন্ধি ও সমাস পরিত্যাগ করিলে চলবে না। আমরা যখন সাহিত্যে বর্ণবিভাগকালে শ, ষ, স, ণ, ন ইত্যাদির ভেদ এখনও রক্ষা করিয়া থাকি, তখন বাঙ্গালা ব্যাকরণে বর্ণের উচ্চারণ বিষয়ক বিধি ও লিপিবদ্ধ করিতে হইবে।

* রবীন্দ্র বাবুর “ভাষার ইঙ্গিত”—ভারতী, আঘাচ, ১০১১।

যত্ন ও গভীর অধ্যয়ন বাঙ্গালা ব্যাকরণ হইতে তুলিয়া দিলে অর্থবোধের অনেক বিশৃঙ্খলা হইবে। অতএব ঐ বিষয়টী ও পরিত্যাগ করা কর্তব্য নহে। কৃত্ত তদ্ধিত স্ত্রীত্ব ইত্যাদি বিষয়ক সূত্র ব্যতীত বাঙ্গালা ভাষায় উৎকৃষ্ট শব্দ সমূহের ব্যবহার করা কঠিন, অতএব ঐ সকল সূত্রেরও প্রয়োজন। উপসর্গ, অব্যয় ইত্যাদির প্রয়োজনীয়তা সকলেই অনুভব করেন।

সুপ ও তিঙ অর্থাৎ কারক বিভক্তি ও ক্রিয়া বিভক্তি— এই দুইটি বিষয়ে অবশ্য বাঙ্গালা ব্যাকরণ সংস্কৃত ব্যাকরণের অনুসরণ করিতে অক্ষম। কিন্তু এই দুইটি বিষয়ে ও সংস্কৃত ব্যাকরণের “প্রণালী” অবলম্বিত হইতে পারে। পুরুষ, বচন, কাল ইত্যাদি বিষয়ক বিভাগ বাঙ্গালায়ও প্রযুক্ত হইতে পারে। অতএব বাঙ্গালা ব্যাকরণ সংস্কৃত ব্যাকরণের আদর্শে লিখিয়া উহার প্রত্যেক অধ্যায়ে খাঁটি বাঙ্গালা শব্দে প্রযুক্ত্যমান দুই চারিটি সূত্র যোগ করিয়া দিলেই চলিতে পারে। সেই হেতু আমি বলি সংস্কৃত ব্যাকরণ অলঙ্কার ও ছন্দঃশাস্ত্র মন্থন করিয়াও ঐ সকল শাস্ত্রের ভঙ্গী পর্যবেক্ষণ করিয়া বাঙ্গালায় ব্যাকরণ প্রস্তুত করুন।

বাঙ্গালা ভাষা ও সংস্কৃত ভাষা সম্পূর্ণ স্বতন্ত্র ইহা কে অস্বীকার করিবেন? বাঙ্গালার প্রতিভা ও সংস্কৃতের প্রতিভা এক নহে—তাহাই বা কে অপলাপ করিতে পারেন? বাঙ্গালা ভাষার গতি যে স্বাধীন ও উদ্দাম তদ্বিষয়েও আমার মত ভেদ নাই। কিন্তু যিনি “বাঙ্গালা ভাষার স্বাধীন উদ্দাম গতি” * রুদ্ধ করিতে চাহেন, তাহার নিতান্তই দুঃমাহস। কোন ভাষারই উদ্দাম গতি রুদ্ধ করিতে পারা যায় না। কিন্তু হে খাঁটি বাঙ্গালা ভাষার অভিভাবকগণ দেখিবেন যেন আপনাদের সতর্কতার অভাবে ও নিজের উদ্দাম গতির প্রভাবে বাঙ্গালা ভাষা ক্ষয় রোগে আক্রান্ত না হন। আপনারা লক্ষ লক্ষ সূত্র করিয়া উদ্দাম ভাষাকে বাঁধিতে যাইতেছেন, কিন্তু একবারও ভাবিয়া দেখেন না যাহা উদ্দাম তাহাকে কখনও বাঁধিয়া রাখা যায় না। উদ্দামের স্বভাব এই যে হয় উহা স্বাধীন গতিতে অর্থাৎ স্বেচ্ছাচারী হইয়া বিচরণ করিবে অথবা অগ্র কর্তৃক রুদ্ধ হইবার পূর্বেই প্রাণত্যাগ করিবে। উদ্দাম রুদ্ধ হইয়া এক মুহূর্ত্তও অবস্থিতি করিতে পারে

না। আপনাদের আকাঙ্ক্ষা অতি উচ্চ। আপনারা উদ্দাম ভাষাকে চির কাল ব্যাকরণের সূত্রে বদ্ধ করিয়া রাখিতে চাহেন। আমাদের অভিলাষ অত উচ্চ নহে। আমরা উদ্দামকে বাঁধিতে যাইতেছি না। যে সকল শব্দের উদ্দামতা নাই, যাহা ভাষায় “নীতীভূতো নিরঞ্জনঃ” হইয়া অবস্থিত আছে। আমরা সেই সকল স্থির শব্দকে সংগ্রহ করিয়া সাহিত্য গঠন করিতে যাইতেছি। মনে করুন আপনারা বাঙ্গালা ভাষার স্বাধীন উদ্দাম গতির অনুসরণ করিয়া “যাচ্ছি”, “যেতেছি”, “যাতিছি,” “যাত্যাচ্ছি” ইত্যাদি পদ প্রয়োগ করিলেন। কিন্তু ইহাদের পরিণাম কি হইবে? ইহারা স্বীয় উদ্দামতার প্রভাবে আপনারা দের সূত্র ছিন্ন করিয়া ভিন্ন গতি অবলম্বনপূর্বক রূপান্তর গ্রহণ করিবে। আমরা এই সকল উচ্ছৃঙ্খল পদকে শৃঙ্খলা বদ্ধ করিতে অসমর্থ হইয়া “যাইতেছি” এই কল্পিত পদ প্রয়োগ করিতেছি। এই পদটী স্থির সূত্ররূপ স্থায়ী সাহিত্যের উপযোগী।

শুধু পদ প্রয়োগ বিষয়ে নহে পদান্বয় বিষয়েও আমাদের একইরূপ চিন্তাচরিত বা কল্পিত পথের অনুসরণ করিতে হয়। বাস্তবিক পক্ষে যতক্ষণ ভাষার গতি স্থির না হইবে ততক্ষণ উহার ব্যাকরণ প্রস্তুত হইতে পারে না।* (ক্রমশঃ) শ্রীসতীশচন্দ্র বিদ্যাভূষণ।

* সাহিত্যসম্মিলনের বিশেষ অধিবেশনে লেখক কর্তৃক পাঠিত।
১লা আষাঢ়ের ভারতীতে শ্রীযুক্ত বাবু রবীন্দ্রনাথ ঠাকুর ও শ্রীযুক্ত বাবু দীনেশচন্দ্র সেন মহাশয়দ্বয়ের প্রবন্ধ পাঠকরিয়া ঢাকার সুবিখ্যাত সাহিত্যসেবী রায় কালীপ্রসন্ন ঘোষ বাহাদুর আমাকে ৬ই আষাঢ় তারিখে লিখিয়াছেন:—“আপনার কাথানুগারে গতকল্য রাত্রে ভারতী অতিশয় মনোযোগের সহিত পাঠকরিয়াছি। * প্রবন্ধ লেখকদিগের সহিত প্রকৃতবিবাদ কোথায় তাহা আপনি লক্ষ্য করেন নাই, আমি লক্ষ্যকরিয়াছি। বাঙ্গালাভাষায় ‘ঢেকি’ ‘কুলা’ ‘ঘুচনী’ প্রভৃতি অনন্থা বস্তু-বোধকশব্দ এবং ‘ফুটিল’, ‘ছুটিল’, ‘ঘুটিল’, প্রভৃতি নব্য প্রাকৃত ক্রিয়াপদের প্রয়োজন আছে। ইহা আমি বহুকাল হইতে বলিয়া আসিতেছি এবং প্রয়োগ করিয়া দেখাইতেছি। কিন্তু আমাদের অর্থাৎ আমি, আপনি ও আর যাহারা সংস্কৃত অনুসরণী তাহাদিগের মুখ্য কথা এই যে বাঙ্গালায় যে সকল সংস্কৃত শব্দ ব্যবহার করিতে হইবে, তৎসম্পর্কে সংস্কৃত ব্যাকরণকে সম্পূর্ণরূপে সম্মান করিয়া চলিতে হইবে। যথা বাঙ্গালার কখন ও “মনোহারিণী পন্থা” লিখিব না। মনোহরের স্ত্রীলিঙ্গে ‘মনোহরা’ লিখিব, ‘মনোহরী’ লিখিব না। আর ‘মপক্ষ’ স্থলে কখন ও ‘মাপেক্ষ’ লিখিতে নাহস পাইব না। এই ত তর্ক, এই ত প্রতিবাদ। ইহা লইয়া এত বাদ বিবাদে আর স্থল থাকে কোথায়? আপনি কথাটা চিন্তা করিয়া আমাকে জানাইবেন, আর পরিষদের অগ্ৰাণ্য সভ্যের কি মত তাহাও আমাকে অনুগ্রহ করিয়া জানাইবেন।” প্রঃ লেঃ।

উষা অনিরুদ্ধ।

অনিরুদ্ধের উক্তি :—

চাহগো শুধু, এসেছে বঁধু,
আজিকে তব দুয়ারে
তপন হেরি কমল দল
ঢাকা কি থাকে নীহারে !
ও ছুটী আঁখি রেখেছ ঢাকি
তবু অতুল মাধুরী,
মানস অলি পড়িছে ঢলি
ললিত পদে তাহারি।
বুঝিতে নারি তুমি কি প্রিয়ে
চিত্রে আঁকা রূপসী,
অথবা তুমি প্রিয়র ছবি
আনার প্রিয় মানসী !
অধর যুগ মিশিয়া আছে
তাদের সুখ কত যে,
আমরা দৌহে মিলিব কবে
অমনি সুখ রভসে !
কপোল আহা উঠিছে কাঁদি
স্বপন বায়ু পরশে,
অধীর মোর অধর ছুটে
হৃদয় ভরা হরষে।
শ্রবণ ছল উঠিছে ঢুলি
তারার সুখী আজিকে,
উঠগো বালা নিবার জালা
ফিরাবে কিগো পণিকে ?
মেবেতে ঢাকা চাঁদিমা চারু
সুখনা কত শোভনে ;
নিদয় মিদ যাওরে সরি
উঠগো নীল বসনে।
বিরহ নিশি গিয়াছে মিশি
তবু নীরব উষারে,
শুধু কি রবি ঘুমান ছবি
দেখিবে বসি দুয়ারে ?

উষার উক্তি :—

জাগালে কেন হৃদয় নাথ,
সুখ স্বপন ভাঙ্গালে,
কেন এ ছল, কি হবে বল,
কাঁদায়ে ছুখী কাঁদায়ে ?
ডাকিলে উষা নিমেষ মাঝে
রবি যে উঠে অমনি,
তোমার তরে বরষ ধরে
কেঁদেছে দীনা রমনী।
দিবস সম প্রহর গেছে,
বরষ সম দিবারে,
সেত গো কভু চাহেনি ফিরে
পাইনি আমি তাহারে।
আজিকে সখা স্বপন বশে
দেখেছি হৃদি রতনে,
শিয়রে বসি অলক দাম
সরায়ে দিল যতনে।
বদন আনি কহিল কানে
হুইটী কম কথা সে,
শুনিয়া বুক উঠিল ভরি
ঘুচিল সব ব্যাথা যে।
অধর কুচি কপোল তলে
উঠিল যবে ফুটিয়া
উছসি মোর উঠিল হৃদি,
স্বপন গেল টুটিয়া।
এসেছ তুমি, এসেছ নাথ,
চরণে দাসী প্রণতা ;
ঘুমায়ে ছিছু ক্ষমহে প্রিয়
বারেক শুন বারতা।
এ সুখ মাঝে জাগা কি সাজে,
এ মৃৎ মধু পরশে,
বধির হয় শ্রবণ যুগ,
মুদে যে আঁখি হরষে।

চীনদেশীয় মুসলমান।

ঠিক কত বৎসর হইল মুসলমানগণ চীনদেশে আসিয়াছে এবং তাহাদের প্রথম এদেশে আসার উদ্দেশ্যই বা কি তাহার বিধানবোধ্য কোন ইতিহাস পাওয়া যায় না। এবিষয় আমি পুঙ্খানুপুঙ্খ অনুসন্ধান করিতে ক্রটি করি নাই, কিন্তু আশানুযায়ী ফললাভ না হওয়ায় একপ্রকার হতাশ হইয়াছি। সাহেবগণের মধ্যে কেহ কেহ বলেন যে, প্রায় পাঁচ ছয়শত বৎসর হইল কতকগুলি মুসলমান বাণিজ্য করিবার উপলক্ষে সর্বপ্রথমে এদেশে আইসে। ক্রমে ঐসকল লোক এদেশে বিবাহাদি করিয়া স্থায়ী হয়। তাহাদের বংশধরগণই এদেশের বর্তমান মুসলমানগণ।

আমাদের প্রতিবেশী একজন বৃদ্ধ মুসলমানকে জিজ্ঞাসা করায় সে বলিল যে, ঠিক কত বৎসর হইল তাহাদের পূর্ব পুরুষগণ এদেশে আসিয়াছিলেন তাহা তাহারা জানে না। তবে এই বলিতে পারে যে চীনদেশের তিনটা রাজবংশ গত হইল তাহাদের পূর্ব পুরুষগণ এদেশে আসিয়াছিলেন। কি উপলক্ষে তাহারা এদেশে প্রথম আসেন তাহার কারণ এই “তাৎকালীন চীনরাজ্যে সন্ন্যাসের উপদ্রব অতিশয় বৃদ্ধি হইয়াছিল। রাজ্য মধ্যে নানা বিশৃঙ্খলা ও ছুট লোকের উপদ্রব বৃদ্ধি হওয়ায় সর্বত্রই অশান্তি বিরাজ করিতেছিল। চীনসম্রাট শান্তি স্থাপনে অপারগ হইয়া আরবে কতকগুলি মুসলমান সৈন্য চাহিয়া পাঠান। তজ্জন্ত “লমুগোয়ে” (আরব) দেশ হইতে তিন হাজার মুসলমান সৈন্য আইসে। ঐসকল সৈন্যের চারিজন সেনাপতি ছিল। তাহাদের তিনজনেরই পথিমধ্যে মৃত্যু হয়, মাত্র একজন চীনদেশে আসিয়া উপস্থিত হয়। তাহার নাম ফাওজিম (কাশিম)। মুসলমান সৈন্যগণ পিকিনে উপস্থিত হইলে সম্রাট “তাওয়ং” (Tha wang) তাহাদের সাহায্যে বিদ্রোহিগণকে দমন করিয়া রাজ্যে শান্তি স্থাপন করেন। সম্রাট তাহাদের সৌব্যবীর্ষ্যে অতিশয় সন্তুষ্ট হইয়া ইহাদিগকে চীনদেশে বাস করিতে অনুমতি করেন এবং ইহাদের বিবাহাদির স্ববন্দোবস্ত করিয়া দেন। সেই মুসলমানগণের সন্তানাদিতে ক্রমে তাহাদের সংখ্যা অত্যন্ত

বৃদ্ধি হইতে লাগিল এবং মুসলমান সম্প্রদায়ের প্রতিগতি ক্রমশঃ বিস্তৃত হইতে লাগিল।

“ইউনান প্রদেশে মুসলমানগণের আগমনের কারণ এই যে টেঙ্গিয়ে * বা মোমিন মহর পূর্বে ব্রহ্মদেশীয় নাস্তান (নন্দন) নামক রাজার অধীন ছিল। বর্ম্মাদিগকে তাড়াইয়া এদেশ দখল করিবার জন্ত চীনসম্রাট অনেক সৈন্য প্রেরণ করেন। সেই সৈন্য দলে বহুসংখ্যক মুসলমান ছিল। বর্ম্মাদিগকে যুদ্ধে পরাভূত করিয়া টেঙ্গিয়ে ও তন্নিকটবর্তী সানদেশ সকল চীনারা অধিকার করে। মুসলমান সৈন্যদের বীরত্বই নাকি এই যুদ্ধজয়ের প্রধান কারণ। যে সকল মুসলমানগণ এদেশে অর্থাৎ ইউনান প্রদেশে সৈনিককার্যে আসিয়াছিল তাহারা পিকিনে প্রত্যাবর্তন না করিয়া এদেশেই বসবাস করিতে লাগিল এবং বিবাহাদি করিয়া তাহাদের দলবল বৃদ্ধি করিতে লাগিল।

মুসলমানদিগকে চীনারা “তহায়েজ” বলে এবং সান ও বর্ম্মাগণ “পাখী বলে।” ছবৃত্ততাৎ এবং ছর্ক্বতায় মুসলমানগণ সকল দেশেই প্রসিদ্ধ। চীনারা মুসলমানদিগকে অত্যন্ত ঘৃণা করে। “পাখী হোয়েজ” গণকে চীনারা আদৌ বিশ্বাস করে না। অনেক স্থলে হিন্দুগণ যেমন মুসলমানদিগের প্রতি ঘৃণা প্রকাশ করেন, চীনারাও ঠিক সেই প্রকার করিয়া থাকে। কোন কারবার বা কার্যাদি মুসলমানগণের সঙ্গে যদি করিতে হয়, তবে চীনারা পরস্পর বলাবলি করে যে সাবধান “হোয়েজের সঙ্গে কারবার!” চীনারা আরো বলে যে “হোয়েজেরা বিখ্যাবাদী, বিশ্বাসঘাতক ও অধর্ম্মী। হোয়েজের ভাত খাও কিন্তু তাহার কথা বিশ্বাস করিও না।” চীনা স্ত্রীলোকগণ পরস্পর ঝগড়া করিলে একজন হয় ত অপর জনকে বলে যে “তুই কি আমাকে হোয়েজে মনে করিয়া ছিলি।” বাস্তবিক মুসলমানগণ ইউনান প্রদেশে অত্যন্ত প্রবল হইয়া উঠিলে চীনাদিগের উপর বড়ই অত্যাচার করিত। কোন গ্রামে হোয়েজগণ আসিয়া উপস্থিত হইল আশঙ্কায় লোকের প্রাণ ওষ্ঠাগত হইত। তাহারা আসিয়াই গ্রামের মোড়লদিগকে ডাকাইয়া বলিত আহারা-দির জন্ত মুরগী ভেড়া ও গরু চাই এবং ঘোড়ার খোরাকির

* যেখানে আমরা আছি।

জন্ত খান ও ঘাস চাই। তৎক্ষণাৎ না পাইলে মোড়লদিগের শিরশ্ছেদ করিত এবং গ্রাম লুণ্ঠন করিত। কাহারও কোন স্ত্রী বা কন্যা থাকিলে তাহা পাওয়ার দাবী করিত, না দিলে জোর পূর্বক লইয়া যাইত। এসকল কথা হিন্দুগণের নিকট বোধ হয় নূতন বলিয়া বোধ হইবে না। স্ত্রীলোকের সতীত্বের মূল্য অনেক মুসলমানের নিকট অতি তুচ্ছ পদার্থ। আমার ইন্টারপ্রিটারের (দোভাষীর) বাড়ী টেঙ্গিয়ে নিকট একটা প্রসিদ্ধ গ্রামে। সে বলে যে হোয়েজগণ চীনাদিগের জীবনকে একটা মুরগীর জীবনের সমানও বোধ করিত না এবং সামান্য অপরাধে লোকের শিরশ্ছেদ করিয়া ফেলিত। একদা একদল পাখী বা হোয়েজ তাহাদের গ্রামে উপস্থিত হইয়া তাহাদের বাড়ীতে প্রবেশ করে এবং তাহার পিতামহীর নিকট নানা দাবী করে, এবং তাহাকে অপমান করে। তাহার পিতা তখন ছোট বালক। বালকের প্রাণ বাঁচাইবার জন্ত তাহার পিতামহী তাহার পিতাকে একটা সিন্ধুকে পুরিয়া রাখে। হোয়েজগণ জোর করিয়া টাকা কড়ি গহনাদি সমস্তই লইয়া যায়। এ ঘটনা দিনে ছপুর্বে ঘটে। আমাদের দেশে যেমন যখন কথাটা ব্যবহার হয়, হোয়েজ কথাটাও চীনারা সেই প্রকার ব্যবহার করে।

চীনা মুসলমানগণের পোষাক।

সহসা চেহারা দেখিয়া বুঝিবার যো নাই যে, কে চীনা এবং কে মুসলমান। কেননা গোঁপ দাড়ি প্রায় কাহারো নাই। সকলেরই মাথায় বেণী এবং মাথার ছুই তৃতীংশ মুড়ান। সকলের মাথায় একপ্রকার টুপি, পরিধানে একপ্রকার পা জামা ও একই প্রকারের কোট ও জুতা। স্ত্রীলোকদিগেরও একই পোষাক। পা বাঁধা মাথায় খোপা ও অস্ত্রাস্ত্র আভরণ, কোট ও পা জামা একই প্রকার এবং কুমারী বালিকাগণের মাথায় বেণী, কপালে কপালী প্রভৃতি সমস্তই অভিন্ন। বিবাহ প্রণালীও প্রায়ই এক প্রকার। স্ত্রী নির্যাতন উভয় জাতিরই সমান। বাল্য বিবাহ কাহারও নাই। পাত্রাভাবে বা অর্থাভাবে ইহাদের কুমারীগণও ২৫৩০ বা ততোধিক বৎসর পর্য্যন্ত অবিবাহিতা থাকে। এবিষয়ে ইহারা ব্রহ্মদেশীয় কুলীন-ব্রাহ্মণগণের সমকক্ষ।

ধর্ম্মকার্য।

চীনাদের যেমন ঘরের মধ্যে কুঠুরিতে দেওয়ালের গাত্রে ধর্ম্মসংক্রান্ত নানা কথা লেখা লাল কাগজ সকল লাগান থাকে, ইহাদেরও তাই। ইহাদের কাগজ সকল আরবী অক্ষরে লেখা। চীনাদের অনেকের দেওয়ালের গাত্রে দেবমূর্তি স্থাপিত থাকে, এবং ধুতুচিতে ধূনা ও দশাং জ্বালান হয় এবং একখানি করিয়া টেবিল তাহার সম্মুখে থাকে। মুসলমানদিগের কোন মূর্তি স্থাপিত নাই কিন্তু ধুতুচিতে ধূপ এবং দশাং জ্বালান হইয়া থাকে। বৃদ্ধ মুসলমানগণের মধ্যে কেহ কেহ নমাজ বা উপাসনা করিয়া থাকে। কিন্তু ইহা অতি বিরল। ইহাদের এখন কোন মসজিদ নাই; লড়াইয়ের সময় চীনারা সমস্ত মসজিদ ভাঙ্গিয়া ও পোড়াইয়া ফেলিয়াছে। চীনা মুসলমানগণ চীনাদের সঙ্গে একত্র আহালাদি করে তবে শূকরটা খায় না। আমাদের দেশী মুসলমানগণ যেমন কোন জন্তু হালাল বা জবাই করিতে হইলে “বিশমোলা” বলিয়া আড়াই পোঁচে জন্তুর গলার নলীটা কাটিয়া ছাড়িয়া দেয়, চীনা মুসলমানগণ তাহা করে না। ইহারা জন্তুর গলনালীর ছুই পার্শ্বের ছুইটা ধমনীকে পৃথক পৃথক কাটিয়া দেয়। ধমনী কাটিলেই রক্তপাত হইয়া জন্তুর মৃত্যু হয়। একটা ছাগল বা ভেড়াকে এই প্রকার মারিয়া পূর্ব কাটা ছিদের সঙ্গে মুখ লাগাইয়া জোরে ফু দিতে থাকে। ফু দেওয়ার পূর্বে একখানা দরু বাঁশের লাঠি চামড়া ও মাংসের ভিতর দিয়া লেজ পর্য্যন্ত চালাইয়া দেয়। এই প্রকার উভয়দিক দেওয়া হইলে পরে ফু দিয়া ভিতরে হাওয়া প্রবেশ করাইয়া দিয়া জন্তুটা ফুলাইয়া উঠায় এবং ক্ষত স্থান কসিয়া বাঁধিয়া অতিশয় উত্তপ্ত জলের টবमध्ये হত জন্তুটি কিছুকাল রাখিয়া পরে সমস্ত পশম ফেলিয়া দেয়। এবং যখন বিক্রয় করে চামড়া সহ কাটিয়া দেয়। বিবাহের কলমা পড়ার রীতি বা বালকদিগের স্নানতের রীতি বিশেষ নাই। স্ত্রীর তাল্লাক দেওয়ার ওখাও নাই। আমি জিজ্ঞাসা করিয়াছিলাম কিন্তু গুলিলাম কোরণ কাহারও ঘরে নাই।

চীনা মুসলমানদিগের নামও চীনা নামের সদৃশ। “মা ঠিং কান” “লি লাউদাস, ইয়াং হো সেই” ইত্যাদি।

পাখী মুসলমানগণের চীনা পোষাক পরার কারণ এই

যে চীনদেশে কোন বিদেশী লোক চীনাপোষাক ও চীনা নাম ভিন্ন বাস করিতে পারিত না। অনেক ইউরোপীয় পাদ্রিগণ চীনাগণের মত মাথা মুড়াইয়া বেণী রাখিতেন, এবং চীনাপোষাক পরিয়া থাকেন এবং সকলেরই চীনা নাম আছে। পিকিনের যুদ্ধের পর হইতে চীনের অনেক নম্র হইয়াছে এবং বিদেশী লোককে ভয় করিতেছে, নচেৎ আমাদেরও মাথায় বেণী রাখিতে হইত।

যে ফটোগ্রাফ এই স্থানে প্রদত্ত হইল তাহা দেখিলেই চীনদেশী মুসলমানের চেহারা অনুভূত হইবে। নিম্ন-শ্রেণী লোকদের মধ্যে কেহ কেহ মাথায় সাদা কাপড়ের পাগড়ি বাঁধে কেবল এই একটু পার্থক্য।

চীনা ও মুসলমানে যুদ্ধ।

ঊনবিংশ শতাব্দীর মধ্যভাগে পাখী মুসলমানগণ প্রবল হইয়া রাজবিদ্রোহী হয় এবং চীনা সৈন্যদিগকে পরাজয় করিয়া প্রায় সমস্ত ইউনান প্রদেশের শাসন ভার আপনাদিগের হস্তে গ্রহণ করে। টালিপু নামক প্রধান সहरই ইহাদের রাজধানী হয়। টালিপু এখান হইতে ১২ দিনে পথ এবং এই নগর সমুদ্র হইতে হাজার ফুট উচ্চে স্থাপিত। প্রায় বিস বৎসর যাবৎ পাখীগণ এদেশে রাজত্ব করে। এই বিস বৎসর কালএদেশে ঘোর অরাজকতা এবং নৃশংসতার লীলাভূমি হইয়াছিল। যদিও এই সকল ঘটনা-বেশী দিনের নহে তবুও ইহার কোন ধারাবাহিক ইতিহাস প্রাপ্ত হইতে পারি নাই। হয়ত যে সকল লোকের নিকট আমি অনুসন্ধান করিয়াছি তাহারা ইহার প্রকৃত সংবাদ রাখেনা। মুসলমানদিগের অত্যাচার সহ্য করিতে না পারিয়া এ প্রদেশের চীনাগণ বাদশাহের নিকট ক্রমে আপনাদের দুঃখের কাহিনী বর্ণনা করিয়া এই বিপদ হইতে উদ্ধারের প্রার্থনা করায় চীন সম্রাট বহু সংখ্যক সৈন্য প্রেরণ করেন এবং সেই সঙ্গে ইউনান প্রদেশের সমুদয় চীনা, মুসলমানদিগের বিরুদ্ধে অস্ত্র ধারণ করে। প্রায় দুই তিন বৎসর যাবৎ এই প্রকার নানা স্থানে লড়াই হইয়া প্রজার সর্বনাশ হয়। প্রথমত চীনারা পরাভূত হয়। পরে চীন সৈন্যগণ জেনারেল “ইয়াং ইং হো” নামক বিখ্যাত সেনাপতির অধীনে টালিপু নগর পুনরায় আক্রমণ করে। টালিপুতে ঘোর যুদ্ধ হয়, অসংখ্য চীন সৈন্যের সঙ্গে পাখী

মুসলমানগণ অটুয়া উঠিতে না পারিয়া পাখী রাজা টুয়েনসিও* আজ সমর্পণের প্রস্তাব করে এবং চীনা জেনারেলের নিকট প্রণয়ন প্রার্থনা করে। জেনারেল ইয়াং ইং হোও তথাস্ত্ৰ বলিয়া পাখীগণকে অস্ত্র ত্যাগ করিতে আদেশ করেন এবং নগর প্রাচীরাত্যন্তরে প্রবেশ করিয়া নগর অধিকার করিয়া চীন সম্রাটের পতাকা উড্ডীন করেন। জেনারেল তখন হৃষ্ট মনে পাখী দলপতিগণকে নিমন্ত্রণে আহ্বান করেন। পাখীগণও মহা সন্তুষ্ট চিত্তে জেনারেলের মহত্বে মুগ্ধ হইয়া সাদরে নিমন্ত্রণ গ্রহণ করেন। পাখী রাজা ও সরদারগণ নিমন্ত্রণ রক্ষার জন্ত জেনারেলের গৃহে উপস্থিত হইলে ইয়াং ইং হোর আদেশে চীনাগণ অতি ঘণিত বিশ্বাসঘাতকতা সহকারে পাখীদলপতিগণের শিরশ্ছেদ করেন। দলপতিগণের শিরশ্ছেদ হওয়ার পর চীনাগণ যেখানে যেখানে পাখীকে দেখিতে পাইয়াছিল, স্ত্রী পুরুষ নির্বিশেষে সকলকেই এক দিনে হত্যা করে। সেই এক দিনে ত্রিশহাজার পাখীর মাথা কাটা যায়। টালিপু হইতে পাখীগণ নিপাত হইলে শেষে ইউলছালফু নামক সহরে পুনরায় যুদ্ধ হয়, তথায়ও পাখীগণ হতভঙ্গ হইয়া অধিকাংশ হত হয় অল্প সংখ্যক পলায়ন করিয়া প্রাণরক্ষা করে। ইতিমধ্যে টেঙ্গিয়ে বা মোমিন সহরে ঘোর লড়াই হয়। পাখীগণ এখানেও পরাজিত হইতে লাগিল। এই সময়ে এদেশের যে দশা হইয়া ছিল তাহা বর্ণনাতীত। সমস্ত পক্ষীর স্ত্রীলোক ও বালকগণ পর্যন্ত পাহাড়ে আশ্রয় লইয়াছিল। কৃষি কাষ্য ও বাণিজ্য বন্ধ হওয়ায় বহু লোক অনাহারে প্রাণত্যাগ করিতেছিল। ইহার মধ্যে যখন মুসলমানগণ সুর্যোগ পাইত তখন চীনাগণের শিরশ্ছেদ, গৃহ লুণ্ঠন এবং গৃহে অগ্নি সংযোগ করিয়া তবে ক্ষান্ত হইত। আবার চীনারাও ফাঁক পাইলেই ঐ কার্যের প্রতিশোধ লইত। পাখী ও চীনাগণের যুদ্ধের কারণ প্রথমোক্তগণ বলে যে চীনারা জোর করিয়া পাখীদিগকে শূকর খাওয়াইতে চেষ্টা করিত, এবং তাহাদের ধর্ম কার্যের বিরুদ্ধে সর্বদাই নানাবিধ অত্যাচার করিত।

আমার সংবাদদাতা বৃদ্ধ মুসলমান বলিল যে যখন এই যুদ্ধ হয় তখন তাহার বয়স ১৭ বৎসর সে নিজেও লড়াই

* টুয়েনসিওর মুসলমান নাম মোলেমান।



করিয়াছিল। সে বলিল যে, এই টেঙ্গিয়ে সহরে তিন হাজার ঘর হোয়েজ বা পাখী ছিল এবং পাখীগণের মত ধনী কেহ ছিল না এবং এখন এখানে মাত্র ২০২৫ ঘর পাখী আছে। আমি জিজ্ঞাসা করিলাম তোমরা প্রাণে কেনন করিয়া বাঁচিলে? তাহাতে সে বলিল, যেমন বেড়া জালে ঘেরিয়া মৎস্য ধরে, বড় বড় মৎস্য সকল জালে আবদ্ধ থাকে এবং ছোট ছোট মৎস্য সকল জালের পাশ কাটিয়া পলায়ন করে, আমরা যে কয়েক জন আছি সেই মতে অল্পত্র পালাইয়া বাঁচিয়াছিলাম। বাস্তবিক টেঙ্গিয়েতে আমরা যাহা দেখিতে পাই তাহা পূর্বকার সহরের ভগ্নাবশেষ মাত্র। নগর প্রাচীরের বাহিরে অসংখ্য উজাড় বাস্তু দেখিতে পাওয়া যায়। সে সমস্তই মুসলমানগণের আবাস স্থান ছিল। টেঙ্গিয়ের চতুষ্পার্শ্ব অনেক চীনা গ্রামেও উজাড়ের চিহ্ন দেখিতে পাওয়া যায়।

টেঙ্গিয়ে নগরে পাখী সরদার “মাপিয়ানসি” অত্যন্ত নামজাদা হইয়া উঠিয়াছিল। চীনারা বলে যে সে এমন নিষ্ঠুর ছিল যে, আপন হাতে কত শত চীনার প্রাণবধ করিয়াছে তাহার ইয়ত্তা নাই। টেঙ্গিয়ে নিকটবর্তী সাইলং নামক গ্রামে মাপিয়ানসি চীনা জেনারেল কর্তৃক ধৃত হয়। চীনা জেনারেল মাপিয়ানসীর জীবিতাবস্থায় সমস্ত গাত্রের চর্মোত্তলন করিয়া তদ্বারা ঘোড়ার চাবুক প্রস্তুত করে এবং সেই অবস্থায় ইহার বক্ষ বিদীর্ণ করিয়া দ্রুপিণ্ড বাহির করিয়া লইয়া তবে তাহাকে হত্যা করে। এই দ্রুপিণ্ড তৈলে ভাজিয়া মাপিয়ানসীর নিষ্ঠুরতার প্রতিহিংসা স্বরূপ জেনারেল স্বয়ং তাহা আহাৰ করে। এই জেনারেলের মূর্তি নাকি এখনও টালিপুদের মন্দিরে আছে।

যুদ্ধকালে পাখী রাজা টুয়েনসিওর পুত্র সপরিবারে ব্রহ্মদেশে পলায়ন করেন এবং তথায় গিয়া ইংরেজ গবর্নমেন্টের ও বর্মারাজার নিকট সৈন্য সাহায্য প্রার্থনা করেন। কিন্তু তিনি ইতি মধ্যে শুনিতে পাইলেন যে, পাখীগণ যুদ্ধে পরাস্ত হইয়া নিশ্চল প্রায় হইয়াছে তখন নিরাশ হইয়া ইংরেজের আতিথ্য গ্রহণ করিয়া রেঙ্গুনে বাস করিতে লাগিলেন। ইংরেজ সরকার হইতে মাসিক পেন্সনও পাইতে লাগিলেন। এই পাখী বংশের সঙ্গে লক্ষ্যেয় নবাব পরিবার নাকি বিবাহ সূত্রে আবদ্ধ ছিলেন। কিন্তু তাহাদের বিস্তরিত বিবরণ জানি না।

আনাদের প্রতিবেশী ৫৬ ঘর পাখী আছে। ইহার অল্প দিন হইল এখানে আসিয়াছে। যুদ্ধ অবসানের পর যে সকল পাখীগণ ছত্রভঙ্গ হইয়া স্থানান্তরে গিয়াছিল তাহারা পুনরায় এখানে প্রত্যাগমনের প্রার্থনা করায় চীন রাজ কর্মচারীগণ আদেশ করিলেন যে, প্রতিগ্রামে এক ঘর পাখীর বেশী থাকিতে পারিবে না বাস্তবিক সেইরূপই হইল। কিন্তু এদেশে ইংরেজের আগমনে পাখীগণ অনেক আশ্রয় হইয়াছে। ক্রমে দুই এক ঘর করিয়া এখানে আসিতেছে। বলা বাহুল্য যে রেঙ্গুনের এবং ব্রহ্মদেশের বিভাডিত পাখীগণই ইংরেজের এদেশের ভেদ নীতির সহকারী। পাখীগণ আশা করে কালে তাহাদের দুর্গতি দূর হইবে। আজ ৩০ বৎসর হইল পাখী যুদ্ধ হইয়াছে। এবার পাখীগণ এক মসজিদ প্রস্তুত করিতেছে।

কয়েক জন পাখী চীন সরকারে সৈনিক বিভাগে কার্য করে। ইহাদের মধ্যে মাটিংফাং নামক ব্যক্তিই বিখ্যাত। টংকুইনে ফরাদিগের সঙ্গে চীনাদের যে যুদ্ধ হয় সেই যুদ্ধে মাটিংফাং খুব শৌর্য বীর্য দেখাইয়া ছিল তাই ইহার এখন পদ বৃদ্ধি হইয়াছে। ইহারই বাটীতে আমি বাস করি।

শ্রীরামলাল সরকার।



স্যার এডুইন আর্গল্ড ।

কবিবর! কি মধুর মোহিনী সঙ্গীতে
গেয়েছিলে পুণ্যময় অপূর্ব কাহিনী!
অমৃত সমান কথা প্রাণে তৃপ্তি দিতে
ঝঙ্কারিল ও বীণার!—সুখা নির্ঝরিনী,—
বিচিত্র সৌন্দর্য্য দৃষ্টি নয়নে তোমার,
বিকশে প্রতিভা তব ভারত-ভুবনে;
নিরখিয়ে তাজহস্ম্য কূলে যমুনার,
জাগাইলে কি উচ্ছ্বাস প্রেমের স্বপনে!—
কি মহান! কি সুন্দর! সিন্ধু সমুজ্জল!
হাসিছে যশের উষা বাসন্তী যৌবনে!
ক্ষুদ্র এ অপরাজিতা কবির সম্বল—
অর্ঘ্যরূপে দিছ আজি তোমার চরণে,
অর্দ্ধক্ষুট গীতি মহা বিশ্বুতি-মন্দিরে,
বাজিবে কি কর্ণে তব? ধীরে অতি ধীরে!

শ্রীনগেন্দ্রনাথ সোম।

পরীরাজ্য।

গতবারে আমরা বর্মার ভাষা সম্বন্ধে কয়েকটি কথা উল্লেখ করিয়া প্রবন্ধ শেষ করিয়াছিলাম। উপস্থিত প্রবন্ধে অপরাপর কয়েকটি আবশ্যকীয় বিষয়ের অবতারণা করিয়া ইহার উপসংহার করিব।

আমাদের উল্লিখিত নমুনা দেখিয়া অনেকে হয়ত পরী-রাজ্যের ভাষাকে নিতান্ত শ্রুতি কঠোর জ্ঞান করিতে পারেন। নূতন ভাষায় ওরূপ জ্ঞান হওয়া নিতান্ত স্বাভাবিক। কিন্তু ভাষাবিদেরা এই আপাত শ্রুতিকটু ভাষাকে 'কবির ভাষা' বলিয়া যথেষ্ট প্রশংসা করিয়া থাকেন। হিন্দুস্থানের প্রচলিত ভাষা সকলের মধ্যে পার্শী ভাষা (প্রাচীন পারস্যের ভাষা) যেমন শ্রুতি মধুরতার জন্ত প্রসিদ্ধি লাভ করিয়াছে, বর্মার ভাষাও প্রায় তদ্রূপ বিখ্যাত। বর্মাবাসিগণের প্রাচীন ও নব্য সাহিত্য খুব বিস্তৃত না হইলেও নিতান্ত উপেক্ষার বস্তু নহে। অনেকগুলি সুন্দর কাব্য, নাটক, কথা-গ্রন্থ প্রভৃতি এই জাতিকে প্রাচীন সভ্য জাতিগণের প্রায় সমকক্ষ করিয়া তুলিয়াছে। এসিয়াবাসিগণ প্রাচীন সময়ে বিধাতার কোন অদ্ভূত উপাদানে নিশ্চিত হইয়াছিল বলিতে পারি না। এই মহাপ্রদেশের প্রাচীন রাজ্য জাতিগণের সাহিত্য ধমনীতে সেই একই শোণিত প্রবহমান। ফর্দোসির সাহনামা, কালিদাস, জয়দেব, বিদ্যাপতি প্রভৃতি বিশ্ববিশ্রুত সাহিত্য শিল্পিগণের অতুলনীয় কীর্তি মূলে সেই ভাল বাসার সমাবেশ, বিস্তৃতি, বাড়াবাড়ি ও ছড়াছড়ি। এক কালিদাসের কয়েকটি চরিত্র ছাড়িয়া দিলে প্রাচ্য-দেশে উরোপীয় মহাকবি সুলভ সর্বতোমুখি প্রতিভার অস্তিত্ব আদৌ দেখিতে পাওয়া যায় না। বলা বাহুল্য বর্মার সাহিত্য এই এসিয়াবাসী ভালবাসা রোগ হইতে স্বাতন্ত্র্য লাভ করিতে সমর্থ হয় নাই।

বর্মার ভাষা, প্রাচীন বিজ্ঞান, জ্যোতিষ, শাস্ত্র, দর্শন, গণিত প্রভৃতি বিষয়ে নিতান্ত দরিদ্র। যাহারা এই সকল উচ্চ বিষয়ে মনোনিবেশ করিতে চাহেন, তাঁহারা সাধারণত পালিভাষার ও তৎপরে আমাদের দেবভাষা সংস্কৃতের আশ্রয় লাভ করিয়া থাকেন। এক সময়ে ভারতে সংস্কৃতের

যে আদর ও সম্মান ছিল, বর্মায় পালি এখন পর্যন্ত তাহা অধিকার করিয়া আছে। বৌদ্ধধর্ম সংক্রান্ত প্রায় সমস্ত ধর্মপুস্তক পালি ভাষায় লিখিত। এই জন্ত বর্মার ফুংগি বা ভিক্ষুগণের এই ভাষা বাধ্য হইয়া শিক্ষা করিতে হয়। কিন্তু সাধারণ গৃহস্থ ছাত্রগণের পক্ষে এই দেবভাষা ততদূর আবশ্যকীয় বলিয়া বিবেচিত হয় না। তাহারা প্রথমে সামান্য ছই একখানি ব্যাকরণ পাঠ করিয়া মাতৃভাষায় লিখিত কাব্য ও নাটক আরম্ভ করে। অবশেষে ধর্ম সম্বন্ধে দেবভাষায় কয়েকটি সামান্য শ্লোক কণ্ঠস্থ করিয়া পাঠ সমাপ্ত করে।

শিক্ষার এই প্রকার সঙ্কীর্ণতাবশতঃ বর্মাজাতির আমোদের 'টোলের' ছাত্রের শ্রায় নিতান্ত কুসংস্কারাপন্ন। তাহারা নিজেদের দেশ, ভারত ও চীন ভিন্ন অপর কোনও দেশের বড় একটা সংবাদ রাখিতে ভাল বাসেন না। বর্মায় ইংরাজি শিক্ষা প্রচলিত হইবার পূর্বে ইহার মনে করিত যে, জগতের মধ্যে বর্মাই একমাত্র সভ্য দেশ। প্রাচীন হিন্দুরা যেমন ভারত বহির্ভূত জগতকে 'শ্লেচ্ছ' জ্ঞানে উপেক্ষা করিতেন, প্রাচীন গ্রীকেরা যেমন অপর সকলকে 'বারবারস্' Barbarous বলিয়া ঘৃণা করিতেন, বর্মাবাসীরা তদ্রূপ জগতের অপর সমস্ত জাতিকে 'কাল' নামে অভিহিত করে।

বর্মাবাসীরা বৌদ্ধ, এই জন্ত প্রাণীহত্যা ইহাদের মধ্যে মহাপাপ বলিয়া পরিগণিত। কিন্তু অপর কেহ হত্যা করিলে ইহার বিনা আপত্তিতে তাহা উদরসাৎ করিতে প্রস্তুত। পাপকার্যে এই ধর্মসিদ্ধান নিতান্ত অমার্জনীয় হইলেও, জগতের ইতিহাসে দুর্লভ নহে। হিন্দুশাস্ত্র মতে যে হিন্দু বৃথা মাংস ভক্ষণ করে সে বিষ্ঠা ভোজন করে এবং ঐরূপ কার্যের জন্ত তাহাকে অনন্ত নরক যন্ত্রণা ভোগ করিতে হয়। কিন্তু সেই জীবকে যদি দেবীর নামে উৎসর্গ করিয়া, তাঁহার সম্মুখে হত্যা করা যায়, তাহা হইলে সে কার্যে পাপ দূরের কথা, বহুল পুণ্য সঞ্চয় হইয়া থাকে। নিরপেক্ষভাবে বিচার করিলে, আমাদের এই দেবীর সম্মুখে বলিদান নৃসংশতার উন্নতাবস্থা ভিন্ন আর কিছুই নহে। যাহাকে আমরা দেবী বলি, তিনিই যে জগৎ-জননী তাহা হিন্দু মাত্রেই স্বীকার করেন। যদি তাহাই

হয়, তবে তিনি হত্যা কার্যে কিরূপভাবে অনুমোদন করিতে পারেন? তাঁহার কাছে ত সকলেই সমান। হত-জীবের অপরাধ এই যে সে দুর্বল ও আত্মরক্ষায় অসমর্থ। এরূপ অবস্থায় স্বাভাবিক নিয়মানুযায়ী জগৎজননীও অসহায় দুর্বল সন্তানের প্রতি অধিকতর স্নেহশীলা হইবেন। দুর্বল অসহায় জীব জন্তকে জঠর পোষণার্থ হত্যা কর, আপত্তি করি না। কিন্তু তাহার মধ্যে দেবদেবীর দোহাই দিয়া আত্ম দোষ ক্ষালনে চেষ্টা করিও না। ইহা নিতান্ত অদম্ভ।

যাহা হউক কথায় কথায় আমরা অনেকদূর আসিয়া পড়িয়াছি। ভরসা করি নিরপেক্ষ পাঠক মার্জনা করিবেন। আমরা বলিতেছিলাম যে বর্মাবাসীরা স্বহস্তে জীবহত্যা করে না বটে, কিন্তু অশরের নিহত জীব অনায়াসে গ্রহণ করে। কিন্তু ওরূপ হত্যাকারী সর্বদা সুলভ নহে বলিয়া তাহারা এক ঘৃণিত উপায়ে মাংসাহার প্রবৃত্তি চরিতার্থ করে। হত বা মৃত প্রাণী তাহারা প্রথমে যথেষ্ট সংখ্যক সংগ্রহ করে; তাহার পর ঐসমুদয় একত্রে মিলিত করিয়া পচাইতে আরম্ভ করে। যখন তাহার ভিতর হইতে এক অপূর্ণ ও অশ্রুতপূর্ণ শ্রাক্করজনক দুর্গন্ধ বাহির হইতে আরম্ভ হয়, তখন তাহা অতি যত্ন সহিত চটকাইয়া ভাল পাকাইয়া ফেলে। এই ঘৃণিত নারকীয় দ্রব্যের নাম 'নাপ্পী'। ইহাতে প্রায় সমস্ত জন্তুর মাংস মিশ্রিত থাকে। এমন কি সর্প ইন্দুর, মার্জার, আরশুলা প্রভৃতিও পরিত্যক্ত হয় না। বর্মাবাসীরা সমস্ত আহাৰ্য্য দ্রব্যো নাপ্পী মিশ্রিত করে। প্রথম প্রথম নবাগতের পক্ষে এই নারকীয় দ্রব্যের তীব্র ও উৎকট গন্ধ নিতান্ত অসহনীয় হয়। স্মৃথের বিষয় অধুনা ইংরাজি সভ্যতা ও শিক্ষার গুণে নাপ্পীর প্রচার দিন দিন হ্রাস পাইতেছে। এই বিষয় ভক্ষণ দ্বারাই যে তাহাদের নানাবিধ কায়িক ও মানসিক অবনতি সাধিত হইতেছে, তাহা এখা তাহাদের অনেকের মনে বিশেষরূপে স্থানলাভ করিয়াছে ও করিতেছে।

ইংরাজ পরশমণি স্পর্শে বর্মার রাজ্যের প্রভূত মঙ্গল সাধিত হইয়াছে ও হইতেছে। ত্রিশবৎসর পূর্বে বর্মাবাসীরা অজ্ঞানতার নিবিড় অন্ধকারে আচ্ছন্ন ছিল। তখন ইহাদের মধ্যে জাতীয় জীবন বা জাতীয় শিক্ষার

বিশেষ কোনও নিদর্শন পাওয়া যাইত না। অহিফেনের ঘোরে অবসন্নপ্রায় উপবিষ্ট থাকা বা জুয়াখেলায় সর্বস্বান্ত হওয়া ভিন্ন ইহাদের অপর কোনও বিশেষ কার্য ছিল না। এখন সে অবস্থার যথেষ্ট পরিবর্তন হইয়াছে। এখন নগরে নগরে বিদ্যালয় স্থাপিত হইতেছে। ইহার বাহাতে অধিক পরিমাণে অহিফেন সেবন না করে, তাহার জন্ত গভর্নমেন্ট এই বিষের মূল্য যথেষ্ট পরিমাণে বৃদ্ধি করিয়া দিয়াছেন। শুধু তাহাই নহে। পূর্বে বর্মাবাসীরা অহিফেনের সঙ্গে সঙ্গে অত্যধিক মাত্রায় সুরা সেবন করিত। এই অনিষ্টশ্রোত নিবারণ কল্পে সদাশয় ইংরেজ বাহাদুর এখানে আইন করিয়াছেন যে, কোনও মত্ত বিক্রেতাই ইহাদিগকে নির্দিষ্ট পারমাণের অধিক মত্ত বিক্রয় করিতে পারিবে না, অথবা কোন বর্মান্দ লইয়া নিজের বাস-গৃহে যাইতে পারিবে না। গভর্নমেন্টের এই নিয়ম যে অত্যন্ত মহত্ত্ব ও উদারতার পরিচায়ক তাহা বলাই নিশ্চয়োজন।

কিন্তু একশ্রেণীর লোক আছে, যাহারা গভর্নমেন্টের প্রত্যেক কার্যে খুঁত ধরিতে ভালবাসে। ইহার বলে, মাদক দ্রব্য বিষয়ে সরকার বাহাদুরের নিয়মাবলী বিন্দুমাত্র মহত্ত্ব বা উদারতা প্রকাশ করে না। বর্মার নববিজিত রাজ্য উহার অধিবাসীরা বাহাতে সন্তুষ্ট থাকে, তদভিপ্রায়ে গভর্নমেন্ট ঐসকল মুখরোচক আইন, কানুন বিধিবদ্ধ করিতেছেন। কিন্তু যখন তাহারা সম্পূর্ণ আয়ত্ত্বাধীন হইবে, তখন গভর্নমেন্ট স্বমূর্তি ধারণ করিবেন। ইহার উত্তরে আমরা বলি যে এই মত নিতান্ত যুক্তিহীন। আফিং ও মদ বর্মাবাসীর নিতান্ত প্রিয় সামগ্রী। গভর্নমেন্টের এই আইনদ্বারা তাহারা সন্তুষ্ট হওয়া দূরে থাকুক, নিতান্ত অসন্তুষ্ট হইয়াছে। তাহারা বলে, তাহারা কি খায় না খায় তদ্বিষয়ে আইন প্রচলন করা সরকার বাহাদুরের নিতান্ত অশ্রায়। লোকপ্রিয় হইবার ইচ্ছায় যদি ইংরাজ এই প্রকার নীতি অনুসরণ করিয়া থাকেন, তাহা হইলেও ত আমরা তাহাতে কোন অশ্রায় দেখিতে পাই না। লোকপ্রিয় হওয়া শাসনকর্তাগণের জীবনের প্রধানতম লক্ষ্য। তাহার জন্ত যাহারা তাঁহাদিগকে দোষী প্রতিপন্ন করিতে অগ্রসর হয় তাহারা হয় বাতুল নতুবা নিকোদ। বর্মাবাসিগণের উন্নতি সাধনার্থ ইংরাজ যে যৎপরো-

নাস্তি প্রয়াস পাইতেছেন, তদ্বিষয়ে বিন্দুমাত্র সন্দেহ নাই। অজ্ঞানতার নিবিড় অমানিশায় আচ্ছন্ন স্বাধীন ব্রহ্মকে ইংরাজরাজ যে দিন দিন সভ্যতার ও জ্ঞানের পবিত্র আলোকে আনয়ন করিতেছেন, তাহা নিরপেক্ষ ভ্রমণকারী মাত্রেই স্বীকার করিতে বাধ্য। কিন্তু নিতান্ত দুঃখের বিষয় ইংরাজের ঐ চেষ্টা অনেক সময় আশানুরূপ ফললাভে সমর্থ হইতেছে না। ইহার কারণ কি?

বন্দ্যাসীরা মুখে যাহাই বলুক, মনে মনে তাহাদের নবীন শাসন কর্তাগণের কার্য্য কলাপের উপর আদৌ সন্দেহ নহে। তাহারা মনে করে, আফিং ও মদ খাইয়া তাহাদের সময় দিবা আরামে অতিবাহিত হইতেছিল। সমগ্র পৃথিবীর মধ্যে বন্দ্য চাউলের জন্ম বিখ্যাত। এখনও অনেক স্থানে টাকায় ২৩২৪ সের চাউল পাওয়া যায়। আফিং ও মদ সম্বন্ধে প্রায় ঐরূপ বলা যাইতে পারে। বিশস্ত সূত্রে অবগত হইয়াছিলাম যে, তথায় টাকায় আধসের তিনপোওয়া আফিং ও সাত আট বোতল সুরা পাওয়া যায়। শুনিলে প্রথমে গল্প বলিয়াই মনে হয়। কিন্তু প্রকৃত প্রস্তাবে উহার মধ্যে একটি বর্ণও অতিরঞ্জিত নাই। যে দেশে লক্ষ্মীদেবী এরূপ দশভুজা হইয়া বিরাজ করিতেছেন, তথাকার অধিবাসীরা যে অলস ও নিতান্ত অপদার্থ হইয়া পড়িবে তাহাতে আর বিস্ময়ের কথা কি? যাহা হউক ইংরাজ বাহাদুর আসিয়া তাহাদের নেশার মূলে ভীষণ অশনি প্রহার করাতে যে বন্দ্যাসীরা নিতান্ত অসন্তুষ্ট হইবে তাহা সহজেই বুঝিতে পারা যায়। এই অসন্তোষ নিবন্ধন তাহারা গভর্ণমেন্টের প্রত্যেক সাধু উদ্দেশ্যে বা প্রস্তাবে অন্তরায় হইবার প্রয়াস পায়। ইংরাজি শিক্ষাই-বার জন্ম সরকার বাহাদুর বহুবিধ যত্ন ও চেষ্টা করিতেছেন। কিন্তু ইহাদের মধ্যে অধিকাংশের বিশ্বাস ইংরাজি শিক্ষা তাহাদের পক্ষে ঘোর অনিষ্টকর হইয়া পড়িবে। ঐ কুসংস্কারের বশীভূত হইয়া ইহারা ইংরাজি শিক্ষার উপর নিতান্ত খড়াহস্ত হইয়া পড়িয়াছে। ফল এই দাঁড়াইয়াছে যে, এই সুবিশাল রাজ্যে ২০২৫ টির অধিক উচ্চ ইংরাজি বিদ্যালয় নাই। ঐসকল বিদ্যালয়ে ছাত্র সংখ্যাও নিতান্ত অল্প। সমস্ত দেশের মধ্যে দুইটি কলেজ আছে এবং এক্ষণে তাহাই যথেষ্ট বলিয়া মনে করা হয়। যাহাতে অধিবাসীরা ইংরাজি বিদ্যালয়ে আকৃষ্ট হয় তদভিপ্রা

বন্দ্য গভর্ণমেন্ট, সামান্য ইংরাজি জানিলেই ইহাদিগকে সরকারি আফিসে প্রবেশ করিবার অধিকার প্রদান করিয়াছেন। কিন্তু যে প্রলোভনে ভারতবাসী সর্বস্বপণ করিতে প্রস্তুত, সেই প্রলোভনে পড়িয়াও ইহারা বিন্দুমাত্র বিচলিত হয় না। সরকারি আফিসে অতি উচ্চবেতনে চাকুরী করা অপেক্ষা সামান্য দুই বিঘা জমির উপসন্ধে প্রাণধারণ করা ইহারা অনেকগুণে শ্রেষ্ঠ মনে করে। ফল এই দাঁড়াইয়াছে যে, গভর্ণমেন্ট বাধ্য হইয়া চাকুরী ভিখারী ভারতবাসীকে প্রতিপালন করিতেছেন।

আজকাল ভারতে চাকুরীর যে অগ্নি মূল্য, তাহাতে তথায় চাকুরী লাভ করা (বিশেষতঃ সরকারী দপ্তরে) দিন দিন এক প্রকার অসম্ভব ব্যাপার হইয়া পড়িতেছে। আমার মতে আমাদের স্বদেশী ভাষার যদি একবার দেশের মায়া মমতা কাটাইয়া এখানে আসিয়া উপস্থিত হইতে পারেন, তবে তাহাদের বোধ হয় আর চাকুরীর ছুঁতিল্প অনুভব করিতে হয় না। এখনও বন্দ্যাসীরা চাকুরীর মধুরতা জানিতে পারে নাই। তজ্জন্য এখানে চাকুরী পাওয়া বড় একটা কষ্টকর ব্যাপার নহে। আমি যখন বন্দ্যায় অবস্থান করি, তখন তথায় দুইবৎসরের মধ্যে সাতজন বাঙ্গালী যুবক যাইয়া উপস্থিত হইয়াছেন। তাহাদের মধ্যে দুইজন এণ্ট্রেন্স পাশ ও বাকী কয়েকজন তৃতীয় বা চতুর্থ শ্রেণীর অধিক অগ্রসর হইয়াছেন নাই। কিন্তু নিতান্ত সুখের বিষয় এই যে তাহাদের মধ্যে কাহাকেও দুইমাসের অধিক অপেক্ষা করিতে হয় নাই। এখন বোধ হয় তাহারা প্রত্যেকে গড়ে মাসে ৫০৬০ টাকা রোজগার করিতেছেন।

বন্দ্য নিতান্ত দূরদেশ বলিয়া অনেকে তথায় গমন করিতে সম্মত হইয়াছেন না। কিন্তু চাকুরীর জন্ম বাঙ্গালীর ছেলে যখন উগাণ্ডা, মন্ডাশা, আসাম, পঞ্জাব, সিন্ধু প্রদেশ পর্য্যন্ত যাইতেছেন তখন বন্দ্যায় যে কেন যাওয়া যায় না বুঝিতে পারি না। যখন চাকুরীর জন্য জীবনের প্রিয় নিকেতন জন্মভূমি ও আত্মীয় স্বজন প্রভৃতি পরিত্যাগ করিয়া বিদেশে গমন করিতে হইতেছে, তখন দূরত্বের সামান্য আপত্তি তুলিয়া বন্দ্যায় না যাওয়া নিতান্ত মূর্থতার কাজ। এখন সংসারে ভীষণ জীবন সংগ্রাম (Struggle for existence) উপস্থিত। যাহারা কৰ্ম্মপটু, কষ্টসহিষ্ণু ও বিদেশ গমনে নির্ভীক,

এসংগ্রামে তাহারাই জয়লাভ করিবেন (survival of the fittest) এখন আর অদৃষ্ট নির্ভর করিয়া নিশ্চিতভাবে বসিয়া থাকিলে সংসারে উন্নতিলাভ করা যায় না। সাহেবেরা 'সাত সমুদ্র তেরনদী' পার হইয়া ভারতবর্ষ, মালায় দ্বীপপুঞ্জ, এমন কি সুদূর অষ্ট্রেলিয়া পর্য্যন্ত গমন করেন। আজ যদি তাহারা আমাদের মত 'তাতস্য কুপয়িতি ক্রবাণা কাপুরুষা ক্ষারং জলং পিবন্তি' মতাবলম্বী হইয়া গৃহিনীর 'অফলের মানিক' হইয়া বসিয়া থাকিতেন, তাহা হইলে আর আমরা তাহাদিগকে জগতের শীর্ষদেশে অবস্থিত দেখিতে পাইতাম না। অদৃষ্ট সাহসী লোকের দাস (Fortune rewards the brave).

অনেকে বলেন, বন্দ্য দরিদ্র দেশ। আমি কিন্তু দেখিয়াছি, অল্পকষ্ট এখানে আদৌ নাই। এরূপ উর্বরা শস্যশ্যামলা ভূমি পৃথিবীর মধ্যে খুব বিরল। এখানে আমাদের দেশের মত হলচালনা বা সার দিবার প্রথা নাই। কিন্তু ভূমির উৎপাদিকাশক্তি দেখিলে ঘোর বিস্মত হইতে হয়। উত্তর বন্দ্যার পার্শ্বত্যা প্রদেশে বিনা-হলকর্ষণে সামান্য এক মুষ্টিবীজ যে পরিমাণ শস্য উৎপন্ন করে ভারতে বহুল পরিশ্রম দ্বারাও তাহা প্রায় সম্ভবপর নহে। যখন ভারতে ঘোর ছুঁতিল্প, যখন এক মুষ্টি অন্নের অভাবে সহস্র সহস্র লোক সামান্য কুকুর, বিড়ালের ছায় প্রাণ বিসর্জন দিতেছিল, তখন বন্দ্যায় বেশ ভাল চাউল টাকায় ১৪১৫ সের। বন্দ্য লক্ষ্মীর অল্প ভাণ্ডার ঐরূপ পূর্ণ ছিল বলিয়া, ভারতের শত শত অল্প ক্লিষ্ট হতভাগ্য স্বীয় জীবন রক্ষা করিতে সমর্থ হইয়াছিল। ঠাকুরমার নিকট গল্প শুনিয়াছিলাম যে, আমাদের দেশে টাকায় এক মণ ধাতু বিক্রয় হইত। বন্দ্যায় কিন্তু এখনও অনেক স্থানে টাকায় ৩০৩২ সের ধাতু পাওয়া যায়।*

এখানে অল্প প্রাচুর্যের প্রধান কারণ এই যে এখানকার লোক সংখ্যা ভূমির তুলনায় অত্যন্ত কম। উত্তর ব্রহ্মে এখনও সহস্র সহস্র বিঘা পতিত জমি পড়িয়া আছে। ইংরাজ গভর্ণমেন্ট তাহা আবাদ করাইবার জন্ম বহুবিধ চেষ্টা করিয়াও সফলকাম হইতেছেন না। তাহারা বিনা খাজনার ঐ সকল ভূমি ছাড়িয়া দিতে

* ১৫১৬ বৎসর পূর্বে আমরাও বাঙ্গালার কোন স্থানে টাকায় ১০ হইতে ১১০ দেড় মণ ধাতু বিক্রীত হইতে দেখিয়াছি। প্রঃ সঃ

প্রস্তুত। কিন্তু লোকাভাবে তাহাদের সং উদ্দেশ্য কার্য্যে পরিণত হইতেছে না। দ্বারভাঙ্গার ভূতপূর্ব মহারাজ কয়েক সহস্র বিঘা জমি এক প্রকার নিষ্করে ইজারা লইয়া তথায় বহুসংখ্যক দরিদ্র ভারতবাসীকে স্থাপিত করিয়াছেন। প্রথম কয়েক মাস তাহাদের কৃষি কার্য্যের ব্যয় ভার দূরদর্শী মহারাজ নিজে বহন করিয়াছিলেন। কিন্তু এখন ঐ সকল কৃষকের অবস্থা বিশেষ উন্নত। তাহারা কেবল যে মহারাজকে নিয়মিত খাজনা প্রদান করিতেছে তাহা নহে; এখন তাহাদের প্রত্যেকের মাসিক আয় গড়ে ২২ টাকা। আমাদের দেশের বড় লোকেরা যদি স্বর্গীয় মহারাজের ঐ মহৎ দৃষ্টান্ত অনুসরণ করেন, তাহা হইলে যে দেশের কি পরিমাণ উপকার সাধিত হইবে, তাহা সামান্য লেখনীমুখে প্রকাশ করা অসম্ভব।

অনেকে হয়ত জ্ঞাত আছেন, আজ কাল ভারতবর্ষীয় অধিবাসীদিগকে লইয়া দক্ষিণ ব্রিটিশ আফ্রিকায় কি প্রকার ভীষণ আন্দোলন চলিতেছে। দরিদ্র ভারতবর্ষীয় কুলিরা সামান্য জীবিকার লোভে ও অল্প কষ্টে দারুণ উৎপীড়িত হইয়া সেই এক মাসের পথ আফ্রিকায় গমন করিয়াছে। সেই অসহায় হতভাগ্যদিগকে আজ কাল কেপকলোনি গভর্ণমেন্ট যে প্রকার নিষ্কমভাবে পীড়ন করিতে উদ্ভত, তাহাতে তাহাদের আর তথায় এক মুহূর্তও থাকা বিধেয় নহে। ভারতবর্ষ দরিদ্র বহুল দেশ হইলেও ধনীর অভাব নাই। ইহাদের মধ্যে যদি কোন মহানুভব ও সদাশয় ব্যক্তি ঐ সকল স্বদেশী দরিদ্রদিগকে আফ্রিকা হইতে বন্দ্যায় প্রেরণ করেন ও তথায় তাহাদিগকে দ্বারভাঙ্গাধিপতির অনুকরণে বসবাস করাইয়া দেন, তাহা হইলে তাহারা যে শত শত ছুঁ পরিবারের আজীবন আশীর্বাদ ভাজন হইয়া এমত নহে, ইহা দ্বারা ভবিষ্যতে তাহাদেরও প্রভূত অর্থাগমের সম্পূর্ণ সম্ভাবনা।

উত্তর বন্দ্যায় অনন্ত জঙ্গল। ঐ সকল জঙ্গলে মূল্যবান বিটপী সকল পর্য্যাপ্ত পরিমাণে উৎপন্ন হইয়া থাকে। লোকাভাবে গভর্ণমেন্ট ঐ সকল জঙ্গল অতি অল্প করে বন্দোবস্ত করিতে প্রস্তুত। ভারতের অনেকে এখন সামান্য মূল ধনের উপর নির্ভর করিয়া ঐ সকল জঙ্গল হইতে বিলক্ষণ লাভবান হইতেছেন। আজ কাল আমাদের দেশের অনেক ব্যবসা খুঁজিয়া পায়েন না। ইহা

যে নিতান্ত নিরুদ্ভিতার পরিচায়ক তাহা—তঁাহারা মনে করেন না। অর্থ, বল ও সাহস থাকিলে এই বিশাল জগতে ব্যবসায়ের অভাব কি? তবে নিতান্ত কুপ মণ্ডুকের মত বসিয়া থাকিলে অবশ্য পদে পদে বিৎসনা সহ করিতে হয়। ব্যবসা করিতে হইলে, অর্থ সঞ্চয় করিবার ইচ্ছা থাকিলে প্রথমেই হৃদয়ের স্নকুমার ভাব সকলকে প্রচ্ছন্ন রাখিতে হয়। কথায় কথায় প্রিয়তমার মুখ বা পুত্র কন্ঠার স্নেহ যদি মানুষকে অভিভূত করিয়া ফেলে তাহা হইলে এ সংসারে 'পুরুষ' বলিয়া পরিচয় প্রদান না করাই ভাল। সাহস ও অর্থবল যাহার আছে সমস্ত সংসার তাঁহার ব্যবসাক্ষেত্র। অধিকদূর যাইবার প্রয়োজন নাই। উল্লিখিত মূল্যবান জঙ্গল সকল যদি রীতিমত বন্দোবস্ত করা যায় আমার বিশ্বাস তাহা হইলে একবৎসরের মধ্যে ব্যবসায়ীর মূলধন চতুর্গুণ হইয়া পড়ে।

বন্দী নব বিজিত রাজ্য। এখনও তাহার চতুর্দিকে পয়সা ছড়ান রহিয়াছে। কিন্তু কুড়াইয়া লইবার লোক নাই। ব্যবসা, বাণিজ্য, কৃষিকর্ম, চাকুরী প্রভৃতি সমস্ত অর্থকরী বিষয়ে বন্দী এখনও একপ্রকার শ্রুতিবন্দী শূন্য। যাহাদের অর্থ আছে, সাহস আছে, উৎসাহ আছে, তাঁহারা আমার এই কয়েকটি কথা হৃদয়ঙ্গম করিলে নিতান্ত বাধিত হইব। ভাই! দেশের মায়া ছাড়। দুই পা অগ্রসর হইতে আরম্ভ কর। বড় ভয়ানক জীবন-সংগ্রাম সম্মুখে উপস্থিত। ইহাতে যিনি ক্ষমতাশালী, উৎসাহশীল হইবেন, তাঁহারই জিত। নতুবা দুই মুষ্টি অণুর জন্ত দ্বারে দ্বারে বেড়াইতে হইবে।

তৃতীয় পরিচ্ছেদ।

ব্রহ্মে ব্রিটিস সাম্রাজ্য।

ব্রহ্মের প্রাচীন ইতিহাস, প্রাচীন ভারত ইতিহাসের মত নানাপ্রকার অলীক ঘটনায় পরিপূর্ণ। তাহার মধ্যে এখন পর্যন্ত এমন কিছুই আবিষ্কৃত হয় নাই, যাহা সাধারণের মনোজ্ঞ হইতে পারে। তজ্জন্ত আমরা উপস্থিত প্রস্তাবে ঐ প্রদেশের আধুনিক ইতিহাসের কয়েকটি প্রধান ঘটনা পাঠকের নিকট উপস্থিত করিতে প্রয়াস পাইব।

যে সময় পলাসীর যুদ্ধক্ষেত্রে ভারত রাজলক্ষী চিরকালের জন্ত ইংরাজ রাজের করায়ত্ত হইতেছিল, ঠিক

সেই সময়ে ব্রহ্মের রত্ন সিংহাসনে আলোমপোরা উপবিষ্ট ছিলেন। ভারত ইতিহাসে শিবজী, হায়দর আলি প্রভৃতি যে শ্রেণীভুক্ত, বন্দী ইতিহাসে আলমপোরার সেই স্থান। তাঁহার পূর্বে সমগ্র ব্রহ্মরাজ্য এক সার্কভৌম নৃপতির অধীন ছিল না। পেণ্ডু, টেনিসরণ, আরাকান, উত্তর ব্রহ্ম প্রভৃতি তখন ভিন্ন ভিন্ন স্বাধীন শাসনকর্তার অধীন ছিল। আলমপোরা স্বীয় প্রতিভা, দূরদৃষ্টি ও অপ্রতিহত ক্ষমতাবলে একে একে সমগ্র ব্রহ্ম দেশকে এক করিয়া নিজেকে তাহার প্রথম সার্কভৌম সম্রাট বলিয়া ঘোষণা করেন।

টেনিসরণ ও আরাকান প্রদেশ পূর্বে শ্রাম রাজ্যের অধীন ছিল। আলমপোরা উহাদিগকে জয় করিবার পর তথায় একজন সুযোগ্য ও বিচক্ষণ শাসনকর্তা নিযুক্ত করেন। নব বিজিত প্রদেশদ্বয়ের কোন কোনও অধিবাসী কিন্তু ঐ নূতন শাসন প্রণালীর উপর একেবারে খড়্গহস্ত হইয়া উঠিল এবং গোপনে গোপনে শাসনকর্তার বিরুদ্ধে নানাপ্রকার ষড়যন্ত্র করিতে আরম্ভ করিল। সৌভাগ্যের বিষয় উহা কার্যে পরিণত হইবার পূর্বেই শাসনকর্তা মাংপোর শ্রুতিগোচর হয়। তখন রীতিমত ধরপাকড় আরম্ভ হইল। কিন্তু ঐ বিষয়ে যাহারা নেতা ছিলেন, তাঁহারা পূর্ন হইতেই আত্মরক্ষার উপায় করিয়া রাখিতে বিস্মৃত হইলেন নাই। তাঁহারা গোলযোগের আভাস পাইবামাত্র স্বদেশ পরিত্যাগ করিয়া চট্টগ্রামে উপস্থিত হইলেন এবং আপনাদিগকে মাংপোর অত্যাচারে প্রেপীড়িত নিরীহ বন্দী অধিবাসীরূপে পরিচয় প্রদান করিয়া ইংরাজের আশ্রয় প্রার্থনা করেন। এই সময়ে বোধ হয় বড়লাট বাহাদুর লর্ড আমহাষ্ট বন্দী অধিকার করিবার কোনও সুযোগ অনুসন্ধান করিতেছিলেন। কারণ তিনি বিনা অনুসন্ধানে ঐসকল নবগত বন্দীবাসীর কথা সত্য বলিয়া বিশ্বাস করিলেন, এবং তাঁহাদের ঐপ্দিত আশ্রয় প্রদান করিতে মুহূর্তের জন্ত ইতস্ততঃ করিলেন না।

আলোমপোরা ইংরাজের ঐ ব্যবহারে মনে মনে বিলক্ষণ বিরক্ত হইয়া উঠিলেন। কিন্তু ইংরাজের পরাক্রম তাঁহার নিকট অজ্ঞাত ছিল না। ইংরাজের যে বলবৃদ্ধি দেখিয়া একদিন পঞ্জাব কেশরী রণজীৎ সিং সমস্ত ভারতবর্ষের মানচিত্র লোহিতবর্ণ ধারণ করিবে বলিয়া মনে করিয়াছিলেন, ব্রহ্মাধিপতিও আজ সেই

বলবৃদ্ধি স্বরণ করিয়া স্বীয় ক্রোধ বহিঃ হৃদয়ে দমন করিয়া নিতান্ত শাস্তভাবে কার্যক্ষেত্রে অগ্রসর হইলেন। তিনি অতি সরল ও সংযত ভাষায় বড়লাট বাহাদুরকে জ্ঞাত করিলেন যে তাঁহার আশ্রিত বন্দীবাসীরা রাজদ্রোহী সূতরাং আশ্রয়প্রাপ্তির অযোগ্য। আমহাষ্ট কিন্তু—জানি না কোন নীতি অনুযায়ী—ব্রহ্মাধিপতির কথা অপেক্ষা ঐ সকল রাজদ্রোহীর কথা অধিকতর মূল্যবান ও বিশ্বাস যোগ্য মনে করিলেন। সহসা তাঁহার ধর্ম্মভাব জাগরুক হইয়া উঠিল। তিনি বলিলেন যে অত্যাচারী বন্দী গভর্নমেন্টের হস্তে তিনি কোনও মতেই ঐসকল উৎপীড়িত ব্যক্তিকে সমর্পণ করিবেন না। স্বাধীন ভূপতি আলমপোরা ইংরাজের ঐরূপ ব্যবহারে যে নিতান্ত বিরক্ত ও ক্রুদ্ধ হইয়া উঠিবেন তাহাতে আর আশ্চর্য কি? কিন্তু ঐসময়ে তাঁহার রাজ্যের অভ্যন্তরীণ অবস্থা নিতান্ত বিপদ পরিপূর্ণ ছিল। তাঁহার সার্কভৌম ক্ষমতায় বিরক্ত হইয়া কতিপয় উচ্চ রাজকর্মচারী তাঁহাকে সিংহাসনচ্যুত ও নিহত করিবার আয়োজন করিতেছিল। তজ্জন্ত তিনি লর্ড আমহাষ্টের উদ্ধৃত ব্যবহারের কোনও প্রকার উপযুক্ত উত্তর প্রদান করিতে সমর্থ হইলেন না।

যখন উভয় গভর্নমেন্টের মধ্যে ঐরূপ গোলযোগ চলিতে ছিল তখন সহসা এক সামান্য সূত্র অবলম্বন করিয়া ধূমায়িত শত্রুতাবহিঃ প্রবলবেগে প্রজ্জ্বলিত হইয়া উঠিল। আরাকানের নিকটে সাহাপুরী নামক এক ক্ষুদ্র দ্বীপ বহুদিবস হইতে পটু গিজদিগের অধীনে ছিল। ১৮২০ খ্রীঃ মার্চমাসে ইংরাজ উহা উহাদিগের নিকট হইতে অধিকার করিয়া লয়লেন। ১৮২০ খ্রীঃ নবেম্বর মাসে মাংপো কতিপয় কারণ দর্শাইয়া, উহা যে আরাকানের অধীন, তাহা প্রতিপন্ন করিতে চেষ্টা করেন। শেষে উভয় গভর্নমেন্টের অভিমতানুসারে উহার দত্ত সাব্যস্তাভিপ্রায়ে এক কমিশন (Joint commission) প্রতিষ্ঠিত হয়। কিন্তু উহার কার্য রীতিমত আরম্ভ হইবার পূর্বেই মাংপোর জনৈক কর্মচারী ঐ দ্বীপটি বলপূর্বক অধিকার করেন। এই কারণের উপর নির্ভর করিয়া লর্ড আমহাষ্ট আলোমপোরার বিরুদ্ধে যুদ্ধ ঘোষণা করিলেন। তিনি অনুসন্ধান করিয়া দেখিলেন না যে ঐ ব্যাপারে মাংপো বা বন্দীধিপতি স্বয়ং কতদূর সংলিপ্ত। তিনি কেবল

মাত্র নিজের উর্ধ্ব মস্তিষ্কের প্রভাবে কয়েকজন সামান্য ব্যক্তির কথার উপর নির্ভর করিয়া বিশাল বন্দী সাম্রাজ্যের অধিপতিকে যেরূপ অবিশ্বাস করিয়াছিলেন, এখন আবার সেই মস্তিষ্কের প্রেরোচনায় এক সামান্য কারণে স্বাধীন বন্দীভূপতির স্বাধীনতা হরণোদ্দেশে এক বিরাট আয়োজন করিতে বিন্দুমাত্রও দ্বিধাবোধ করিলেন না।

অধিকাংশ ইংরাজ ঐতিহাসিক, প্রথম বন্দী যুদ্ধের সমস্ত দায়িত্ব ও অপরাধ অগ্নান বদনে হতভাগ্য আলোমপোরার স্কন্ধে আরোপ করিয়াছেন। তাঁহারা বলেন, আলোমপোরা অত্যাচারী নরপতি। তাঁহার কু-শাসনে ও অমানুষিক অত্যাচারে প্রকৃতিপুঞ্জের করুণ আর্তনাদ গগণ বিদীর্ণ করিয়াছিল, এবং বন্দী উপসাগরের সহস্র মাইল অতিক্রম করিয়া উহা কলিকাতা গভর্নমেন্টে হাউসের নিভৃত কক্ষে উপস্থিত হওয়াতে, নিতান্ত ব্যথিত চিত্তে বড়লাট সাহেব ঐ যুদ্ধের সূত্রপাত করেন। (পাঠক এইস্থানে মনে রাখিবেন ঐসময়ে মার্কিন সাহেবের তারবিহীন তাড়িতবার্তা প্রণালী—Wireless telegraphy আবিষ্কৃত হয় নাই!) বন্দী প্রজাগণকে অত্যাচারের কবল হইতে মুক্ত করা ভিন্ন এই বন্দী অভিযানের অপর কোনও উদ্দেশ্য ছিল না। কি সহদয়তা কি উদারতা! এই মহৎ উদ্দেশ্যের বশীভূত হইয়াই এক সময়ে ইউরোপীয়েরা আমেরিকার আদিম অসভা অধিবাসীদিগকে দলে দলে মানবলীলা সম্বরণ করাইয়াছিলেন। ভাবিয়াছিলেন, অসভ্যবস্থায় থাকা অপেক্ষা মানবের মৃত্যু বহুগুণে শ্রেয়স্কর! তাঁহাদের এই অতৃপ্তপূর্ব মহত্বের জন্ত আজ এসিয়া ও আফ্রিকার হুর্ধ্ব স্বাধীন জাতিসকল জাতীয়তা বিসর্জন দিয়া একমুষ্টি অন্নের জন্ত অকাতরে ইতর প্রাণীর স্থায় জীবন বিসর্জন দিতেছে। মানব স্বার্থের বশীভূত হইয়া কতদূর হিতাহিত জ্ঞান শূন্য হইতে পারে বন্দীযুদ্ধ তাহার এক প্রকৃষ্ট নিদর্শন। যাহারা ভারত ইতিহাস স্বাধীনভাবে অধ্যয়ন করিবার অবসর পাইয়াছেন তাঁহারা জানেন, আমাদের দেশে এরূপ ঘটনা বিরল নহে। অধিক দূর যাইবার প্রয়োজন নাই। স্বার্থ ও গরিমার বশীভূত হইয়া মানব যে কিরূপ স্থায়বিগর্হিত কার্য করিতে পারে; বর্তমান তিব্বত অভিযান তাহার জ্বলন্ত উদাহরণ।

যাহা হউক, তাহার পর দরিদ্র ভারতবাসীর শোণিত

তুল্য অজস্র অর্থ ব্যয়ে এক বিপুল বাহিনী রেঙ্গুনে প্রেরিত হইল। আলোমপোরা জানিতেন যে ইংরাজের সহিত সম্মুখ যুদ্ধে তিনি কখনই প্রতিযোগিতা করিতে পারিবেন না। সেই জন্ত রেঙ্গুনে ইংরাজ সৈন্য উপস্থিত হইবার অগ্রেই, তিনি তাহা পরিত্যাগ করিলেন এবং যাহাতে শত্রুপক্ষ রসদ সংগ্রহ করিতে না পারে তাহার বন্দোবস্ত করিয়া রাখিলেন। তাঁহার ঐ কার্যে আশাতিরিক্ত ফল ফলিবার উপক্রম হইল। রসদ অভাবে ইংরাজ সেনা একরূপ ব্যতিব্যস্ত হইয়া পড়িল যে, তাহারা বর্ম্মাজয়ের আশা ত্যাগ করিয়া ভারতে প্রত্যাবর্তন করিবার আয়োজন করিতে লাগিল। কিন্তু এই সময়ে সহসা মাল্দ্ৰাজ হইতে আহাৰ্য্য প্রেরিত হওয়াতে ইংরাজ সৈন্য নবোৎসাহে কার্যক্ষেত্রে অগ্রসর হইল। তাহার পর—আর তাহার পর কি? পাশ্চাত্য ও প্রাচ্য ক্ষমতার সংঘর্ষে চির দিন যাহা হইয়া থাকে, সেই মহাবীর আলেকজান্দারের সময় হইতে আজ এই বিংশ শতাব্দীর প্রারম্ভ পর্যন্ত ভারতের ইতিহাস যাহার সাক্ষ্য প্রদান করিতেছে, ইংরাজ-বর্ম্মা সমরে তাহারই পুনরভিনয় হইল মাত্র। কয়েকটি যুদ্ধে ক্রমাগত পরাজিত হওয়াতে বর্ম্মাধিপতি অবশেষে সন্ধি করিতে বাধ্য হইলেন। সন্ধির প্রধান শর্তগুলি এই :—চিনিসরম ও আরাকান ইংরাজ রাজ্যভুক্ত হইবে; মণিপুর স্বাধীন বলিয়া বিবেচিত হইবে, যুদ্ধের ব্যয় স্বরূপ আলোমপোরা ছই কোটি মুদ্রা প্রদান করিবেন। ইংরাজের বহুকালের অভিসন্ধি পরিপূরিত হইল। যে দিন চট্টগ্রাম তাঁহাদের অধীন হইয়াছে, সেই দিন হইতে চেনিসরম ও আরাকান অধিকার করিবার জন্ত তাঁহারা নিতান্ত ব্যগ্র ছিলেন। এত দিন কোন বড়লাটই তাহার কোনও সুবিধাজনক পন্থা আবিষ্কার করিতে সমর্থ হইয়া নাই। আজ লর্ড আমহর্স্টের কুট রাজনীতি চক্রে পতিত হইয়া বর্ম্মা ভূপতি স্বয়ং তাঁহাদের সেই চির আকাঙ্ক্ষিত বাসনা পরিপূর্ণ করিয়া দিলেন।

শ্রী অতুলবিহারী গুপ্ত।

বৈদ্যুতিক মৎস্য।

ভীষণ তরঙ্গ-বিক্ষুব্ধ-ভূমধ্য ও আটলান্টিক মহাসাগরের অসীম লবণানুরাশি মধ্যে সিলিউরিয়াস (Silurus) জিম্নোটস্ (Gymnotus) এবং টরপেডো (Torpedo) প্রভৃতি নানা জাতীর মৎস্যের এক অতি অদ্ভুত গুণ লোক লোচনের দৃষ্টিপথগামী হয়। এই সকল জীব প্রাণীজ তাড়িতের,* (Animal electricity) এক অভিনব তত্ত্ব প্রকাশ করিয়া বৈজ্ঞানিক বিবৃধ মণ্ডলীর মনোযোগ তৎপ্রতি বিশেষরূপে আকর্ষণ করিতে সমর্থ হইয়াছে। জিম্নোটস্ (Gymnotus) মৎস্য দেখিতে কতকটা আমাদের দেশীয় কুচিলার মত। ইহারা দৈর্ঘ্যে যখন ৫৬ ফিট লম্বা হয় তখনই উহাদের শরীরে তাড়িতের প্রভাব অধিক পরিমাণে পরিলক্ষিত হয়। ইহাদের পৃষ্ঠ ও তলদেশে পরস্পর বিভিন্ন গুণ সম্পন্ন সংযোজক (positive electricity) ও বিযোজক, (Negative electricity) তাড়িতের অবস্থান পরিলক্ষিত ও পরীক্ষিত হইয়াছে।

আরবীয় ভাষায় টরপেডোকে “রাদ” (ra-ad) বলে; উহার অর্থ বিদ্যুৎ। †

মৎস্যের প্রত্যেক মাংসপেশীই বৈদ্যুতিক গতি সঞ্চালক মৌলিক পদার্থ সমূহ (electromotor elements) দ্বারা নির্ম্মিত এইরূপ অনুমান করিয়া লইলেই বিষয়টি সহজে হৃদয়ঙ্গম হইবে। এবং ঐ সকল পদার্থ গোলাকার ও উহারা একরূপভাবে মৎস্যের শরীর মধ্যে অবস্থিত যেন উহাদের অক্ষ রেখা মাংসপেশী সমূহের সহিত সমান্তরাল রহিয়াছে। এইরূপ হইলে অভ্যন্তরস্থিত পরস্পর বিপরীত দিকের সংযোজক তাড়িত সকলের কার্য অকর্ম্মণ্য হইবে, কেবলমাত্র পার্শ্বদেশে সংযোজক তাড়িতের প্রভাব অক্ষুণ্ণ থাকিবে; এইরূপে বিযোজক তাড়িতের প্রভাবও কেবল মাত্র প্রান্তভাগেই অক্ষুণ্ণ রহিবে।

* পার্থিব যাবতীয় জীবদেহেই তাড়িতের অবস্থান পরিলক্ষিত হয়।

† It is a curious point that the Arabian name for the Torpedo, ra-ad” signifies lightning,—foot note. S. P.


Thompson's Electricity & Magnetism.

শম্ভুচন্দ্র মুখোপাধ্যায়।

[পূর্ক প্রকাশিতের পর]

খৃঃ ১৮৭৬ অব্দের প্রারম্ভে লর্ড নর্থব্রুকের ভারত শাসন-কাল শেষ হয়। অত্যাশ্র লাটের ন্যায় লর্ড নর্থব্রুকও একজন সূক্ষ্ম এবং প্রজাবৎসল শাসনকর্তা ছিলেন কিন্তু কয়েকটি রাজ নৈতিক বিভাগের কার্যের জন্ত তাঁহাকে বিশেষ অপ্রীতিভাজন হইতে হয়। বরোদা রাজ্যের মহারাজা মালহার রাওর প্রতি অসম্মতবহারে তাঁহার প্রতি সমস্ত ভারতবাসী ক্ষুব্ধ হয়। তাঁহার কার্যকাল শেষ হইলে ইংলণ্ড যাত্রার প্রাক্কালে কলিকাতার ব্রিটিস ইণ্ডিয়ান সভার সভ্যগণ তাঁহাকে অভিনন্দন পত্র দিবার জন্ত এবং তাঁহার স্মৃতি-চিহ্ন সংস্থাপিত করিবার জন্ত এক সাধারণ সভা সেরিফ কর্তৃক টাউন হলে আহত করেন। এই সভার বিরুদ্ধে কার্য করিবার জন্য শিক্ষিত সম্প্রদায়ের অনেকেই শম্ভুচন্দ্রকে উত্তেজিত করেন কিন্তু শম্ভুচন্দ্র প্রথমে ইতস্ততঃ করিয়াছিলেন কারণ শিক্ষিত সম্প্রদায়ের উপর তাঁহার অধিক আস্থা ছিল না। যথাসময়ে তাঁহারা উপস্থিত হইয়া বিরুদ্ধাচরণ করিবেন কিনা তদ্বিষয়ে শম্ভুচন্দ্রের সন্দেহ ছিল। তথাচ তিনি উক্তরূপ কার্য করিতে স্বীকার করিয়াছিলেন। তিনি ঠিক করেন যে সাধারণ সভায় প্রথম প্রস্তাবের বিরুদ্ধে একটি সংশোধিত প্রস্তাব করিবেন। এই সংশোধিত প্রস্তাব করিবার জন্য তিনি প্রথমে বাবু কালীচরণ বন্দ্যোপাধ্যায়কে* অনুরোধ করেন, কিন্তু তিনি অসম্মত হইলে শম্ভুচন্দ্র ব্যারিষ্টার মন্মথচন্দ্র মল্লিককে উক্ত কার্য করিতে বলিলে তিনি স্বীকৃত হন। নির্দিষ্ট দিবসে শম্ভুচন্দ্র, বাবু যজ্ঞনাথ ঘোষ এবং অত্যাশ্র বন্ধুবান্ধব সহ টাউন হলে গমন করেন। এই সভার সভাপতি ছিলেন সার রিচার্ড টেম্পল সাহেব। ইহা ভিন্ন হাইকোর্টের প্রধান বিচারপতি সার রিচার্ড গার্থ প্রভৃতি অনেক সম্ভ্রান্ত ব্যক্তিগণ সভায় উপস্থিত ছিলেন। সভা আরম্ভ হইবার পূর্বে প্রস্তাবিত এমেন্ডমেন্টের এক খণ্ড ছোটলাট

ইনি এখন বিশ্ববিদ্যালয়ের রেজিষ্টার।



বাহাহরের হস্তে দেওয়া হইল। এই কাগজ পাইয়া সার রিচার্ডের মস্তক ঘুরিয়া গেল। তিনি শম্ভুচন্দ্রেরদিকে তাকাইয়া তাঁহাকে এইরূপ কার্য্য হইতে বিরত হইতে অনুরোধ করিলেন কিন্তু শম্ভুচন্দ্র লাটের কথায় কর্ণপাত করিলেন না। নিজের কর্তব্যের পথে দৃঢ় হইয়া দণ্ডায়মান রহিলেন। সভামধ্যে মহা ছলুছল পড়িয়া গেল। সংশোধিত প্রস্তাবের বিরুদ্ধে প্রথমে বলা হয় যে, যখন এই সভা কেবলমাত্র লর্ড নর্থক্রকের বন্ধুবান্ধব কর্তৃক আহত তখন ইহাতে কিছুতেই ঐ প্রস্তাব উত্থাপিত হইতে পারে না। প্রত্যুত্তরে বলা হয় যে ইহা সাধারণ সভা এবং সেরিফের নিকট হইতে প্রাপ্ত এক পত্র ইহার সমর্থনরূপে সভাপতিকে দেওয়া হইল। শেষে সভাপতি বলিলেন যে সভার নির্দ্ধারিত প্রস্তাব প্রথমে অনুমোদিত হউক পরে এমেণ্ডমেন্টের আলোচনা হইবে। কিন্তু এই প্রস্তাব নিয়ম বিরুদ্ধ বলিয়া সেরিফ কর্তৃক বর্জিত হইল। চারিদিক হইতে কটুকাটব্য প্রকাশ্যভাবে নিষ্ফিষ্ট হইতে লাগিল। লাট বাহাহর অত্যন্ত লজ্জিত হইলেন। পরিশেষে রেভারেণ্ড কৃষ্ণমোহন বন্দ্যোপাধ্যায়ের প্রস্তাব অনুসারে ইহা স্থির হয় যে, এমেণ্ডমেন্ট প্রস্তাবিত হইবে কিন্তু প্রস্তাবক এবং তাঁহার সমর্থক উহার সাপক্ষে কোন যুক্তিপূর্ণ বক্তৃতা করিতে পারিবেন না। ইহাতে শম্ভুচন্দ্র ও তাঁহার দলভুক্ত বন্ধুগণ বিশেষ রাগান্বিত হইয়া বলিলেন যে এ সভা যথার্থ সাধারণ সভা নহে এবং ইহার প্রতি সাধারণের কোন সহায়ত্ব নাই। এইরূপ বলিয়া তাঁহারা সভা ত্যাগ করিলেন। পরদিন সংবাদপত্রে উক্ত বিষয়ের রিপোর্ট প্রকাশিত হয়। লর্ড নর্থক্রকের বন্ধু কৃষ্ণদাস তাঁহার হিন্দুপেট্রি য়টে উপহাস* করিয়া শম্ভুচন্দ্র এবং তাঁহার বন্ধুগণকে “Immortal Ten” বলিয়া উল্লেখ করেন। ভারতবর্ষের প্রায় বাবতীয় সংবাদ পত্র শম্ভুচন্দ্রের এই সংসাহসের প্রশংসা করেন। বোম্বাই সহরের “হিন্দুপ্রকাশ” বলিয়াছিলেন “Bombay is on the side of the Ten.”

* এই উপহাসপূর্ণ প্রবন্ধের উত্তর বাবু যোগেশচন্দ্র দত্ত হিন্দু পেট্রি য়টে প্রকাশ করিবার জন্ত প্রেরণ করেন কিন্তু কৃষ্ণদাস উহা চাপিয়া রাখেন। পরে এই উত্তর ইণ্ডিয়ান ডেলিনিউসের সম্পাদক মহাত্মা জেমস উইলসন বাহির করেন। পুস্তকাকারে প্রকাশিত হইবার সময় এই সকল রহস্যপূর্ণ পত্রাদি প্রদত্ত হইবে।

কিন্তু এই বিরুদ্ধাচরণের পরিণাম অতীব কৌতুহলাবহ। তখন ইণ্ডিয়ান লিগের সভাপতি ছিলেন রেভারেণ্ড কৃষ্ণমোহন বন্দ্যোপাধ্যায়। তিনি এবং অমৃতবাজার পত্রিকার সম্পাদক বাবু শিশিরকুমার ঘোষ প্রভৃতি কয়েকজন সভ্য সংবাদপত্রে প্রকাশ করেন যে শম্ভুচন্দ্র এবং মন্থচন্দ্র মল্লিক যে বিরুদ্ধাচরণ করিয়াছেন তাহা লিগের পক্ষ হইতে হয় নাই। বাস্তবিক শম্ভুচন্দ্র যে বিরুদ্ধাচরণ করেন তাহা লিগের পক্ষ হইতে করেন নাই। কিন্তু এই রেভারেণ্ড মহাশয় এবং শিশির বাবু সর্বপ্রথমে শম্ভুচন্দ্রকে বিরুদ্ধাচরণ করিবার জন্ত উত্তেজিত করেন। পরন্তু তাঁহারা শম্ভুচন্দ্রের উক্ত কার্য্য লিগের অনুমোদিত নহে বলিয়া সংবাদপত্রে প্রকাশ করিয়া আপনাদিগকে রাজকর্মচারীদিগের নিকটে নির্দোষ* সাব্যস্ত করিয়াছিলেন। এই প্রস্তাব লিগের কোন সভায় অনুমোদিত হয় নাই। ইহা লাট সাহেবের সন্তোষার্থ রেভারেণ্ড মহাশয় এবং তাঁহার বন্ধুগণ কর্তৃক কল্পিত হইয়াছিল বলিয়া পরে প্রকাশ পায়। এই জন্ত শম্ভুচন্দ্র এবং লিগের অন্যান্য সভ্যগণ লিগ ত্যাগ করেন এবং ইহাতেই লিগের অস্তিত্ব লোপ পায়।

পূর্বে বলিয়াছি শম্ভুচন্দ্র ১৮৭৬ খৃঃ অব্দের শেষে তাঁহার পত্রিকা “Mookerjee's Magazine” বন্ধ করিয়া এলাহাবাদে আইন পরীক্ষা দিবার জন্ত গমন করেন। শারীরিক অসুস্থতা হেতু পরীক্ষা দেওয়া হয় নাই। স্বাস্থ্যের জন্ত উত্তর পশ্চিমাঞ্চলে পরিভ্রমণ করিবার জন্ত পুনরায় লক্ষ্মী যান। তথায় অবস্থান কালীন জয়পুরের মহারাজ রামসিংহ তাঁহাকে স্মীয় রাজধানী জয়পুরে নিমন্ত্রণ করিয়া পাঠান। কিন্তু যখন জয়পুরে যাইবার উত্তোগ করিতেছিলেন তখন কলিকাতা হইতে তাঁহার দ্বিতীয় কণ্ঠার + বিবাহের সংবাদ পান এবং খৃঃ ১৮৭৭ অব্দের মার্চ মাসে দ্বারায় কলিকাতায় চলিয়া আইসেন। ইহাই তাঁহার শেষ পশ্চিমাঞ্চল পরিত্যাগ।

কণ্ঠাকে পাত্রস্থ করিয়া পুনরায় শম্ভুচন্দ্র কার্য্য-

* ঠিক এই সময়ে রেভারেণ্ড কৃষ্ণমোহনের কনিষ্ঠা কন্যা শ্রীমতী মনমোহিনী হইলারকে ৫০০ শত টাকা বেতনে ছোটলাট স্ত্রী শিক্ষা বিদ্যালয় সমূহের তত্ত্বাবধায়িকা নিযুক্ত করেন।

+ শম্ভুচন্দ্রের দুই কন্যা, অভয়াদেবী এবং অমাদিনী দেবী। কনিষ্ঠা অমাদিনী ইহ সংসারে নাই।

ক্ষেত্রে অবতীর্ণ হন। ১৮৭৭ অব্দের মে মাসে ইণ্ডিয়ান ড্রেইলি নিউস পত্রিকার বিজ্ঞাপনানুযায়ী তিনি স্বাধীন ত্রিপুরার রাজমন্ত্রীর পদ প্রার্থী হইয়া আবেদন করেন। তখন মহারাজ বীরচন্দ্র দেব বর্ষণ মাণিক্য বাহাহর ত্রিপুরার সিংহাসনে অধিষ্ঠিত ছিলেন। তৎপূর্বে বাবু নীলমণি দাস দেওয়ান ছিলেন। তাঁহার স্থান পূর্ণ করিবার মানসে নূতন লোকের প্রয়োজন হয়। আবেদনপত্র রাজকর্মচারীদিগের ষড়যন্ত্র হেতু মহারাজের নিকট পৌছিতে কিস্কিৎ বিলম্ব হয়। কিন্তু আবেদন প্রাপ্ত হইয়া মহারাজ স্বহস্তে শম্ভুচন্দ্রকে তাহার উত্তর দেন এবং পুনরায় আবেদন করিতে অনুরোধ করেন। তদনুসারে শম্ভুচন্দ্র পুনরায় আবেদন পেশ করিলেন এবং মহারাজ তাঁহাকে ৫০০ টাকা মাসিক বেতনে দেওয়ান নিযুক্ত করেন। ১৮৭৭ অব্দের ৯ই জুন তারিখে শম্ভুচন্দ্র কলিকাতা ত্যাগ করিয়া ত্রিপুরায় গমন করেন।

মহারাজ বীরচন্দ্র শম্ভুচন্দ্রকে লইয়া যাইলেন বটে কিন্তু তথায় যাইয়া শম্ভুচন্দ্রকে অনেকদিন যাবৎ বিনা কর্ম্মে সময় ক্ষেপণ করিতে হয় কারণ মহারাজ তাঁহাকে কর্ম্মে নিযুক্ত করিতে পারেন নাই। পূর্বে বলা হইয়াছে রাজসরকারের অনেকে প্রথম হইতেই শম্ভুচন্দ্রের বিরুদ্ধাচরণ করিতে প্রবৃত্ত হইয়াছিল। শম্ভুচন্দ্র কলিকাতায় ফিরিয়া আসিবার জন্ত মহারাজকে বারংবার বলিলেও তিনি শম্ভুচন্দ্রকে আশ্বাস বাক্যে স্মীয় রাজধানীতে রাখেন এবং পরিশেষে রাজকার্য্যে হস্তক্ষেপ করিতে আজ্ঞা প্রদান করেন। মহারাজ তিনটি প্রধান কার্য্যের জন্ত শম্ভুচন্দ্রকে নিযুক্ত করেন। তাঁহার প্রথমটি এই। বহুকালাবধি ত্রিপুরায় ক্রীতদাস ব্যবসা চলিয়া আসিতে ছিল। রাজপরিবারে বহুল ক্রীতদাস ছিল এবং রাজ্যমধ্যেও ক্রীত দাসের ব্যবসা বিলক্ষণ লাভবান ছিল। ইংরাজ গভর্নমেন্ট মহারাজকে উক্ত ব্যবসা উঠাইয়া দিতে আদেশ করেন এবং ক্রীতদাসদিগকে স্বাধীনতা প্রদান করিবার জন্ত হুকুম জারি করেন। বহুকালের ব্যবসা হঠাৎ উঠাইয়া দিতে মহারাজ ইতস্ততঃ করেন এবং শম্ভুচন্দ্রকে উক্ত বিষয় সম্বন্ধে গভর্নমেন্টের সহিত লেখালিখি করিয়া যাহাতে ব্যবসাটি বজায় থাকে তাহার জন্ত চেষ্টা করিতে বলেন। মহারাজকে তিনি ইহার উত্তরে বলেন যে, এই

বিষয় লইয়া লেখালিখি করিলে সফল না ফলিয়া বিষময় ফল ফলিবার আশঙ্কা আছে। তাঁহার মতে সে ব্যবসাটি লোপ করিয়া দেওয়াই উচিত। মহারাজ শম্ভুচন্দ্রের কথানুযায়ী অনিচ্ছাসত্ত্বেও ক্রীতদাস ব্যবসা ত্রিপুরা হইতে লোপ করিয়া দিলেন। তাঁহার দ্বিতীয় কার্য্য এই। সকল করদ রাজ্যের শ্রায় পূর্বে ত্রিপুরায় বড়লাট সাহেবের পলিটিকেল এজেন্ট থাকিত। মহারাজ বীরচন্দ্র শম্ভুচন্দ্রকে এই পলিটিকেল এজেন্সি যাহাতে উঠিয়া যায় তজ্জন্ত চেষ্টা করিতে বলেন। শম্ভুচন্দ্র এই কার্য্যে কৃতকার্য্য হইয়াছিলেন। বড়লাটের সহিত লেখালিখি করিয়া ত্রিপুরার পলিটিকেল এজেন্সি রহিত করিয়া দেন। গভর্নমেন্ট এজেন্সি রহিত করিয়া ত্রিপুরার ম্যাজিষ্ট্রেট ও কলেक्टर সাহেবকে বিনা বেতনে Exofficio Agent নিযুক্ত করেন। ইহাতে ত্রিপুরার অনেক ব্যয় ভার কমিয়া যায়। Mr. C. W. Bolton সাহেব ত্রিপুরার শেষ পলিটিকেল এজেন্ট * তৃতীয় কার্য্য ত্রিপুরা রাজ্যের সাধারণ উন্নতি সাধন। শম্ভুচন্দ্র তৃতীয় কার্য্যটি কত দূর পরিমাণে সম্পন্ন করিতে পারিয়াছিলেন তাহা আমরা ক্রমে ক্রমে দৃষ্টান্ত দ্বারা দেখাইব।

পূর্বে বলা হইয়াছে যে শম্ভুচন্দ্র ১৮৭৭ খৃঃ অব্দের জুন মাসে ত্রিপুরায় প্রথম গমন করেন। এই বৎসরের অক্টোবর মাসে পুনর্বার কলিকাতা চলিয়া আসেন। নবেম্বর মাসে জয়পুরের মহারাজ রামসিংহ কলিকাতায় বড়লাটের সহিত সাক্ষাৎ করিতে আসেন। পূর্বে শম্ভুচন্দ্রকে দেড়বার জন্ত মহারাজ রামসিংহ তাঁহাকে আহ্বান

* ত্রিপুরার পলিটিক্যাল এজেন্টের বিশেষ কোন কাজ ছিল না। অথচ বেতন বেশ মোটা ছিল। পলিটিক্যাল এজেন্সি রহিত করার চেষ্টা পাইলে বোলটন সাহেবের সহিত শম্ভুচন্দ্রের মনোবিবাদ হয়। এই মনোবিবাদের জন্ত শম্ভুচন্দ্রের ইংরাজি জীবনচরিত লেখক Mr. F. H. Skrine. বোলটন সাহেব কর্তৃক অতি অভদ্রজনোচিত ব্যবহার প্রাপ্ত হন। ত্রিপুরার বর্তমান মহারাজ সিংহাসনে অধিরোধ করিবার সময় শম্ভুচন্দ্র মুখোপাধ্যায়ের বাঙ্গালা জীবনচরিত প্রকাশের সাহায্যার্থ ৫০০ টাকা দিবেন প্রতিশ্রুত হইয়া বর্তমান লেখকের নিকট চট্টগ্রামের কমিসনর বাহাহরের তদানিন্তন পারস্যনাল এসিট্যান্ট কবি নবিনচন্দ্র গেনের দ্বারা ‘অফিসিয়ালি’ পত্র লেখেন। কিন্তু তখন বোলটন সাহেব বাঙ্গালা গভর্নমেন্টের চিক সেক্রটারী ছিলেন। তাঁহার অনুমোদনের জন্ত উক্ত প্রস্তাব যাইলে তিনি পূর্বতন মনোবিবাদ হেতু উক্ত ৫০০ টাকা দেওয়া রহিত করেন। এই প্রবন্ধ পুস্তকাকারে প্রকাশিত হইবার সময় এ বিষয়ের সকল রহস্য প্রকাশ হইবে।

করেন কিন্তু যে কারণে শম্ভুচন্দ্রের জয়পুরে যাওয়া হয় নাই তাহা উল্লেখ করিয়াছি। কলিকাতায় আসিয়া মহারাজ রামসিংহ শম্ভুচন্দ্রের সহিত সাক্ষাৎ করিবার জন্ত তাঁহার দেওয়ান মৃত রাওবাহাদুর কান্তিচন্দ্র মুখোপাধ্যায়কে তাঁহার নিকট পাঠাইয়া দেন। কান্তিচন্দ্রের * সহিত শম্ভুচন্দ্রের পূর্বে পরিচয় ছিল না স্মরণে কান্তিচন্দ্র শম্ভুচন্দ্রের নিকট আসিবার জন্ত তাঁহার বন্ধু যদুনাথ ঘোষ † মহাশয়কে সঙ্গে করিয়া শম্ভুচন্দ্রের সহিত সাক্ষাৎ করিয়া মহারাজের ইচ্ছা জ্ঞাপন করেন। তদনুযায়ী শম্ভুচন্দ্র মহারাজ রামসিংহের ‡ সহিত সাক্ষাৎ করেন। মহারাজের সহিত শম্ভুচন্দ্র বিশুদ্ধ উর্দুতে কথাবার্তা কহিলে মহারাজ বড়ই প্রীতিলাভ করেন। সেই সময় রেওয়ার মহারাজ ও § তথায় উপস্থিত ছিলেন। মহারাজ

* রাও বাহাদুর কান্তিচন্দ্র মুখোপাধ্যায়—যিনি ভগবান কৃপায় জয়পুরের মর্কসর্কা কর্তা হন এবং ষাঁহার প্রতাপে সমস্ত জয়পুর এক সময় কাঁপিয়াছিল, তিনি চর্কিশপরণগাহ রেহতা গ্রামে (ইষ্টার্ন বেঙ্গল স্টেট রেলওয়ে স্টেশন শ্রামনগর হইতে দেড় মাইল পূর্বে) অতি দরিদ্র বংশে জন্মগ্রহণ করেন। চুঁচুড়ার ডক মাহেবের বিদ্যালয়ে কান্তিচন্দ্র বিনা বেতনে সামান্য ইংরাজি বিদ্যালয় প্রথমে জনাই বিদ্যালয়ে শিক্ষকতা করেন পরে জয়পুর কলেজের জন্ত শিক্ষক আবশ্যক হইলে জয়পুরের তদানীন্তন দেওয়ান হরিমোহন সেন তাঁহাকে জয়পুরে লইয়া যান ক্রমে জয়পুর কলেজের অধ্যক্ষতা করেন এবং কালে জয়পুরের মর্কসর্কা কর্তা হন। ইহার পিতার নাম ভোলানাথ মুখোপাধ্যায়। কান্তিচন্দ্র ১৯০১ খৃঃ অব্দের ১৫ই জানুয়ারী তারিখে ইহলোক ত্যাগ করেন।

† যদুনাথ ঘোষ আমাদের দেশের এক জন বিশেষ কৃতবিদ্য লোক। ইনি মতিলাল শিলের অধৈতনিক বিদ্যালয়ের অধ্যক্ষতা অনেক দিন বাবৎ করেন। কৃষ্ণদাস পাল তাঁহাকে Arnold of India বলিতেন।


‡ মহারাজ রামসিংহ বরোদার রাজা মালহার রাওর বিচারের জন্ত যে কমিশন বসে তাহার একজন সভ্য ছিলেন। শম্ভুচন্দ্র মালহার রাওর বিচার সম্বন্ধে তাঁহার পত্রিকার যে তির প্রবন্ধ প্রকাশ করেন তাহার সুখ্যাতি লোক পরস্পরায় মহারাজ জানিতে পারিলে এই প্রবন্ধ উর্দুতে অনুবাদ করান এবং স্মরণ পাঠ করেন। সেই অবধি শম্ভুচন্দ্রের উপর মহারাজের যথেষ্ট শ্রদ্ধা জন্মে।

§ যখন শম্ভুচন্দ্র মহারাজ রামসিংহের সহিত কথাবার্তা বলিতে-ছিল তখন রেওয়ার মহারাজ নিস্তরুভাবে এইমকল শুনিতে ছিলেন কিন্তু কোন কথাই জবাব বা কোন রকমে কথা কহিলেন না দেখিয়া শম্ভুচন্দ্র তাঁহাকে কথা বলিবার জন্ত নানা বিষয়ের অবতারণা করিতে লাগিলেন। কিন্তু রেওয়ার মহারাজ একেবারে নিস্তরু। রেওয়ার মহারাজকে কথাবার্তায় প্রীত না করিতে পারিলে মহারাজ রামসিংহ কি ভাবিবেন ভাবিয়া শেষে শম্ভুচন্দ্র এক ব্যাঘ্র

রামসিংহ শম্ভুচন্দ্রকে রেওয়ার মহারাজের সহিত পরিচিত করাইয়া দেন। তাঁহার সহিত শম্ভুচন্দ্রের রাজনৈতিক, সামাজিক, সাহিত্য বিষয়ে অনেক কথোপকথন হয়। যতদিন মহারাজ কলিকাতায় ছিলেন প্রায় প্রত্যহই শম্ভুচন্দ্রকে তিনি ডাকিয়া পাঠাইতেন। মহারাজ রামসিংহ অত্যন্ত গুণগ্রাহী ব্যক্তি ছিলেন। শম্ভুচন্দ্রকে তিনি যথেষ্ট শ্রদ্ধা করিতেন। ইহাতে তাঁহার রাজকর্মচারীরা কিছু অসন্তুষ্ট হইয়াছিলেন, এমন কি একদিন মহারাজের সহিত সাক্ষাৎ করিতে যাইলে তাহারা শম্ভুচন্দ্রকে অনর্থক বসাইয়া রাখে এবং মহারাজের নিকট তাঁহার সংবাদ পাঠাইতে বিলম্ব করে। তাহারা ভাবিয়া ছিল যে বিলম্বের জন্ত শম্ভুচন্দ্র মহারাজের সহিত সাক্ষাৎ না করিয়া চলিয়া যাইবেন, কিন্তু তিনি রাজকর্মচারীদের ব্যবহারের বিষয় পূর্বে বিশেষরূপে জানিতেন বলিয়া, অপেক্ষা করেন এবং মহারাজের নিকট এতলা যাইলে শম্ভুচন্দ্রকে তিনি ডাকাইয়া পাঠান। শম্ভুচন্দ্র মহারাজকে তাঁহার কর্মচারীদের এতাদৃশ ব্যবহার সম্বন্ধে জানান। মহারাজ রামসিংহ প্রত্যেকে কর্মচারীকে ডাকাইয়া এজন্য বিশেষ তাড়না করেন। মহারাজ রামসিংহ * শম্ভুচন্দ্রকে জয়পুরে যাইবার জন্ত অনুরোধ করেন কিন্তু সে সময় তিনি ত্রিপুরার কার্য করিতে ছিলেন বলিয়া শম্ভুচন্দ্র যাইতে পারেন নাই।

ক্রমশঃ—

ত্রীসঙ্গীবচন্দ্র সাহালা।



শিকারের গল্প আরম্ভ করিলেন। এবারে আর রেওয়ার মহারাজ চূপ করিয়া রহিলেন না। ইনি আগ্রহ সহকারে শম্ভুচন্দ্রের সহিত শিকার কথা বলিতে লাগিলেন। রেওয়ার মহারাজ অতীব বলবান পুরুষ এবং উত্তম শিকারী ছিলেন।

* এই সাক্ষাৎের অল্পদিন মধ্যেই মহারাজ রামসিংহ ইহলোক ত্যাগ করেন।

পুরুষোত্তমদর্শন।

প্রাতঃকালে ও জানি না যে, অতীহ আমাকে উৎকল যাত্রা করিতে হইবে। সন্ধ্যাকালে পরামর্শ স্থির হইল। ঠিক তারিখটা স্মরণ হইতেছে না। বোধ হয় ১৩০৫ সনের ১৫ই জ্যৈষ্ঠ শনিবার হইবে। রাত্রি চারি ঘটিকার সময় হাইকোর্টের সন্নিহিত কদমতলার ঘাটে সিংল নামক অর্ণবখানে আরোহণ করিলাম। বলা বাহুল্য তখন বেঙ্গল-নাগপুর-রেলপথ প্রস্তুত হয় নাই। সঙ্গে কটকের কোন সবডেপুটী কলেক্টরের সহধর্মিণী ও তাঁহার শিশুপুত্র, পরিচারিকা ও একটা স্কুলের ছাত্র। বন্ধুতনয়া শ্রীমতী ও তাঁহার শিশুপুত্র ও পরিচারিকাকে ক্যাবিনের মধ্যে দিয়া আমিও স্কুলবালকটী বাহিরে ডেকে শয্যা প্রস্তুত করিয়া বসিলাম। কিছু দূর গিয়া রাত্রি প্রভাত হইল। হস্ত মুখ প্রক্ষালনাদি শেষ করিয়া ভাগীরথীর উভয় পার্শ্বস্থ নয়নপ্রীতিকর শশুশামল প্রান্তর ও বৃক্ষরাজি-পরিশোভিত ক্ষুদ্র ক্ষুদ্র গ্রাম সকল নিরীক্ষণ করিতে করিতে চলিলাম। প্রাতঃকাল হইতেই আকাশ কিছু মেঘাচ্ছন্ন বোধ হইতে লাগিল। সহস্রাংশু ক্ষণে ক্ষণে ক্ষীণাংশু বিতরণ করিতে লাগিলেন, কখন বা বারিদখণ্ডে সমাবৃত হইয়া নয়নপথ অতিক্রম করিতে লাগিলেন। পূর্বাঙ্ক ১০ ঘটিকার সময় অর্ণবপোত সাগর সঙ্গমে উপস্থিত হইল। আমি অর্ণবখানে বসিয়াই সঙ্কল্প-পাঠপূর্বক সাগর-সঙ্গমের পবিত্র জলে স্নান করিলাম। সংক্ষেপে আঙ্গিক শেষ ও কলিকাতা হইতে আনীত কিছু ফল ও মিষ্টান্ন দ্বারা জলযোগ শেষ করিয়া একখানি পুস্তক লইয়া বসিলাম। তরঙ্গিত বঙ্গোপসাগরের বক্ষে দোহল্যমান অর্ণবপোত শোঁ শোঁ রবে ধাবিত হইল। আমি ইহার পূর্বে বম্বেনগরীর (ব্যাকবে) সন্নিহিত সমুদ্রের প্রশান্ত মূর্ত্তি ও মহা-

* এই প্রবন্ধটা প্রায় দেড় বৎসর পূর্বে লিখিত হয়, কিন্তু কোন বন্ধুর নিকট পড়িয়াছিল। সংপ্রতি 'প্রদীপ' সম্পাদক মহাশয়ের অনুরোধে তাহার নিকট হইতে উদ্ধার করিয়া প্রকাশ করিলাম। 'প্রদীপ' সম্পাদক মহাশয় আমার অনুরোধে এই প্রবন্ধের প্রান্তে পুরীর জগন্নাথের মন্দিরের একটা চিত্র সন্নিবেশিত করিলেন। আশা করি উহা পাঠকগণের অপ্রীতিকর হইবে না। (প্রবন্ধ লেখক)

লক্ষ্মীর পাদপদ্ম-বিচূষী আরবসাগরের উত্তালতরঙ্গমালা-সঙ্কুল ভয়াবহ দৃশ্য নয়নগোচর করিয়াছি কিন্তু জলধি-বক্ষে কখনও বিচরণ করি নাই। আমার নিকট তখন সেই জলধি-সলিলের অনন্ত নীলিমা কি রূপ মধুর বোধ হইতে লাগিল, তাহা ভাষায় ব্যক্ত করা অসম্ভব। কিন্তু বিধাতার কি আশ্চর্য্য শিল্প-চাতুরী, প্রকৃতির কি অপূর্ব নিয়ম, এ জগতে বাহা কিছু মহৎ পদার্থ দৃষ্টিগোচর করা যায়, সমুদয়ই যেন ভীষণ ও কমণীয় গুণে সংমিশ্রিত। এখন যে সমুদ্রলহরী আমাদের হৃদয়ে কত আনন্দ প্রদান করিতেছে, ইহাই যে কয়েক ঘণ্টা পরে কৃতান্তের করাল দৃশ্য প্রদর্শন করিবে, উহা একবার ও মনে উদ্ভিত হয় নাই।

বেলা একটার সময় হইতেই ইতস্ততঃ বিচ্ছিন্ন মেঘ-খণ্ড সকল ক্রমশঃ পরস্পর সংযোজিত ও ঘনীভূত হইতে লাগিল এবং উহার সঙ্গে সঙ্গে বায়ু-বেগ ও বৃদ্ধি প্রাপ্ত হইতে ছিল। তখন সেই অতিবিষ্ফুর্ত জলধিবক্ষে ক্ষুদ্র অর্ণবধান তরঙ্গ-মালায় আহত হইয়া ব্যকুল-ভাবে ধাবিত হইতে লাগিল। যখন জাহাজ কালাপানিতে উপস্থিত হইল, তখন প্রকৃতির কি ভয়াবহ মূর্ত্তিই দেখিয়াছিলাম। ঐ অবস্থা ব্যক্ত করিবার উপযুক্ত ভাষা নাই, উহা চিরকাল স্মৃতি-পটে অঙ্কিত থাকিবে। নৈয়ায়িকেরা সিদ্ধান্ত করিয়াছেন, জল গন্ধ-গুণ-বিহীন কিন্তু কালাপানিতে উহার সম্পূর্ণ ব্যভিচার পরিলাক্ষিত হয়। উহার জলের তীব্রগন্ধে অনেকে বমন করিতে লাগিল। কিছু ক্ষণ পরে জগৎ হইতে যেন আলোক সম্পূর্ণ তিরোহিত হইল। যে দিকে দৃকপাত করি, কেবল নীলবর্ণ। মেঘ নীল, আকাশ নীল, সমুদ্র নীল, বিশ্বসংসার যেন নীলিমায় সম্পূর্ণ নিমজ্জিত। সেই শুভ মুহূর্ত্তে প্রভঞ্জন ও স্বীয় প্রভাব প্রদর্শনে বিরত হইলেন না। তখন সেই বিশ্বগ্রাসী তিমির-মধ্যে সমুদ্র-গর্জ্জন, মেঘগর্জ্জন, বায়ুর শব্দ একত্রিত হইয়া কর্ণ বধির করিয়া তুলিল। যতক্ষণ আলোক ছিল, উর্দ্বমুখে অল্পস্পর্শি উত্তাল-তরঙ্গ-মালার গতি পর্য্যবেক্ষণ করিতেছিলাম। প্রতিমুহূর্ত্তেই বোধ হইতে-ছিল, এই বারের তরঙ্গাবাতেই আমাদিগকে জলধির অতল তলে প্রবেশ করিতে হইবে। তাহার পর, ঘোর

অন্ধকারে আর উর্ষ্বমালা দেখা গেল না কিন্তু এত ক্ষণ উহা নিম্নস্থ আরোহিগণকেই প্রাবিত করিয়া প্রবাহিত হইতেছিল, এই বার ডেকের উপর জল আসিল। এতক্ষণ বালকটিকে নানা কথায় ভুলাইয়া রাখা হইয়াছিল। সে এক এক বার খেলার বন্দুকটা লইয়া বলিতেছিল, “আমি সমুদ্রকে গুলি করিব, সে আমাদের জাহাজ দোলাইতেছে কেন?” শিশুর কথা শুনিয়া ডেকের আরোহীরা হাস্য সম্বরণ করিতে পারে নাই। এই বার যথার্থই জীবন মৃত্যুর মধ্যস্থলে উপনীত হইলাম। দুই তিনটা তরঙ্গ ডেক প্রাবিত করিয়া চলিয়া গেল। আমরা পূর্বেই শয্যা গুঁটাইয়া ক্যাবিনে রাখিয়াছি এবং বাক্স তোরঙ্গ ও সব ভিতরে। এখন কেবল আর্দ্রবস্ত্রে শীতার্ভ কলেবরে ঈশ্বর চিন্তা করিতে গিয়া মৃত্যু চিন্তা করিতেছি। মহা ডেকে উঠিবার সিঁড়িতে মহাজনতা ও ভয়ানক কল-রব শ্রুত হইল। নিম্নতলায় বহুক্ষণ ব্যাপিয়া জলমধ্যে নিমজ্জিত আরোহিগণ স্রু ডেকের ভাড়া কেন? সর্ব্ব দিয়াও ডেকে আসিবার জন্ত ব্যাকুল হইয়াছে। জাহাজের কাপ্তান তাড়াতাড়ী সেই স্থলে উপস্থিত হইয়া প্রাণরক্ষার জন্ত কাতর শীতার্ভ খাত্রিগণকে বেত্রাঘাতে জর্জরিত করিয়া নামাইয়া দিল। আমি জাহাজের বাঙ্গালী কেরানীকে জিজ্ঞাসা করিলাম “উহাদিগকে উপরে আসিতে দেওয়া হই-তেছে না কেন?” বাঙ্গালী বাবু বলিলেন “আপনারা সমস্ত দিন ডেকে বসিয়া অভ্যস্ত হইয়াছেন, উহারা অনভ্যস্ত উপরে আসিয়া কখনই স্থিরমস্তকে বসিতে পারিবে না, দলে দলে সমুদ্রজলে ঝাঁপাইয়া পড়িবে। বিশেষ উপরে স্থানে ও কুলাইবে না। এদিকে ঝটিকা ক্রমশঃই বৃদ্ধি-প্রাপ্ত হইতে লাগিল। ডেকের মধ্যে শ্রীমতী তাঁহার অশ্রু-মুখ তনয়টিকে বুকে চাপিয়া রোদন করিতে লাগিলেন। তখন সকলেই এক প্রকার জীবনের আশা ত্যাগ করিয়াছি, ভাবিলাম যতক্ষণ দেহে প্রাণ থাকে ভাল করিয়া ঈশ্বর চিন্তা করি কিন্তু উহার পূর্বেই সহস্রশ্রী ও পুত্র দুইটির কথা মনোমধ্যে সমুদিত হইল। কোন দিকে দৃকপাত না করিয়া বস্ত্রাবৃত-দেহে থাম জড়াইয়া বসিয়া মনে মনে ভগবানের নাম করিতে লাগিলাম। এই অবস্থায় দুই তিন ঘণ্টা কাটিল, রাত্রি যখন নয়টা তখন সেই ক্রতগামী অর্ণবযান কালাপানি অতিক্রম করিয়া অপর সমুদ্রে পড়িল। অনতি

বিলম্বে প্রায় দুই ক্রোশ দূরে একটা “লাইটহাউস” বা আলোক-গৃহ দৃষ্টিগোচর হইল। উহা দেখিয়া জাহাজের ক্রান্ত কর্মচারিগণ কথঞ্চিৎ আশ্বস্ত হইল। তাহারা বুঝিল কালাপানি ছাড়িয়া আসিয়াছি। বায়ুর প্রতিকূলতা-প্রযুক্ত অতিবেগে জাহাজ চালাইতে হইয়াছিল। তাহারা তখন অত্যন্ত শ্রান্ত ও অবসন্ন, কালাপানিতে জলের গভীরতার ইয়ত্তা নাই, তজ্জন্ত এতক্ষণ নোঙর করিতে পারে নাই। এখন ঐখানেই রাত্রি যাপনের জন্ত নোঙর করিয়াভোজনে বসিয়া গেল। প্রায় ১৫ মিনিটের পর আলোকগৃহ হইতে বারংবার লোহিত বর্ণ আলোক প্রদর্শিত হইতে লাগিল। বাঙ্গালী কেরানীটী কেবল তখন ভোজনে বসিবেন, তিনি উহা দেখিয়া ছুটিয়া গিয়া কাপ্তান সাহেবকে বলিলেন। সাহেব তাড়াতাড়ী ভোজন শেষ করিয়া দেখিলেন নোটবুকে লেখা আছে ঐ দিবস সমুদ্রে সামাগ্র ঝটিকা হইবে। তিনি ও দুই জন ইংরেজ কর্মচারী অতিক্রমতার সহিত খালাসীদের সাহায্যে জাহাজের উপরিস্থ ক্যান্সিসের আচ্ছাদন নামাইয়া ফেলিলেন। এবং লাইফবোটগুলি (জীবনতরী) প্রস্তুত রাখিলেন। কাপ্তানসাহেব ডেকের ও ক্যাবিনের প্রত্যেক আরোহীর নিকট গিয়া বলিলেন “এখনই ঝড় আরম্ভ হইবে, তোমরা ভীত হইও না, সকলে থাম ধরিয়া বসিয়া থাক।” দেখিতে দেখিতে প্রবলবেগে জলও ঝড় উপস্থিত হইল। এক এক বারে যেন প্রভঞ্নের বেগে জাহাজ খানি উল্টাইয়া ফেলিবার উপক্রম করিতে লাগিল। নিম্নে সমুদ্র, উভয় দিকে উত্তাল তরঙ্গমালা ও উপরে মুসলধারে বারিধারার পতন, তখন যেন সমস্ত বিশ্বসংসার কেবল জলময় বোধ হইল। এই ভাবে প্রায় দুইঘণ্টা অতিবাহিত হইল। রাত্রি বারটার সময় ক্রমে ক্রমে পবনের বেগ হ্রাস হইয়া আসিল। অর্দ্ধঘণ্টা পরে আকাশ নির্ম্মল, জলধি প্রশান্ত মুক্তিবে বিরাজমান, জ্যোৎস্না-লোকে জগৎ উদ্ভাসিত হইল। আমাদের আনন্দের সীমা রহিল না, আমরা যেন মৃত্যুর করাল গ্রাস হইতে ফিরিয়া আসিলাম। তাহার পর, ডেকের উপর সতরঞ্চ তোষক পাড়িয়া নিরুদ্ধবেগে শয়ন করিলাম। ছয়টার পূর্বে নিদ্রাভঙ্গ হইলে দেখিলাম অর্ণবপোত বৈতরণী-নদীর মুখে প্রবিষ্ট হইতেছে।

পূর্বাঙ্ক ৮ ঘটিকার সময় অর্ণবযান চাঁদবাণীতে পৌঁছিল। চাঁদবাণী একটা প্রসিদ্ধ স্থান। ইহা বাঙ্গলা ও উড়িষ্যার সন্ধিস্থলে অবস্থিত। এক সময় ধাতু ও চাউলের ব্যবসায়ের জন্ত এই বন্দরটী অতি প্রসিদ্ধ ছিল। জাহাজের নিম্নতলার সেই শীত-ক্লিষ্ট উপবাসকাতর কোটরগত-চক্ষু বহু নরনারীর সহিত জাহাজ হইতে অবতরণ করিয়া একটী বাসা ভাড়া করিলাম। এখানে যে সকল লোক দেখিলাম উহাদের পরিচ্ছদ ও কথা উড়িয়া এবং উহার উৎকলের অধিবাসী বলিয়া আত্মগোরব অনুভব করে। নিম্নশ্রেণী স্ত্রীলোকদের কাছা ও নাসিকা-বিলম্বী বৃহদাকার নতু দেখিয়া হাস্য সম্বরণ করা যায় না। আমরা সত্বর রন্ধন ও ভোজন সমাপ্ত করিয়া ষ্টীমারে উঠিলাম। কটক হইতে দুই জন ভৃত্য আসার কথা ছিল কিন্তু তাহাদের না দেখিয়া শ্রীমতী কথঞ্চিৎ চিন্তিত হইলেন। ষ্টীমার যুগল তীরভূমি ত্যাগ করিয়া মুহু মন্দগতিতে কটক অভিমুখে চলিল। আমরা পূর্বেই ষ্টীমারে উঠিয়া মনোমত স্থান নির্বাচন করিয়া লইয়াছিলাম। শেষে এত ভিড় হইল যে, স্থান না পাইয়া একটা প্রৌঢ় ভদ্রলোক তাঁহার পত্নী ও পাচিকা সহ আমাদের নিকটে স্থান প্রার্থনা করিলেন। আমরা তাঁহাদের ও অত্যাগ্র বাঙ্গালী নরনারীর সহিত মহা উৎসাহে চলিলাম। বৈতরণী নদী ত্যাগ করিয়া ষ্টীমার আর একটা নদীতে গিয়া পড়িল। নদীর উভয় তীরে নারিকেল-গুবাক আম কাঁঠাল প্রভৃতি বৃক্ষ-পরিশোভিত গ্রামগুলি দেখিতে বড়ই সুন্দর। অপরূহে ষ্টীমার কৃত্রিম নদী বা খালে প্রবেশ করিল। উড়িষ্যার এই কুল্যা বা কৃত্রিম জলপ্রণালী নিম্নাণে গবর্ণমেন্টের বহু অর্থ ব্যয়িত হইয়াছে। ইহার ব্যয় সম্পাদনের জন্ত প্রত্যেক প্রজাকেই অতিরিক্ত কর প্রদান করিতে হয়। তাহা হইলেও ইহা যে সন্দেহ ইংরেজ-রাজের একটা মহাকীর্তি তদ্বিষয়ে মতদ্বৈধ নাই। কুল্যার উভয় তীরে নয়নরঞ্জন শশুকোত্র। ঐ সকল ক্ষেত্রে যথা-সময়ে জলদানের উত্তম ব্যবস্থা আছে। আজ আকাশ পরিষ্কার নীলবর্ণ, নিদাঘের রমণীয় অপরূহে মুহুগতি ষ্টীমারে বসিয়া সাক্ষ্য বায়ু সেবন বড়ই শান্তিপ্ৰদ। উত্থানে কুসুমরাজির স্বায় একটা একটা করিয়া নক্ষত্র

গগনমণ্ডলে কুটিয়া উঠিতে লাগিল। দেখিতে দেখিতে অচিরোদগত চন্দ্রালোকে জগৎ আলোকিত হইল। সমস্ত নিশা ষ্টীমার চলিল। গভীর রাত্রিতে আমরা নিদ্রামগ্ন হইলাম। প্রত্যুষে নিদ্রাভঙ্গ হইলে দেখিলাম গ্রাম পার্শ্ব দিয়া ষ্টীমার চলিতেছে। উভয় তীরে গুবাকবৃক্ষশ্রেণী শান্তিময় পল্লীগুলির বেশ শোভা বর্দ্ধন করিয়াছে। বৃহৎ বৃহৎ নতের দ্বারা ঘ্রাণেন্দ্রিয় অলঙ্কৃত করিয়া প্রতিঘাটে উৎকল সুন্দরীগণ সস্মিতবদনে ষ্টীমারের প্রতি কৌতূহল-পূর্ণ দৃষ্টি বিগুস্ত করিয়া আছে। ক্রমেই বেলা হইতে লাগিল। পথ আর ফুরায় না, ক্রমশঃ বিরক্তি বোধ হইতে লাগিল। তাহার পর, একাদশ ঘটিকার সময় ষ্টীমার কটকে পৌঁছিল। ষ্টীমার-ষ্টেমেনে লোক না দেখিয়া শ্রীমতী অতিশয় চিন্তিত হইলেন। বাসায় গিয়া শুনা গেল, পূর্বেকৃত সব-ডেপুটী শ্রীমান্ প্রায় বিংশতি দিন মফসলে আছেন। পোষ্ট ও টেলিগ্রাম অফিসে অনুসন্ধান করিয়া জানিলাম, আমরা যখন যাত্রা করি তাহার কয়েক ঘণ্টা পূর্বে যে টেলিগ্রামটী করিয়াছিলাম, উহা এবং তৎপূর্ব প্রেরিত চিঠিসকল পোষ্ট অফিসেই মজুত রহিয়াছে। আহারাতে আমরা মফসলে টেলিগ্রাম করিব ভাবিতেছি, এমন সময় পাচক ব্রাহ্মণ ও চাকর আসিল। তাহারা বলিল “বাবু অতী রাত্রি আট ঘটিকার সময় আসিবেন। আপনারা যে এত শীঘ্র আসিবেন, তিনি তাহা কিছুই জানেন না। শ্রীমতী আহারের এক বিরাট আয়োজন করিলেন। অপরূহে চারি ঘটিকা হইতে আহাৰ্য্য প্রস্তুত আরম্ভ হইল। যথা-সময়ে নানাবিধ উপাদেয় খাদ্য প্রস্তুত হইল। শ্রীমান্ শিবিকা হইতে নামিয়া আমাদের দেখিয়াই আশ্চর্য্যাবিত। অভিবাধন করিয়া কুশল জিজ্ঞাসা করিতেই আমি ভিতরে বাইতে অনুরোধ করিলাম। তিনি অপ্রতীক্ষিত অবস্থায় গৃহ সজ্জিত ও আলোকিত দেখিয়া বিশেষতঃ শিশুর স্নেহ-পূর্ণ পিতৃ-সম্বোধন শুনিয়া অত্যন্ত আনন্দিত হইলেন। আহারাতে অনেক রাত্রে শয়ন করা গেল। পরদিনই আমি পুরী যাইবার ইচ্ছা প্রকাশ করিলাম কিন্তু শ্রীমান্ ও শ্রীমতীর অনুরোধক্রমে সেদিন অবস্থান করিলাম। আগমনকালে ষ্টীমারে বেঙ্গলসেক্রেটারিয়েটের একটী কেরানীর সহিত পরিচয় হইয়াছিল, তাঁহার স্বপুত্র

কটকে। তিনি আসিলে অপরাহ্নে তাঁহার সহিত রাভেন্সা-কলেজের অধ্যক্ষ বাবু নীলকণ্ঠ মজুমদার মহাশয়ের বাসায় গেলাম। সেখানে কলেজের আরও কতিপয় অধ্যাপক উপস্থিত ছিলেন। পূর্ন হইতেই নীলকণ্ঠবাবুর সহিত পরিচয় ছিল, তিনি নানাবিধ শিষ্টালাপে পরিতুষ্ট করিলেন এবং পুনঃ পুনঃ কলিকাতার নূতন সংবাদ জিজ্ঞাসা করিলেন।

কটক নগর অতিপ্রাচীন। ভবগুপ্তের অল্পশাসন পত্রে ইহার উল্লেখ আছে। ভবগুপ্ত খ্রীষ্টীয় ৫ম শতাব্দীতে রাজ্য করেন। অতএব উক্ত সময়েও ইহা বিদ্যমান ছিল। কিন্তু সেই অতি প্রাচীন নগরী এখন আর বিদ্যমান নাই। বর্তমান নগরীর প্রাকৃতিক অবস্থানটীও বড় সুন্দর। মহানদী দ্বিধারা হইয়া একটা দ্বীপ সৃষ্টি করিয়াছে, সেই-খানে মহানদী ও কাটজুড়ি নদীর মুখে কটক নগর অবস্থিত। ইহার পার্শ্বেই পর্বতমালা। অপরাহ্নে ষ্ট্রামার ষ্টেসন-সন্নিহিত সেতুর উপরিভাগ হইতে ঐ সকল নীলবর্ণ শৈলরাজির দৃশ্য অত্যন্ত নয়নপ্রীতিকর। আসিয়া পাহাড়ই সর্বপ্রধান। ইহার প্রাচীন নাম চতুষ্পীঠ পর্বত। ইহার কোন শৃঙ্গে হিন্দু দেব দেবীর মূর্তি, কোনটীতে বৌদ্ধ-মূর্তি, কোন শিখরে মুসলমানের মসজিদ বিরাজিত। কোন কোন শৈলনিতম্বে নাকি অতি প্রাচীন রাজধানী ও দুর্গের ভগ্নাবশেষ দৃষ্ট হয়। কোন শিখরের কারুকার্য এতই মনোহর যে, দেখিলে বিস্মিত হইতে হয়। উৎকলের মাদলাপঞ্জীর মতে প্রায় নয়শত বৎসর পূর্বে কেশরীবংশীয় কোন রাজাকর্তৃক এই কটক নগরী প্রতিষ্ঠিত হয়। বর্তমান কটক নগরে ও বড়বাটী নামে একটা দুর্গ আছে। উহা খ্রীষ্টীয় ১৪শ শতাব্দীতে তদানীন্তন রাজা অনঙ্গভীম কর্তৃক নিশ্চিত হয়। মুসলমান ঐতিহাসিকগণ লিখিয়াছেন—ঐ দুর্গমধ্যে রাজা মুকুন্দদেবের নয়তলা একটা প্রাসাদ ছিল। মুসলমান রাজত্বকালে ও ইহার সমৃদ্ধির অভাব ছিল না। বর্তমান ইংরেজ-রাজত্বেও ইহা উড়িয়া-বিভাগের প্রধান নগর। বিভাগীয় শাসনকর্তা এখানে অবস্থিত করেন। এই নগরে ফৌজদারী ও দেওয়ানী আদালত ও স্কুল কলেজ ইত্যাদি আছে। নগরটী প্রায় তিন ক্রোশ ব্যাপী। এখানে অনেকগুলি বাজার আছে। নর্ম্যাল স্কুলের সন্নিহিত গণেশঘাটের

গভীর এবং বিমল জলে গ্রীষ্মকালে স্নান করায় বড়ই আরাম।

পর দিন পূর্নহুে আহার সমাপ্ত করিয়া একখানি গোয়ানে ষ্টেসন অভিমুখে যাত্রা করিলাম। তখন সন্ধ্যা হইতে প্রায় তিন ক্রোশ গিয়া শকটে আরোহণ করিতে হইত। নগরের দক্ষিণাংশে বিষ্ণুফতোয়া মহানদীর সিকতাময় বক্ষঃ অতিক্রমপূর্বক মধ্যাহ্ন সূর্যের প্রথর কিরণে দক্ষপ্রায় হইয়া গলদ্বন্দ্ব-কলেবরে ষ্টেসনে উপনীত হইলাম। পরদিন স্নানযাত্রা। ষ্টেসনে অত্যন্ত জনতা। একজন শিখাধারী মাদ্রাজী ছাটকোট পরিয়া টিকিট বিক্রয় করিতেছে। কিন্তু টিকিট-ঘরের সম্মুখের ভিড় কমিতেছে না। একটা লোক ও টিকিট পাইতেছে না। শেষে দেখিলাম লোকে কিছু কিছু উৎকোচ প্রদানপূর্বক অল্প দ্বার দিয়া টিকিট গ্রহণ করিতেছে। আমি কি করিব, ভাবিতেছি, এমন সময় হটাৎ আমাদের নবদ্বীপের একটা বৈষ্ণবের সহিত সাক্ষাৎ হইল। বাবাজী আমার অগ্রে ভুবনেশ্বরে অবতরণের সঙ্কল্প অবগত হইয়া বলিল “ঠাকুর! বলেন কি? কা’ল স্নানযাত্রা, আজ পুরী না পৌঁছিতে পারিলে রত্নবেদীতে শ্রীমুক্তি দর্শন হইবে না।” তাহা শুনিয়া অগ্রেই পুরী যাওয়া স্থির করিলাম। বাবাজীর পূর্বেই ষ্টেসন মাষ্টারের সহিত পরিচয় হইয়াছিল, কারণ সে অনেকগুলি যাত্রীর তত্ত্বাবধায়ক। আমার টিকিট খানি পূর্বেই পরিচয়েই লইয়া আসিল। আমরা ট্রেনে আরোহণ করিলাম। অনেকে নির্দিষ্ট সময়ে টিকিট না পাওয়ায় পড়িয়া রহিল। খুড়দায় প্লেগডাক্তারের নিকট পরীক্ষিত হইতে হইবে। ডাক্তার একটা ফিরিঙ্গী, আর মেয়ে ডাক্তারটী বঙ্গ-মহিলা। নবদ্বীপের সন্নিহিত স্থানবাসী কতকগুলি গৃহস্থ-বধু কাঁদিয়া আকুল। তাহারা ঐ স্থান হইতেই ফিরিতে উদ্যত। তাহাদের ধারণা প্লেগডাক্তার কোন ক্যাম্পে লইয়া গিয়া তাহাদের লজ্জাশীলতার হানি করিবে এবং তজ্জন্ত তাহারা স্বামিকর্তৃক পরিত্যক্ত হইবে। আমি এবং উক্ত বৈষ্ণব অনেক বুঝাইয়া তাহাদের ভ্রান্ত সংস্কার দূর করিলাম। মেয়ে ডাক্তার দেখিয়া তাহারা কথঞ্চিৎ আশ্বস্ত হইয়া অবতরণ করিল। উহারা পল্লীবাসিনী স্মতরাং অত্যন্ত ভীক। তথাপি

আমাকে সঙ্গে থাকিতে হইল। তাহারা বলিল “তুমি দেশের ঠাকুর আমাদের সাক্ষী রহিলে, পাছে লোকে দেশে গিয়া কোন অকথা কুকথার প্রচার না করে।” তখন মহাকবি ভবভূতির কবিতাংশ স্মরণ হইল। “যথা স্ত্রীণাং তথা বাচাং সাধুশ্চে দুর্জনোজনঃ।” মেয়ে ডাক্তারটী পরীক্ষা কার্যে বেশ নিপুণ। তিনি তিন হাত দূরে থাকিয়া (তাঁহারও ত প্রাণে ভয় আছে) রজ্জুবদ্ধ সীমার মধ্যস্থিত শ্রেণীক্রমে সজ্জিত রমণীমণ্ডলীর হস্ত কয়খানি গণনা করিয়া অতিক্রম-গতিতে বাঙ্গালো অভিমুখে ধাবিত হইলেন। পুরুষ ডাক্তারের পরীক্ষাকার্য ও উহারই অনুরূপ। ট্রেন ছাড়িল, আমরাও হাঁপ ছাড়িয়া বাঁচিলাম। অপরাহ্নে বাষ্প-শকট পুরীর সন্নিহিত হইল। গাড়ী হইতেই পুরীর মন্দিরের সেই গগনম্পর্শী ধ্বজ সন্দর্শন করিয়া যাত্রিগণের হৃদয় আনন্দে উদ্বেল হইল। পুনঃ পুনঃ ভগবানকে প্রণিপাত করিয়া আমরা অবতরণের জন্ত প্রতীক্ষা করিয়া রহিলাম। প্রায় চারি ঘটিকার সময় বাষ্প-শকট ষ্টেসনে পৌঁছিল। তত্রত্য কলেক্টরের নাজিরের বাটীতে আমি থাকিব স্থির ছিল। সেখানে সাদরে অভ্যর্থিত হইলাম। নাজিরের পিতা বৃদ্ধ গ্রাম বাবু ও একসময় পুরীর কলেক্টরির নাজির ছিলেন। এখন তিনি পুত্রকে উক্ত কার্যে নিযুক্ত করিয়া দিয়া স্বয়ং অবসরবৃত্তি ভোগ করিতেছেন। গ্রাম বাবুর ছায় ভক্ত পুরীধামে নিতান্ত বিরল। তিনি জগন্নাথের প্ৰসাদ ব্যতীত অল্প কোন বস্তুই গ্রহণ করেন না। উপস্থিত হইবামাত্র গ্রামবাবু কোন কথা না জিজ্ঞাসা করিয়া আমাকে লইয়া শ্রীমন্দিরে গেলেন। কারণ ধূলি পায় ভগবদর্শন করিতে হয়।

যখন আমরা মন্দিরের দ্বারে উপনীত হইলাম তখন সায়ংকাল আগত প্রায়। সম্মুখের দ্বার রুদ্ধ হইয়াছে। ছড়ীদারগণ সেই ভগবদর্শন পিপাসু বহু দূরগত দীনবেশ যাত্রিগণকে বেত্রাঘাতে জর্জরিত করিয়া নিকাশিত করিতেছে। সহসা গ্রামবাবুকে উপস্থিত দেখিয়া “গ্রামো বাবু আউচন্তি” বলিতে বলিতে তাহারা সরিয়া দাঁড়াইল। শ্রীমন্দিরে গ্রামবাবুর প্রতিপত্তি অল্প নহে, পাণ্ডাগণ ও মন্দিরের অগ্ৰাণ্য সেবক সকলেই গ্রামবাবুর দ্বারা উপকৃত। তাহারা আমাকে অতিশয় যত্ন সহকারে

ভিন্ন দ্বার দিয়া রত্নবেদীর সম্মুখে উপস্থিত করিল। ঘূতের প্রদীপ ও চন্দন চূষার এবং কর্পূরের স্তম্ভে গৃহ আমোদিত। বেদীর উপরিভাগে সিংহাসনে বামে জগন্নাথ, দক্ষিণে বলভদ্র, মধ্যে স্তম্ভদ্রাও পার্শ্বে স্তম্ভদর্শন, এই মূর্তি-চতুষ্টয় বিরাজমান। বহুদিনের আশা পূর্ণ হইল। ভগ্নমূর্তি চতুষ্টয় সন্দর্শন করিয়া কৃতার্থ হইলাম। বহু দিনের সংস্কার হৃদয়ে বদ্ধমূল, বোধ হইল যেন সাক্ষাৎ পরব্রহ্ম এই দীনের নয়নপথে উপনীত হইয়াছেন। গল-লগ্নী-কৃতবাসে কৃতাজলিপুটে একটা স্তোত্র পাঠ করিলাম। ছড়ীদারগণ ত্বর করিতে লাগিল, স্মতরাং অনিচ্ছা-সত্ত্বেও সত্বর প্রতিনিবৃত্ত হইলাম। পরদিন প্রাতঃকালে প্রাতঃকৃত্য সমাপ্ত করিয়া সাগরে স্নান করিতে গেলাম। পথের উভয় পার্শ্বে অসংখ্য ভিক্ষাজীবী। অনেকে অর্থের জন্ত নিদারুণ শারীরিক যাতনা ভোগ করিতেছে। কেহ ভূতলে প্রোথিত হইয়াছে, কেহ কেহ অতি দুর্বল বৃহৎ পাবাণখণ্ড বক্ষঃস্থলে স্থাপন করিয়া শয়ান রহিয়াছে। শ্রীমন্দিরের দক্ষিণদিকে সেই নীলোন্মিমালা-সঙ্কুল মহাজলধি গম্ভীর রবে নিতান্ত বিরাজমান। সমুদ্রতটে উপনীত হইলেই একজন পুরোহিত আসিয়া সঙ্কল্প-মন্ত্র পাঠ করাইলেন। লৌকিক-প্রথা অনুসারে চেউ লইতে হয়, স্মতরাং বাবু-কার উপর স্থিরপদে উপবেশন করিলাম, যথাক্রমে তিনটা চেউ পৃষ্ঠের উপর দিয়া চলিয়া গেল। সন্ধ্যা শেষ করিয়া বস্ত্র পরিবর্তন পূর্বক সঙ্গী পাণ্ডার সহিত সমুদ্র-তীরস্থ স্বর্গ-দ্বারে উপনীত হইলাম। এখানে এক বৃহৎ হনুমন্তু মূর্তি বিদ্যমান। কথিত আছে;—এক সময় সমুদ্রের গর্জনে স্তম্ভদ্রা ভীত হন, জগন্নাথ সমুদ্রকে আদেশ করেন, তোমার গর্জন যেন মন্দির-মধ্যে প্রবেশ না করে। তজ্জন্ত ভগবানের আজ্ঞায় হনুমান্ সাক্ষি-স্বরূপ সাগর গর্জন শুনিবার জন্ত কাণ পাতিয়া দাঁড়াইয়া আছেন। সেই জন্ত লোকে ইহাকে কাণপাতা হনুমান্ বলে। এখানেও সঙ্কল্পের মন্ত্র পাঠ করিতে হয়। তাহার পর, চক্রতীর্থে উপনীত হইলাম। কথিত আছে;—এই স্থানেই প্রথম ব্রহ্মদারু ভাসিয়া আসিয়া লাগিয়া ছিল। চক্রতীর্থে পিতৃলোকের শ্রাদ্ধ করিতে হয়। আমি ভোজ্য উৎসর্গ করিয়া চক্রতীর্থ সরোবরের তীরস্থ চক্রনারায়ণকে সন্দর্শন করিলাম। পাণ্ডা বলিল “অতী লোকনাথের পূজা শেষ করিয়া

চলুন, কারণ এখান হইতে ঐ স্থান অধিক দূর নহে, অল্প দিন অল্প দিকে যাইতে হইবে। উৎকলে লোকনাথ অতিপ্রসিদ্ধ। উড়িয়ারা লোকনাথকে অত্যন্ত ভয় করে। এমন কি, তাহারা জগন্নাথের নাম করিয়া অনায়াসে শপথ করিতে পারে কিন্তু কোন উড়িয়া লোকনাথের নামে শপথ করে না। উন্নতানত বহু পথ দিয়া অনেক দূর যাইতে হইল, অনানু দেড়কোশ গিয়া লোকনাথের মন্দির প্রাপ্ত হইলাম। এখানে কয়েকটি মন্দির আছে। এক স্থানে একটা উৎসের মধ্যে পাষণ্ডময় লোকনাথ শিব-লিঙ্গ বিরাজমান। অনবতরত ঐ উৎস হইতে জল উদগীর্ণ হইতেছে। লিঙ্গের উপরিভাগে পিত্তল-নির্মিত সর্প ফণা ধারণ করিয়া রহিয়াছে। লোকনাথ শিবের পূজা শেষ করিয়া পথে আসিতে একটা কুণ্ডের তীরে সঙ্কল্প পাঠ করিয়া উহার সলিল স্পর্শ করিতে হইল। তাহার পর, প্রায় মধ্যাহ্ন একটার সময় অত্যাধিক সিকতাময় বহুপথ অতিক্রম করিয়া গলদ্বর্ষ-কলেবরে বাসায় উপস্থিত হইলাম। একটু বিশ্রামান্তে হস্তমুখে জল দিয়া পুনরায় শ্রীমন্দিরে চলিলাম। অল্প স্নানযাত্রা, অসংখ্য যাত্রী স্নানবেদীর চতুর্দিকে ভগদর্শনের নিমিত্ত উদগীর্ণ হইয়া রহিয়াছে। তখন ও ভগবন্মূর্তি প্রকটিত হন নাই, স্ততরাং বিলম্ব দেখিয়া নাটমন্দিরে আসিয়া বসিলাম। অনেকগুলি শিক্ষিত বাঙ্গালীর সহিত সাক্ষাৎ ও কথোপকথন হইল। যেই মূর্তির আবরণ উন্মোচিত হইল, পূর্বোক্ত শামবাবু আমাকে টানিয়া লইয়া বেদীতে উঠিলেন। আমি তাড়াতাড়ী এক ভাণ্ড জল লইয়া “সহস্রশীর্ষ” মস্ত্রে ভগবানের মূর্তি-ত্রয়ের উপর ঢালিয়া দিলাম। মুহূর্তের মধ্যে সহস্র সহস্র নরনারী আসিয়া অঙ্গুলি জল ঢালিতে লাগিল। কিন্তু পাণ্ডারা মূর্তি বিগলিত হইয়া যাইবে আশঙ্কায় পাঁচমিনিট কাণ ও জল ঢালিতে দিল না। দেখিতে দেখিতে বস্ত্র দ্বারা প্রতিমা আচ্ছাদিত করিয়া ফেলিল এবং বেত্রাঘাতে মূর্তির নিকট হইতে যাত্রীদিগকে সরাইয়া দিল। ইহার পূর্বক্ষণে বেদীতে ভগবন্মূর্তি প্রকটিত দেখিবার জন্ম নরনারীগণের ব্যাকুলতা দেখিয়া বিস্মিত ও মোহিত হইলাম। পৃথিবীতে একরূপ প্রার্থনীয় বস্তু বোধ হয় আর নাই, যাহার জন্ম মানুষ এতদূর করিতে পারে। মধ্যাহ্ন-কাল, প্রথর সূর্য, অগ্নি-ফুলিঙ্গের ঞ্চায় রশ্মি বিকিরণ করিতেছেন, ভূতল ও

স্নানবেদী অগ্নিতুল্য উষ্ণ হইয়াছে। ছুই তিন ঘণ্টা পূর্ব হইতে শত শত অসুখ্যাম্পশ্চা রাজাস্তঃ-পুরবাসিনী হইতে দরিদ্র-মহিলা পর্যন্ত কাতরনয়নে ভগবানের দর্শন প্রতীক্ষা করিয়া আছে। কাহার ও অল্প কথা নাই, কাহার ও চিন্তে অল্প চিন্তা নাই, কেবল ভগবন্মূর্তি দর্শনের জন্ম ব্যাকুল। সূর্য্যদেব অগ্নিকণা বর্ষণ করিয়া ও তাহাদের একাগ্রতা নষ্ট করিতে পারিতেছেন না। সকলেই তন্ময়চিত্তে ভগবদ্ধ্যান নিরত। একটা হিন্দুস্থানী বৈষ্ণব “বদসি যদি কিঞ্চিদপি দস্তুরচি-কৌমুদী, হরতি দরতি তিমিরমতি-ঘোরম্।” ইত্যাদি জয়দেবের পদাবলী উচ্চারণ করিতে করিতে কৃতাজলি হইয়া অজস্র বাষ্পবারি পরিমোক্ষণ করিতেছেন। যে যে ভাবের উপাসক, সে সেই ভাবেই ভগবানের ধ্যান করিতেছেন। ভূতপূর্ব ব্রাহ্ম-ধর্ম প্রচারক শ্রীযুক্ত বিজয়কৃষ্ণগোস্বামী মহাশয় শিষ্যশাখা-সমন্বিত হইয়া বেদীর এক পার্শ্বে বসিয়া আছেন। আমি তদানীন্তন স্নানবেদীর দৃশ্য দেখিয়া যারপর নাই মোহিত হইলাম এবং ভগবান্কে পুনঃ পুনঃ প্রণিপাত করিয়া একটু জনতা খামিলে বাসায় আসিয়া মাধ্যাহ্নিক আহার সম্পন্ন করিলাম। অপরাহ্নে পুনরায় মন্দিরে গেলাম। জগন্নাথের বর্তমান মন্দির হিন্দুজাতির এক অদ্ভুতকীর্তি। মন্দির-প্রাঙ্গণ দৈর্ঘ্যে পূর্ব পশ্চিমে ৬৬২ ফিট ও প্রস্থে উত্তর দক্ষিণে ৬৪৪ ফিট। ইহার চারিদিক প্রস্তরনির্মিত প্রাচীরে বেষ্টিত। মন্দিরের চারিটা দ্বার, পূর্বদিকে সিংহ-দ্বার, ইহা কৃষ্ণবর্ণ পাষাণে নির্মিত। এই দ্বারের কারু-কার্য অতিচমৎকার। ইহার কপাট শালকাষ্ঠের এবং ইহার ছাদ চূড়াকারে নির্মিত। ছুই পার্শ্বে ছুইটা সিংহমূর্তি এবং দ্বারদেশে জয় ও বিজয়ের মূর্তি আছে। এই দ্বারের সম্মুখে ৪৪ ফিট উচ্চ এক অরুণস্তম্ভ বিরাজমান। পশ্চিমে খজাদ্বার, ইহাতে কোন মূর্তি নাই। উত্তরে হস্তিদ্বার, এই দ্বারে এক হস্তিমূর্তি বিষ্ণু-মান। আর দক্ষিণে অশ্বদ্বার, ইহাতে এক অশ্বের মূর্তি রহিয়াছে। পূর্বদ্বারে প্রবেশ করিয়া বামভাগে কাশীবিষ্ণু-নাথ ও রামচন্দ্র-মূর্তি দেখিতে পাওয়া যায়। প্রাঙ্গণের মাঝখানে জগন্নাথের মূলমন্দির, তাহার সম্মুখে মা মোহন, মোহনের সম্মুখে নাটমন্দির। উহার পূর্বভাগে ভোগ-মণ্ডপ। ভোগমণ্ডপের দেয়ালে অনেক কারুকার্য আছে

এবং এমন সকল অশ্লীল মূর্তি আছে যে, দেখিলে লজ্জায় অধোবদন হইতে হয়। এই ভোগমন্দিরের দ্বারের উপরিভাগে অতিমনোহর নবগ্রহ-মূর্তি বিরাজিত। অনেক ক্ষণ মন্দিরের প্রাঙ্গণে ঘুরিয়া নানাবিধ দৃশ্য দেখিলাম। স্নানযাত্রার দিন ভোগ হইতে বড় দেরী হয়। আজ স্নান বেদীতেই ভোগ হইবে, স্ততরাং সন্ধ্যাকালে ভোগ দেখিবার জন্ম অত্যন্ত জনতা হইল। পোলিশ-প্রহরিগণ শাস্তিরক্ষা করিতে লাগিল। শোওয়ারগণ যেই ভাবে ভাবে অন্ন ব্যঞ্জন আনিয়া স্নানবেদীতে রাশীকৃত করিতে লাগিল, অমনি আকাশে ভয়ানক মেঘ হইল। তখন রাত্রি প্রায় নয় ঘটিকা, অনেকে এমন কি সমাগত যাত্রিগণের প্রায় তৃতীয়াংশ ভোগের প্রতীক্ষায় অনাহারে আছে। অনেক ছুঃস্থ এবং ভিক্ষার্থী, ধনী এবং জমিদারগণের দাতব্য প্রসাদের জন্ম ব্যাকুলচিত্তে অপেক্ষা করিতেছে। যেক্রম মেঘ গর্জন হইতে লাগিল, তাহাতে ভোগ বৃদ্ধি হয় না, ক্ষুধার্ত যাত্রিগণ কাতরভাবে বলিতে লাগিল “হা ভগবন্ হে মহাপ্রভো! তোমার নামে থাকিয়া আমরা অনাহারে দিন যাপন করিব, আমরা কোন্ পাপে তোমার প্রসাদে বঞ্চিত হইব?” যদিও বহু ভোগ আসিয়াছে, এখন অনায়াসে ভোগক্রিয়া সম্পন্ন হইতে পারে কিন্তু পাণ্ডারা তাহা করিতে দিবে কেন? তাহারা সমাগত যাত্রিগণের নিকট হইতে বহু টাকা গ্রহণ করিয়া ভোগ প্রস্তুত করিয়াছে। সে সমুদয় জগন্নাথের সম্মুখে না আসিলে ভোগ হইতে পারে না। কারণ যাহা জগন্নাথের সম্মুখে না আনা হইবে তাহা প্রসাদ নহে, উহা যাত্রিগণ বা অল্প কোন লোক গ্রহণ করিবে না। কাজেই সমুদয় অন্ন ব্যঞ্জন না পৌছা পর্যন্ত ভোগ হইল না। যেই সমুদয় পৌছিল অমনি ভোগের ছকুম হইল। পূজক কয়েকটা তুলসীপত্র প্রক্ষিপ্ত করিয়া স্বল্প কালের মধ্যে কার্য সম্পন্ন করিয়া দিলেন। তখন ভয়ানক গোল উপস্থিত হইল। কেহ প্রসাদ ত্রয় করিতে লাগিল, কেহ কেহ বহন করিয়া লইয়া যাইতে লাগিল, কোন কোন ক্ষুধার্ত যাত্রী ঐ স্থানে দাড়াইয়াই প্রসাদ ভক্ষণ করিতে লাগিল। ইহার মধ্যে মুসলধারে বৃষ্টি হইতে লাগিল, কে কোথায় যায়। পূর্ণিমা হইলেও আকাশ মেঘে আচ্ছন্ন, চতুর্দিকে গাঢ় অন্ধকার এবং

মহা জনতাও কোলাহল। পাণ্ডাগণ প্রসাদ ভাসিয়া যাইবে আশঙ্কায় হাঁড়ীর উপর হাঁড়ী স্থাপন পূর্বক উপরের হাঁড়ীর মুখ ঢাকিয়া মশাল হাতে চারিদিকে ঘিরিয়া দাঁড়াইল। আমরা তাড়াতাড়ী আসিতে পথি-পার্শ্বস্থ একটা ঘরের বারান্দায় আশ্রয় লইলাম। জগন্নাথের ভোগ বাহারা পাক করে এবং বহন করে উহাদের নাম শোওয়ার বা দৈতাপতি। দৈতাপতিগণ যথার্থ দৈতাপতিই বটে। উহারা এক এক ব্যক্তি ছুই তিন মণ প্রসাদ বাঁকের সাহায্যে স্কন্ধে করিয়া মশাল হাতে সেই জলের মধ্যে উন্নতানত পিচ্ছিল পথে দ্রুত বেগে ধাবিত হইতে লাগিল। বাসায় আসিয়া জানিলাম, আমাদের প্রসাদও পৌছিয়াছে। মহাপ্রসাদ ভোজনে বর্ণভেদ নাই। অনেকগুলি বাঙ্গালীও উৎকলবাসী একত্র মহাপ্রসাদ গ্রহণ করিয়া কৃতার্থ হইলাম। পরদিন প্রত্যুষে শ্রাদ্ধীয় দ্রব্য লইয়া মন্দির হইতে প্রায় এক কোশ দূরে ইন্দ্রছায়সরোবরে গমন করিলাম। কথিত আছে;—রাজা ইন্দ্রছায়ের যজ্ঞের স্মৃত হইতে এই সরোবরের উৎপত্তি হইয়াছে। এখানে স্নান সন্ধ্যা তর্পণও শ্রাদ্ধ শেষ করিয়া সরোবর-তীরস্থ নৃসিংহ ও নীলকণ্ঠের মূর্তি সন্দর্শন করিলাম। তাহার পর, শ্রীমন্দিরে প্রবেশ করিয়া রত্নবেদীতে পূজা করিলাম। কথিত আছে, রত্নবেদীতে লক্ষ শালগ্রাম প্রতিষ্ঠিত আছেন। তখন জগন্নাথ বলরাম ও স্তভদ্রা মন্দিরের বাহিরে বিরাজমান, স্ততরাং লক্ষ্মী বিশ্বধাত্রী ও মাধবের অর্চনা করিয়া সেখান হইতে বাহির হইতে হইল। তৎপরে যথাক্রমে মন্দিরের চতুর্দিক্গবর্তী, বদরীনারায়ণ, মার্কণ্ডেয়েশ্বর, বটেশ্বর, নরসিংহ, অষ্টশক্তি, বিমলাদেবী, গণেশ, ভূষণীকাক, রাধাকৃষ্ণ, গোপীনাথ, লক্ষ্মী, সর্ব-মঙ্গলা, সূর্য্যনারায়ণ, রাধাশ্যাম প্রভৃতি বহু দেবদেবী-মূর্তির যথাশক্তি প্রদক্ষিণ প্রণাম ও অর্চনা করিয়া প্রায় ১২টার সময় বাসায় গমন করিলাম। আহারান্তে শামবাবুর সহিত প্রথমে বৈকুণ্ঠ নামক স্থান দর্শন করিতে গেলাম। উহা শ্রীমন্দিরের অতিসম্মিহিত এবং লতাগুল্ম-পরিবৃত। একটা দ্বিতল গৃহ আছে। ঐ গৃহ-মধ্যে জগন্নাথের নবকলেবর প্রস্তুত করা হয়। দ্বাদশ বর্ষান্তে জগন্নাথের পুরাতন দেহ এই বনে পরিত্যক্ত হয় এবং নবকলেবর শ্রীমন্দিরে মহাসমারোহে প্রতিষ্ঠিত করা

হইয়া থাকে। ঐ স্থান হইতে পাকশালা সন্দর্শন করিতে গেলাম। গবাক্ষপথে শ্রেণীবদ্ধ অসংখ্য চুল্লী সন্দর্শন করিলাম। চুল্লীর উপরে স্তরে স্তরে হাঁড়ী সাজান হয়। স্তরতঃ এককালে বহু পরিমাণে অন্ন ব্যঞ্জন প্রস্তুত হইয়া থাকে। তাহার পর, আমরা গুণ্ডিচাবাড়ী সন্দর্শন করিলাম। এই স্থানটী শ্রীমন্দির হইতে প্রায় দুই মাইল দূরে অবস্থিত। কথিত আছে;—রাজা ইন্দ্রছায়েয় গুণ্ডিচা নাম্নী এক পাটরাণী ছিলেন, তাঁহারই নামানুসারে ঐ মন্দির প্রতিষ্ঠিত করা হইয়াছে। এখানেও মূলমন্দির, নাটমন্দির ও ভোগ মণ্ডপ আছে। রথযাত্রার সময়ে জগন্নাথ ঐ মন্দিরস্থ রত্নবেদীতে সাতদিন অবস্থান করেন। দারুব্রহ্ম সিংহদ্বার দিয়া মন্দিরাভ্যন্তরে প্রবেশ করেন ও বিজয় দ্বার দিয়া নির্গত হন। আগমন কালে যমেশ্বরের মন্দির, অলাবুকেশ্বরের মন্দির ও কপালমোচনের মন্দির সন্দর্শন করিয়া অপরাহ্নে বাসস্থানে প্রত্যাগত হইলাম। পরদিন প্রাতঃকালে মার্কেণ্ডেশ্বরের স্নান করিতে গেলাম। এই সরোবরও অতিপ্রাচীনও প্রসিদ্ধ। এখানেও বহু নরনারীর সমাগম হইয়াছে দেখিলাম। বিশেষ সঙ্গম পাঠপূর্বক স্নান ও সন্ধ্যা শেষ করিয়া সরোবরের মধ্যস্থ কালিয়-সর্পের ফণার উপস্থিত বংশীধর কৃষ্ণমূর্ত্তি সন্দর্শন করিলাম। তাহার পর, তীরস্থ মার্কেণ্ডেশ্বরের মন্দিরে আন্তনাথ, হরপার্বতী, কার্তিকেশ্বর, পঞ্চপাণ্ডবলিঙ্গ ও যজ্ঞীমাতা প্রভৃতির সন্দর্শনও প্রণামাদি করিয়া সরোবরের উত্তর ভাগস্থ অপর একটা মন্দিরে গমন করিলাম। সেখানেও চতুর্ভূজা, সপ্তমাতৃকা, গণেশ, নবগ্রহ ও নারদের প্রস্তরময়ী মূর্ত্তি বিরাজমান। ঐ সকল সন্দর্শন শেষ হইলে প্রত্যাবৃত্ত হইলাম। পুরুষোত্তমক্ষেত্রে নানা সম্প্রদায়ের অনেক গুলি মঠ আছে। স্থানীয় লোকের মুখে শুনা যায়, উহার সংখ্যা প্রায় ৭৫০ হইবে। তন্মধ্যে বালুসাহীর শঙ্করমঠ, নিমাইচৈতন্যের মঠ, নানকসাহী-মঠ, কবীরপন্থী-মঠ ও মূলকদাসের মঠই প্রধান ও প্রসিদ্ধ। বাসায় আসিয়া বস্ত্র পরিবর্তনপূর্বক শ্রীমন্দিরে রত্নবেদী প্রদক্ষিণ করিয়া মঠসমূহ দর্শনার্থ চলিলাম। সঙ্গে সেই পরম বৈষ্ণব বৃদ্ধনাজির শ্রামবাবু। এক একটা মঠ অতি-বৃহৎ। উহাতে নানাবিধ দেবমূর্ত্তি প্রতিষ্ঠিত আছেন।

ঐ সকল মঠে ভারতীয় সর্বসম্প্রদায়ের সাধু সন্ন্যাসীরই দর্শন পাওয়া যায়। উক্ত সন্ন্যাসীদের মধ্যে জ্ঞানী লোকও অনেক আছেন। দুই এক স্থলে উপনিষৎ ও বেদান্তের চর্চা হইতেছে দেখিলাম। প্রায় সকল মঠেই ভগবদ্-গীতার আলোচনা চলিতেছে। মঠের অধিকাংশ অতিশিষ্ট ও মিষ্টভাষী। যেখানে উপস্থিত হইতে লাগিলাম, সেখানেই বৃদ্ধনাজির আমাকে সংস্কৃতবিৎ পণ্ডিত বলিয়া পরিচিত করিয়া দিতে লাগিলেন। মঠাধিকাংশ আমার অত্যন্ত আদর যত্ন করিতে লাগিলেন। আর প্রত্যেক মঠেই মধ্যাহ্ন আহারের জন্ত অনুরুদ্ধ হইতে লাগিলাম। অনেক করিয়া উল্লিখিত অভ্যর্থনার প্রত্যাখ্যান করিতে হইল। মঠস্বামিগণ মঠের দেবমূর্ত্তি ও অতিথি সেবার জন্ত সঙ্কিত দ্রব্যাদি দেখাইতে লাগিলেন। ঐ সমুদয় দেখিয়া বিস্মিত হইলাম। এক এক মঠে গোলা-পরিপূর্ণ ধাতু ও সহস্র সহস্র বস্তা তড়ুল বুঁট, মটর, অরহর প্রভৃতি পর্বতাকারে সঙ্কিত রহিয়াছে। মিষ্ট কুস্মাণ্ডের ত সংখ্যাই নাই। ভারতীয় রাজত্ববর্গের দানশীলতায়ই এই সকল মঠের বিপুল ব্যয় নির্বাহ হইয়া থাকে। প্রত্যেক মঠেরই মফস্বলে দেবোত্তর ভূমি আছে। একজন মঠের কস্মচারী বলিলেন “আমাদের মঠে ও ইহার মফস্বল কাছারীতে যে ধাতু চাউল ও অগ্নাশ্রয় সঙ্কিত আছে, যদি উড়িয়ায় ছুর্ভিক্ষ হয়, তাহা হইলে আমরা এই সকল খাত্তদ্বারা পুরীজেলার সমুদয় অধিবাসীকে এক বৎসর বাঁচাইয়া রাখিতে পারি।” পূর্বেই লিখিয়াছি (অনেক মঠে অনেক জ্ঞানী সাধু আছেন, তাঁহাদের সহিত সংস্কৃত ভাষায় আলাপ হইল)। কিন্তু মঠাধ্যক্ষগণ প্রায়ই সংস্কৃতবিৎ নহেন, তাঁহারা দারপরিগ্রহ-বিমুখ হইলেও পাকা বৈয়্যিক! কি করসংগ্রহে, কি কুসীদব্যবহারে অথবা ধর্ম্মাধিকরণে মোকদমার তত্ত্বাবধানে কিছুতেই অকৃতী নহেন। তাঁহাদের আসন, শয্যা, পরিচ্ছদ রাজোচিত। বহুমূল্যের পর্যাক্ষ, গদী, মশারি এবং উপাদেয় খাত্ত ও অসংখ্য দাস দাসীর সেবাতৎপরতা দেখিলে রাজভোগ ও তুচ্ছ বোধ হয়। ভ্রমণ করিতে করিতে মূলকদাসের মঠ উপস্থিত হইলাম। এখানে বাসুদেব নামক একটি সাধুর সহিত সাক্ষাৎ হইল। উপস্থিত হইবামাত্র তিনি স্থললিত সংস্কৃত-ভাষায় সম্ভাষণ করিলেন। আমি যখন উপস্থিত

হইলাম, তখন তিনি ভগবদ্গীতা অধ্যাপন করাইতে- ছিলেন। অনেকগুলি বিদ্বান্ধী তাঁহাকে বেষ্টন করিয়া- ছিল। অনেকক্ষণ সংস্কৃত-ভাষায় ভগবদ্গীতার দ্বাদশ অধ্যায়ের ভক্তিব্যোগ সম্বন্ধে পরস্পর কথোপকথন হইল। তিনি স্বন্দপুরাণের উৎকলখণ্ডাস্তর্গত “পুরুষোত্তম-মহাত্মা” নামক একখানি সংস্কৃত গ্রন্থ আমাকে উপহার প্রদান করিলেন। আমি উক্ত পুস্তকখানি প্রাপ্ত হইয়া অত্যন্ত সন্তোষ প্রকাশপূর্বক তাঁহাকে সাধুবাদ প্রদান করিলাম। এই মহাত্মার মধুর ব্যবহার ও বিশ্বজনীন প্রীতি দেখিয়া আমি মুগ্ধ হইলাম। বস্তুতঃ যথার্থ সাধুপুরুষদের সহিত মৈত্রীলাভ অতি সহজ। কারণ তাঁহারা পৃথিবীর সকলকেই যেন কেমন এক প্রকার প্রীতির চক্ষে দেখেন! পণ্ডিত বাসুদেবের বয়স তখন ত্রিশং বৎসরের কিছু ন্যূন হইবে, সমবয়স্ক বলিয়াই হউক অথবা উভয়েই সংস্কৃতশাস্ত্র-ব্যবসায়ী বলিয়াই হউক তিনি আমার প্রতি আশাতীত দৌহৃৎ প্রদর্শন করিতে লাগিলেন। বলিলেন “আমি আপনাকে একমাস যাইতে দিব না, এই মঠে আপনাকে থাকিতে হইবে”। আমি পরদিন পুরীধাম ত্যাগ করিব শুনিয়া দুঃখিত হইলেন। তাহার পর, আহারের অনুরোধ। যখন শুনিলেন আমি মঠে মধ্যাহ্ন আহার করিব না, তখন কয়েকটি উৎকৃষ্ট মিষ্টান্ন ও প্রচুর মোহনভোগ আনিয়া বলিলেন “মহাপ্রসাদ গ্রহণ করাইতে আমি তোমার সম্মতির অপেক্ষা করিব না,” বলিয়া মোহনভোগ ও মিষ্টান্ন মুখে তুলিয়া দিলেন। অগত্যা আমি কিঞ্চিৎ গ্রহণ করিয়া হিন্দুস্থানী সাধু পণ্ডিত বাসুদেবের নিকট বিদায় লইয়া শ্রামবাবুর সহিত বাসায় আগমন করিলাম। ঐদিন সায়াহ্নে সমুদ্রতীরে ভ্রমণ করিতে গিয়া পুরীর আদালত ও অগ্নাশ্রয় রাজ-কার্যালয় দেখিয়া আসিলাম। জলধিতীর হইতে সেই অল্লেখ্য শ্রীমন্দিরের দৃশ্য যে কি মনোহর দেখায়, উহা না দেখিলে হৃদয়ঙ্গম করা অসাধ্য। বস্তুতঃ যে মহারাজ প্রথম অর্ধবতীরে এই মন্দির প্রতিষ্ঠা করেন, তাঁহার যে কি অসাধারণ সৌন্দর্য-নির্বাচন-শক্তি ছিল, তাহা বর্ণনা করা অসম্ভব।

উপসংহারে বক্তব্য এবার পুরুষোত্তম-ক্ষেত্রের ঐতিহাসিক বিষয় কিছুই বলা হইল না। পরবর্তী প্রবন্ধে বৈষ্ণবধাম পুরুষোত্তম-ক্ষেত্র ও শৈবধাম ভুবনেশ্বর-ক্ষেত্রের

যথার্থ ইতিহাস ও প্রত্নতত্ত্বের আলোচনা করিতে চেষ্টা করিব।

শ্রীশরচ্চন্দ্র শাস্ত্রী।

বঙ্কে বর্গীর হাজামা।

দ্বিতীয় প্রস্তাব।

(১৩১০ সালের মাঘ-ফাল্গুন সংখ্যার ৪৩৩ পৃষ্ঠার পর।)

বড় আশা করিয়াই নবাব সৈয়দ কাটোয়ায় উপস্থিত হইল। কাটোয়া হইতে মুর্শিদাবাদ কেবলমাত্র দুইদিনের পথ, এখানে ততটা শত্রুভয় না থাকিবারই কথা,—কয়েক-দিন উপবাস অনশনে তৃণশয্যায় কাটাইবার পর কাটোয়ায় সেই শ্রমাপনোদনের পূর্ণ আশা ছিল, কিন্তু সে আশা মিটিল না—নবাব সৈয়দের প্রতি এখন বিধাতা বাম, তাহাদের অদৃষ্টচক্রে সূখের আবর্তন ঘটয়া উঠে নাই; অতএব সূখের আশা বিড়ম্বনাময়ী—তাহারা কাটোয়া পৌঁছিয়াই শুনিল মহারাজার কাটোয়া ও তৎসম্বন্ধিত গ্রাম ও পল্লী লুণ্ঠন করিয়া চলিয়া গিয়াছে; বহু স্থান দখল করিয়া ফেলিয়াছে—চারিদিকে হাহাকার শব্দ উঠিয়াছে। এই দৃশ্য দর্শনে নবাব আত্মহারা হইলেন—আপনার দুঃখ কষ্ট সমস্তই বিস্মৃত হইলেন, ক্রোধে তাঁহার সর্বশরীর জ্বলিতে লাগিল। কাটোয়াবাসীর দুঃখ দর্শনে তাঁহার চক্ষে অশ্রুবারা বহিল—ভাবিতে লাগিলেন, কিরূপে ছুরাঙ্গাদিগের দণ্ডবিধান হয়। বড় বড় মরায় বড় বড় ধানের গোলা পুড়িয়া ছাই হইয়া গিয়াছে—লক্ষ লক্ষ লোকের অন্ন সংস্থান একজনেরও ক্ষুণ্ণিত্ব করিতে পারিল না। নবাব কাটোয়ার দুর্গে উপস্থিত হইয়া আপন অগ্রজ ও ভ্রাতৃপুত্রকে মুর্শিদাবাদে আপনার অবস্থার আনুপূর্বিক সমস্ত কথাই লিখিয়া পাঠাইলেন; তাঁহারা যেন বিশেষ সতর্কতায় সহিত রাজধানী রক্ষা করেন, যেন কোন মতে মুর্শিদাবাদের শাস্তি নষ্ট না হইতে পায়, আর সৈয়দ আহম্মদ খাঁ বাহাতে অবিলম্বে প্রচুর পরিমাণ খাত্ত দ্রব্য

হস্তগত হইলে তাহাদিগকে সেখানকার সর্বসর্বা করিবার লোভ প্রদর্শিত হইল। তাহারা সম্পূর্ণরূপে মীর হবিবের করতলে আসিল, ষড়যন্ত্র ঠিক হইল—তাহা মহারাষ্ট্রীয় সেনাপতির কর্ণগোচর হইল। শীঘ্র রাও নামে এক জন মহারাষ্ট্রীয় সর্দার কতকগুলি সৈন্য লইয়া এক দিন মীর হবিবের সঙ্গে চলিল। মীর হবিব তাহাদিগকে হুগলীর অনতিদূরে লুক্কানিত রাখিয়া আপনি পনের জন মাত্র অশ্বারোহী সমভিব্যাহারে রাত্রিকালে হুগলী নগরে প্রবিষ্ট হইয়া ষড়যন্ত্রকারী আবুল হোসেও আবুল কাশেমকে ডাকিয়া পাঠাইল, তাহারা সানুচর মীর হবিবকে লইয়া হুগলীর দুর্গ দ্বারে উপস্থিত হইল, মীর হবিব কিয়ৎকালের জন্ত আশ্রয় গোপন করিল। তখন দুর্গের দ্বার রুদ্ধ হইয়াছিল, মুসলমান মহাজনেরা বলিয়া পাঠাইলেন, ফৌজদারের সহিত তাঁহারের সাক্ষাৎ করিবার বিশেষ প্রয়োজন আছে। আবুল হোসেন ও আবুল কাশেম তাঁহার পরিচিত বন্ধু—সময়ে অসময়ে তাঁহার সহিত সাক্ষাৎ করিতে পায়, অতএব এরূপ স্থলে তাঁহাদিগকে দুর্গ দ্বার উন্মুক্ত করিয়া দিবার পক্ষে ফৌজদার কিছুমাত্র আপত্তি বোধ করিলেন না। দুর্গ দ্বার খুলিয়া দিবার সংবাদ পাইবামাত্র মীর হবিব শীঘ্র রাওকে অগ্রসর হইবার কথা বলিয়া পাঠাইল। এদিকে দুর্গদ্বার উদ্ঘাটিত হইবামাত্র মীর হবিব সানুচর দুর্গে প্রবিষ্ট হইয়া ফৌজদারকে বন্দী করিল, তৎপরক্ষণেই সসৈন্তে শীঘ্র রাওয়ের দুর্গ প্রবেশ—হুগলীর মসনদে মীর হবিবের উপবেশন যেন ভোজবাজির শ্রাং নিমেষ মধ্যে সাধিত হইল। সেই গভীর নিশিথে হুগলীর দুর্গে মহারাষ্ট্রীয় পতাকা উড্ডীন হইল। হুগলীতে বর্গীর হুজুক হইল। পর দিন প্রাতঃকালে নগরবাসিগণ মহারাষ্ট্রীয় প্রাধান্য স্বীকার করিয়া অবনত মস্তকে মীর হবিবকে নজর দিতে লাগিল। ইহাও উপরি উক্ত দুই জন মুসলমানের কৌশল। এই সময়ে হুগলী বাঙ্গালা দেশের মধ্যে সমধিক সমৃদ্ধিশালি নগর ছিল। সপ্তগ্রামের অধঃপতনে হুগলীর সৌভাগ্য সুপ্রসন্ন হইয়াছিল। কাবুল, কান্দাহার ও পারস্য প্রভৃতি দেশ হইতে বড় বড় ধনী মহাজন বাণিজ্য ব্যবসায়ের জন্ত হুগলীতে আসা যাওয়া করিতেন, অনেকে স্ত্রী পুত্র পরিজনবর্গে বেষ্টিত হইয়া তথায় বসবাসও করিতেন। ক্রমে ইংরেজ জাতিও শুভক্ষণে এই বাণিজ্য

উপলক্ষেই হুগলীতে পদার্পণ করিয়া আজি আসমুদ্র হিমাদ্রির একছত্রী হইয়া বসিয়াছেন। অতএব হিন্দুরাজ্যে সপ্তগ্রাম, মুসলমান রাজ্যে হুগলী এবং ইংরেজ রাজ্যে কলিকাতা বঙ্গের সর্ব প্রধান বাণিজ্য স্থান বলিতে হইবে।

হুগলী অধিকার করিয়া মহারাষ্ট্রীয় সেনাপতি সহজে বঙ্গদেশে পরিত্যাগে ইচ্ছুক হইলেন না। তিনি কাটোয়া রাজধানী করিয়া রীতিমত রাজস্ব আদায় করিবার সঙ্কল্প করিলেন। মীর হবিব তাঁহার প্রধান মন্ত্রীত্ব পরিগ্রহ করিল; সে কখন হুগলীতে কখন কাটোয়ার অবস্থিতি করিবে ইহাই স্থিরীকৃত হইল। নবাব আলিবর্দি খাঁ দেখিলেন—পূর্ণ এক বৎসর কাল যুদ্ধ বিগ্রহে লিপ্ত থাকিয়া তাঁহার সৈন্য সংখ্যা কমিয়া গিয়াছে, সমর-ক্লিষ্ট সেনাগণ অনেকেই অসুস্থ, অধিকন্তু বর্ষা নিকট—এ সময়ে মহারাষ্ট্রীয়দিগকে বঙ্গদেশ হইতে দূরীকৃত করা সহজ সাধ্য নহে। অতএব বৃথা সৈন্য ক্ষয়ে বলহীন হইবার প্রয়োজন নাই—বর্ষাকালে নিশ্চেষ্টভাবে থাকাই শ্রেয়ঃ এই ভাবিয়া তিনি মুর্শিদাবাদের অদূরবর্তী আমানিগঞ্জ ও তারকপুরে আসিয়া অবস্থিতি করিতে লাগিলেন। ক্রমে বর্ষা উপস্থিত হইল—ভাগীরথী ছই কুল পূর্ণ করিয়া প্রবাহিত হইতে লাগিল, কাটোয়া হইতে মুর্শিদাবাদ পূর্বের শ্রাং সুগম রহিল না, ইহাতে মহারাষ্ট্রীয়দিগের যথেষ্ট স্তুবিধাই হইল। তাঁহারা স্তুবিধা পাইয়া বর্দ্ধমান, হুগলী ও মেদিনীপুরের সর্বত্র লুণ্ঠন আরম্ভ করিল। বালেশ্বর বন্দর তাঁহাদিগের হস্তগত হইল, উড়িষ্যার ডেপুটি গবর্নর মীর মাসম খাঁ প্রবলের প্রতিকূলাচরণ অর্থোক্তিক মনে করিয়া আপন রাজধানী পরিত্যাগ পূর্বক পার্শ্বত্যাগ প্রদেশ আশ্রয় করিলেন। এইরূপে বর্দ্ধমান, মেদিনীপুর, হুগলী রাজসাহীর কিয়দংশ, এমন কি রাজমহল পর্যন্ত মহারাষ্ট্রীয়দিগের হস্তগত হইল। কেবলমাত্র মুর্শিদাবাদ ও তৎসন্নিহিত গঙ্গার পার্শ্ববর্তী কতকগুলি গ্রাম নবাব আলিবর্দি খাঁর বশীভূত রহিল। মুর্শিদাবাদবাসীরা কখন এরূপ অত্যাচার উৎপীড়ন সহ্য বা কখন ঈদৃশ অরাজকতা প্রত্যক্ষ করেন নাই। তাঁহাদের অনেকেই এখানে বসবাস করা আর নিরাপদ বোধ করিলেন না। যাহাদিগের ধন সম্পত্তির সমধিক খ্যাতি ছিল, এরূপ ঋদ্ধিমান


অনেক গৃহস্থ এই সময়ে বড় গঙ্গার পর পার্বর্তী ঢাকা, মালদহ, বোয়ালিয়া প্রভৃতি স্থানে স্ত্রী পুত্র পরিজনবর্গ লইয়া পলায়ন করিলেন, এবং সেই সকল স্থানেই বসবাস করিতে লাগিলেন। ডেপুটি গবর্নর নিবাইশ মহম্মদ খাঁ ও আপনার স্ত্রী পুত্র পরিজনগণকে নিকটে রাখিলেন না, মুর্শিদাবাদ হইতে এক দিনের পথ গোদাবাড়ী নামক স্থানে ঘর বাড়ী প্রস্তুত করিয়া তাহাদিগকে তথায় পাঠাইয়া দিলেন। আলিবর্দি খাঁর যে কিছু ধন সম্পত্তি ছিল তথায় স্থানান্তরিত করা হইল, নিবাইশ স্বয়ং পিতৃব্যের সহিত অবস্থিতি করিতে লাগিলেন। এই সময়ে পূর্ব স্বীকৃত দশ লক্ষ টাকা তাঁহারা আপনাদের সৈন্য ও সেনাগতিগণকে বিভাগ করিয়া দিলেন। তাঁহাদের মনে যে একটা অশান্তি জন্মিয়াছিল, তদ্বারা তাহার অপনয়ন হইল। সকলেরই সহিত পূর্ব সৌহার্দ্য পুনঃ সংস্থাপিত হইল। সেনাপতিগণের মধ্যে যিনি যেমন উপযুক্ত তাঁহাকে তদ্রূপ উপাধিতে ভূষিত করিয়া নবাব তাঁহাদের সমধিক প্রীতিবর্দ্ধন করিলেন। সকলেরই অধীন সৈন্য সংখ্যা বৃদ্ধি করা হইল। নবাব যে হস্তীতে আরোহণ করেন, তাহার আশে পাশে থাকিবার জন্ত কতকগুলি হস্তীকে সুশিক্ষিত করা হইল। সৈনিক বিভাগের যে যে ক্রটি ছিল, সমস্তই সংশোধন করিয়া ধৈর্য ধারণে নবাব বর্ষাবসানের অপেক্ষা করিতে লাগিলেন।

এই বিপত্তির সময় সংবাদ আসিল যে মুরিদ খাঁ নামা জর্নৈক কর্মচারী দীল্লি হইতে বঙ্গদেশের বাকী রাজস্ব আদায় করিবার জন্ত মুর্শিদাবাদ আসিতেছেন। যাবৎ মারহাট্টা বিগ্রহের অবসান না হয় তাবৎ তাঁহাকে আজি-মাবাদে অবস্থিতি করিবার জন্ত লিখিয়া নবাব সম্রাট মহম্মদ সাহকে ও জানাইলেন যে “আজি কালি মুর্শিদাবাদ যুদ্ধ বিগ্রহের লীলাক্ষেত্র, মারহাট্টাদের উপদ্রবে সকলেই বিব্রত ও ব্যতিব্যস্ত, এ সময় বাকী রাজস্ব দেওয়া একবারে অসম্ভব ও সাধ্যাতীত। ঈশ্বরাল্লুগ্রহে এ বিপদ চিরস্থায়ী হইবে না, ছুরাআদিগের দমন হইবে। তবে এই দুঃসময়ে আমার সাহায্যার্থ কোন উপযুক্ত ব্যক্তিকে এখানে পাঠাইয়া দেওয়া আপনার কর্তব্য। কি জানি, যদি উপস্থিত যুদ্ধে আমার জীবনেই কোন দুর্ঘটনা ঘটে, দৈবের কথা কে বলিতে পারে, তাহা হইলে আপনার

প্রভূত ক্ষতি হইতে পারে। জানিবেন, ইহা আপনারই মঙ্গলের জন্ত লিখিতেছি।” দিল্লীর সম্রাট এই পত্র পাইবামাত্র তাঁহার সাহায্যার্থ অধোধ্যার নবাবের জামতা এবং উত্তরাধিকারী আবুল মনসুর খাঁকে স্বহস্তে লিখিয়া পাঠাইলেন যে, বঙ্গদেশে তাঁহার রাজ্যের সন্নীপবর্তী, অধিকন্তু তাঁহার অনেকগুলি সুশিক্ষিত সৈন্য ও ভাল তোপখানা আছে, অতএব অবিলম্বে বাঙ্গালা দেশে গিয়া নবাব আলিবর্দি খাঁর সাহায্যার্থ প্রস্তুত হওয়া কর্তব্য। তাঁহাকে শীঘ্র রওনা করিবার জন্ত সম্রাট আলাহাবাদের শাসনকর্তা আদীর খাঁকেও লিখিয়া পাঠাইলেন। অধিকন্তু তিনি বালাজী রাওকেও লিখিলেন যে, দিল্লীর রাজকোষ হইতে তিনি নিয়মিতরূপে চৌথ পাইয়া থাকেন, কিন্তু মারহাট্টা দস্যুগণ বঙ্গদেশে মহা উপদ্রব করিয়া সকলকেই বিব্রত করিয়া তুলিয়াছে, কাহারও ধন মান প্রাণ নিরাপদ নহে, অচিরে তাহার প্রতিকার না হইলে চৌথের টাকা মুসমা দিতে হইবে। তিনি স্বয়ং তথায় উপস্থিত থাকিয়া বিহিত উপায় অবলম্বন করিবেন।

অতঃপর নবাব তাঁহার ভ্রাতৃপুত্র আজিমাবাদের শাসনকর্তা ও তাঁহার প্রধান কর্মচারী আবদুল আলি খাঁকে লিখিয়া পাঠাইলেন যে, তাঁহারা যথাসম্ভব সৈন্য সামন্ত ও গোলাগুলি প্রভৃতি যুদ্ধোপকরণ লইয়া অবিলম্বে তাঁহার সাহায্যার্থ মুর্শিদাবাদে উপস্থিত হইয়ন। দুর্দান্ত মারহাট্টাদিগের হস্ত হইতে বঙ্গদেশকে রক্ষা করিতে না পারিলে কোন মতেই নিষ্কৃতি নাই—অতএব তজ্জন্ত প্রাণপণ করিতে হইবে। সেই পত্র মধ্যে তিনি স্বহস্তে এই কয়টা কথা লিখিয়াছিলেন—“বৃদ্ধ পিতৃব্যের মঙ্গলের জন্ত যদি তোমার কিছু কর্তব্য থাকে, তবে ইহা অপেক্ষা তাহার উপযুক্ত সময় আর নাই।”

শ্রী অম্বিকাচরণ গুপ্ত।



হস্তগত হইলে তাহাদিগকে সেখানকার সর্কেসর্কা করিবার শোভ প্রদর্শিত হইল। তাহারা সম্পূর্ণরূপে মীর হবিবের করতলে আসিল, ষড়যন্ত্র ঠিক হইল—তাহা মহারাজ্যীয় সেনাপতির কর্ণগোচর হইল। শীঘ্র রাও নামে এক জন মহারাজ্যীয় সর্দার কতকগুলি সৈন্য লইয়া এক দিন মীর হবিবের সঙ্গে চলিল। মীর হবিব তাহাদিগকে হুগলীর অনতিদূরে লুক্কায়িত রাখিয়া আপনি পনের জন মাত্র অস্বারোহী সমভিব্যাহারে রাজিকালে হুগলী নগরে প্রবিষ্ট হইয়া ষড়যন্ত্রকারী আবুল হোসেন ও আবুল কাশেমকে ডাকিয়া পাঠাইল, তাহারা সান্নুচর মীর হবিবকে লইয়া হুগলীর দুর্গ দ্বারে উপস্থিত হইল, মীর হবিব কিয়ৎকালের জন্ত আশ্রয় গোপন করিল। তখন দুর্গের দ্বার রুদ্ধ হইয়াছিল, মুসলমান মহাজনেরা বলিয়া পাঠাইলেন, ফৌজদারের সহিত তাঁহারের সাক্ষাৎ করিবার বিশেষ প্রয়োজন আছে। আবুল হোসেন ও আবুল কাশেম তাঁহার পরিচিত বন্ধু—সময়ে অসময়ে তাঁহার সহিত সাক্ষাৎ করিতে পায়, অতএব এরূপ স্থলে তাঁহাদিগকে দুর্গ দ্বার উন্মুক্ত করিয়া দিবার পক্ষে ফৌজদার কিছুমাত্র আপত্তি বোধ করিলেন না। দুর্গ দ্বার খুলিয়া দিবার সংবাদ পাইবামাত্র মীর হবিব শীঘ্র রাওকে অগ্রসর হইবার কথা বলিয়া পাঠাইল। এদিকে দুর্গদ্বার উদ্বাটিত হইবামাত্র মীর হবিব সান্নুচর দুর্গে প্রবিষ্ট হইয়া ফৌজদারকে বন্দী করিল, তৎপরক্ষণেই সসৈন্যে শীঘ্র রাওয়ের দুর্গে প্রবেশ—হুগলীর নগরমধ্যে মীর হবিবের উপবেশন যেন ভোজবাজির আশ্রয় নিমেষ মধ্যে সাধিত হইল। সেই গভীর নিশিখে হুগলীর দুর্গে মহারাজ্যীয় পতাকা উড্ডীন হইল। হুগলীতে বর্গীর হুজুক হইল। পর দিন প্রাতঃকালে নগরবাসিগণ মহারাজ্যীয় প্রাধান্য স্বীকার করিয়া অবনত মস্তকে মীর হবিবকে নজর দিতে লাগিল। ইহাও উপরি উক্ত দুই জন মুসলমানের কৌশল। এই সময়ে হুগলী বাঙ্গালা দেশের মধ্যে সমধিক সমৃদ্ধিশালি নগর ছিল। সপ্তগ্রামের অধঃপতনে হুগলীর সৌভাগ্য স্রষ্ট্রসম হইয়াছিল। কাবুল, কান্দাহার ও পারস্য প্রভৃতি দেশ হইতে বড় বড় ধনী মহাজন বাণিজ্য ব্যবসায়ের জন্ত হুগলীতে আসা যাওয়া করিতেন, অনেকে স্ত্রী পুত্র পরিজনবর্গে বেষ্টিত হইয়া তথায় বসবাসও করিতেন। ক্রমে ইংরেজ জাতিও শুভক্ষণে এই বাণিজ্য

উপলক্ষেই হুগলীতে পদার্পণ করিয়া আজি আসমুদ্র হিমাদ্রির একছত্রী হইয়া বসিয়াছেন। অতএব হিন্দুরাজ্যে সপ্তগ্রাম, মুসলমান রাজ্যে হুগলী এবং ইংরেজ রাজ্যে কলিকাতা বঙ্গের সর্ব প্রধান বাণিজ্য স্থান বলিতে হইবে।

হুগলী অধিকার করিয়া মহারাজ্যীয় সেনাপতি সহজে বঙ্গদেশ পরিত্যাগে ইচ্ছুক হইলেন না। তিনি কাটোয়া রাজধানী করিয়া রীতিমত রাজস্ব আদায় করিবার সঙ্কল্প করিলেন। মীর হবিব তাঁহার প্রধান মন্ত্রীত্ব পরিগ্রহ করিল; সে কখন হুগলীতে কখন কাটোয়ার অবস্থিতি করিবে ইহাই স্থিরীকৃত হইল। নবাব আলিবর্দি খাঁ দেখিলেন—পূর্ণ এক বৎসর কাল যুদ্ধ বিগ্রহে লিপ্ত থাকিয়া তাঁহার সৈন্য সংখ্যা কমিয়া গিয়াছে, সমরক্লিষ্ট সেনাগণ অনেকেই অসুস্থ, অধিকন্তু বর্ষা নিকট—এ সময়ে মহারাজ্যীয়দিগকে বঙ্গদেশ হইতে দূরীকৃত করা সহজ সাধ্য নহে। অতএব বৃথা সৈন্য ক্ষয়ে বলহীন হইবার প্রয়োজন নাই—বর্ষাকালে নিশ্চেষ্টভাবে থাকাই শ্রেয়ঃ এই ভাবিয়া তিনি মুর্শিদাবাদের অদূরবর্তী আমানিগঞ্জ ও তারকপুরে আসিয়া অবস্থিতি করিতে লাগিলেন। ক্রমে বর্ষা উপস্থিত হইল—ভাগীরথী দুই কুল পূর্ণ করিয়া প্রবাহিত হইতে লাগিল, কাটোয়া হইতে মুর্শিদাবাদ পূর্বের আশ্রয় স্থগম রহিল না, ইহাতে মহারাজ্যীয়দিগের যথেষ্ট স্তুবিধাই হইল। তাঁহার স্তুবিধা পাইয়া বর্দ্ধমান, হুগলী ও মেদিনীপুরের সর্বত্র লুণ্ঠন আরম্ভ করিল। বালেশ্বর বন্দর তাঁহাদিগের হস্তগত হইল, উড়িষ্যার ডেপুটি গবর্নর মীর মাসম খাঁ প্রবলের প্রতিকূলাচরণ অযৌক্তিক মনে করিয়া আপন রাজধানী পরিত্যাগ পূর্বক পার্শ্বত্যাগ প্রদেশ আশ্রয় করিলেন। এইরূপে বর্দ্ধমান, মেদিনীপুর, হুগলী রাজসাহীর কিয়দংশ, এমন কি রাজমহল পর্যন্ত মহারাজ্যীয়দিগের হস্তগত হইল। কেবলমাত্র মুর্শিদাবাদ ও তৎসন্নিহিত গঙ্গার পার্শ্ববর্তী কতকগুলি গ্রাম নবাব আলিবর্দি খাঁর বশীভূত রহিল। মুর্শিদাবাদবাসীরা কখন এরূপ অত্যাচার উপভোগ্য নহে বা কখন ঈদৃশ অরাজকতা প্রত্যক্ষ করেন নাই। তাঁহাদের অনেকেই এখানে বসবাস করা আর নিরাপদ বোধ করিলেন না। ষাঁহাদিগের ধন সম্পত্তির সমধিক খ্যাতি ছিল, এরূপ ষাঁহাদিগের


অনেক গৃহস্থ এই সময়ে বড় গঙ্গার পর পারবর্তী ঢাকা, মালদহ, বোয়ালিয়া প্রভৃতি স্থানে স্ত্রী পুত্র পরিজনবর্গ লইয়া পলায়ন করিলেন, এবং সেই সকল স্থানেই বসবাস করিতে লাগিলেন। ডেপুটি গবর্নর নিবাইশ মহম্মদ খাঁ ও আপনার স্ত্রী পুত্র পরিজনগণকে নিকটে রাখিলেন না, মুর্শিদাবাদ হইতে এক দিনের পথ গোদাবাড়ী নামক স্থানে ঘর বাড়ী প্রস্তুত করিয়া তাহাদিগকে তথায় পাঠাইয়া দিলেন। আলিবর্দি খাঁর যে কিছু ধন সম্পত্তি ছিল তথায় স্থানান্তরিত করা হইল, নিবাইশ স্বয়ং পিতৃব্যের সহিত অবস্থিতি করিতে লাগিলেন। এই সময়ে পূর্ব স্বীকৃত দশ লক্ষ টাকা তাঁহার আপনাদের সৈন্য ও সেনাগণগণকে বিভাগ করিয়া দিলেন। তাঁহাদের মনে যে একটা অশান্তি জন্মিয়াছিল, তদ্বারা তাহার অপনয়ন হইল। সকলেরই সহিত পূর্ব সৌহার্দ্য পুনঃ সংস্থাপিত হইল। সেনাপতিগণের মধ্যে যিনি যেমন উপযুক্ত তাঁহাকে তদ্রূপ উপাধিতে ভূষিত করিয়া নবাব তাঁহাদের সমধিক প্রীতিবর্দ্ধন করিলেন। সকলেরই অধীন সৈন্য সংখ্যা বৃদ্ধি করা হইল। নবাব যে হস্তীতে আরোহণ করেন, তাহার আশে পাশে থাকিবার জন্ত কতকগুলি হস্তীকে স্তুশিক্ষিত করা হইল। সৈনিক বিভাগের যে যে ক্রটি ছিল, সমস্তই সংশোধন করিয়া ধৈর্য ধারণে নবাব বর্ষাবসানের অপেক্ষা করিতে লাগিলেন।

এই বিপত্তির সময় সংবাদ আসিল যে মুর্শিদ খাঁ নামা জনৈক কাম্বোজী দীল্লি হইতে বঙ্গদেশের বাকী রাজস্ব আদায় করিবার জন্ত মুর্শিদাবাদ আসিতেছেন। যাবৎ মারহাট্টা বিগ্রহের অবসান না হয় তাবৎ তাঁহাকে আজিমাবাদে অবস্থিতি করিবার জন্ত লিখিয়া নবাব সন্ন্যাসী মহম্মদ সাহকেও জানাইলেন যে “আজি কালি মুর্শিদাবাদ যুদ্ধ বিগ্রহের লীলাক্ষেত্র, মারহাট্টাদের উপদ্রবে সকলেই বিব্রত ও ব্যতিব্যস্ত, এ সময় বাকী রাজস্ব দেওয়া একবারে অসম্ভব ও সাধ্যাতীত। ঈশ্বরানুগ্রহে এ বিপদ চিরস্থায়ী হইবে না, হুরাআদিগের দমন হইবে। তবে এই দুঃসময়ে আমার সাহায্যার্থ কোন উপযুক্ত ব্যক্তিকে এখানে পাঠাইয়া দেওয়া আপনার কর্তব্য। কি জানি, যদি উপস্থিত যুদ্ধে আমার জীবনেই কোন দুর্ঘটনা ঘটে, দৈবের কথা কে বলিতে পারে, তাহা হইলে আপনার

প্রভূত ক্ষতি হইতে পারে। জানিবেন, ইহা আপনারই মঙ্গলের জন্ত লিখিতেছি।” দিল্লীর সন্ন্যাসী এই পত্র পাইবামাত্র তাঁহার সাহায্যার্থ অযোধ্যার নবাবের জামতা এবং উত্তরাধিকারী আবুল মনসুর খাঁকে স্বহস্তে লিখিয়া পাঠাইলেন যে, বঙ্গদেশ তাঁহার রাজ্যের সমীপবর্তী, অধিকন্তু তাঁহার অনেকগুলি স্তুশিক্ষিত সৈন্য ও ভাল তোপখানা আছে, অতএব অবিলম্বে বাঙ্গালা দেশে গিয়া নবাব আলিবর্দি খাঁর সাহায্যার্থ প্রস্তুত হওয়া কর্তব্য। তাঁহাকে শীঘ্র রওনা করিবার জন্ত সন্ন্যাসী আলাহাবাদের শাসনকর্তা আমীর খাঁকেও লিখিয়া পাঠাইলেন। অধিকন্তু তিনি বালাজী রাওকেও লিখিলেন যে, দিল্লীর রাজকোষ হইতে তিনি নিয়মিতরূপে চৌথ পাইয়া থাকেন, কিন্তু মারহাট্টা দস্যুগণ বঙ্গদেশে মহা উপদ্রব করিয়া সকলকেই বিব্রত করিয়া তুলিয়াছে, কাহারও ধন মান প্রাণ নিরাপদ নহে, অচিরে তাহার প্রতিকার না হইলে চৌথের টাকা মুসমা দিতে হইবে। তিনি স্বয়ং তথায় উপস্থিত থাকিয়া বিহিত উপায় অবলম্বন করিবেন।

অতঃপর নবাব তাঁহার ভ্রাতৃপুত্র আজিমাবাদের শাসনকর্তা ও তাঁহার প্রধান কাম্বোজী আবদুল আলি খাঁকে লিখিয়া পাঠাইলেন যে, তাঁহার যথাসম্ভব সৈন্য সামন্ত ও গোলাগুলি প্রভৃতি যুদ্ধোপকরণ লইয়া অবিলম্বে তাঁহার সাহায্যার্থ মুর্শিদাবাদে উপস্থিত হইয়ন। দুর্দান্ত মারহাট্টাদিগের হস্ত হইতে বঙ্গদেশকে রক্ষা করিতে না পারিলে কোন মতেই নিষ্কৃতি নাই—অতএব তৎক্ষণ প্রাপ্যপন করিতে হইবে। সেই পত্র মধ্যে তিনি স্বহস্তে এই কয়টা কথা লিখিয়াছিলেন—“বৃদ্ধ পিতৃব্যের মঙ্গলের জন্ত যদি তোমার কিছু কর্তব্য থাকে, তবে ইহা অপেক্ষা তাহার উপযুক্ত সময় আর নাই।”

শ্রী অধিকাচরণ গুপ্ত।



পাহাড়ী বাবা।

দ্বাদশ পরিচ্ছেদ।

দুর্গাদাসের মাতুলের জ্ঞাতি ভ্রাতা ভৈরবচন্দ্র ঘোষাল মহাশয়ের নাম আমরা ইতঃপূর্বেই উল্লেখ করিয়াছি। কিন্তু সেগুলো তাঁহার সকল পরিচয় দেওয়া হয় নাই। দুর্গাদাস বাবুর সহিত বিবাহের উপযুক্ত কাল সম্বন্ধে যে কেবল তাঁহার মতের অনৈক্য ছিল, তাহা নহে। এই বিবাহ কার্যে তাঁহার উৎসাহের সীমা ছিল না। বিশেষতঃ কতাদায়ে ভারগ্রস্ত ব্যক্তির কতাদায় উদ্ধারের নিমিত্ত তিনি প্রাণপণে চেষ্টা করিতেন। এ সম্বন্ধে কেহ তাঁহার শরণার্থী হইলে, তখন ঘোষাল মহাশয়ের আহাৰ নিদ্রা বন্ধ হইয়া যাইত। আর কেবল কতাদায় কেন, কেহ কোনরূপ বিপদে পড়িয়া তাঁহার সাহায্য প্রার্থী হইলে তিনি যেরূপ উৎসাহের সহিত সে কার্যে প্রাণপণ করিতেন, যাহার কার্য্য সে ব্যক্তি নিজেও সেরূপ কষ্ট স্বীকার করিতে পারিত না। তবে অনেক সময় গুণ ও দোষে পরিণত হইয়া থাকে। ঘোষাল মহাশয় সময় সময় প্রায়ই পরের কার্য্য করিতে গিয়া নিজের কার্য্য ভুলিয়া যাইতেন।

এদিকে তাঁহার সাংসারিক অবস্থাও সেরূপ স্বচ্ছল ছিল না। যৎকিঞ্চিৎ পৈত্রিক আয় হইতে কোনরকমে অতি কষ্টে তাঁহার সংসার যাত্রা নির্বাহ হইত। কিন্তু সে পক্ষে ঘোষাল মহাশয়ের কোন লক্ষ্যই ছিল না।

যেদিন পাহাড়ী বাবা দুর্গাদাসের গৃহে পদার্পণ করিয়াছিলেন, তাহার পরদিন প্রাতঃকালে অতুলচন্দ্র ঘোষাল মহাশয়ের বাড়ী আসিয়া “ঠাকুর দাদা, ঠাকুর দাদা” বলিয়া ডাকিতে ডাকিতে একবারে অন্দরের ভিতর উপস্থিত হইলেন। ঘোষাল মহাশয় তখন সবেমাত্র সন্ধ্যাস্থিক শেষ করিয়া বাহির হইবার উদ্যোগ করিতেছিলেন। কিন্তু অতুলচন্দ্রকে দেখিয়া তাঁহার আর গন্তব্য স্থানে যাওয়া হইল না। তিনি আক্সাদে চীৎকার করিয়া উঠিলেন—“আরে নাতি যে—আজ সকাল বেলাই কি মনে করে নাতি?”

অতুলচন্দ্র উত্তর করিলেন—“সকাল বেলা আপনাকে ধরতে না পেলে ত, আর দেখা হবার যো নাই। সকাল বেলা এসে যে যে দিন আপনাকে ধরবে, সে দিনই আপনি তার। আমিও বিনা কাজে আসি নাই, আমারও হাতে কাজ আছে—সে জন্ত আপনার কোন চিন্তা নাই। এখন আপনার হাতে কারু বিবাহের ভার টার আছে কি? আচ্ছা ঠাকুর দাদা, ঘটকালী আপনার ব্যবসা নয়, কারু কাছ থেকে ঘটকালীর দরুণ এক পয়সাও গ্রহণ করেন না। তবে এত কাজট পোয়ান কি করে—এতে আপনার লাভ কি?”

ঘোষাল মহাশয় হাসিতে হাসিতে উত্তর করিলেন—“আরে ভাই, লাভ না থাকলে, কেউ কোন কাজ কি করে! অবশ্যই এতে আমার কিছু লাভ আছেই।”

অতুল। কি লাভটা শুনতে পাই না?

ঘোষাল। লাভের কল্প কি ভাই? সেই বর দেখা ক’নে দেখা আরম্ভ করে, গায়ে হলুদ, আইবুড়ো ভাত, বিয়ে, ফুলশয্যা, বউভাত প্রভৃতি পর্য্যন্ত এক একটা বিয়েতে কত লুচি সন্দেশ খাওয়া যায় বল দেখি। এটা কি লাভের মধ্যে নয়?

এমন সময় গৃহের মধ্য হইতে তাড়াতাড়ি বাহির হইয়া আমাদের ঘোষাল মহাশয়ের সহধর্মিণী কমলাদেবী কহিল—“ওহে ভাই, কেবল লুচিসন্দেশ খাওয়া নয়, তোমার ঠাকুর দাদার আরো কিছু লাভ হয়। সেটা পেট ভরে গাল খাওয়া। সেটা সেই লুচি সন্দেশেরই মতন কখন বরের পক্ষ থেকে হয়, কখন বা ক’নের পক্ষ থেকে হয়। আবার বরাং সুপ্রসন্ন হলে ছই পক্ষ থেকেও হয়।”

অতুলচন্দ্র কহিলেন—“তা ঠিক বলেছ ঠান্দিদি। লুচি সন্দেশে বরং অরুচি আছে, কিন্তু সে গালে আমার ঠাকুর দাদার কখনও অরুচি হয় না। বাস্তবিক ঠান্দিদি, আমার ঠাকুরদাদার মতন একজন পরোপকারী লোক আজকালের বাজারে দেখতে পাওয়া যায় না। এখন কতাদায়ইত একটা সর্বপ্রধান দায় হয়ে দাঁড়িয়েছে ভাই, ঠাকুরদাদা আমার কতাদায়গ্রস্ত ব্রাহ্মণের কতাদায় উদ্ধারের জন্ত ঘটকালী ব্যবসা ধরেছে। তবে ঠাকুরদাদার একটা বড় দোষ—বর্দ্ধমানের সেই প্রসিদ্ধ উকি-

লের মতন আসামীর পক্ষ ভিন্ন ফরিয়াদীর পক্ষ কখন ওকালৎনামা গ্রহণ করেন না। গরীব কতাদায়গ্রস্ত লোকের কতাদায় উদ্ধার ভিন্ন অত্র ঘটকালী ঠাকুরদাদার নাই। সেত ঘটকালী নয়—সে কেবল পরোপকার।”

তখন ঘোষাল মহাশয় যেন একটু বিরক্ত হইয়া কহিলেন—“দূর সালা, আমি তোদের মতন পরোপকার, দেশহিতৈষীতা, স্বার্থত্যাগ প্রভৃতি কখন শিখিও নাই—কখন জানিও নাই। আসল কথাই তাই—এতে মধ্যে মধ্যে আহারটা ভালরকমই চলে। তোমার ঠান্দিদির সেই একঘেয়ে খোড়বড়িখাড়া আর খাড়াবড়িখোড় কি রোজ মুখে ভাল লাগে?”

কমলা সে কথা শুনিয়া অতুলচন্দ্রকে কহিল—“তা ইনি এনে না দিলে, আমি কোথায় কি পাব বলত ভাই। উনি রাতদিন বাইরে বাইরে পরের কাজে যুব্বেন, এক পয়সা কখন রোজগারের চেষ্টা করবেন না, এদিকে নিজের সংসার হেজে যাক,—পুড়ে যাক, সেদিকে একবার ভুলেও চেয়ে দেখবে না। তা আমি ভালমন্দ খাওয়াই কোথা থেকে বল ভাই। আমার কি অসাধ—বা আমি রাঁধতে কাতর?”

তখন ঠাকুরদাদা হাসিতে হাসিতে কহিলেন—“অমন মাথায় মোট করে এনে দিলে, সবাই রাঁধতে পারে—সবাই খেতেও পারে। খা’কু ও সকল কথা এখন রাখ, তোমার কাজের কথাটা একবার বল দেখি শুন।”

কমলা তখন সেস্থান হইতে কার্য্যান্তরে চলিয়া গেল। অতুলচন্দ্র এক দীর্ঘনিশ্বাস ফেলিয়া কহিলেন—“এক অনাথা বিধবাকে কতাদায় থেকে আপনাকে উদ্ধার করতে হবে।”

কথাটা শুনিয়াই ঘোষাল মহাশয়ের প্রাণে কোথা হইতে একটা ভয়ঙ্কর উৎসাহের তরঙ্গ উঠিল। ঘোষাল মহাশয় তখন আগ্রহের সহিত কহিলেন—“কে সে অনাথা বিধবা ভাই?”

অতুলচন্দ্র উত্তর করিলেন—“আবার সে বিধবা কেবল কতাদায়গ্রস্ত নয়, একটা ভয়ঙ্কর বড়যন্ত্রের মধ্যেও পড়েছে। সে বিধবার গুরু একজন ভয়ঙ্কর কাপালিক, নিজেরই কোন কু-অভিপ্রায় চরিতার্থ করবার জন্যই এতদিন সে কতাদায়ের বিয়ে সেই গুরুই দিতে দেন নাই। কতাদায়

মা তখন গুরুর সে কু-অভিপ্রায় কিছুই বুঝিতে পারেন নাই। এখন বুঝতে পেরে গুরুর ভয়ে মেয়েটিকে নিয়ে এখানে পালিয়ে এসেছে, সেই বিধবা এখন আপনারই শরণাগত। এখন আপনি তাঁকে এই ছই বিপদ থেকে উদ্ধার করুন।”

ঘোষাল মহাশয় তখন বিস্মিতস্বরে কহিলেন—“সে কি কথা রে ভাই! একি সত্য ঘটনা না তুই কোন উপায়ে ঘটনার কথা বলছিস? এতো আর মগের মুলুক নয়—এটা ইংরেজ রাজত্ব। কোথায় সে বিধবা?”

অতুল। বিধবা আপনারই প্রতিবেসী ৬শিবনাথ চট্টোপাধ্যায়ের পত্নী বিমলা। আমি মহামায়ার বিবাহের কথা বলছি।

ঘোষাল। তাই ভাল—রক্ষা পাই। আচ্ছা পাহাড়ী বাবা বলে বিমলার গুরু ঠাকুরটি যিনি এসেছিল, অনেকের মুখে তাঁর স্মৃতিও ত শুনতে পাই। তিনি কি এ রকম ভয়ঙ্কর লোক? তবে কাপালিক বটে। শ্মশানে বাস, চিতাভস্ম গায়ে, গলায় কখন কখন হাড়ের মালা, কপালে অঙ্গারের দাগ, আর পরিধানে রক্তবস্ত্র, আর মুখে ‘তারা—তারা’ও আছে। এত কাপালিকেরই লক্ষণ। আর অত বড় আইবুড়ো মেয়ে যখন ঐ গুরুদেবই করে রেখে ছিল, তখন তাঁর উদ্দেশ্য আর জানতে হবে না। হাঁ ভাই,—আমার প্রাণটা কেমন করে উঠলো যে, তুমি চির-জীবী হয়ে বেঁচে থাক, এ একটা কাজের মতন কাজ বটে।

অতুল। আর এ কাজটি করলে, আমারও বিশেষ উপকার করা হবে।

ঘোষাল। না ভাই, তবে আমি এ কাজে নাই। উপকার টুপকার আমি কারু কিছু করতে পারবো না। হাঁ আর এক কথা—অতবড় ধেড়ে মেয়ের—দোজবরে—বোজবরে পাত্র না হইলে, বিয়ে হওয়াই ভার। কারণ প্রথম পক্ষের পাত্র তোমার কেউ রাজি হবে না।

অতুল। সে জন্য কোন চিন্তা নাই ঠাকুরদাদা। পাত্র তোমার ঠিকই আছে।

ঘোষাল। তবে সে পাত্রে মেয়ে দিতে পাত্রীর মার মত কি হয় না?

অতুল। পাত্রীর মার খুব মত আছে। আর পাত্র ও পাত্রী পরস্পরেরও মনের মতন হয়েছে।

ঘোষাল। তবে ত এ একখানা উপাখ্যানই বটে।

এখন বুঝি কেবল এক দেনাপাওনায় আটকাচ্ছে।

অতুল। তাতেও কিছু আটকাচ্ছে না।

ঘোষাল। তবে আর বাধাটা কি?

অতুল। আহা!দির উদ্যোগ সব ঠিক হয়ে রয়েছে, কেবল রেঁধে বেড়ে দেওয়া।

ঘোষাল। তবে আর আমার কাজ কি আছে ভাই? তোর ঠান্দিদিকে নিয়ে যা, ও মাগী এক জন পাকা রাঁধুনী—অনেক যজ্ঞিতে রেঁধেছে।

এই কথা বলিবার পর, হঠাৎ একটা কথা মনে পড়িলে যেরূপ ভাব হয়, সেইভাবে ঘোষাল মহাশয় কহিলেন—“আচ্ছা, পাত্রটি কে বন্দে দেখি।”

কিছুক্ষণ নীরব থাকিয়া অতুলচন্দ্র কহিলেন,—“পাত্র আমি।”

স্তম্ভিত হইয়া ঘোষাল মহাশয় একবার অতুলের আপাদ মস্তক নিরীক্ষণ করিলেন। তার পর ধীরে ধীরে কহিলেন “নাতি, এ কি সত্য না তামাসা?”

অতুলচন্দ্র কাঁদিতে কাঁদিতে তখন ঘোষাল মহাশয়ের চরণে পতিত হইয়া কহিলেন—“ঠাকুর দাদা, আমার প্রাণ যায়, আমায় বাঁচাও।”

ঠাকুর দাদাও কিছুক্ষণ চুপ করিয়া থাকিয়া কহিলেন—“আচ্ছা, তার উপায় শীঘ্রই করছি—এখন আপাতত কবিরাজ বাড়ী থেকে এক শিশি তেল এনে মাথায় দেবে ভাই, তা না হলে শীঘ্রই তোমার সেই আলিপরের বাগান বাড়ীতে গিয়ে বাসের ব্যবস্থা করতে হবে।”

এই কথা বলিয়াই ঠাকুর দাদা তাড়াতাড়ি একখানি চাদর কাঁধে ফেলিয়া বাড়ী হইতে বাহির হইলেন। তাঁহাকে বাহিরে চলিয়া যাইতে দেখিয়া কমলা তাড়া-তাড়ি আসিয়া কহিল—“ওগো, তুমি কোথায় চলে যাও? আজ যে হাতে একটি পয়সা নেই বাজার হবে কেমন করে?”

“আঃ কি আপদ! একটা শুভ কর্মে চলেছি, এমন সময় পিছু ডাকলে মাগী।”—এই কথা বলিয়া তাড়াতাড়ি ঘোষাল মহাশয় বাড়ী হইতে অন্তর্ধ্যান হইলেন।

ত্রয়োদশ পরিচ্ছেদ।

ঘোষাল মহাশয় গৃহ হইতে বহির্গত হইয়া দুর্গাদাসের গৃহেরদিকে চলিলেন। অতুলচন্দ্রও তাঁহার পশ্চাৎ পশ্চাৎ চলিতে লাগিলেন। ঘোষাল মহাশয় সে বাড়ীতে পৌঁছিয়া দুর্গাদাসের বৈঠকখানায় প্রবেশ করিলেন। অতুলচন্দ্র তখন গোপনে থাকিয়া তাঁহাদের কথাবার্তা শুনিতে চেষ্টা করিতে লাগিলেন। ঘোষাল মহাশয়কে দেখিয়া দুর্গাদাস বাবু কহিলেন—“মামার আর দর্শন পাওয়া যায় না, আজ আমার বড়ই সৌভাগ্য যে আমার বাড়ীতে পায়ের ধূলা পড়েছে।”

ঘোষাল মহাশয় উত্তর করিলেন—“কি জান বাবা, ফুরসত পাই না যে তোমার কাছে এসে হুদুগু কথাবার্তা কই।”

দুর্গাদাস। এত কি কাজে ব্যস্ত থাক বাবু, যে একবার ভাগিনেয়ের খোঁজখবর পর্যন্ত নিতে পার না?

ঘোষাল মহাশয় ঈষৎ লজ্জিত হইয়া কহিলেন—“কি জান বাবা, যখন যে কাজটা হাতে আসে, তখন সে কাজটা সম্পূর্ণ না করে, আমি কখনই স্থির হতে পারি না এটা বাবু, আমার বাল্যকাল থেকেই অভ্যাস।”

দুর্গাদাস। বলি—সে কাজ নিজের না পরের।

ঘোষাল। যখন সে কাজটা করা নিজের কর্তব্য মনে করি, তখন তাকে নিজেরই কাজ বলতে হবে।

দুর্গাদাস। কে জানে বাবু, আপনি এ যাত্রা পরের কাজ করতেই জন্মেছিলেন। পরের কাজ বা পরোপকার করা যে একটা মহৎ কাজ একথা কে না স্বীকার করবে? কিন্তু সেই সঙ্গে সঙ্গে নিজেরও কাজ দেখা উচিত। আপনার অবস্থাও সে রকম নয়।

ঘোষাল। বাবা, আমি যখন যে কাজ করি তখনও পরের কাজ মনে করে করি না। নিজেরই কাজ মনে করে করে থাকি। তবে সেটা আমার নিজেরই কাজ করা হয়। কে বলে আমি নিজের কাজ করি না? এখন তোমার কাছে—একটা কাজের জন্যই এসেছি, এটা পরের কাজ কি নিজের কাজ—সে বিচার তুমি এখনই করতে পার।

দুর্গাদাস বাবু ঘোষাল মহাশয়ের মুখেরদিকে একবার

সুতীক্ষ্ণ দৃষ্টিপাত করিয়া কহিলেন—“সে কাজটা কি আগে শুনি।”

ঘোষাল। তোমার ভাগিনেয়ের বিবাহ দিতে হবে।

দুর্গাদাস। ভাগিনেয় না ভাইপোর?

ঘোষাল। ভাইপোও বিবাহযোগ্য হইয়াছে বটে, তবে দুইজনেরই বিবাহ দিয়ে তুমি সংসারী হও।

দুর্গাদাস। আপনিত আমার মনোগত ভাব জানেন, তবে এরূপ অনুরোধ কেন করেন মামা।

ঘোষাল। সম্প্রতি এক স্বামী পুত্রহীন বিধবার কন্য়ার বিবাহের ভার পাইয়াছি—ঘরে এমন সোণারচাঁদ ছেলে থাকতে কোথায় ঘুরে বেড়াব বাবু?

দুর্গাদাস। সে পাত্রী যদি আপনার মনের মতন হয়, তবে অনুকূলের সঙ্গে আপুনি সে বিবাহ স্থির করতে পারেন। অনুকূল এখন উপায়ক্ষম হয়েছে, তার বিবাহে আমার আর আপত্তি নাই, কিন্তু অতুলের এখনও পঠদশা, এ অবস্থায় আমি বিবাহ দিতে রাজি নই, এ কথা আপনাকে কতবার বলেছি মামা।

ঘোষাল। অনুকূলের বিবাহ ত প্রতুল চাটুর্ঘ্যের কন্য়ার সঙ্গে স্থির আছে—তবে এ পাত্রীর সঙ্গে কি করে বিবাহ দেবো?

দুর্গাদাস। প্রতুলের কন্য়ার বয়ঃক্রম এখনও তত অধিক হয় নাই। সে কন্য়ার সঙ্গে পরে অতুলের বিবাহ দিলে চলতে পারে।

তখন ঘোষাল মহাশয় ঘাড় নাড়িতে নাড়িতে কহিলেন—“তা কখনই চলতে পারে না—এ বিধবার কন্য়ার সঙ্গে অতুলের বিবাহই দিতে হবে।”

এই সময় হঠাৎ দুর্গাদাস বাবুর মুখ হইতে বহির্গত হইল—“কে সে বিধবা?”

ঘোষাল মহাশয় অল্পক্ষণ চুপ করিয়া থাকিয়া কহিলেন—“সে বিধবা অন্য কেহ নহে—তোমারই আশ্রিতা বিমলা। আমি মহামায়ার বিবাহ অতুলের সঙ্গে দিতে ইচ্ছা করি।”

দুর্গাদাস। আমি যে অনুকূলের সঙ্গে সে বিবাহ স্থির করে রেখেছি।

ঘোষাল। সে সংস্কার তোমার এখন পরিত্যাগ করতে হবে।

দুর্গাদাস। আগে আমার কথাটা শুনুন—তার পর সে অনুরোধ করবেন।

ঘোষাল। কি কথা বল।

দুর্গাদাস। আমার যা কিছু আছে—আমার ভাগিনেয় অতুলই তার শাস্ত্র ও আইন মঞ্জত উত্তরাধিকারী। কিন্তু অনুকূলের—কিছুই নাই—সমস্তই আমার ভায়া নষ্ট করে গিয়েছেন। সে সকল কথাত আপনার অবিদিত কিছুই নাই। এখন আমার মনের ভাব এই শিবনাথ দাদার কন্য়ার সঙ্গে অনুকূলের বিবাহ দিলে শিবনাথ দাদার যা কিছু আছে—তা অনুকূলেরই প্রাপ্য হয়। শিবনাথ দাদাও বিলক্ষণ দশ টাকা রেখে গিয়েছেন। এখন আমার উদ্দেশ্য বুঝেছেন?

ঘোষাল। বুঝেছি—কিন্তু বুঝেও তোমার মতে মত দিতে পারি না। তার কোন গুট কারণ আছে।

বিষয় বিস্ফারিতনেত্রে ঘোষাল মহাশয়ের মুখের প্রতি চাহিয়া দুর্গাদাস বাবু কহিলেন—“কি গুট কারণ মামা?”

ঘোষাল। প্রথমে সে কথা তোমায় বলবো না মনে করে ছিলাম, এখন কিন্তু দেখছি সকল কথা তোমায় খুলে বলাই ভাল। প্রথমতঃ বিমলার একান্ত ইচ্ছা—অতুলকে কন্যা সম্প্রদান করা। আর কেবল বিমলার ইচ্ছা নয়—এর ভিতর আরো কিছু রহস্য আছে।

বিশেষ আগ্রহের সহিত দুর্গাদাস জিজ্ঞাসা করিলেন—“আবার কি রহস্য আছে মামা?”

ঘোষাল। সে একটা ভালবাসার রহস্য। অতুল মহামায়াকে প্রাণের সহিত ভালবাসে আর মহামায়াও অতুলকে প্রাণের সহিত ভালবাসে।

“সে কি!”—বলিয়া দুর্গাদাস কিছুক্ষণ স্তম্ভিত হইয়া রহিলেন। ঘোষাল মহাশয় বলিতে লাগিলেন—“দেখ বাবা এ তোমাদের সেই ইংরাজী মতের ফল। ইংরেজী শিক্ষিত বাবুরা যে বাল্যবিবাহ সমাজের ঘোরতর অনিষ্টের কারণ বলে চীৎকার করে থাকে—এ সেই চীৎকারেরই ফল। ইংরেজী মতে খোঁবন বিবাহ দিতে গেলে যে, এরূপ ঘটনা সচরাচর ঘটে থাকে, তোমার ইংরেজী সমাজেই তার উজ্জ্বল দৃষ্টান্ত। সুতরাং এস্থলে এরূপ ঘটনায় আশ্চর্যের বিষয় কিছুই নাই। তোমরা যে সমাজের

অনুকরণ করবে—সেই সমাজের নিত্য ঘটনার হাতথেকে কি করে রক্ষা পাবে বল ?”

কিছুক্ষণ চিন্তার পর হুর্গাদাসবাবু কহিলেন—“এখন উপায় ?”

ঘোষাল। উপায়ের কথা ত আমি পূর্বেই বলেছি। এখন উভয়ের বিয়ে দেওয়া ভিন্ন আর অগ্র উপায় নাই, তা নইলে ছেলেটার মাথা খাওয়া হবে—তার পড়া শুনা সব ঘুচে যাবে—আর মেয়েটাকেও চিরজীবনের জগ্ন অশুখী করা হবে।

হুর্গাদাস। এ যে আমার উভয় সঙ্কট দেখুচি। আচ্ছা এ সংবাদ আপনি কোথায় পেলেন।

ঘোষাল। সে কথাটা নাইবা বল্লুম।

হুর্গাদাস। কিন্তু এ সম্বন্ধে আপনার ভ্রম হয় নাই ত ?

ঘোষাল। না—সে বিষয়ে কোন সন্দেহ নাই। তবে বিমলার কাছে তোমার মামীকে একবার পাঠিয়ে দিয়ে—আমার বিশ্বাসকে আরো দৃঢ় করবো। কিন্তু যদি অবস্থা এইরূপ দাঁড়ায়, তবে তোমার কি মত আমায় বল।

হুর্গাদাস। অবস্থা এরূপ দাঁড়ালে, তখন আমার মতের ত আর কোন আবশ্যক করবে না—তখন আপনি যা ভাল বিবেচনা করবেন, তাই করবেন।

“তবে এখন আমি আসি।” এই কথা বলিয়া ঘোষাল মহাশয় বাহিরে আসিলেন। সেখানে অতুলচন্দ্রের সহিত তাঁহার সাক্ষাৎ হইল। অতুলচন্দ্রের প্রফুল্ল মুখ দেখিয়া ব্রাহ্মণ বুকিতে পারিলেন—তাঁহাদের কথাবার্তা সে গোপনে দাঁড়াইয়া সমস্তই জানিয়াছে। কিন্তু সে কথা ঘোষাল মহাশয়ের মুখে শুনিবার জগ্ন অতুলচন্দ্র জিজ্ঞাসা করিলেন—“মামা বাবুর মত কিরূপ বুঝলেন ঠাকুরদাদা।”

ঠাকুরদাদা উত্তর করিলেন—“তাকে ত কিছুতেই রাজি করতে পারলাম না ভাই।”

এই কথায় অতুলের সেই প্রফুল্ল মুখ পুনরায় বিষন্ন হইয়া গেল। অতুলচন্দ্র নীরবে কি চিন্তা করিতে লাগিলেন। এই সময় পুনরায় ঠাকুরদাদা কহিলেন—“কেন তুমিও আড়ালে দাঁড়িয়ে সকল কথা শুনেছ ?”

অতুলচন্দ্র শুষ্ক মুখে বিকৃতস্বরে কহিলেন—“আমি ত অন্য রকম শুনে ছিলাম। তবে আমার শুনতেই ভুল হয়ে থাকবে।”

ঠাকুরদাদা ঈষৎ হাসিয়া কহিলেন—“তোমার শুনতে ভুল হয় নাই তুমি যা শুনেছ সেই ঠিক। কিন্তু দেখ শালা—আমি এ মিলন ঘটিয়ে দিতে পারলে আমায় কিন্তু বখরা দিতে হবে। সে শালা যে সুন্দরী—আমি ঘটকালী আদায় না করে ছাড়বো না।”

অতুলচন্দ্র পুনরায় প্রফুল্লমুখে ঠাকুরদাদাকে ভূমিষ্ঠ হইয়া প্রণাম করিলেন এবং তাঁহার পদধূলি লইয়া মস্তকে রাখিলেন। ঠাকুরদাদা আহ্লাদে আটখানা হইয়া সম্মেহে অতুলচন্দ্রের মস্তকে হাত বুলাইতে গেলেন, কিন্তু এই সময় এদিকে তাঁহার কটিবন্ধ হইতে পরিধেয় বস্ত্র খুলিয়া গেল।

ক্রমশঃ—

শ্রীযোগেন্দ্রনাথ চট্টোপাধ্যায়।



স্বপ্ন ভঙ্গ।*

আশার ছলনে ভুলে, নিদ্রার কোমল কোলে
 ঘুমায়ে ছিলাম আমি স্নেহের আবেশে।
 পরাণেতে ধীরে ধীরে, মরমের শিরে শিরে
 স্বপনের ছায়া এক পড়েছিল এসে।
 পুরায়ে প্রাণের ক্ষুধা, সেই স্বপনের সুধা
 পিতেছিহু, হতেছিহু হরষে বিভোর।
 সহসা বহিল বায়, শিহরি উঠিল কায়;
 সুখ স্বপনের নিশি হয়ে গেল ভোর।
 নয়ন পল্লব পুটে, প্রভাত কিরণ ফুটে
 আলোকে পুলকে ধরা হাসিয়া উঠিল।
 চকিত হইল প্রাণ, অশ্রুত প্রভাত গান
 সুধামাখা-বিষ সম মরমে পশিল।

শ্রীসঞ্জীবচন্দ্র সাত্তাল।

* জীবনের কোন এক ঘটনা লইয়া করাসী কবি ভিক্টর হিউগোর “ফুলের স্বপ্ন” (Dream of a Flower) কবিতার ভাবাবলম্বনে লিখিত।



মেনকা ও বিশ্বামিত্র।

রাজা রবিবর্মার বিখ্যাত চিত্র, শকুন্তলার জন্ম হইতে গৃহীত।

প্রদীপ

৭ম ভাগ।

শ্রাবণ, ১৩১১।

৪র্থ সংখ্যা।

কবিবর

হেমচন্দ্রের কবিতা ও বঙ্গভাষার উপর
তাহার প্রতিপত্তি।

হেমচন্দ্রের কবিতা ও ইহার কার্যকারিতা বিষয়ে চিন্তা করিতে হইলে অগ্রে কবি, কাব্য ও কবিত্ব বিষয়ে কিঞ্চিৎ আলোচনা বিশেষ আবশ্যিক।

প্রথমতঃ কাব্য কি তাহা বুঝিতে পারিলে কবি ও কবিত্ব কি তাহা সহজেই উপলব্ধি করিতে পারা যাইবে। কাব্য কাহাকে বলে? “বাক্যং রসাত্মকং কাব্যং”। রসাত্মক বাক্যই কাব্য। রস নববিধ; যথা (১) শৃঙ্গার, (২) হাস্য, (৩) বীর, (৪) ককণ, (৫) রৌদ্র, (৬) বিভৎস, (৭) ভয়ানক, (৮) অদ্ভুত এবং (৯) শাস্তি। এই রসকেই ভাব (Emotion) বলে। ভাবের আবেগোখিত বাক্য কাব্য বটে, কিন্তু ইহাতেও কাব্যের প্রকৃত মূর্তি বুঝা গেল না, কারণ এরূপ হইলে বক্তা যখন নিজ হৃদয়ের উদ্বেলিত ভাব গুলি প্রকাশ দ্বারা শ্রোতৃমণ্ডলীকে মুগ্ধ করেন

এমন কি ভিন্ন মতাবলম্বীকেও মতভ্রষ্ট করেন তখন তিনি ও প্রকৃত কবি আখ্যা পাইতে পারেন। এরূপ হইলে সেই শোকাতুরা রমণী যিনি হৃদয়-কান্ত সাকার দেবতা প্রাণপতিকে জন্মের মতন বিদায় দিয়া, কিম্বা নর-নের মণি হৃদয়ের-আশা প্রাণের-প্রাণ অমূল্যনিধি সন্তান-রত্নকে চির কালের জগৎ বিসর্জন দিয়া দারুণ কঠোর জালায় ধূলাবলুষ্ঠিত হইয়া অন্তরের উচ্ছ্বাসিত ভাব পাষণভেদী ভাষায় ব্যক্ত করেন তিনিও ত প্রকৃত কবি নামের যথার্থ উত্তরাধিকারিনী; কিন্তু বাস্তবিক পক্ষে ইহারা কেহই তাহা নহেন। “ক্লাসিক রঙ্গমঞ্চে” কবিবর হেমচন্দ্রের শোক সভায় স্বনাম ধন্য শ্রীযুক্ত রায় কালীপ্রসন্ন বোম্ব বাহাদুর মুহু অথচ তীত্র ও অল্প ভাষায় এই যে বলিয়া-ছিলেন “স্পষ্ট উপদেশপূর্ণ অথবা হৃদয়ের গভীর ভাব ব্যাপক কিম্বা তীত্র ও দ্রুত ভাষাই যদি কাব্যের লক্ষণ হইত তাহা হইলে “গীর্জার” পাদরি সাহেবেবরাও সুকবি বলিয়া আখ্যাত হইতে পারিতেন” ইহা প্রকৃতই বড়ই মর্ম্পর্শী কথা। “মিল” বলেন বক্তৃতা সাক্ষাৎ ভাবে এবং কবিতা লুক্কায়িত ভাবে শ্রুত হয়, (Orectory is heard; but Poetry is over-heard) বাগ্মী যখন

বক্তৃতা করেন তখন তিনি অণ্ডের সজ্জা হৃদয়-পথে জাগ-
রুক রাখেন কিন্তু কবি তাহা রাখেন না। বক্তা পরের
ভাব উত্তেজিত করিবার প্রয়াস পান, কবি নিজ ভাব
বর্ণ মাল্য প্রকাশে সচেষ্টি হন। আর পূর্বোক্ত শোকাতুরা
করণামরী রমণীর সেই ভাব গুলি কেন যে কাব্য নহে
তাহার কারণ এই, সে গুলি উচ্চ হৃদয়ের ক্ষুদ্র আশা এবং
তাহা কল্পনা পরিশূত্র ও প্রকৃত ঘটনা মাত্র। সুতরাং তাহা
সকলের নিকটই সমান। ইমার্সন (Emerson) তাঁহার
কবি (The poet) শীর্ষক প্রবন্ধে লিখিয়াছেন, হে কবি
তুমি জন সমাজের হিংসা ও রাজকরের প্রতি ক্রক্ষেপ না
করিয়া সমগ্র ভূমিখণ্ডকে তোমার আরামস্থল স্বরূপ জ্ঞান
করিবে, এবং সমগ্র জলধি তোমার স্নান ও জল পোত
ক্রীড়ার স্থান জানিবে; হে কবি তুমি বাস্তবিকই ক্ষিতি-
জল, ও বোম স্বামী। তিনি আবার তাঁহার “কাব্য ও
রচনা শক্তি” বিষয়ক প্রবন্ধে লিখিয়াছেন, কাব্য কখন
দৃশ্যমান বাস্তব পদার্থ লইয়া নিজ অঙ্গ পরিপুষ্ট করে না।
সবল ও উন্নত হৃদয়-পটাক্ষিত আদর্শ চরিত্রই কাব্যের
প্রকৃত উপাদান।

অতি সংক্ষেপে কবি, কাব্য এবং কবিত্ব বিষয়ে
আলোচনা করা গেল।

বঙ্গদেশে উচ্চাঙ্গের কবির বড়ই হতাদর। সুতরাং
আমরা যখন হেমচন্দ্রের কবিতা প্রকাশ্য ভাবে উপেক্ষিত
হইতে দেখি তখন বিশেষ রূপে দুঃখিত হইলেও
বিস্মিত হইনা। কাব্য সৌন্দর্যের আধার। কবিতা
সুন্দরী প্রকৃতি দেবীর নামান্তর মাত্র। কবি এই প্রকৃতির
সেবা ব্যতীত অণ্ড কিছু অভিলাস করেন না। তিনি
তাঁহারই ধ্যানে নিজ জীবন সমাপ্ত করিতে চাহেন। তাঁহার
ব্রত দীক্ষা সবই সেই নবরসাত্মিক কল্পনাময়ী কবিতা
সুন্দরীর চরণে। কবি সাকার উপাসক।

কবির মধুসূদন যেমন তাঁহার এক মাত্র মেঘনাদ
বধের জন্ত সৰ্বজন পরিচিত, হেমচন্দ্র ঠিক তদ্রূপ নহেন।
ব্রতসংহার তাঁহার শ্রেষ্ঠ কাব্য হইলেও তিনি অনেক সম্প্র-
দায়ের নিকট তাঁহার কবিতাবলী ও অগ্ৰাণ্ড ক্ষুদ্র
কবিতার জন্ত বিশেষ পরিচিত ও সমাদৃত। ব্রতসংহার
মহাকাব্য; তাঁহার ক্ষুদ্র কবিতাপুঞ্জ, অতি উচ্চাঙ্গের।
এক একটা কবিতা এমনই ভাবোদ্দীপক ও প্রাণ মনো-

হারিনী যে, তাহা আর ভাষায় ব্যক্ত হয় না। ইহাতেও
কবির উচ্চ হৃদয়ের প্রতিকৃতি উজ্জল বর্ণে প্রতিচ্ছত্রে লেখা
রহিয়াছে। কবি নিজরূপ—আত্মজন্ম হইতে শেষ জীবনের
জলন্ত ইতিহাস—ধীরে ধীরে অতি সংযত ভাবে তাঁহার
কবিতা কুল-তরঙ্গিনীর ছই তীরে সাজাইয়া রাখিয়াছেন।

যৌবনোন্মত্ত কবি হৃদয়ে কি প্রকার আশার ধারা
প্রবাহিত হয় তাহা আমরা অনুভব করিতে না পারিলে ও
অন্ততঃ আমরা কতকগুলি উচ্চ কবির রচনা পাঠে
তাহা অনুমান করিতে পারি। ইঁহারা নিজ মলিন ভাব সকল
কি রূপে কালির অক্ষরে অঙ্কিত করিয়া রাখিয়াছেন,
তাহা বর্ণনায় প্রবৃত্তি হয় না। এইরূপ স্থলে হেমচন্দ্রের
যৌবন রচনা কিরূপ তাহা ভাবিবার বিষয়; ইহা ধীর,
সংযত ও গম্ভীর, অথচ কল্পনাময় নহে। ইহাতে মাদকতা
আছে, অপৌরষের ঢলা ঢলি নাই। ইহাতে তেজ আছে,
দাহিকা শক্তি নাই। ইঁহার যৌবনের হতাশ গীতি
কথায় কথায় দিশেহারা করিয়া প্রেমিক বা প্রেমিকাকে
গৈরিক বসন পরিহিতা করিয়া নির্বাসিত করেন। বাস্ত-
বিকই “এহেন বয়সে ইচ্ছায় কভু আশ্রমে কি আসে?”
কবি সেই অবস্থাতেও প্রকৃত হিন্দুর মত জন্মান্তরে আস্থা
স্থাপন করিয়া হৃদয়ের উন্নতবেগ ধারণ করিতে সক্ষম
হন তাই তিনি গাইয়াছেন “ফিরে জন্মে প্রাণনাথ
পাই যেন তোমারে”। যে কবির প্রেম এত পবিত্র
তাঁহার হৃদয় যে সতী সাধবীর দুঃখ দেখিয়া দর দর অশ্রুবিগ-
লিত ধারায় “অনেক দিন কাঁদিবে” তাহা আর কিছু
আশ্চর্যের নহে। কবি নিজে পুরুষ হইয়া ও হিন্দু রমণী
যে প্রতিপদে আমাদের দ্বারা লাঞ্চিত ও উপেক্ষিত
হইতেছেন তাহা তাঁহার স্বভাবোচিত উচ্ছ্বসিত
ভাষায় ব্যক্ত করিয়াছেন। অমর কবি বঙ্কিমচন্দ্র যে
গুণে বঙ্গকুল-কামিনীগণের শ্রদ্ধা ও ভক্তির পাত্র হইয়া
ছিলেন, কবিকুল তিনক হেমচন্দ্র সে গুণে আজ সতী
সাধীগণের ভক্তি ও স্নেহের পাত্র নহেন। বঙ্কিমচন্দ্র
বঙ্গকুল ললনাদের হৃদয়-গৃহ সজ্জিত করিবার জন্ত
তাঁহাদের মনোমত চিত্র সমূহ অঙ্কিত করিয়া দিয়াছিলেন
বলিয়া, আর হেমচন্দ্র সমভাবে তাঁহাদের ব্যাখ্যায় ব্যথিত
হইয়াছিলেন বলিয়া।

ধর্ম, সমাজ ও রাষ্ট্র এই তিনটা লইয়া জাতির সৃষ্টি;

ইহার একটীর অভাবে জাতিকে অঙ্গহীন দেখায়। ঐ
তিনের কিছু কিছু আমাদের জাতীয় জীবনে কম বেশী
রূপে অভাব হওয়ায় আমরা পৃথিবীর অনেক জাতি
অপেক্ষা নিম্নে পতিত হইয়া রহিয়াছি। এই সকল বিষয়
চিন্তা করিলে স্বর্গীয় কবিকুল চূড়ামণি তাঁহার স্বভাব
সুলভ জীমূত সদৃশ অথচ সংযত ভাষায় আমাদের চৈত-
ত্ৰোৎপাদনের জন্ত যে সকল আদর্শ সংস্থাপিত করিয়াছেন
তাহা তাঁহার অলৌকিক ক্ষমতারই পরিচয় প্রতিপদে
প্রদান করিয়া থাকে।

হেমচন্দ্রের ভাষা কৃষ্ণিবাস ও কাশীরাম দাসের গায়
সরল না হইলেও ইহাকে কঠিন বলা যায় না। ইহার
বেগ “পর্কত গৃহছাড়ি বাহিরায় যবে নদী সিন্ধুর উদ্দেশে”
সেই রূপ না হইলেও ইহাতে আমরা ভাদ্রের এক টানা
সুবিস্তৃত ভরা গঙ্গার পবিত্র স্রোতের স্পষ্ট পরিচয় পাই।
বাস্তবিক শ্রীযুক্ত কালীপ্রসন্ন ঘোষ মহাশয় ঠিকই বলিয়া
ছিলেন “ইঁহার ভাষা যেন কিছু আমিরি, আমিরি।”
কোন ভাষার উপর কোন গ্রন্থের কি রূপ প্রতিপত্তি
তাহা বুঝিতে হইলে সেই গ্রন্থকারের কেবল ভাষা কোশল
দেখিলেই চলিবে না। তাঁহার লিপিচাতুরির সহিত
বর্ণনা শক্তি ও বিষয়গত ভাব ও বুঝিতে হইবে। এ
সকল কথা পূর্বেই বলিয়া রাখিয়াছি। কাব্যের লক্ষণ
সর্বথা স্মরণ রাখিতে হইবে।

বঙ্গভাষার উপর হেমচন্দ্রের কবিতার কি রূপ
প্রতিপত্তি তাহা যখন বুঝিতে হইবে, তখন তাঁহার কবিতা
কোন শ্রেণীর তাহা দেখা অত্যাশঙ্কক হইলেও তাঁহার
গ্রন্থাবলীর বিশদ সমালোচনার দ্বারা এ প্রবন্ধের আয়তন
বৃদ্ধি করা ততটা স্মৃষ্টিসিদ্ধ হইবে না।

যাহারা প্রেমমদে মত্ত হইয়া ভ্রমরের গায় উদ্যানের
চারি ধারে চঞ্চল মনে উড়িয়া বেড়ায় তাহাদের বিলাস
বিভ্রমতার অসারতা প্রতিপন্ন না করিয়া তাহাদের মনের
উপর সেই সর্বজীব হিতকর পরমব্রহ্মসনাতনের মহিমা
গাথা নীরস (?) উক্তি বৃথাবর্ণনা করিয়া তিনি যে রূপ
যুক্তি ও তর্কের অবতারণা করিয়া রাখিয়াছেন তাহা অতি
মনোরম। তাহা প্রকৃতই মহাকবি গুণোচিত।

কবি, কামিনী—কুসুমের তুলনাচ্ছলে মানব মধুপকে
উদ্দেশ করিয়া বলিতেছেন,—

“কে খোজে সরস মধু বিনা বঙ্গ কুসুমে

* * * * *
কে দেয় বিলাতি লিলি নলিনীতে উপমা ?

দেশে যে কুমুদ আছে

আসুক তাহারি কাছে

তখন দেখিব বুঝে কার কত গরিমা।

* * * * *
কে খোজেরে প্রজাপতি পেলে হেন ভ্রমরী ?

মরি কি অপরাজিতা নীলিমার লহরী।”

* * * * *

তাঁহার কাব্যে সকল সম্প্রদায়েরই পাঠোপযোগী
বিষয় আছে। আবাল বৃদ্ধ বনিতা সকলেই তাঁহার কাব্য
রস পানে নিজ প্রাণ সুষীতল করিতে পারেন। যোগী,
ভোগী সকলেই তাঁহার কল্পনা সৃজিত-উদ্ভানে নিজ নিজ
প্রবৃত্তি মত অথচ স্বভাব সঙ্গত স্থান পাইতে পারেন।
এইরূপ পবিত্র মনোমুগ্ধকর আশা ভরসার, নৈরাশ্র
বৈরা-
গ্যের, ঐহিক পারত্রিকের, জলন্ত ছবি যে গ্রন্থে দৃষ্ট হয়
তাহাই মহাজন পূজ্য এবং যিনি ঐ ছবির চিত্রকর তিনিই
ভারতীর যোগ্য সন্তান। “তেনাম্বা স্মৃতিনী ভবতি।”

যে গুণ থাকিলে কবি হয় তাহা হেমচন্দ্রের আছে
বলিয়াই, তিনি কবি সিংহাসনারূঢ়। কি পরিমাণে আছে
তাহা ইহার দ্বারা স্পষ্ট দেখান হইল না। যদি অগ্ৰাণ্ড
মহাকবি অঙ্কিত চিত্রের সহিত ইহার তুলনা হয় তাহা
হইলে সমধিক আনন্দ লাভ ও চিত্রের উৎকর্ষ পরিস্ফুট
হয় বটে; কিন্তু শত সহস্র কিরণমালা প্রভাসিত
সুপ্রসঙ্গ কুসুমে কোমল মখমল পরিব্যাপ্ত, ব্যজন সমাকীর্ণ
হৃদয়স্থলে অপ্সরি বিনিন্দিত বামাদলের কোকিল লাঞ্চিত
স্বরলহরী ও গীতোচ্ছ্বাস এবং কোমল নিকণ ঠমক নৃত্য
এক অভিনব অনুরাগের উজ্জল চিত্র অঙ্কিত করিলেও
সেই সুবিস্তৃত প্রান্তরের ক্রোড়স্থিতা মুহুমন্দ কলনাদিনী
তটিনীর তটান্বিত অথবা অক্ষুট মন্দির শব্দিনী তরুলতা
বেষ্টিত পর্কতের নির্জ্বল স্কন্ধজাত সঙ্গীত তরঙ্গের গগনস্পর্শী
উচ্ছ্বাস মানবের শ্রবণ কুহরকে অগ্ৰদিকে ফিরিতে দেয়
না। তাই বলি আমরা হেমচন্দ্রকে নির্জ্বনে একাকী
দেখিব বলিয়া অপ্রীতির কোন কারণ নাই।

মনুষ্যের বিস্তৃত জীবনে যেমন দেহের দশান্তর হয়

মনেরও ঠিক তরুণ। দেহের পরিবর্তন কেবল বাহ্যত ঘটে;—কেবল মাংসের উপরই সংঘটিত হয়। কিন্তু ভিতরের অস্থি দীর্ঘ ও স্থূল হওয়া ব্যতীত অল্প কোন আকার ধারণ করে না। স্ততরাং জীবনের বিস্তৃত গতিতে অস্থির উন্নতি ব্যতীত অবনতি নাই; মাংসের উন্নতি অবনতি উভয়ই আছে। সময় সময় বাহ্যাকারের এতই পরিবর্তন ঘটে যে, কোন ব্যক্তিকে দিন কয়েকের মধ্যে সম্পূর্ণ অল্প এক ব্যক্তি বলিয়া ভ্রম হয়। কিন্তু ভিতরের সেই অস্থি নিশ্চিত অবয়ব যথাযথ ঠিকই থাকে। স্ততরাং সেই অস্থিই দৈহিক গঠনের পাকা ও সার পদার্থ। ইহার ধ্বংস ও মাংসের স্থায় প্রাণবায়ু বহির্গত হইবার অনতি বিলম্বই সংসাধিত হয় না।

হেমচন্দ্রের সমগ্র গ্রন্থাবলীকে আমরা যদি দেহীরূপে বর্ণনা করি তাহা হইলে ইহার অস্থির স্বরূপ কি দেখিতে পাই?—স্বদেশ প্রেম। জীবন স্বরূপ—ধর্ম। আর লিপি কৌশলাদি, মজ্জা মাংস রক্তাদির স্বরূপ। এখন ভরসা করি বঙ্গ ভাষার উপর তাঁহার এই প্রতিপত্তি যে সামান্য নহে ইহা আর খুলিয়া বলিতে হইবে না। তিনি তাঁহার মাতৃভাষার কমনীয় কণ্ঠে যে ললিত মালা দোলাইয়া গিয়াছেন তাহা শুধু হইবে কি না জানি না যদি হয় তাহাহইলে কত শত শতাব্দীর প্রয়োজন তাহা বলিতে পারি না। ইহাও কি একটী কম প্রতিপত্তি? যিনি বঙ্গভাষাকে পবিত্র প্রেম নিঃস্বার্থ ভালবাসা, উজ্জল স্বদেশ ভক্তির জীবন্ত প্রতিমূর্তির দ্বারা সজ্জিত করিয়াছেন, তাঁহার উক্ত ভাষায় কিরূপ প্রতিপত্তি, তাহা কি ভাবিতে বিলম্ব হয়? যিনি নৈরাশ্রের রেখা মাত্র নিজের কোন সীমায় আসিতে দেন নাই, “জীব জন্মে ভয় কিরে জগদম্বা জননী” যিনি আজীবন এই মন্ত্রে দীক্ষিত থাকিয়া উত্তাল নিরানন্দ তরঙ্গ সংস্থূল ভাগ্য হ্রদে ভাসিতে ভাসিতে চক্ষের জল চক্ষেই শুষ্ক করিয়া অন্তিম পর্য্যন্ত “কিহবে কাঁদিয়া?” মন্ত্র উচ্চারণ পূর্বক মাতৃভাষার চরণ কমলে ভক্তি পুষ্পাঞ্জলী প্রদান করিতে সক্ষম হইয়াছেন তাঁহার বঙ্গভাষার উপর কি প্রকার প্রতিপত্তি তাহা কি বুঝিতে কষ্ট হয়? যে কবি নিজ হৃদয়তন্ত্রী উচ্চ তান গুলি বঙ্গভাষার মজ্জায় মজ্জায় মিশ্রিত করিয়া রাখিয়াছেন তাঁহার উক্ত ভাষায় কিরূপ

প্রভাব তাহা কি অধিক ভাবিতে হয়? ভাষাতেই ভাব ব্যক্ত হয়, যে ভাষায় যত উচ্চ ভাবের বিকাশ, তাহা ততই স্থায়ী ও বহুজন পূজ্য। যিনি আবার সেই ভাবের অধিকারী তিনি কিরূপ তাহা সহজেই অনুমেয়। স্ততরাং আমরা কবির হেমচন্দ্রের কাব্যের যে সকল লক্ষণ ইতঃপূর্বে আলোচনা করিয়া আসিয়াছি তাহা যখন ভাবিতে থাকি তখন কি আমাদের তাঁহার বঙ্গভাষার উপর কিরূপ প্রতিপত্তি তাহা বুঝিতে ইতস্ততঃ করিতে হয়?

অতএব আমিও সাহিত্যসেবী রায়সাহেব শ্রীযুক্ত হারানচন্দ্র রক্ষিত মহাশয়ের স্থায় “এখন গঙ্গাজলে গঙ্গা পূজার” স্থায় কবির ভাষায় কবির উদ্দেশে বলি।

“গেলে চলি হেম কাঁদায়ে অকালে

পাইয়া বহুল ক্লেশ,

ক্ষিপ্ত গ্রহ প্রায় ধরাতে আসিয়া

জলিয়া হইলে শেষ।

ছিলে উদাসীন গেলে উদাসীন

জয় মালা শিরেপরি,

অনাথ কটির কার কাছে বল

গেলে সমাধি করি?

ভেবে ছিলা জানি তুমি গত যবে

গউড় বাসিয়া সবে,

অনাথ পালক তোমার বালক

অঙ্কেতে তুলিয়া লবে।

হবে কি সেদিন এগোড় মাঝে

পুরিবে তোমার আশা।

বুঝিবে কিখন দিয়াছ ভাঙারে

উজ্জল করিয়া ভাষা।

শ্রীকেদারনাথ মুখোপাধ্যায়।



প্যাস্তুর ইন্সটিটিউট।

(Pasteur Institute)

প্যাস্তুর ইন্সটিটিউটে ক্ষিপ্ত কুকুর ও শৃগাল প্রভৃতি দংশিত ব্যক্তির চিকিৎসা হইয়া থাকে। এখানে জলাতঙ্ক (Hydrophobia) রোগের চিকিৎসা হয় না। কেবল সেই রোগ প্রতিষেধক চিকিৎসা প্রণালীরই ব্যবস্থা আছে। জলাতঙ্ক রোগ এরূপ ভয়ঙ্কর যে, এ রোগের আর চিকিৎসা নাই। ফরাসীর রাজধানী প্যারিস নগরে প্রথমে এই চিকিৎসা প্রণালী অনুষ্ঠিত হয়। ভারতে এই প্যাস্তুর ইন্সটিটিউট স্থাপিত হইবার সময় ইহার বিপক্ষে সংবাদপত্রে ঘোরতর আন্দোলন উপস্থিত হইয়াছিল, কিন্তু সে আন্দোলনের কোন ফল হয় নাই। ১৮৯৭ খৃষ্টাব্দে সিমাল শৈলের সন্নিকট কসোলী পাহাড়ে এই প্যাস্তুর ইন্সটিটিউট স্থাপিত হয়। প্যারিসের স্থায় কসোলী ইন্সটিটিউটের চিকিৎসা ফলও আশাতীত শুভজনক হওয়ায় সম্প্রতি মান্দ্রাজে একটি প্যাস্তুর ইন্সটিটিউট প্রতিষ্ঠার সঙ্কল্প ও স্থিরীকৃত হইয়া গিয়াছে। যেরূপ ক্ষিপ্ত জন্তুই হউক না কেন—দংশনের তারিখ হইতে দংশিত স্থানের মস্তিষ্কের দূরতা অনুসারে এক সপ্তাহের মধ্যে চিকিৎসা আরম্ভ করিতে পারিলে, জলাতঙ্ক রোগের আর কোন ভয় থাকে না—এ কথা ইন্সটিটিউটের কর্তৃপক্ষগণ অহঙ্কার করিয়া বলিয়া থাকেন। স্ততরাং এরূপ ভয়ঙ্কর রোগের এমন সুন্দর বৈজ্ঞানিক চিকিৎসা প্রণালী যাহাতে সাধারণের নিকট প্রচারিত হয়, এই উদ্দেশে আজ আমি “প্রদীপের” পাঠকগণের নিকট আমার সংগৃহীত বিবরণ প্রকাশ করিতেছি।

সম্প্রতি আমাকে আমার পুত্রের চিকিৎসার জন্তু কসোলী প্যাস্তুর ইন্সটিটিউটে যাইতে হয়, এবং তথায় প্রায় এক মাসকাল থাকিতে হইয়াছিল। কসোলী পাহাড় হইতে সিমলা পাহাড় ৩২ মাইল দূর। হাবড়া হইতে কালকা ষ্টেশন ১১১৬ মাইল; কালকা হইতে কসোলী পাহাড় আবার ৯ মাইল। স্ততরাং এই সুদূর-১১২৫ মাইল পথ আমি কিভাবে গিয়াছিলাম, এবং

তথায় কিভাবে বা চিকিৎসা হইয়াছিল, আর থাকিবারই বা কিরূপ বন্দোবস্ত করিতে পারিয়াছিলাম, সাধারণের উপকারার্থে তাহাই যথাযথ বর্ণনা করিতেছি।

বিগত ১৭ই মার্চ বৃহস্পতিবার রাত্রি সাড়ে নয়টার পঞ্জাব মেলে আমি কসোলী রওনা হই। এই পঞ্জাব মেলে গাড়ীতে প্রায় ৩৫ ঘণ্টায় কালকা পৌঁছান যায়, কিন্তু সাধারণ আরোহীর গাড়ী ৫৫ ঘণ্টার কমে কালকা পৌঁছিতে পারে না। স্ততরাং মেলে গেলে আড়াই দিনের স্থলে দেড়দিন রেল গাড়ীতে থাকিতে হয়। এরূপ দূরদেশে যাইতে হইলে মেলে গাড়ীতে যাওয়াই সুবিধাজনক। তৃতীয় শ্রেণীর কালকার ভাড়া ১২১/০, কিন্তু মেলে যাইতে হইলে তৃতীয় শ্রেণীতে যাওয়া চলে না, অন্ততঃ মধ্যম শ্রেণীতে যাইতে হয়। মধ্যম শ্রেণীর ভাড়া ১৯০/০। ব্যয় সংক্ষেপের জন্তু তৃতীয় শ্রেণীর টিকিট কিনিবার আমার ইচ্ছা ছিল। কিন্তু তৃতীয় শ্রেণীর যাত্রীদের প্রবেশের পথে যেরূপ ঠেলাঠেলি ও মারামারি দেখিলাম, তাহাতে সে সঙ্কল্প পরিত্যাগ করিতে হইল।

এই মেলেগাড়ীর গতি বড়ই দ্রুত। তার পর প্রধান প্রধান ষ্টেশন ভিন্ন থামিতে দেখিলাম না। প্রথমেই একবার বর্ধমানে আসিয়া থামিল, তার পরে আসানসোল, এইরূপ লম্বা লম্বা পাড়ি। বরাবর এই গাড়ীতে কালকা পর্য্যন্ত যাইতে কষ্ট হইবে ভাবিয়া কানপুরে নামিবার মনস্থ করিয়াছিলাম। সেই কারণ, আমার কানপুরস্থ জন্মক বন্ধুকে একখানি টেলিগ্রামও করি। পরদিন বৈকালে ৫টার সময় যখন গাড়ী কানপুরে আসিয়া পৌঁছিল তখন প্ল্যাটফর্মে এদিক ওদিক চাহিয়া দেখি আমার বন্ধুবর আমারই অপেক্ষার দাঁড়াইয়া রহিয়াছেন। বতদূর কষ্ট হইবে মনে করিয়াছিলাম, যদিও আমাদের ততদূর কষ্ট হয় নাই, তথাপি বন্ধুবরকে দেখিয়া স্নানাহারের লোভ সংবরণ করিতে পারিলাম না। সেদিন কানপুরেই নামিয়া পড়িলাম। বন্ধুর বাসায় আহারাদি হইল। তথায় একজন রেলওয়ে ডাক্তারের সহিত পরিচয় হয়। ডাক্তার বাবু অতি ভদ্রলোক। তিনি কসোলীর প্যাস্তুর ইন্সটিটিউটের বৈজ্ঞানিক চিকিৎসা প্রণালীর বিশেষ সুখ্যাতি করিলেন। তাঁহার মুখেই শুনিলাম অল্পদিন হইল—এই কানপুরে চারিজন লোককে একটা ক্ষিপ্ত কুকুরে দংশন করে, তার

মধ্যে যে ব্যক্তি কসৌলীতে গিয়া চিকিৎসিত হইয়াছিল, কেবল সেই বাঁচিয়া যায়, আরো তিনজনেরই মৃত্যু ঘটে। তিনি আরো বলিলেন—একটা ক্ষেপা শিয়ালে ১০ জন গোরু সৈনিক ও ২জন দেশীয় লোককে কামড়ায়, তাহার মধ্যে যে ১০ জন গোরু কসৌলী গিয়া চিকিৎসিত হয়, তাহারাই বাঁচিয়া যায়, অপর ২জন দেশীয় লোক দেশীয় প্রণালীতে চিকিৎসা করিয়া নিশ্চিত হইল, কিন্তু শেষে জলাতঙ্ক রোগে তাহাদের মৃত্যু ঘটে। তাঁহার মুখে এই সকল কথা শুনিয়া আমার মনে বিশেষ আশা ভরসা হইল। পরদিন প্রাতে বন্ধুর সহিত কানপুরের বাজার দেখিতে গেলাম। বাজার হইতে কিছু ঘৃত ও তরিতরকারি খরিদ করিয়া লইলাম। তথায় সে সকল দ্রব্য আমার মতে খুব সস্তা মনে হইল। ঘৃত কিনিলাম টাকায় ১১/০ হিসাবে। বেগুন এক পয়সা সের, আলু দুই পয়সা, কড়াইসুঁটি দুইপয়সা, মূলা পয়সায় দেড়সের আর দুই আনার পয়সা দিয়া একটা বসিবার মোড়া খরিদ করিলাম। সকল জিনিসই অতি সস্তা মনে করিলাম। কিন্তু আমার বন্ধুটি আহারীয় ও অগ্নাত্ত দ্রব্যাদি ক্রমেই কানপুরে দুর্শূল্য হইতেছে বলিয়া অনেক আক্ষেপ করিলেন। তিনি আজ ১৮ বৎসর কানপুরেই আছেন।

সেইদিন বৈকালে ৫টার সময় পুনরায় পঞ্জাবমলে আমরা কাল্কা রওনা হইলাম। সন্ধ্যার পরেই এটোয়ার পৌঁছিলাম। এটোয়ার জল খুব ভাল শুনিয়াছিলাম, সুতরাং এইখানেই জলযোগ করিলাম। আমরা যখন দিল্লী স্টেশনে পৌঁছিলাম, তখন রাত্রি প্রায় দুইটা সুতরাং দিল্লী নগরের আর কিছুই দেখা হইল না, কেবল দেখিলাম—স্টেশনটি। এমন সুন্দর ও বৃহৎ স্টেশন আর কোথাও দেখি নাই। চারিদিকেই ইলেকট্রিক আলো—যেন রাতকে দিন করিয়াছে। এই দিল্লী স্টেশনটি ইষ্ট ইণ্ডিয়া রেলওয়ের শেষ স্টেশন। ইহার পরই দিল্লী—আম্বালা—কাল্কা রেলওয়ে। তবে পরস্পরের বন্দোবস্তের দরুণ গাড়ী বদল প্রভৃতি কিছুই করিতে হয় না। প্রাতঃকালে আমরা আম্বালায় পৌঁছিলাম। লাহোর ও পেসোয়ার প্রভৃতি অঞ্চলে যাইতে হইলে এইখানে গাড়ী বদল করিতে হয়। কাল্কায় পৌঁছিলাম বেলা আট ঘটিকার সময়। রাস্তায় শুনিয়াছিলাম সিমলা রেল গিয়াছে, সুতরাং মনে

মনেও ভরসা ছিল, কাল্কা হইতে সেই রেল কসৌলী পৌঁছিব। গাড়ী হইতে নামিয়া দেখিলাম সে রেলের ছোট ছোট গাড়ীগুলিও প্রস্তুত রহিয়াছে। তাড়াতাড়ি টিকিট খরিদ করিতে গেলাম। ও হরি!—তখন শুনিলাম সে রেল কসৌলী দিয়া যায় নাই!

বড় আশায় নৈরাশ হইলাম। সম্মুখে অলঙ্ঘনীয় হিমালয় পর্বত। আমি ৩৪ বার দারজিলিং পাহাড়ে গিয়াছিলাম, সুতরাং হিমালয়ের শোভা আমার দৃষ্টি আকর্ষণ করিতে পারে নাই কিন্তু আমার পুত্রটি তখন দূরে অতিদূরে—হিমালয়ের সেই অমল ধবল শৃঙ্গের পার্বর্তীয় শোভা দেখিয়াই উন্মত্ত। আমি তখন কি উপায়ে কসৌলী পৌঁছিব ভাবিতেছি, এমন সময় ২৩ জন লোক “কোথায় যাবেন বাবু” বলিয়া আমায় ঘেরিয়া ফেলিল। আমি তাহাদের মুখে শুনিলাম—কসৌলী যাইবার ৪৫ রকম যান আছে। ডাঙী, রীক্সা, ঝাপান ও ঘোড়া প্রভৃতি তাহারাই সরবরাহ করিয়া থাকে। সকল রকম যানই একে একে দেখিলাম—কিন্তু কোন যানেই পিতাপুত্রে একত্রে যাওয়া যায় না। এরূপ সম্পূর্ণ অপরিচিত পার্বর্তীয় প্রদেশে দুইজন একত্রে যাওয়াই আমার আন্তরিক ইচ্ছা। ডাঙী চারিজন পাহাড়ীতে কাঁধে করিয়া লইয়া যায়। রীক্সা একরকম মানুষে ঠেলা গাড়ী। ঝাপান একরকম ডুলি বিশেষ। আর এসকল যানের ভাড়া অত্যন্ত বেশী। প্রত্যেক লোকের ডাঙী ভাড়া ৩ তিন টাকা মাণ্ডল ৬০ বাব আনা। রীক্সা ভাড়া ৫ টাকা, আবার মাণ্ডল ১ একটাকা, ঘোড়ার ভাড়া অপেক্ষাকৃত সস্তা। প্রথম শ্রেণীর ঘোড়ার ভাড়া ২ টাকা ও দ্বিতীয় শ্রেণীর ভাড়া ১১০ টাকা। আমার পুত্র ঘোড়ায় যাওয়াই মত করিল। যদিও তাহার নিদ্রিষ্ট ভাড়ার মুদ্রিত তালিকা আমায় দেখাইয়াছিল, আমি পরে জানিতে পারিয়াছিলাম যাত্রীর সংখ্যা অল্প হইলে সে তালিকা অপেক্ষা অল্পহারেও ভাড়া পাইয়া তাহারা যায়। প্রত্যেক কুলীর ভাড়া। ১০ তাহারা অর্ধমণের অধিক বহন করে না।

কাল্কা হইতে সিমলা যাইবার দুইটি পথ আছে। আমরা যে রাস্তায় চলিয়াছি এটি পুরাতন পথ। আবার যে নূতন পথ হইয়াছে, সেই রাস্তায় টোঙ্গা যায়, এখন রেলগাড়ী চলিতেছে। সেই দুর্গম রাস্তায় ঘোড়ায় চড়িয়া যাইতে প্রথমে যেরূপ ভয় হইয়াছিল, কিছুদূর গিয়া

দেখিলাম সেরূপ ভয়ের কোন কারণ নাই। পার্বর্তীয় ঘোড়াগুলি বড়ই শিষ্টশান্ত, আর রাস্তাও বেশ প্রশস্ত। তবে সেই রাস্তার ধারে দাঁড়াইয়া একবার নীচেরদিকে চাহিলে মনে বড় ভয় হয়। সে রাস্তাত আর সোজা রাস্তা নয়; ক্ষুপের পাকের মতন পর্বতগাত্রে কেবল ঘুরিয়া ঘুরিয়া চলিয়াছে। এখন চৈত্রমাস—আমাদের দেশে গ্রীষ্মে প্রাণ ওষ্ঠাগত হয়। কিন্তু এখানে এখনও ভয়ঙ্কর শীত বোধ হইতে লাগিল। দিল্লী হইতে গাড়ীতেই আমরা সেই ভয়ঙ্কর শীতের নমুনা অনুভব করিতে পারিয়াছিলাম।

আমরা ক্রমেই উচ্চে উঠিতেছি। মনে হয় এই সম্মুখের পাহাড়ের উপর উঠিতে পারিলেই পর্বতমালা শেষ হইয়া যাইবে। উঠিয়া দেখ—তার উপর আবার পর্বতশৃঙ্গ রহিয়াছে। এইরূপে যত উঠিবে—শৃঙ্গের উপর শৃঙ্গ দেখিতে পাইবে। রাস্তায় যাইতে যাইতে পর্বতের গায়ে কয়েকখানি পাহাড়ী গ্রামও দেখিলাম। ২০২৫ খানি ঘর আর কতকটা আবাদী জমী হইলেই একখানি পাহাড়ী গ্রাম হইল। আমরা প্রাতে ৯টার সময় বাহির হইয়াছিলাম, বেলা দুই প্রহরের সময় কসৌলীতে পৌঁছিলাম। বিদেশ—কাহারও সহিত পরিচয় নাই—কোথায় যাই—তখন—প্রথমে এই ভাবনাই মনে উদয় হইল। আমি ঘোড়া রাখিয়া একবারে প্যাস্তুর ইনষ্টিটিউটে আসিয়া উপস্থিত হইলাম।

সেদিন রবিবার। রোগীদেখিবার সময়ও উত্তীর্ণ হইয়া গিয়াছে—হাঁসপাতালে বিশেষ কোন লোকজন দেখিতে পাইলাম না। কলিকাতা মেডিকেল কলেজের প্রিন্সিপ্যাল মহাশয় আমার পুত্রের নিকট এখানকার ডাইরেটর সিম্পলটন (Simpleton) সাহেবের নামে এক পত্র দিয়াছিলেন। সাহেব তখনও সেখানে আছেন শুনিয়া আমি একজন ভৃত্যের দ্বারা সেই পত্রখানি সাহেবের নিকট পাঠাইয়া দিলাম। ২।৪ মিনিট পরেই দেখি সেই পত্রহস্তে সাহেব স্বয়ং আসিয়াই উপস্থিত, তিনি বিশেষ আদরের সহিত আমাদের অভ্যর্থনা করিলেন। সাহেব যে আবার দেশীয় লোকের প্রতি এমন ভদ্র ব্যবহার করিতে পারেন, সে ধারণা আমার ছিল না। তিনি বিশেষ মনোযোগের সহিত সমস্ত কথা শুনিলেন। শুনিয়া বলিলেন—“যখন এক সপ্তাহের মধ্যেই এখানে আসা

হইয়াছে, তখন ক্ষিপ্ত কুকুর হইলেও হাইড্রোফোবিয়ার কোন ভয় নাই।” সেই কুকুরকে মারিয়া ফেলা হইয়াছে কি না—এই কথা সাহেব আমায় পুনঃ পুনঃ জিজ্ঞাসা করিয়াছিলেন। সেই কুকুরের মস্তিষ্ক কি Spinal Cord পরীক্ষা করিয়া দেখিলে বুঝিতে পারা যায়, সে কুকুর হাইড্রোফোবিয়া রোগগ্রস্ত কি না। আমার পুত্রটি কলিকাতা মেডিকেল কলেজের ছাত্র বলিয়া এ বিষয় গতি কত ধীর, কাহার দ্বারা মস্তিষ্ক চালিত হয় প্রভৃতি অনেক কথা সাহেব তাহাকে বুঝাইতে লাগিলেন। সেইদিনই তাহার চিকিৎসা আরম্ভ হইল।

সে চিকিৎসা প্রণালীর কথা পরে বলিব, এখন প্রথমে বন্ধুবান্ধব বিহীন অপরিচিত স্থলে থাকিবার বিরূপ বন্দোবস্ত করিতে পারিলাম তাহাই বলি। প্রথমে ডিরেক্টর সাহেবের সৌজন্তে সাহসী হইয়া তাঁহাকেই আমাদের বাসার বিরূপ বন্দোবস্ত করিব—জিজ্ঞাসা করিলাম। সাহেব কহিলেন—“হাঁসপাতালের সংশ্লিষ্ট কতকগুলি ঘর আছে, আপনারা ইচ্ছা করিলে সেখানে থাকিতে পারেন। আর সেখানে থাকিবার অসুবিধা বোধ করিলে, এখানে স্বতন্ত্র বাড়ী ভাড়াও পাওয়া যায়, তবে দেশীয় লোকে প্রায় বাজারেই থাকেন।”

সাহেব একজন ভৃত্য সঙ্গে দিয়া আমাকে সেই সকল ঘর দেখাইতে পাঠাইলেন। দূর হইতে সে ঘরগুলি দেখিলাম ক্ষুদ্র ক্ষুদ্র কুঠারী। শুনিলাম একজন ধনী মাড়োয়ারী দেশীয় দরিদ্র লোকের থাকিবার জন্ত ইহা প্রস্তুত করিয়া দিয়াছেন। সেই ভৃত্যের মুখে শুনিলাম—এখানে কোন ভদ্রলোক থাকেন না, নিম্নশ্রেণীর লোকেই থাকে। তাহাদের একখানা খালা, একটা লোটা আর একখানা কম্বল পাইবারও ব্যবস্থা আছে। শুনিয়াই আমার হরিভক্তি উড়িয়া গেল। সেখানে নামিয়া গিয়া আর সে ঘর দেখিবার প্রবৃত্তি হইল না। সেই ভৃত্যকে জিজ্ঞাসা করিয়া জানিলাম যে বাজারে যে সরাই আছে, সেখানে ৪৫ জন বাঙ্গালী বাবু থাকেন এবং সেই সরাইএ বাবুদিগের থাকিবার উপযুক্ত ঘরও ভাড়া পাওয়া যায়। আমি তখন সেই সরাইএ যাওয়াই স্থির করিলাম। তখনও ঘোড়া বিদায় করা হয় নাই, কারণ তখনও আমাদের তিনজন কুলী আসিয়া পৌঁছায় নাই। কুলীদের নিকটই আমাদের সমস্ত

দ্রব্যাদি। একটু মনে ভয়ও হইল, কিন্তু সেই ভৃত্য কহিল—এ অঞ্চলে সেরূপ ভয়ের কোন কারণ নাই।

পিতা পুত্র পুনরায় ঘোড়ায় চড়িয়া তখন সেই সরাই-এর উদ্দেশে চলিলাম। সরাইএর নিকট পৌঁছিয়াছি, এইবার চড়াইএ উঠিলে সরাইএ পৌঁছিব এমন সময় সেই কুলী তিনজনের সহিত আমাদের পথিমধ্যে সাক্ষাৎ হইল। তখন একটা দুর্ভাবনার হাত হইতে রক্ষা পাইলাম। সরাইএ পৌঁছিয়াই তাহার বারাণ্ডায় একজন বাঙ্গালী বাবুকে দেখিতে পাইলাম। সেই বিদেশে একজন বাঙ্গালীর মুখ দেখিয়া আমার মনে যে কি আনন্দ হইল, তাহা আমি বর্ণনা করিতে অক্ষম। আমাকে দেখিয়াই তিনি নামিয়া আসিলেন, তাঁহার সঙ্গে সঙ্গে আরো তিনজন বাবু আসিলেন। কোন কথা বলিবার পূর্বেই তাঁহারা আমার এখানে আগমনের কারণ অনুভব করিতে পারিয়াছিলেন। শেষে আমার পরিচয় পাইয়া তাঁহারা আমাকে বিশেষ আদর ও অভ্যর্থনা করিলেন। তাঁহারা আমার থাকিবার বাসা ভাড়া করিয়া দিলেন, তাঁহাদের ভৃত্যের দ্বারা আমাদের সেদিনকার আহালাদিক বন্দোবস্ত করা হইল। আমি স্বহস্তে রন্ধন করিলাম। শুনিলাম—এই সমস্ত কসৌলী সহরের মধ্যে তাঁহারা ৫জন মাত্র বাঙ্গালী আছেন। তাঁহাদের মধ্যে একজন সপরিবারে থাকেন। সকলেই সেই সরাইএ থাকেন, এবং কমিসরিয়েটে চাকুরী করেন। কয়েকদিবস হইল, তাঁহারা এখানে আসিয়াছেন কারণ শীতকালে তাঁহাদের আফিস অঞ্চলয় নামিয়া যায়। আমি সেই সরাইএ বাসা পাইয়া আপনাকে সৌভাগ্যবান মনে করিলাম।

এইবার বাসা ও আহালাদিক কথা বলিব। আমি যে বাসা ভাড়া লইলাম, তাহার বন্দোবস্ত এইরূপ। একটা শয়ন-ঘর। শয়ন ঘরের সম্মুখেই বসিবার ঘর বা বৈঠক খানা। বৈঠক-খানার পার্শ্বেই রন্ধনের ঘর। তাহার পশ্চাতে স্নানের ঘর, স্নানের ঘরের অপর অংশে পাইখানা। সে পাইখানায় কমোটের বন্দোবস্ত। সরাইএর নিযুক্ত মেথর প্রতিদিন ২৩ বার তাহা পরিষ্কার করিয়া থাকে। এই বাসার মাসিক ৮ আট টাকা ভাড়া বন্দোবস্ত আছে কিন্তু তাঁহাদিগকে মাসিক ৫ পাঁচ টাকার অধিক ভাড়া দিতে হয় না। “কুর্ভা-কাটা” বাবু আসিলেই ৫

টাকার স্থলে ৮ টাকা ভাড়া হয়, তবে সরাইএর মালিক বাবুদিগের অনুরোধে আমরা অনুগ্রহ করিয়া দুই টাকা কমে ভাড়া দিয়াছিলাম।

সরাইএর পরিবার বিহীন বাবু চতুষ্টয়ও দেখিলাম—এক ‘মেসে’ থাকেন না। সকলেরই স্বতন্ত্র বন্দোবস্ত। প্রত্যেকের এক একজন ভৃত্য। সেই একজন ভৃত্যই মায় জুতা সেলাই হইতে চণ্ডীপাঠ পর্যন্ত করিয়া থাকে। আমাকেও একজন ভৃত্য রাখিতে হইল, তবে চণ্ডীপাঠের ব্যবস্থাটা আমি নিজহস্তে রাখিয়া দিলাম। গলায় সূত্র থাকিলেও তাহার হাতে ভাত খাইতে আমার প্রবৃত্তি হইল না। এই ভৃত্যের মাসিক বেতন ধার্য হইল ৮ টাকা। এই বেতন ব্যতীত এখানকার ভৃত্যদিগকে ‘ডাউল ও লেকড়ী’ দিতে হয়। ডাউল অর্থে কেবল ডাউল নহে, ছুইবেলা যে তরকারী ও মাংসাদি রন্ধন হয় তাহাই, আর ‘লেকড়ী’ অর্থে তাহার রুটী প্রস্তুতের জ্বালানী কাঠ। বাবুদিগের ভৃত্যের মাসিক বেতন ৫ পাঁচ টাকা, কিন্তু ‘কুর্ভা-কাটা’ বাবু হইলেই এইরূপ উচ্চহারে বেতন দিতে হয়।

এখানে জ্বালানী কাঠ বড়ই দুর্শূলা, এমনকি বাজারে ১০ মণ হিসাবে বিক্রীত হইয়া থাকে। তবে প্রাতঃকালে পাহাড়ীরা পৃষ্ঠে করিয়া যে কাঠ বিক্রয় করিতে আইসে, তাহাদের নিকট হইতে ক্রয় করিতে পারিলে, অনেক সুবিধা দরে পাওয়া যায়। গৃহস্থ লোকের সেই পথই অবলম্বন করাই উচিত, কারণ আমাদের দেশ অপেক্ষা সেখানে জ্বালানী কাঠের অধিক আবশ্যিক। যে শীতপ্রধান দেশ জল শীঘ্র গরম হয় না, অথচ গরমজল তিন্ন অল্প জল ব্যবহার করা যায় না। সুতরাং এখানে জ্বালানী কাঠের ব্যয় সর্বাপেক্ষা অধিক। তার পর জলও দুর্শূলা। অনেক নিম্ন স্থান হইতে জল আনিতে হয়। Supper miner বলিয়া একটা স্থান আছে, সে স্থানে আমাদের সরাই হইতে প্রায় দুইমাইল পথ। সেইখানকার জল খুব ভাল, ক্যান্টনমেন্টের গোরাসকল ও সমস্ত সহরের অস্ত্রাস্ত্র সাহেবেরা সেইখানকার জল ব্যবহার করিয়া থাকেন। আমরা তথাকার প্রত্যেক টিন জল এক আনা মূল্যে খরিদ করিতাম।

এইবার আহালাদিক কথা বলিব। এখানকার চাউ-

লের দর বড় বেশী। টাকায় চারিসের কি বড় জোর সাড়ে চারিসের করিয়া চাউল খরিদ করিতাম। আর তরিতরকারীর দরের কথা শুনিলে হয়ত আপনারা বিশ্বাসই করিবেন না। বেগুনের সের ১০ আনা, কপি, কড়াইস্টি, কুমড়া প্রভৃতির মূল্যও ঐরূপ। তবে কেবল আলুটা এক আনা সেরে পাওয়া যায়। সে সকল গুরু তরকারী দেখিয়া আমার হরিভক্তি উড়িয়া গেল। শুনিলাম সিমলায় অনেক বাঙ্গালী থাকার দরুন এই সকল দ্রব্য তথায় অধিক পরিমাণে আমদানী হয়, এবং মূল্যও অপেক্ষাকৃত সুলভ। বাজারে মৎস্ত দেখিতে পাওয়া যায় না, তবে মাংস ১০ আনা সেরে পাওয়া যায়, সে কিন্তু কসাইয়ের জবাই করা মাংস। সুতরাং আমাকে মাংস খাইবার অল্পব্যবস্থা করিতে হইয়াছিল। পাহাড়ীদিগের নিকট হইতে ১০ কিনা ১১০ মূল্যে একটা পাঁঠা কিনিয়া ৩।৪ দিন আহা-রের ব্যবস্থা চলিত, তাহাতে সে মাংসের স্বাদের কোন রূপ ব্যতিক্রম অনুভব করিতে পারিতাম না।

এইবার চিকিৎসকের কথা বলিব। আজকাল অনেক কঠিন রোগে প্রতিষেধক যে Inoculation বা টীকা দিবার ব্যবস্থা আবিষ্কৃত হইয়াছে, এখানকার চিকিৎসা-প্রণালীও সেইরূপ। Hypodermic Syringe বা স্কপিচকারীর দ্বারা ঔষধ পেটের চামড়ার নীচে প্রবেশ করা-ইয়া দেওয়া হয়। প্রথম পাঁচ দিন পেটের দুই পার্শ্বেই ঔষধ দেওয়া হয়। তার পর দশম ও পঞ্চদশ দিন ব্যতীত প্রত্যেক দিন একফোঁড় ঔষধ দিতে হয়। ওত্যেক দিন সে ঔষধের উগ্রতাও বৃদ্ধি করা হইয়া থাকে। সচরাচর ১৮ দিন হইতে ২১ দিন পর্যন্ত ঔষধ ব্যবহার করিতে হয়। তবে আমার পুত্রকে সাহেব ২৪ দিন রাখিয়াছিলেন। প্রত্যেক দিন দশটার সময় হাঁসপাতালে ঘাইতে হয়। ঔষধ লাগাইতে ২।১ মিনিট সময় লাগে, তবে পরে পরে নাম ডাকা হয় বলিয়া কিছুক্ষণ অপেক্ষা করিতে হয়। প্রথম ৩।৪ দিন বড় যন্ত্রনা হয়, এমন কি জ্বর পর্যন্ত হইয়া থাকে, কিন্তু তার পর আর কোন জ্বালা যন্ত্রনা থাকে না। আহালাদিক কোন নিয়ম নাই, তবে পুষ্টিকর আহালা এবং গরম কাপড় ব্যবহার করাই ব্যবস্থা।


এখন ঔষধ জিনিষটা কি, বলি শুনুন। একদিন হাঁসপাতালের সীমানার মধ্যে বেড়াইতে বেড়াইতে একস্থলে

বহুসংখ্যক খড়গোস পিঁঞ্জারাবদ্ধ দেখিলাম। অনুসন্ধানে জানিলাম—এই খড়গোসের মস্তিষ্ক হইতেই সেই ঔষধ প্রস্তুত হইয়া থাকে। এই ঔষধ প্রস্তুতের জন্ত হাঁসপাতালের মধ্যেই একটি প্রকাণ্ড লেবোরেটরী দেখিলাম। শুনিলাম খড়গোসের শরীরের মধ্যে জ্বালাতনের বিষপ্রবেশ করান হইয়া থাকে, সে অবস্থায় অনেক খড়গোস মরিয়া যায়, তবে তাহাদের মধ্যে যাহারা ক্ষিপ্ত হয়, তাহাদের মস্তিষ্ক হইতেই ঔষধ প্রস্তুত হইয়া থাকে।

এইবার এই চিকিৎসা-প্রণালীর ফলাফলের কথা বলিব। সংবাদপত্রের সহিত আমার সংস্রব আছে শুনিয়া ডাইরেক্টর Simpleton সাহেব সে সম্বন্ধে আমার অনেক সাহায্য করিয়াছেন। তাঁহার মুখে শুনিলাম—বিলম্বে আসার দরুন চিকিৎসা অবস্থায় ৩।৪ জন রোগীর মৃত্যু ঘটিয়াছে। কিন্তু যাহারা এখানে সম্পূর্ণরূপে চিকিৎসিত হইয়া চলিয়া গিয়াছেন, এমন একজনেরও জ্বালাতন রোগে মৃত্যুসংবাদ তিনি প্রাপ্ত হন নাই। তবে চিকিৎসিত ব্যক্তিদিগের মধ্যে শতকরা ১০ জনের সংবাদ তিনি আদৌ জানিতে পারেন না। কারণ হাঁসপাতাল পরিত্যাগের পর দিন হইতে তিন মাস পরে কর্তৃপক্ষগণকে তদীয় স্বাস্থ্যের সংবাদ দিবার যে নিয়ম আছে, অনেক মূর্খ ও অশিক্ষিত লোকে সে সংবাদ দেয় না।

যে চিকিৎসা-প্রণালীর এরূপ সন্তোষজনক ফল তাহা জনসমাজে যতই প্রচারিত হয়, ততই মঙ্গল, কারণ আমাদের এদেশে প্রচলিত গোঁদলপাড়া প্রভৃতি স্থানের দেশী ঔষধের ফল এরূপ সন্তোষজনক কখনই নহে। আমি সেই উদ্দেশ্যেই এই প্রবন্ধ লিখিলাম।

শ্রীযোগেশনাথ চট্টোপাধ্যায়।



বিশ্বামিত্র ও মেনকা।

মেনকা—

হের নাথ! তনয়া বদন নিরমল
চল চল প্রভাতের শতদল সম,
হের ছুটি নিদ্রালস আধ ফোঁটা আঁখি
এখনো সে ত্রিদিবের স্বপন জড়িত।
আমি যে স্বরগবাসী, মর্ত্যবাসী তুমি,
এবালিকা স্বর্গ মর্ত্য্য দৌহে আছে চুমি।
একিরূপ, একি হাসি হে ধর্মি প্রবর,
দেখ দেখ চেয়ে দেখ রূপের নিবর।

বিশ্বামিত্র—

আর প্রিয়ে বেঁধোনা ক স্নেহের বাঁধনে,
এতকি কঠিন সখি ফুলের বাঁধন।
কোথা হোম, কোথা যপ, কোথা আরাধনা,
কোথায় সে জীবনের প্রবতারা সম,
কোথা সে পাষণ সম কঠিন হৃদয়?
কাটলাম গাহ স্ত্যের লোহার শিকলি,
পিতা, মাতা, ভ্রাতা, ভগ্নী, জীবনের সখা
বিসজ্জিয়া চিরতরে প্রবেশিলু বনে,
তখন কাঁপেনি হৃদি; অশ্রু প্রস্রবণ
বহেনিত বিদারিয়ে হৃদি শৈল মোর?
উর্ধ্বশীর রূপরাশি, বিভ্রম বিলাস,
কুবেরের রত্নরাজি, সসাগরা ধরা,
পারেনিত টলাইতে বিশ্বামিত্রে কড়ু;
কেন তুমি মোর কাছে এলে? এলে যদি
লয়ে এলে কেন, স্নিগ্ধ শান্ত ও লাবণ্য,
কটাক্ষ সরল, সরমে জড়িত পদ?
কেন লয়ে এলে প্রেম পূর্ণ হৃদি তব
কৈতব বিহীন? কোথা বল রেখে এলে
চঞ্চল নয়ন, উন্মাদ ঘোবন শোভা
ধরণীর প্রলোভন যত? চিরকল্প
এহৃদয় দ্বার, উন্মুক্ত কেবল সখি
নারল্যে তোমার। তুমি স্বর্গমৃগদেবী

ঘোর তপোবনে এসেছিলে কি কুক্ষণে
মারীচের মত, তোমার মায়ায় ভুলি
হারালেম মুহূর্ত্তেকে যজ্ঞার্জিত ধন,
সর্বস্ব আমার। বিশ্বামিত্র, বিশ্বামিত্র!
বড় গর্ব, বড় দম্ব তব, দীন তুমি
ক্ষত্রিয় কুমার, অভিলাষী অর্জিব্বারে
ব্রাহ্মণত্ব ভবে। কুপমণ্ডকের মত
ভেবেছিলে ক্ষুদ্র এ ভুবন, আপনাতে
বিশ্বাস মহান। হে কৌশিক, কোথা আজি
দৃঢ়তা তোমার? তুচ্ছ বালুকার বাঁধ
রচেছিলে, ভেঙ্গেগেছে ক্ষীণ জলোচ্ছ্বাসে।
প্রিয়তমে প্রাণাধিকে মেনকা আমার
ক্ষমা কর, ক্ষমা কর! তনয়াবদন
চেকে ফেল, রাখ ঢাকি অঞ্চলে তোমার।
কারাগার মধ্যে কারাগার! বাঁধনের
উপরে বাঁধন! জগতের লোভ তৃণ
আহরি যতনে রচেছে কঠিন বিধি
দৃঢ় এ বাঁধন, সংসার আলানে হায়
বাঁধিবারে মত্ত হাতী সম অভাগায়।

মেনকা—

বিশ্বামিত্র!
আজিতব নরত্বের পূর্ণ পরিচয়,
দেবকণ্ঠা এসেছিলু বাঁধিতে তোমায়
ধরিতে আসিয়া নিজে ধরা দিলু হেথা।
আমরা অলকলতা ত্রিদিব নিবাসী
কি বন্ধন আছে ধরা সাথে? তুমিইত
রোপিয়াছ এলতিকা সখে ধরণীর
তপ্ত মৃত্তিকায়; তুমিই ত বাঁধিয়াছ
সুবর্ণ-পিঞ্জরে কাননের মধুলুঙ্গ
মত্ত পাপিয়ায়। তুমিইত ফেলিয়াছ
আনায় মাঝারে প্রণয়কুসুমগন্ধে
অন্ধহরিণীরে। সত্য আমি এসেছিলু
স্বর্গ মৃগীসম কুক্ষণে এবন মাঝে,
তব করে সঁপিছু পরাণ। ভুলিলাম
সুখ স্বর্গ, চির সাথীজন, ভুলিলাম
সকলি আমার, হারালেম নিজ সত্ব

সত্বায় তোমার। বড় দৃঢ়, বড় দৃঢ়
প্রেম কারাগার, অপত্য সে মরতের
শৃঙ্খল বিষম, সবিঃসত্য, সত্য জানি
এ শুম্মা তপস্যার মূর্ত্ত বিলম্ব সম;
কিন্তু সখা এয়ে বাঁধা পরাণে পরাণ,
এ সম্বন্ধ টুটিতে যে কেঁদে উঠে হিয়া।
বিশ্বামিত্র দেখ চেয়ে তনয়া বদন,
চেয়ে আছে মুগ্ধা তব পানে। দূরে থাক
যপ তপ, এসো সখে এসো, শ্যাম শৈলে
পর্ণ গৃহ রচি, কিরাত কিরাতী সম
তোমা আমা দৌহে থাকি মনোস্থখে সদা।
উড়িবে পবনে মোর এ চূর্ণ কুস্তল
তুমি তারে বেঁধে দিবে শ্যামলতা দিয়ে,
হীরক শ্রবণ ছল দূরে দিব ফেলি,
তুমি কর্ণে পরাইবে শিরীষ কুসুম।
বক্ষের বাসব দত্ত রম্য মণিহার
ফেলে দিব “মালিনীর” জলে তুমি প্রিয়
রচে দিবে বস্ত্র যুখী মালা, প্রেমহার
স্নিগ্ধ অল্পপম। আরণ্যক বধু সম
বন্ধলে ঢাকিব মোর এ স্থির-ঘোবন।
ফিরিবে হে ধনু করে তুমি বনে বনে
আমি দিব হস্তে তব সায়ক যোগায়ে।
বক্ষমাঝে অনিবার বাঁধা রবে মোর
এ তনয়া অবনীর্ স্বখ-শান্তি সার;
চাহি এর মুখপানে, দেখি মধু হাসি
মরত স্বরগ বলি হবে মোর ভ্রম।
কুরঙ্গ কুরঙ্গীসম বিচরিব দৌহে
দিন শেষে ক্লাস্তদেহে ফিরিব যখন
শান্তি দিবে শূল্যমাংস ভূয়িষ্ট ভোজনে।
তুচ্ছ সে স্বরগসুখ, তুচ্ছ ধনরাশি,
তোমার বয়ান হেরি, সুখনীরে ভাসি।

বিশ্বামিত্র—

প্রিয়তমে, দীন আমি দোষী আমি পদে;
ক্ষম দেবি, ক্ষম অপরাধ, তুমি উচ্চ,
নীচ আমি ভবে। ভাঙ্গিয়াছ গর্বভরা
এ উন্নত বুক, ভাঙ্গিয়াছ মুহূর্ত্তেকে

অপূর্ণ সে তপ। ক্ষুদ্র আমি, নর আমি
দেবরোষে আজি মোর পূর্ণ পরাজয়;
পরাজয় বালিকারকাছে। ক্ষম মোরে।
চেকে রাখ কণ্ঠামুখ তব রূপরাজি,
বিদায়, রেখোনা ধরি, বিদায় গো আজি।
স্বইচ্ছায় ভেঙ্গেছে যে সুখ হৃদ্য্য তার
সে কি গো রচিবে সেথা কুটীর আবার।

শ্রীকুমুদরঞ্জন মল্লিক।

রামকেলির মেলা।

রামকেলি, গোড়ের মধ্যবর্তী একখানি গ্রাম। এখানে
প্রতিবৎসর জৈষ্ঠমাসের শেষ কয়দিন ও আষাঢ়ের প্রথম
তিন দিন ব্যাপী একটা মেলা হইয়া থাকে।
চৈতন্যদেব সন্ন্যাস গ্রহণের পর রূপ ও সনাতনকে দর্শন
দিতে, নবদ্বীপ হইতে গোড়ে আসিয়াছিলেন এই ঘটনার
স্মরণার্থ রামকেলিতে মেলা হইয়া থাকে। কোন্ সময়
কোন্ ব্যক্তি কর্তৃক এই মেলা প্রথম প্রতিষ্ঠিত হয়,
তাহার কোন বিবরণ পাওয়া যায় না। পূর্বে জৈষ্ঠমাসের
শেষ দিবসে ভক্ত বৈষ্ণবেরা এখানে সমবেত হইয়া বেত-
ফল ক্রয় ও পরস্পরের কুশল জিজ্ঞাসা করিতেন।
মদনমোহনের ঠাকুরবাড়ী হইতে বারছারি বা সোনা-
মস্জিদ পর্য্যন্ত স্থানে এই মেলা হইয়া থাকে। পূর্বেদিকে
রূপসাগরের জলে মেলার লোকের স্নান পান হয়। গঙ্গা
ও বেশী দূরে নয়। রামকেলির সন্নিকিত গঙ্গার স্থানীয়
নাম হাব্বাস খাঁ। রূপসাগর, শ্রীরূপগোস্বামীর কীর্তি।
কয়েকবৎসর তেমন বৃষ্টি না হওয়ার এখন ইহাতে বেশী
জল নাই। মেলায় নানাস্থান হইতে বৈরাগী বৈষ্ণবীর
সমাগম হইয়া থাকে। চৈতন্যের আগমন হইয়াছিল
বলিয়া বৈষ্ণবেরা রামকেলিকে পবিত্র জ্ঞান করিয়া
থাকেন। এজেলার বৈষ্ণবধর্মাবলম্বী লোকের সংখ্যা
বিস্তর, তজ্জন্ত রামকেলি এজেলার লোকের নিকট পবিত্র

স্থান। রামকেলিতে অশ্রু জাতির বাস নাই। কেবল ত্রিশঘর বৈষ্ণব বাস করে। বৈষ্ণবেরা শান্ত প্রকৃতিক। সকলেরই বাড়ীতে ঠাকুর সেবা আছে। দশটি ঠাকুর বাড়ী আছে। তিনটি ঠাকুর বাড়ীতে গোরনিতাই মূর্তি আছেন। বৈষ্ণবদের, অতিথি সেবা প্রশংসনীয়। আমরা অনেক সময় না ভাবিয়া সম্প্রদায় বিশেষকে ঘৃণা করিয়া থাকি। বৈষ্ণবদের আখড়ায় গেলে ইহাদের বিনয় ও মৌজতে মোহিত হইতে হয়।

রামকেলির অপেক্ষা বড় মেলা বাঙ্গালার অনেক স্থানে দেখিতে পাওয়া যায়, কিন্তু রামকেলির অপেক্ষা মনের আনন্দ দায়ক মেলা, অশ্রু স্থানে নাই। বৈষ্ণবদের সর্ব সম্প্রদায়ের লোকে রামকেলিতে আসিয়া থাকে। শতশত বৈষ্ণব বৈষ্ণবী, খোল করতাল একতারাও গোপীযন্ত্রের বাজের সঙ্গে নুপুর বাজ মিশাইয়া কৃষ্ণ ও-কৃষ্ণ চৈতন্তলীলা গান করিয়া লোককে মোহিত করিয়া থাকে। বৈষ্ণব, বৈষ্ণবীর মনোহর নৃত্য দর্শন করিলে সকলেরই চিত্ত বিনোদন হয়। মধুর সঙ্গীত শ্রবণ করিলে ছবিবিনীত মন অনেক দিন ভাল থাকে। বহুসংখ্যক গৃহস্থ, সঙ্গীক আগমন করিয়া মেলার গাঙ্গীর্ষ্য ও পবিত্রতা বর্দ্ধিত করিয়া থাকেন। মেলার নামে নানাবিধ কুৎসিত গল্প শুনা গিয়া থাকে, কিন্তু তাহা নিতান্ত অমূলক। এমেলায় এমন কোন দ্রব্য বিক্রীত হয় না যে, যাহা অশ্রু মেলায় পাওয়া না যায়। লোকে সাত্ত্বিক আনন্দ উপভোগের জন্তই এখানে আসিয়া থাকে। স্ত্রী পুরুষের এমন অসঙ্কোচে মেশামেশি অশ্রু কোন মেলায় দেখিতে পাওয়া যায় না।

মেলার শান্তিবিধানের যথোচিত বন্দোবস্ত হইয়া থাকে। জেলার কর্তা স্বয়ং পুলিশকর্মচারিগণ পরিবেষ্টিত হইয়া মেলার শিয়রে অবস্থান করিয়া থাকেন। গোড়ের যে সকল অট্টালিকা এখনও খাড়া আছে, কয়েক বৎসর হইতে সরকার বাহাদুরের তরফ হইতে সে সকলের মেরামত হইতেছে। গবর্ণর জেনারেল লর্ড কর্জন, গোড় দর্শন করিয়া গিয়াছেন। ছোটনাটগণ গোড় দর্শন করিয়া থাকেন। বড় বড় সাহেব স্ত্রীবা গোড় দেখিতে আসেন। তাঁহাদের অবস্থান জন্ত, পিয়াজবাড়ী দীঘীর তীরে ডাক বাঙ্গালা নির্মিত হইয়াছে। শুনা যায়, পিয়াজবাড়ী দীঘীর জল পূর্বে নিতান্ত অপেক্ষছিল,

তজ্জন্ত উহা কয়েদিদিগের পানার্থ ব্যবহৃত হইত। ইহাতে কয়েদিদিগের এতদূর স্বাস্থ্য হানি হইত যে, অনেকে অল্প কালের মধ্যে মরিয়া পাইত। আকবর বাদশাহের আদেশে এই প্রথা রহিত হয়। এই গল্প সত্য বলিয়া বোধ হয় না। পিয়াজ বাড়ী দীঘীর জল এখন অতি পরিষ্কৃত ও সুস্বাদ। পূর্বে অপেক্ষছিল কেন, তাহা জানা যায় না। ১৫৭৫ খৃষ্টাব্দে আকবর গোড় অধিকার করেন। ঐসনেই গোড় পরিত্যক্ত হয়। আকবর বাদশাহের সময় গোড়ে কয়েদি থাকিত না, তজ্জন্ত পিয়াজবাড়ী দীঘী ঘটিত উপাখ্যানটিকে সত্য বলিয়া বোধ হয় না। পূর্বে পিয়াজবাড়ী দীঘীর তটে নগর রক্ষীদের একটি আড্ডাছিল, এরূপ অনুমিত হয়। এখান হইতে রামকেলি দেখা যায়। আধুনিক শাস্ত্রিকদের বাসভবন, প্রাচীন কালের কথা স্মরণ করাইয়া দেয়।

মদনমোহনের বাড়ী হইতে মেলার আরম্ভ। মদনমোহন, সনাতন গোস্বামীদের কুলদেবতা। বৃন্দাবনের মদনমোহনের যতই মহিমা বর্ণিত হউক না, রামকেলির মদনমোহন তাঁহার পূর্ব রূপ। আজ যদি গোড় পূর্বাভাস্য থাকিত, তাহা হইলে রামকেলির মদনমোহনের খ্যাতিও বাড়িত। রামকেলির বিগ্রহ অপেক্ষা মদনমোহন প্রাচীন। ঠাকুরবাড়ীর নিকটে রূপ সনাতনও অল্পের বাড়ীছিল। এখন সে বাড়ীর চিহ্ন মাত্রও নাই। ইট পর্যন্ত তুলিয়া লওয়া হইয়াছে। সেখানে ধাতুক্ষেত্র হইয়াছে। ঠাকুরবাড়ীর নিকটে শ্রামকুণ্ড ও রাধাকুণ্ড নামক দুটি ক্ষুদ্র পুকুর। গোস্বামীরা তিনভাই বৃন্দাবন লীলা স্মরণার্থ কুণ্ডয় খনন করাইয়াছিলেন, এরূপ কথিত হইয়া থাকে। যথা ভক্তিরত্নাকরে—

সনাতন রূপের সাধন যে প্রকার।
সে সকল বিস্তারি কহিতে সাধ্য কার ॥
বাড়ীর নিকটে অতি নিভৃত স্থানেতে।
কদম্বকানন রাধা শ্রাম কুণ্ড তাতে ॥
বৃন্দাবনলীলা তাতে করিয়ে চিস্তন।
না ধরে ধৈর্য নেত্রে ধারা সর্বক্ষণ ॥
শ্রীবিগ্রহ মদনমোহন সেবার রত।
সদা খেদ উক্তি তায় কহিব বা কত ॥

বৃন্দাবনের শ্রামকুণ্ড ও রাধাকুণ্ড আগে ধান্য ক্ষেত্রের

ভিতর ছিল। গৌড়ীয় গোস্বামীগণ তাহার উদ্ধার সাধন করেন। রামকেলির রাধাকুণ্ড ও শ্রামকুণ্ড, তাহার পূর্বেই খনিত হইয়াছিল। তবে ভক্তগণ অবশ্যই বৃন্দাবনের কুণ্ডয়কে নিত্য বলিবেন, তাহাতে কোন কথা নাই।

জীব গোস্বামী রূপসনাতনের কনিষ্ঠ ভ্রাতা অল্প বা বল্লভ গোস্বামীর পুত্র। রূপ ও অল্প, সনাতনের অগ্রে সংসার ত্যাগ করেন। সংসার বৈরাগ্যই ভ্রাতৃত্বের সংসার ত্যাগের কারণ সমুদায় বৈষ্ণব-গ্রন্থের এই মত। হোসেন সার রাজত্বকালে রূপ ও সনাতন উচ্চরাজকার্যে নিযুক্ত ছিলেন। রূপের সংসারত্যাগের আট বৎসর পরে সনাতন সংসার ত্যাগ করেন। যখন হোসেন সাহ সনাতনের রাজকার্যে ওদাশের উল্লেখ করিয়া বলেন যে, “তোমার জ্যেষ্ঠ ভাই করে দক্ষ্যব্যবহার। জীব পশু মারি কৈল চাকলা ছারখার।” তখন হোসেন সা হস্ত রূপকে লক্ষ্য করিয়াছিলেন। বোধহয় রূপকে সনাতনের জ্যেষ্ঠ বলিয়া বিশ্বাস করিতেন। রাজারুগ্রহের চাঞ্চল্য-নিবন্ধন রূপের সংসার ত্যাগ হইয়াছিল, যদি কেহ এরূপ মনে করেন, তবে যে তিনি অশ্রয় করিলেন এরূপ মনে হয় না। গোড়ের মধ্যে হিন্দুগণ অসঙ্কোচে স্বধর্ম্মানুসারিত ক্রিয়াকলাপ করিতে পারিত না ইহা এদেশে প্রবাদবাক্যের মত হইয়া আছে। গোড়ের পার্শ্ববর্তী গঙ্গার তীরে হিন্দুদিগকে স্বাধীনভাবে ধর্ম্মানুষ্ঠান করিতে দেওয়া হইত। রামকেলি রাজবাড়ীর নিতান্ত সন্নিহিত ছিল। রামকেলিতে বিস্তর ব্রাহ্মণ-সঙ্কনের বাস ছিল। এই স্থানে রূপ ও সনাতনের বাস করিতেন। নবদ্বীপের প্রখ্যাত পণ্ডিতগণ সর্বদা রামকেলিতে গমন করিতেন। সার্কভৌম ভট্টাচার্য্য ও তদ্ভ্রাতা বিত্তাচাচপতি, রূপসনাতনের প্রধান উপদেষ্টা ছিলেন। ভক্তিরত্নাকরে লিখিত আছে,—

রাজা হর্ষে দিল রাজ্য পৃথক করিয়া।
রাজ্যভোগ করয়ে কিঞ্চিৎ কর দিয়া ॥
গোড়ে রামকেলি গ্রামে করিলেন বাস।
ঐশ্বর্যের সীমা অতি অদ্ভুত বিলাস ॥
ইন্দ্র সম সনাতন রূপের সভাতে।
আইসে শাস্ত্রজগণ নানা দেশ হইতে ॥

গায়ক বাদক নর্তকাদি কবিগণ।
সর্বদেশী সকল নিযুক্ত সর্বক্ষণ ॥
সর্বত্র ব্যাপিল এ দৌহার গুণ গণ।
কর্ণাট দেশাদি হইতে আইলা বিপ্রগণ ॥
সনাতনরূপ নিজ দেশস্থ ব্রাহ্মণে।
বাসস্থান দিলা সবে গঙ্গা সন্নিধানে ॥
ভট্টগোষ্ঠীবাসে ভট্টবাটী নামে গ্রাম।
সকলে শাস্ত্রজ্ঞ সর্বমতে অল্পম ॥
রামকেলি গ্রামে সে সকল বিপ্র লৈয়া।
ব্যবহার কার্য্য সব সাধে হর্ষ হৈয়া ॥
বৈষ্ণব সম্প্রদায়গণে রূপ সনাতন।
যে রূপ আদর করে নাহয় বর্ণন ॥
নবদ্বীপ হইতে আইসে বিপ্রগণ যত।
কহিতে না পারি তা সভারে ভক্তি কত ॥

রামকেলির কোন স্থানটিকে ভট্টবাটী বলিত, এখন তাহা জানা যায় না। রূপসনাতন গৃহত্যাগ করিলে পণ্ডিতগণ রামকেলি ত্যাগ করেন। এখন রামকেলিতে একঘর ব্রাহ্মণেরও বাস নাই। মদনমোহনের নিকটে ইষ্টকপ্রথিত এক উচ্চ ভূখণ্ডে একটি তমালবৃক্ষ আছে। বৃক্ষটি পুরাতন নয়। পূর্বে সেখানে অশ্রু তমালবৃক্ষ ছিল কি না জানা যায় না। গোড়ে আসিয়া এই স্থানে দাঁড়াইয়া চৈতন্তদেব উচ্চৈঃস্বরে হরিনাম করিয়াছিলেন। রাজধানীর বহুলোক, এই নবীনসন্ন্যাসীকে দেখিবার জন্ত আসিতে লাগিল। নগর কোতোয়াল হোসেন সার নিকট জানাইল, এক হিন্দু সন্ন্যাসী আসিয়া ভূতের নাম করিতেছে। তাহার সঙ্গে অনেক লোক। কোতোয়ালজির মনে আশা ছিল, বাদশাহের হুকুম পাইলে সন্ন্যাসীর উপর আপনার বীরত্ব প্রকটন করেন। রাজসভার হিন্দুকর্মচারিগণের জন্ত কোতোয়ালজির মনোবাঞ্ছা পূর্ণ হয় নাই। হোসেন সা কোতোয়ালকে সন্ন্যাসীর প্রতি অশ্রুচার করিতে নিষেধ করিলেন। রূপসনাতন, কেশবছত্রী প্রভৃতি কর্মচারিগণ চৈতন্তদেবের সঙ্গে সাক্ষাৎ করিয়া তাঁহাকে সত্বর গোড় ত্যাগ করিতে অনুরোধ করেন। চৈতন্তদেব লোকসংঘট পরিত্যাগ করিয়া গোপনে গোড় হইতে প্রস্থান করেন। এখন এই স্থানে বেশী লোকের সমাগম দেখিলাম না। দুই বার এইস্থানে দুটি একটি ধ্যানস্তিমিত-

নয়ন উদাসীকে দেখিয়াছিলাম। এবার একটা স্ত্রীলোক এখানে বসিয়া কি ভাবিতেছে দেখিলাম। লোকের মনে ধর্মভাব কিরূপ আধিপত্য করিতেছে, তাহা বুঝিতে পারা গেল।

আর এক কারণে অনেকে বামকেলি দেখিতে যায়। বেদিক্ হইতেই আসা যা'ক বিশাল ভগ্নস্তূপের মধ্য দিয়া বামকেলিতে আসিতে হয়। অনেক মূংপ্রাচীর অতিক্রম করিতে হয়। এক একটা মূংপ্রাচীর কি উচ্চ! এসকল, নগরকে জলপ্রাবন ও শত্রুগ্রাস হইতে রক্ষার জন্ত নিশ্চিত হইয়াছিল। এক একটা উচ্চস্থানকে এক একটা শ্মশান বলিলেও হয়। এখানে কত মধুর হাসি, কত নুপুরশিঙ্গন ও কত নীরব কবিতার সমাধি হইয়াছে তাহা কে বলিতে পারে? এই সকল স্থান কতশত গজবাজি পদাতি ও অশ্বারোহীর পদভরে কম্পিত হইয়াছে, তাহাই বা কে বলিতে পারে? বিশালকায় দখলদরজা, বারছয়ারি, কোতোয়ালিগেট দেখিলে বিশ্বাসে অভিভূত হইতে হয়। মহাশ্মশান যেমন মানবকে জগতের নশ্বরত্ব স্মরণ করাইয়া দেয়, মহানগরের ভগ্নাবশেষও তাই করে। বামকেলি এই মহাশ্মশানের মধ্যে থাকিয়া নীরবে কত অতীত কাহিনী কহিতেছে।

শ্রীরজনীকান্ত চক্রবর্তী।



শম্ভুচন্দ্র মুখোপাধ্যায়।

[পূর্ব প্রকাশিতের পর]

১৮৭৮ খৃঃাব্দের ১লা জানুয়ারী শম্ভুচন্দ্র পুনরায় ত্রিপুরায় যান। ত্রিপুরার উন্নতিসাধনে শম্ভুচন্দ্র বিশেষ যত্ন করেন। এই সকলের মধ্যে প্রথম উল্লেখ যোগ্য দোগাঙ্গি জলার নিষ্পত্তি। এই জলা লইয়া ত্রিপুরা রাজ্যের এবং সরাইলের জমিদার কাশিমবাজারের অন্নদাপ্রসাদ রায়ের সহিত তখন বিশেষ শত্রুতা চলিতে ছিল। পূর্বে অনেক মামলা মোকদ্দমা হইয়া উভয় পক্ষের বহুল অর্থ নষ্ট হয় কিন্তু কোন রূপ নিষ্পত্তি হয় না।

মোকদ্দমায় কাশিমবাজারের রায় বাবুরা হারিয়াছিলেন কিন্তু বলপূর্বক তাঁহারা তাঁহাদের স্বত্ব রক্ষা করিতে- ছিলেন। মারামারি, দাঙ্গাহাঙ্গামা-প্রায় প্রতিদিবসই হইত এবং ফৌজদারী মোকদ্দমায় প্রতিমাণে উভয় পক্ষের যথেষ্ট অর্থ নাশ হইত। শম্ভুচন্দ্র দেওয়ান হইয়াছেন শুনিয়া কাশিমবাজার হইতে অন্নদাপ্রসাদ রায় তাহার বহুদর্শি বৃদ্ধ নায়েব জগন্নাথ ভট্টাচার্য্যকে গোলযোগ নিষ্পত্তি করিবার মানসে ত্রিপুরায় পাঠাইয়াদেন। দোগাঙ্গি জলা লইয়া কিরূপে কাশিমবাজারের রায় বাবু দিগের সহিত ত্রিপুরার বিবাদ আরম্ভ হয় তাহার কিঞ্চিৎ ইতিহাস এখানে প্রদত্ত হইল। পূর্বে মুসলমান আমলে মেঘনা নদীর পর পারস্থিত সমস্ত ভূভাগ অর্থাৎ সরাইল, গঙ্গামণ্ডল, পাটকিয়ারা প্রভৃতি জমিদারী ত্রিপুরারাজ্যের অন্তর্গত ছিল। এই সকল স্থানে সুবিশাল অরণ্যানী বিদ্যমান থাকায় ত্রিপুরার মহা-রাজগণ এখানে মধ্য মধ্য হস্তী প্রভৃতি বহু জন্তু শিকার করিতে আসিতেন। এক সময়ে শিকার কালে ত্রিপুরার কোন মহারাজ সরাইল জমিদারীর দেওয়ান সাহেবের এক পুত্রকে দৈবক্রমে গুলি করিয়া ফেলেন। এই মৃতপুত্র দেওয়ান সাহেবের একমাত্র সন্তান। সুতরাং তাহার মৃত্যুতে দেওয়ান সাহেব অত্যন্ত মর্দ্বাহত হন এবং সংসার ত্যাগ করিয়া দরবেশী মুসলমান পরিব্রাজকদিগের স্ত্রায় জীবন ক্ষেপন করিবেন, স্থির করেন। মহারাজ দেওয়ান সাহেবের এইরূপ সংকল্প শ্রবণে অত্যন্ত ব্যথিত হইলেন এবং দেওয়ান সাহেবের স্ত্রায় তিনিও সংসার ত্যাগ করিবেন স্থির করেন। কিন্তু অশান্তি অমাত্য এবং সুহৃদ্বর্গ উভয়কেই সন্তোষ বাক্যে তুষ্ট করিলে উভয়েই সংসার ত্যাগ বাসনা পরিত্যাগ করিলেন এবং দেওয়ান সাহেবও সরাইলে অবস্থান করিয়া ধর্মকার্যে জীবনের অবশিষ্ট কাল যাপন করিবেন মনস্থ করেন। দেওয়ান সাহেব সরাইলে ফিরিয়া আসিবার সময় মহারাজ তাহাকে সরাইলের জমিদারীর মালিক করিয়া দেন। তদবধি সরাইল দেওয়ান সাহেবদিগের জমিদারী হয়। পরে নানা কারণে সরাইল জমিদারীর প্রায় বার আনা অংশ অন্নদাপ্রসাদ রায়ের পিতামহ নরসিংহচন্দ্র রায় ক্রয় করেন। নরসিংহের পুত্র রাজকৃষ্ণ রায় এবং তাঁহার পুত্র অন্নদাপ্রসাদ রায় ক্রমে ইহা উত্তরাধিকার স্বত্ব

প্রাপ্ত হন। দোগাঙ্গি জলার তিন সীমানা সরাইল জমিদারী দ্বারা বেষ্টিত। অপর সীমানায় তিতাসনদী এবং ত্রিপুরার জমিদারী নুরনগর বর্তমান। পূর্বে এই জলা তিতাসনদীর হ্রদ রূপে ছিল এবং চিরস্থায়ী বন্দোবস্তের পূর্বে যে সার্ভে হয় সেই সার্ভের মানচিত্রে এই দোগাঙ্গি হ্রদ ত্রিপুরা রাজ্যের অন্তর্গত বলিয়া নিদ্রিষ্ট হয়। প্রথমে এইরূপ সার্ভে মানচিত্রের বিষয় রাজকৃষ্ণ রায় জানিতে পারেন নাই কিন্তু যখন চিরস্থায়ী বন্দোবস্ত হইয়া দোগাঙ্গি ত্রিপুরার জমিদারী নুরনগরের অন্তর্গত হইল তখন রাজকৃষ্ণ রায় দেওয়ানী মোকদ্দমা রুজু করিলেন এবং তখন চিরস্থায়ী বন্দোবস্ত হইয়া যাওয়া হেতু মোকদ্দমায় তাঁহার পরাজয় হইল। কিন্তু রাজকৃষ্ণ স্বত্ব ত্যাগ না করিয়া বল পূর্বক দোগাঙ্গি দখল করিতে লাগিলেন। কাজে কাজেই ত্রিপুরার কর্মচারীদিগের সহিত তাঁহার সদাসর্বাদা দাঙ্গা হাঙ্গামা হইয়া ফৌজদারী মোকদ্দমা হইত। বহু চেষ্টাকরিয়াও রাজকৃষ্ণ এই বিষয়ের নিষ্পত্তি করিতে পারেন নাই। তাঁহার মৃত্যুর পর তদীয় পুত্র অন্নদাপ্রসাদ মুর্শিদবাদ হইতে মহারাজ বীরচন্দ্র মাণিক্যের রাজ্যাভিষেকের সময়ে ত্রিপুরায় আগমন করেন। অন্নদাপ্রসাদ ভাবিয়া ছিলেন যে, এই সুযোগে মহা-রাজকে অল্পরোধ করিলে বহুকালব্যাপী কলহ মিটিয়া যাইবে। কিন্তু কার্যে সুফল ফলে নাই। বিফল মনোরথ হইয়া অন্নদাপ্রসাদকে প্রত্যাভর্তন করিতে হয়। শম্ভুচন্দ্র যখন নিজামতের দেওয়ানী করিতেন সেই সময় অন্নদাপ্রসাদ শম্ভুচন্দ্রের উদারতার বিষয় অবগত ছিলেন। সুতরাং যখন শুনিলেন যে শম্ভুচন্দ্র ত্রিপুরার প্রধান মন্ত্রীর পদ পাইয়াছেন তখন আশ্বস্ত হইয়া তিনি তাঁহার বৃদ্ধ নায়েব জগন্নাথ ভট্টাচার্য্যকে পুনরায় ত্রিপুরায় পাঠান। জগন্নাথ আসিয়া শম্ভুচন্দ্রের সহিত সাক্ষাৎ করিয়া স্বীয় প্রভুর বাসনা জানাইলেন এবং মহারাজের নিকটে উক্ত আবেদন লইয়া দেখা করিবার ইচ্ছা প্রকাশ করিলেন। শম্ভুচন্দ্র বৃদ্ধ ব্রাহ্মণকে সং পরামর্শ দিয়া তাঁহার বাটিতে কিছু দিন অবস্থান করিতে বলিলেন এবং সুযোগ বুঝিয়া মহারাজের নিকট দোগাঙ্গি জলার সম্বন্ধে একটা মৌমাংসার জন্ত আবেদন করিলেন। ফৌজদারী মোকদ্দমায় বহুল অর্থ এবং জীবন নাশ হওয়া

হেতু মহারাজ বিশেষ চটিয়া ছিলেন; তথাপি শম্ভুচন্দ্র কৌশল পূর্বক উক্ত বিষয় তাঁহার নিকট পেশ করেন। এই বহু বর্ষব্যাপী বিবাদ যাহাতে না মিটিয়া যায় তজ্জন্ত রাজ কর্মচারীদিগের বিশেষ চেষ্টা হইল। কারণ বিবাদ-বাহু প্রজ্জ্বলিত রাখিতে পারিলে উভয় পক্ষের কর্মচারীদিগের বিশেষ লাভ। কিন্তু শম্ভুচন্দ্র অনেক চেষ্টার পর উভয় পক্ষকে বজায় রাখিয়া অন্নদাপ্রসাদ রায় এবং তাঁহার উত্তরাধিকারিগণকে উক্ত জলার পত্তনি-দার নিযুক্ত করিবার জন্ত মহারাজকে পরামর্শ দিলেন। মহারাজ ইহাতে স্বীকৃত হইলে জগন্নাথ ভট্টাচার্য্যকে শম্ভুচন্দ্র অন্নদাপ্রসাদের মতামত জন্ত পত্র লিখিতে বলিলেন। অন্নদাপ্রসাদ স্বীকৃত হইয়া পত্র লিখিলে মহারাজ তাঁহাকে দোগাঙ্গি জলার পত্তনিদার নিযুক্ত করিলেন এবং এইরূপ দীর্ঘকালের বিবাদ চিরতরে প্রশমিত হইল। অন্নদাপ্রসাদ শম্ভুচন্দ্রকে এই কার্যের জন্ত যথেষ্ট ধন্যবাদ দিয়াছিলেন।

১৮৭৭ খৃঃ অব্দে শম্ভুচন্দ্র ত্রিপুরায় অবস্থানকালে ত্রিপুরায় অনেক ঐতিহাসিক তত্ত্ব সংগ্রহ করিয়াছিলেন। পুরাতন এবং নূতন আগরতলার মধ্যবর্তী মেরিয়ার নগর নামক একটি ক্ষুদ্র গ্রামে অনেক দেশীয় স্থষ্টিয়ান বাস করে। ইহাদের সম্বন্ধে তাঁহার কৌতূহল উদ্দীপ্ত হইলে তিনি তাহাদিগের কয়েক জনকে ডাকাইয়া তাহাদের তদানীন্তন অবস্থার বিষয়ে জিজ্ঞাসা করিলে তাহারা নিজেদের অতি শোচনীয় সংবাদ তাঁহার নিকট জ্ঞাপন করে। তাহাদের অবস্থা এতদূর হীন ছিল যে তাহারা আগরতলা চিরতরে ত্যাগ করিবার জন্ত চেষ্টা করিতেছিল। এই স্থানে এই সকল ফিরিঙ্গিরা কি রূপে প্রথম আসিয়া বাস করে তাহার কিঞ্চিৎ ইতিহাস প্রদত্ত হইল।

পাঠকগণ অবগত আছেন যে, মোগল সম্রাট সাজাহানের রাজত্ব কালে পর্তুগীজ জল দস্যু দিগের উপদ্রবে বাঙ্গালার নৌব্যবসায় একবারে লোপ পাইবার উপক্রম হয়। মোগল সম্রাট এই সকল পর্তুগীজ দস্যু দিগের উপদ্রব নিবারণ করিবার জন্ত সায়েস্তা খাঁকে প্রেরণ করেন। ইতঃপূর্বে আরাকান এবং ত্রিপুরা রাজ্যের অধীনে অনেক পর্তুগীজ সমরবিভাগে চাকুরী স্বীকার করিয়াছিল। সায়েস্তা খাঁ অনেক পরিমাণে পর্তুগীজ জল দস্যু দিগকে বিধ্বস্ত

করিলেন বটে কিন্তু তাহারা আরাকান এবং ত্রিপুরা রাজ্যে পলায়ন করিয়া মোগল প্রপীড়ন হইতে আপনাদিগকে রক্ষা করিল। সেই হইতে পৰ্ব্ব গৌড়েরা ত্রিপুরা রাজ্যে বাস করিতে থাকে। ক্রমে ক্রমে তাহারা দেশীয় দিগের সহিত বিবাহাদি করিয়া দেশীয় ফিরিঙ্গি হ্রায় হইয়া যায়। যতদিন ত্রিপুরার প্রতিপত্তি ছিল তদিন ইহাদের সম্মান ছিল, কিন্তু ইংরাজ আমলে ত্রিপুরার ক্ষমতা হ্রাস হইলে সৈন্তের অনাবশ্যক হয় সুতরাং এই সকল ফিরিঙ্গির ছুরাবস্থা ঘটে শম্ভুচন্দ্র এই ফিরিঙ্গি দিগকে আগরতলা ত্যাগ করিতে নিষেধ করিলেন। কিছু দিন পরে ইহাদিগকে লইয়া ত্রিপুরায় এক সৈন্যদল গঠন করিয়া তাহাদের মধ্যে জোয়াকিম নামক একজনকে সেনানায়ক করিয়া দেন। ত্রিপুরার রাজকোষ হইতে তাহারা রীতিমত বেতন পাইতে থাকে এবং ক্রমে ক্রমে তাহাদের ছুরাবস্থা দূর হয়। শম্ভুচন্দ্রের প্রতি কৃতজ্ঞতা প্রকাশ করিবার জন্ত তাহারা এক দিন গীর্জায় সমবেত হইয়া ঈশ্বরের নিকট তাঁহার শুভকামনা করে।

দ্বিতীয় বারে শম্ভুচন্দ্র প্রায় দুই বৎসর ত্রিপুরায় বাস করেন এবং ১৮৭৯ খৃঃ অন্ধের অক্টোবর মাসে ৩শারদীয় পূজা উপলক্ষে কলিকাতায় ছুটি লইয়া আসেন। ১৮৮০ খৃঃ অন্ধের মার্চ মাসে শম্ভুচন্দ্র তৃতীয় বার ত্রিপুরায় গমন করেন। এই বারে শম্ভুচন্দ্র আঠার মাস ত্রিপুরায় বাস করেন। ১৮৮১ খৃঃ অন্ধের ৩শারদীয়া পূজা উপলক্ষে কলিকাতায় পুনঃ প্রত্যাবর্তন করেন। এ বারে আসিবার সময় আর পুনরায় ত্রিপুরায় আসিবেন না এই রূপ স্থির করিয়া ছিলেন। নানা কারণে শম্ভুচন্দ্র এইরূপ সংকল্পে উপনীত হন। তিনি মনে করিয়াছিলেন যে প্রাণপণ করিয়া ত্রিপুরা রাজ্যকে ভারতের করদ রাজ্য সকলের সমক্ষে আদর্শ করিয়া তুলিবেন, কিন্তু তাঁহার মনোরথ পূর্ণ হইবার পক্ষে নানা বিঘ্ন আসিয়া উপস্থিত হয়। বীরচন্দ্রের সমুদয় ঋণ পরিশোধ করিয়া রাজকোষে যথেষ্ট অর্থ সঞ্চিত হয় এবং তদ্বারা রাজ্যের অভ্যন্তরীণ অবস্থার উন্নতি অনেক পরিমাণে সাধিত হয়। এতদ্ব্যতীত অনেক প্রজা হিতকর কার্যে শম্ভুচন্দ্র হস্তক্ষেপ করেন কিন্তু পদে পদে বাধা প্রাপ্ত হইয়া তিনি বড়ই মর্দাহত হন। এই সময় সঞ্চিত অর্থ পাইয়া মহারাজ বীরচন্দ্রের এক খেয়াল

চাপিল। ত্রিপুরা রাজ্য অতি প্রাচীন। মহাভারতে ইহার উল্লেখ দেখিতে পাওয়া যায়। অনেকের বিশ্বাস যে, ত্রিপুরার রাজা বিশুদ্ধ ক্ষত্রিয় এবং চন্দ্রবংশ সমুদ্ভূত। পূর্বকালে যাহাই থাকুন না কেন, উত্তর কালে ইহাদের সামাজিক পদমর্যাদা অত্যন্ত হীন হয়। তাহার প্রধান কারণ যে মধ্যকালে তাঁহারা অসভ্য পার্শ্ব জাতির সহিত বিবাহসূত্রে আবদ্ধ হন। সুতরাং ত্রিপুরার রাজারা পতিত বলিয়াই সকলের ধারণা হয়। তাঁহাদের সহিত কোন সম্বন্ধাঙ্গণ আহারাদি করা দূরে থাকুক—তাহাদের পৃষ্ঠ জলও গ্রহণ করিতেন না। মহারাজ বীরচন্দ্র এই সামাজিক অবনতি সংশোধন মানসে এক নিয়ম করেন যে, প্রত্যেক রাজ কর্মচারীকে কার্য করিবার প্রারম্ভে তাঁহার কিংবা তদীয় পরিবারবর্গের পৃষ্ঠ পানীয় সেবন করিতে হইবে। ইহাতেও সন্তুষ্ট না হইয়া মহারাজ বীরচন্দ্র ঢাকা, বিক্রমপুর, মৈমনসিংহ প্রভৃতি স্থান হইতে ব্রাহ্মণগণকে আহ্বান করিয়া তাঁহার ক্ষত্রিয়ত্ব প্রতিপাদনে সচেষ্ট হন। ইহাতে প্রভূত অর্থব্যয় হইবার উপক্রম হয়। শম্ভুচন্দ্র বারংবার মহারাজকে একরূপ কার্যে প্রবৃত্ত হইতে নিষেধ করেন কিন্তু অগ্নিতে ঘৃতাহুতি প্রদান করিলে অনলের যেরূপ অবস্থা হয়, মহারাজেরও এই পানীয় প্রস্ন সেইরূপ কু-পরামর্শের দ্বারা পরিচালিত হইয়া বৃহৎ হইতে বৃহত্তর আকার ধারণ করিল। শম্ভুচন্দ্র গতিক মন্দ দেখিয়া ৩শারদীয়া পূজার অবকাশে কলিকাতা চলিয়া আসেন।

ইহার তিন মাস পরে অর্থাৎ ১৮৮২ খৃঃ অন্ধের ১লা জানুয়ারী হইতে শম্ভুচন্দ্র তাঁহার প্রাণাধিক রেইস এণ্ড রাইয়ত নামক সপ্তাহিক সংবাদ পত্র প্রকাশ করিতে আরম্ভ করেন।

বাবু রামলাল ঘটক এবং কালীপদ গুপ্ত নামক দুই ব্যক্তি বেচু চাটুর্ঘ্যের স্ট্রীটে “কর্ণওয়ালিস্ প্রেস” নামে এক মুদ্রা যন্ত্রের স্বত্বাধিকারী ছিলেন। বাবু রামলাল ঘটক পূর্বে রেলওয়ে কর্ম করিতেন, তজ্জন্ত রেলওয়ে কর্মচারীদের সম্বন্ধে বিশেষরূপে সর্বদা খবর রাখিতেন। সংবাদপত্রে আলোচনা করিয়া রেলওয়ে ভ্রমণকারী দিগের অসুবিধা সকল বিমোচন করিবার মানসে তিনি নিজে একখানি সংবাদপত্র প্রকাশ করিতে ইচ্ছা করেন। তাঁহার উপযুক্ত লেখকের অভাব হয়। তিনি তজ্জন্ত প্রথমে

কৃষ্ণদাস পালের নিকট যাইয়া পরামর্শ জিজ্ঞাসা করিলে কৃষ্ণদাস পাল তাঁহাকে বাবু নগেন্দ্রনাথ ঘোষের নিকট সাহায্য প্রার্থী হইতে বলেন। নগেন্দ্র বাবু ঘটক মহাশয়ের প্রস্তাবিত কাগজের সম্পাদক হইতে অস্বীকার করিলেন কিন্তু তাঁহার কাগজে মধ্যে মধ্যে লিখিতে পারেন এই কথা বলিলেন। ঘটক মহাশয় বিফল মনোরথ হইয়া যান। ঘটক মহাশয়ের কাগজ প্রকাশের প্রস্তাব ৩নং-৩নং চন্দ্র দত্ত জানিতে পারিয়া তিনি তাঁহার জ্যেষ্ঠ ভ্রাতা যোগেশচন্দ্র দত্তকে বলিলেন যে শম্ভুচন্দ্রের দ্বারা ঘটক মহাশয়ের প্রস্তাবিত কাগজ সম্পাদিত করিতে পারিলে ভাল হয়। যোগেশচন্দ্র শম্ভুচন্দ্রকে উক্ত বিষয়ের জন্ত অনুরোধ করেন। শম্ভুচন্দ্র সেই সময় ত্রিপুরা হইতে প্রত্যাবর্তন করিয়া বরাহনগরে অবস্থিতি করিতেছিলেন। তিনি স্বীকৃত হইলে ঘটক মহাশয় এবং তাঁহার অংশীদার কালীপদ গুপ্ত উভয়েই নূতন সংবাদপত্র প্রকাশের জন্ত আয়োজন আরম্ভ করিলেন। উভয় পক্ষের মধ্যে একটি লেখা পড়াও হইল। শম্ভুচন্দ্র এবং যোগেশচন্দ্র সম্পাদন ভার গ্রহণ করিলেন এবং রামলাল ঘটক ও কালীপদ গুপ্ত পরিচালন বিষয়ক সমুদয় তত্ত্বাবধারণের কার্য করিতে স্বীকার করিলেন। প্রথমে স্থির হয়, বুধবারে সংবাদ পত্র প্রকাশিত হইবে। শম্ভুচন্দ্র নূতন কাগজের নাম রাখিলেন ‘রেইস এণ্ড রাইয়ত।’ প্রথম সংখ্যা বাহির হইতে কিঞ্চিৎ বিলম্ব হয় অর্থাৎ কাগজে বুধবার তারিখে লেখা, কিন্তু শনিবারে ইহার মুদ্রণ কার্য শেষ হয়, তজ্জন্ত “রেইস” প্রতি শনিবারে বাহির হইতে লাগিল। প্রথম সংখ্যা কাগজ বাহির করিতে শম্ভুচন্দ্র ও যোগেশচন্দ্রকে বিশেষ কষ্ট পাইতে হয়। বাঙ্গালীর সকল কার্যেই রীতিমত বন্দোবস্তের অভাব। বিশেষতঃ বাহারা সংবাদ পত্রের প্রকাশক তাঁহাদের সকল বিষয়েরই অনটন। মুদ্রাযন্ত্রের অবস্থা অতীব শোচনীয়। কাজেই অতি কষ্টে কার্য চলিতে লাগিল। “রেইসের” হয় সংখ্যা মাত্র উক্ত ঘটক এবং গুপ্ত মহাশয় প্রকাশ করেন। পরে তাঁহাদের সখ মিটিয়া যায়। তাঁহারা শম্ভুচন্দ্র এবং যোগেশচন্দ্রকে অগ্র বন্দোবস্ত করিয়া “রেইস” প্রকাশ করিতে অনুরোধ করিলেন এবং ইহাদের সকল স্বত্ব ত্যাগ করিলেন। তদনুযায়ী “রেইসের” সপ্তম

সংখ্যা ব্রিটেনীয়া প্রেসের স্বত্বাধিকারী মেন্ডিস্ সাহেব কর্তৃক প্রকাশিত হয়। মেন্ডিস্ সাহেবের মুদ্রাযন্ত্র তখন দত্ত বাবু দিগের ১নং ওয়েলিংটন স্কোয়ারের বাড়িতে স্থাপিত ছিল। কাজেই “রেইস” এখান হইতে রীতিমত প্রকাশিত হইতে লাগিল।

যোগেশচন্দ্র ব্যতীত বাবু কিশোরিমোহন গঙ্গোপাধ্যায়,* বাবু সারদাচরণ বন্দ্যোপাধ্যায়, † বাবু নবমোক্ষ ঘোষ, ‡ পণ্ডিত প্রাণনাথ সরস্বতী প্রভৃতি খ্যাতনামা লেখকগণও রীতিমত রেইসে লিখিয়া শম্ভুচন্দ্রকে সাহায্য করিতেন। প্রথম হইতেই কাগজের ক্রীবৃদ্ধি হইতে লাগিল। বিলাতী ও দেশীয় সকল সংবাদ পত্রই ইহার প্রশংসা করিতে লাগিলেন, এমন কি কৃষ্ণদাস পাল পর্যন্তও ইহার প্রশংসা না করিয়া থাকিতে পারেন নাই। প্রথমে কৃষ্ণদাস ভাবিয়া ছিলেন যে দুই চারি সংখ্যা মাত্র প্রকাশিত হইয়া “রেইস” বন্ধ হইয়া যাইবে কিন্তু যখন দেখিলেন যে দত্ত বাবুদিগের সাহায্যে রেইস রীতিমত প্রতি সপ্তাহে প্রকাশিত হইতেছে তখন কৃষ্ণদাসের আতঙ্ক উপস্থিত হয়। শম্ভুচন্দ্র এবং যোগেশচন্দ্র কোন ব্যক্তি বা দলবিশেষের অনুগ্রহ প্রার্থী ছিলেন না। সুতরাং নির্ভয়ে সত্য কথনে তাঁহাদের বিশেষ সুবিধা ছিল। রেইস আপনা আপনি অনেকের প্রিয় হইয়া উঠিল।

রেইস মহাসমারোহের সহিত চলিতে লাগিল। এদিকে ত্রিপুরার মহারাজ বীরচন্দ্রও শম্ভুচন্দ্রের প্রত্যাগমনে বিলম্ব দেখিয়া উৎকণ্ঠিত হইয়া বারংবার পত্র লিখিতে লাগিলেন। শেষে ১৮৮২খৃঃ অন্ধের নবেম্বর মাসে মহারাজ স্বয়ং কলিকাতায় আসিয়া উপস্থিত হইলেন। মহারাজ শম্ভুচন্দ্রকে ত্রিপুরায় বাইবার জন্ত বহু অনুরোধ করিলেন কিন্তু সে সময় কলিকাতা ত্যাগ করিয়া ত্রিপুরায় যাওয়া শম্ভুচন্দ্রের পক্ষে অসম্ভব দেখিয়া তিনি মহারাজকে একজন ব্যারিষ্টার তাঁহার পদে নিযুক্ত

* প্রতাপচন্দ্র রায় প্রকাশিত মহাভারতের ইংরাজি অনুবাদক। ইনি এখন ভারত গবর্নমেন্ট হইতে মাসিক বৃত্তি পাইতেছেন।

† বরাহনগর মিউনিসিপালিটির ভাইস্‌চেয়ারম্যান এবং স্থানীয় বিদ্যালয়ের প্রধান শিক্ষক।

‡ ইহাকে সাধারণত রামশর্মা বলিয়া জানা আছে ইংরাজি রচনায় ইনি সিদ্ধহস্ত।

করিবার জন্ত পরামর্শ দিলেন। মহারাজ তাঁহাকে ভিন্ন অশ্রু কাহাকেও চান না। কাজেই মহারাজের নিকট শম্ভুচন্দ্র প্রতিক্রম হন যে, যদি একান্তই মহারাজ তদানীন্তন রাজকর্মচারীদের দ্বারা রাজকার্য না চালাইতে পারেন তাহা হইলে অগত্যা শম্ভুচন্দ্র যাইবেন। এই বাক্যে আশ্বস্ত হইয়া মহারাজ বীরচন্দ্র কলিকাতা ত্যাগ পূর্বক তীর্থ পর্যটন মানসে বৃন্দাবন যাত্রা করেন।

১৮৮৩ খৃঃ অন্ধ বাঙ্গালার ইতিহাসের একটি প্রধান সাল। ইলবার্টবিলের আন্দোলন, কলিকাতা প্রদর্শনী বিপুল আয়োজন, সুরেন্দ্রনাথ বন্দ্যোপাধ্যায়ের আদালত অমাত্য করা অপরাধে কারাবাস, মিস্পিগটের সহিত ডাক্তার হেষ্টিংস মানহানির মোকদমা প্রভৃতি লইয়া দেশময় ভূমূল ব্যাপার চলিতেছিল। এই বর্ষের জানুয়ারী মাসে তদানীন্তন অর্থ সচিব মেজর বেয়ারিংএর পরামর্শানুযায়ী লর্ড রিপন কৃষ্ণদাস পালকে বড়লাট সভার সভ্য মনোনীত করেন। ইহাতে অনেকের গাত্র দাহ উপস্থিত হয়। সংবাদ পত্রেও এই মনোনয়ন বিশেষরূপে প্রশংসিত হয় নাই। কেবলমাত্র শম্ভুচন্দ্র ইহা সম্পূর্ণরূপে অনুমোদন করিয়া যাহা লিখিয়া ছিলেন তাহা নিম্নে উদ্ধৃত হইল। ইহা হইতে পাঠক আরও দেখিতে পাইবেন যে কৃষ্ণদাসকে শম্ভুচন্দ্র কতদূর আন্তরিক ভাল বাসিতেন:—

“In every respect the choice is unexceptionable. The ablest and most experienced journalist as well as the ablest debater among the natives, perhaps in the empire, Babu Kristodas will be unquestionably the right man in the right place.” পূর্বে বলিয়াছি শম্ভুচন্দ্রের হৃদয় ভালবাসার উৎস ছিল। বন্ধুগণের জন্ত তিনি অনেক সময় বিপজ্জনক কার্য করিতে ও কুণ্ঠিত হইতেন না।

সুরেন্দ্রনাথ বন্দ্যোপাধ্যায় জজ নরিসের বিচারের তীব্র সমালোচনা করিয়া বিপদে পড়িলে শম্ভুচন্দ্র এবং যোগেশচন্দ্র তাঁহার পক্ষ সমর্থন করিয়া অনেক লেখালিখি করেন। কারাবাসের সংবাদ পাইলে “রেইস” ব্ল্যাকবর্ডার দিয়া প্রকাশিত হইল। এই বিপৎকালে শম্ভুচন্দ্রের পরামর্শে যোগেশচন্দ্র সুরেন্দ্রনাথের জামিন হইয়াছিলেন। সুরেন্দ্র-

নাথের পিতা ডাক্তার দুর্গাচরণ বন্দ্যোপাধ্যায় স্বর্গীয় রাজেন্দ্র দত্তের বিশেষ বন্ধু ছিলেন। সুতরাং তাঁহার পুত্রের বিপদের সময় দত্ত বাবুরা যথেষ্ট সাহায্য করিয়াছিলেন। শম্ভুচন্দ্র এবং যোগেশচন্দ্র স্বয়ং আদালতে উপস্থিত থাকিয়া সুরেন্দ্রনাথকে সাহায্য এবং সংপরাশ দিতেন।

ইলবার্টবিলের আন্দোলনে কি ইংরাজি, কি দেশীয়, সকল সংবাদ পত্রই যোগ দিয়াছিলেন। “রেইসে” নবকুমার ঘোষ (ওরফে রামশর্মা) অতি সুন্দর উপহাসপূর্ণ ক্ষুদ্র ক্ষুদ্র কবিতা বাহির করিতে লাগিলেন এবং শম্ভুচন্দ্র ধীর, গম্ভীর ভাবে বিলের পক্ষ সমর্থন করিয়া কয়েকটি প্রবন্ধ প্রচার করেন। ইলবার্ট বিলের যে পরিণাম হইয়াছিল তাহা সকলেরই বিদিত আছে।

এই বৎসরের শেষে কলিকাতা প্রদর্শনী শেষ হয় এবং তাহার অনুষ্ঠান কর্তা মিষ্টার জুব্বের সাহেবকে অভিনন্দন এবং ডিনার দিবার জন্ত ১৮৮৪ খৃঃ অন্ধের মে মাসে পাইকপাড়ার রাজা ইন্দ্রচন্দ্র এক সভা আহ্বত করেন। সভায় ইংরাজগণের ভোজনের পর শম্ভুচন্দ্র পাইকপাড়ার রাজার পক্ষ হইতে জুব্বের সাহেবকে অভিনন্দন দেন এবং এক সুন্দর বক্তৃতা করেন। সভায় অনেক গণ্যমান্য ইংরাজ উপস্থিত ছিলেন। তাঁহারা শম্ভুচন্দ্রের বক্তৃতা শুনিয়া বড়ই প্রীতহন। ছোটনাগপুরের তদানীন্তন কমিশনের গ্রিমম্‌লি সাহেব এই সভায় ক্লাইন সাহেবকে শম্ভুচন্দ্রের সহিত পরিচিত করাইয়া দেন।

এই সকল ঘটনার পর মহারাজ বীরচন্দ্র শম্ভুচন্দ্রকে তাঁহার অঙ্গীকারানুযায়ী ত্রিপুরায় লইয়া যাইবার জন্ত এক জন লোক প্রেরণ করেন। প্রতিক্রম ছিলেন বলিয়া শম্ভুচন্দ্র পুনরায় ১৮৮৪ খৃঃ অন্ধের জুনমাসে ত্রিপুরায় গমন করেন। যাইবার সময় স্থির করেন ত্রিপুরায় দুই এক মাস অবস্থান করিয়া প্রত্যাবর্তন করিবেন কিন্তু তাঁহাকে তথায় ছয়মাস কাল থাকিতে হয়। “রেইসের” পরিচালনের ভার যোগেশচন্দ্র, সারদাচরণ এবং কিশোরিনোহনের হস্তে হস্ত করিয়াছিলেন এবং নিজেও ত্রিপুরা হইতে প্রতি সপ্তাহে লিখিতেন। ত্রিপুরায় থাকিবার সময় লর্ডরিপনের কার্যকাল শেষ হয় এবং তাঁহাকে অভিনন্দন দিবার জন্ত কলিকাতায় সমারোহে সভা হইয়াছিল। ত্রিপুরার

মহারাজকে সভায় যোগদান করিবার জন্ত কলিকাতা হইতে পত্র প্রেরিত হইলে মহারাজ সহানুভূতি প্রকাশ করিয়া পত্র লেখেন। ত্রিপুরায় রাজকর্মচারীগণ একদিন তজ্জন্ত ছুটিপান এবং মহারাজ এক প্রকাণ্ড দরবার করিয়া লর্ড রিপনের কার্যকলাপের প্রশংসা করেন। ১৮৮৪ খৃঃ অন্ধের ১১ই ডিসেম্বর তারিখে ত্রিপুরায় উক্ত দরবার হয়। মহারাজ স্বয়ং লাটসাহেবকে টেলিগ্রাম করিয়া সহানুভূতি প্রকাশ করেন এবং দরবারের বিবরণ সংবাদপত্রে প্রকাশিত হয়। ত্রিপুরার প্রধান মন্ত্রী রূপে শম্ভুচন্দ্র লাটসাহেবের প্রাইভেট সেক্রেটারিকে পত্র লিখিয়া আন্তর্-ষ্টিক সকল বিষয় জ্ঞাপন করেন। ১৩ই ডিসেম্বর ১৮৮৪ খৃঃ অন্ধে শম্ভুচন্দ্র ত্রিপুরা পরিত্যাগ করিয়া কলিকাতায় রওনা হন। ইহাই তাঁহার শেষ ত্রিপুরা পরিত্যাগ। ত্রিপুরা ত্যাগ করিলেন বটে কিন্তু ত্রিপুরার কার্য কলিকাতায় থাকিয়া চালাইতে লাগিলেন।

১৮৮৩ খৃঃ অন্ধের ঘোর রাজনৈতিক আন্দোলনের মধ্যে ও শম্ভুচন্দ্র আর একটি হিতকর কার্যে নিযুক্ত হন। এই অন্ধের প্রারম্ভে কলিকাতার জানবাজারের প্রাতঃস্মরণীয়া রাণী রাসমণির সর্ব কনিষ্ঠা কন্যা শ্রীমতী জগদম্বা দাসী ইহলোক ত্যাগ করিলে কলিকাতা হাইকোর্টে উক্ত রাণীর সমস্ত বিষয় বিভাগের জন্ত তাঁহার দৌহিত্রগণ আবেদন করিলে প্রধান বিচারপতি সার রিচার্ড গার্ম সাহেব প্রসিদ্ধ ব্যারিষ্টার Mr. W. C. Banarji. হাইকোর্টের রেজিষ্টার Mr. R. Belchambers এবং শম্ভুচন্দ্রকে উক্ত বিষয় বিভাগের জন্ত কমিশনার নিযুক্ত করেন। শম্ভুচন্দ্র রাণী রাসমণিকে * বিলক্ষণ জানিতেন, সুতরাং এ কার্যে

রাণী রাসমণি জানবাজারের দাস পরিবারের প্রতিষ্ঠাতা পিতা রামের পুত্র রাজচন্দ্র দাসের স্ত্রী। রাসমণির চারি কন্যা, প্রথম পদ্মমণি দাসী, দ্বিতীয় কুমারী দাসী, তৃতীয়, কঞ্চাময়ী দাসী, চতুর্থ, জগদম্বা দাসী। জননীর জীবদ্দশায় দ্বিতীয়া, কুমারী দাসী যত্নাথ নামক এক পুত্র রাখিয়া এবং তৃতীয়া কঞ্চাময়ী দাসী ভূপালচন্দ্র নামক এক পুত্র রাখিয়া স্বর্গলাভ করেন। রাসমণি ১৮৬১ খৃঃ অন্ধের ফেব্রুয়ারী মাসে ইহলোক ত্যাগ করেন এবং তাঁহার জ্যেষ্ঠা কন্যা পদ্মমণি দাসী এবং কনিষ্ঠা কন্যা জগদম্বা দাসী জননীর প্রভূত সম্পত্তির মালিক হন। কিছু দিন পরে পদ্মমণি তিন পুত্র, গণেশচন্দ্র, বলরাম এবং সীতানাথকে রাখিয়া মারা যান। কনিষ্ঠা জগদম্বা দাসী ১৮৮২ খৃঃ অন্ধে ত্রৈলোক্যনাথ নামক এক পুত্র রাখিয়া মারা যাইলে সমুদয় বিষয় রাসমণির দৌহিত্র দিগের মধ্যে বিভাগ হইবার জন্ত কমিশনার নিযুক্ত হয়।

তাঁহার সহায়তা পাইয়া তাঁহার অপর দুইজন সহযোগী বিশেষ আস্থা দিত হন। রাণী রাসমণি অতি বুদ্ধিমতী স্ত্রীলোক ছিলেন। তাঁহার স্বামীর জীবদ্দশায় প্রসিদ্ধ দ্বারকানাথ ঠাকুর রাজচন্দ্রের নিকটে এক লক্ষ টাকা ঋণ করেন। রাজচন্দ্র তাঁহার জীবদ্দশায় কিছুতেই ঐ টাকা আদায় করিতে পারেন নাই। রাজচন্দ্রের মৃত্যু হইলে তাঁহার প্রভূত সম্পত্তির ম্যানেজার হইবার জন্ত দ্বারকানাথ তাঁহার বিধবা পত্নী রাসমণির নিকটে প্রস্তাব করেন। সেই সময়ে কলিকাতার আরও অনেক ধনাঢ্য ব্যক্তিগণ রাসমণির ম্যানেজারের পদ প্রার্থী হইয়াছিলেন। রাসমণির ভূমি সম্পত্তি সম্বন্ধে বিশেষ জ্ঞান ছিল, কাজেই স্বয়ং কার্য চালাইবেন মনস্থ করেন। দ্বারকানাথ উক্ত প্রস্তাব করিলে রাসমণি তাঁহার টাকা আদায় করিবার সুযোগ পাইলেন। তিনি দ্বারকানাথকে বলিয়া পাঠাইলেন যে দ্বারকানাথের ছায় লোক পাইলে রাসমণি বড়ই সন্তুষ্ট হইবেন কিন্তু এই কার্যে নিযুক্ত হইবার পূর্বে দ্বারকানাথকে তাঁহার ঋণ সমুদয় পরিশোধ করিতে হইবে, যতদূর এই রূপ না করিয়া দ্বারকানাথ তাঁহার ম্যানেজার হন তাহা হইলে লোকে মন্দ ভাবিতে পারে। এই প্রলোভনে মোহিত হইয়া ম্যানেজার হইবার আশায় দ্বারকানাথ ত্বরায় রাসমণির ঋণ শোধ করিলেন। চতুরতাপূর্বক টাকা আদায় করিয়া রাসমণি দ্বারকানাথকে দুই একটি মিষ্ট কথায় আপ্যায়িত করিয়া প্রত্যাখান করেন। এইরূপে

Mr. W. C. Bonerjee. পদ্মমণির পুত্রগণের তরফে, শম্ভুচন্দ্র কুমারী দাসীর পুত্রের তরফে এবং Mr. R. Belchambers অন্যান্য দৌহিত্রগণের তরফে থাকিয়া বিষয় বিভাগ করেন। জানবাজারের এই দাস পরিবারকে সাধারণত লোকে ‘মার’ পরিবার বলে। মার শব্দের অর্থ বাঁশের বড় গোছা। এই পরিবারের স্থাপন কর্তা পীরিতরাম বাঁশের ব্যবসায় করিয়া ইংরাজী আমলের প্রারম্ভে প্রভূত অর্থ অর্জন করেন। বাঁশের বড় বড় গুচ্ছ নদীর জলে ভাসাইয়া আনিতে বলিয়া তাঁহাকে লোকে মার বলিত সেইজন্ত তাঁহার নাম পীরিতরাম মার হয়। বাস্তবিক ইহাদের দাস পদবী। পিতারামের এক পুত্র রাজচন্দ্র দাস এক জন বিশেষ মদাশয় লোক ছিলেন। কলিকাতার গঙ্গার উপর বাবুঘাট, নিমতলার দাহ করিবার ঘাট তাঁহার অর্থে নিশ্চিত হয়। এতদ্ব্যতীত অনেক লোকহিতকর কার্য করিয়া তিনি খ্যাতি লাভ করেন। তাঁহার জামাতার মধ্যে মথুরমোহন বিশ্বাসও অতি উদার প্রকৃতির লোক ছিলেন। মথুরমোহন প্রথমে রাজচন্দ্রের দ্বিতীয়া কন্যাকে বিবাহ করেন এবং তাঁহার কাল হইলে কনিষ্ঠা জগদম্বার পাণিগ্রহণ করেন। ভূপালচন্দ্র বিশ্বাস এবং ত্রৈলোক্যনাথ বিশ্বাস বৈমাত্রেয় ভ্রাতা।

দ্বারকানাথ রাসমণির নিকট বিশেষরূপে অপ্রতিভ হন। রাসমণির আয় বুদ্ধিমতী এবং সচ্চরিত্রা ভূম্যধিকারিণী আমাদের দেশে অতি বিরল। তিনি কতকংশে রাণী ভবানীর স্থায় পরোপকারিনী ছিলেন।

ক্রমশঃ—

শ্রীমঞ্জীবচন্দ্র সাহালা।



ভূভিক্ষ ও দারিদ্র্য।

ভারতবর্ষ কৃষিমাতৃক দেশ, কৃষিই এদেশের প্রধান অবলম্বন। সর্বদেশেই কৃষি কার্যের অস্বাভাবিক পরিমাণে প্রচলন দৃষ্ট হয়। কিন্তু এদেশে উহাই একমাত্র জীবন রক্ষক। পুরাকালে কৃষি কার্যের অত্যন্ত গৌরব ছিল। কৃষি শিক্ষার জন্ম বিদ্যালয়ছিল; সমাজের এক শ্রেণী লোক কেবল কৃষি বিদ্যাতেই শিক্ষিত হইত। বৈদিক সময় আলোচনা করিলে দেখা যায়, প্রাচীন আর্যগণ কৃষি কার্যের অতীব আদর করিতেন;—কৃষি কার্যের মঙ্গলোন্নতির জন্ম আরাধ্য দেবতার নিকট প্রার্থনা করিতেন (১)। অধিক কি সরস্বতী নদীর জলোচ্ছ্বাসে কৃষিক্ষেত্র সকল প্লাবিত হইয়া উর্ধ্বরতা শক্তি প্রাপ্ত হইত বলিয়া প্রোক্ত নদীর স্তুতির জন্ম যজ্ঞীয় মন্ত্র সকল রচিত হইত (২)। কবি যথার্থই বলিয়াছেনঃ—“কৃষি-ধর্মা কৃষিমেধা জন্তুনাং জীবনং কৃষিঃ”। বাস্তবিক কৃষি-জাত দ্রব্য দ্বারা বাবতীয় জীবজন্তু জীবিত আছে।

ভারতবর্ষ কৃষি প্রধান দেশ। কৃষিই এদেশের একমাত্র আশ্রয়। কিন্তু পরম পরিতাপের বিষয় আধুনিক

(১) গুণনং ফালা বিকৃষন্ত ভূমিঃ গুণং কীনাশ অভিবন্ত বাহিঃ ॥ গুণং পর্জন্তো মধুনা পরোভি গুণাসীরা গুণ মন্থাঃ ধত্তং ॥ ঋগ্বেদ।

(২) পাবকানঃ সরস্বতী বাজেভি বর্জিনীবতী যজ্ঞং বষ্ট ধিয়া বস্তুঃ। মহা অর্গঃ সরস্বতী প্রচেতয়তি কেতুনা। ঋগ্বেদ সংহিতা।

ভারত বাসীগণ কৃষি কার্যের সে গৌরব ভুলিয়াছে। এখন তাহারা পাশ্চাত্যবিদ্যায় শিক্ষিত,—জ্ঞানোন্নতি সমাজোন্নতির জন্ম বিশেষ ব্যস্ত। অন্নাহারে অনাহারে দেশ উৎসন্ন যাইতেছে, দারিদ্র্য দানবের দেশময় উদ্দাম নৃত্যে দেশ রসাতলে যাইতেছে, সেদিকে কাহারো ক্রক্ষেপও নাই।

প্রাচীন কালে কৃষি ও বাণিজ্যই “লক্ষ্মীর বাস” ছিল, রাজ সেবা তখন “খচ মচ” বলিয়া উপেক্ষিত হইত। এদেশের লোক বাণিজ্য তত ভাল জানিত না—কিন্তু কৃষি দ্বারাই চিরদিন ভারত প্রতিপালিত হইয়া আসিতেছিল; তবে আজ ভারতের এ অধঃপাত কেন হইল? কৃষিত ভূমির পরিমাণের সহিত লোকসংখ্যার অল্পপাত বাড়িয়াছে কি কমিয়াছে তাহা পরে দেখিব। কৃষি কার্যের উন্নতি অবনতির বিষয়ও পরে আলোচনা করিয়া দেখিব। সম্প্রতি দেশের শাসন প্রণালীর সহিত দারিদ্র্য ও ভূভিক্ষের অবশুস্তাবিতাই বিশেষ দ্রষ্টব্য। ইংরেজ শাসনের দোষদোষণ করা আমার এ প্রবন্ধের উদ্দেশ্য নহে। প্রত্যুত, ইহা অবশ্য স্বীকার্য যে মোগল সাম্রাজ্যের অবসান সময়ে প্রাদেশিক শাসনকর্তা দিগের অত্যাচারে,—বর্গী, পিণ্ডারী প্রভৃতির উপদ্রবে দেশ এতই অরাজক ও বিশৃঙ্খল হইয়া পড়িয়াছিল যে তৎকালে প্রবল প্রতাপ ইংরাজ রাজের হস্তে রাজ্য ভার গুস্তনা হইলে ভারতে সভ্যতার চিহ্ন পর্য্যন্ত থাকিত কি না সন্দেহ। কিন্তু হিন্দু মুসলমান রাজাদিগের রাজত্ব সময়ে প্রজাবর্গের বেকরূপ সুখ-সমৃদ্ধি ছিল ইংরাজ শাসনে যে তদপেক্ষা অধিক হইয়াছে তাহা বলা কঠিন। বাষ্পীয় পোত, বাষ্পীয় শকট তাড়িত বার্তাবহ প্রভৃতি দ্বারা দেশের লোকের সাংসারিক জীবনযাত্রা সুবিধাজনক হইয়াছে সত্য, কিন্তু যে দেশ অনচিন্তায় জর্জরিত সেদেশে ইহা সুখকর কেমন করিয়া বলিব; তাই বলিতেছিলাম ইংরাজ শাসনে দেশ নির্ধন হইয়া পড়িয়াছে। হিন্দু ও মুসলমান রাজত্বকালে কৃষকেরা স্বীয় পরিশ্রমের ফল নিজে ভোগ করিতে পারিত। উৎপাদিত শস্তাংশ দ্বারা রাজস্ব পরিশোধ করিয়াও সচ্ছন্দে কৃষকের জীবিকা নির্বাহ হইত। কিন্তু এখন কৃষক কেবল রাজস্বের জন্মই ভূমিকর্ষণ করে বলিলে অভ্যুক্তি হয় না। ভারতের যে অত্যন্ত স্থানে চিরস্থায়ী বন্দোবস্ত আছে

তদ্যতীত অল্প স্থানে ভূমির কর এত বর্ধিত হইয়াছে যে কৃষি কার্যের ব্যয় নির্বাহ ও রাজস্ব প্রদান করিয়া যৎসামান্য বাহা অবশিষ্ট থাকে তদ্বারা কৃষকের উদরান্ন সংস্থান হয় না। পক্ষান্তরে, হিন্দু ও মুসলমান রাজগণের শাসন সময়ে দেশের উৎপন্ন দেশেই থাকিয়া যাইত। কঠোর ‘হোম চার্জ’ কৃষকের গ্রাস কাড়িয়া লইত না,—স্বদানের যুক্ত ব্যয় নির্বাহের জন্ম ভারতের ধন ভাণ্ডার লুপ্তিত হইত না, উচ্চ বেতন ভোগী রাজকর্মচারীগণ ভারত হইতে ধনরাশি লইয়া স্বদেশে ভোগ করিবার জন্ম ভারত হইতে বিদায় গ্রহণ করিত না, বিদেশীয় বিলাস বস্ত্র দেশকে ছেলে ভুলাইয়া ব্যবসায় চালাইতে পারিত না, সভ্যতার হুজুগে দেশ উচ্ছিন্নে যাইত না। অপিচ, রাজস্ব রূপে যে ধন রাজ কোষে প্রবেশ করিত, তাহাও প্রকারান্তরে প্রজা সাধারণের মধ্যে বিতরিত হইত। সুতরাং দেখা যাইতেছে যে বৈদেশিক শাসনে দেশ ধনহীন হইয়া পড়িয়াছে। ধনহীনতাই ভূভিক্ষের মূলীভূত কারণ।

ভূমির উর্ধ্বরতাশক্তির অল্পতাও ভূভিক্ষের অন্ততম কারণ। ভারতের আর সেদিন নাই। সেই সৃজলা সফলা শস্ত শ্রামলা ভারতমাতা ক্রমশঃ শস্তহীনা হইয়া পড়িতেছেন। যোগ্যক্ষেত্রে উপযুক্ত শস্তোৎপাদন, ক্ষেত্রে সারসংযোগ, পর্যায়ক্রমে শস্তোৎপাদন এবং মধ্যে মধ্যে ভূমির বিশ্রাম এই চতুর্দিক বিষয়ের প্রতি লক্ষ্য রাখিয়া কৃষিকার্য করিলে ভূমির উর্ধ্বরতাদীর্ঘকাল অব্যাহত রাখা যাইতে পারে। ক্ষেত্র-নির্বাচন ও সারসংযোগ কার্যদ্বয় কিয়ৎপরিমাণে রসায়ন তত্ত্বের জ্ঞানসাপেক্ষ, অপরগুলি অভিজ্ঞতাজনিত উপদেশের অপেক্ষা করে। কিন্তু দেশের কৃষক ও শিক্ষক উভয়ই পরস্পর নিরপেক্ষ সুতরাং উল্লিখিত নিয়মের ব্যাভিচার ঘটয়া যাইতেছে। একবিধ শস্ত একই ক্ষেত্র হইতে পুনঃ পুনঃ উৎপাদিত হওয়ায় ক্ষেত্রের উপাদান সামগ্রীর ধ্বংস হইয়া যাইতেছে। উপযুক্ত সার-প্রদত্ত না হওয়ায় তাহার আর সংস্কার হইতেছে না, অপিচ অল্পপযুক্ত ভূমিতে অযোগ্য শস্তের চাষ করায় ভূমি ও শস্তের অপচয় সাধিত হইতেছে সুতরাং কবির সেই ভবিষ্যদ্বাণী—“শস্তহীনা হইবে মেদিনী” বর্ণে বর্ণে সত্যতা প্রতিপন্ন করিতেছে। যে দেশের কৃষক মূর্খ—শিক্ষিত-

গণ উদাসীন—সেদেশ ক্রমশঃ ধ্বংসের পথে অগ্রসর হইবে আশ্চর্য কি?

অস্বদেশীয় কৃষিসাধন সামগ্রী গুলিও উপযুক্ত নহে। ভূমি উপযুক্তরূপে কৃষিত না হইলে সন্তোষজনক শস্ত উৎপন্ন হয় না, ইহা নিশ্চিত। বর্তমান সময়ে দুইটি গোরুর সাহায্যে সামান্য লাঙ্গলদ্বারা কৃষক কার্য নির্বাহিত হইয়া থাকে। কিন্তু এই সামান্য কৃষকে ভূমির দূষিতভাগ দূরীভূত এবং উপাদানাংশ বাহির হইতে পারে না। সুতরাং প্রতিবৎসর শস্তোৎপত্তির জন্ম ক্ষতিপূরণের কোন সুবন্দোবস্ত হয় না। কিন্তু গভীর চাষ ব্যতীত প্রচুর ফসলের আশাও বিড়ম্বনা মাত্র। প্রাচীনকালে ভূমির উর্ধ্বরতা প্রচুর পরিমাণে থাকা সত্ত্বেও ভূমির গভীর চাষের ব্যবস্থা ছিল। ঋগ্বেদে উক্ত আছে বৈদিকসময়ে আটটি গরুর দ্বারাও ভূমিকর্ষণ হইত (১)। অশ্বদ্বারাও কখন কখন উক্ত কার্য-নির্বাহ হইত (২)। কিন্তু বর্তমান সময়ে দুইটিমাত্র গরুর দ্বারাই সাধারণতঃ চাষ হইয়া থাকে। কিন্তু দুঃখের বিষয় উপযুক্ত যত্নভাবে ভারতের গোবংশ নির্বংশ হইয়া যাইতেছে। কৃষিকার্যের প্রধান সাধন বলিয়াই গোজাতি প্রাচীন হিন্দুর নিকট দেবভাবে পূজিত। কিন্তু পাশ্চাত্য আলোক-প্রাপ্ত ভারতে আর সে দিন নাই—এখন উহা অনেকের মুখপ্রিয় তরকারীরূপে ব্যবহৃত, বড় জোর দয়ালু ব্যক্তির নিকট গো বেচারি বলিয়া কিঞ্চিৎ রূপা পাইলেও পাইতে পারে।

আমাদের আর একটি প্রধান অভাব দেশে কৃষক নাই। আমরা যাহাদিগকে কৃষক বলি তাহারা প্রকৃত কৃষক নহে, শ্রমজীবী মজুর মাত্র। কৃষকের দায়িত্ব প্রচুর; কৃষক দেশের অন্নদাতা রক্ষাকর্তা। কিন্তু দুঃখের বিষয় কতিপয় নগণ্য মজুরকে কৃষক আখ্যা দিয়া আমরা মহাত্মনের পবিচয় দিয়া থাকি। যত দিন না সেই ভ্রমের নিরাসন হইতেছে, যত দিন না ভারতে শিক্ষিত ভদ্র বিষয় বিত্তসম্পন্ন কৃষক নির্বাচন হইতেছে, যত দিন না নিরীহ নিরক্ষর শ্রমজীবী

(১) হলমষ্ট গবং ধন্যং ষড়গবং বাবসায়িনাং চতুর্গবং নৃশংসানাং দ্বিগবৎ গবশিনাং ঋগ্বেদ।

(২) ক্ষেত্রস্য পতিনাবয়ং হিতেনেব জয়ামনি গামশং পোষয়িত্বা সনোম্বলাতি দৃশে ॥ ঋগ্বেদ

দিগকে কৃষিকার্যে শিক্ষা, সাহায্য ও সহায়ত দেওয়া হইতেছে, ততদিন প্রকৃত কৃষকের অভাব কিছুতেই ঘুচিবে না। কিন্তু এদেশে শিক্ষিত ও সম্পন্ন কৃষকের আশা আকাশকুসুমবৎ অসম্ভব। এই কারণেই এদেশে কৃষির অবস্থা দিন দিন হীন হইয়া যাইতেছে। ভূমির প্রকৃতি, জমির অবস্থা, মৃত্তিকার উপাদান, জলবায়ু ঋতু-ঘটত কৃষিকার্যের জ্ঞান মূর্খ মজুর কোথা হইতে পাইবে? অধুনাতন শিক্ষিত ও সম্ভ্রান্ত ব্যক্তিগণ কৃষিকার্যকে অতীব ঘৃণার চক্ষে দেখিয়া থাকেন। কৃষকদিগকে সুশিক্ষা সহ-পদেশ দেওয়া দূরের কথা, তাহাদের সহিত বাক্যালাপ করাও অপমানসূচক বলিয়া মনে করেন। আধুনিক ভদ্র সমাজ আপনাদিগকে পবিত্র আৰ্য্যবংশধর বলিয়া গৌরব করিয়া থাকেন। কিন্তু তাঁহারা ভাবেন না যে, পূজ্য-পাদ আৰ্য্যগণ কৃষিকার্যের কিরূপ মর্যাদা করিতেন (১) রামায়ণ বর্ণিত সময়েও বর্ণ শ্রেষ্ঠ ব্রাহ্মণগণ স্বহস্তে কৃষিকার্য করিতে কুণ্ঠিত হইতেন না (২)। শিক্ষিতগণের ত প্রবৃত্তি এইরূপ আবার দেশের এমনই দুর্ভাগ্য যে মূর্খ কৃষকেরাও শিক্ষিত লোকের উপদেশ লইতে অবহেলা ও উদাস্য প্রকাশ করিয়া থাকে। অশিক্ষিত হৃদয় কুসংস্কারাচ্ছন্ন ইহা স্বতঃসিদ্ধ; কিন্তু তাই বলিয়া শিক্ষিতগণের উপেক্ষা কখনই সম্ভব নহে।

ফরাশি দেশীয় পর হিতৈষী মহাত্মা জন ফ্রেড'রিক বার্নিন দেশীয় দিগকে কৃষিকার্যের উৎকৃষ্ট প্রণালী শিক্ষা-দিবার নিমিত্ত অনেক উপদেশ দিয়া অকৃতকার্য হইয়া অবশেষে স্বীয় আবাস গৃহের নিকট একরূপ দুইটা ফলোত্তান প্রস্তুত করিয়াছিলেন যাহা দ্বারা সমস্ত ফরাশি রাজ্যের কৃষকগণের চিত্ত আকৃষ্ট হইয়াছিল। উক্ত উত্তানের বৃক্ষের পুষ্টি, উন্নতি, সৌন্দর্য ও ফলোৎপত্তির প্রাচুর্য্য দৃষ্টে সকলেই ইহার নিগূঢ় কারণ জ্ঞাত হইবার জন্ত ব্যগ্রতার সহিত দলে দলে তাঁহার নিকট আসিতে লাগিল। তিনি এই সুযোগে কৃষক দিগকে শিক্ষিত এবং কৃষিকার্যের

উন্নতি করিতে সমর্থ হইয়া ছিলেন। রোমীয় মহাত্মা সিন্সিনেটস্ রোমের প্রজাতন্ত্র সভার সর্বপ্রধান কর্মচারী হইয়াও কেবলমাত্র সাধারণের হিতকল্পে অবসর মত স্বহস্তে লাঙ্গল ধরিয়া কৃষিকার্য করিতেন। তাই বলিতে ছিলাম ভদ্র ও শিক্ষিত লোক কৃষক না হইলে, কৃষক দিগকে সুশিক্ষিত করিতে না পারিলে দেশের উন্নতি আশা সুদূরপর্য্যন্ত।

পূর্বোক্ত কারণ গুলি দ্বারা প্রতিপন্ন হইতেছে ভারতে ক্ষেত্র সকল ক্রমশ অল্প হইয়া যাইতেছে। তথাপি প্রতি বৎসর এদেশ হইতে প্রচুর পরিমাণে শস্য বিদেশে চলিয়া যাইতেছে। বিদেশ রপ্তানি বাণিজ্যেরই নামান্তর, বাণিজ্য ব্যতীত অর্থোৎপাদন হয় না; সুতরাং বিদেশ রপ্তানি দেশের সৌভাগ্যের বিষয়। সমগ্র পৃথিবীর লোকের আহাৰ যোগান সামান্য গৌরবের বিষয় নহে। কিন্তু যেখানে নিজের থাকিবার স্থান নাই, সেখানে শঙ্করাকে শোয়ানের ইচ্ছা নিতান্ত উপহাসের বিষয় সন্দেহ নাই।

লোকসংখ্যা বৃদ্ধি দুর্ভিক্ষের এক প্রবলতম কারণ। বিশেষতঃ যে দেশে লোকাধিক্যের সহিত উৎপন্ন শস্যের পরিমাণ বৃদ্ধি বা উপযুক্ত ধনাগমের উপায় উদ্ভাবিত না হয় সে দেশের অধঃপাত অবশ্যম্ভাবী। সমাজ নীতিজ্ঞ পণ্ডিতেরা স্থির করিয়াছেন, প্রত্যেক সমাজে বাল্যবিবাহ, বৈধব্য, অবিবাহ, বেগ্যাবৃত্তি, ব্যাধিপীড়া প্রভৃতি প্রজা বৃদ্ধির উৎকট প্রতিবন্ধকতা থাকা সত্ত্বেও প্রতি ত্রিশ বৎসরে লোক সংখ্যা দ্বিগুণিত হয়। প্রসিদ্ধ প্রফেসর এলেন্ টমসন বলেন “প্রত্যেক স্ত্রীলোকের ১২টা হইতে ২৫টা সন্তান প্রসবের ক্ষমতা আছে।” সুবিখ্যাত জেমস মিল নানাবিধ প্রমাণ প্রদর্শন করিয়া তারপর বলিয়াছেন, “স্ত্রীলোক মাত্রেই অন্ততঃ ১০টা সন্তান প্রসবের ক্ষমতা আছে।” আমরাও সচরাচর দেখিতে পাই ৫৭টা সন্তান প্রায় সকল স্ত্রীলোকেরই হইয়া থাকে। যদি একটা স্ত্রীলোকের পাঁচটা সন্তান হইল তবে সেই ৫টা সন্তানের কাল ক্রমে নানকল্পে ২৫টা সন্তান কেন হইবে না! সুতরাং ৩০ বৎসরে লোক সংখ্যা দ্বিগুণ পরিমাণে বৃদ্ধিত হওয়া আশ্চর্যের বিষয় নহে। কিন্তু ভূমির একরূপ গুণনাক্রমে ফসল দান করিবার ক্ষমতা নাই। জমি বিশেষ

(১) See datta's History of civilization in ancient India.


(২) তত্রাসিৎ পিঙ্গলো গাৰ্গ্য স্ত্রিজটো নাম বৈদ্বিজঃ। ক্ষতবৃত্তিব'নৈনিভাৎ ফালকুদাল লাঙ্গলী ॥

উর্বর হইলেও একটা নির্দিষ্ট পরিমাণ অপেক্ষা অধিক-ফসল কখনই দিতে পারে না। মৃত্যু দ্বারা লোক সংখ্যার কিছু হ্রাস হয় সত্য, কিন্তু তাহাতে লোকবৃদ্ধির কোন ক্ষতি হয় না। অপিচ ভারতবর্ষে বিদেশী বণিক, ব্যবসায়ী, কর্মচারী প্রভৃতি আগন্তুক ও উপনিবেশিক দ্বারা লোক সংখ্যা প্রচুর পরিমাণে বৃদ্ধি প্রাপ্ত হইয়াছে। সুতরাং উৎপন্ন শস্য দ্বারা বৃদ্ধিত ভারতবাসীর আহাৰ সংকুলান নিতান্ত অসম্ভব হইয়া দাঁড়াইয়াছে। লোক সংখ্যার বৃদ্ধি ও আহাৰ্যের অল্পতা দ্বারা দেশে দুর্ভিক্ষ ও মারীভয় উৎপন্ন হয়। আমার স্মরণ হয় কিছুদিন পূর্বে শিবপুর ইঞ্জিনিয়ারিং কলেজ হইতে শ্রীযুক্ত বাবু প্রমথনাথ ভট্টাচার্য্য বি, এ, মহোদয় প্রতিবাসী নামকপত্রে একটা প্রশ্ন জিজ্ঞাসা করিয়া-ছিলেন, “যে আবাদী জমির পরিমাণ পূর্বাপেক্ষা বৃদ্ধি হইতেছে, অথচ দুর্ভিক্ষের মাত্রা দিন দিন বাড়িতেছে বই কমিতেছে না। ইহার কারণ কি?” এই জিজ্ঞাসায় প্রশ্নকর্তার চিন্তাশীলতা থাকিলেও প্রশ্নটিতে অসম্পূর্ণতা দৃষ্ট হইতেছে। কেন না আবাদী জমির পরিমাণ বৃদ্ধিই একমাত্র দুর্ভিক্ষ নিবারণের উপায় নহে। উহার অগ্ৰাণ কারণ গুলি যথাসাধ্য প্রদর্শিত হইয়াছে। আর একটা কথা এই—পূর্বাপেক্ষা কিছু বেশী জমি এখন আবাদ হইতেছে সত্য—কিন্তু তাহা কি কেবল চা, নীল, রেসম প্রভৃতির জন্ত নয়? ইক্ষু ও পাটের আবাদে জন্তও ভারতে কম শস্য হানি হইতেছে না। ভারতে শস্যের অবস্থা সচ্ছল না হইলে অগ্র উৎপন্ন দ্বারা বা অগ্র উৎপন্ন ব্যবসায় দ্বারা এদেশের দুর্ভিক্ষ নিবারিত হইতে পারে না। তাহা কেবল বিদেশীয় বণিকগণের কার্য্য সৌন্দর্য্য সাধন মাত্র।

“দারিদ্র্য দেশঃ গুণ রাশি নানীঃ”,—কবির এ উক্তি অতি সত্য। উল্লিখিত নানা কারণে দেশ ক্রমে ধনহীন হইয়া পড়িয়াছে। ধনহীনতাই দারিদ্র্যের নামান্তর, তাই বলিতেছিলাম দেশের প্রকৃত উন্নতি করিতে হইলে, সর্বাগ্রে দেশের দারিদ্র্য মোচন করা কর্তব্য, যে দেশ সর্বদা অন্ন চিন্তায় বিব্রত সে দেশের আবার উন্নতির সুযোগ বা সম্ভাবনা কোথায়? উদরে অন্ন থাকিলে প্রাণে ক্ষুধা আসে—নানা কার্য্যে নিযুক্ত হইতে স্বতঃই প্রবৃত্তি জন্মে। শূন্যদরে দর্শন বিজ্ঞানের আলোচনা চলে না, ভূগর্ভে

কি মহামূল্য রত্ন লুক্কায়িত আছে তাহার অন্বেষণে ইচ্ছা হয় না। শিল্প বাণিজ্যে হস্তপদ অগ্রসর হয় না।

শ্রীকৃষ্ণনারায়ণ ভৌমিক



প্রেমের আস্থান।



এম, এ, পরীক্ষায় পাশ করিয়া উষানাথ বাবু যখন আইন অধ্যয়নের জন্ত কলিকাতা বহুবাজারের কোন একটা মেসে অবস্থান করিতেন সেই সময় তাঁহার কর-কণ্ঠে রোগ ছিল সুতরাং তাহা নিবারণের জন্ত ঘরের পয়সা ও মাথার মগজ ব্যয় করিয়া তাঁহাকে বাঙ্গালা সাময়িকপত্রে প্রবন্ধ লিখিতে হইত। অনেক কাগজেই তিনি প্রবন্ধ লিখিতেন, কিন্তু একখানির নিকটও ধন্যবাদ ও তাল্লিদপত্র ব্যতীত আর কিছুই পাইতেন না। তবে তাহাতে তাঁহার কোনও ক্ষতি ছিল না। সময় ও অবসর যথেষ্ট, বিশ্ববিদ্যালয়ের ‘চাপরাসধারী’ সুতরাং একপেসমস্ত গুলিরই একত্রে সদ্যবহারের লোভ কেমন করিয়া সম্বরণ করা চলে। মধ্যে মধ্যে উষানাথ বাবুর প্রবন্ধের বেশ সুখ্যাতিও কাগজওয়ালারা, ‘মাসিক সাহিত্য সমালোচনা’ উপলক্ষে করিতে কৃপা বোধ করিতেন না। ‘উল্লেখ যোগ্য’ ‘মন্দ নহে’ ইত্যাদি লাভ করিলেই সে দিন মেসের বাসায় একটা ধুমকাণ্ড পড়িয়া যাইত এবং উষানাথের গুরুত্ব সে দিন সহস্রগুণে বৃদ্ধিত হইয়া উঠিত। যাহা-ইউক এসকল ব্যতীত উষানাথের আরও একটা আক-র্ষণ ছিল ৫। ৭ খানি পত্রিকার লেখক হইলেও একখানি পত্রিকার প্রতিই তাঁহার বিশেষ মনোযোগ দেখা যাইত। তাহার কারণও একাধিক! পত্রিকা খানির নাম ‘অবলা’ শুধু পত্রিকাই নহে, উহার সম্পাদনভার যঁহার হস্তে ন্যস্ত তিনিও একটা বিছবী অবলা;—তাঁহার নামটিও বেশ—কমলা! তিনি বিছবী, তিন বিষয়ে অর্থাৎ ইংরেজী, সংস্কৃত ও পারসীতে এম, এ, বয়স আনুমানিক ৩৫ ও ৪০

এর মধ্যে কারণ তিনি তাঁহার শেষ এম, এ, পরীক্ষাই আজ প্রায় ১৫ বৎসর দিয়াছেন ক্যালেক্টার আলোচনায় তাহা প্রতিপন্ন হয়। কিন্তু তাহা হইলে কি হয়, তিনি কুমারী এ পর্য্যন্ত অবিবাহিতা; তৎপক্ষে কারণ আমাদের অপরিজ্ঞাত! উষানাথ বাবুরও অপরিজ্ঞাত! যদিও উষানাথ বাবু “কুমারী শ্রীমতী কমলা সম্পাদিতা অবলার” একজন মাননীয় লেখক তথাপি তাঁহার অদৃষ্টে সম্পাদিকা মহাশয়ার সন্দর্শন লাভ এ পর্য্যন্ত ঘটে নাই; তাঁহার বাটীতে তিনি এ পর্য্যন্ত কখন যান নাই, অফিসেও না। সম্পাদিকা মহাশয়া কখনও তাঁহাকে স্বীয় হস্তলিপি-সম্মলিতা পত্রিকা দ্বারা অথচ একটি ছত্র দ্বারাও কখন আপ্যায়িত করিয়াছেন কিনা তাহা আমরা শুনি নাই। তবে উষানাথ বাবুর অবলা সম্পক্ষে একটি পক্ষপাত দৃষ্ট হইবার হেতু কি?— অবলার অফিসের দ্বারবান বেশ স্নকেশ ও স্নবেশ সজ্জিত হইয়া অফিসের লিভারি ওয়ালা পরিচ্ছদ আঁটিয়া পাগড়ি ও চাপরাস্ পরিয়া তাঁর নিকট প্রবন্ধ লইতে আসে, প্রফ্ দিতে আসে, প্রফ্ ফেরত লইয়া যায়, বাদসাহী কায়দায় আদাব তসলিম্ করে, রাস্তায় কখন দেখা হইলেও সে সাড়ে ষোল আনা মাত্রায় সেলাম অর্পণ করিতে ভুলে না— অথচ তার সর্বদাই চাপ্‌কান, পাগড়ী ও চাপরাস্ আঁটা, চাপকানের বুকের উপর জরির কাজ করা অতি সুন্দর “দি অবলা” লেখা! সামান্য মাসিকপত্রিকার লেখকের পক্ষে পথে ঘাটে একরূপ সম্মানলাভ কি শোভনীয় নয়? তাই উষানাথের অবলার প্রতি একটু বেশ পক্ষপাত ছিল!

আজ রবিবার! বেলা নয়টা। উষানাথ মেসের একটি ছোট ঘরে নিজের কেওড়া কাঠের সনাতন তক্তপোষে জানালার ধারে বৃকে একটি বালিশ দিয়া পশ্চিম-মুখে উপর হইয়া পড়িয়া আছেন। আশে পাশে কতকগুলি বই ও বাঁধা খাতা ইতস্ততঃ বিক্ষিপ্ত! বিছানার আধ ময়লা চাদরখানি স্থানে স্থানে জড়সড় হইয়া আছে, স্থানে স্থানে উন্মুক্ত হইয়া তদন্তর্গত থেকুরার তোষক-খানির পাটলিমা এক্ট করিতেছে। পাশে একখানি ছোট টেবল, ও তার কিছুদূরে পূর্বদিকের দ্বারের অনেকটা কাছে একখানি লোহার চেয়ার! টেবিলের

উপর একটা বাতিদান, আর বই, কাগজপত্র, ও কলম-দানি। দেওয়ালে একটা ঝুলান আলনা। তাতে একটা গরম কোট, একটা মলিদাগলাবন্ধ, টুইলসার্ট, দু জোড়া মোজা আর খান দুই কোচান কাপড় আর তোয়ালে গাম্‌ছা এবং টারকিস্ তোয়ালে! দেওয়ালের গায়ে গোলডেন্-বার্ডসাই কোম্পানীর ও আরও দু একটা কোম্পানীর রমণী মূর্তি-ছবি আর রবিবর্ম্মার তদ্বৃন্দ চিত্রা এবং মোহিনীর ছবি। উত্তর দেওয়ালের গা আলনারীতে খানকতক ইংরাজি বই, আয়না, ক্রস, জুতার কালি, সিরাপ ও পারিসের কেমিকেল ফুডের ৩।৪টা শিশি, একটা বিস্কুটের বাক্স; চা পেয়লা চামচ ইত্যাদি। টেবিলের তলায় একটি বিলাতী ডবললক্ কেবিন্ ষ্টীল ট্রস্ক। দেওয়ালের কোণে একখানি বিলাতী ছড়ি, ল্যাটিনারের জুতা ও পম্পস্।

উষানাথ বাবু ফাল্গুনের রৌদ্র পিঠে লাগাইয়া নিশ্চিন্তমনে অবলার জন্ত গতকল্য যে প্রবন্ধ সম্পূর্ণ করিয়াছেন তাহাই দেখিতেছেন। ইতিমধ্যে কর্কশ-কণ্ঠ বতদূর মোলায়েম হইতে পারে সেইরূপ সুরে শব্দ আসিল “হুজুর!” শব্দেই পরিচয়! তবুও হুজুর একটু হুজুরি আওয়াজে বলিলেন “কোন হায়!”

‘তাবেদার হাজির সরকার’! উষানাথ বাবু জানালা দিয়া মুখ বাহির করিয়া বলিলেন ‘কেও, দরওয়ান!’ মস্তক নত করিয়া সেলাম করিয়া ‘অবলার’ দরওয়ান ‘সেলাম হুজুর বলিয়া অভিবাদন করিল!’ হুজুর সেলাম গ্রহণ করিয়া প্রসন্নমুখে বলিলেন “আও, আও,”। দরওয়ান পায়ের জুতা খুলিয়া রাখিয়া দ্বিতলে উঠিল এবং দোরস্ত আদব-কায়দার সহিত উষানাথের প্রকোষ্ঠের দ্বারে দাঁড়াইল। উষানাথ পরিধেয় সংবত করিয়া মুখ ফিরাইয়া দরওয়ানকে বলিলেন “কি খবর!”

‘কাপি মাংতেছে।’

“কে মাংতা হায়!” একটু সরলভাবে উষানাথের প্রশ্ন!

‘এডিটার’ মাইজি সাহেবা।’

উষা। আচ্ছা দরওয়ান, তোমারা পাশ হাম একঠো কথা জিজ্ঞাসা করতাহায় যে হামারা কাপির জন্ত তোমারা এডিটার সাহেবা এত তাড়াতাড়ি কাঁহে করতাহায়।

আউর সব লেখক তো হায়, তাদের পাশ থেকে তোম কাপি নেই নিয়ে আস্তা হায়?”

দরওয়ান-বহুদিন কলিকাতায় আছে, অতএব উষানাথীয় হিন্দি সে বেশ বুঝিয়া লইল এবং স্বীয় বঙ্গভাষা ভাষণ-পটুতা প্রদর্শনে উষানাথকে চমকিত করিবার উদ্দেশ্যে বলিল “আহা হুজুর, সেবাত আর কি বোলবে হাম। হুজুরের কাপি হামারা মাইজি সাহেবার ঘৈসা পসন্দ হোয় ঐসা আর কারোভি নয়! ক্যা কহে হুজুরের খং এডিটারসাহেবা কেবল হরদম পড়েন আর বহুত-আচ্ছা তারিফ করেন! তাই জন্যি তো হুজুরের কাছে হামি তাঁবেদার হরদম হাজির!”

উষানাথ বলিলেন, হা, হা, বটে, হামারা লেখা সাহেবা হরদম পড়তাহায় এঁয়া! আচ্ছা, কভি কভি কিছু বোলতাহায় না?

দ্বারবান ঘাড় নাড়িয়া কহিল “হাঁ, খুব বোলেন! বোলেন কি যে এমন খুসখং খুব কম মেলে! যে মাসেমে হুজুরের কাপি যায় সে মাসেকা কাগজ নগদ-বিক্রী খুব যাস্তি হয়।

আজ তো মাইজি নে হাম্‌কো বোল্‌দিয়েহেঁ— কি একঠো কাপি তো আজ জবর উনসে লা না চাহি।”

উষানাথ একটু সগর্ভ-সন্তোষপূর্ণ নেত্রে দ্বারবানের দিকে দৃষ্টি করিয়া বলিলেন, “বহুত আচ্ছা, এই দেখ হামতো কাপি তৈয়ার কোরে রাখা হায়, হাম অবলার ওয়াস্তে খুব পরিশ্রম করতাহায় তাতো দেখেই তোম্ বৃজতে পারতাহায় কি বল?” এই বলিয়া কাপিটা বেশ করিয়া মুড়িয়া উপরে সুন্দর অক্ষরে লিখিলেন ‘প্রেমের-আহ্বান’। এবং তার পর দরওয়ানের হাতে তাহা দিয়া বলিলেন “তোমার এডিটার সাহেবাকে হামারা সেলাম দেও আর বলো যে এ কাপি হাম বহুত যত্ন কোরে লিখা হায়। এখন তাঁর পসন্দ হয় তো হামারা সব শ্রম সফল হোতাহায়।” দ্বারবান ‘ঘো হুকুম সরকার’ বলিয়া পুনরায় ‘সেলাম হুজুর’ করিল এবং ধীরে ধীরে পিছু হটিয়া তার পর সিঁড়িতে আসিয়া নীচে নামিয়া গেল।

উষানাথও দেখিলেন নীচের চৌবাচ্চার কাছে বাসার চ। ১০জন মান-কাঘো নিযুক্ত। সুতরাং জল বঞ্চিত হইবার ভয়ে অবলা-সংক্রান্ত-চিত্তা বিদায় দিয়া তাড়াতাড়ি একটু কেশরজন তৈল চালিয়া মাথায় ঘসিতে ঘসিতে তোয়ালে ও কাপড় কাঁধে ফেলিয়া ফটাফট চটিকা-ধ্বনি করিতে করিতে নীচে উপস্থিত হইলেন।

একজন জিজ্ঞাসা করিলেন “কি হে আজ কি গেল?”

উষানাথ গম্ভীর ভাবে বলিলেন “তা দেখতেই পাবে।”

“আরে শুনিই না হে!”

“না, না, আগে থেকে বোললে রস থাকে কই!”

হুই একজন একটু ঠাট্টা করিয়া বললেন ভায়া, ‘অবলা’তে অত রসের ছড়াছড়ি কোরো না শেষে ‘প্রবলা’ হয়ে পড়তে আটক কি?”

উষানাথ গম্ভীর ভাবে বলিলেন “ছি!! ওসব কুরুচিপূর্ণ কথা বোলোনা! জান, একজন ভদ্র-কুমারী Girl তার সম্পাদিকা!” “Girl কি হে!” “আরে Grand-mother বল না!” ইত্যাদি ধ্বনি উথিত হইল! উশৃঙ্খল প্রকৃতির যুবকগণকে কার সাধ্য নিবারণ করে?

চৈত্রের অবলাতে ‘প্রেমের আহ্বান’ কবিতা বাহির হওয়ার পর সহরময় একটা হলস্থল কাণ্ড পড়িয়াগেল। কয়েকদিন পর্য্যন্ত ঘাটে, মাঠে, ট্রামে, গাড়ীতে, আফিসে, আদালতে কেবল ‘প্রেমের আহ্বান’ কেহ কেহ বলিতেছেন, অমন কবিতা আর এপর্য্যন্ত প্রকাশিত হয় নাই। কি শব্দচাতুর্যা, কি রসমাধুর্যা, কি কবিত্ব, কি লোক-চরিত্রাভিজ্ঞতা সর্বাংশে উহা অভুলনীয়। প্রতিছত্রে মৌলিকত্ব! একজন বলিতে আর দশজন তাহাতে যোগ দিতেছেন কিন্তু হয়ত তাঁহাদের মধ্যে ৮জন উহা পড়েন নাই, আর হুইজন অত্রের নিকট শুনিয়াছেন।

অপর একদল বলিতেছেন এ অতি ‘ঘাচ্ছেতাই’ রকমের কবিতা। কি রুচি, কি রস, ইহার সবই বিকৃত। ভাবের অভাব সম্পূর্ণ পরিলক্ষিত। উহার

অমুক অমুক লাইন রবিবাবুর কবিতা হইতে, অমুক অমুক লাইন মানকুমারীর কবিতা হইতে, অমুক লাইনটা নবীনবাবুর প্রভাস হইতে চুরি করা বলিলেই হয়। একজন বলিতে ৫০জন উহাতে সায় দিলেন, তাঁহাদের কেহই ঐ কবিতা পাঠ করেন নাই।

এইরূপে ‘প্রেমের আহ্বানের’ অনুকূল ও প্রতিকূল অত্যধিক প্রশংসা ও নিন্দায় অবলার বেজায় কাটতি হইয়া পড়িল। নগদ বিক্রয়ের মূল্য পূর্বে ছিল ১০ চারি আনা মাত্র তাহা এক টাকা পর্যন্ত উঠাইয়াও কার্য্যাধ্যক্ষ আর কাগজ যোগাইতে পারিলেন না, দ্বিতীয়বার ছাপার প্রয়োজন হইয়া পড়িল।

এক চৈত্র কাপি নগদ বিক্রয় করিয়াই ৪। ৫শত টাকা লাভ হইয়া পড়িল। তখনও বিক্রয় চলিতেছে।

উষানাথ বাবু—অর্থাৎ ‘প্রেমের আহ্বানের’ ভাগ্যবান লেখক মহাশয় অবলা-সম্পাদিকার c/o এ রাশি রাশি পত্র পাইতে লাগিলেন, তাহার কতকগুলি তাঁহার প্রশংসায় পূর্ণ, কতকগুলি বেহদ গালাগালি!

বাহোক মেসের মধ্যে উষানাথ বাবু বেজায় জাঁকিয়া উঠিয়াছেন। মেসের বাবুগণ তাঁহাকে একেবারে মাথায় করিয়া নাচিতেছেন এবং ‘প্রেমের-আহ্বানের’ জয় জয় কার করিয়া মহা একটা feast এর আয়োজন করিয়া ফেলিয়াছেন। পোলাও, মাংস, কারি, কাবাব, চপ, কঠলেট, দধি, মিষ্ট ইত্যাদিতে মহাধুম! সঙ্গে সঙ্গে গীত-বাজ, নৃত্য আদি কিছুই বাকি রহিল না।

বলা বাহুল্য উষানাথ একরূপক্ষেত্র একটু বিশেষ প্রশম এবং একটু গর্ভিত কিন্তু তবু তাঁর মনের কোণে একখানি অভিমানের মেঘ মধ্যে মধ্যে বিজলি চমক দিতেছিল! তাঁর প্রবন্ধের জন্ত বাহার কাগজের এত কাটতি, যার নাম এত উজ্জল, সেই কোমলা-সম্পাদিকা তো তার জন্ত একটুও রুতজ্ঞতা স্বীকার করিলেন না—বেশী না—একটা ছত্র লিখিয়াও তো এ আনন্দটুকু—তাঁহাকে জ্ঞাপন করিলেন না! এত রাত্রি জাগিয়া এত মূল্যবান মস্তিষ্ক খরচ করিয়া যে কবিতা অবলার জন্ত পাঠাইলেন তার বিমময়ে একটা কালির

অক্ষরও কি উষানাথ পাইতে পারেন না? তোমাদের বৎসরের খরচ একসংখ্যার নগদ বিক্রয়ে উঠিয়া গেল, আর “যার তেলে কাছারী আলো তারে রাখ আঁধারে!” অতএব উষানাথ যদি অভিমান করিয়া থাকেন তবে সেটা তাঁর দোষ নহে। উষানাথ ভোজনাদির পর সারা রাত্রি এই কথা ভাবিলেন যতই ভাবিলেন ততই মন বেশী খারাপ হইতে লাগিল—ততই অভিমান গাঢ়তর হইতে লাগিল—শেষ এ অপমানের প্রতিশোধাকাজ্জা হৃদয়ে জাগিয়া উঠিল, তৎক্ষণাৎ উঠিয়া আলো জালিলেন এবং কাগজ কলম লইয়া লিখিতে লাগিলেন।

একবার লিখিলেন আবার ছিঁড়িলেন, আবার একটু ভাবিয়া লিখিলেন, তাহাও মনোমত হইল না, আবার তাহা ছিঁড়িয়া ফেলিলেন, পরে একটা পছন্দ-সই হইল বেঙ্গলী সংবাদপত্রের সম্পাদকের নিকট তিনি অস্ত্রের স্বাক্ষরে কলিকাতার সংবাদ দিতেছেন—

Honour to poet—We are glad to let our readers know that the rising poet Babu Usha Nath Banerjee M. A. Who has made a name by his Sublime poem Premer-abhan, (An adress of love) was honoured by his friends at—Bowbazer street with great feasts and festivities. But we are sorry to know that he has determined to sever his connection with the Abala, the Bengalee magazine which become the widest circulated journal through Babu Usha Nath's writings. We sympathise the Abala for the irreparable loss.

বঙ্গবাসী, হিতবাদী, ও বঙ্গমতীতেও এই মর্মে অগ্ন্যাম স্বাক্ষরিত চিঠি লেখা হইল।

তার পর অবলা-সম্পাদিকার নিকটও বহু চিন্তার পর এক পত্র লিখা হইল—

Babu U. N. Banerjee regrets to inform the editor, the Abala, that he is unable to continue his humble connection with the paper any longer for reasons private and personal and it is hoped the editor will please excuse him for it.

যখন এই সব লেখা শেষ হইয়াছে তখন প্রাতঃ-স্বর্ঘ্যের প্রথম কিরণ উষানাথের বাতির আলোকের সহিত সম্ভাষণ করিতে গৃহ-প্রবেশের চেষ্টা করিতেছে। উষানাথ তাড়াতাড়ি বাতি নিবাইয়া বাহিরে আসিলেন এবং মুখহাত ক্ষিপ্ত হস্তে ধুইয়া চিঠিপত্র গুলি স্বয়ং বৌবাজার ডাক ঘরে দিয়া আসিলেন।

প্রাতঃভ্রমণ শেষ করিয়া উষানাথ যখন বাড়ীতে ফিরিলেন, তখন বেলা ৮।০টা হইবে। আসিয়াই দেখিলেন দ্বারে অবলা আফিসের দরওয়ান্ রামলক্ষণ সিং জি নবপোষাক-রাগ-রঞ্জিত হইয়া দণ্ডায়মান! উষানাথ চমকিত হইলেন। দ্বারবান্ তাঁহাকে দেখিয়া আভূমি-চুম্বিত ‘সলাম হজুর’ করিল। অভিমানী উষানাথ গস্তীভাবে কহিলেন—“কি দরওয়ান্ জি ভাল আছ তো! কুছু কাম কাজ হায় হামারা পান্!”

দরওয়ান্ জি ঘাড় নাড়িয়া সাগ্রহে কহিল ‘জী হাঁ! হজুরকে কাপিরতো বড়া তারিফ্ হইয়াছে, এই জনে মাইজি সাহেবা—

বাধা দিয়া উষানাথ বলিলেন “ফের কাপি চায়তা আউর কাপি হাম্ দেগা নাহি! বহুত কাম হায়!

দরওয়ান্ জি বলিলেন “নেহি-হজুর কাপি নেহি মাজা হায়, একঠো চিঠী আপনার লিয়ে দিয়েছেন, হামি লোক সাত বাজেছে এখানে বোসে আছি, হজুর আসবেন বলে!” চমকিয়া উষানাথ বলিলেন “চিঠি? কাঁহা চিঠি? দরওয়ান্ চাপকানের পকেট হইতে সুন্দর রেশমী উজ্জল কমালে মোড়া বসরাই প্রাক্ট-গোলাপ গন্ধমোদিত একটা পাতলা ছোট প্যাকেট বাবুর হাতে দিল। কম্পিত হস্তে উহা লইয়া তাড়াতাড়ি পকেটে ফেলিয়া উষানাথ ছুটিয়া উপরে গেলেন। উপরে গিয়া মনে হইল দরওয়ানকে কিছু বলা হয় নাই, মুখ বাহির করিয়া জানালা হইতে বলিলেন, দরওয়ান, ওখানে তুমি বৈঠ! ‘যো হকুম সরকার’ বলিয়া দ্বারবান্ অপেক্ষা করিতে লাগিল।

উষানাথ স্বীয়কক্ষে প্রবেশ করিয়া দ্বার বন্ধ করিয়া দিলেন। তাঁহার বক্ষঃস্থল ছুর ছুর করিয়া কাঁপিতেছিল। কম্পিত-হস্তে পকেট হইতে সেই লোভনীয় বস্ত্র বাহির করিলেন, এবং তত্রপোষের উপর বসিয়া

দশবার তাহার স্নগন্ধ আশ্রাণ করিলেন, দশবার তাহা খুলিতে গেলেন কিন্তু “সান্দ্বস-খিন্ন-হস্ত” হইতে সে পত্র চৌকিতে পড়িয়া গেল। শেষে অনেক উত্তমের পর ‘সেফ্টিপিন’ খসাইয়া উর্ণাবরণ উন্মোচন করিয়া একখানি গোলাপ-সিক্ত খাম বাহির করিলেন, উপরে লেখা আছে—‘To the poet of প্রেমের-আহ্বান!’

উষানাথ কতবার নানাপ্রকারে ঘুরাইয়া ফিরাইয়া সে হস্তাক্ষর দেখিতে লাগিলেন, দেখিয়া যেন নয়নের তৃপ্তি নাই, হৃদয়ের শান্তি নাই! এই অতৃপ্তি, এই অশান্তি লইয়া অতি সন্তর্পণে ধীরে ধীরে খামের আবরণ উন্মোচন করিলেন।

গোলাপীরংঙ্গের সুরঞ্জিত বর্ডার দেওয়া একখানি চিঠির কাগজ বক্ষে মুক্তার গাঁথনি অক্ষর-মালা লইয়া উকি মারিতে লাগিল।

ধীরে—অতি ধীরে অতি সাবধানে উষানাথ চিঠিখানি বাহির করিলেন। পাছে তাঁহার কঠিন করা-কুলি-স্পর্শে কমলা কোমল-করলাঞ্জিতা গোলাপী-লিপিকা ব্যথা পায়!

পুষ্পসার-গন্ধ-মণ্ডিত পত্রখানি লোভনীয় সামগ্রী বটে! উষানাথ পত্র খুলিয়া পাঠ করিলেন—

“হে প্রেম-আহ্বান কবি, স্বরগ অমিয়া ছানিয়া গড়েছ যেই কবিতার হার ‘অবলা’ হয়েছে ধন্য গলায় পরিয়া তারি বাসে আজ এত সমাদর তার।” “ধর কবি লও তার পূর্ণ-কৃতজ্ঞতা, কি দিবে অবলা ক্ষুদ্রা আর প্রতিদান! কবি নহে, নাহি জানে কাব্যের ব্যর্থতা—প্রাণে জাগে শুধু ওই ‘প্রেমের-আহ্বান।’ উদ্বেলিত হৃদয়েতে তারি প্রতিধ্বনি, আকুলে কবিরে করে সান্দ্ব-নিমন্ত্রণ উদার কবির হৃদি তাই মনে গণি—ধন্য হবে এ কুটীর হ’লে পদার্পণ।”

কবি উষানাথ এ অপূর্ণ কাব্য-নিমন্ত্রণ পুনঃ পুনঃ পাঠ করিয়াও তৃপ্ত হইতে পারিলেন না। এ কবিতার বৈদ্যুতিক-প্রবাহ তাঁহার “চোকের ভিতর দিয়া মরমে পশিল গো, আকুল করিল তাঁর প্রাণ।” তিনি

যেন তাঁহার 'প্রেমের-আহ্বান' যুক্তিমান প্রত্যক্ষ করিতে লাগিলেন। বুক ছর ছর করিতে লাগিল—কেমন একটা কম্প তাঁহকে আশ্রয় করিল তিনি একেবারে তদগতাসক্ত-চিত্ত হইয়া বাহু জগৎ বিশ্বত হইলেন। কতক্ষণ এভাবে ছিলেন, কি চিন্তা করিতে ছিলেন তাহা তিনিও হয়ত জানেন না। কতক্ষণ এভাবে থাকিতেন তাহাও বলা যায় না! দরওয়ান বেচারি অত কাব্য রস রসিক নহে। তাহার উদরের তাড়না বেলাবুদ্ধির সঙ্গে সঙ্গে বিশেষ বুদ্ধি পাইতেছিল সুতরাং সে আর চূপ করিয়া থাকিতে পারিল না উচ্চকণ্ঠে বলিয়া উঠিল “হজুর মহারাজ, ক্যা জবাব দেঙ্গে? দিন তো বহুত চড়্‌রাহা হায়!”

উষানাথের স্মৃতি-স্বপ্ন ভাঙিল। দরওয়ানকে এতক্ষণ বসাইয়া রাখা হইয়াছে একটু লজ্জা হইল! কমলা হয়ত কি মনে করিতেছেন সেটাও মনে আসিল! কিন্তু জবাব দেওয়াও তো মুশ্কিল! অমন সুন্দর কাগজ খাম কোথায় পাইবেন? অগত্যা সাধারণ লিপির কাগজেই দুইছত্র লিখিলেন।

“কি পুলকে অবসন্ন মন

গ্রহণ করিল এই প্রীতি-আমন্ত্রণ

সেকি কহিবার কথা!

উদ্বেলিত অবসন্ন মন

ভুলকরি অভিমান করেছে প্রেরণ

ক্ষম গো, ভুল গো সে ব্যথা।

খানিক স্নগন্ধ এসেছে তাতে চালিয়া দিলেন। দরওয়ান পত্র লইয়া সেলাম হজুর করিয়া চলিয়া গেল।

সে দিন সন্ধ্যা নিমন্ত্রণে গিয়া উষানাথ কি খাইলেন, কি দেখিলেন, কি শুনিলেন তাহা আমরা জানি না।

মেসের বাবুগণের অশেষ পীড়াপীড়িতেও উষানাথ বিশেষ কিছুই বলেন নাই। সম্পাদিকার সহিত কিরূপ আলাপ হইল তাহাও প্রকাশ করেন নাই। কেবল আহাঙ্গাদি ও সঙ্গীতাদির বিবরণ দ্বারাই তিনি তাহাদিগকে তুষ্ট রাখিয়াছিলেন। তার পর উষানাথ প্রায়ই সম্পাদিকালয়ে গমন করিতেন এবং তথায় কোন কোন রবিবার দিনের বেলাও কাটাইয়া আসি-

তেন। বন্ধুবর্গ বুঝিলেন 'প্রেমের-আহ্বান' সফল হইয়াছে।

একদিন একবাবু দেখিলেন উষানাথ রীতিমত সাহেবী পোষাকে সজ্জিত হইয়া বাহিরে বাইতেছেন। এ রোগটা উষানাথের কোন দিনই ছিল না, সুতরাং বন্ধু আশ্চর্যান্বিত হইলেন আরও যাহারা দেখিল তাহারাও আশ্চর্যান্বিত হইল। শিবুখুড়ো জিজ্ঞাসা করিল “কিহে বাবু, আজ আবার একি বেশ?”

উষানাথ একটু হাসিয়া বলিলেন ‘একটু প্রয়োজন আছে খুড়ো, তাই!’

‘প্রয়োজনটা কি ধুতি-চাদরে হয় না?’ খুড়ার প্রশ্ন। ‘হলে কি আর সাধকোরে এবেশ ধরি?’ ভাইপোর উত্তর এবং প্রশ্ন!

বন্ধুমহলে একটু কেমন কেমন ঠেকিতে লাগিল! তাঁহারা নানারূপ জল্পনা কল্পনার আশ্রয়-গ্রহণ করিলেন কিন্তু কোনরূপ সামঞ্জস্য করিতে পারিলেন না!

আর একদিন দু প্রহর বেলায় উষানাথ নিরিবিলি ঘরে দরজা বন্ধ করিয়া আছো দেখিয়া একজন বন্ধু ঔৎসুক্য বশতঃ তাঁহার দরজার ফাঁকে একটি চক্ষু সংলগ্ন-পূর্বক কি দেখিলেন এবং একটু পরেই তাড়া-তাড়ি অত্বঘরে আসিয়া আর ঙ্জনকে বলিলেন যে “উষানাথ ঘরের মধ্যে সাহেবী পোষাক পরিয়া আয়নার সামনে দাঁড়াইয়া মধ্যে মধ্যে দু পা ফাঁক করিয়া দাঁড়াইতেছেন, পকেট ও প্যান্টপকেটে হাত প্রবেশ করিয়া বুক টান করিয়া এদিক ওদিকে ঘাড় ফিরাইতেছেন। আর আয়নায় প্রতিবিম্ব দেখিতেছেন!”

দ্বারের নিকট ৫।৬জন জমা হইয়া সেদৃশ্য দেখিতে-গেল! তাহাদের যুহু ও অম্প? হাশ্বস্বনি ক্রমেই বিদিত হইতে বেশী সময় আবশ্যক হইল না! উষানাথ অত্যন্ত ক্ষুব্ধ হইয়া ক্রুদ্ধভাবে বলিলেন, “এমন কোরে একজন gentleman এর paivacyতে intrude করা ভদ্র লোকের উচিত নয়। আমার roomএ I am at liberty to do whatever I please!”

বাবুগণের একজন একটু গরম মেজাজের ছিলেন, তিনি বলিয়া উঠিলেন তুমি যে ঘরের মধ্যে সাহেবী-

কায়দার কমরৎ ভাঁজচো এ আর কে জানে বাবু! আর ভাঁজচোই যদি তবে আর এত ঢাকাঢাকি কেন? অত্ন সকলে তাহাকে টানিরা লইয়া গেল! আর গোলযোগ না গড়ায়।

ইহার কিঞ্চিদধিক একমাস পর একদিন প্রকাশ পাইল উষানাথ আমেরিকা যাইতেছেন। লোক মুখে এ কথাও রটনা করিতে বিরত হইল না যে অবলা-সম্পাদিকা বিদ্যুতী কমলার সহিত উষানাথের engagement হইয়াগিয়াছে। বিলাত ফেরত হইয়া আসিলেই শুভকার্য্য সম্পন্ন হইবে। মেসের বন্ধুবর্গ উষানাথকে ইহার রহস্য জিজ্ঞাসা করিলেন, উষানাথ হাসিলেন, সে যে কি আশা, কি উৎসাহের হাসি, যে দেখিল সেই বুঝিল ‘প্রেমের আহ্বান।’

আসল কথাটাও তাহা ই! প্রেমের আহ্বানের নিমন্ত্রণের পর হইতেই কোন অদৃশ্য আকর্ষণে আকৃষ্ট হইয়া উষানাথের সম্পাদিকা সম্ভাষণ ক্রমেই ঘনিষ্ঠ হইতে থাকে। তার পর পূর্ব রাগাদি সাধারণ ব্যাপারের উপলব্ধি করা হয়। কিন্তু কমলা বিদ্যুতী, তিনি তিন বিষয়ে এম্, এ, ! তার পর তাঁহার পিতাও মৃত্ত এক জন বিলাত ফেরত! অতএব বিলাত ফেরত গোত্র না হইলে তো একটা position জমে না! তাই উষানাথকে জানান হইয়াছে যে তিনি একবার বিলাতী জন হাওয়াতে দেহটা পবিত্র করিয়া আনিলেই তাঁহার কোমল কর কমলে কোমলা কান্তা কমলার কর পল্লব সমর্পণ করা হইবে! এহেন রত্ন অবশ্যই ‘মৃগ্য’! উষানাথ এজন্ত নিজের যা কিছু পৈত্রিক সম্পত্তি ছিল সেগুলি নানা অছিলায় বিক্রয় করিয়া কয়েক হাজার টাকা সংগ্রহ করিয়া ফেলিলেন! বিলাত ফেরত হইয়া আসিলে আর তাহার অর্থের অনটন থাকিবে না কারণ কমলার পিতা মিঃ ভোজ (বন্ধু কিন্তু তিনি লিখিতেন Bhowse) বৈবাহিক যৌতুক স্বরূপে বহু সহস্র টাকার কোম্পানির কাগজ দিবেন। আর কমলাও হৃদয়ের সমস্ত প্রেম তাঁহাকে চালিয়া দিবেন এ আশা তো সূনিশ্চিত!

অতএব আশায় প্রলুব্ধ উষানাথ অনেক স্মৃতি-স্বপ্ন দেখিতে থাকিবেন তাহা অসম্ভব কি?

যাহা হউক এক দিন শুভ মুহুর্তে উষানাথ ত্রীমতী

কমলার শ্রীমুখ স্মরণ করিতে করিতে অথবা তাঁহার বিদায় কালীন ম্লান মুখশ্রী দর্শনে স্মৃতি-স্বপ্ন মিশ্রিত হৃদয়ে আমেরিকা যাত্রা করিলেন। বন্ধুবর্গ তাঁহাকে হাওড়া ষ্টেশনে উঠাইয়া দিয়া আসিলেন! ট্রেন ছাড়িল! ১ম শ্রেণীর গাড়ী হইতে একখানি মুখ প্লাটফর্ম স্থিত। একটি রমণীর দিকে পুনঃ পুনঃ তাকাইতে লাগিল—হাতের কমলা ঘন ঘন উড়িতে লাগিল—দীর্ঘশ্বাস বাতাসে মিশাইয়া গেল।

দুই বৎসর অতীত হইয়া গিয়াছে। ইহার মধ্যে জগতে অশেষ পরিবর্তন হইয়া যাওয়াও অসম্ভব নহে। সুতরাং যদি কোনও স্থানে কোন পরিবর্তন ঘটয়া থাকে তাহাতে বিশ্বাসের বিষয় কিছুই নাই।

চৌরঙ্গীর একটি বাড়ীতে আজ সন্ধ্যাকালে মহা ধুম ধাম! আয়োজন, উদ্যোগ, গীত, বাদ্য, গাড়ী, ঘোড়া প্রভৃতিতে একেবারে হৈ হৈ, রৈ, রৈ! লোক জনের জনতাও যথেষ্ট!

এই বাটীর সম্মুখে একখানি গাড়ী ঠিক সন্ধ্যার পরই আসিয়া লাগিল। একটি সাহেবী পোষাক পরিহিত যুবক গাড়ী হইতে অবতীর্ণ হইলেন! যুবককে বিশেষ ব্যস্ত বলিয়া বোধ হইল। গাড়ী দাঁড়াইল দেখিয়া দ্বারের দ্বারবান গাড়ীর নিকটে আগন্তুককে অভ্যর্থনা করিয়া লইতে আসিল—কিন্তু আসিয়াই একটু থমকিয়া কি চিন্তা করিতে লাগিল! যুবক বলিলেন “ক্যা, দরওয়ান জি পছাস্তা হায়!” দরওয়ান ধীরে ধীরে বলিল “জি হাঁ!” সে মুখ তুলিল না!

সন্ধিগ্ন যুবক ব্যস্তভাবে জিজ্ঞাসা করিল—“ক্যা সব কুশল? আজ ক্যা কুছ নেউতা হায়?”

দরওয়ান বলিল ‘জি, হাঁ! আজ কমলি মাই কি সাদী হোতি হায়!’

“সাদী! ক্যা তুম্ পাগল হয়া!”

মঙ্গল বাদ্য সঙ্গে ব্যাণ্ড বাজিয়া উঠিল!

চমকিয়া দরওয়ান বলিল “জি, সাদী হো গিয়া হায়” দরওয়ান চলিয়া গেল!

সদ্য বিলাত প্রত্যাগত উষানাথের আকাশ কুম্বমোদ্যান ধুলায় মিশাইয়া গেল! পৃথিবী যেন পদতল হইতে সরিয়া যাইতে লাগিল! মাথা যেন টলিতে লাগিল! সমীপস্থ আলোক স্তম্ভাবলম্বনে তিনি স্থির হইয়া দাঁড়াইলেন।

আবার ব্যাণ্ডের মধুর স্বর নব দম্পতীর মঙ্গল আরতি বাজাইতে লাগিল! তাহার প্রত্যেক সুর যেন স্মৃতিষ্ক শেলবং উষানাথের হৃদয়ে আঘাত করিতে লাগিল! সেখানে আর তিনি থাকিতে পারিলেন না।

তাড়াতাড়ি গাড়ীতে উঠিয়া কোচম্যানকে বলিলেন উইল্‌সন হোটেল।" গাড়ী চলিল!

একটি দীর্ঘ শ্বাসের সঙ্গে উষানাথ বলিলেন—

Frailty, thy name is woman.


* * * *

পর দিবস প্রাতে উষানাথ ইংরাজি সংবাদ পত্রে পড়িলেন গত রজনীতে মহাসমারোহের সহিত চৌরঙ্গীর বাটীতে মিঃ ভোজের কন্যা কমলার সহিত মিঃ জি, আর, নাইডু এস্কোয়ারের বিবাহ হইয়া গিয়াছে।

উষানাথ তাড়াতাড়ি নিজের পোর্টম্যান্টো খুলিয়া একটি স্বর্ণাধারে সযত্ন রক্ষিত একখানি পত্র ও একটি কেশগুচ্ছ বাহির করিয়া দেশলাই জ্বালিয়া তাহা ভস্ম করিয়া ফেলিলেন!

তাহার একটি দীর্ঘ শ্বাসে দগ্ধ কাগজ ও কেশের ছাই উড়িয়া গেল! কাগজখানিতে স্ত্রীলোকের হস্তাক্ষরে লেখা ছিল "প্রেমের আত্মন।"

শ্রীযত্ননাথ চক্রবর্তী।



কাব্যের প্রকৃতি গত সাদৃশ্য।

১। কিরাতাজ্জুনীয় ও শিশুপালবধ।—

মাঘ ভারবির পরবর্তী কবি। কালিদাস ও ভারবির সময়ে ভারতে শৈবধর্ম প্রবল ছিল। ভবভূতির সময় বৌদ্ধ ও জৈনধর্ম। মাঘের সময় বৈষ্ণব ধর্ম প্রাবল্য লাভ করিতেছিল। কালিদাসের সমস্ত গ্রন্থেই শঙ্করের নামে মঙ্গলাচরণ আছে। কেবল পুস্তবাণ বিলাসে কৃষ্ণের নাম আছে। কিন্তু পণ্ডিতদিগের অভিমত যে উহা আধুনিক পুস্তক, কালিদাসের নামে চলিয়া গিয়াছে। ভারবি মহাদেবের মহিমা প্রকাশের জন্ত অষ্টাদশ সর্গে সমাপ্ত এক মহাকাব্য লিখিয়া ফেলিলেন। এবং মাঘ ও ভারবির দেখাদেখি কৃষ্ণ মহিমা প্রচারের জন্ত বিংশ সর্গের এক মহাকাব্য রচনা করিলেন। মাঘ যে ভারবির অনুকরণে কাব্য রচনা করিয়াছিলেন তাহা বিশ্বাস করিবার অনুকূলে এই বলা যায় যে, একজন জৈন কবিও উহাদের দৃষ্টান্তানুসরণে ভগবানের কীর্তি গাহিয়া 'ধর্মশর্ম্মাভূদয়' নামক কাব্য লিখিয়াছিলেন।

বৈদিক সময়ের পরবর্তী সাহিত্য সকল পর্যালোচনা করিলে দেখা যাইবে যে সাহিত্যের প্রবীণত্বের সহিত তাহার ভাষা ক্রমশ কঠিন, অনুপ্রাস-বহুল, দীর্ঘশব্দচ্ছটা সংযুক্ত হইতেছিল। প্রবীণত্বের সহিত অলঙ্কার-প্রিয়তা বাড়িয়া উঠিতেছিল। সামান্য মনোযোগেই অনুভূত হয় যে শূদ্রক, কালিদাস ও ভবভূতির রচনা সরল ও ভাব প্রধান। ভারবির ভাষা অপেক্ষাকৃত জটিল এবং তাহাতে কষ্টকল্পনা ও শব্দাডম্বর অনেক স্থলে ভাবকে পীড়িত করিয়া তুলিয়াছে। মাঘের কাব্যে এই জটিলতা যেন তাহার শেষ সীমায় আসিয়া পৌঁছিয়াছে।

মাঘ যে কেবল ভারবির অনুকরণে স্বীয় ইষ্টদেব কৃষ্ণের মহিমা কীর্তন ও কাব্য দীর্ঘতর করিয়া ক্ষান্ত হইয়াছিলেন এমন নহে। ভারবিরই ছন্দে মাঘ গ্রন্থ আরম্ভ করেন এবং উভয় কাব্যের প্রথম শ্লোক একই 'শ্রিয়ঃ' শব্দে আরম্ভ হইয়াছে—

"শ্রিয়ঃ কুরুণামধিপশ্চ পালনাং প্রজাসু বৃত্তিং যমযুক্ত বেদিতুম্"। (কিরাত, ১ম স, ১ম শ্লো।)

"শ্রিয় পতিঃ শ্রীমতি শাসিতুং জগজ্জগন্নিবাসো বসুদেব সন্ননি।" (মাঘ, ১ম স, ১ম শ্লো।)

এবং প্রত্যেক সর্গ শেষে কিরাতে 'লক্ষ্মী' শব্দ ও শিশুপালে 'শ্রী' শব্দ ব্যবহৃত হইয়াছে।

যে অনুকারী সে অনুকৃতকে উল্লঙ্ঘন করিতে সর্বদাই সচেপ্ত হয়। ভারবি মালিনী, রথোদ্ধতা, শাদ্দুল বিক্রীড়িত প্রভৃতি নানা কঠিন ছন্দের সমষ্টিতে এক সর্গ লিখিয়াছেন, মাঘ তাঁহাকে পরাস্ত করিবার জন্ত ইহার এক এক ছন্দে একাধিক সর্গ রচনা করিয়াছেন। শব্দ ব্যবহার চাতুর্য্যে ও ছন্দ বৈচিত্র্যেও মাঘ তাঁহার আদর্শকে অতিক্রম করিয়াছেন। অনেক উপমা ও ভাব ভারবি হইতে গ্রহণ করিয়া মাঘ তাহার উৎকর্ষ সাধন করিয়াছেন মাত্র। 'কবীন্দ্র' নামে খ্যাত হইবার একটা হৃদম স্পৃহা তাঁহার মনে সর্বদা জাগরুক ছিল, এই জন্ত তিনি তাঁহার পূর্ববর্তী সার্বভৌম প্রসিদ্ধ কবি ভারবির প্রতিযোগিতা করিয়াছিলেন।

এমন কি উপাখ্যানাংশেও উভয় কাব্যের মধ্যে বিলক্ষণ সাদৃশ্য আছে। কিরাতের প্রথম সর্গে যুধিষ্ঠির ও কিরাতের কথোপকথন, এবং শিশুপালে নারদ ও কৃষ্ণের কথোপকথন বর্ণিত হইয়াছে। উভয়ের দ্বিতীয় সর্গ রাজনৈতিক বাক্যবিতণ্ডায় পূর্ণ; উভয়েরই বক্তব্য যে যুদ্ধ স্থগিত রাখা কর্তব্য। পাণ্ডব কর্তৃক ব্যাসমুনির সংকার কৃষ্ণ কর্তৃক নারদের সংকারের আদর্শ হইয়া ছিল। ব্যাসমুনির রূপ বর্ণন ও নারদের রূপবর্ণন প্রায়শ তুল্য। চতুর্থ সর্গে পার্কত্য সৌন্দর্য্য বর্ণনাবসরে উভয়েই যমক ও হৃন্দ নৈপুণ্যের পরাকাষ্ঠা দেখাইয়াছেন। অর্জুনের ইন্দ্রকিল যাত্রা, ঋতুবর্ণন, ক্রীড়াকৌতুক প্রভৃতির অনুরূপে কৃষ্ণের ইন্দ্রপ্রস্থ গমন, রৈবতক বর্ণন, ক্রীড়া কৌতুক প্রভৃতি বর্ণিত হইয়াছে। কিরাতভূত্যের দৌত্য সাত্যকির দৌত্যের আদর্শ হইয়াছে। বলরাম চরিত্র ভীমের ও উদ্ধব চরিত্র যুধিষ্ঠিরের অনুরূপ করিয়া গঠিত হইয়াছে। বনেচরের সহিত অর্জুনের যুদ্ধ ও কৃষ্ণের সহিত শিশুপালের যুদ্ধের সাদৃশ্য রক্ষিত হইয়াছে। উভয়ত্র বর্ণনা চাতুর্য্য, নানা ছন্দ সমাবেশ, বহুবিধ

অলঙ্কার ব্যবহার, অনুপ্রাস ও যমক বাহুলা এবং চিন্তা-শীলতার অপ্রগাঢ়তা সমভাবে বর্তমান থাকিয়া আমাদিগকে স্বতঃই বিশ্বাস করাইয়া দেয় যে এক অস্ত্রের অনুকরণ।

অনেকে মনে করেন, মাঘ একটা কল্পিত নাম, কবির প্রকৃত নাম নহে। ভারবি অর্থে 'জ্যোতিঃ শ্রেষ্ঠ সূর্য্য,' মাঘ অর্থে শীতকাল রবিকিরণঘাতী। ইহা সমর্থন জন্ত উদ্ভট কবির "তাবস্তারবেভাতি যাবন্মাবশ্চ নোদয়ঃ" এবং রাজশেখরের—

"কুৎস প্রবোধকৃদবাণী, ভারবেরিব ভারবেঃ।

মাঘেনেব চ মাঘেন কম্পঃ কশ্চ ন জায়তে"।

শ্লোক উদ্ধৃত হইয়া থাকে। এই অনুমান কতদূর সত্য জানি না, তবে মাঘ যেরূপ কোমর বাঁধিয়া ভারবির বিপক্ষে লাগিয়া ভারবির অনুকরণে ভারবিকে পরাজিত করিবার স্পর্ধা করিয়াছিলেন, তাহাতে উপরোক্ত অনুমান ও বিশ্বাস করিতে অপ্রবৃত্তি হয় না।

২। মেঘদূত ও উত্তররাম চরিত।—

ভবভূতি কালিদাসের অন্ততপক্ষে এক শতাব্দী পরের কবি। যখন ভবভূতি লেখনী ধারণ করেন, তখন কালিদাসের যশোভাতি সমগ্র ভারতে ব্যাপ্ত হইয়া পড়িয়াছিল।

ভবভূতি স্বরচিত মহাবীর চরিত নাটকে বলিয়াছেন—

"আদিকবি বাল্মীকি—

—তাহারি রচনা যেই

রঘুপতি চরিত পাবন;

সেই চরিতের মাঝে,—আমি যে গো ভক্ত তাঁর—

সুখে চরে আমারো বচন।"—

এই মহাবীরচরিত নাটকে রামের পূর্ব চরিত বর্ণিত হইয়াছে। উত্তরচরিত এই পূর্ব চরিতেরই পরবর্তী ঘটনা। মহাবীর চরিত নাটক অপেক্ষা উত্তররামচরিত নাটক বহু বিষয়ে শ্রেষ্ঠ। এই শ্রেষ্ঠত্বের জন্ত ভবভূতি বোধহয় কিয়ৎ পরিমাণে কালিদাসের নিকটে খণী আছেন।

মল্লিনাথ বলেন যে, রামায়ণে রামচন্দ্র হনুমানদ্বারা সীতার নিকট যে বাতী পাঠাইয়াছিলেন সেই বর্ণনা স্মরণ করিয়াই কালিদাস মেঘদূত রচনা করিয়াছিলেন। এবং আমাদের বোধহয় যে এই মেঘদূত পড়িয়াই রামের

উত্তর চরিত বর্ণনা করিবার বাসনা ভবভূতির প্রবল হইয়াছিল।

প্রভুর দ্বারা অভিশপ্ত যক্ষকে কালিদাস বহুদেশ থাকিতে ও রামগিরিতে নির্ধাসিত দেখাইয়াছেন। যক্ষ কামী, সে প্রিয়াম্বাদুরক্তির আতিশয্য বশত কর্তব্য অবহেলা করিয়া প্রিয়ার বিরহ ভোগ করিতে দগ্ধিত হইয়াছিল। যক্ষের দেশ অলকাতে বিরহতাপ ভিন্ন অত্র কোন দগ্ধিবিধি প্রচলিত ছিল না। কারণ অলকায় সুখের মেলা, প্রণয়ের হাট। কর্তব্য অবহেলা করিয়া যক্ষ এই জগুই কেবল বিরহ ভোগে দগ্ধিত হইয়াছিল। এই বিরহ তীব্র ও উগ্র করিবার জগু রামের প্রিয়ামিলন বিশ্রুত-সুখ-সাক্ষী-রামগিরিতে যক্ষের নির্ধাসন স্থান নির্দিষ্ট হইয়াছিল। যে রামগিরির প্রত্যেক নদী জানকীর স্নানে পবিত্র, যেখানকার প্রত্যেক স্নিগ্ধচ্ছায়াতরু, প্রত্যেক উপল ও আশ্রম রামসীতার মিলন সুখ সাক্ষী রূপে বর্তমান, সেইখানেই যক্ষ প্রেরিত হইয়াছিল। এরূপ অবস্থায় যক্ষ রামের প্রিয়া সহবাসে ব্যয়িত চৌদ্দ বৎসরের বনবাস তাহার নিজের এক বৎসরের নির্ধাসন অপেক্ষা শ্লাঘ্য মনে করিয়াছিল। প্রতি ক্ষণে রামের প্রিয়ামিলন সুখচ্ছবি বিরহকাতর কামী যক্ষের মানস-পটে অনল রেখায় কুটিয়া উঠিয়াছিল। চিত্রকূট পর্বত বর্ণনা কালে যক্ষের প্রথমেই মনে পড়িয়াছিল “বন্দ্যোঃ পুংসাং রঘুপতি-পদৈর অঙ্কিতং মেখলাসুঃ” মেঘ বৎকালে যক্ষপত্নীকে যক্ষের সংবাদ দিতেছে, তৎকালে “পবনতনয়ঃ (বীক্ষ্য) মৈথিলীবোমুখী সা”।

ভবভূতি দেখিলেন যে পরের বিশ্রুত সুখসাক্ষী প্রদেশে যদি বিরহ এতাদৃশ তীব্রভাব ধারণ করে, তবে নিজের অতীত সুখসাক্ষী প্রদেশে যাইলে বিরহ কি পর্য্যন্ত না উগ্র হইবে। এই চিন্তা হইতেই রামচরিত ভক্ত ভবভূতি রামের উত্তর চরিত বর্ণনায় প্রবৃত্ত হইয়াছিলেন এবং ছায়া (তৃতীয়) অঙ্ক বিশেষ ভাবে এই জগুই কল্পিত।

যক্ষ কামী তাহার পক্ষে এক বৎসরের বিরহই যথেষ্ট কষ্টের কারণ হইয়াছিল। কিন্তু হৃদয়ের প্রবলতা অথচ সংযমের দৃঢ়তা, ভাবে অপরিমেয় অথচ কন্ঠে নিম্নমিত ইহাই রাম। এই জগু কন্ঠী রামকে ব্যাকুল করিতে দীর্ঘ একযুগের সীতা বিরহ কল্পিত হইয়াছে।

রামচন্দ্র কর্তব্য চালিত হইয়া পঞ্চবটীতে উপস্থিত। এখানে যতক্ষণ তাঁহার কর্তব্য অসমাপ্ত ছিল, ততক্ষণ তাঁহার কোন দিকে লক্ষ্য ছিল না। কর্তব্য শেষ করিয়া যখন রামের চিত্ত লঘু তখন তিনি পঞ্চবটীর জনস্থান দেখিয়া পূর্ব স্মৃতিস্মৃতিতে মুহমান হইয়া পড়িলেন। সীতান্নেহরূপিনী বাসন্তী সীতার বনবাস কালীন প্রিয় বস্ত্র ও স্থান গুলি রামকে স্মরণ করাইয়া বড় ব্যথা দিতে লাগিল। রামের ভ্রম হইতে লাগিল যেন সীতা তাঁহার কাছে রহিয়াছেন। (বিশ্রুত বিবরণের জগু ভূদেব বাবুর বিবিধ প্রবন্ধ দ্রষ্টব্য)। এইরূপ ভ্রম যক্ষেরও যথেষ্ট হইত। সে শিলাগাত্রে প্রিয়া প্রতিকৃতি অঙ্কিত করিয়া সত্যভ্রম করিত। স্বপ্নে “বাঁধিতে প্রিয়ারে গাঢ় আলিঙ্গনে, বাঁধে সে বুকেতে বায়ুর থর”! মিহগিরি হইতে যে স্নিগ্ধ বায়ু তাহার গাত্র স্পর্শ করে সে তাহাকে প্রিয়ার দেহস্পর্শকারী বিবেচনা করিয়া আলিঙ্গন করিতে যায়।

মেঘ প্রথমে যক্ষের নিকট ‘বপত্রীড়া পরিণতগজ’ রূপে প্রতিভাত হইয়াছিল। তৎপরে যখন সে যক্ষপত্নীর নিকট প্রথম উপস্থিত হইবে তখন ‘কলভতলুতা’ গ্রহণ করিবার উপদেশ পাইয়াছিল। রামের নিকট ছায়াময়ী সীতার সংপ্রবেশও একটি করিশাবক কে উপলক্ষ করিয়া ঘটয়াছিল।

ময়ূরের নর্তন লীলা, বিরহ কাতরা সুন্দরী বর্ণনা প্রভৃতি আরো দুই একটি সামান্য বিষয়ে মেঘদূত ও উত্তর চরিতের মধ্যে সাম্য লক্ষিত হয়। পূজ্যপাদ ভূদেব বাবুর পুস্তকে তাহারও আভাস দৃষ্ট হইবে।

৩। শকুন্তলা ও উত্তরচরিত।—উত্তর চরিতের বীজ যদি মেঘদূতে থাকিয়া থাকে, ভবভূতি নাটকের আদর্শ রূপে শকুন্তলাকেই সন্মুখে রাখিয়াছিলেন বোধ হয়।

শকুন্তলা রাজার পত্নী হইয়াও বৃথা ভয়ে স্বামী কর্তৃক পরিত্যক্তা, গুপ্তপ্রণয় সর্বদাই অতিশপ্ত, রাজা ও সাহস করিয়া গোপনপরিণয় স্বীকার করিতে পারেন না। এবং তাহা না পারাতেই নিরপরাধিনী মহিষী পরিত্যক্তা হইয়া ছিলেন। সীতা স্বামীর নিকট সাধ্বী বলিয়া বিখ্যাত থাকিলে ও লোকাপবাদ তাঁহাকে বনবাসিনী করিয়াছিল। শকুন্তলা কণ্ঠ মুনির আশ্রমে পালিতা মাত্র, কণ্ঠ হৃৎ নহেন; সীতা জনকপালিতা বলিয়া জানকী।

শকুন্তলা ও সীতা উভয়েই গর্ভাবস্থায় পরিত্যক্তা। অপবাদ মগ্ধিত শিশুর জনক হইবার লজ্জা হইতে মুক্ত হইবার জগুই উভয় রাজা স্ব স্ব মহিষীকে ত্যাগ করিতে বাধ্য হইয়াছিলেন।

শকুন্তলা যখন নিরুদ্দেশ তখন রাজা দুঃস্বপ্ন সমস্ত ঘটনাটাকে ঠিক উপলক্ষ করিতে না পারিয়া বয়স্যকে জিজ্ঞাসা করিতেছেন, এই ব্যাপারটা ‘স্বপ্নো হু মায়া হু মতিভ্রমো হু’। ইহাই রামের সীতা বিভ্রমের অক্ষুর।

শকুন্তলার “ক্ষাম ক্ষাম কপোলং ইত্যাদি” ও “বসনে পরিধূসরে বসান।

নিয়মক্ষামমুখী ধূতৈক বেণিঃ।

অতি নিরুৎসাহ্য গুহুশীলা

মম দীর্ঘং বিরহব্রতং বিভর্তি” ॥

শ্লোকদ্বয়, উত্তরচরিতের

“পরিপাণ্ডু দুর্বল কপোল সুন্দরং
দধতী বিলোলকবরীক মাননম্।
করণশ্রু মূর্তিরিব বা শরীরিণী
বিরহব্যথের বনমৈতি জানকী” ॥

এবং

“কিসলয়মিব মুগ্ধং বন্ধনাদ্বিশ্রলুং
হৃদয় কুসুম শোভী দারুণো দীর্ঘ শোকঃ।
শ্রুপয়তিপরিপাণ্ডু ক্ষামমস্যঃ শরীরং
শরদিজ ইব ঘর্ষঃ কেতকীগর্ভ পত্রম্” ॥

শ্লোকদ্বয়ের আদর্শ হইয়াছিল কি না ইহার বিচার বাহুল্য।

উভয় নাটকেই অজ্ঞাত পুত্রের সহিত মিলন ঘটয়াছে। সর্বত্র ভবভূতি নিজ আদর্শ অপেক্ষা উৎকর্ষ সাধন করিতে সক্ষম হইলেও, দুঃস্বপ্নের পুত্রমিলন সৌন্দর্য্য অতিক্রান্ত হয় নাই।

উভয় নাটকেরই শিশুগণের পিতার সহিত প্রথম পরিচয় বীর ভাবে। অজ্ঞাত পুত্রের ক্ষত্রভাব উভয়জগু পিতার বক্ষে পুলক সঞ্চারণ করিয়াছে। সম্বন্ধ জ্ঞাত হওয়ার পর উভয় নাটকীয় ক্ষত্রভাবাপন্ন শিশু বিনয়ে কেমন নম্র, কেমন মধুর। পিতা উভয়জগুই স্নেহশীতল।

শকুন্তলা নাটকের ষষ্ঠাঙ্কে মিশ্রকেশী নাম্নী অম্পরা তিরক্ষরিণী বিছা বলে আপনাকে প্রচ্ছন্ন রাখিয়া শকুন্তলার জগু দুঃস্বপ্নের চিত্ততাপ অবগত হইতেছেন। মিশ্রকেশী

স্বীকার করিয়াছেন, ‘শরীরভূতা মে শকুন্তলা’। সীতা দেবীও মিশ্রকেশীর ছায় ছায়াময়ী হইয়া স্বয়ং স্বামীর অনুতাপ শ্রবণ করিতেছেন। “স্বামীর অবিচলিত প্রগাঢ় প্রেমের, তদীয় দুঃস্বপ্ন নিবন্ধন প্রকৃত অনুতাপের এবং লোকলজ্জা নিবারক তাদৃশ কোন প্রকাশ্য ব্যবহারের নিদর্শন ব্যতিরেকে পরিত্যক্তা স্ত্রী, জয়মাত্র আত্মগৌরব সত্ত্বে, পরিত্যাগকারী স্বামীকে পুনগ্রহণে সন্মতা হইতে পারেন না। সাধ্বীদিগের হৃদয়ে আত্মগৌরব অতি প্রবলভাবেই বিরাজ করে। তাঁহারা যতই কোমলা, শীতলা, আত্মবি-সর্জনে প্রবণা ও আত্মবিলোপে সক্ষম হউন, তাঁহাদিগের সাধ্বীতাটিই জলন্ত হতাশন স্বরূপ *”। এই কথাটি উভয় কবিই বেশ বুদ্ধিতে পারিয়াছিলেন।

ইহা ভিন্ন আরো বহু ক্ষুদ্র ক্ষুদ্র বিষয় পাঠক মাত্রেরই দৃষ্টিপথবর্তী হইয়া কালিদাসের নিকট ভবভূতির ঋণ ঘোষণা করিয়া দেয়। তবে, ইংরাজ কবি সম্বন্ধে যেরূপ ধ্যাতি আছে যে whatever he borrowed, he borrowed to better it, ভবভূতি সম্বন্ধেও তাহা সম্পূর্ণ রূপে সত্য বলিয়া স্বীকার করিতে হইবে।

৪। রত্নাবলী।—রত্নাবলী সংস্কৃত সাহিত্যের রত্ন সূদৃশ। কিন্তু ইহা বহু কবিরাজেন্দ্রের ভাণ্ডার হইতে সংগৃহীত রত্নাবলী।

রত্নাবলী যে কালিদাসের সকল নাটকগুলি হইতেই সাহায্য প্রাপ্ত তাহা স্পষ্টই বুঝা যায়। অধিকন্তু অগ্রাণ্ড কবিরও ঋণ ইহার পক্ষে স্পষ্ট লক্ষিত হয়।

এই নাটিকার উপাখ্যানাংশ সংক্ষেপতঃ এইঃ—বৎসরাজের সহিত বিবাহ দিবস জগু সিংহলরাজকুমারী সিংহল-রাজের অমাত্য বসুভূতীর সহিত বৎসদেশে আনীত হইতেছিলেন। যান ভগ্ন হওয়ার রাজকন্ঠা বিচ্ছিন্ন হইয়া কুলপ্রাপ্ত হন। বৎসরাজের অমাত্য যোগন্ধরায়ণ তাঁহাকে এক লাণিকের নিকট প্রাপ্ত হইয়া পরিচা-রিকা রূপে রাণীকে প্রদান করেন। সাগরপ্রাপ্তা রাজকন্ঠা তদবধি সাগরিকা আখ্যা প্রাপ্ত হন। যথারীতি রাজা ও সাগরিকার চিত্তবিনিময়; রাণীর নিকট ধরা পড়া;

* ভূদেব বাবুর উত্তরচরিত সমালোচনা।

† সেক্সপীয়রের Winter's Tale নামক নাটকেই ঠিক এইরূপ একটি নিদর্শন দেখিতে পাওয়া যায়।

রাণীর ক্রোধ ও রাজার অনুন্নয়; সাগরিকার শৃঙ্খলা-বরোধ ও রাজা কর্তৃক তাঁহার উদ্ধার। তৎপরে বসুভূতি ও কঞ্চুকী বাজব্য কর্তৃক রত্নমালাভিজ্ঞানে রাজকণ্ঠার পরিচয় ও অবশেষে রাজার সহিত বিবাহ।

কালিদাসকৃত মালবিকাগ্নিমিত্র নাটকের উপাখ্যানভাগও প্রায় এইরূপঃ—মাধবসেনের অমাত্য স্মৃতি রাজভগিনী মালবিকাকে অগ্নিমিত্রের সহিত বিবাহিত করিবার জন্ত মালবিকাকে সঙ্গে লইয়া যাত্রা করেন এবং বণিকদলে প্রবিষ্ট হন। পথে দস্যুকর্তৃক স্মৃতি হত এবং মালবিকা অগ্নিমিত্রের সামন্ত সেনাপতি বীরসেনের আশ্রয় প্রাপ্ত হন। বীরসেন ইহাকে রাজ্ঞী ধারিণীর পরিচারিকা রূপে প্রেরণ করেন, রাজা একদিন চিত্রগতা মালবিকাকে দেখিয়া মুগ্ধ হইয়া পড়েন। রাজ্ঞী ধারিণী মালবিকাকে সম্বন্ধে রাজচক্ষুর অন্তরালে রাখিতে যত্নবতী হইলেন। রাজ্ঞীর যত্ন ব্যর্থ হইল; রাজার সহিত তাঁহার মিলন ঘটে। কিন্তু সে সাক্ষাৎ অবিদ্য হইয়া যায়, রাজা রাণীর নিকট ধরা পড়েন। সূত্রাৎ রাণীর ক্রোধ ও রাজার অনুন্নয়। রাণী কর্তৃক মালবিকার শৃঙ্খলাবরোধ এবং রাজার দ্বারা মুক্তিলাভ। অবশেষে মালবিকার ভ্রাতৃরাজ্যের দুইজন শিল্পকারিণী ও স্মৃতি অমাত্যের পরিব্রাজিকা বেশধারিণী ভগিনীকর্তৃক মালবিকার যথার্থ পরিচয় বিবৃতি ও রাজার সহিত তাঁহার বিবাহ।

বিক্রমোর্কশী নাটকেও রাজা পুরুষবা উর্কশীকে দেখিয়া উদ্ভ্রান্ত হইয়া পড়েন। একদিন উত্তানে একখানি ভূর্জপত্রলিখিত চিঠির দ্বারা উভয়ের মিলন সংঘটিত হয়। পত্র রাণীর নিকট ধরা পড়ে। তৎপরে যথারীতি ক্রোধ ও বিনয়।

শ্রীযুক্ত সতীশচন্দ্র বিদ্যাভূষণ মহাশয় বলেন যে রত্নাবলীর উপাখ্যানের মূল কথাসরিংসাগর ও দিব্যাবদান গ্রন্থে। উক্ত ঘটনা সত্যমূলক। কিন্তু আমাদের উহা কবিকল্পনা বলিয়াই বোধ হয়। মোটামুটি সাদৃশ্য দেখা হইল। এক্ষণে সূক্ষ্মসাদৃশ্য দেখা যাক।

(১) মালবিকাগ্নিমিত্র ও রত্নাবলী।—উভয় নাটকে-রই সঙ্কেতস্থান প্রমোদবন। উভয়নাটকের তৃতীয়ঙ্কে রাজা নাগিকামিলিত অবস্থায় ধরাপড়িয়া রাণীর চরণপতিত হইয়া ক্ষমা চাহিয়াছেন। রাণী ক্ষম্যে না করিয়া

চলিয়া গিয়াছেন। বিদূষক রাজা বেচারাকে তখনো ধূল্য মাথা লুটাইতে দেখিয়া বলিতেছেন—

বিদু। উটঠেহি অকিদপ্লোসাদোসি (উত্তিষ্ঠ, অকৃত-প্রসাদোহসি)।

রাজা। (উথায়েরাবতীমপশ্চন্) তৎকথং গঠৈব প্রিয়া ?

(মালবিকাগ্নিমিত্র ৩য় অঙ্ক)।

বিদু। ভোঃ উটঠেহি। গতা সা বাসবদত্তা দেবী তা কীস এথহরগ্নরুদিদং করেসি ? (ভোঃ উত্তিষ্ঠ। গতা সা বাসবদত্তা দেবী। তৎকথ্যং অত্র অরণ্যরুদিতং করেসি ?)

রাজা। (মুখমুগ্ধময়া) কথমক্ৰুতৈতাব প্রসাদং গতা দেবী ? রত্নাবলী, ৩য় অঙ্ক।

এই তৃতীয়ঙ্কের ঘটনা, কথোপকথন ও ভাষার সমস্ত চমৎকার। চতুর্থ অঙ্কে ইরাবতীর রাজার নিকট ক্ষমা-প্রার্থনার জন্ত পুনরাগমন ও সঙ্কেতস্থানে নাগিকামিলিত রাজদর্শন। পঞ্চমঙ্কে যুদ্ধ জয়ের সঙ্গে সঙ্গে মালবিকার যথার্থ পরিচয় প্রাপ্তি, রত্নাবলীতে বাসবদত্তার মার্জনাভিজ্ঞা ও রাজাকে পুনর্মিলিত দর্শন এবং যুদ্ধজয়ের সঙ্গেসঙ্গে রত্নাবলীর যথার্থ পরিচয় প্রাপ্তি যথেষ্ট ঘনিষ্ঠভাবে সাদৃশ্য হইয়া পড়িয়াছে। উভয় নাটকের নাগিকা ঈর্ষ্যাপরায়াণা রাণী কর্তৃক অবরুদ্ধা ও রাজা কর্তৃক মুক্তা হইয়াছেন।

(২) বিক্রমোর্কশী ও রত্নাবলী।—বিক্রমোর্কশীর দ্বিতীয় অঙ্কের সহিত রত্নাবলীর তৃতীয়ঙ্কের যথেষ্ট সমতা লক্ষিত হয়। পুরুষবা ঔশীনরীর নিকট ধরা পড়িয়াও নিজের দোষ স্বীকার করিতেছেন না, ইহাতে রাণী বলিতেছেন “নাস্তি প্রভবতোহপরাধঃ ; অহমেবাপ রাদ্ধা বা প্রতি কুলদর্শনাভূত্বা অগ্রতো ভবামি।”

বিক্রমোর্কশী ২য় অঙ্ক।

সেইরূপ অবস্থায় দেবী বাসবদত্তা বলিতেছেন, “নহু প্রথম সঙ্গমে বিস্ময় কুর্কৃত্যা ময়েবতশ্চাপারাদ্ধং নার্যাপুত্রেণ।”

রত্নাবলী ৩য় অঙ্ক।

তৎপরে “স্থানে ইয়ং হি দেবীশব্দেনোচ্চার্যতে।” (বিক্রমোর্কশী ৩ অঙ্ক) এবং ‘স্থানে দেবীশব্দমুদ্রহসি’ (রত্নাবলী ৪ অঙ্ক) প্রভৃতি বাক্যপংক্তি এত সমাকার যে উহা দৈবের প্রতি আরোপ করা যায় না।

(৩) শকুন্তলা ও রত্নাবলী।—শকুন্তলার মাতৃদত্ত নাম কি জানা নাই। পক্ষীদিগের দ্বারা পালিতা বলিয়া তিনি কঞ্চুমুনি হইতে শকুন্তলা নাম পাইয়াছিলেন। রত্নাবলীর ও আসল নাম কি আমরা জানি না; সাগরে প্রাপ্ত বলিয়া তিনি সাগরিকা এবং রত্নমালাভিজ্ঞানে পরিচিতা বলিয়া রত্নাবলী।

অভিজ্ঞানে পরিচয় প্রাপ্তি উভয় নাটকেরই বর্ণনীয় বিষয়। শ্রীযুক্ত জ্যোতিরিন্দ্রনাথ ঠাকুর মহাশয় রত্নাবলীর ভূমিকায় লিখিয়াছেন “এই নাটিকার বর্ণিত নায়ক-নায়িকার প্রণয়-বিলাস-চিত্রে কতকটা কালিদাসের শকুন্তলার ছায়া উপলব্ধি হয়।” শকুন্তলায় রাজা এবং রত্নাবলীতে সাগরিকা অভিপ্সীত-জনের চিত্র অঙ্কিত করিয়া চিত্তরঞ্জন করিতেছেন। মদন-মহোৎসবের সময়েই উভয় নাটকের নায়ক-নায়িকার সহিত মিলনের জন্ত ব্যাকুল, এই দৃশ্যে উভয় নাটকের কথোপকথনের ভাব ও ভাষার যথেষ্ট সাদৃশ্য দেখা যায়।

(৪) কর্পূরমঞ্জরী ও রত্নাবলী।—রত্নাবলীর কতকগুলি দৃশ্য ও তাহাদের ভাষা এবং রাজশেখরকৃত প্রাকৃতভাষায় লিখিত কর্পূরমঞ্জরী নামক নাটকের কয়েকটি দৃশ্য ও তাহাদের ভাষা প্রায় এক প্রকার।

(ক) প্রথম অঙ্ক তৃতীয় দৃশ্য। ত্রৈলোক্যিক আপনার ক্ষমতা দেখাইবার জন্ত রাজাজ্ঞার প্রার্থী হইলে, রাজা একটা সূন্দরী কণ্ঠা উপস্থিত করিতে বলিলেন।

(খ) কর্পূরমঞ্জরী যথার্থভাবে পরিচিত হইবার পূর্বে ঘনসার-মঞ্জরী নামে কথিত ছিলেন। রাণী রাজার সহিত স্বয়ং কর্পূরমঞ্জরীর বিবাহ দিলেন কারণ মঞ্জরীর স্বামী সার্বভৌম রাজা হইবেন এইরূপ একটা ধারণা জন্মিয়াছিল।

(গ) কদলীবনে রাজা বিদূষকের সহিত নাগিকার বিরহে বিলাপ করিতেছেন ও বিদূষক তাহার শ্লেষপূর্ণ উত্তর দিতেছেন।

(ঘ) বসন্তোৎসব, আশোকদোহদ প্রভৃতির বর্ণনা।

(ঙ) কর্পূরমঞ্জরী নাটকের যাহুকর ভৈরবানন্দ বলিতেছে—“আমি চন্দ্রকে ভূতলে অবতারিত করিতে

পারি। মধ্যাকাশে স্বর্গাগতি স্থগিত করিতে সক্ষম। যক্ষ-সুর-সিদ্ধগণের স্ত্রী-পরিজন নিকটে আনিয়া দেখাইতে সমর্থ। ভগবান জানেন আমি ইচ্ছা করিলে কি না করিতে পারি।”

রত্নাবলীর যাহুকর সম্বরসিদ্ধি বলিতেছে—

“ধরায় শশাঙ্ক কিংবা ব্যোমে গিরিরাজ,
সলিলে অনল কিংবা মধ্যাহ্নেতে সাঁঝ,
বলুন কি ঘটাব, বলুন মহারাজ।
যা কিছু হৃদয়ে বাঞ্ছা দেখিবারে আজ
এখন আনিয়া দিব মন্ত্রের প্রভাবে
হরিহর ব্রহ্মা আদি যত দেবগণ,
সিদ্ধবিদ্ধাধর আদি সুরবধু সাথে।”

(৮) রত্নাবলীর রাজা উদয়ন শ্রীপর্ক্বতের শ্রীখণ্ড-দাসের নিকট হইতে অকাল-পুষ্পোদ্যামের নাথন শিক্ষা করিয়াছিলেন। কর্পূরমঞ্জরীর ভৈরবানন্দও এই বিদ্যায় শিক্ষিত।

(ছ) কবিসময়-প্রসিদ্ধি (সূন্দরীর পদতড়ন ব্যতীত অশোক ও মুখ-মদিরা বাতিরেকে বকুল পুষ্পিত হয় না ইহাই কবিপ্রসিদ্ধি) উভয় নাটকেই তুল্যভাবে বর্ণিত হইয়াছে। সন্ধ্যা বর্ণনারও ভাব ও ভাষা উভয় নাটকে প্রায় সমান।

এই সমস্ত প্রধান একতা ব্যতীত বহু-নাটক কাব্য প্রভৃতির সহিত রত্নাবলীর যে ক্ষুদ্র ক্ষুদ্র বিষয়ে সমতা লক্ষিত হয়, তাহার কতক সংক্ষেপে এস্থলে লিখিত হইতেছে।

(১) দ্বীপাদন্ত্যাদপি মধ্যাদপি জলনিধেদি শোহপ্যস্তাং।
আনীয় বাটিতি ঘটয়তি বিধিরভিমতমভিমুখীভূতঃ।”

(রত্নাবলী ১ম অঙ্ক)।

দ্বীপোপগীত গুণমপি সমুপার্জিত রত্নরাশিসারমপি।
পোতাং পবন ইব বিধিঃ পুরুষমকাণ্ডে নিপাতয়তি॥”
(হর্ষচরিত ৬ষ্ঠ উচ্ছ্বাস)।

(২) কষ্টোহয়ং খলু ভূতভাবঃ (রত্নাবলী ১ম অঙ্ক)।
সেবাং লাঘবকারিণীং কৃতধিয়ঃ স্থানে শ্ববৃত্তিং বিদ্রঃ

(মৃচ্ছকটিক)

অস্মাকান্ত প্রতিদিনমিয়ং সাদয়ন্তী প্রতিষ্ঠাং।

সেবাকাকুঃ পরিণতিরভূৎ স্ত্রীষু কষ্টোহবিহারঃ॥

(বিক্রমোর্কশী ৩য় অঙ্ক)

(৩) কুম্ভমস্কুমারমূর্তির্দধতী নিয়মেন তনু তরং মধ্যম্।
আভাতি মকরকেতোঃ পার্শ্বস্থা চাপযষ্টিরিব ॥

(রত্নাবলী ১ম অঙ্ক)

উদয়গিরি তটাস্তুরিতমিয়ং প্রাচ সূচয়তি দিঙ্
নিশানাথম্।

পরিপাণ্ডুনা মুখেন প্রিয়মিব হৃদয়স্থিতং রমণী ॥

বসনে পরিধূসরে বসানানিয়মক্ষামমুখী ধৃতকবেণিঃ
প্রভৃতি শকুন্তলা ও উত্তররামচরিতের শ্লোক প্রব-
ন্ধের পূর্ববর্তী উদ্ধৃত হইয়াছে।

(৪) বালপ্রবালবিটপিপ্রভবা লতেব (রত্নাবলী ১ম অঙ্ক)

সঞ্চারিণী পল্লবিনী লতেব (কুমার সম্ভব ৩য় সর্গ)

(৫) সাগরিকার বাসবদত্তার ছদ্মবেশধারণারূপ
ব্যাপার মালতীমাধব, মহাবীরচরিত, মুদ্রারাক্ষস ও বিদ্য-
শালভঞ্জিকা নামক পুস্তক সকলে আছে, কোতুহলী পাঠক
জ্যোতিরিন্দ্র বাবুর নাটকানুবাদ দেখিলে সহজেই পাইবেন।

(৬) কণ্ঠশ্লেষসমাসাত্ত তস্তাঃ প্রভ্রষ্টবানয়া।

তুল্যাবস্থা সখীবেয়ং তনুরাশাস্ততে মন্ব ॥

(রত্নাবলী ৪র্থ অঙ্ক)

তব সূচরিতমঙ্গুলীয় নুনং প্রতনু মমেব বিভা-
ব্যাতে ফলেন।

অরুণনখমনোরমাসু তস্তাশ্চ্যুতমসি লক্ষপদং
যদঙ্গুলীযু ॥

(শকুন্তলা ৬ষ্ঠ অঙ্ক)।

(৭) অভিজ্ঞান শকুন্তলার কঙ্কী বেত্রহস্তা (৫ম-
অঙ্ক) ; রত্নাবলীর কঙ্কীও বেত্রহস্তা। কঙ্কীর বেত্র-
গ্রহণ পদপরিচায়ক বলিয়া বোধ হয়।

(৮) রাজা। (দক্ষিণবাহুস্পন্দং নিরূপ্য) এতদবস্থস্য
মম কুত এতৎ ফলম্। (রত্নাবলী ৪র্থ অঙ্ক)।

রাজা। (প্রবিগ্ন নিমিত্তং সূচয়ন্)

শান্তমিদমাশ্রমপদং স্মুরতি চ বাহুঃ কুতঃ ফল-
মিহাস্য ?”

শকুন্তলা ১ম অঙ্ক।

(৯) স্বপ্নে মতিভ্রমতি কি ত্বিদমিদ্ভ্রজালম্ ?

(রত্নাবলী ৪র্থ অঙ্ক)

স্বপ্নো হু মায়া-হু মতিভ্রমোহু ? ইত্যাদি (শকুন্তলা
৬ষ্ঠ অঙ্ক)

কেবল রত্নাবলীই যে অশ্লকবিব অনুকরণ করিয়াছে
তাহা নহে। রত্নাবলীরও অনুকারকের অভাব নাই।
এতৎ সম্বন্ধে বিজ্ঞানস্ব পাঠক ভূদেব বাবুর বিবিধ প্রবন্ধের
৭৯ পৃষ্ঠায় ইহার পরিচয় পাইবেন।

শ্রীচাকচন্দ্র বন্দ্যোপাধ্যায়।



পাহাড়ী বাবা।



চতুর্দশ পরিচ্ছেদ।

তার পর ঠাকুর দাদা বাড়ী আসিলেন। বাড়ী
পৌঁছিয়াই তাড়াতাড়ি রন্ধনশালায় প্রবেশ করিয়া গৃহি-
ণীকে জিজ্ঞাসা করিলেন—“তোমার রান্না হয়েছে ?”

গৃহিণী কর্তার ভাবগতিক দেখিয়া একটু বিস্মিত
হইয়া কহিল—“তোমার এরই মধ্যে ক্ষুধা পেয়েছে ?
সন্ধ্যাহিকই হয়েছে, এখনও স্নানত বাকি আছে। আজ
কি স্নান করবে না ?”

কর্তা কিঞ্চৎ বিরক্তি প্রকাশ করিয়া কহিলেন—“এই
কি তোমার আমার কথার উত্তর হলো ? আমি কোথা
জিজ্ঞাসা করছি রান্না হয়েছে, তুমি তার উত্তর দিলে কি
না ক্ষুধা—সন্ধ্যাহিক—স্নান। আমার সে সকল আজ
আর কিছুই হচ্ছে না যতক্ষণ না তুমি একটি কাজ কর!”

গৃহিণী যেন এবার একটু অপ্রস্তুত হইয়া কহিল—
“কি কাজটা বল না ?”

কর্তা। একবার মহামায়ার মায়ের কাছে যাও
দেখি। আনাদের অভুলের সঙ্গে তার মেয়ের বিয়ে দেবার
ইচ্ছা আছে কি না একবার জেনে এস দেখি। আর
দেখ, পার যদি মহামায়ার মনের ভাবটা একবার জেন।
অভুলের সঙ্গে বিয়ে হলে, তার মনের মতন বর হয় কি না
সেটাও জেনে এসো।

গৃহিণী। তা আসবো এখনই ত নয়।

কর্তা আশ্চর্য্য হইয়া কহিলেন—“এখনই নয় কি
রকম! এখনই যেতে হবে।

গৃহিণী। রাঁধতে—রাঁধতেই ? আমি উলুনে
ভাতের হাঁড়ি চাপিয়েছি।

কর্তা। তা উলুনে হাঁড়ি চাপালে কি আর নামান
যায় না ?

গৃহিণী। তোমার এত তাড়াতাড়ি কিসের ? বলি—
আজই ত আর বিয়ে হচ্ছে না ?

কর্তা। তা না হ'ক—একটা স্থির যতক্ষণ না হচ্ছে,
ততক্ষণ আমি নিশ্চিত হতে পাচ্ছি না।

গৃহিণী। তবে তুমিই নিজে যাওনা কেন ?

কর্তা। আমি গেলে যদি সে কাজ হতো, তবে এত-
ক্ষণ বাড়ী এসে তোমার সঙ্গে বাজে কথায় সময় নষ্ট না
করে, এতক্ষণ কাজের কথা জেনে ফিরে আসতে পারতুম।
আমার সঙ্গে কি মহামায়ার মা কথা কয়, যে আমি গিয়ে
তার মনের ভাব জেনে আসবো ? আর সে বাড়ীতে অশ্ল
কেউ পুরুষও নেই। থাকবার মধ্যে আছে সেই পাহাড়ে
মাগী। সে মাগীর সঙ্গে কথা বলা দূরে থাকুক, সে
মাগীর জন্ত আমারত ও বাড়ীতে যেতেই ভয় করে। ঠিক
যেন একটা ডাল কুন্তা বাড়ীর দরজা গোড়ায় বেঁধে রেখে
দিয়েছে।

গৃহিণী। তা এমন উৎকর্ষার সময় কেন ? খাওয়া
দাওয়ার পর আমিই যাবো।

কর্তা। তুমি সে কথা জেনে না এলে আজ ত আমার
খাওয়া দাওয়া কিছুই হবে না। আরে মাগী তোর খাওয়া
দাওয়াটাই কি বড় হলো ?

এইবার গৃহিণী একটু ক্রোধভরে কহিলেন—“তুমি
‘মাগী—মাগী’ করোনা বলছি।”

কর্তা তখন ঈষৎ হাসিয়া কহিলেন—“তুমি মাগী নয় ত
কি পুরুষ ?”

গৃহিণী। আমি কি বলছি—আমি পুরুষ। তোমার
মুখে কি ভাল কথা নেই ?

কর্তা। ও বুঝিছি। মাগী বললে বয়েসটা কিছু
হয়ে পড়ে বটে। তোমার মতনব-যুবতীকে মাগী বলাটা
আমার অশ্রায় হয়েছে। সুন্দরী—আমার অপরাধ
ক্ষমা কর।

গৃহিণী। অত ঠাট্টা কেন গো তোমার চেয়ে আমার
বয়েসত কম ?

কর্তা। দেখ, সে বিষয়ে আমার সন্দেহ আছে।
কুলীনের ঘরেই ‘বর বড় কি কনে বড়’—এই কথাটা
খাটে। যাক সে কথা—এখন আমার কথার কি বল ?
তুমি মহামায়ার মায়ের কাছে যাবে কি না ?

গৃহিণী। আমি কি যেতে চাচ্ছি না ?—রাঁধতে
রাঁধতে কি করে যাই বল।

কর্তা। আচ্ছা আমি তোমার হয়ে রাঁধছি—তুমি
যাও।

গৃহিণী। তোমায় রাঁধতে হবে না। আমি ভাতের
ফেনটা গেলেই যাচ্ছি। এসে রাঁধবো। তুমি গঙ্গা-
স্নানে যাবে ত ?

কর্তা। তুমি কথাটা জেনে না এলে, আমি আজ
আর স্নান করছি না।

গৃহিণী। আমি কত বেলায় আসবো, তার পর তুমি
গঙ্গা স্নানে যাবে ?

কর্তা। আজ আর নাই বা গঙ্গা স্নানে গেলুম। এই
শুভ কক্ষটা স্থির করতে পাল্লে, ঘরে বসেই যে আমার
গঙ্গাস্নানের ফল হবে।

গৃহিণী আর বিরক্তি না করিয়া রন্ধনশালায় চলিয়া
গেলেন। সেখানকার কার্য্য শেষ করিয়া মহামায়াদের
বাড়ী উপস্থিত হইলেন। বিমলা সে সময় পূজা আহ্নিকে
ব্যস্ত ছিলেন। সেই কারণ কমলাকে মহামায়াই অভ্য-
র্থনা করিল। কমলা মহামায়াকে এক নিভৃত গৃহে লইয়া
গেল। প্রথমে কমলা তাহার জননীর কথাই জিজ্ঞাসা
করিল। তার পর অশ্রাশ্রু ছুই চারিটা বাজে কথার পর
কমলা আসল কথা পাড়িল। বলিল—“দেখ মহামায়া,
তোমার ঠাকুর দাদা, তোমার একটা ডাল সন্ধ্যা নিয়ে
এসেছে। তারা জয়নগরের জমিদার—খুব বড় লোক।
ছেলেটিও দেখতে কার্তিকের মতন। তোর সে বর
পছন্দ হবে ত ?”

কমলার কথা শুনিয়া মহামায়ার মুখখানি শুকাইয়া
গেল। বিষয় মুখে মহামায়া কহিল—“আমিত বিয়ে
করবো না।”

কমলা আশ্চর্য্য হইয়া কহিল—“সে কিলো—বিয়ে
করবি না কি ? তুই যে তোর মায়ের এক মেয়ে, তুই
চিরকাল আইবুড়ো থাকবি কি করে ? মহামায়া উত্তর

করিল—“পাহাড়ী বাবা বলেছেন—আমায় বিয়ে করতে নেই।”

কমলা। আর যদি অতুলের সঙ্গে তোর বিয়ের সম্বন্ধ করি ?

মহামায়া অবনত মস্তকে চুপ করিয়া রহিল। কমলার এ কথা আর কোন উত্তর দিল না। কমলা বলিতে লাগিল—“দেখ মহামায়া, তোর দাদা অতুলের সঙ্গেই তোর বিয়ের সম্বন্ধ করেছে। আজ সকালে আমাদের বাড়ী এসেছিল। তোর দাদাকে দিয়ে সে তার মামাকে তোকে বিয়ে করবার কথা জানিয়েছিল। তার মামার মত হয়েছে। এখন তোদের মত হলেই সে বিয়ে হয়। আমি সেই কথাই জানতে এসেছি। তোর মত আছে ?

মহামায়ার মস্তক ক্রমেই অধিকতর অবনত হইয়া আসিতে লাগিল। তার পর কমলা সবিস্ময়ে চাহিয়া দেখিল—মহামায়ার মস্তকতলস্থ ভূমি অশ্রুসিক্ত হইয়াছে এবং তখনও তাহার চক্ষু হইতে টম্ টম্ করিয়া অশ্রু পতন হইতেছে! এই সময় বিমলা সেই গৃহে প্রবেশ করিল। মহামায়া জননীকে দেখিয়া আর সে স্থানে রহিল না, ছুটিয়া সে গৃহ হইতে পলায়ন করিল। মহামায়া আর সে মহামায়া নাই।

বিমলা কমলাকে দেখিয়া বিশেষ আদর অভ্যর্থনা করিল। অতীত দুই চারি কথার পর, কমলা কহিল—“দেখ মহামায়ার মা, তোমার মেয়ের বিয়ের কি করছ বল ?”

বিমলা উত্তর করিল—“আমি আর কি করবো বল। ঠাকুরপোর উপর ভার দিয়েছি, তিনিই যা হয় করবেন।

কমলা। কেন—তোমার ঠাকুরপোর ঘরেইত ছেলে রয়েছে। দুর্গাদাসের ভাগিনেয় অতুলের সঙ্গে তোমার মেয়ের বিয়ে দাও না ?

বিমলা। আমার কি তেমন অদৃষ্ট হবে মা ? অতুলত সোনার ছেলে, যার খুব ভাগ্য ভাল, সেই অমন ছেলে জামাই করবে।

কমলা। তবে অতুলকে মেয়ে দিতে তোমার খুব মত আছে ?

বিমলা। সে কথা কি একবার করে বলতে মা।

কমলা। তবে এই মাসেই তোমার মেয়ের সঙ্গে

অতুলের বিয়ে হবে। আমাদের কর্তা সে ভার নিয়েছেন। তুমি বিয়ের উদ্যোগ কর।

এই কথা বলিয়া কমলা তাড়াতাড়ি উঠিয়া দাঁড়াইল। বিমলা আনন্দে অধীর হইয়া কমলার পদধূলি গ্রহণ করিল। কমলা গৃহের বাহিরে আসিয়া দেখিল—লোহিয়া গোপনে দাঁড়াইয়া তাহাদের কথাবার্তা শুনিতেছে। কমলাকে দেখিয়া লোহিয়া প্রথমে একটু খতমত খাইল, কিন্তু মুহূর্ত্ত পরেই সে ভাব গোপন করিল। লোহিয়া পশ্চাৎ চলিল। বাড়ীর বাহিরে আসিয়া কমলাকে কহিল—মহামায়ার সাধি হামি না হোতে দেবে।”

কমলা বিস্মিত নেত্রে পশ্চাতে একবার লোহিয়ার দিকে চাহিয়া মনে মনে কহিল—“এ মাগী বলে কিগো।”

লোহিয়া পুনরায় বলিতে লাগিল—“হামি দেখবে—তোমাকে দেখবে, আর তোমার কর্তাকে বি দেখবে। হাঁসিয়ার—খুব হাঁসিয়ার থাকবে।”

যে ভাবে লোহিয়া এই কয়েকটি কথা কহিল, তাহাতে কমলার মনে বড়ই ভয় হইল। কমলা তখন ভয়ে আরো দ্রুতপদে চলিতে আরম্ভ করিল। এমন সময় পথি মধ্যে রামচন্দ্রের সহিত লোহিয়ার সাক্ষাৎ হইল। তখন লোহিয়া আর কমলার পশ্চাৎ অনুসরণ না করিয়া থম্কিয়া দাঁড়াইল। এই অবসরে কমলা চলিয়া গেল। রামচন্দ্রও লোহিয়ারই অনুসন্ধানে চলিয়াছিল, পথের মধ্যে সাক্ষাৎ হওয়ায় সেও আর অগ্রসর হইল না। রামচন্দ্র লোহিয়াকে কহিল—“লোহিয়া, পাহাড়ী বাবা তোমায় একটা কথা স্মরণ করে দিতে বলেছেন।”

লোহিয়া আগ্রহের সহিত কহিল—“সে কি কথা আছে রে রামচন্দ্র ?”

রামচন্দ্র উত্তর করিল...“মৃত্যুবাণ।”

লোহিয়া বিস্ফারিত নেত্রে দস্তে দস্ত ঘর্ষিত করিতে করিতে উর্দ্ধ দৃষ্টিতে কহিল—“মৃত্যুবাণ।”

পঞ্চদশ পরিচ্ছেদ।

পর দিন সন্ধ্যার সময় অতুলের সহিত অনুকূলচন্দ্রের নিম্নলিখিতরূপ কথাবার্তা হইতেছিল। অনুকূল কহিলেন—“অতুল, তুমি ভৈরব ঠাকুর দাদাকে মুকব্বী ধরে, যা

করছ, আমি সে সব জানতে পেরেছি। তোমার কি মৃত্যুভয় নাই ?”

অতুলচন্দ্র উত্তর করিলেন—“জানতে যদি পেরে থাক, তবে ভালই হয়েছে। আর মৃত্যু ভয় নাই যা বলছো, এতে মহামায়ার প্রতি আমার অসীম ভালবাসাই প্রকাশ পাচ্ছে। ভরসা করি এ সকল জেনে শুনে আর তুমি আমার প্রতিদ্বন্দ্বী হবে না।”

অনুকূল। তোমায় আমি বুদ্ধিমান বলে জানতুম, কিন্তু তোমার এইরূপ কথা শুনে আমার এখন মনে হচ্ছে, তোমার মতন নিকোঁধ আর এ পৃথিবীতে নাই। নিজের মৃত্যু ভয় কর না ? ক্ষুদ্র পতঙ্গ হয়ে জ্বলন্ত আগুনে ঝাঁপ দিতে যাচ্ছ ?

অতুল। আমি মহামায়াকে না পেলে এ প্রাণই যখন রাখবো না, তখন আর মৃত্যুভয় কেন করবো ? মহামায়া এক দিনের জন্ত আমার হলে, আমি হাস্তে হাস্তে মৃত্যুকে আলিঙ্গন করতে পারবো।

অনুকূল। তুমিত হাস্তে হাস্তে মৃত্যুকে আলিঙ্গন করলে, কিন্তু তার পর সেই হতভাগিনীর দশা কি হবে—সে কথা কি একবার ভেবেছ ? নিজের এক দিনের সুখের জন্ত যাকে ভালবাস বলছো, চিরজীবনের জন্ত তাকেই দুঃখিনী করবে ? এই কি তোমার ভালবাসা ? এর নাম ভালবাসা না স্বার্থপরতা ?

অতুল। দেখ অনুকূল, তুমি যখন আমার ভালবাসার এক জন প্রতিদ্বন্দ্বী, তখন তোমার মুখে এ সকল কথা ভাল দেখায় না। তুমি মুখে আমার প্রতি ভালবাসা দেখাচ্ছ, কিন্তু ভিতরে ভিতরে কেবল নিজের ভাল খুঁজছ। পাহাড়ী বাবার কথায় আমি যখন কিছুমাত্র বিশ্বাস করিনা তখন তুমি মিছামিছি কেন এ সকল কও ? আমার মঙ্গলের জন্তে তোমার এত মাথা ব্যথা কেন ? আমি সব বুঝি—আমি সব জানি।

এমন সময় সেই গৃহের বাহিরে প্রতিধ্বনি হইল—“মৃত্যুবাণ—আমার মৃত্যুবাণ কোথায় গেল !” এ যে স্বয়ং কর্তা দুর্গাদাস বাবুর কণ্ঠস্বর। অতুল ও অনুকূলচন্দ্র উভয়েই সে কণ্ঠস্বর শুনিয়া শিহরিয়া উঠিল ! সে প্রতিধ্বনি মিলাইতে না মিলাইতে দুর্গাদাস সেই গৃহের মধ্যে প্রবেশ করিলেন, প্রবেশ করিয়াই উভয়কে জিজ্ঞাসা

করিলেন—“অতুল, অনুকূল, তোমরা আমার মৃত্যুবাণ কোথায় জান ?

উভয়েই পরস্পরের মুখ চাওয়া চাই করিতে লাগিলেন—কর্তার প্রশ্নের কেহই কোন উত্তর দিতে পারিল না। দুর্গাদাস অধীর হইয়া পুনরায় কহিলেন—আমার মৃত্যুবাণ কোথায় উত্তর দাও।”

এই কথা বলিয়াই দুর্গাদাস প্রথমে সতৃষ্ণ নয়নে একবার অনুকূলের প্রতি চাহিলেন। অনুকূলচন্দ্র তৎক্ষণাৎ উত্তর করিলেন—“আমি জানি না।”

তার পর মুহূর্ত্তেই অতুলচন্দ্রের দিকে চাহিলেন। তৎক্ষণাৎ অতুলচন্দ্র বিস্মিত স্বরে কহিলেন—“আপনার মৃত্যুবাণ !”

উন্মত্তভাবে দুর্গাদাস উত্তর করিলেন—“হাঁ, আমারই মৃত্যুবাণই বটে, কারণ সে অস্ত্র না পেলে আমি আমার প্রাণই রাখবো না।

অনুকূল। যেখানে ছিল সেখানে নাই ?

দুর্গাদাস। না।

অনুকূল। তবে কেউ নিশ্চয়ই চুরি করেছে।

দুর্গা। সে দিন পাহাড়ী বাবা আমার কাছে সেটি ভিক্ষা চেয়েছিল। কিন্তু আমি দিই নাই।

এই সময় অতুলচন্দ্রের মুখ হইতে হঠাৎ বহির্গত হইল—তবে এ সেই পাহাড়ী বাবার কাজ।”

সে কথা শুনিয়া অনুকূলচন্দ্র কহিলেন—“অসম্ভব।”

দুর্গাদাস কাহার কথায় বিশ্বাস না করিয়া বাড়ীর সমস্ত ভৃত্যকে ডাকাইলেন এবং প্রত্যেককে মৃত্যুবাণের কথা জিজ্ঞাসা করিলেন। সকলেই কিন্তু উত্তর করিল যে তাহারা সে অস্ত্র সম্বন্ধে কিছুই জানে না। তখন তিনি কহিলেন—“আমি কালও সে অস্ত্র দেওয়ালে দেখেছি, স্মতরাং কাল চুরি যায় নাই—আজই চুরি গিয়েছে। তোমরা আজ পাহাড়ী বাবাকে এ বাড়ীতে কেহ আসতে দেখছে কি ?”

প্রত্যেকই উত্তর করিল—“সেই এক দিন মাত্র তাঁকে এ বাড়ীতে আসতে দেখেছি, আজ তাঁকে এ বাড়ীতে দেখি নাই।”

তখন অনুকূলচন্দ্র কহিলেন—“পাহাড়ী বাবা সাধু লোক, তাঁর নামে এরূপ বদনাম দেওয়া বড়ই অত্যাচার।

অতুলচন্দ্র এইবার কহিলেন—“পাহাড়ী বাবা নিজে যদি চুরি না করে থাকেন, তবে কাহার দ্বারা সেটি নিশ্চয়ই হস্তগত করেছেন।”

অনুকূল। তার প্রমাণ কি ?

অতুল। পাহাড়ী বাবা যখন অস্ত্রটি ভিক্ষা চেয়েছিলেন তখন সে জিনিষ নিশ্চয়ই তাঁর আবশ্যক আছে। অতুল কাক সে জিনিষে যে আবশ্যক আছে—এ কথাত আমার মনে বিশ্বাস হয় না। এত অস্ত্র ঐ ঘরে থাকতে কেবল সেই অস্ত্রটি চুরি যাবে কেন ? নিজে চুরি না করলেও অতুল লোকে তারই জন্ত চুরি করে নিয়ে গিয়েছে।”

হুর্গাদাস বাবু কিছুক্ষণ চিন্তা করিয়া সকলকেই জিজ্ঞাসা করিলেন—“কে সে লোক ? আজ বাহিরের লোককে আমাদের বাড়ী এসেছিল তোমরা কেউ জান ?”

কেহ আর সে কথার উত্তর দিল না সকলেই বিব্রত মনে ত্রিয়মাণ হইয়া রহিল। শেষে অতুলচন্দ্র কহিলেন—“লোহিয়া আজ আমাদের বাড়ী এসেছিল নয় ?”

তখন এক জন ভৃত্য উত্তর করিল—“হাঁ, আজ সন্ধ্যার সময় তাকে এ বাড়ীতে আমি দেখেছি।”

অতুল। এ তবে তারই কাজ।

অনুকূল। সে কোন্ দিন না আসে ? সেত প্রায় প্রত্যহই আসে।

অতুল। আমার বিশ্বাস—তারই দ্বারা পাহাড়ী বাবা সে মৃত্যুবাণ চুরি করেছে।

অনুকূল। আচ্ছা, সে এ বাড়ীতেই এসেছিল। কাকা বাবুর বৈঠকখানায় কেউ তাকে যেতে দেখেছে কি ? সে ঐ ঘরে কেন যাবে ?

তখন সে প্রশ্নের আর কেহ কোন উত্তর দিল না। হুর্গাদাস বাবু কহিলেন—“কে চুরি করেছে—সে কথা চক্ষে না দেখলে বলা যায় না। কিন্তু তোমাদের সকলকেই বলছি,—সে মৃত্যুবাণ আমার নাই। পুলিশে সংবাদ দিলে এখনই সকলকে ধরে টানাটানি করবে, অথচ ফল কিছুই হবে না। যে সে মৃত্যুবাণের সন্ধান আমায় এনে দিতে পারবে, আমি তাকে যথেষ্ট পুরস্কার করবো।”

এই কথা বলিয়া হুর্গাদাস সে গৃহ হইতে চলিয়া গেলেন। ভৃত্যেরাও যে যাহার কার্যে স্থানান্তরে চলিয়া গেল। কেবল অতুল ও অনুকূল সেই গৃহে বলিয়া রহি-

লেন। অনেকক্ষণ উভয়েই নীরব। দুই জনেই একটা গভীর চিন্তায় নিমগ্ন। শেষে অনুকূলচন্দ্র কহিলেন—“সাবধান—অতুল খুব সাবধান !” অনুকূলচন্দ্রের এই কথায় অতুলের হৃদয় গুর্ গুর্ করিয়া কাঁপিয়া উঠিল। শঙ্কিত হৃদয়ে অতুল অনুকূলের মুখ পানে অবাক হইয়া চাহিয়া রহিল।

ক্রমশঃ—

শ্রীযোগেন্দ্রনাথ চট্টোপাধ্যায়।



কবিতা-গুচ্ছ।

বর্ষায় কোকিল।

কেন তুমি ডাকিলে কোকিল !

জলদে আকাশ ঢাকা,

মেদিনী কাদায় মাথা,

মলিনা প্রকৃতি—সদা চোখেতে সলিল

কোন স্মৃতে ডাকিলে কোকিল !

বিমুক্ত আকুল কেশ,

দিগ্ধ মলিন বেশ,

নীরব প্রকৃতি যেন পরাণ শিথিল !

নাই সে জ্যোছনা হাসি,

নাই সে কুসুম রাশি,

বিরহিনী বধু যেন ক্ষীণ তিল তিল !

কেন তুমি ডাকিলে কোকিল !

সে স্মৃথ নাহিরে আর,

বিষাদ মেঘের ভার,

ঘিরিছে সে আলো মাথা, হৃদয় তাহার।

ঝরে গেছে ফুল রাশি

শুকায়েছে ফুল হাসি

বহেনা স্মৃতি স্নিগ্ধ মলয় অনিল !

কেন তবে ডাক আর অকালে কোকিল !

শ্রীহরিশরী গুপ্ত।

রাখি পূর্ণিমা।

আজি এই শ্রাবণের পূর্ণিমা নিশীথে,
কে তুমি গো বীরবালা বসিয়ে বিরলে,
গাহিছ জীবন-গাথা স্বর্ণ-বীণা সাথে ;
ঝ'রিছে নয়নে লোর অন্তরে চাহিয়ে !
কি বিষাদে আজি তব ছদি বিষাদিত,
এমনি জ্যোছনা রাতে এমনি সময়ে,
হৃদয়-বল্লভ করে পূর্ণিমা তিথিতে
বেধেছিলে কি গো বালা সুরবর্ণের রাখি ?
সেই স্মৃতি সেই কথা পশিয়ে পরাণে
করিছে আকুল কিগো হৃদয় তোমার ?
তোমার জীবন-সখা অনন্ত শয়নে,
শুয়েছেন কিগো দেবী চিরদিন তরে ?

শ্রীহরিশর শেঠ।

শুভ দৃষ্টি।

তখনো হাসিত হেন মধুর বামিনী,
ছিল কত পরিমল কুসুম-অধরে,
তখনো মলয় মন্দ অলস গমনে
দাড়াইত মৃদু হাসি নিকুঞ্জ-দুয়ারে।
তরল সুরবর্ণসম বিমল চাঁদিনী
ছড়াত পূর্ণিমা ; আজ ছড়ায় যেমন,
তখনো বসন্ত-সখা কল-কণ্ঠধ্বনি—
মুখরিত নিশি দিন শ্যাম-কুঞ্জবন ;
ধরণী বিচিত্র হেন ;— প্রকৃতি সজীব,
কখনো ভাবিনি মনে, বুঝিনি তখন
এই মর্ত্যভূমি কতু হইবে ত্রিদিব
বক্ষে ধরি চির-লক্ষ্য কনক-নন্দন,
অগ্নি যাহুকরি, আজ কোন মন্ত্র-গুণে—
জাগালে বিশ্বের শোভা আমার নয়নে ?

শ্রীঅর্কেন্দ্ররঞ্জন ঘোষ।

যাপান বীরের যুদ্ধ যাত্রা

যাও বীর বীরসাজে, বীর দাপে চলি,
বিনাশ শত্রুর দর্প,—দৈব বলে বলী,
যে বেশে চলিলে বীর, সে বেশে আবার,
ফিরিয়ে আসিও ঘরে, আশীষ আমার।
স্বদেশের তরে যারা উৎসর্গে জীবন,
মহাপুণ্যবান তারা দেশের ভূষণ।
জন্মিলে মরিতে হবে বিধির নিয়ম,
বীর ধর্ম পালি মর, স্পর্শিবেনা যম ;
স্বর্গ ধামে যাবে চলি যশস্বী হইয়া,
স্বদেশের আশীর্বাদ মস্তকে লইয়া।
স্বদেশের স্বাধীনতা অমূল্য রতন
রহিবে অটল তাহে নিজ পরিজন
রহিবে স্বাধীন-মুক্ত, পৃথিবী মাঝারে ;
তাই তুচ্ছ এজীবন কহিছ তোমারে।

শ্রীপ্রসন্নকুমার দাস গুপ্ত।

শেষ।

সঙ্গীত গিয়াছে থেমে রেশ আছে কানে,
কল্পনা টুটিয়া গেছে জাগে ব্যথা প্রাণে,
বসন্ত চলিয়া গেছে নাহি কুছতান,
হৃদয়ে উঠিছে প্রিয়ে শুধু হাহা গান।

শ্রীযতীন্দ্রমোহন মিত্র।

সমালোচনা।

কয়েকখানি পত্র—শ্রীযতীন্দ্রনাথ চক্রবর্তী বি, এ, প্রণীত। ২৫নং পটলডাঙ্গা স্ট্রীট জয়ন্তী প্রেসে প্রাপ্তব্য। মূল্য ৫০ আনা। আমরা অনেকদিন এই সুন্দর পুস্তকখানি সমালোচনার্থ প্রাপ্ত হইয়াছি কিন্তু অবসর অভাবে এ পর্যন্ত আমাদের কর্তব্য পালন করিতে পারি নাই। পুস্তকখানি আত্মোপাস্ত পাঠ করিয়া আমরা বড়ই প্রীত হইয়াছি। ইহাতে আমাদের ললনাকুলের একান্ত উপযোগী গুণ-নিচয়ের শিক্ষা ও উপদেশ দান শতাধিক পৃষ্ঠায় এমন সরল ও সরসভাবে প্রদত্ত হইয়াছে যে গ্রন্থকর্তাকে ধন্যবাদ না করিয়া পারা যায় না। একান্নবর্তী পরিবার হিন্দু সমাজের অস্থি মজ্জা! কিন্তু যদি সুখশাস্তি না থাকে তবে সে পরিবার বড়ই অসুখের কারণ হইয়া থাকে।

যহু বাবু বিশেষ অনুধাবন, পর্যবেক্ষণ, ও ভ্রয়োদর্শন দ্বারা এই স্মৃতিশাস্ত্রের অন্তরায় গুলি বিশেষরূপ উপলব্ধি করিয়াছেন এবং স্ত্রীর নিকট স্বামীর পত্রচ্ছলে সেই সব দোষ গুলি ঘাহাতে দূর হইতে পারে এবং পরিবার মধ্যে স্নেহ ও প্রীতির বন্ধন দৃঢ় হয় তাহার উপদেশ লিপিবদ্ধ করিয়াছেন। ইহাতে স্ত্রীলোকের লেখা পড়া শিক্ষার আবশ্যিকতা, তাহাদের শিক্ষা কিরূপ হওয়া উচিত, স্ত্রীলোকের লেখা পড়া শিক্ষার বিরোধী হওয়ার কারণ, তাহা নিবারণের উপায়, লজ্জা, সহিষ্ণুতা, ধৈর্য্য প্রভৃতি গুণাবলীর সংসারে আবশ্যিকতা, কিরূপে তাহার উৎকর্ষ সম্পাদিত হয়, সতী রমণীর কর্তব্য, পরিবারস্থ প্রত্যেক লোকের সঙ্গে কিরূপ ব্যবহার করিতে হয়, কি কৌশলে তাহাদিগকে বশীভূত রাখা যায় ও তাহাদিগকে উন্নত করিতে পারা যায়, শৃঙ্খলা ও বন্দোবস্ত, আয় ব্যয়ের হিসাব বুঝিয়া চলা, অলঙ্কার ও পরিচ্ছদ ইত্যাদি রমণীর কল্যাণকর অশেষবিধ বিষয়ের আলোচনা করা হইয়াছে এবং অতি সরল ভাষায় ও বিস্তৃত ভাবে লিখিত হওয়াতে বালিকারাও ইহা অতি সহজে বুঝিতে পারিবে ও এতদনুসারে চলিতে চেষ্টা করিতে পারিবে।

প্রতীচ্য-প্রতিভা।—প্রতীচ্য-প্রতিভা বা মহারাণী ভিক্টোরিয়ার জীবনী, শ্রীযুক্ত প্রমথনাথ মুখোপাধ্যায় প্রণীত ভারত মিহির যন্ত্রে মুদ্রিত মূল্য ১ এক টাকা। গদ্যে ও পদ্যে লিখিত। স্বর্গীয়া-মহারাণী-ভিক্টোরিয়ার জীবন-চরিত ভাবতবাসীর বড় আদরের জিনিষ। এস্থলে লেখকের লিপি-চাতুর্যের বিশেষ পরিচয় পাইলাম না। তবে বিষয়-গোরবে পুস্তকখানি সমাদরের যোগ্য। কয়েকখানি চিত্র ইহাতে সন্নিবিষ্ট হইয়াছে। ছবিগুলি একরূপ বিকৃতভাবে মুদ্রিত করা অপেক্ষা না দেওয়াই উচিত ছিল।

সঙ্গীত-পুস্তাগুলি—শ্রীযোগেন্দ্রলাল চৌধুরী প্রণীত নানাবিধগীতী গীতিমালা শ্রীযুক্ত অতুলচন্দ্র মুখোপাধ্যায় কর্তৃক পুস্তকাকারে প্রকাশিত। ২। ১টি গান আমাদের বেশ ভাল লাগিল। স্থানে স্থানে লেখকের ভাবুকতা ও রচনা-কৌশলের পরিচয় প্রাপ্ত হওয়া যায়।


কুসুম-চরিত।—হাজারিবাগ জিলা-স্কুলের হেড-মাষ্টার শ্রীযুক্ত প্রসন্নকুমার ঘোষ মহাশয়ের একমাত্র কন্যা পরলোক-গতা কুসুমকুমারীর ক্ষুদ্র জীবন-চরিত প্রসন্নবাবু কর্তৃক পুস্তকাকারে রচিত। ঢাকা আশুতোষ-যন্ত্রে মুদ্রিত। কুসুম দেব-বালার শ্রায় সান্নিধ্য-চতুর্দশ-বর্ষ ব্যাপী জীবনে যে যে সঙ্গুণের পরিচয় দিয়াছিল যেরূপ অসাধারণ প্রতিভা ও তীক্ষ্ণ-বুদ্ধি ও ধর্ম-প্রাণতার পরিচয় দিয়াছিল তাহা নিতান্তই বিস্ময়োৎপাদক। গ্রন্থকার

তাহাই ধারাবাহিক-রূপে লিপি-বদ্ধ করিয়াছেন। কুসুম-চরিতে অনেকেরই অনেক জানিবার এবং শিখিবার বিষয় আছে। কুসুমের কবিতার পাদ-পূরণের ক্ষমতা বড়ই প্রশংসার্য। স্থানাভাব বশতঃ আমরা উহা উদ্ধৃত করিতে না পারিয়া ছঃখিত। পুস্তকখানি আমাদের ভাল লাগিয়াছে।

পারিবারিক জীবন।—শ্রীমতি প্রসন্নতারা গুপ্ত প্রণীত, কুস্তুলীন প্রেসে উৎকৃষ্ট কাগজে মুদ্রিত সুন্দর বিলাতি বাধাই মূল্য ১।০ টাকা। প্রবীন ও চিন্তাশীল লেখক শ্রীযুক্ত চন্দ্রনাথ বসু এম্ এ মহোদয় কর্তৃক লিখিত ভূমিকা সহিত। গ্রন্থকর্ত্তী একজন পাকা গৃহিণী, স্মরণ্য পারিবারিক জীবনের অত্যাশঙ্কীয় বিষয় গুলির সমালোচনা তাহার দ্বারা সুন্দররূপেই হইতে পারে। এক্ষেত্রে হইয়াছে ও তাহাই। যোগ্যহস্তেই উপযুক্ত ভার গ্রহণ হইয়াছে। আজ কাল অনেক বিদূষী মহিলা কবিতা পুস্তক লিখিতেছেন, কিন্তু পারিবারিক জীবনের গ্রন্থকর্ত্তী যে কবিতা পুস্তক না লিখিয়া এই সারবান্ প্রয়োজনীয় বিষয়ের আলোচনায় প্রবৃত্ত হইয়াছেন এজন্য তিনি আমাদের বিশেষ ধন্যবাদার্থ। বিষয় সমূহের যথা-থ সমাবেশ ও ধারাবাহিক আলোচনায় গ্রন্থকর্ত্তীর ভ্রয়োদর্শন এবং সংসারিক অভিজ্ঞতার যথেষ্ট পরিচয় পাওয়া যায়। দুই এক স্থলে আমাদের মতানৈক্য থাকিলেও এ পুস্তক খানি যে সুন্দর হইয়াছে তাহা আমরা মুক্তকণ্ঠে বলিতে পারি। ইহার-বহুল প্রচার সর্বথা প্রার্থনীয়।

মুসলমান বৈষ্ণব কবি—১। আলিরাজা ও সৈয়দ মর্জুজা। প্রাচীন সাহিত্যের প্রচার যত হয় ততই ভাল। এই দুই মুসলমান কবির পদাবলী ভাব-সত্তারে এবং লালিত্যে বিশেষ গৌরবান্বিত। বিখ্যাত সাহিত্য সেবী মৌলবী আবদুল করিম কর্তৃক কবিত্বের জীবনী এবং শ্রীযুক্ত ব্রজসুন্দর সান্নিধ্য কর্তৃক লিখিত ভূমিকসহ পুস্তকাকারে প্রকাশিত। আলিরাজার মূল্য ১।০ ও সৈয়দ মর্জুজার মূল্য চারি আনা। কলিকাতা গুরুদাস বাপুর দোকানে পাওয়া যায়। প্রাচীন সাহিত্যানুরাগী ব্যক্তিগণ কর্তৃক ইহা সমাদৃত হইবে, এরূপ আশা করা যায়।





শ্রী যুক্ত রায় শরচ্চন্দ্র দাস বাহাদুর সি, আই, ই।



৭ম ভাগ।

ভাদ্র, ১৩১১।

৫ম সংখ্যা।

স্বর্গীয় শম্ভুচন্দ্র মুখোপাধ্যায়।

[পূর্বে প্রকাশিতের পর]

পূর্বেই বলিয়াছি ১৮৮৪ খৃঃ অকের ডিসেম্বরমাসে মহামতি লর্ডরিপণ ভারত ত্যাগ করেন। ১৩ই তারিখে কলিকাতায় মহাসমারোহ উপস্থিত হয়। পথের দুই ধার পুষ্প এবং আলোকমালায় শোভিত এবং মহাসমারোহে লর্ড রিপণকে কলিকাতা হইতে বিদায় দেওয়া হয়। এই সমারোহ অনেক ইংরাজের মস্ত্র আঘাত প্রদান করে, ইহার কারণ রিপণের এদেশীয়দিগের প্রতি সহানুভূতিসূচক ব্যবহার। লর্ড ডফারিণ আসিয়া নূতন লাট হইলেন। এই বৎসরে কৃষ্ণদামপাল এবং কেশবচন্দ্র সেন স্বর্গারোহণ করেন। “হিন্দুপেট্রি যট” পরোক্ষভাবে রাজেন্দ্রলাল মিত্র কর্তৃক সম্পাদিত হইয়া ক্রমে হীনাবস্থায় পরিণত হইতে লাগিল। এই অকের শেষে শম্ভুচন্দ্র ত্রিপুরা হইতে ফিরিয়া আসিয়া দ্বিগুণ উৎসাহের সহিত “রেইস” সম্পাদন-কার্যে নিযুক্ত

হইলেন। লর্ড ডফারিণ যেমন প্রবীণ এবং কৃতবিদ্য তেমনি গুণগ্রাহী এবং অনুদক্ষিৎস্ব। তাঁহার প্রাইভেট সেক্রেটারী ওয়ালেস সাহেবও প্রভুর আয় যোগ্যব্যক্তি; এই মণিকাঞ্চনের সংযোগে ইলবার্টবিলকৃত দেশীয় এবং বিদেশীয়ের মধ্যে যে মনোমালিন্যরূপ ব্যাধি জন্মিয়াছিল তাহার কতকটা উপশম হইল। ক্রমে ক্রমে “রেইসের” সুসম্পাদনের সংবাদ লাট ডফারিণের নিকট পৌঁছিল। চুষক যেমন লোহকে আকর্ষণ করে লর্ড ডফারিণও “রেইসের” সম্পাদককে আকর্ষণ করিতে লাগিলেন, কিন্তু এক সঙ্গে মিলিত হইতে কয়েক বৎসর গত হয়। কিরূপে তাহা সংসাধিত হয় তাহা পরে বলা যাইবে।

১৮৮৫ খৃঃ অকের শেষে তৃতীয় ব্রহ্মযুদ্ধ আরম্ভ হয়। লর্ড ডফারিণ স্বয়ং যুদ্ধক্ষেত্রে উপস্থিত থাকিয়া ব্রহ্মদেশের রাজা খিবকে বন্দী করেন এবং সমস্ত উত্তর-ব্রহ্মদেশ ইংরাজরাজের করতলগত হয়। এদিকে বোম্বাই সহরে কংগ্রেসের প্রথম অধিবেশন আরম্ভ হইল। দেশমধ্যে মহা-আন্দোলন উপস্থিত হইল। সংবাদ পত্রে প্রতিদিন লর্ড ডফারিণ এবং ব্রহ্মদেশ লইয়া তীব্র প্রবন্ধ সকল প্রকাশিত

হইতে লাগিল। ১৮৮৬ খৃঃ অন্ধের জানুয়ারীর প্রারম্ভে লর্ড ডফারিং থিবকে বন্দী করিয়া তাঁহার সহিত কলিকাতায় পৌঁছিলেন। শম্ভুচন্দ্র ব্রহ্মসমর সম্বন্ধে বিশেষ সতর্কতার সহিত প্রবন্ধ লিখিয়াছিলেন। এই সকল প্রবন্ধ পাঠ করিয়া লর্ড ডফারিং বিশেষ প্রীতি লাভ করেন এবং শম্ভুচন্দ্রের প্রতি বিশেষরূপে অনুরক্ত হন।

১৮৮৬ খৃঃ অন্ধে ষ্ট্রেটস্‌ম্যান সংবাদ পত্রের ভূতপূর্ব-সম্পাদক প্রাথমিকীয় রবার্টনাইট সাহেব বর্ধমান রাজ-জমিদারীর ম্যানেজার বার্গমিলার সাহেবের এবং রাজা বনবিহারী কর্পুরের বিরুদ্ধে অর্থ তক্ষণের অভিযোগ আনিয়া কয়েকটি তীব্র প্রবন্ধ স্বীয় পত্রিকায় প্রকাশ করেন। মিলার সাহেব নাইট সাহেবকে মানহানির অভিযোগে অভিযুক্ত করিলেন। রাজা বনবিহারীও তাঁহার সহিত যোগ দিলেন। শম্ভুচন্দ্র এবং যোগেশচন্দ্র উভয়েই নাইট সাহেবের বিশেষ বন্ধু বলিয়া তাঁহাকে যথাসাধ্য সাহায্য করিলেন এবং তাঁহার জামিন হইলেন। পরিশেষে মোকদ্দমা দায়রায় সোপর্দ হইল। কিন্তু এই মোকদ্দমা বিচারাবীন থাকিতেই মিলার সাহেবের মৃত্যু ঘটিল। শম্ভুচন্দ্র এবং স্কুইন সাহেব শেষে মধ্যস্থ হইয়া এ মোকদ্দমা মিটাইয়া দিলেন। নাইট সাহেব তজ্জন্ত শম্ভুচন্দ্রের নিকট বিশেষ রূপে কৃতজ্ঞ ছিলেন। বন্ধুবর্গকে বিপদে পতিত দেখিলে শম্ভুচন্দ্র নিজের বিপদ উপস্থিত হইয়াছে বলিয়া মনে করিতেন এবং যথোচিত তাঁহাদের সাহায্য করিতেন। এই পরম দয়ালু ব্রাহ্মণ পুত্র নীরবে করুণাজাল বিস্তার করিয়া অনেক ব্যক্তির হিত সাধনে সদাই রত থাকিতেন, কিন্তু কখনও তজ্জন্ত প্রত্যুপকার আকাঙ্ক্ষা করেন নাই। কখন কাহাকেও জানিতে দিতেন না যে তিনি ব্যক্তি বিশেষের জন্ত পরিশ্রম করিতেছেন। পূর্বে বলিয়াছি শম্ভুচন্দ্রকে দেব-চরিত্র রাজেন্দ্র দত্ত এবং তাঁহার ভ্রাতৃবর্গ সোদর স্নেহে এবং ভালবাসায় আপনাদিগের পরিবারভুক্ত করিয়া লইয়াছিলেন। বোধ হয় এক মাতৃগর্ভজাত ভ্রাতৃবর্গ মধ্যে এতদূর ভালবাসা ও বিশ্বাস অতি বিরল।

১৮৮৭ খৃঃ অন্ধের ডিসেম্বর মাসে কংগ্রেসের তৃতীয় অধিবেশন কলিকাতায় অনুষ্ঠিত হয়। টাউনহলে বৈঠক বসে এবং কংগ্রেসের কার্য শেষ হইলে ইণ্ডিয়ান এসোসিয়েশন হইতে এক ডেপুটেশন বড়লাট লর্ড ডফারিং

নিকট প্রেরিত হইবে স্থিরীকৃত হয়। এই ডেপুটেশনে ইণ্ডিয়ান এসোসিয়েশনের সভ্যগণ ব্যতীত অত্রান্ত সংবাদ পত্রের সম্পাদকগণ যাহাতে যোগ দেন তজ্জন্ত চেষ্টা করা হইল। শ্রীযুক্ত সুরেন্দ্রনাথ বন্দ্যোপাধ্যায় আসিয়া শম্ভুচন্দ্রকে ডিপুটেশনে যোগ দিবার জন্ত আগ্রহ প্রকাশ করিলে তিনি স্বীকার করিলেন। শ্রীযুক্ত আনন্দমোহন বসু, ৩ম নোমোহন ঘোষ, শ্রীযুক্ত নরেন্দ্রনাথ সেন, শ্রীযুক্ত সুরেন্দ্রনাথ বন্দ্যোপাধ্যায়, ৩ম বারকানাথ গঙ্গোপাধ্যায়, ৩শম্ভুচন্দ্র মুখোপাধ্যায় প্রভৃতি কয়েক জন যথা সময়ে লর্ড ডফারিংয়ের সহিত সাক্ষাৎ করিতে যাইলেন। ফণী মণি পাইলে যেরূপ হর্ষান্বিত হয় লর্ড ডফারিং শম্ভুচন্দ্রকে পাইয়া সেইরূপ আশ্লাদিত হইলেন। শম্ভুচন্দ্রের হস্ত ধারণ করিয়া অতি আগ্রহের সহিত বলিলেন, "I am longing for your acquaintance so long; you are really a gifted man. অতি বিনয়ের সহিত শম্ভুচন্দ্র লর্ড ডফারিংকে আপ্যায়িত করিলেন। এই ডেপুটেশনের সময় আরও দুইটি ঘটনা ঘটয়াছিল তাহার উল্লেখ এখানে না করিয়া থাকিতে পারিলাম না। বাবু নরেন্দ্রনাথ সেনকে লাটের সমীপে ইণ্ডিয়ান মিররের সম্পাদক বলিয়া উপস্থিত করা হইলে লর্ড ডফারিং কিঞ্চিৎ রাগভরে তাঁহাকে জিজ্ঞাসা করিলেন, "আপনি যে আপনার কাগজে প্রত্যহ সংবাদ পত্রের মুখবন্ধ করিবার জন্ত লাটের শুল্ক প্রস্তাব সম্বন্ধে লিখিতেছেন তদ্বিষয়ে আপনি কোথা হইতে খবর পাইলেন?" প্রবীণ ও বিচক্ষণ ডফারিং এই কথা শুনিয়া ডেপুটেশনের সভ্যগণ নিস্তব্ধভাবে স্তম্ভিত হইয়া রহিলেন। মিরর সম্পাদক অতি ধীর ও গম্ভীরভাবে বলিলেন "I have seen the document." ঘটাহতি প্রদান করিলে অনল যেরূপ জ্বলিয়া উঠে, নরেন্দ্রনাথের কথা শুনিয়া লর্ড ডফারিংও সেইরূপ আকার ধারণ করিয়া গর্জিয়া উঠিলেন "Is not the drawer of the Viceroy safe?" তখন ডেপুটেশনের সভ্যগণের অবস্থা কিরূপ তাহা বর্ণনা করা নিশ্চয়োজন। সকলেই কম্পিত কলেবরে নির্বাক হইয়া রহিলেন। বহুদর্শী লর্ড ডফারিংকে একটু অপ্রকৃতস্থ দেখিয়া মিলিটারী সেক্রেটারী মধ্যে পড়িয়া সামলাইয়া লইলেন এবং অত্রান্ত সভ্যগণকে তাঁহার নিকট উপস্থিত করিতে বলিলেন। নরেন্দ্র বাবুর সহিত তাঁহার আর কোন কথা হয় নাই। আর একটি

ঘটনা এই। ব্যারিষ্টার মনোমোহন ঘোষকে লাট সমীপে উপস্থিত করা হইলে লর্ড ডফারিং তাঁহার সাহেবী পরিচ্ছদ দেখিয়া উপহাস আরম্ভ করেন। শম্ভুচন্দ্র নিকটে দণ্ডায়মান ছিলেন, তাঁহার দেশীয়পোষাক দেখাইয়া লর্ড ডফারিং মনোমোহন বাবুকে বলিলেন "যখন আপনাদের এতদূর সুন্দর দেশীয় পরিচ্ছদ রহিয়াছে তখন আপনি আমাদের ত্রায় হাটকোট পরেন কেন, ইহাতে আপনাদিগকে বড়ই কদাকার দেখায়।" মনোমোহন বাবু ইহার কোন উত্তর না দিয়া ডেপুটেশনের অত্রান্ত সভ্যগণ লাটভবন ত্যাগ করিবার পূর্বেই চলিয়া আসেন।

ডেপুটেশনের কার্য শেষ হইলে এবং অত্রান্ত সভ্যগণ বিদায় গ্রহণ করিয়া ফিরিয়া আসিলে লর্ড ডফারিং শম্ভুচন্দ্রকে অত্রগৃহে লইয়া গিয়া অনেক কথাবার্তার পর বিদায় দেন। লর্ড ডফারিংয়ের আগ্রহাতিশয্যে তাঁহাকে এই ঘটনার পর হইতে প্রায় প্রতি সপ্তাহে লাট-ভবনে যাইতে হইত। লর্ড ডফারিংয়ের সহিত সখ্যস্থাপন হইল বটে কিন্তু ইহাতে দেশের অনেক ব্যক্তির অন্তর্দাহ উপস্থিত হইল। স্বদেশ-হিতৈষিতার ভাণ করিয়া স্বার্থ সিদ্ধির চূড়ান্ত-উপায়-উদ্ভাবনকারীগণ যখন দেখিল যে এই মণি-কাঞ্চনের সংযোগে তাহাদের বিশেষ ক্ষতি হইবার সম্ভাবনা তখন সেই পরশ্রী-কাতর, দেশের পরমশত্রুগণ গোপনে শম্ভুচন্দ্রের দ্রোহিতা সাধনে কৃতসংকল্প হইল। পরোক্ষে কার্যহত্মক হইলেও এই শ্রেণীর লোকগুলি শম্ভুচন্দ্রের প্রত্যক্ষে প্রিয়বাদী ছিল। কারণ তাহারা জানিত যে শম্ভুচন্দ্রের দ্বারা অনেক হুঃসাধ্য কার্য অনায়াসসাধ্য হইতে পারে। ইহার একটা উদাহরণ নিম্নে দিলাম। ১৮৮৯ খৃঃ অন্ধে ৩শারদীয়া পূজা উপলক্ষে কারেন্সি আফিসের ছুটি রদ হয়। কেরাণী মহলে ভয়ানক কোলাহল উপস্থিত হইল। সংবাদপত্রে দেশ-হিতৈষীদের তীব্র-শেষপূর্ণ প্রবন্ধাদি উপযুক্তপ্রকারে প্রকাশিত হইতে লাগিল। কেরাণীরা ভাবিয়াছিল যে ইহাতেই লাট সাহেবের আসন টলিবে এবং তাহারা ছুটি পাইবে। দিন ক্রমে ক্রমে গত হইতে লাগিল, পূজার ছুটি আগতপ্রায় অথচ সরকারের হুকুম রদ হইল না। সংবাদপত্রের আন্দোলন বুঝা হইল দেখিয়া কেরাণীদিগের মধ্যে একজন

প্রবীণ ব্যক্তি শম্ভুচন্দ্রের রূপা প্রার্থী হইলেন। পরের দুঃখ দেখিলে শম্ভুচন্দ্র একেবারে গলিয়া যাইতেন। তৎক্ষণাৎ স্বীয়-ব্যয়ে বড়লাট সাহেবের নিকট ৩শারদীয়া পূজা উপলক্ষে কেরাণীরা যাহাতে অবসর পায় তজ্জন্ত তাহা সংবাদ পাঠাইলেন এবং তদানীন্তন কন্ট্রোলার জেলারল এটকিন্সন সাহেবকে এতদ্-সম্বন্ধে পত্র লিখিলেন। বড়লাট সিমলা হইতে তাহা এটকিন্সন সাহেবকে কেরাণীগণকে ছুটি দিবার জন্ত আজ্ঞা দিলেন এবং শম্ভুচন্দ্রকে জানাইলেন। কেরাণীরা শম্ভুচন্দ্রের নিকট কৃতজ্ঞতা প্রকাশ করিয়া সানন্দে গৃহে গমন করিল। এই দৃষ্টান্ত হইতে পাঠক দেখিতে পাইবেন শম্ভুচন্দ্রের পরহিতার্থে কত ইচ্ছা ছিল এবং ক্ষমতা ছিল বলিয়া তাহার সদ্ব্যবহার করিয়া কতলোকের হিত-সাধন করিয়া ছিলেন। এইরূপ আরও অনেক দৃষ্টান্ত তাঁহার চরিত্রে বর্ণনা সময়ে উল্লেখ করিব। এই অন্ধের শেষে তাঁহার বন্ধু লর্ড ডফারিং ভারত ত্যাগ করেন এবং লর্ড ল্যান্সডাউন আসিয়া ভারত-সিংহাসনে অধিষ্ঠিত হন। লর্ড ডফারিংয়ের ত্রায় লর্ড ল্যান্সডাউন ও কলিকাতায় আসিবার মাত্র শম্ভুচন্দ্রের সহিত সখ্য স্থাপন করেন।

খৃঃ ১৮৯০ অন্ধে স্বর্গীয় যুবরাজ এলবার্ট-ভিক্টর কলিকাতায় আসেন। প্রথমে এই স্থির হয় যে, তাঁহার অবতরণের সময় কেবল কুচবিহারের মহারাজা, মুর্শিদাবাদের নবাব এবং পাথুরিয়াঘাটার মহারাজকে যুবরাজের নিকট উপস্থিত করা হইবে। এই মন্তব্যে নোটিফিকেশন বাহির হয়। কলিকাতায় এই উপলক্ষে অনেক রাজা-মহারাজার সমাগম হইয়াছিল। উক্ত নোটিফিকেশনের বিরুদ্ধে বড়লাট সাহেবের নিকট আপত্তি করিয়া পত্র লিখিতে বলিলেন এবং যাহাতে তাঁহারা যুবরাজের অবতরণের সময় উপস্থিত থাকিতে পারেন তজ্জন্ত অমুরোধ করিতে বলেন। বড়লাট তখন কলিকাতায়ই ছিলেন, শম্ভুচন্দ্র পত্রপ্রেরণ করিয়া প্রত্যুত্তরে জানিলেন যে, উক্ত মহারাজদ্বয় এবং বেতিয়া, ডুমরাওন, গিধোড়, হাতুয়া প্রভৃতির রাজা-মহারাজগণ সকলেই যুবরাজের অবতরণের

সময় উপস্থিত থাকিতে পারিবেন। ভিজিয়ানা গ্রামের ও দ্বারভাঙ্গার মহারাজ উক্ত সংবাদে বিশেষ সম্বন্ধে হইয়া শম্ভুচন্দ্রকে ধন্যবাদ করেন। যুবরাজের সহিত সাক্ষাৎ করিতে বাইয়া শম্ভুচন্দ্রের বিশেষ ঠাণ্ডা লাগে এবং তজ্জন্তু তাঁহাকে মাসাবধি শয্যাগত হইয়া থাকিতে হয়। তাঁহার বন্ধু ডাক্তার মহেন্দ্রলাল সরকারের সূচিকৎসায় তিনি সে ব্যাধি মৃত্যু-হস্ত হইতে পরিত্রাণ পাইলেন। যখন এই কঠিন পীড়ায় শয্যাগত ছিলেন সেই সময় তাঁহার প্রাণাধিক প্রিয়বন্ধু মহাত্মা রবার্ট-নাইট ইহলোক পরিত্যাগ করেন। মৃত-বন্ধুর জীবনী-সম্বন্ধে শম্ভুচন্দ্র বিশেষরূপে জানিতেন, সুতরাং নিজে মৃত-বন্ধুর জীবনী লিখিতে না পারিয়া তাঁহার শিষ্য-স্থানীয় বাবু সারদাপ্রসাদ বন্দ্যোপাধ্যায় এবং যোগেশ-চন্দ্র দত্ত দ্বারা নাইটের এক জীবন-চরিত রচনা করাইয়া “রেইসে” প্রকাশ করেন।

কঠিন পীড়া হইতে আরোগ্য-লাভ করিয়া শম্ভু-চন্দ্রকে এক বিঘম বিপদে পড়িতে হয়। এই বৎসরের মধ্যভাগে বাবু দীননাথ মল্লিক স্বর্গারোহণ করেন। দীননাথকে শম্ভুচন্দ্র বিশেষরূপে জানিতেন, এমন কি, এক সময়ে উভয়ের মধ্যে বিশেষ মৌহর্দও বিদ্যমান ছিল। দীননাথের মৃত্যু-উপলক্ষে শম্ভুচন্দ্র স্বীয় পত্রিকায় একটি প্রবন্ধ প্রকাশ করেন। প্রবন্ধে প্রশংসা ও নিন্দা জড়িত থাকায় দীননাথের পুত্রগণ কতিপয় ঈর্ষা-পরবশ-পরশ্রী-কাতরলোকের প্ররোচনায় শম্ভু-চন্দ্রের বিরুদ্ধে মান-হানির অভিযোগ আনয়ন করেন। শম্ভুচন্দ্রকে বিপন্ন করিবার জন্ত নানাস্থানে বৈঠক বসিতে লাগিল। অনেক কপট-বন্ধু এই বিবাদ আপোষে মিটাইবার জন্ত শম্ভুচন্দ্রকে পরামর্শ দিতে লাগিল কিন্তু শম্ভুচন্দ্র এই সকল লোকের কথায় কর্ণপাতও করিলেন না, কারণ তিনি জানিতেন যে, তাঁহার বিপক্ষতাচরণ করাই তাহাদের প্রধান উদ্দেশ্য। বাতাবর্ত্ত যেরূপ অচলের কিছুই করিতে পারে না, এই শক্রতাও শম্ভুচন্দ্রকে কোন-রূপ ব্যাকুলিত করিতে পারে নাই। ছই একজন মাত্র লোক যথার্থ বন্ধুর কাজ করিতে চেষ্টা পান। জমিদারী পঞ্চায়তের সম্পাদক ও সুরেন্দ্রনাথ পাল চৌধুরী এই বিবাদ বাহাতে আপোষে মিটিয়া যায় তজ্জন্তু বিশেষ

চেষ্টা করেন। তিনি শম্ভুচন্দ্রকে বিশেষ করিয়া অনুরোধ করিলে শম্ভুচন্দ্র যোগেশচন্দ্রকে তাঁহার সহিত পাথুরিয়া-ঘাটার বড়তরফের মহারাজের নিকট প্রেরণ করেন। মহারাজ যতীন্দ্রমোহন দীননাথের পুত্রগণের পক্ষে পরামর্শদাতা ছিলেন। যোগেশচন্দ্র মহারাজের নিকট যাইলেন বটে কিন্তু তাহাতে কোন ফল দর্শিল না। মহারাজ বলিয়াছিলেন যে শম্ভুচন্দ্র যথপি তাঁহার নিকট একবার আসেন তাহা হইলে বিবাদ নিষ্পত্তি হইয়া যায়। কিন্তু শম্ভুচন্দ্র তাহাতে রাজী হইলেন না। তিনি দেখিলেন যে এটা কেবল কৌশল মাত্র। কাজেই মহারাজ শম্ভুচন্দ্রের দর্শন পাইলেন না এবং মোকদ্দমাও আপোষে নিষ্পত্তি হইল না।

পুলিসকোর্ট হইতে মোকদ্দমা হাইকোর্টের দায়রায় যায়। সেখানে বাদীর পক্ষে ভূতপূর্ব এডভোকেট জেলা-রেল উড্‌রফ সাহেব এবং প্রতিবাদীর পক্ষে মিঃ উল্লু, সি, ব্যানার্জী * কৌনসুলী ছিলেন।

বিচারপতি উইলসন দায়রায় বসেন। ৬দীননাথ মল্লিকের এক পুত্র বিচারালয়ে হলফ করিয়া শম্ভুচন্দ্র বাহা তাঁহার পিতার সম্বন্ধে লিখিয়াছেন তাহা মিথ্যা বলিলে শম্ভুচন্দ্র দীননাথের পুত্রের কথা সত্য বলিয়া এবং স্বকীয় কথা মিথ্যা বলিয়া স্বীকার করিলেন। বিচারপতি উইলসন শম্ভুচন্দ্রের ৫০০ টাকা অর্থদণ্ড করিয়া মানহানির মোকদ্দমা শেষ করেন। শম্ভুচন্দ্রকে কেবলমাত্র অর্থদণ্ড করিয়া খালাস দেওয়া হইল দেখিয়া তাঁহার শক্রগণ অত্যন্ত আক্ষেপ প্রকাশ করেন।

এই বিপদ হইতে উদ্ধার হইয়া শম্ভুচন্দ্র আর এক বিঘম সমস্যায় পড়িলেন। ১৮৯০ খ্রীঃ অব্দের নববর্ষ উপলক্ষে শম্ভুচন্দ্রকে উপাধি-ভূষণে-শোভিত করিবার জন্ত বড়লাটের ইচ্ছা হয়। তখন আমাদের ছোটলাট ছিলেন সার ষ্টুয়ার্ট বেলীসাহেব। বড়লাটের অভিপ্রায় ছোটলাট জানিতে পারিয়া তিনি তাঁহার চিফ সেক্রেটারী সার জন এডগার সাহেবকে উক্ত উপাধি প্রদান বিষয়ে শম্ভুচন্দ্রের মত জানিবার জন্ত আজ্ঞা দেন। ছোটলাট এবং তাঁহার চিফসেক্রেটারী উভয়েই শম্ভুচন্দ্রের সহিত বিশেষ

* বাড়ুঘো সাহেব শম্ভুচন্দ্রকে গুরুজী বলিয়া ডাকিতেন। এই মোকদ্দমায় তিনি তাঁহার নিকট হইতে কপটকও গ্রহণ করেন নাই।

পরিচিত ছিলেন। সার জন এডগার তখন বেঙ্গল ক্লাবে থাকিতেন। ৬জগদ্ধাত্রী পূজার পূর্ব দিনে এডগার সাহেব শম্ভুচন্দ্রকে তাঁহার সহিত বেঙ্গল ক্লাবে সাক্ষাৎ করিবার জন্ত অনুরোধ করিলেন। শম্ভুচন্দ্র এডগার সাহেবের সহিত সাক্ষাৎ করিলে এডগারসাহেব তাঁহাকে জানাইলেন যে লাটসাহেব তাঁহাকে একত্রে “সার বাহাদুর এবং C. I. E.” উভয় উপাধি প্রদান করিতে ইচ্ছা করিয়াছেন। শম্ভুচন্দ্র অতি বিনয়ের সহিত এডগার সাহেবকে বলেন যে, লাটসাহেব যেন তাঁহাকে একরূপ উপাধি-ব্যাধি দ্বারা কষ্ট না দেন। অনেক আগ্রহ প্রকাশ করিলেও শম্ভুচন্দ্র রাজি হইলেন না দেখিয়া এডগার সাহেব তাঁহাকে জিজ্ঞাসা করেন যে কিরূপ সম্মান শম্ভুচন্দ্রের মনোমত বলিয়া তিনি বড় লাটসাহেবের নিকট জানাইবেন। ইহার উত্তরে শম্ভুচন্দ্র বলেন যে, গবর্ণমেন্টের সাহায্যার্থ সকল অবৈতনিক কার্য করিতে তিনি রাজি আছেন। ইহার ফলে লর্ড ল্যান্সডাউন শম্ভুচন্দ্রকে কলিকাতা বিশ্ব-বিদ্যালয়ের ফেলো এবং কলিকাতার অনারারি প্রেসিডেন্সি মাজিষ্ট্রেট নিযুক্ত করেন।

এই অব্দের শেষে আর একটি স্মরণীয় ঘটনা ঘটিয়াছিল। ফুলমণির কথা এখনও অনেকের মনে জাগরিত আছে। হতভাগিনী তাহার নরাদম স্বামী কর্তৃক বল-পূর্বক উপভোগিত হইয়া পঞ্চম্ব প্রাপ্ত হয় এবং তদীয় আত্মীয়বর্গ তাহার স্বামী হরিমাইতিকে বালিকাবধ-অভিযোগে অভিযুক্ত করে। বয়ঃপ্রাপ্তি-সত্ত্বেও শারীরিক উন্নতির অন্ততাহেতু ফুলমণি তাহার স্বামীর সহিত সহবাসে অক্ষমা ছিল, কাজেই হরিমাইতি অভিযুক্ত হইলেও আইনে দণ্ডের যথার্থ বিধান না থাকায় বিচারপতি তাহার গুরু পাপের লঘু দণ্ড বিধান করিতে বাধ্য হইলেন। কিন্তু বাহাতে এই নৃশংস-অপরাধী বিশেষরূপে দণ্ডিত হয় তজ্জন্তু বিচারপতি উইলসন সাহেব গবর্ণমেন্টকে আইন পরিবর্তনের জন্ত পরামর্শ দিলেন। তদনুযায়ী গবর্ণমেন্টের তদানীন্তন আইন-সচিব সার এনড্রুস্কোবল (Sir Andrew Scoble) বড়লাট বাহাদুরের অভিমতে সহবাস-সম্মতি আইনের পাণ্ডুলিপি লাটসভায় পেশ করেন। প্রচলিত

আইনানুসারে দশম-বৎসর-বয়স্কা বালিকার সহিত সহবাস আইন সম্মত ছিল। এখন ইহা রদ করিয়া প্রস্তাব হইল যে, দ্বাদশ বৎসর বয়স্কা বালিকার সহিত সহবাস আইন সম্মত এবং তৎপূর্বে সহবাস-জনিত-দোষে যথপি কোন বালিকার মৃত্যু ঘটে তাহা হইলে তাহার স্বামীকে নর-হত্যাকারীর আয় দণ্ডিত হইতে হইবে। আইনের উদ্দেশ্য অতিমহৎ হইলেও একরূপ প্রস্তাব হইবাগাত্র হিন্দুসমাজে মহাছলস্থূল পড়িয়া গেল। সংবাদপত্রের স্তম্ভে আইনের বিরুদ্ধে শাস্ত্রীয় বচন উদ্ধৃত করিয়া প্রতিবাদ আরম্ভ হইল। কলিকাতার পাড়ায় পাড়ায় প্রতিবাদসভা হইতে লাগিল। পথে, মাঠে, ঘাটে ‘সর্বনাশ উপস্থিত হইয়াছে’ বলিয়া ভীষণ চীৎকার হইতে লাগিল। বিরাট সভা, গভীর বক্তৃতা, উপহাস, কটুকাটব্য এবং নানারূপ উক্তি দ্বারা আইনের প্রতিবাদ হইতে লাগিল।

এইরূপ তুমুল আন্দোলনের সময়ে মস্তক ঠিক রাখিয়া বিবেচনা পূর্বক যথার্থপক্ষ অবলম্বন করা বিশেষরূপ কঠিন হইয়া পড়ে। একদিকে হিন্দুসমাজের করুণ-আর্তনাদ অপর দিকে আইনের পক্ষে সারগর্ভ যুক্তি যুগপৎ শম্ভুচন্দ্রকে প্রথমে কিঞ্চিৎ বিচলিত করিয়াছিল। প্রথমে তিনি ঠিক করিতে পারেন নাই, কোন পক্ষ অবলম্বন করা যুক্তিযুক্ত। পরে অনেক চিন্তা করিয়া তিনি আইনের পক্ষসমর্থন করেন। দেশশুদ্ধ লোক আইনের বিপক্ষে, হুচারিজন মাত্র কেবল আইনের পক্ষ সমর্থন করিয়াছিলেন। শম্ভুচন্দ্র সমর্থনকারীদিগের অগ্রণী হইলেন। ইহাদের একটি সভা স্থাপিত হইল এবং আইনের সমর্থন করিয়া লাটসাহেবের নিকট আবেদন প্রেরণ করা স্থির হইল। উপর্যুপরি ছইখানি আবেদন আইনের সপক্ষে প্রেরণ করা হয়। এতদ্ব্যতীত শাস্ত্রীয়-প্রমাণ-যুক্ত অনেকগুলি প্রবন্ধ ‘রেইস্-এণ্ড-রাইয়তে’ প্রকাশিত হয়। ইহা ডাক্তার যোগেন্দ্রনাথ ভট্টাচার্যের লিখিত। মহা-মহোপাধ্যায় শ্রীযুক্ত নীলমণি মুখোপাধ্যায় আয়ালস্কার এবং পণ্ডিত শ্রীযুক্ত রামনাথ তর্করত্ন কর্তৃক বাঙ্গলায় রচিত সহ-বাস সম্মতির আইনের অন্তর্কূল যুক্তি সকল ইংরাজিতে অনুবাদ করিয়া প্রকাশিত করিতে লাগিলেন। ইহার ব্যয়ভার গবর্ণমেন্ট বহন করিয়াছিলেন। শম্ভুচন্দ্রকে আইনের পক্ষ-

পাতী দেখিয়া দেশের অনেক রাজা মহারাজও তদনুরূপ কার্য করেন। ভাওয়ালের মৃত রাজা রাজেন্দ্রনারায়ণ দেব, ভিজিয়ানাগ্রামের মৃত মহারাজা প্রভৃতি অনেকেই নূতন আইন সমর্থন করেন। লাট সভায় ৩সার রমেশচন্দ্র মিত্র ব্যতীত সকলেই আইনের সপক্ষে কার্য করেন। আইন পাশ হইবার দিন ৩সার রমেশচন্দ্র মিত্র লাট সভায় উপস্থিত হন নাই, সুতরাং আইন সর্ব্ববাদি-সম্মত হইয়া পাশ হইল।

আইনের সপক্ষে কার্য করিতে যাইয়া শম্ভুচন্দ্রকে অনেক আর্থিক ক্ষতি সহ্য করিতে হয়। এই কারণে বশতঃ তাঁহার সংবাদপত্রের গ্রাহকসংখ্যার অনেক হ্রাস হইয়া যায়। ইহা সত্ত্বেও তিনি একদিনের জন্তও কর্তব্যপথ হইতে বিচলিত হন নাই। বোধহয় সিপাহীবিদ্রোহের পর এরূপ আন্দোলন আমাদের দেশে আর হয় নাই। অথচ কোন দেশে এরূপ উত্তেজনা উপস্থিত হইলে বিদ্রোহে পরিণত হইত, কিন্তু এখানে ততদূর হইতে পারে নাই। আইন প্রস্তাবক Sir Andrew Scoble সাহেব কিন্তু বিশেষ ভীত হইয়া ছিলেন। তিনি এই আন্দোলনের সময় বাটীর বাহিরে যাইতেন না, এমন কি লোকজন সাক্ষাৎ করিতে আসিলে অতিসন্তর্পণে দেখা করিতেন। আইনের সপক্ষদিগকে হত্যা করিবার জন্ত ষড়যন্ত্র হইয়াছে বলিয়া গুজব উঠিয়াছিল। শম্ভুচন্দ্র যথা সময়ে তদ্বিষয় পুলিশ কমিশনের বাহাদুরকে জ্ঞাত করান। ডিটেক্টিভ বিভাগের উপর গোপন অনুসন্ধানের ভার দেওয়া হয়। কিন্তু সৌভাগ্যের ফলে কোন হত্যাকাণ্ড ঘটে নাই। আইন যথা সময়ে পাশ হইল কিন্তু আইনের বিক্ষুব্ধপক্ষদিগের উপর পুলিশের চক্ষু অনবরত ঘুরিতে লাগিল। তাহার ফলে “বঙ্গবাসী” সংবাদপত্রের পরিচালকগণের বিরুদ্ধে রাজ-দ্রোহিতার অভিযোগ এবং লাঞ্ছনা। এই স্মরণীয় মোকদ্দমার সহিত বর্তমান প্রস্তাবের কোন সংশ্লিষ্ট না থাকায় তাহার উল্লেখ করিতে বিরত হইলাম।

ক্রমশঃ—

শ্রীসঞ্জীবচন্দ্র সাত্তাল।



আবুল ফজল লিখিত ভারতব্রতান্ত।

ফৈজি ও আবুলফজল, সম্রাট আকবরের সভার দুইটি উজ্জলরত্ন। ফৈজি সংস্কৃতভাষা উত্তমরূপে শিক্ষা করিয়াছিলেন। ধর্ম্মের গৌড়ামিতে মানুষকে পরগুণ-দর্শনে অন্ধ করে। ফৈজি ও আবুল-ফজলের ধর্ম্ম-জনিত-গৌড়ামি ছিল না। আবুল ফজল হিন্দুস্থান ও হিন্দুজাতির সম্বন্ধে যে মন্তব্য প্রকাশ করিয়াছেন, আমরা পাঠক-বর্গের সনীপে তাহা উপস্থিত করিলাম।

হিন্দুস্থানের পূর্বদক্ষিণে সমুদ্র। পূর্বদিকে মালাক্কা, মলক্কস, সুমাত্রা ও অণ্ডামান বহুসংখ্যক দ্বীপ। উত্তর দিকে হিমালয়পর্বত। হিমালয়ের এক অংশ হিন্দুস্থানের উত্তরসীমা, অপর অংশ ইরান ও তুরানের অন্তর্গত। এই বিস্তীর্ণ-সাম্রাজ্য সর্ব্বত্রই সূজল ও সূফল। এই সাম্রাজ্যের সর্ব্বত্রই বায়ু স্বাস্থ্যকর ও নাতিশীতোষ্ণ; ইহার অধিবাসিগণ শাস্ত-প্রকৃতিক। সর্ব্বত্রই লোকের বাস; সর্ব্বত্রই সমৃদ্ধি-সম্পন্ননগর। বর্ষাকাল অতি মনোহর ও এত স্বাস্থ্য-প্রদ যে, বৃদ্ধকেও যুবাবৃত্ত্য উৎসাহ ও শক্তি প্রদান করে।

এই সাম্রাজ্যের প্রধান অধিবাসী হিন্দু। হিন্দুরা সভ্যভাষা, ধার্মিক, বিদেশীয়গণের প্রতি ভদ্রতা-সম্পন্ন, হৃষ্ট-চিত্ত, জ্ঞান-পিপাসু, ক্রেশ-সহিষ্ণু, বিচার-প্রিয়, কর্ম্ম-পটু, শাস্তি-পরায়ণ, কৃতজ্ঞ, সত্যানুরাগী ও বিশ্বাসী। বিপদের সময় হিন্দুদের এই সকল গুণ উজ্জল ভাব ধারণ করে। হিন্দুরা সমর-ক্ষেত্র হইতে পলায়ন করিতে জানেনা। বোড়া বাহাতে তাহাদিগকে লইয়া পলায়ন না করে, তাহার জন্ত পলায়নোন্মুখ অশ্বের জজ্বার শিরা কাটিয়া দেয়। হিন্দুরা শিক্ষকদিগকে অত্যন্ত সম্মান করে ও ঈশ্বরের-কার্য্যে সন্তুষ্ট-চিত্তে আত্মোৎসর্গ করিয়া থাকে। ঈশ্বরের অধিতীয়ত্বে এই জাতির আপামর সাধারণের স্ফূট বিশ্বাস। যদিও তাহার প্রতিমূর্ত্তিকে অসাধারণ সম্মান করে, তথাপি তাহাদিগকে প্রকৃত পৌত্তলিক বলা যায় না। অজ্ঞলোকে

না জানিয়া ভাহাদিগকে পৌত্তলিক বলিয়া থাকে। আবুলফজল বলিতেছেন, “আমি সর্ব্বদাই বহু শিক্ষিত, ধার্মিক ও অকপট হিন্দুর সঙ্গে আলাপ করিয়া বুঝিয়াছি যে, তাঁহারা মনে করেন যে, দেবতার প্রতিমূর্ত্তি সম্মুখে রাখিয়া ঈশ্বরোপাসনা করিতে প্রবৃত্ত হইলে মন নানাদিকে বিক্ষিপ্ত হইতে পারে না। প্রতিমূর্ত্তি দেবতা নহে।”

হিন্দুরা উপাসনার সময় সূর্য্য হইতে আশীর্বাদ প্রার্থনা করিয়া থাকে। পরমাত্মা জগৎ সৃষ্টি করেন না, ব্রহ্মা জগতের সৃষ্টি, বিষ্ণু পালন, ও মহাদেব জগতের সংহার করেন, সাধারণতঃ হিন্দুজাতির এইরূপ বিশ্বাস। অদ্বিতীয় ঈশ্বর এই ত্রিবিধ আকার গ্রহণ করিয়া জগতে আবির্ভূত হন। খৃষ্টানদের ত্রিত্ববাদও এইরূপ। একসম্প্রদায়ের বিশ্বাস এই যে, ব্রহ্মা-বিষ্ণু-শিবা-দেবতা মনুষ্য মাত্র। পবিত্রতা ও ধর্ম্মভাবের জন্ত তাঁহারা মানবাতীত ক্ষমতা লাভ করিয়াছেন। হিন্দুরা মনে করে সৃষ্টির আদি নাই। একসম্প্রদায় বলেন যে, উহার নাশ আছে। এটি একটি অদ্ভুত ব্যবস্থা যে, কেহ ব্রাহ্মণ হইতে চাহিলে ব্রাহ্মণ হইতে পারেনা, ব্রাহ্মণও অণ্ড জাতি হইতে পারে না। ইহাদের মধ্যে দাসত্ব-প্রথা নাই। যুদ্ধে যাইবার সময় আপনাদের স্ত্রীলোকদিগকে একস্থানে আনিয়া রাখে। তাহাদের চারিপার্শ্বে দাহ-বস্তুর স্তূপ সাজাইয়া একজন নির্দয় লোককে বলিয়া যায় যে, যদি যুদ্ধে পরাজয়ের সম্ভাবনা হয়, তাহা হইলে যেন, এই বস্তুর স্তূপে আগুন দেওয়া হয়। এইরূপে তাহার নারীগণের সতীত্ব ও সম্মান রক্ষা করে। কত শত-সহস্র নিদোষ-প্রাণী, এই নিষ্ঠুর প্রথায় ভস্মীভূত হইয়া থাকে, তাহার সংখ্যা নাই।

অপরিচিত শরণাগতের জন্তও হিন্দুরা আপনাদের জীবন ও সম্পত্তি উৎসর্গ করিয়া থাকে। পূর্ব্বে দ্বন্দ্ব-যুদ্ধ-দ্বারা যুদ্ধের ভাগ্য-নির্ণীত হইত, এখন সে প্রণালী পরিত্যক্ত হইয়াছে।

হিন্দুস্থানের অধিকাংশ ভূমি কৃষিকার্য্যের উপযোগী। এই সাম্রাজ্যে হীরক, স্বর্ণ, রৌপ্য, তাম্র, ও লৌহের আকর আছে। এ রাজ্যে স্নগন্ধিরক্ষের অভাব

নাই। নানারূপ বস্ত্র প্রস্তুত হয়। এই সাম্রাজ্যে যেমন হাতী পাওয়া যায় অণ্ডদেশে তেমন পাওয়া যায় না। আরবের ন্যায় সুন্দর ঘোড়া পাওয়া যায়। এদেশের ষণ্ডগুলি অতি সুন্দর। এদেশের দোষ এই যে, শীতল জল মিলে না, আঙ্গুরের চাষ হয় না। কার্পেট শিল্প নাই। এদেশের লোক উট পালে না। সম্রাট এই সকল দোষ শোধনের চেষ্টায় আছেন। সোরা দিয়া কিরূপে জল পরিশুদ্ধ ও শীতল করিতে হয় অনেক লোককে তাহা শিখাইয়াছেন। আঙ্গুরের চাষ শিখাইবার জন্ত, ইরান ও তুরান হইতে অনেক সুশিক্ষিত মালী আনায়াছেন। উত্তরের পর্ব্বত হইতে বরফ আনা হইতেছেন। উষ্ট্রের উন্নতি ও প্রাচুর্য্যের জন্ত চেষ্টা করিতেছেন। তাঁহার যত্নে কার্পেট শিল্পের শ্রীবৃদ্ধি-সাধিত হইয়াছে।

সৃষ্টি সম্বন্ধে হিন্দুদের আঠারটি মত আছে, তন্মধ্যে তিনটি প্রধান মত বলা যাইতেছে।

প্রথম মত—পরমেশ্বর মনুষ্যের আকার ধারণ করিলেন। এই মনুষ্যাকৃতির ব্রহ্মা নাম হইল। ব্রহ্মার চারি মানস পুত্র হইল, যথা সিংহ (সনক), সান্দেন্দু (সনন্দ) সনৎকুমার ও সনাতন। ব্রহ্মা, তাঁহাদিগকে সৃষ্টি করিতে অনুমতি প্রদান করিলেন, কিন্তু তাঁহারা ব্রহ্মার সামিধ্য পরিত্যাগ করিতে অসম্মত হওয়ায় তাঁহার আক্রমণ পালন করিতে পারিলেননা। ইহাতে ব্রহ্মার ক্রোধোদয় হইল। ব্রহ্মার ললাট হইতে মহাদেবের উদ্ভব হইল। তাঁহাকেও সৃষ্টি কার্য্যের অনুপযুক্ত বলিয়া বোধ হইল। অতঃপর অপর দশ জনের সৃষ্টি করিলেন। এতদ্ব্যতীত ব্রহ্মার শরীর হইতে এক পুরুষ ও এক নারীর উদ্ভব হইল। পুরুষের নাম মনু ও নারীর নাম শতরূপা (শতরূপা) হইল। ইহঁরাই মনুষ্যজাতির আদি পিতা ও আদি মাতা।

দ্বিতীয় মত—পরমেশ্বর আপনাকে নারীরূপে প্রকাশিত করিলেন। এই নারীরূপের মহালক্ষ্মী (মহালক্ষ্মী) নাম হইল। মহালক্ষ্মী হইতে সন্ত, রজঃ ও তমোগুণের উদ্ভব হইল। মহালক্ষ্মীর যখন সৃষ্টি কার্য্যে অভিলাষ হইল, তখন তিনি তমোগুণের সঙ্গে মিলিত হইলেন। তমোগুণের সহ মিলিত হইয়া মহাকালী নাম ধারণ

করিলেন। মহালক্ষ্মীসম্বন্ধে সহ মিলিত হইয়া সরস্বতী হইলেন। মহালক্ষ্মী হইতে ক্রী, ত্রয়ী ও সাবিত্রীর জন্ম হইল। মহাকালী হইতে মহাবিদ্যার উদ্ভব হয়। সরস্বতী হইতে বিষ্ণু ও গৌরীর উৎপত্তি হয়। মহালক্ষ্মীর ইচ্ছানুসারে ত্রয়ী ব্রহ্মার, গৌরী মহাদেবের ও ক্রী বিষ্ণুর ভার্য্যা হইলেন। ব্রহ্মা ও ত্রয়ীর সংস্রবে একটা অণুর উৎপত্তি হইল, মহাদেব তাহাকে দুই ভাগে বিভক্ত করিলেন। উর্দ্ধার্দ্ধ ভাগ হইতে দেব দৈত্যাদির, নিম্নার্দ্ধ ভাগ হইতে মনুষ্যাদি জীব ও উদ্ভিদের উদ্ভব হইল।

তৃতীয় মত—সূর্য্য-সিদ্ধান্তে এই মতটা লিখিত হইয়াছে। মন্ত্রিপ্ৰবর বলিয়াছেন এই গ্রন্থ লক্ষ বৎসর পূর্বে প্রণীত হইয়াছে। ইহাতে লিখিত আছে, সৃষ্টিরহস্য জানিবার জন্ত ময়দৈত্য সহস্র বৎসর তপশ্চা করেন। সূর্য্য প্রসন্ন হইয়া তাঁহাকে দর্শন দেন। ময় তাঁহার নিকট সৃষ্টিরহস্য পরিজ্ঞানের অভিলাষ করেন। সূর্য্য, তাঁহাকে বলিয়া যান যে, তুমি কোন নির্দিষ্ট স্থানে আমাকে চিন্তা করিলে আমি উপস্থিত হইয়া তোমার প্রশ্নের উত্তর দিব। ময় তাহাই করিলেন। সূর্য্য উপস্থিত হইয়া তাঁহার সমুদয় প্রশ্নের যথাযথ উত্তর প্রদান করিলেন। সূর্য্য সিদ্ধান্তে ময়ের প্রশ্ন ও সূর্য্যের উত্তর সন্নিবেশিত হইয়াছে। উহাতে লিখিত আছে, সূর্য্য হইতে সমুদায়ের সৃষ্টি হইয়াছে। সূর্য্য, ঐশ্বরিক তেজের প্রতিনিধি। পরমেশ্বর, যে গোলকটার সৃষ্টি করিয়া তাহাতে নিজের আলোক প্রদান করেন, তাহাই সূর্য্য। সূর্য্য হইতে দ্বাদশ রাশির সৃষ্টি হয়। দ্বাদশ রাশি হইতে চারি বেদের উদ্ভব হয়। অনন্তর চন্দ্র, বায়ু, অগ্নি, জল প্রভৃতি সমুদায়ই সূর্য্য হইতে উৎপন্ন হইল। আকাশ হইতে গ্রহগণের উৎপত্তি হইয়াছে।

আবুল ফজল সৃষ্টি সম্বন্ধে আঠারটা মতের উল্লেখ করিয়াছেন। আমাদের পুরাণের সংখ্যাও আঠার। প্রত্যেক পুরাণে সৃষ্টিতত্ত্ব বর্ণিত হইয়াছে। সৃষ্টি সম্বন্ধে সমুদায় পুরাণ এক মতাবলম্বী নয়। এমন গুরুতর বিষয়ে কোনকালে কোন দেশে মনীষিগণ এক মতাবলম্বী হন নাই। কখনও যে হইবেন, এমন সম্ভাবনা নাই। নিজের ধর্ম্মশাস্ত্রের সঙ্গে মিলে নাই বলিয়া তিনি যে, এই

সকল মতের প্রতি তীব্র ঘৃণা প্রদর্শন করেন নাই, তাহা আকবরের সভাসদের উপযুক্তই হইয়াছে।

শ্রীরজনীকান্ত চক্রবর্তী।



তাণ্ডব পঞ্চক ।

(১)

অঙ্গে বিভূতি অঞ্জিন-বসন—

হেরগো সৃষ্টি মণ্ডপে—

চৌদিকে লয়ে ভূত হেতগণ।

ভৈরব নাচে তাণ্ডবে।

গম্ভীর গুরু ডমরু বাজিছে,

শিরে দোলে ফণী উল্লসি,

আঘাতি পটহ নন্দী গাহিছে

বোম্ বোম্ হর সন্ন্যাসী।

(২)

গ্রহ জ্যোতিষ্ক দ্বাদশ সূর্য্য

উর্দ্ধ গগনে স্তম্বিত ;

ভীষণ ঝটিকা, নিনাদে তূর্য্য ;

শৈল সিদ্ধু কম্পিত।

পাতাল করিয়া গরলে দধ

বাসুকি উঠিল নিশ্বসি।

ত্রিভুবনে ওঠে গম্ভীর বাণ,—

জয় জয় হর সন্ন্যাসী।

(৩)

অস্তুর ত্রাসে অন্তক ভীত,

চমকি উঠিল ইন্দ্র ;

দেবতাবর্গ সবে শঙ্কিত,

ভুলিল রক্ষামন্ত্র।

সম্বর খেলা, শঙ্কর শিব!

উচ্চরে বাণী বিজ্ঞাসি’

সংহার-রূপ সংহর ভব!—

বোম্ বোম্ হর সন্ন্যাসী

(৪)

স্তোত্র বচনে বাজে বাদিত্র

গরজি অধিক গরবে ;

দ্বিগুণিত ভূত ফণীর নৃত্য

ভীম তাণ্ডব-পরবে।

জটায় গঙ্গা তুলিল তুফান,

পড়ে তরঙ্গ উচ্ছ্বসি ;

ত্রিশূল ঘুরিল উজলি বিমান ;

জয় জয় হর সন্ন্যাসী।

(৫)

নিত্য তোমারি নৃত্য হেরিয়া—

তোমারি চরণ প্রান্তে

অসীম সৃষ্টি চলিছে ঘুরিয়া,

শূণ্যপথে অনন্তে।


ঝটিকা মথিয়া মঙ্গল গীতি

উঠিছে ; শুনিছে বিশ্বাসী।

জয় জয় শিব বিশ্বমুরতি

বোম্ বোম্ হর সন্ন্যাসী।

শ্রীবিজয়চন্দ্র মজুমদার।



একখানি পুরাতন দলিল ।

প্রাচীনকালের কথা শুনিতে বা জানিতে মানব মাত্রেই মনে স্বতঃই একটা বাসনা জন্মিয়া থাকে। আর বিষয়টি বস্তুপি প্রয়োজনীয় হয় তাহা হইলে সেই বাসনার পরিবর্তে ঔৎসুক্য আসিয়া উপস্থিত হয়। বাঙ্গলা ভাষার মহারথী বিজ্ঞানাগর, অক্ষয়কুমার দত্ত, রাজা রামমোহন রায় প্রভৃতি মহাত্মাবর্গের পূর্বে অর্থাৎ শতবৎসর পূর্বে বাঙ্গলা ভাষার ও সাহিত্যের অবস্থা কিরূপ ছিল, বাঙ্গালীর সামাজিক রীতি নীতি, আচার-ব্যবহার, চরিত্র-প্রকৃতি, দেশের অবস্থা প্রভৃতি কি প্রকার ছিল তাহা জানিতে স্বভাবতঃই মনোমধ্যে কোতূহল উদ্দীপিত

হইয়া থাকে। কিন্তু উক্ত সকল বিষয়ের একত্র সমাবেশ ও বিশদ বর্ণনাপূর্ণ ইতিহাস বাঙ্গলায় বিরল। সেই কারণে প্রাচীন লিপি, শিলা লিপি ও পুরাতন দলিলাদি তৎকালীন ইতিহাসের কোন কোন বিষয়ের কতক পরিমাণে উপাদান সংগ্রহার্থ আমাদের সাহায্য করে।

লেখকের বাটীতে বাঙ্গলা ভাষায় লিখিত দীর্ঘায়তনের একখানি পুরাতন দলিল আছে, তাহা হইতে পাঠক পাঠিকাগণকে তৎকালীন ভাষা ও অপর কোন কোন বিষয়ের কিঞ্চিৎ আভাষ প্রদান করাই এই প্রবন্ধের উদ্দেশ্য।

দলিলের বিবরণ ।

উক্ত দলিলখানি বাঙ্গলা ১২১৮ সালের ২৯এভাদ্র লিখিত হইয়াছে। ইহার আকার সাধারণ কোষ্ঠীর ন্যায়। লম্বে প্রায় ২৬ ফিট এবং চওড়ায় এক ফুটের কিছু কম। ত্রয়োদশ খানি দুই ফিট দীর্ঘায়তনের কাগজ সংযুক্ত করিয়া ইহা প্রস্তুত হইয়াছে। এই সকল কাগজ বিলাতি প্রস্তুত, উহার মধ্যে জলের অক্ষরে লেখা আছে S. wise and patch এবং ইংরাজিতে ১৮০৬। প্রতি কাগজের সংযোগস্থলের উভয়পার্শ্বে একটি করিয়া সুস্পষ্ট গোলাকৃতি এম্বল করা মোহর আছে। উহার একটিতে উর্দ্ধু, বাঙ্গলা ও হিন্দিতে ‘কাগজ আদালত দেওয়ানি’ এবং ইংরাজিতে Stamp Office লেখা আছে ; আর অপরটিতে উর্দ্ধুতে ‘খাজনা সম্বন্ধীয়’ বাঙ্গলা ও হিন্দিতে ‘খাজনা আমরা’ এবং ইংরাজিতে “Treasury” লেখা আছে। এই দুইটি ভিন্ন পশ্চাৎ পৃষ্ঠায় ঠিক সংযোগ স্থলের উপর একটি করিয়া কালিতে ছাপা ডিম্বাকারের মোহর করা আছে। এই মোহরগুলির নিম্নতা ও ছাপার কালির মাহাত্ম্যে উহা এতই অস্পষ্ট যে কোন মতে ভালরূপ বুঝিতে পারা যায় না। বিশেষ চেষ্টা করিয়া দেখা গিয়াছে তাহাতে বাঙ্গলায় ‘মোহর আদালত দেওয়ানি চুঁচুড়া ও ফরাশডাঙ্গা ও ————সন ১৮০৮———’ লেখা আছে ; ফরাশডাঙ্গার পর এবং ১৮০৮এর পর কি লেখা আছে তাহা কিছুতেই বোধগম্য হইলনা। উর্দ্ধু ভাষায় যাহা লেখা আছে তাহাও বড়ই অস্পষ্ট। দলিলের প্রথমে ও শেষে সেখ সৈয়দরাজি নামক সেরেসাদারের উর্দ্ধুতে

দস্তখত আছে। এবং প্রথমে ইংরাজিতে Filed 13th Sept. 1811 Signed. G. Forbes Judge লেখা আছে।

এক্ষণে উল্লিখিত বর্ণনা হইতে বুঝিতে পারা যাইতেছে যে, শতবর্ষ পূর্বে যখন ভারতে পাশ্চাত্য প্রভাব শিশু অবস্থায় অবস্থিত ছিল, তখনও আধুনিক সময়ের মত বিলাতি কাগজ, বিলাতি কেতা প্রভৃতি প্রচলিত হইয়াছিল। তৎকালেও চন্দননগর ফরাশি শাসনাধীন থাকিলেও এখনকার ছায় আদালতে ফরাশি ভাষা অধিক ব্যবহৃত হইত না এবং চুঁচুড়া, ফরাশডাঙ্গার সহিত কোন বিষয় সংলিপ্ত ছিল। মোহর দৃষ্টে ও সমস্ত দলিলখানি পাঠে অবগত হওয়া যায়, চন্দননগরকে তখন কেবল ফরাশডাঙ্গা বলিত।

দলিলের আয়তন যে প্রকার দীর্ঘ তাহাতে তাহার সমুদয় তুলিয়া দেখাইতে পারি তাদৃশ স্থান 'প্রদীপে' নাই, স্মৃতরাং সে আশা না রাখিয়া সংক্ষেপতঃ তাহার বিষয় ও বিবরণ লিখিতেছি, নিতান্ত আবশ্যিক মত কোন কোন অংশ উদ্ধৃত করিব।

দলিল লেখকের নাম শ্রীবিষ্ণুনাথ বসু। ইনি তৎকালীন ফরাশি কোম্পানির আমিন ছিলেন। দলিলের লেখা আরম্ভ হইয়াছে এইরূপ,—

শ্রীশ্রীচূর্ণা।

“মহামহিম শ্রীযুক্ত মহর ফরাশডাঙ্গার—

জজ সাহেব বরাবরেষু।”—

“কৈফিয়ত রোয়দাদ শ্রীবিষ্ণুনাথ বসু আমিন মতায়নে আদালতে দেওয়ানি মহর ফরাশডাঙ্গা ১৮২৬ নম্বরে ফৈরাদি জগমোহন সরকার আশামি রামপ্রসাদ সরকার এ মোকদ্দমা ফৈরাদির দরখাস্ত মতে ডিকরি জারি কারণ আমাকে আমিনি কার্য মকরর করিয়া মহর হইতে আমার পর এক কেতা পরআনা ছাদর হয়—তাহার মজম্মন এই।*—”

* উক্ত ভাষামধ্যে কোন পরিবর্তন করি নাই, কেবল সে যে অক্ষর বা যুক্তাক্ষরগুলি ঠিক আধুনিকভাবে লেখা নাই বা থাকিলেও আমি তাহা বুঝিতে পারি নাই অথচ সেগুলি সম্বন্ধে কোন সন্দেহ বোধ হয় নাই, মুদ্রণের সুবিধার্থে সেগুলি ঠিক করিয়া দিলাম মাত্র। ভবিষ্যতেও এইরূপ উদ্ধৃত হইবে। লেখক।

তৎপরে আমিনের প্রতি আদালতের হুকুম নামার নকল, ডিকরি খোলসা, সমস্ত স্থাবর ও অস্থাবর সম্পত্তি বিভক্ত করিয়া দিবার হুকুম, ফরিয়াদি জগমোহন সরকারের দাবির ফর্দ, আসামিদের জবাব, আমিনের তদারক, সম্পত্তির বিস্তারিত তালিকা প্রভৃতি পর পর বিশদরূপে লেখা আছে।

জগমোহন সরকারের পিতা ৮রামকানাই সরকার চন্দননগরের তৎকালীন একজন ধনী ব্যক্তি বলিয়া প্রসিদ্ধ ছিলেন। উক্ত সরকারদের যে স্থানে বাটী ছিল এবং অত্মাপিও যাহার অতি সামান্য অংশ মাত্র অসংস্কৃত অবস্থায় পড়িয়া রহিয়াছে, সেই স্থানকে আজিও সরকার-পাড়া বলে। তাঁহার অত্মা কীর্তির মধ্যে ভাগীরথি-তীরে একটি স্নানের ঘাট অত্মাপি জীর্ণভাবে বর্তমান আছে, তাহাকে লোকে 'কানাই সরকারের ঘাট' বলিয়া থাকে। দলিল হইতে সংক্ষেপে সরকারদিগের সংসারের কতিপয় বৎসরের আয়-ব্যয়, পূজা-পার্বণ, দান-খয়রাৎ, আসবাব পত্র প্রভৃতির অনেক কথা ও আনুষঙ্গিক বিবিধ বিষয় অবগত হওয়া যায়। প্রথমে দলিলের ভাষার কথা বলিয়া পরে ঐ সকল বিষয় বলিব। এই সুযোগে বলিয়া রাখি, উল্লিখিত সরকারদিগের সহিত লেখকের কোন সম্বন্ধ নাই। তাঁহার পিতামহ উহাদের কোন জমি খরিদ হুত্রে দলিলখানি প্রাপ্ত হন।

দলিলের ভাষা।

বাঙ্গলা ভাষার বয়ঃক্রমের হিসাবে একশত বৎসরকাল নিতান্ত অল্প না হইলেও কথিত দলিলখানির ভাষায় এমন কিছু অধিক দেখিতে পাওয়া যায় না, যাহা বুঝিবার অভাবে মোটামুটি অর্থবোধের বিশেষ ব্যতিক্রম ঘটে। যে সকল কথার অর্থ বোধগম্য হইল না, বিবেচনা হয় তাহার কতকগুলি বর্তমান সময়ের বাঙ্গলা ভাষায় অপ্রচলিত, তৎকালীন মুসলমান ভাষা হইতে গৃহীত শব্দ এবং অবশিষ্ট গুলি সংস্কৃত শব্দের অপভ্রংশ। সে সময়ের ভাষার ব্যাকরণ বা একটা প্রচলিতপদ্ধতিহীনতার পরিচায়ক। পাঠকের সম্যক অবগতির জন্ত নিম্নে উদাহরণ স্বরূপ কয়েক স্থান হইতে কিছু অংশ অবিকল উদ্ধৃত করিয়া দিতেছি। কেবলমাত্র পাঠের অসুবিধা নিবারণার্থ একত্বে সংলগ্ন শব্দগুলি সাধ্যমত পৃথক করিয়া দিব।

ক—“পরে ইহার সেজো ভাইকে বড় ভাই কাজ দিয়া- ছিলেন ফরাশীয কোম্পানির দরুণ আপনার নাম করিয়া ইহাতে এই সেজো ভাই যদি কখন বাটীছাড়া হইয়াছে কোন আড়ঙ্গ জাইতে কিন্তু ইনিও মকরর ঐ পৈত্রিক বাটীতে রহিয়াছেন উহার স্ত্রি উহার পরিবার যুগ্ম (১) ইস্তক নাগাইদ এহার বিভাহের খরচ উহার বড় ভাই করিয়াছে”—

খ—“পরে ইঞ্জরাজি ১৭৮৭ সালে চারি ভাই একত্র হইয়া একটা কণ্ট্রাক্ট কারবার ফরাশি কোম্পানির সহিত করে কাপড় দিবার কারণ এই অবধি এই তিন ছোট ভাই কবুল করে যে আমরা এক গ্রন্থে এক শাজায় দৌলতের মধ্যে বড় ভাইর সহিত আছি কিন্তু ওষ্টীকরে আর কহে যে ইহার পূর্বে এক ভাই আলাদা আলাদা কারবার করিয়াছি আপন আপন নিজের ইহার ভাগ দিতে চাহে না বড় ভায়ের আসল ওয়ারিশকে ইঞ্জরাজি ১৭৮৭ সালের পূর্ক”—

গ—“এই চারি ভায়ের পৈত্রিক যে কিছু আছে তাহার চারি হিখার এক হিখা বড় ভ্রাতৃপুত্র পাইবেক অধিক পাইবেক না এই ব্যবস্তা সাজাহুসারে লিখিলাম শাহেব। গোর করিবেন ইতি শহি করেন শ্রীপ্রাণকৃষ্ণ বিত্তাভাগিশ ভট্টাচার্য্য”—

ঘ—“তাহাতে পরওয়ানার হুকুম মাফিক ডিগরিতে সাধারণ জায়দাদ স্থাবর ও অস্থাবর কোন নিবারিজ না থাকাতে ফৈরাদিকে সন ১২১৬ সাল তাং মাঘ রুবকারিতে কহা গেল ডিকরি আছজাই তোমার দাবির ফর্দ দাখিল করহ ৯ ফাল্গুন। রুবকারিতে স্থাবর দাবির ফর্দ দাখিল করে—তাহার মজম্মন এই।”—

ঙ—“লিখিতং শ্রীরামশুন্দর সরকার এই মোং কলিকাতার বাশা বাটীর বাহিরের কুটির ভাড়া সন ২ বেমত ২ পাইয়াছি তাহার জমা খরচের ফর্দ দাখিল করিতেছি ইহাতে তফাৎ নাই ফৈরাদি মজম্মর তফাৎ বাহির করিতে পারেন তাহার হিখা পাইবেন আর সাধারণের

(১) “যুগ্ম” শব্দটি বোধ হয় শুদ্ধা,—শুদ্ধ (সমেত) শব্দের অপভ্রংশ। প্র, সং

খরচ যে হইয়াছে তাহার ফর্দ পশ্চাৎ দাখিল করিব ইতি সন ১২১৭ সাল তাং ৭ই বৈশাখ।”—

চ—“ঐ জায়দাদ জামিন ও এমারত ও ভদ্রাসন বাটী ও আর আর ও গয়রহ ও বাগান ও পুষ্কতিদিগর পৈত্রিক সাফখিরাম সরকারের নামের মহর ফরাশডাঙ্গার ও গয়রহ আসামি—জায়দাদ রকম নাম করণ।”—

যে যে অংশ উদ্ধৃত হইল তাহা তিন শ্রেণীর লোকের লেখা ক, খ, ঘ ও চ চিহ্নিত অংশ একজন আদালতের উচ্চ কর্মচারী অর্থাৎ আমিনের লেখা; গ এক জন শাস্ত্রজ্ঞ পণ্ডিতের লেখা এবং ঙ একজন ধনবান গৃহস্থের লেখা। উক্ত লেখার মধ্যে ‘আড়ঙ্গ’ ‘মকরর,’ ‘যুগ্ম’ ‘শাজায়’ ‘ওষ্টীকরে’ ‘গোর,’ ‘জায়দাদ,’ ‘রুবকারিতে’ ‘আছজাই,’ ‘মজম্মর,’ ‘হিখা,’ ‘মজম্মন’ ‘গয়রহ’—এই কয়টি কথার মধ্যে শাজায় অর্থে বাটীতে, ওষ্টীবার অর্থে স্বীকার করে, হিস্যা অর্থে অংশ এবং মজম্মন অর্থে বিশেষ বিবরণ বুঝাইতেছে। অবশিষ্ট কয়টি কথার অর্থ ঠিক করিতে পারা যায় না। ‘রুবকারিতে’ এই শব্দটি সর্বত্রই যেখানে কোন একটি তারিখের উল্লেখ আছে তাহার পশ্চাতে দেখিতে পাওয়া যায়, তাহাতেই বোধ হয় উহার অর্থ তারিখ। সমস্ত দলিল খানির ভিতরে ‘ওয়াশিল’ ‘হকিকত’ ‘জাবেদা’ ‘ছাদর’ প্রভৃতি আরও অনেকগুলি ঐরূপ কথা দেখিতে পাওয়া যায়। ঐ সকল শব্দ উদ্ধৃত বা অথ কোন ভাষার কি না জানি না। এক্ষণে ভাষা মধ্যে কুত্রাপি দেখিতে পাওয়া যায় না। (১)

ঐ প্রকার অবোধ্য শব্দগুলির ছায় আরও এমন বিস্তর শব্দ দৃষ্টিগোচর হয়, যাহা এখনকার ভাষায় প্রচলিত না থাকিলেও সামান্য চেষ্টাতেই অর্থ বুঝিতে পারা যায়। যেমন বিভাই (বিবাহ) পুষ্কতি (পুষ্করিণী) নিবারিজ, ওঙ্ক, গ্রন্থ (গৃহস্থ) প্রত্যক (পৃথক) ইত্যাদি লেখা মধ্যে বর্ণাঙ্কুর সংখ্যা এত অধিক যে উহা দেখিয়া মনে হয়,

(১) উল্লিখিত শব্দগুলির অধিকাংশই উদ্ধৃত, পারদী ও তাহার অপভ্রংশ। এখনও জমিদারসেহস্যায়, দলিলে উহাদেরাভুরি প্রচলন আছে। প্রাচীনলেখা পড়ার দোষেও অনেকস্থানে অর্থপ্রতীতি হয় নাই। যথা ‘মজম্মর’—শব্দটি কিন্তু মজম্মর। পূর্বে ‘কু’ অক্ষরটি ‘ঙ’ এই ভাবে লিখিত হইত। মজম্মর শব্দের অর্থ গণ,—সমূহ। আড়ঙ্গ—হাট—বাজার।—জায়দাদ—সম্পত্তি। মকরর—নিযুক্ত। গয়রহ—প্রভৃতি। জাবেদা—স্বার্থ। ছাদর—জারি। ইত্যাদি প্র, সং।

তখন কোন শব্দের কোন একটি নির্দিষ্ট বানান নির্ধারিত ছিল না। বাহার যাহা মনে হইত তিনি তাহাই লিখিতেন। দলিলের লিখিত সমস্ত বর্ণাঙ্কগুলি তুলিয়া দিলে প্রবন্ধের কলেবর অনেক বাড়িয়া যায়। সাধারণ লোকের কথা ছাড়িয়া দিলেও পণ্ডিত লোকের লেখাও ঐরূপ দোষপূর্ণ। বিদ্যাবাগীশ উপাধিধারী কোন পণ্ডিত ব্যক্তি ৭৮ ছত্রের মধ্যে ব্যবস্থা, ভ্রাতৃপুত্র, শাস্ত্র, ভট্টাচার্য্য, বাগীশ প্রভৃতি আট নয়টি অশুদ্ধ শব্দ লিখিয়াছেন।

যুক্তাক্ষরগুলি অনেক স্থলে বুদ্ধিতে পারা যায় না, এবং অধিকাংশই প্রায় এক প্রকারের। কু, দ, জ, কু, ক্, এই পাঁচটি যুক্তাক্ষর সকল স্থানেই একই প্রকারের লেখা আছে। তাহাদের আকার অনেকটা উর্দ্ধাংশবহীন ঙ্গ কারের মত।

কোন কোন ব্যবসাদারি বাঙ্গলা খাতায় বেক্রপ 'ণ' মত 'ল' দেখিতে পাওয়া যায়, ল অক্ষরটি দলিলের সর্বত্রই সেই আকারে লিখিত আছে; এবং অনুস্বার 'ং' এরূপ না লিখিয়া তৎস্থানে কেবল একটি ক্ষুদ্রাকৃতির বিন্দুমাত্র আছে। সর্লোপরি লিখিত দুর্গানাম ভিন্ন অপর সকল স্থানেই দএ হ্রস্ব উ স্থানে 'ঈ' লেখা আছে। উপস্থিত সময়েও আমি ঐরূপ লিখিতে দেখিয়াছি। কেবল কদাচিৎ ছুই একটি পূর্ণচ্ছেদ ভিন্ন, প্রায় অত্র কোন প্রকার ছেদের চিহ্ন দেখিতে পাওয়া যায় না। অতি অল্প সংখ্যক হইলেও তখন হইতেই ভাষা মধ্যে গ্লাস, লর্গন, গির্সি, কোম্পানি, ইঙ্কোয়ার (square) রিপোর্ট প্রভৃতি ইংরাজি কথার প্রবেশ লাভ ঘটয়াছে। দলিলের লেখা কিছু বড় বড়, অস্পষ্ট নহে; কিন্তু প্রত্যেক শব্দগুলি এত ঘনভাবে লিখিত যে অনেক স্থলে কোন অক্ষরটি কোন শব্দের তাহা বুঝিতে পারা কঠিন হইয়া উঠে।

অন্যান্য কথা।

সংক্ষেপতঃ দলিলের লেখা এবং ভাষার বিবরণ লিপিবদ্ধ হইল, এতদ্ভিন্ন উহা হইতে অত্রাণ্ড যে সকল জ্ঞাতব্য বিষয় সংগ্রহ হইতে পারে, নিম্নে তাহার কয়েকটি লিখিত হইবে। লিখিত সমস্ত স্থাবর ও অস্থাবর সম্পত্তির তালিকা ও ব্যবসায়াদির কথা পাঠে সরকার মহাশয়দিগকে ঐশ্বর্য্যবান ব্যক্তি বলিয়া বুঝিতে পারা যায়। তৎকালে

তাহাদের যে প্রকার খ্যাতি প্রতিপত্তি ছিল শুনা যায়, বর্তমান সময়ে তাহাদের অপেক্ষা অনেকাংশে ধনশালী জমিদারের ভাগ্যে তাহাদের নাম ও প্রসিদ্ধি লাভ ঘটে না। ইহা হইতে স্পষ্ট বুঝিতে পারা যায় যে অর্থের মূল্য এখনকার তুলনায় তখন অনেক অধিক ছিল।

ফরিয়াদি জগমোহন সরকারের পিতা ও খুড়া প্রভৃতি ১৭৮৭ সালে ফরাশিয় কোম্পানীর যাবতীয় বস্ত্র সংগ্রহের কণ্ট্রাক্ট লইয়াছিলেন। ইহা হইতে কতকটা অনুমিত হয় যে, ইউরোপীয় বস্ত্রাদির আমদানি তখনও আরম্ভ হয় নাই বা হইলেও অতি সামান্য পরিমাণে হইত।

অস্থাবর সম্পত্তির তালিকায় টিপাই, কেদারা, মেজ প্রভৃতির নাম দেখিয়া বুঝিতে পারা যায় যে, সে সময়েও ঐ সকল আসবাব ব্যবহৃত হইত। তালিকা মধ্যে 'কাদাত' 'লাল কিরশাজ' 'গড়া' 'যুজনি' 'কেণ্টব' এই পাঁচটি দ্রব্যের নাম দেখিয়া উহা যে কি দ্রব্য তাহা বুঝিতে পারিলাম না। সোনা ও রূপার গির্সি চামর ও শামাদানের উল্লেখ দেখিয়া তখনও গির্সির ব্যবহার হইত বুঝিতে পারা যায়।

তখনকার দিনে যাবতীয় দ্রব্যাদির স্থূলভ মূল্য বশতঃ ও অত্রাণ্ড বিবিধ কারণে অনেক অল্পব্যয়ে লোকের সংসার যাত্রা নিরীহ হইত। দলিল হইতে তখনকার কোন কোন দ্রব্যের মূল্যের এবং ক্রিয়াকলাপের ও গৃহাদি নির্মাণের ব্যয়, লোক জনের বেতন, জমির মূল্য প্রভৃতির একটা স্থূল অনুমান করা যাইতে পারে। উক্ত সরকার মহাশয়দিগের সময়ে চন্দননগরে তাহাদিগের মত ধনী এবং প্রসিদ্ধ ব্যক্তি বোধ হয় অল্পই ছিল। কিন্তু তাহাদের কতিপয় পূজা, শ্রাদ্ধাদির খরচের হিসাব দেখিলে বুঝিতে পারা যায় যে, বর্তমান সময়ে তাহাদের অপেক্ষা আর্থিক বিষয়ে অনেকাংশে হীনসম্মান গৃহস্থের সেই সেই বিষয়ে ব্যয় অনেক অধিক হইয়া থাকে, অথচ তাহাতেও সেরূপ প্রসিদ্ধি লাভ ঘটে না। বাঙ্গলা ১১৯৯ সাল হইতে ১২১৬ সাল পর্যন্ত তাহাদের সংসারের অনেক বিষয়ের খরচের হিসাব লিখিত আছে। সংসার খরচ বৎসরে কত টাকা হইত তাহা ঠিক বুঝিতে পারা যায় না। ১২৫ হইতে ১৭৫ টাকা মাসিক ব্যয় হইত এইরূপ কতকটা অনুমান করিতে পারা যায়। দ্বারবানের বেতন ১২০২

সাল হইতে ১২১৭ সাল পর্যন্ত মোট ৫৭০ টাকা খরচ লেখা আছে। তাহা হইলে মাসিক বেতন ৩ টাকা ছিল। দ্বারবানের মাহিনা মাসিক ৩ টাকা হইলে দাস দাসীর মাহিনা ২ টাকার অধিক ছিল বলিয়া মনে হয় না। ১২০২ সাল হইতে ১২১৬ সাল পর্যন্ত ৮ দোলযাত্রা, রথযাত্রা, জন্মযাত্রা ও গাজনের খরচ মোট ১৬১৬।০ অর্থাৎ গড়ে বাৎসরিক ১০৮ টাকা উক্ত চারিটি পর্বোপলক্ষে ব্যয়িত হইত। আধুনিক সময়ে চন্দননগরের ত্রায় সহরে একজন মধ্যবিত্ত গৃহস্থ কোন একটি মাত্র পূজা করিলেও তাহার ব্যয় উহা অপেক্ষা কম হয় না। জন্মযাত্রা নামে কোন পূজা পার্বণ অধুনা প্রচলিত নাই। জন্মষ্টমী বা জন্মতিথির উৎসবকে তৎকালে সম্ভবতঃ জন্মযাত্রা বলিত।

১১১৯ সালে স্বনাম প্রসিদ্ধ রামকানাই সরকারের শ্রাদ্ধের সমুদয় ব্যয়ের সংখ্যা মোট ২৯২৭৬৫ টাকা। এই সামান্য লেখক, বিশ পাঁচিশ সহস্র টাকা ব্যয়ের শ্রাদ্ধ চারি পাঁচটি দেখিয়াছে এবং এই স্থানেই কোন ধনী ব্যক্তির পঞ্চাশ ঘাট হাজার টাকা ব্যয়ের শ্রাদ্ধের কথা শুনিয়াছে। এতৎপ্রদেশে তাহাদের মান সম্বন্ধের কথা এখনও কখন কাহারও মুখে শুনিতে পাওয়া যায়, কিন্তু শতবর্ষ পরে তাহাদিগের নাম কাহারও নিকট বিদিত থাকিবে কি না সন্দেহ।

চাউলের মূল্য তখন কত ছিল তাহা ঠিক জানিতে না পারা যাইলেও, এখনকার তুলনায় অতি অল্পই ছিল বুঝিতে পারা যায়। একস্থানে দলিল কর্তাদের ব্যবসায়ার্থে তেরহাজার মণ চাউল খরিদের উল্লেখ আছে। ঐ চাউলের মূল্য ও বাজে খরচ ১৭০৭৯।৭ টাকা লেখা আছে। এই বাজে খরচ অর্থে চাউল খরিদের অত্রাণ্ড আনু-বন্ধিক খরচ কি অত্র প্রকারের খরচ ৫০০০ টাকা খরিলেও চাউলের মূল্য প্রতি মণ ১ কিঞ্চিদধিক টাকা হিসাবে দর হয়। এই অনুমান কতদূর নির্ভুল তাহা জানি না। প্রাচীন লোকের মুখে শুনিতে পাওয়া যায়, ৭০।৮০ বৎসর পূর্বে চাউলের মণ এক টাকারও কম ছিল। চন্দননগরে এক্ষণে ৮২।০ বিরাশি তোলা দশ আনা ওজনকে একসের বলে। তখন ওজন কিপ্রকার ছিল জানি না।

দলিলে তখনকার সময়ের চন্দননগরের ও কলিকাতার কয়েক দফা জমির মূল্য, বাটী ভাড়া প্রভৃতির

হিসাব ও অপর কোন কোন বিষয় দেখিয়া স্পষ্ট অনুমিত হয় যে, কলিকাতা তখন অভ্যুদয়ের পথে ক্রমে ক্রমে অগ্রসর হইতেছিল কিন্তু চন্দননগরের অবস্থা তখন হইতে ক্রমশঃ হীন হইতে থাকিলেও কলিকাতার অপেক্ষা উন্নত ছিল। তখন দশ বিশ ক্রোশ দূরবর্তি-গ্রাম সকলের ধনবান লোক সমূহ বাণিজ্যার্থ কলিকাতায় গমন করিত। বাটীর ভাড়া কলিকাতার অপেক্ষা বেশী ছিল। লেখা আছে কলিকাতার মেছুয়াবাজারের একটি প্রকাণ্ড বালাখানা বাটীর বাহিরের চারিটি ঘরের ১২০১ সাল হইতে ১২১৬ সাল পর্যন্ত ১৬ বৎসরের ভাড়া মোট ১১৭২৬ টাকা অর্থাৎ মাসিক ভাড়া ৬ টাকার কিছু অধিক। স্মরণ্য প্রত্যেক ঘরের ভাড়া গড়ে ১।০ টাকা মাত্র। চন্দন নগরের ২টা বড় ও ৪টা ছোট গুদাম ঘরের ভাড়া ১৭ বৎসরের মোট ৫৭৩৫ টাকা, অর্থাৎ এক একটি গুদাম গড়ে ৪।০ টাকার কিছু অধিক ভাড়া। এক্ষণে ঐ স্থানের একটি গুদামের ভাড়া উহার অর্ধেকের অপেক্ষাও অল্প। পূর্বোল্লিখিত কলিকাতার বাটীর সহিত ৩টি নূতন ঘর প্রস্তুত করণের খরচ ১২৯।১০ এবং ১২০০ সালে চন্দননগরে ৪টা গুদামঘর প্রস্তুত করণের খরচ ৯৭৯ টাকা লেখা আছে। ইহা হইতে বুঝিতে পারা যায় তখনকার দিনে গৃহ নির্মাণের উপকরণাদির মূল্য ও মজুরদিগের মজুরির মূল্য অনেক কম ছিল। চন্দন নগরে জমির মূল্য এখনকার অপেক্ষা তখন নূন ছিল না। ৬১ কাঠা জমির মূল্য ৭৭৫ টাকা লেখা আছে। এই সকল বিষয় দেখিয়া মনে হয় শ্রীরামপুর, হুগলি, চুঁচুড়া, চন্দন নগর প্রভৃতি স্থান সমূহের তৎকালীন অবস্থা কলিকাতার অপেক্ষা হীন ছিলনা বরং উন্নত ছিল। যদিও দলিল মধ্যে চন্দন নগরের ভিন্ন অত্র কোন স্থানের বিশেষ কোন কথা লেখা নাই, তথাপি নিকটবর্তী গ্রাম সকলের অবস্থা যে কতকটা একভাবই ছিল এরূপ অনুমান করা বোধ হয় অত্রাণ্ড নহে।

সমুদয় দলিলখানি হইতে দেশীয় বস্ত্রের মূল্য, আদালতের খরচ, সূদের হার প্রভৃতি ক্ষুদ্র ক্ষুদ্র আরও অনেক বিষয়সংগ্রহ হইতে পারে, বাহুল্য ভয়ে সে সকল আর লিখিবার চেষ্টা করিলাম না। পরিশেষে নিবেদন দলিল বা আদালত সংক্রান্ত লেখার ভাষা সাধারণ বাঙ্গলা ভাষার

সহিত কিছু পৃথক। দলিলের ভাষা দেখিয়া তৎসময়ের ভাষার আলোচনা বা বিচার করা বোধ হয় বিধেয় নহে। আমিও এক্ষেত্রে তাহা করি নাই, কেবল উহাতে যে প্রকার ভাষা দেখিয়াছি পাঠকবর্গকে তাহা দেখাইবার প্রয়াস পাইয়াছি। তখনকার দিনে সিক্কা টাকা প্রচলিত ছিল, সে টাকার মূল্য কোম্পানীর টাকা অপেক্ষা কিছু অধিক। এই প্রবন্ধমধ্যে যে টাকার উল্লেখ আছে উহা সম্ভবতঃ সিক্কা টাকা নহে।

শ্রীহরিহর শেঠ।



তাম্রলিপ্তি বা বর্তমান তমলুকের সংক্ষিপ্ত ইতিবৃত্ত।

ঐতিহাসিক তথ্য নির্ধারণ।

অধুনাতন সভ্যজগতে প্রাচীন সাম্রাজ্য সকলের ইতিবৃত্ত ও তৎসংক্রান্ত ঐতিহাসিক তথ্যানুসন্ধান করা অত্যাবশ্যক হইয়া দাঁড়াইয়াছে। কাহার না স্বদেশীয় প্রাচীন সাম্রাজ্যের পূর্ব গৌরব, সমৃদ্ধি ও ঐশ্বর্যের কথা শুনিতে ও জানিতে ইচ্ছা হয়? এক্ষণে এই সমস্ত বিষয়ের যথাযথ বিবরণ ইতিহাস পাঠ না করিলে আমরা সম্যক্রূপে জ্ঞাত হইতে পারি না। কিন্তু, ভারতবর্ষীয় যাবতীয় গ্রন্থের মধ্যে ঐতিহাসিক গ্রন্থই বিরল। তজ্জন্ম ভারতবর্ষ সম্বন্ধীয় কোন ঐতিহাসিক তথ্যানুসন্ধান করিতে হইলে অনেক শ্রম স্বীকার করিতে হয়। বেদ, স্মৃতি, সংহিতা, পুরাণ প্রভৃতি ধর্মশাস্ত্র অধ্যয়ন করিলে অনেকাংশে ভারতবর্ষের ইতিহাস অবগত হওয়া যায়। বণিক ও ভিন্নদেশীয় অশ্রান্ত ভ্রমণকারীগণের ভ্রমণ বৃত্তান্ত পাঠেও ইতিবৃত্তানুসন্ধান-পথ অপেক্ষাকৃত সুগম ও সুপ্রশস্ত হইয়া আসে। আমাদের পূর্ব পুরুষদিগের মধ্যে কেহই ভারতবর্ষের কোন প্রকৃত ইতিহাস লিখিয়া যান নাই বলিলেই হয়। তাঁহারা যাহা কিছু লিখিয়া গিয়াছেন, তাহা সমস্তই কবিতায় লিখিত। সেই সমস্ত কবিতায় তাঁহারা

ঐতিহাসিক তথ্য নির্ধারণে কিছুমাত্র যত্নবান হন নাই। বরং তাহাতে সরস কবিতাবলী লিখিবার ক্ষমতা প্রদর্শন করিয়া জগৎ বিমুগ্ধ করিয়াছেন। সেই সমস্ত কবিতাবলীর স্তম্ভুর সৌরভ দিগন্ত পর্যন্ত আমোদিত করিয়া রাখিয়াছে। তাহাদের মধুর বাক্যে মন-প্রাণ বিমোহিত করিতে পারে, সে কথা সত্য; কিন্তু, তাহাতে আমাদের ঐতিহাসিক তথ্য নির্ধারণে কিছুমাত্র সহায়তা করে না।

পূর্বেই বলিয়াছি যে আমাদের পূর্বপুরুষদিগের মধ্যে কেহই ভারতবর্ষের কোন ইতিহাস লিখিয়া যান নাই। কাজেকাজেই আমাদের ভিন্নদেশীয় ঐতিহাসিকগণের বিবরণ সত্য বলিয়া গ্রহণ করিতে হয়। কিন্তু, এদিকে বাস্তব পক্ষে, এপর্যন্ত ভারতবর্ষের কোন প্রকৃত ইতিহাস লিখিত হয় নাই। দুই একজন বিদেশীয় ঐতিহাসিকের হস্তে ভারতবর্ষের ইতিহাস স্থানে স্থানে একরূপ রঞ্জিত বা অরঞ্জিত হইয়াছে, যে, তাহা হইতে প্রকৃত সত্যনির্ধারণ করা দুষ্কর ব্যাপার হইয়া দাঁড়াইয়াছে। আবার অনেকস্থলে তাঁহারা সত্যসংগোপন করিতেও চেষ্টা করিয়াছেন। ইহার ফল এই হইয়াছে যে সাধারণে বিদেশীয় ঐতিহাসিকগণের উপর বীতশ্রদ্ধ হইয়া উঠিয়াছেন। কিন্তু, তাই বলিয়াই যে বিদেশীয় ঐতিহাসিকগণের মধ্যে কোন নিরপেক্ষ লেখক নাই তাহাও কখন বলা যাইতে পারে না। যে সকল মহানুভব লেখক সত্যনিষ্ঠা ও উদারতার পরাকাষ্ঠা দেখাইয়াছেন তাঁহারা এতদেশীয় সকলেরই ধন্যবাদ ও সম্মানের পাত্র। কোন সাম্রাজ্যের ইতিহাস পাঠ করিলে আমরা তদেশবাসী জনসমূহের বিদ্যা, ধর্ম, জ্ঞান, প্রভৃতি নানাবিধ উৎকৃষ্ট গুণাবলীর বিষয় জ্ঞাত হইতে পারি। ভারতবর্ষীয়েরা উত্তরকালে অতি দুর্লভ ও অতুল্য গৌরবপদে অধিরোহণ করেন; কিন্তু, কালক্রমে তাঁহারা সেই গৌরবপদ হইতে বিচ্যুত হন। এক্ষণে ভারতবর্ষ মহাশ্মশান—“মহাকালের মহারঙ্গভূমি!” শত শত নগরী ধূলিচূষন করিয়াছে, শত শত সাম্রাজ্যের উত্থান পতন হইয়া গিয়াছে বহু রাজ্য-বিপ্লব-ঝড় ভারতের মাথার উপর দিয়া বহিয়া গিয়াছে তথাপি আজও ভারত বর্তমান! এত উত্থান-পতন, এত বিপ্লব-সহ্য করিয়াও ভারত আজ পর্যন্ত বর্তমান। প্রাচীন কালের পর হইতে এপর্যন্ত ভারত

নিজ দুঃখগীতি সেই এক করুণস্বরে গাহিয়া আসিতেছে। আজ পর্যন্ত! পুরাকালের কোন ইতিহাস নাই যে ভারতের পক্ষে সাক্ষ্য দেয়। বহুদিন পূর্বে কোন গ্রীক কবি ভারতের দুঃখে কাতর হইয়া যে করুণগীতি গাহিয়া গিয়াছেন তাহা যথার্থই সত্য :—

“The Niobe of nations! There she stands,
Childless and crownless, in her voiceless woe;
An empty win within her withered hands,
Whose holy dust was scattered long ago.

* * *

The Ocean hath its chart, the stars their map,
And knowledge spreads them in her ample lap,
But Ind' is as a desert, where we steer
Stumbling O'er recollections!”

বাণিজ্যদ্বারা ভারতবর্ষের বহনগরী প্রসিদ্ধিলাভ করিয়াছিল। এই সকল নগরীর মধ্যে তমলুক বা তাম্রলিপ্তি অশ্রুতম এবং ইহাই বোধ হয় সর্বাগ্রগণ্য। বহুকাল পূর্বে তাম্রলিপ্তি বৌদ্ধদিগের বাসস্থান ছিল এবং তৎকালে বহুসংখ্যক বৌদ্ধমঠ বন্ধে ধারণ করিয়া ইহা ভারতে এক গৌরবান্বিত পদ অধিকার করিয়াছিল। সেই সময়ে বৌদ্ধ বাজকগণের ধর্মহৃত্তগানে এই নগরী প্রতিধ্বনিত হইত ও ঘরে ঘরে বৌদ্ধধর্মের আলোচনা হইত। কিন্তু, হায়! এক্ষণে সেই সমস্ত পূর্বতন সমৃদ্ধির কোন চিহ্নই এখানে পরিলক্ষিত হয় না; ইহা কি কম পরিতাপের বিষয়!

স্থান নির্দেশ ও সীমাদি :

বহু সহস্র বৎসর পূর্বে বঙ্গদেশের দক্ষিণ পূর্ব কোণে তাম্রলিপ্তি নামে এক সমৃদ্ধিশালী রাজ্য ছিল। অনন্তনীল জলরাশি কল-কল-নিনাদে উত্তাল-তরঙ্গ তুলিয়া সেই রাজ্যের কূল ধৌত করিয়া প্রবাহিত হইত। বহু সহস্র বৎসর পূর্বের সেই সমৃদ্ধিশালী রাজ্য এক্ষণে একটা ক্ষুদ্র উপনগরে পরিণত হইয়াছে এবং উহা এক্ষণে তমলুক নামে খ্যাত। এক্ষণে আর সেই সমুদ্র নাই, সেই উত্তাল তরঙ্গমালাও নাই ও সেই কল-কল-নিনাদও নাই। তৎপরিবর্তে ক্ষুদ্রকায় রূপনারায়ণ নদ ইহার পদমূল ধৌত করিয়া প্রবাহিত হইতেছে। পূর্বে যে সমুদ্র তমলুকের কূলপার্শ্ব দিয়া প্রবাহিত হইত তাহা এক্ষণে এস্থান হইতে

প্রায় ৬০ মাইল দূরে অবস্থিত। ক্রমে ক্রমে পলি পড়িয়া নূতন ভূমিতে পরিণত হওয়ায় সমুদ্র অনেকটা বুজিয়া গিয়াছে এবং সমুদ্রতট তাম্রলিপ্তি নগর হইতে এত দূরে পড়িয়াছে।

তমলুক পুরাকালে বহু নামে অভিহিত হইত; যথা— তমোলিপ্তি,^১ তমোলিপ্ত,^২ তাম্রলিপ্ত,^৩ তাম্রলিপ্তী,^৪ তামলিপ্তং, তামলিপ্তী, তমালিকা,^৫ দামলিপ্তং তামলিনী ৬।

আবার জে, ডব্লিউ ম্যাক্রিগেল সাহেবের “Ancient India, as described by Megasthenes and Arrian” নামক পুস্তকে এইরূপ লিখিত আছে :—

“—In the writings of the Buddhists of Ceylon, the name appears as Tamolitti, corresponding to Tamluk of the present day.” (৭)

ইহাতে জানা যাইতেছে যে তমোলিতী নামেও বর্তমান তমলুক অভিহিত হইত। কোন কোন বণিক পরিব্রাজকের ভ্রমণ বৃত্তান্তে ইহার নাম তমোলিতি বলিয়াও লিখিত হইয়াছে।^৮

তাম্রলিপ্তি, দামলিপ্ত প্রভৃতি নামের অপভ্রংশে যে তমলুক নাম হইয়াছে সে বিষয়ে বহুল প্রমাণ আছে। শব্দকল্পদ্রম অভিধানে তমোলিপ্ত ও তামলিপ্ত শব্দের অর্থ আধুনিক তমলুক বলিয়া, পণ্ডিতপ্রবর সংস্কৃত ভাষাবিদ উইলসন্ সাহেবের “Sanskrit English Dictionary” তেও তমালিকা, তমোলিপ্তী, তামলিপ্ত ও দামলিপ্ত শব্দের অর্থ বর্তমান তমলুক বা Modern Tamluk বলিয়া^{১০} ও বাচস্পত্য নামক পুস্তকে তমালিকা, তমালিনী ও তামলিপ্ত শব্দের অর্থ তমলুক বলিয়া লিখিত আছে।^{১১} এতদ্ভিন্ন মহাত্মা রামকমল বিদ্যালঙ্কার প্রণীত “সচিত্র

১। ইতি শব্দকল্পদ্রমঃ! ২। ইতি শব্দরত্নাবলীঃ।

৩। ইতি মহাভারতম্। ৪। ইতি ভারত কোষঃ।

৫। ইতি ত্রিকাণ্ড শেষঃ। ৬। ইতি হেমচন্দ্রঃ।

(৭) Vide Ancient India as described by Megasthenes and Arrian, edited by J. W. Macerindle. M. A. P. 138.

(৮) Vide S. Beal's Si-Qu-Ki, Vol II P. 200.

(৯) শব্দকল্পদ্রমঃ, পুনঃপ্রকাশিত, ১৪২৩ ও ১৪৪৯ পৃষ্ঠা দেখ।

(১০) Vide Sanskrit and English Dictionary by H. H. Wilson P. P. 382, 383, 387 and 422.

(১১) বাচস্পত্য, ৩২৪০ ও ৩২৭০ পৃষ্ঠা দেখ।



স্বাধীন ত্রিপুরাধিপতি
৩ বীরচন্দ্র মাণিক্য বাহাদুর ।

KUNTALINE PRESS.



চতুর্থ ভাগ । }

জ্যৈষ্ঠ, ১৩০৮ ।

{ ৬ষ্ঠ সংখ্যা ।

স্বাধীন ত্রিপুরাধিপতি ৩ বীরচন্দ্র মাণিক্য বাহাদুর ।

(১)

একটি সাধারণ লোকের জীবন এবং একটি স্বাধীন রাজার জীবন সম্পূর্ণ বিভিন্ন উপাদানে ও বিভিন্ন আদর্শে গঠিত । সাধারণ লোকের জীবন সমাজের কঠোর শাসনে ন্যূনাত্মক পরিমাণে সুসংযত, সুসমাজিত ও কৃত্রিম ভাবাপন্ন । এক জন স্বাধীন রাজার জীবনে সংবলের অপেক্ষা উদ্ভাস-ক্ষুধি বেশী, কারুকার্য অপেক্ষা কাঠি অধিক, সভ্যতা অপেক্ষা স্বাভাবিকতা বেশী । সে জীবনে অভাব অতি অল্প, সমাজের প্রভাব ততোধিক অল্পতর । পার্শ্বতা শাল তরুর ছায় উহা বিকট বিশাল ও অশোভন হইলেও উহার গ্রন্থিতে গ্রন্থিতে প্রকৃতির করচিহ্ন বর্তমান । পার্শ্বতা নদীর উপলথণ্ডের ছায় সেই জীবনের কোণ-কণিকাগুলি অক্ষত ও সুস্পষ্ট । পক্ষান্তরে আমাদের জীবনে সেগুলি

চতুর্পার্শ্বস্থিত পদার্থ সমূহের বর্ষণে মর্দনে আঘাতে ব্যাঘাতে শাসনে লাঞ্ছনায় এত দূর ক্ষয়প্রাপ্ত যে, আমরা শালগ্রাম-শিলার ছায় নিরীহ সুডোল ও সুগঠিত । ঘড়ী দেখাইবার ছলে কেহ আমাদের কর্ণ মর্দন করিলে আমরা কিয়ৎ পরিমাণে মাথার উপরের দিকে চাহিয়া, অধিক পরিমাণে নিজের উদরের দিকে চাহিয়া, এবং অধিকতর পরিমাণে স্বকীয় আশ্রিত দ্বি-সপ্ত সংখ্যক বৃহক্ষু মুখের দিকে চাহিয়া সহিষ্ণুতার সহিত সেই গোলাপী হস্তপ্রদত্ত তিক্ত জিলিপি-খানা গলাধঃ করিয়া থাকি । অন্তরে দ্বিতীয় পাণ্ডুর মত হইলেও বাহিরে যুধিষ্টির বেগে বাহির হই । কলতঃ আমরা অষ্টপ্রহরই মুখস পরিয়া আছি ; এবং ইদানীং আমাদের মুখ ও মুখস সর্বপ্রকার দলাদলি পরিত্যাগ করিয়া এমনি মাথামাথি ভাবে মিলিয়া মিশিয়া গিয়াছে যে, এখন কোন্টী কে, তাহা চিনিয়া লওয়া ছন্দর । বোধ হয় কার্যতঃ আমাদের দেহ রাজ্যের উপরে মুখ অপেক্ষা মুখসের দাবীই বেশী । রাজনৈতিক ও সামাজিক অধীনতা

“Tamralipti—country lying to the westward of the Hughly river, from Burdwan and Kalna on the north”. (১৮)

অর্থাৎ যে ভূভাগ হুগলী নদীর পশ্চিম দিক হইতে উত্তরে বর্দ্ধমান ও কালনা পর্য্যন্ত বিস্তৃত তাহাই তাম্রলিপ্তী দেশ।

এক্ষণে তাম্রলিপ্তীর তিনদিকের সীমা পাওয়া গেল। ক্যানিংহাম সাহেবের কথানুসারে ইহার পূর্বে হুগলী নদী ও উত্তরে বর্দ্ধমান ও কালনা জেলা তাহা সপ্রমাণিত হইতেছে। আরও আমরা জানি যে ইহার দক্ষিণে সমুদ্র ছিল।

“Journal of the Royal Asiatic Society of Bengal” নামক পত্রিকাতেও ইহা যে সমুদ্র কূলে অবস্থিত ছিল তাহা লিখিত আছে :—

“Tamralipta being on the sea at the mouth of the Ganges, and corresponding with it in appellation, is always considered to be connected with the modern Tamruk.” (১৯)

শ্রীযুক্ত নগেন্দ্রনাথ বসু “কলিঙ্গের সীমা নিরূপণ” নামক প্রবন্ধে প্রমাণাদি প্রদর্শন করিয়া লিখিয়াছেন যে “কলিঙ্গ রাজ্য বর্তমান তমোলুকের সীমান্ত হইতে আরম্ভ করিয়া দক্ষিণে গোদাবরী নদী পর্য্যন্ত বিস্তৃত ছিল। এখনকার মেদিনীপুর, উড়িষ্যা, গঙ্গাম ও সরকার তৎকালে কলিঙ্গ রাজ্যের অন্তর্গত ছিল।” (২০)

এতদ্বারা স্থিরীকৃত হইতেছে যে তাম্রলিপ্তীর পূর্বে হুগলী নদী, উত্তরে বর্দ্ধমান ও কালনা, পশ্চিমে কলিঙ্গদেশ ও দক্ষিণে সমুদ্র ছিল। “Documents Geographiques” নামক পুস্তকে তাম্রলিপ্তী রাজ্যের পরিধির বিষয় লিখিত রহিয়াছে :—

The kingdom of Tamruk was then about two hundred and fifty miles in circumference.” (২১)

(১৮) Vide General Cunningham's “Ancient Geography of India.” P. 504.

(১৯) Vide Journal of the Royal Asiatic Society of Bengal, Vol V., P, 135.

(২০) জম্মুভূমি, প্রথম খণ্ড, ৪৪৮ পৃঃ দেখ।

(২১) Vide Documents Geographiques, P. 450.

কিন্তু আমাদের মাননীয় স্বদেশবাসী শ্রীযুক্ত রমেশচন্দ্র দত্ত সি, আই, ই মহোদয় বলেন :—

“The country (U. Tamralipti) was 300 miles in circuit. (২২)

বাহাই হটক পূর্বে যে তাম্রলিপ্তী বিস্তৃত রাজ্য ছিল সে বিষয়ে কিছুমাত্র সন্দেহ নাই।

পূর্বে বলিয়াছি যে প্রাচীনকালে তাম্রলিপ্তী গঙ্গানদীর মোহনার নিকট সমুদ্রকূলে অবস্থিত ছিল। কিন্তু, ক্রমে ক্রমে সেই মোহনায় পলি পড়িয়া চর হয়। সেই চর ক্রমশঃ বিস্তৃত হইয়া প্রায় ৫০-৬০ মাইল সমুদ্র বুজিয়া গিয়া ইহাকে একটা “আন্তর্দেশিক নগর” inland town করিয়া ফেলিয়াছে। এখনও সময়ে সময়ে নদীর পাড় ভাঙ্গিয়া পড়িলে মৃত্তিকা মধ্যে প্রাচীন কালের মুদ্রা, অলঙ্কার এবং ভগ্নপোতাদির অংশ দেখিতে পাওয়া যায়।

কোন সংস্কৃত কবি লিখিয়াছেন :—

“তাম্রলিপ্তো প্রদেশশচ বণিকশ্রু নিবাসভূঃ।

দ্বাদশ যোজনৈযুক্তঃ রূপনগাঃ সমীপতঃ ॥”

বিশ্বকোষে উপরের শ্লোকের অর্থ এইরূপভাবে করা হইয়াছে :—

“বণিকদিগের বাসভূমি তাম্রলিপ্ত প্রদেশ ১২যোজন বিস্তৃত ও রূপা অথবা রূপনারায়ণ নদের নিকট অবস্থিত।” ২৩

রাজগণ ও তাঁহাদের বিবরণ।

তাম্রলিপ্তীতে কোন বংশীয় রাজগণ সর্বপ্রথম রাজত্ব করিয়াছিলেন এবং কোন মহাত্মা এখানকার প্রথম রাজা ছিলেন তাহা সঠিক জানা যায় না। সম্ভবতঃ বহু পূর্বে ইহা কোন ক্ষত্রিয় রাজার রাজ্যের অন্তর্গত ছিল এবং তিনি এখানে আধিপত্য করিতেন। সর্বশুদ্ধ এখানে তিন বংশীয় রাজগণ রাজত্ব করিয়াছেন এইরূপ উল্লেখ দেখা যায়। প্রথম ময়ূর বংশীয় রাজগণ, তৎপরে রায় বংশীয় (বিখ্যাত গঙ্গাবংশীয়) রাজগণ এবং ইহার অব্যবহিত পরে কৈবর্ত বংশীয় রাজগণের রাজত্ব আরম্ভ হয় এবং তাঁহাদের বংশধরেরা এখনও এখানকার ভূস্বামী।

(২২) Vide History of civilization in Ancient India, by R. C. Dutt, C. I. E. Vol. III. P. 105.

(২৩) ইতি বিশ্বকোষঃ, ৬৯০ পৃঃ দেখ।

ময়ূর বংশীয় রাজা মোটে চারিজন ছিলেন, যথা—(১) ময়ূরধ্বজ, (২) তাম্রধ্বজ, (৩) হংসধ্বজ, ও (৪) গরুড়ধ্বজ। এই চারিজন ক্রমান্বয়ে এই স্থলের রাজা হন। বোধহয় ইঁহারা জাতিতে ক্ষত্রিয় ছিলেন। অন্ততঃ ইঁহাদের নাম দেখিয়া সেইরূপ অনুমিত হয়। ইঁহাদের পরেই রায়বংশীয় রাজগণের রাজত্ব আরম্ভ হয়। ময়ূরবংশীয় রাজা গড়ুরধ্বজের পরেই (৫) বিজ্ঞাধর রায় রাজা হন। এখানকার রাজবাটীতে যে বংশতালিকা আছে তৎদৃষ্টে দেখা যায় যে বিজ্ঞাধর রায় ময়ূরবংশোদ্ভব এবং বর্তমান রাজাও সেই বংশোদ্ভব বলিয়া পরিচয় দেন। এক্ষণে ইঁহা সত্য কি না দেখা যাউক।

পঞ্চম রাজা বিজ্ঞাধর রায়ের পর নিম্নলিখিত ব্যক্তিগণ এই স্থলের রাজা হন :—

- (৬) নীলকণ্ঠ রায়।
- (৭) জগদীশ রায়।
- (৮) চন্দ্রশেখর রায়।
- (৯) বীরকিশোর রায়।
- (১০) গোবিন্দদেব রায়।
- (১১) যাদবজয় রায়।
- (১২) হরিদেব রায়।
- (১৩) বিশ্বেশ্বর রায়।
- (১৪) নৃসিংহ রায়।
- (১৫) শম্ভুচন্দ্র রায়।
- (১৬) দীপচন্দ্র রায়।
- (১৭) দিব্যসিংহ রায়।
- (১৮) বীরভদ্র রায়।
- (১৯) লক্ষ্মণসেন রায়।
- (২০) রামচন্দ্র রায়।
- (২১) পদ্মলোচন রায়।
- (২২) কৃষ্ণচন্দ্র রায়।
- (২৩) গোলকনারায়ণ রায়।
- (২৪) বলিনারায়ণ রায়।
- (২৫) কৌশিকনারায়ণ রায়।
- (২৬) অজিতনারায়ণ রায়।
- (২৭) কৃষ্ণকিশোর রায়।
- (২৮) চন্দ্রার্ক রায়।

- (২৯) মৌজিকিশোর রায়।
- (৩০) মার্কণ্ডকিশোর রায়।
- (৩১) ইন্দ্রমণি রায়।
- (৩২) সুধন্বা রায়।
- (৩৩) মৃগয়া দেই। (রাণী)

পূর্বেই বলিয়াছি যে ময়ূরধ্বজ প্রভৃতি চারিজন রাজাকে মাত্র অনেকে ময়ূরবংশীয় বলিয়া বধেন; এবং ইঁহাই সত্য বলিয়া বোধ হয়। কারণ, তাঁহাদের নামগুলি প্রাচীনকালের নাম। পঞ্চম রাজার নাম বিজ্ঞাধর রায়, ইঁহা অপেক্ষাকৃত আধুনিক নাম। স্মরণ্য ইঁহা অনুমান করা নিতান্ত অসম্ভব নহে যে ময়ূরবংশের লোপ হইলে এই রায় উপাধিধারী (গঙ্গাবংশীয়) রাজগণ এখানে রাজত্ব করেন। সপ্তত্রিংশ রাজার নাম কালুভূঞা; ইঁহা সম্পূর্ণ অনার্য নাম। ইঁহার পূর্বে অপর কোন রাজার এইরূপ অনার্য নাম দেখিতে পাওয়া যায় না। ইঁহা হইতে অনুমিত হয় যে ইঁনি কৈবর্ত বংশীয়। ইঁনিও রায় উপাধি ধারণ করেন। বোধ হয় নিজ বংশের উচ্চতা প্রমাণ করিবার জন্তই ইঁনি এইরূপ করেন। কালুভূঞার পর ধান্ড ভূঞা, ভান্ডভূঞা প্রভৃতি অনার্য নামীয় রাজগণ এখানে রাজত্ব করেন। ইঁহারাও রায় উপাধি গ্রহণ করিয়াছিলেন এবং ইঁহাদের বর্তমান উত্তরাধিকারী ও বংশধরেরাও সেই উপাধি ধারণ করিয়া আসিতেছেন। যাই হউক ইঁহারা এবং ইঁহাদের বর্তমান উত্তরাধিকারীগণ যে কৈবর্ত এবং ইঁহাদের কাহারও সঙ্গে যে ময়ূরবংশীয় রাজগণের কোনও সম্বন্ধ নাই তাহা নিশ্চিত।

কিছুদিন পূর্বে শ্রীযুক্ত ত্রৈলোক্যনাথ রক্ষিত মহাশয় “নব্যভারতে” “তমোলুকের ইতিহাস” শীর্ষক প্রবন্ধে এই-খানকার রাজগণ সম্বন্ধে এইরূপ লিখিয়াছেন :—

“* * প্রথম চারিজন রাজার নাম প্রাচীন নাম— অর্থাৎ মহাভারতীয় কালের নাম ও তৎপরের বিজ্ঞাধর প্রভৃতি নামগুলি অপেক্ষাকৃত আধুনিক বলিয়া বোধ হয়। স্মরণ্য ইঁহা অনুমান করা নিতান্ত অসম্ভব নহে যে, গরুড়ধ্বজের পরে তৎবংশের লোপ হওয়ায় এই রায়বংশীয় (বিখ্যাত গঙ্গাবংশীয় ?) রাজগণ সিংহাসনারোহণ করিয়াছিলেন। সপ্তত্রিংশরাজার নাম কালুভূঞা। ইঁনিই প্রথম কৈবর্ত রাজা। কেন না—ইঁহার পূর্বে

এরূপ একটাও অনার্য নাম কোন রাজার দেখিতে পাওয়া যায় না। বরং ইঁহার পরে ধান্ড ভূঞা, ভান্ডভূঞা প্রভৃতি নাম দৃষ্টিগোচর হয়। যাহা হউক, আর্যাবংশীয় রাজাদিগের লোপ হইলে সমুদ্র-গামী-জাতীয় লোকেরা ক্রমে আপনাদের প্রভুত্ব বৃদ্ধি করিয়া এই কালুভূঞাকে রাজা করেন। কালুভূঞা উড়িয়া হইতে আসেন এবং স্থায়ী সমভিব্যাহারে জাতি কুটুম্ব চারিশত ঘর আনিয়া তাঁহাদিগকে ভূম্যা দিয়া এখানে বাস করান। ইঁহাদের আচার, ব্যবহার ও ভাষার বিষয় পর্যালোচনা করিলে পূর্বে উড়িয়ার সহিত যে ইঁহাদের বিশেষ সংশ্রব ছিল, তাহার পরিচয় পাওয়া যায়। এখনও কতকগুলি উৎকল ভাষার ভাব (idiom) প্রচলিত আছে। ইঁহাদের পদবী দেখিলে ইঁহাদের পূর্বপুরুষগণ যে উৎকলবাসী ছিলেন, তাহার সাক্ষ্য প্রদান করে; যথা—মহাপাত্র, বিহারা বা বেরা, জানা, মাহাস্তি বা মাইতি, পটনাএক, সামন্ত, সাঁতরা ইত্যাদি। এসমস্তই উড়িয়া পদবী।”

কিন্তু ইঁহারই কিছু পরে শ্রীযুক্ত সুদর্শনচন্দ্র বিষ্ণায় ইঁহার প্রতিবাদ করিয়া লিখেন যে “রাজা ময়ূরধ্বজ হইতে সুধন্বা রায় পর্যন্ত যে ৩২জন রাজার নাম লিখিত হইয়াছে, তাঁহাদের প্রত্যেকের অব্যবহিত পিতা পুত্র সম্বন্ধ * * * এই বক্রিশজন রাজাই ময়ূরবংশীয়। ৩৩শ রাজা মৃগয়া দেই ময়ূরবংশের সর্বশেষ কণ্ঠ। ইঁনি সুধন্বা রায়ের ভগিনী। জমিনভঞ্জ রায়ের সহিত ইঁহার বিবাহ হয়। ইঁহারই গর্ভে ৩৪শ সংখ্যক রাজা রায় ভান্ডরায় জন্মগ্রহণ করেন। অতএব রাজ্য এখন ময়ূরবংশের দৌহিত্রবংশে গেল। নিম্নের বংশাবলী দৃষ্টে বর্তমান তমলুক রাজবংশধরগণ কোন বংশোদ্ভব প্রতীয়মান হইবে।” (২৪)

- (৩৩) রাণী মৃগয়া দেই।
- (কুণ্ডর জমিনভঞ্জ রায় স্বামী)
- (৩৪) রায় ভান্ডরায়।—ময়ূরবংশের দৌহিত্রবংশ।
- (৩৫) লক্ষ্মীনারায়ণ রায়।
- (৩৬) চন্দ্রা দেই। (নিঃশঙ্ক রায় স্বামী)
- (৩৭) কালুভূঞা রায়।—ত্রৈ প্রদৌহিত্রবংশ।

(২৪) নব্যভারত, সপ্তদশখণ্ড, চতুর্থ সংখ্যা দেখ।

- (৩৮) ধান্ডভূঞা রায়।
- (৩৯) মুরারিভূঞা রায়।
- (৪০) হরবাবভূঞা রায়।
- (৪১) ভান্ডভূঞা রায়।
- (৮১০ সালে পরলোক গত, অর্থাৎ ১৪০৩ খৃঃ অঃ)
- (৪২) ধিতাইভূঞা রায়।
- (৮৬১ সাল পর্যন্ত)
- (৪৩) জগন্নাথভূঞা রায়।
- (৯০১ সাল পর্যন্ত)
- (৪৪) যদুনাথভূঞা রায়।
- (৯৩৩ সাল পর্যন্ত)
- (৪৫) রামভূঞা রায়।
- (৯৭০ সাল পর্যন্ত)

ত্রৈলোক্য বাবুও তাঁহার প্রতিবাদকারী সুদর্শন বাবু ইঁহাদের দুই জনের মতামত ধীরভাবে আলোচনা করিয়া দেখিলে, ত্রৈলোক্য বাবুর কথাই (অর্থাৎ বর্তমান রাজা ও তাঁহার পূর্বপুরুষগণ যে কৈবর্ত সেই কথা) সত্য বলিয়া প্রতীয়মান হয়। আরও যখন দেখা যায় যে বিখ্যাত ঐতিহাসিক হন্টার সাহেবও বলেন যে ময়ূরবংশের লোপ হইলে কৈবর্তগণ এই স্থলে প্রধান হইয়া রাজ্য স্থাপন করেন, তখন ত্রৈলোক্য বাবুর কথা অবিশ্বাস করা যাইতে পারে না। আরও বর্তমান রাজা ও তাঁহার আত্মীয় কুটুম্বের আচার ব্যবহার কৈবর্তগণের অলুরূপ। হন্টার সাহেব লিখিয়াছেন :—

“The sea going castes asserted their supremacy, and on the extinction of the peacock dynasty placed a line of Kaibarttas on the throne.” (২৫)

এক্ষণে “Sea going caste” বলিতে হন্টার সাহেব যে কৈবর্তগণকে বুঝিতেছেন তাহা তাঁহার “Antiquities of Orissa” নামক পুস্তক পাঠে স্পষ্ট বুঝা যায়।

পরন্তু ইং ১৮৯১ সালের মেদিনীপুর জেলার Census Report পাঠে স্পষ্ট প্রতীয়মান হইবে যে ময়ূরবংশের লোপ হইলে কৈবর্তগণ প্রবল হইয়া এখানে রাজা হন,

(২৫) Vide Antiquities of Orissa by Sir W. W. Hunter L. L. D.; K. C. S. I. vol I, P. 310.

তঁাহাদেরই বংশধর বর্তমান রাজা । District Census Reportএ এইরূপ লিখিত আছে :—

27. The Kaibarttas are probably an offshoot of a race or tribe whose original seat was in the up country. They say that their ancestors lived on the banks of the Saraju or Gogri, in Oudh, and there is still a caste in that part of the country known by the name of Kanra, the descendants of those, whom their fore-fathers left behind them, when they migrated southwards. When the fore-fathers of the present Kaibarttas migrated from their original home on the bank of the Saraju, their route probably lay along the eastern limit of the tableland in central India, and tradition assigns their first appearance in the district of Midnapore to Sakabda 822. They were led by fine chiefs who established as many separate chieftaincies in the district :—

1. Tamralipta or Tamluk.
2. Balisita.

3. Turka.
4. Sujamutha.
5. Kutabpur. (২৬)

উপরের প্রমাণাদি দর্শনে বর্তমান রাজা ও তাঁহার পূর্বপুরুষেরা যে কৈবর্ত সে বিষয়ে কোন সন্দেহ থাকে না । এবং ইহা নিশ্চিত বোধ হয় যে ইঁহারা ময়ূরবংশোদ্ভব নহেন । ময়ূরবংশের লোপ পাইলে রায়-বংশীয় (বিখ্যাত গঙ্গাবংশীয় ?) রাজগণের এখানে রাজত্ব আরম্ভ হয় । ময়ূরবংশের লোপ হইবার অব্যবহিত পরেই কৈবর্তগণের রাজত্ব আরম্ভ হয় ইহা হুঁটার সাহেবের বিবরণ ও Census Report পাঠে অবগত হওয়া যায় । সুতরাং রায়বংশীয় রাজগণও কৈবর্ত ছিলেন বোধ হয় ।

পূর্বে পঞ্চ-চত্বারিংশৎ রাজা রামভূঞা রায়ের কথা বলা হইয়াছে । তাঁহার সময় হইতেই রাজ্যের অধোগতির সূত্রপাত হয় । রাম ভূঞা রায়ের জ্যেষ্ঠ পুত্রের অনেক-গুলি পুত্র ছিল । তাঁহারা সকলে মিলিয়া রাজ্যভাগ করিয়া লইয়া ছোট ছোট তালুকে পরিণত করিলেন । রাজ্যেরও অবনতি আরম্ভ হইল । নিম্নের বংশ তালিকা দৃষ্টে রাজ্য কি ভাবে ভাগ হইয়াছিল বুঝা যাইবে ।

(৪৫) রামভূঞা রায় ।
(৯৭০ সালে পরলোকগত)

(৪৬) শ্রীমন্ত রায় ।
(জমিদারীর ৫০ আনা অংশ প্রাপ্ত হন ।)

(৪৭) ত্রিলোচন রায় ।
(জমিদারীর ১০ আনা অংশ প্রাপ্ত হন ; নিঃসন্তান মৃত ।)

(৪৮) কেশব রায় । শ্যামচন্দ্র রায় । মনোহর রায় । (৪৯) হরি রায় । অনন্ত রায় । রূপ রায় । দুর্গাদাস রায় ।
(১০ অংশ ; মোগল বাদশাহকে কর দিতে অক্ষম হওয়ায় ১৬৪৫ খৃঃ অন্ধে পদচ্যুত হন ।) (১০ অংশ) (১০ অংশ) (১০ অংশ) (১০ অংশ) (১০ অংশ) (১০ অংশ)
কেশবের পর গম্ভীর রায় । রাজা হইয়া (১৬৫৪ খৃঃ অঃ পর্য্যন্ত রাজত্ব করেন ।)

প্রতাপনারায়ণ ।
(১৬৪৬ সালে নিঃসন্তান পরলোকগত ।)

(৫০) রামরায় ।
(১০/১০ অংশ)

(৫১) নরনারায়ণ ।
(১৭৩৭ খৃঃ অন্ধে সমস্ত জমিদারী প্রাপ্ত হন ।)

(৫১) নরনারায়ণ ।

(৫২) কৃপানারায়ণ জ্যেষ্ঠ ।
(ছোটরাণীর পুত্র, ১৭৫২ খৃঃ অন্ধে পরলোকগত ।)

(৫৩) কমলানারায়ণ কনিষ্ঠ ।
(বড় রাণীর পুত্র, কৃপানারায়ণের মৃত্যুর পর রাজা হন । ১৭৫৬ খৃঃ অন্ধ পর্য্যন্ত রাজত্ব করেন ।)

(৫৪) আনন্দনারায়ণ (পোষ্য)
(প্রথমে ১১/০ জমিদারী প্রাপ্ত হন ; ১৭৫৯ খৃঃ অন্ধে সমস্ত জমিদারীর মালিক হন ।)

রুদ্রনারায়ণ । (পোষ্য ।)
(১৮৬৭ খৃঃ অন্ধে মৃত)
(বড় রাণীর গৃহীত)

শ্রীনারায়ণ (পোষ্য)
(বড় রাণীর গৃহীত)

(৫৫) লক্ষ্মীনারায়ণ পোষ্য
(ছোট রাণীর গৃহীত,
১৮৫৫ খৃঃ অন্ধে মৃত ।)

মহেন্দ্রনারায়ণ (পোষ্য)
(বর্তমান ।)

উপেন্দ্রনারায়ণ ।
(১৮৬০ খৃঃ অন্ধে নিঃসন্তান মৃত ।)

(৫৬) নরেন্দ্রনারায়ণ ।
(১৮০৮ খৃঃ অন্ধে মৃত ।)
(৫৭) সুরেন্দ্রনারায়ণ (পোষ্য)
(বর্তমান ।)

অষ্ট-চত্বারিংশৎ রাজা কেশব রায় মোগল বাদসাহকে নিয়মমত কর দিতে পারিতেন না বলিয়া ১৬৪৫ খৃঃ অন্ধে রাজ্যচ্যুত হন ও তদীয় ভ্রাতা হরিরায় তৎপদে অভিষিক্ত হন । হরি রায় ১৬৫৪ খৃঃ অন্ধ পর্য্যন্ত রাজত্ব করেন । তাঁহার মৃত্যুর পর জমিদারী দুইভাগে বিভক্ত হয় । সাড়ে দশ আনা ভাগ তৎপুত্র আর সাড়ে পাঁচ আনা তাঁহার ভ্রাতৃপুত্র গম্ভীর রায় (মনোহর রায়ের পুত্র) প্রাপ্ত হন । অবশেষে ১৭৩৭ খৃঃ অন্ধে নরনারায়ণই সমস্ত জমিদারী প্রাপ্ত হন । ইঁহার দুই পুত্র ছিল । জ্যেষ্ঠ কৃপানারায়ণ রাজা হইয়া ১৭৫২ খৃঃ অন্ধে পরলোক গমন করিলে পর তদীয় কনিষ্ঠ ভ্রাতা কমলনারায়ণ রাজা হন । ইনি ১৭৫৬ খৃঃ অন্ধ পর্য্যন্ত রাজত্ব করেন । ইনি মোগল গবর্ণমেন্টকে যথারীতি কর দিতে অক্ষম হওয়ায় রাজ্যচ্যুত হন এবং খোজা মির্জা দেদার আলিবর্গ তৎপদে অধিষ্ঠিত হন ও নবাব উপাধি ধারণ করিয়া এক বৎসর মাত্র জমিদারী ভোগ করিয়া প্রাণত্যাগ করেন ।

বর্তমান রাজবাটীর পশ্চিম পার্শ্বে এখনও তাঁহার কবর দেখা যায় । প্রতি বৎসর মহরমের সময় স্থানীয় মুসলমানগণ তথায় তাজিয়া (গোঁয়ারা) লইয়া নানা প্রকার ক্রীড়া কৌতুক প্রদর্শন করে । পূর্বে অতি বৃষ্টি হইলে চতুঃপার্শ্বের পরগণা হইতে জল আসিয়া তমলুক ভাসাইয়া দিত ; তাহাতে বহু অনিষ্ট হইত । তজ্জন্ম নবাব সাহেব তমলুকের পশ্চিম সীমায় একটা প্রকাণ্ড বাঁধ প্রস্তুত করাইয়া দেন । অদ্যাপি সেই বাঁধ “খোজার বাঁধ” বলিয়া পরিচিত ।

ক্রমশঃ—

শ্রীযতীন্দ্রমোহন মিত্র ।



বিপন্ন।

(১)

ক্ষুদ্র এক বাধিয়া কুটার
জীবনের সৈকত বেলায়,
লতি সঙ্গ কোমল উন্মির,
ছিন্ন ব্যস্ত আপন খেলায়।

উষার সুরভি সমীরণ
সেধে এসে করিত সম্ভাষ,
প্রদোষের অরুণ কিরণ
জাগাইত নব নব আশ।

নিশীথের খচিত গগন
হাসিত রে মম গৃহোপরি,
দূরে থাকি পাপিয়া স্মরণ
বরষিত অমিয়-লহরী।

(২)

কোথা হ'তে জলদ ভীষণ
লইয়া বাটিকা-সহচরী
বেগে আসি দিল দরশন,
শান্তি গেল আর্তনাদ করি।

কোথা সেই অরুণ কিরণ,
কোথা আজি আশা জীবনের?
কোথা সেই খচিত গগন,
কোথা আজি সূধা বিহগের?

মোর সহ ক্ষুদ্র কুঁড়েখানি
ফেলে দিল তরঙ্গের কোলে,
কি প্রতাপ আজি সে উন্মির!
কি বিষম প্রাণ আজি দোলে!

শ্রীবিবেশ্বর ভট্টাচার্য।

মল-বিশোধনী-পুষ্করিণী।

(SEPTIC TANK).

সংপ্রতি পাশ্চাত্য বৈজ্ঞানিকগণ বিষ্ঠা ও মূত্র বিশোধন করিবার জন্ত একপ্রকার যন্ত্র-গৃহ নির্মাণ কবিয়াছেন। ঐ যন্ত্র-গৃহের নাম মল-বিশোধনী-পুষ্করিণী। “অপারঃ শত ধোতেন মলিনত্বং ন মুঞ্চতি” এই বচন স্মরণ করিয়া কেহ কেহ মনে করিতে পারেন বিষ্ঠা কখনও বিশোধিত হইতে পারে না। কিন্তু আপাততঃ যাহা অসাধ্য বলিয়া বোধ হয় বিজ্ঞান তাহাও সাধন করিতে পারে। কলিকাতার সান্নিধ্যে ভাগীরথীর উভয় তীরে পাটের কল, কাগজের কল, অস্থির কল প্রভৃতি অনেক কল কারখানা আছে। ঐ সকল কলে প্রতিদিন বহু সহস্র শ্রম-জীবী কার্য্য করে। তত্রত্য মিউনিসিপালিটি ঐ সকল লোকের বিষ্ঠা ও মূত্র নিকাশের সুবন্দোবস্ত করিয়া উঠিতে পারেন না। তজ্জন্ত গত দুই তিন বৎসর গবর্ণ-মেণ্ট ও কলের কর্তৃপক্ষগণ অত্যন্ত উদ্বিগ্নের সহিত উক্ত বিষয়ে চিন্তা করিয়া আসিতেছেন। ১৯০৩ খৃষ্টাব্দের মে মাসে বঙ্গের লেপটনাণ্টগবর্ণর মজফরপুর মিউনিসিপালিটিকে একটি মল-বিশোধনী-পুষ্করিণী নির্মাণের অনুমতি প্রদান করেন। তাহার কিঞ্চিৎ পূর্ব হইতেই কলিকাতা ও নৈহাটী এতদুভয়ের মধ্যে ভাগীরথীর উভয় তীরে অনেক মল-বিশোধনী-পুষ্করিণী নির্মিত হইয়াছে। ঐ সকল পুষ্করিণীতে বিষ্ঠা ও মূত্র সুসংস্কৃত হইয়া বিশুদ্ধ জলে পরিণত হয়, এবং সেই জল পয়ঃ-প্রণালী দ্বারা ভাগীরথীতে নিক্ষিপ্ত হইয়া থাকে। ১৯০৪ খৃষ্টাব্দের জানুয়ারী মাসে শ্রীরামপুর মিউনিসিপালিটির অন্তর্গত রিষড়া প্রভৃতি স্থানের অধিবাসিগণ আবেদন করেন—মল-বিশোধনী-পুষ্করিণীর জল ভাগীরথীতে পড়িতে দেওয়া বিধেয় নহে। তদনুসারে লেপটনাণ্ট গবর্ণর মল-বিশোধনী-পুষ্করিণীর জল ভাগীরথীতে পড়িতে দেওয়া উচিত কি না—তৎসম্বন্ধে সেনিটারী বোর্ডের মত জিজ্ঞাসা করেন। উক্ত বোর্ড সহসা কোন মন্তব্য প্রকাশ না করিয়া গবর্ণমেণ্টকে কতিপয় প্রশ্নের সহুত্তর নির্দারণ

করিবার জন্ত লেপটনাণ্ট গবর্ণর গত ২০শে এপ্রিল তারিখে একটি বিশেষ কমিটি নিযুক্ত করেন। কমিটির সভ্যগণের নাম, যথা—

মিঃ ব্রাউন (Colonel S. H. Browne, C. I. E. Inspector-General of Civil Hospitals)।

মাননীয় হর্ন (Honble Mr. D. B. Horn-Secretary to the Govt. Of Bengal, Public Works Department)।

মেজর ক্লার্কসন (Major F. C. Clarkson, I. M. S. Sanitary Cammissioner, Bengal)।

মাননীয় শিরীষ (Honble Mr. L. P. Shirres, I. C. S., Secretary to the Govt. of Bengal, Municipal Department)।

উক্ত কমিটি উপস্থিত বিষয়ের সিদ্ধান্তের জন্ত বঙ্গের অনেক ব্যক্তির সাক্ষ্য গ্রহণ করিয়াছেন। রাজা প্যারী-মোহন মুখোপাধ্যায়, বিচারপতি ডাক্তার আশুতোষ মুখোপাধ্যায়, বাবু নরেন্দ্রনাথ সেন, মাননীয় সেরিফ নলিন বিহারী সরকার প্রভৃতি সাক্ষ্য দিয়াছেন। গত ১৮ই আগষ্ট তারিখে পাঁচ জন পণ্ডিতের সাক্ষ্য গৃহীত হয়। পণ্ডিতগণের নাম, যথা—

কলিকাতার

মহামহোপাধ্যায় চন্দ্রকান্ত তর্কালঙ্কার।

পণ্ডিত কালী প্রসন্ন বিচারদ্বয় এম্ এ।

পণ্ডিত সতীশচন্দ্র বিদ্যাভূষণ এম্ এ।

নবদ্বীপের—

পণ্ডিত রজনীকান্ত বিচারদ্বয়।

মহামহোপাধ্যায় রাজকৃষ্ণ তর্কপঞ্চানন।

উল্লিখিত পণ্ডিতগণের মিকট কমিটি যে সকল প্রশ্ন জিজ্ঞাসা করিয়া ছিলেন এবং উঁহারা যে উত্তর দিয়া ছিলেন, তাহার সংক্ষিপ্ত মর্ম্ম নিম্নে লিখিত হইলঃ—

কমিটি—মল বিশোধনী পুষ্করিণীর জল গঙ্গায় নিক্ষেপ করা যায় কি না?

পণ্ডিতগণ—না।

কমিটি—কি দোষ হয়?

পণ্ডিতগণ—অমেধ্যসংস্পৃষ্ট জলদ্বারা স্নান, পান, রন্ধন, স্ক্রাব ইত্যাদি করা যায় না।

কমিটি—গঙ্গা কি কখনও অপবিত্র হইতে পারেন?

পণ্ডিতগণ—গঙ্গা দ্বিবিধা—দেবতারূপিনী ও জল-রূপিনী। দেবতাস্থিত গঙ্গা কখনই অপবিত্র হন না, কিন্তু গঙ্গার জল অপবিত্র হইতে পারে।

কমিটি—দেবতাস্থিত গঙ্গা অপবিত্র না হইলেই ত ধর্ম্ম রক্ষা পাইল। জল যাহাতে অবিশুদ্ধ ও অব্যবহার্য্য না হয় তাহা অবশ্য আমরা দেখিব।

কমিটি—গঙ্গায় শবদাহ ও অস্থি বিসর্জন করা হয় কি না?

পণ্ডিতগণ—হয়।

কমিটি—যদি তাহাতে গঙ্গার জল নষ্ট না হয়, তাহা হইলে মল-বিশোধনী-পুষ্করিণীর জলের সহ সংযোগেই বা উহা কিরূপে নষ্ট হইবে?

পণ্ডিতগণ—পূর্বোক্তটা শাস্ত্রের বিধি আছে, কিন্তু শেষোক্তটা শাস্ত্রের বিধি নাই।

কমিটি—অমেধ্য জলে স্ক্রাব করিলে কি তাহা নিষ্ফল হয়?

পণ্ডিতগণ—হাঁ।

কমিটি—গঙ্গাতীরে স্ক্রাব করিবার সময়ে আপনারা কি গঙ্গার জল পরীক্ষা করিয়া থাকেন?

পণ্ডিতগণ—না। অজ্ঞানপূর্বক অর্থাৎ না জানিয়া অমেধ্য জলে স্ক্রাব করিলে উহা নিষ্ফল হয় না।

কমিটি—আপনাদের শাস্ত্রে আছে—“নদী বেগেন শুধ্যতি।” গঙ্গায় বেশ স্রোতঃ আছে। স্রুতরাং গঙ্গার জল ত স্বয়ংই শুদ্ধ হয়।


পণ্ডিতগণ—কঠিন অমেধ্য-বস্তু স্রোতস্বতী নদীতে নিক্ষিপ্ত হইলে উহার জল নষ্ট হয় না। কিন্তু তরল অমেধ্য-বস্তু নদীতে নিক্ষিপ্ত হইলে উহা জলকে দূষিত করে।

এইরূপ কতিপয় প্রশ্ন জিজ্ঞাসা করিবার পর কমিটি পণ্ডিত মহাশয়গণকে পাথেয় প্রদান করতঃ উঁহাদিগকে বিদায় দিলেন। বিদায়কালে কমিটি পণ্ডিত মহাশয়গণকে বলেন—“যদি মল-বিশোধনী-পুষ্করিণী সম্বন্ধে আপনাদের অপর কোন মন্তব্য থাকে প্রকাশ করুন।” তদনুসারে পণ্ডিত সতীশচন্দ্র বিদ্যাভূষণ মহাশয় মল-বিশোধনী-পুষ্করিণী সম্বন্ধে স্বরচিত একটি ইংরেজী প্রবন্ধ কমিটির হস্তে

অর্পণ করেন। কমিটি বিশেষ প্রণিধানপূর্বক উক্ত প্রবন্ধ পাঠ করেন ও পরস্পর বলেন—

“That's very good; he has studied the subject very carefully.”

বিদ্যাভূষণ মহাশয় কলিকাতা ও নৈহাটীর মধ্যে কতিপয় কলে মল-বিশোধন-প্রণালী স্বয়ং প্রত্যক্ষ করিয়া আসিয়াছিলেন। তিনি বেদ, প্রাচীন স্মৃতি, পুরাণ, তন্ত্র, নব্যস্মৃতি, বৌদ্ধ পিটক ইত্যাদি হইতে প্রমাণ সংগ্রহ করিয়া দেখাইয়াছেন মল-বিশোধন-পুষ্করিণীর জল নদীতে নিক্ষেপ করিলে লোকের মর্মান্বহানি ও স্বাস্থ্যভঙ্গ হইবে। তিনি হিন্দু দর্শনের মত উক্ত করিয়া দেখাইয়াছেন মল-বিশোধন-পুষ্করিণীর জলে কঠিন দ্রব্য অর্থাৎ পার্শ্বিক পরমাণু বহুল পরিমাণে বিদ্যমান থাকায় উহা স্নান ও পানের সম্পূর্ণ অযোগ্য। তাঁহার মতে মল বিশোধনী জল ভূমিতে নিক্ষেপ করা উচিত। ইহাতে জলীয় বিষ্ঠা শীঘ্রই বিলিষ্ট হইয়া ক্ষিত্যাদি ভূতে মিশিয়া যাইবে। ভূমি ও বিশেষ উর্বরা হইবে। বিদ্যাভূষণ মহাশয়ের মতে মফস্বল মিউনিসিপালিটিতে মল-বিশোধন-পুষ্করিণী প্রবর্তিত করিবার প্রয়োজন নাই। তিনি বলেন মফস্বল মিউনিসিপালিটির অধীনে প্রচুর ভূমি থাকা প্রয়োজন। বিষ্ঠাদি সার প্রদান করিয়া ঐ ভূমি হইতে নানাপ্রকার ফলমূল উৎপাদন করা যাইতে পারে। উহা মিউনিসিপালিটির একটি আয়ের উপায় হইবে। মিউনিসিপালিটি এইরূপে কৃষির উন্নতির জন্ত চেষ্টা করিলে দেশের প্রভূত মঙ্গল হইবে।



রায় শর চন্দ্র দাস বাহাদুর সি, আই, ই।

“Serat chandra hardy son
Of soft Bengal, whose wonderous store
Of Buddhist and Tebetan lore
A place in fame's bright page has won,
Friend of the Tashu Lama's line,
Whose eyes have seen, the gleaming shrine
Of holy Lassa, came to show
The wonders of the land of snow.”

—A lay of Lachen.

কলম্যান মেকলে শরচন্দ্রকে ‘hardy son of soft Bengal’ বলিয়াছেন, প্রকৃতই শরচন্দ্রের শ্রায় সহিষ্ণুতা, উৎসাহ, অধ্যবসায় ও পর্যটন-পিপাসা বাঙ্গালীর মধ্যে কেন ভারতবাসীর মধ্যেও বিরল। তিনি উচ্চ হিন্দুকুলে জন্মিয়া, বাঙ্গালীসুলভ কোমল দেহ ধারণ করিয়া, কিরূপে হিমালয়ের ভীষণ তুষারচ্ছন্ন বক্ষ অতিক্রম করিয়া দেবভূমি ‘লাসায়’ উপস্থিত হইয়াছিলেন তাহা শুনিলে হৃদয় হর্ষ ও বিস্ময়ে যুগপৎ উৎফুল্ল হইয়া উঠে। যে ‘লাসা’ জনসাধারণের ভক্তির ও কল্পনার বস্তু ছিল, উদাসীনের প্রবল তীর্থদর্শনলালাসা, পর্যটকের দারুণ আবিষ্করণ ঈশ্বাও বাহার নামে ভীত ও সঙ্কুচিত হইত; ইংরাজ মিসনারী-গণের সর্বত্রগামী ভীতিময় কলুষিত পদও যাহার পবিত্র মৃত্তিকা স্পর্শ করিতে সাহসী হয় নাই, সেই দুর্গম, অজ্ঞাত তুষার-ধবলিত, স্বর্ণ-কিরীটিনী লাসায় ভারতবাসী শরচন্দ্রই প্রথমে প্রবেশ লাভ করেন। তাঁহার প্রত্যাগমন হইতেই ‘লাসায়’ কাহিনী ভারতবাসীর ও ইংরাজ গভর্নমেন্টের শ্রবণগোচর হইয়াছে। শরচন্দ্র দেবভূমি (লাসা) হইতে রিক্ত হস্তে ফিরেন নাই, তিনি বহুকাল লুপ্ত পুরাতন দুইশত সংস্কৃত ও তিব্বতীয় পুস্তক তথা হইতে এদেশে আনয়ন করিয়াছেন। তিনি তাঁহার স্বদেশবাসীর হস্তে যে অমূল্য রত্নাবলী দান করিয়াছেন তাহা চিরদিন তাঁহার নাম অক্ষয় করিয়া রাখিবে।

পাশ্চাত্য পর্যটকবৃন্দ অজ্ঞাত দেশে উপস্থিত হইয়া তথাকার, আচার-ব্যবহার ও রাজনীতি পর্যবেক্ষণ করিয়া লিপিবদ্ধ করেন; সেখানে কোনরূপ মিশন পাঠাইতে পারা যায় কিনা তাহাও অনুধাবন করেন এবং প্রত্যা-বর্তনের সময় বন্ধু বান্ধবদির জন্ত তথাকার পুস্তকপত্রাদি লইয়া আসেন। শরচন্দ্র তাঁহাদের শ্রায় সমস্ত জ্ঞাতব্য বিষয় লিপিবদ্ধ করিয়াছেন, দ্রষ্টব্য স্থানের প্রতি-কৃতি লইয়াছেন, অধিকন্তু তথাকার সর্বশ্রেষ্ঠ রত্নরাজি পুস্তকাবলী সঙ্গে লইয়া আসিয়াছেন। তিনি ‘লাসায়’ সর্বপ্রথম পর্যটক বলিয়া সত্য জগতে বিখ্যাত হইয়াছেন ইহাতে ভারতবাসী মাত্রেই সুখী; কিন্তু লুপ্ত ও অপ্রকাশিত মহামূল্য গ্রন্থরাশি আনয়নের জন্তই তাঁহার শরচন্দ্রের নিকট চিরকৃতজ্ঞ। আমরা অল্প উক্ত মহাত্মার সংক্ষিপ্ত জীবনী প্রদীপের পাঠক পাঠিকাবৃন্দকে উপহার দিতেছি।

১৮৪৯ খৃষ্টাব্দে প্রকৃতির প্রিয় রত্নভূমি চট্টগ্রামের অন্তঃপাতী চক্রশালার আলমপুর নামক গ্রামে বৈষ্ণবংশে শরচন্দ্র জন্মগ্রহণ করেন। তাঁহার পিতা ধনী ছিলেন না সত্য, কিন্তু গ্রামে বিশেষ সম্ভ্রান্ত ছিলেন। শরচন্দ্রের চারি সহোদর, তন্মধ্যে জ্যেষ্ঠ ও কনিষ্ঠ অল্পদিন ইহলোক ত্যাগ করিয়াছেন। শরচন্দ্র পিতার মধ্যম পুত্র, ইহার তৃতীয় সহোদর শ্রীযুক্ত নবীনচন্দ্র দাস এম, এ, এফগে রাজকার্যে নিযুক্ত আছেন। রঘুবংশের পদ্যবঙ্গানুবাদ প্রকাশ করিয়া তিনিও যশস্বী ও বঙ্গসাহিত্যে পরিচিত হইয়াছেন।

কবি Wordsworth বলিয়াছেন:—“The child is the father of the man” আমাদেরও একটা কথা আছে “উঠতি মূল পত্তনে চেনা যায়” শরচন্দ্রে শিশুকাল হইতেই ভাবী মহত্ত্বের চিহ্ন দেখা দিয়াছিল। চট্টগ্রামের সর্বোচ্চ পর্বতশিখর গুলিই শরচন্দ্রের প্রিয়স্থান ছিল। যে শিখরে কেহ কখনো উঠিত না কিম্বা উঠিতে সাহস করিত না তাহাতে উঠিতেই শরচন্দ্রের অধিক আগ্রহ প্রকাশ পাইত। সহজ সাধ্য কার্য তাঁহার ভাল লাগিত না; যাহা দুষ্কর যাহা কষ্টসাধ্য তাহাই তাঁহার প্রিয় তাহাই তাঁহার ভক্তির দ্রব্য ছিল। ক্ষুদ্র দুর্বল মৎস্য জল স্রোতে দেহ ভাসাইয়া দেয়, কিন্তু বৃহৎ মৎস্য স্রোতের বিপরীত দিকে উঠিতে ভালবাসে, লহরীর বেগ সহ

করিতেই তাহার ভাল লাগে, মনুষ্যের পক্ষেও ঠিক তাহাই; দুর্বল, চরিত্রবল-বিহীন, ব্যক্তি বাধা সহিতে অক্ষম; বিয়ের মূর্তি দেখিলেই সে অবসন্ন হয়; কিন্তু উত্তম ব্যক্তি শত বাধা বিঘ্ন অতিক্রম করিয়া চলিতেই ভাল বাসেন। বিপদের সহিত সংগ্রামই তাঁহার জীবনের বৈচিত্র্য তাঁহার জীবনের সৌন্দর্য। শরচন্দ্রের এ গুণ শিশুকাল হইতেই ছিল। বাল্য কালের তাঁহার দু'একটা কার্য দেখিয়া একজন ইংরাজ তাঁহার পিতাকে বলিয়াছিলেন “আপনার এ পুত্র কালে একজন মহৎ ব্যক্তি হইবে।” বিদেশীর এ কথা নিষ্ফল হয় নাই।

শরচন্দ্র প্রথমে গ্রামস্থ পাঠশালায় বাঙ্গলা-ভাষা অধ্যয়ন করেন পরে চট্টগ্রামে ইংরাজ স্কুলে ভর্তি হন। তিনি ছাত্র জীবনে অতিশয় মনোযোগী ও মেধাবী বলিয়া সকল শিক্ষকেরই প্রিয় ছিলেন। চট্টগ্রাম হইতে এন্ট্রাস পাস করিয়া তিনি কলিকাতায় প্রেসিডেন্সি কলেজে এফ-এ পড়িতে আরম্ভ করেন। এফ-এ পাস করিয়া, উক্ত কলেজের ইঞ্জিনিয়ারীং বিভাগে ভর্তি হন। যখন তিনি ইঞ্জিনিয়ারীং বিভাগের সর্বোচ্চ শ্রেণীতে অধ্যয়ন করিতেছেন সেই সময়ে পীড়া হইয়া তাঁহার শরীর অতি দুর্বল ও শীর্ণ হইয়া পড়ে। ডাক্তারের উপদেশানুযায়ী তিনি বায়ু পরিবর্তনের জন্ত দার্জিলিং যাইতে বাধ্য হন। তথায় অবস্থিতি কালে ১৮৭৪ খৃঃ অর্ধে তিনি C. B. Clarke সাহেবের আজ্ঞা অনুসারে নবস্থাপিত ‘ভুটিয়া বোর্ডিং স্কুলের’ প্রধান শিক্ষক নিযুক্ত হন। ভূতপূর্ব ডিরেক্টর জেফট সাহেব শরচন্দ্রকে অতিশয় স্নেহ করিতেন, তিনিও উক্ত কার্য গ্রহণ করিবার জন্ত শরচন্দ্রকে অনুরোধ করিলেন।

কার্য-গ্রহণ করিয়া শরচন্দ্র ‘ভুটিয়া স্কুলের’ তিব্বতীয় ভাষা শিক্ষক লামা ‘উগেন গিয়াংসু’র নিকট উক্ত ভাষা শিক্ষা করিতে লাগিলেন। তাঁহার মন নূতন পথে ধাবিত হইল, বৌদ্ধধর্মপুস্তক পড়িতে পড়িতে, তাঁহার হৃদয় লামার ও টাসিলাম্পোর মঠ ও পুস্তকালয় দেখিবার জন্ত উন্মত্ত হইয়া উঠিল। শরচন্দ্র তিব্বতীয় ভাষায় কথা-বার্তা কহিবার জন্ত সিকিমবাসী ছাত্রগণের সহিত বিশেষ-ভাবে মিশিতে আরম্ভ করিলেন। লাসাদর্শনই তাঁহার জীবনের উদ্দেশ্য হইয়া দাঁড়াইল।

শরচ্চন্দ্র ছাত্রজীবন হইতেই হিমালয়ের কথা শুনিতে, —হিমালয় সম্বন্ধীয় পুস্তক পাঠ করিতে বড় ভাল বাসিতেন। হিমালয় চিরকালই আমাদের ভালবাসার ও কল্পনার বস্তু। তাহার সহিত আমাদের কত সত্য, কত অসত্য, কত ভয়ঙ্কর, কত মনোরম কাহিনী জড়িত আছে তাহার ইয়ত্তা নাই। হিমালয়েই আমাদের স্বর্গ, হিমালয়েই অম্বর কিন্নরের বাস, হিমালয়ের মধ্যেই নীলোৎপল-প্রসবি-মানস-সরোবর এবং ইহার নিকটেই কালিদাসের কল্পনাপুরী অলকা। হিমালয়ের নাম করিলেই আমাদের সেই পার্বতী, সেই মেনকা, সেই সমুদয় আগ-মনী-চিত্র মানস নয়নে ভাসিয়া উঠে। হিন্দু শরচ্চন্দ্রের মনে যে অল্প বয়সেই হিমালয় দর্শন ইচ্ছা জন্মিবে তাহাতে আর আশ্চর্য্য কি? দার্জিলিংএ হিমালয়ের শান্তগভীর মূর্ত্তি দেখিয়া শরচ্চন্দ্রের হৃদয় নাচিয়া উঠিল, তাহার গুপ্ত কক্ষে কি রত্ন আছে দেখিবার জন্ত মন ব্যগ্র হইয়া উঠিল। তিনি কেবল উপযুক্ত অবসর খুঁজিতে লাগিলেন।

১৮৭৮ খৃঃ অব্দে লামা উগেন গিয়াংসু যখন টাসি-লাম্পো মঠে গমন করেন তখন শরচ্চন্দ্র বলিলেন “আপনি যদি অনুগ্রহ পূর্ব্বক টাসিলাম্পোর মন্ত্রী মহোদয়ের নিকট হইতে আমার প্রবেশাভুমতি আনিতে পারেন তাহা হইলে একবার আমি পবিত্র মঠে যাইয়া কিছুদিন অবস্থিতি করি এবং পূত টাসিলাম্পো দেখিয়া জীবন সার্থক করিতে পারি।” যথা সময়ে লামা ফিরিয়া আসিলেন, এবং সেই সঙ্গে মন্ত্রী মহোদয়ের নিকট হইতে অনুমতিপত্র ও নিমন্ত্রণলিপি শরচ্চন্দ্রের জন্ত আনয়ন করিলেন। মন্ত্রী মহোদয় লিখিত পবিত্র ভারতভূমির অধিবাসীর প্রার্থনা অনুমোদন করিয়াছেন এবং পাছে তথাকার লোকে কোনরূপ সন্দেহ করে সেই জন্ত শরচ্চন্দ্রের নাম টাসিলাম্পোর মঠের ছাত্রগণের তালিকাভুক্ত করিয়া রাখিয়াছেন, লামা শরচ্চন্দ্রকে তাহাও জানাইলেন।

১৯৭৯ খৃষ্টাব্দে জুন মাসে শরচ্চন্দ্র উগেন গিয়াংসুর সহিত টাসিলাম্পো যাত্রা করিলেন, সঙ্গে রহিল তাঁহার প্রিয় ভৃত্য ফুরচুং। অত্যুচ্চ পর্ব্বতশিখর, রজতশুভ্র উপত্যকা ভূমি, এবং মনোহর নির্ঝরমালা দেখিতে দেখিতে, স্থল কমলিনী ও উইলোর দল মথিত করিয়া তাঁহারা চলিতে

লাগিলেন। ভীষণ তুষারাবলীর মধ্যদিয়া যাইতে যাইতে শীতে তাঁহার হস্তস্থিত লাগাম খসিয়া পড়িতে লাগিল তথাপি ক্রক্ষেপ নাই শরচ্চন্দ্র চলিয়াছেন। পদে পদে বিপদরাশি অগ্রাহ করিয়া তিনি পুণ্যক্ষেত্র টাসিলাম্পোতে পহুছিলেন। শরচ্চন্দ্র পূর্ব্ব হইতেই তীব্রতীয় ভাষায় কথাবার্ত্তা কহিতে শিখিয়াছিলেন এবং নানা ধর্ম্ম-শাস্ত্র অধ্যয়ন করিয়াছিলেন কাজেই তাঁহাকে মন্ত্রী মহোদয়ের সহিত মিশিতে কোন কষ্ট পাইতে হইল না। মন্ত্রী শরচ্চন্দ্রের অগাধ জ্ঞান, অমায়িকতা ও স্মৃষ্টিলাপে বিশেষ প্রীত হইলেন। তাঁহার মুখে পাশ্চাত্য সভ্যতার কথা শুনিয়া বিমোহিত হইলেন। কিসে শরচ্চন্দ্রের সুখশাস্তি বিধান করিবেন, কিসে তাঁহাকে অধিক দিন তথায় রাখিতে পারিবেন তাহারি চেষ্টা করিতে লাগিলেন।

শরচ্চন্দ্র তাঁহার গৃহে থাকিয়া অধ্যয়ন করিতে এবং প্রতিদিন কাঞ্চনজঙ্ঘার উত্তর ও উত্তরপূর্ব্ব প্রদেশের সমুদয় গ্রাম পরিদর্শন করিতে আরম্ভ করিলেন। কত অজ্ঞাত অপরিচিত সুন্দর সুন্দর গ্রাম তাঁহার নয়ন-গোচর হইল। শরচ্চন্দ্রের চিরবাঞ্ছা পূর্ণ হইল। কিন্তু তিনি সেখানে অধিক দিন থাকিতে পাইলেন না। বিশেষ কার্য্যবশতঃ তাঁহাকে দার্জিলিং ফিরিতে হইল। ছয়মাস পরে শরচ্চন্দ্র দার্জিলিংএ ফিরিলেন কিন্তু তাঁহার পর্য্যটন পিপাসা বিন্দুমাত্রও উপশমিত হইল না।

১৮৮১ খৃষ্টাব্দের নভেম্বর মাসে টাসিলাম্পোর মন্ত্রীর নিমন্ত্রণ অনুযায়ী শরচ্চন্দ্র পুনরায় তথায় যাত্রা করিলেন, তিনি একবৎসরমাত্র দার্জিলিংএ ছিলেন। এই সময়ে তিনি তিব্বতীয় ভাষার আরও নানাবিধ পুস্তক অধ্যয়ন করিয়া ছিলেন। এবার তাঁহার যাত্রার প্রধান উদ্দেশ্য লাসা দর্শন। পূর্ব্বের তায় এবারও তাঁহার সঙ্গে লামা উগেন গিয়াংসু ও ফুরচুং চলিলেন। কিন্তু টাসিলাম্পোতে পৌঁছিয়াই শরচ্চন্দ্র লাসা যাত্রার জন্ত আয়োজন করিতে লাগিলেন। উগেন গিয়াংসু অনেক নিষেধ করিলেন কিন্তু এবার শরচ্চন্দ্র কোন কথাতেই কর্ণপাত করিলেন না; লাসা দর্শন করিবার জন্ত দৃঢ়প্রতিজ্ঞ হইলেন। লামা ও ফুরচুং ফিরিয়া আসিলেন শরচ্চন্দ্র তাঁহাদিগকে নয়নজলে বিদায় দিলেন। মন্ত্রীমহোদয় তাঁহাকে কোন

পরিচিত লোকের সহিত লাসা পাঠাইয়া দিতে প্রতিশ্রুত রহিলেন।

যথা সময়ে শরচ্চন্দ্র কয়েকজন যাত্রীর সহিত লাসা অভিমুখে রওনা হইলেন। শীত ভীষণ হইতে ভীষণতর হইতে লাগিল, পথ দুর্গম হইতে অতিদুর্গম হইতে লাগিল তথাপি শরচ্চন্দ্র অটল, পথে কাশি ও প্রবল জ্বরে শরচ্চন্দ্র আক্রান্ত হইলেন তবু তিনি ফিরিতে অসম্মত—“যদি জীবন যায় এই পবিত্র হিমালয় বক্ষেই যাইবে তথাপি ফিরিব না” ইহাই তাঁহার দৃঢ় সংকল্প। ক্রমে ক্রমে পীড়া আরোগ্য হইল শরচ্চন্দ্র আবার চলিতে লাগিলেন, পথে লোকচক্ষুর অন্তরালস্থিত কত গ্রাম, কত নগর, কত নদী তাঁহার নয়নপথে পড়িতে লাগিল। এই সময়েই তিনি সুপ্রসিদ্ধ পলটী হ্রদ (Lake Palti) দেখিতে পাইলেন। তাঁহার পূর্ব্বে এ হ্রদ আর কোন পর্য্যটকের নয়নগোচর হয় নাই। তিনি ক্রফ্ট সাহেবের বন্ধুত্ব স্মরণ করিয়া এ হ্রদটির নাম ‘Croft Yamdo’ (Yamdo অর্থে হ্রদ) দিয়াছেন।

উক্ত হ্রদের নিকট দুইদিন থাকিয়া শরচ্চন্দ্র পুনরায় পর্য্যটন আরম্ভ করিলেন, ডংচি, গিয়াংসি প্রভৃতি বৃহৎ বৃহৎ নগর অতিক্রম করিয়া তিনি অবশেষে লাসার নিকট-বর্ত্তী হইলেন। কবি বলিয়াছেন “ক্লেশঃ ফলেন হি পুনঃ নবতাং বিধত্তে”। দূর হইতে লাসার মন্দিররাজির ও মঠের চূড়া দেখিয়া তাঁহার হৃদয় পুলকে ভরিয়া উঠিল, তাঁহার চিরদিনের বাঞ্ছিতকে আজ চক্ষুর সম্মুখে পাইয়া তাহার দারুণ পথশ্রম অন্তর্হিত হইল। তিনি লাসায় পৌঁছিলেন।

ডালাই লামা ও তত্রত্য জনসাধারণ তাঁহাকে যথেষ্ট অভ্যর্থনা করিলেন। শরচ্চন্দ্র দুইমাসকাল লাসায় থাকিয়া তথাকার দর্শনীয় বস্তু দেখিয়া ও আচার ব্যবহার প্রভৃতি জ্ঞাতব্য বিষয় লিপিবদ্ধ করিয়া ভারতভূমিতে প্রত্যাবর্তন করিলেন। টাসিলাম্পো হইতে যাত্রাকালে তিনি এক ‘Lacham’ লাচাম (ভদ্রমহিলার) সঙ্গ পাইয়া ছিলেন। উক্ত লাচাম শরচ্চন্দ্রকে যেরূপ যত্ন ও সাহায্য করিয়াছিলেন তাহা প্রকৃতই তাঁহার মহত্বব্যঞ্জক। শরচ্চন্দ্র এখনও বলেন ‘সেই পুণ্যাত্মা ভদ্রমহিলার রূপাতেই আমার লাসা দর্শন হইয়াছে।’

শরচ্চন্দ্র ভৌগলিক ও রাজকীয় নানা তথ্য লইয়া দার্জিলিংএ ফিরিলেন। ভারতগভর্নমেন্ট তাঁহার ভ্রমণ বৃত্তান্ত কিছু দিন গোপন করিয়া রাখেন। পরে ১৮৯০ খৃষ্টাব্দে উহা সাধারণে প্রকাশিত হয়। Contemporay Review ও Nineteenth Century পত্রিকায় পরে উহার কিয়দংশ প্রকাশিত হইয়াছিল। এক্ষণে Royal Geographical Society হইতে Rockhill সাহেব উহা পুস্তকাকারে প্রকাশিত করিয়াছেন। পাশ্চাত্য সমাজে পুস্তকখানি বিশেষ আদরণীয় হইয়াছে। কিন্তু শরচ্চন্দ্র উহার মূল্য স্বরূপ কেবলমাত্র ১৫০০ টাকা পাইয়াছেন।

১৮৮৪ খৃষ্টাব্দে শরচ্চন্দ্র মাননীয় কলম্যান মেকলেকে ‘লাচান উপত্যকা’ লইয়া যান এবং পরে State Secretaryর আজ্ঞানুযায়ী ১৮৮৫ খৃষ্টাব্দে তিব্বতের শাসন প্রণালী অবগত হইবার জন্ত ‘পিকিন’ যাত্রা করেন। শরচ্চন্দ্র বিদেশে প্রায়ই লামার সাজে থাকিতেন, সেখানে সকলে তাঁহাকে “Kache Lama” বলিয়া সম্বোধন করিত। পিকিনে শরচ্চন্দ্র সমস্ত লামাগণের প্রিয় হইয়া উঠেন, পিকিনস্থ যাবতীয় সম্ভ্রান্ত লোক তাঁহাকে আদরে আহ্বান করিয়াছিলেন। এই সময়ে প্রাতঃস্মরণীয় চীন মন্ত্রী লিহাং চাং মহোদয়ের সহিতও তাঁহার আলাপ হয়।

পিকিন হইতে প্রত্যাবর্তনের পর শরচ্চন্দ্রকে গভর্ন-মেন্ট রায় বাহাদুর ও সি, আই, ই উপাধিদানে সম্মানিত করিলেন। তাঁহার পর্য্যটনবৃত্তান্ত অবগত হইয়া সুদূর প্রতীচ্য ভূমি হইতে Royal Society তাঁহাকে ভৌগলিক আবিষ্কারের জন্ত “Back Primium” উপহার দিলেন। শরচ্চন্দ্র সম্বন্ধে London Times লিখিয়াছেন।

The Pandit Sarat Chandra Das has made two eminently successful journeys into Tibet. On the last occasion in 1882 the learned Pandit worked himself into the good graces of the most important personages in Tibet and was admitted to the audience of Dalai Lama himself. The Pandit's narrative is written in a simple, natural and graphic style more like that of Defoe than of our contemporary Literateurs. Sarat Chandra was welcomed everywhere as a

pilgrim from India and was worshipped for his Buddhist learning.”

১৮৮৫ খৃষ্টাব্দে লাসায় একটি মিশন পাঠাইবার কথা হইয়াছিল যদি তাহা কার্যো পরিণত হইত তাহা হইলে শরচ্চন্দ্রই “Colonel Young Husband”এর পদে যাইতেন কিন্তু তখন সে কল্পনা গবর্ণমেন্ট পরিত্যাগ করিয়াছিলেন।

শরচ্চন্দ্র এক্ষণে কার্যক্ষেত্র হইতে অবসর গ্রহণ করিয়া কোলাহলহীন গৃহে জীবন যাপন করিতেছেন। গবর্ণমেন্ট তাঁহার মহৎ কার্যের জন্ত তাঁহাকে ১২৫০ বিঘা নিষ্কর জমি দান করিয়াছেন, তাহাতেই শরচ্চন্দ্র কৃতজ্ঞ। শরচ্চন্দ্র Assistant Inspector of Schools এবং Tibetan translator to the Government এই দুইটি কার্য প্রশংসার সহিত করিয়াছেন। এক্ষণে পেন-সেন লইয়াও তাঁহার কার্যের বিরাম নাই। তিনি তিব্বতীয় ভাষার পুস্তকাবলী প্রকাশ ও অনুবাদ করিতেছেন। ১৮৯২ খৃষ্টাব্দে তিনি Buddhist Text-book Society নাম দিয়া একটি সভা স্থাপন করেন। উক্ত সভার পত্রিকায় এবং Asiatic Societyর পত্রিকায় অনেকগুলি পুরাতন পুঁথি তিনি প্রকাশ করিয়াছেন। কবি ক্ষেমেন্দ্রের “অবদান কল্পলতা” নামক বহুমূল্য গ্রন্থখানি তাঁহার দ্বারাই প্রকাশিত হইয়াছে। সম্প্রতি তিনি একখানি সুবৃহৎ ইংরাজী ও তিব্বতীয় (Tibetan and English) অভিধান সংকলন করিয়াছেন, ভারত গবর্ণমেন্টই উক্ত পুস্তকখানি প্রকাশ করিয়াছেন। ইহাতে শরচ্চন্দ্রের যথেষ্ট পাণ্ডিত্যের পরিচয় পাওয়া যায়।

শরচ্চন্দ্রের চরিত্র সম্বন্ধে দুই একটি কথা উল্লেখ করিয়া আমরা প্রবন্ধটী শেষ করিব। শরচ্চন্দ্রের চরিত্র ও হৃদয় শরচ্চন্দ্রের শ্রায়ই নির্মূল, তাঁহার সরলতা তাঁহার মিষ্টালাপ যে শুনিয়াছে যে দেখিয়াছে সেই মোহিত হইয়াছে। তিনি বাহাডুর ভাল বাসেন না, তাঁহার বেশ ভূষা অতি সামান্য। ৩ ডাক্তার মহেন্দ্রলাল সরকারের শ্রায় তিনি নির্জন জীবনই ভাল বাসেন। তিনি ঘোর ঈশ্বরবিশ্বাসী, কি পরীতশিখরে, কি গৃহক্ষে তিনি সর্বত্রই সেই ধ্রুবতারাকে লক্ষ্য করিয়া থাকেন তন্নিমিত্তই কখনও নিমেষের অন্ত তিনি লক্ষ্য ভ্রষ্ট হন নাই। তিনি কিরূপে বিশ

হাজার ফিট উচ্চ তুষারময় শিখরদেশে ভ্রমণ করিতে সমর্থ হইয়াছিলেন এই প্রশ্ন জিজ্ঞাসা করিলে তিনি বলেন “হৃদয়ে দৃঢ় প্রতিজ্ঞা ও ঈশ্বরে গাঢ় বিশ্বাস থাকিলে কোন কার্যই অসাধ্য নয়।”

শ্রীকুমুদরঞ্জন মল্লিক ।



বঙ্গ বর্গীর হাজিমা ।

আজিমাবাদের শাসনকর্তা বঙ্গদেশে আসিবার আজ পাঁচদিন আপনাকে বড়ই বিপন্ন বোধ করিলেন একটু সন্তুষ্ট হইলেন, কারণ তাঁহার অনতিদীর্ঘকাল পূর্বেই ভোজপুরের অবাধ্য জমিদারগণকে বশীভূত করিবার জন্ত তাঁহার অনেক সেনা ও অর্থক্ষয় হইয়াছিল। এখনও তাঁহাদিগের সহিত সকল বন্দোবস্ত ঠিক হয় নাই, সৈন্যদিগের বাকী বেতন পর্য্যন্ত চুকাইয়া দেওয়া হয় নাই সকলই অব্যবহিত, এরূপ অবস্থায় কিরূপে তিনি রাজ্য-ত্যাগ করিয়া চলিয়া আসিবেন, রাজ্যরক্ষার ভারই বা কাহাকে দেন, নূতন অভিযানের আয়োজনই বা কিরূপে হয়, এই সকল চেষ্টায় তাঁহাকে নিতান্ত অস্থির করিয়া তুলিল। যে পিতৃব্য হইতে তাঁহাদিগের পারিবারিক শ্রীসমৃদ্ধির স্বত্রপাত, যিনি তাঁহাদের সুখসৌভাগ্যের ভিত্তিভূত, যাহার দ্বারা বংশ উজ্জ্বল, কুল পবিত্র সেই পিতৃব্যের অসময়ে আশ্রিতের শ্রায় কাজ না করিলেও প্রত্যব্যয় আছে, এই সকল ভাবিতে ভাবিতে তিনি সহর আজিমাবাদের উপকণ্ঠে যে জাফরখাঁর উদ্যানবাটিকা ছিল, তাহাতে উপস্থিত হইলেন, এবং হেদায়ৎ আলি খাঁ প্রমুখ বন্ধুবান্ধবকে তথায় আহ্বান করিয়া কর্তব্যতা-বধারণে প্রবৃত্ত হইলেন। তাঁহাদিগকে সকল কথাই খুলিয়া বলিলেন, হেদায়ৎ আলি অনেকটা সাহস ও উৎসাহ দিয়া বলিলেন আপৎকালে অস্থির হইলে চলিবে না, যে কোন উপায়েই বঙ্গদেশাভিযানে তৎপর হইতে হইবে। তাহার জন্ত চিন্তিত হইবার কারণ নাই আমি আপনাদের বংশের চিরানুগত, আমার শক্তি সামর্থ্যে যাহা কুলাইবে,

তাহার বিদ্মাত্র ক্রটি হইবে না, আমার মস্তক আপনাদের নিকট বিকাইয়া আছে। আমার প্রাণ দিলেও যদি আপনার কিছু মাত্র উপকার হয়, তাহাতে কুণ্ঠিত নহি, প্রত্যুত তাহাকে শ্লাঘার বিষয় মনে করিব।

হেদায়ৎ আলির পরামর্শে সকলই ঠিক হইল। নবাবের ভ্রাতুষ্পুত্র জৈন উদ্দিন খাঁ হেদায়ৎ আলির উপর রাজ্য রক্ষার ভার দিয়া পাঁচ হাজার অধারোহী এবং ছয় হাজার পদাতিক সমভিব্যাহারে শুভদিনে শুভক্ষণে বাঙ্গালা দেশে যাত্রা করিলেন, অগ্রান্ত সেনাপতিগণের মধ্যে মেদি নেশার খাঁ এবং আবদুল আলি খাঁও তাঁহার সঙ্গে ছিলেন, জৈন উদ্দিন যথাকালে মুর্শিদাবাদে উপস্থিত হইলেন। ভ্রাতুষ্পুত্রকে সন্মিলনে সমাগত দেখিয়া নবাবের আনন্দের সীমা রহিল না। তাঁহার সাহস ও উৎসাহ দ্বিগুণিত হইল, শরীর ও মনে প্রভূত বল সঞ্চিত হইল; তিনি আপনার সৈন্যসংখ্যা অনেক বাড়াইয়া লইলেন, এবং বর্ষার শেষে শত্রু-সম্মুখীন হইবার জন্ত প্রস্তুত হইলেন। বিপুল বঙ্গীয় বাহিনী কাটোয়ার পূর্বপারবর্তী স্মৃধুনী তীরে সমাবিষ্ট হইল। সে দিকে মারহাট্টা সেনারও সংস্থিতি ছিল; তাহারাও সশস্ত্র যুদ্ধার্থ সজ্জিত। অষ্টাহ কাল উভয় পক্ষই নিরুপদ্রবে কাটাইলেন তাহার পরে মীর হবির গঙ্গাবক্ষে একখানি তরণী বাহির করিল, তাহাতে কতকগুলি সশস্ত্র সৈন্য আর কয়েকটা কামান ছিল সেই রণতরী খানি গঙ্গাজলে ঘুরিয়া ফিরিয়া বেড়াইতে লাগিল। নবাব আলিবর্দি খাঁ কোঁশলে আপন সেনাগণকে গঙ্গার পশ্চিম পারে আনিবার ষড়যন্ত্র করিতে লাগিলেন। কাটোয়ার পূর্বদিকে প্রসন্নসলিলা ভাগীরথী প্রবল বেগে প্রবাহিত; এবং উত্তরে অজয় উভয়ের সঙ্গম স্থল বেশী দূরবর্তী নহে। কাটোয়ার দক্ষিণ দিকে নবাবসৈন্যের নদী উত্তরণ সুবিধাজনক নহে, এবং উত্তর দিক দিয়া আসিতে হইলেও দুইটা জলস্রোত পার হইতে হয় তাহাও নিতান্ত সহজ নহে। অতএব নবাব স্থির করিলেন যে গভীর নিশীথে ভাগীরথীবক্ষে একটা নৌসৈন্য গঠিত করিয়া তাহারই ক্রিয়দংশ ভাসাইয়া অপরের মুখে আনিতে হইবে, এবং তাহারই দ্বারা একবারে দুইটা নদীই উত্তীর্ণ হইতে না পারিলে চলিবে না। কার্যকালে—তাহাই হইয়াছিল। ঘোরা যামিনী

যোগে মারহাট্টা সৈন্য গভীর নিদ্রায় চৈতন্যশূন্য, প্রকৃতি নীরব নিষ্পন্দ, আকাশে তারকাপুঞ্জ নবাবের ক্ষিপ্ত-কারিতা ও চাতুরী দেখিয়া যেন মিট মিট করিয়া মুখ টিপিয়া হাসিতেছিল, সেই মূহ আলোকে নবাব আলিবর্দি নৌসৈন্যে গ্রহণে তাহার উপর আপনার সশস্ত্র সৈন্যগণকে তুলিয়া কতকগুলি নৌকাকে যেমন অজয়ের মুখে ভাসাইয়া আনিবেন, অমনি দুই তিন খানি নৌকা শৃঙ্খল-চ্যুত হইয়া গঙ্গার প্রবল স্রোতে জলমগ্ন হইল—তাহাতে প্রায় দেড় হাজার সৈন্য নদীগর্ভে জীবন হারাইল, কেহ কেহ অনুমান করেন তাহাদের সংখ্যা আরও অধিক। যাহাই হউক যখন প্রায় তিন হাজার নবাবসৈন্য পশ্চিম পারে পঁছিয়াছিল তখন উষার আলোক পূর্বাকাশের অন্ধকার দূর করিল, ক্রমে নক্ষত্রের সংখ্যা কমিয়া আসিতে লাগিল কিন্তু তখনও নবাব স্বয়ং নদী পার হইতে পারেন নাই। যে সকল সেনাপতি গঙ্গার পশ্চিমপারে পঁছিয়া-ছিলেন, তাঁহারা স্থির করিলেন, অতঃপর নবাবের অপেক্ষা করা চলেনা, শত্রুপক্ষ সতর্ক হইবার পূর্বেই তাহাদিগকে আক্রমণ করিতে হইবে, না পারিলে সূফলের আশা থাকিবে না। তখনও মারহাট্টা সৈন্য শান্তির সুকোমল অঙ্কে শিশুর শ্রায় নিদ্রা যাইতেছিল। ভোরের পক্ষী ডাকিয়া উঠিল, তাহারই সঙ্গে সঙ্গে গভীর গর্জনে যবনের আগ্নেয়াস্ত্র হইতে প্রভাতকালীন সূর্যালোকের শ্রায় গোলা ছুটিতে লাগিল, নবাবসৈন্য মারহাট্টা সৈন্যদিগকে আক্রমণ করিল। তাহাদের বক্ষঃস্থল কাঁপিয়া উঠিল, চক্ষু মেলিয়া তাহারা দেখিল শমনসদৃশ শত্রুসৈন্য সম্মুখীন— মারহাট্টাসেনা হৃদ্যস্ত হইলেও মনে মনে নবাবকে ভয় করিত, কামানের শব্দে নবাবের আগমন স্থির করিয়া তাহারা ছত্রভঙ্গ হইয়া পলায়ন আরম্ভ করিল, নবাবসৈন্য তাহাদের পশ্চাদ্ধাবিত হইল—বাইতে বাইতে শত্রুসৈন্যের যাহাকে পাইল তাহাকেই হত্যা করিতে লাগিল, ঝটিকা-মুখে কদলীতরুর শ্রায়—মারহাট্টা সৈন্য ধরাশায়ী হইতে লাগিল, অচিরকাল মধ্যে মহারাষ্ট্রীয় সেনার শবরাশিতে প্রান্তর ভূমি পূর্ণ হইয়া গেল। কিছুদূর পলাহয়া মারহাট্টা সৈন্য যখন ফিরিয়া দেখিল যে নবাব-সৈন্য তাহাদের অপেক্ষা অনেক কম, তখন তাহারা ফিরিয়া দাঁড়াইল— যুদ্ধার্থ প্রস্তুত হইল, কিন্তু তাহাদের উদ্যোগ অচিরেই

লয় পাইল। এই সময় মধ্যে নবাব আপন সৈন্যসহ গঙ্গাপার হইয়া অগ্রসর হইয়াছিলেন, দেখিতে দেখিতে তিনি পুরো-বর্তী সেনার সহিত মিলিত হইলেন, তখন আর মহারাষ্ট্রীয় সৈন্য তিষ্ঠিতে পারিল না। পূর্ববৎ পশ্চিমাভিমুখে হইয়া পলাইতে লাগিল, আর ফিরিল না। নবাব সৈন্যমধ্যে জয়ধ্বনি উত্থিত হইল। আলিবর্দি খাঁ আফ্লাদে অষ্টধা হইয়া উৎসাহবাক্যে আফালন আরম্ভ করিলেন—সেনাপতিগণকে ও সৈনিক সকলকে ধন্যবাদ দ্বারা উন্নত-প্রায় করিয়া তুলিলেন।

মারহাট্টা সেনাপতি পরাভূত হইয়া পৃষ্ঠ প্রদর্শন করিলেন—নবাব আপন সেনাপতি ও সৈনিকগণকে একদিন বিশ্রাম করিতে অবকাশ দিলেন। জলনিমজ্জনে যে সকল মুসলমান সৈনিক প্রাণ হারাইয়াছিল, তাহাদের মধ্যে যাহার যাহার শব পাওয়া গিয়াছিল তাহাদের সদ-গতির জন্ত নবাব সুবন্দোবস্ত করিলেন, ইসলাম ধর্ম্মানু-সারে সেই সকল শবের সংকার হইল। এই মারহাট্টা-বিজয় খৃঃ ১৭৪৮ সালের ঘটনা।

অতঃপর মহারাষ্ট্রীয় সেনাপতি ভাস্কর পণ্ডিত স্বাধিকৃত দেশ পরিত্যাগ পূর্বক স্বদেশ প্রতিগমনের সংকল্প করিলেন। নবাবও ছাড়িবার লোক নহেন—তিনিও তাঁহার পশ্চাদ্ধাবন করিতে ছাড়িলেন না,—মারহাট্টা সেনাপতি সুপথ কুপথ না বিবেচনা করিয়া ক্রমাগত পশ্চিমাভিমুখে যাইতে যাইতে দুর্গম অরণ্য মধ্যে প্রবিষ্ট হইলেন, পথ খুজিয়া না পাইয়া তাঁহাকে বিষম বিপদে পতিত হইতে হইয়াছিল। সেই বনভূমি মধ্যে কণ্টকময় গুল্ম এবং লতাজড়িত ঘনসন্নিবিষ্ট পাদপ সমূহের তলভূমি যারপরনাই হুরতিক্রম্য—মধ্যে মধ্যে শাদ্দ লভল্লুকাদি স্থাপদ জন্তুর ভীষণ দৃশ্য এবং দূর হইতে অজগরগণের বিকটমুখব্যাধন দেখিয়া ভীতি জন্মিল—অগ্রসরে অনাসক্তি হইল—পশ্চা-দ্ভাগেও প্রবল শত্রুর আক্রমণাশঙ্কা উভয়ই তুল্য, আপনার অনুচর কয়েক জন সেনাপতি ও কতকগুলি সৈনিক ব্যতীত বিপুল মহারাষ্ট্রীয় বাহিনীর অবশিষ্ট কে কোথায়, তাহাও স্থিরীকৃত হইল না, বিষম দুর্ভাবনা আসিয়া তাঁহার অন্তঃকরণ অধিকার করিল। তিনি কি করিবেন, কিছুই স্থির করিতে পারিলেন না। পদে পদে শ্রাণের আশঙ্কা—এইরূপ বিপত্তির সময় তিনি বিকটদর্শন তীরধনুর্ধারী

কয়েক জন অরণ্যচারী পুরুষের দর্শন পাইয়া তাহাদের শরণাপন্ন হইলেন। তাঁহারা তাঁহাকে পথপ্রদর্শনে বনের বাহিরে আনিতেছিল এমন সময় মীর হবিরের সাক্ষাৎকার লাভে তিনি হর্ষোৎফুল্ল হইয়া পলায়নের পথ প্রদর্শনের প্রার্থনা জানাইলে সে তাঁহাকে বিষ্ণুপুরের বনে ফিরাইয়া আনিল—আলোকানিলশূন্য বনভূমির বাহিরে আসিয়া ভাস্কর পণ্ডিত আপনাকে যেন মাতৃগর্ভ-বিনিঃসৃত মনে করিয়া মীর হবিরের সহিত বিদায় সম্ভাষণ ব্যতিরেকেই চন্দ্রকোণার সুবিস্তৃত প্রান্তর মধ্য দিয়া মেদিনীপুরের দিকে সরিয়া পড়িলেন। কিন্তু শত্রুর অপরিমিত সহিষ্ণুতা দর্শনে তিনি চকিত ও বিস্মিত হইয়া কিয়ৎকাল কিংকর্তব্য বিমুঢ়বৎ অবস্থিতি করিতে লাগিলেন। মেদিনীপুরে উপস্থিত হইয়া তিনি আপনাকে শত্রুকবল-মুক্ত বিবেচনা করিয়া জাতীয়ভাষা বশতঃ উপদ্রব আরম্ভ করিতে না করিতে আলিবর্দি খাঁ সসৈন্যে তথায় উপস্থিত হইলেন—ছুঃখের বিষয় তাঁহার মেদিনীপুরাগমনের অব্যবহিত পূর্বেই উড়িষ্যার ডেপুটী গবর্নরের সেনাপতি সা—মসম মহারাষ্ট্রীয় সেনাপতির হস্তে প্রাণ হারাইয়াছিলেন। নবাবের আগ-মনে ভাস্করের মনে কাটোয়ার পরাভব ক্রেশ পুনরুদিত হইল,—তিনি উর্দ্ধশ্বাসে বালেশ্বর বন্দরে পলাইয়াও জুড়া-ইতে পারিলেন না—শত্রু পশ্চাৎ পরিত্যাগ করে নাই—তখন এতই নিকটবর্তী যে মারহাট্টা সেনাপতির আর পলাইবার পথ নাই, অগত্যা তাঁহাকে বুদ্ধার্থে দণ্ডায়মান হইতে হইল। সুবর্ণরেখা-তীরে মুসলমান-মারহাট্টায় তুমুল সংগ্রাম—তাহাতে মহারাষ্ট্রীয় সৈন্য বিধ্বস্ত ও বলহীন হইয়া পড়িল, ভাস্কর যুদ্ধক্ষেত্র হইতে সুকৌশলে সরিয়া পড়িলেন, নবাব তাঁহার পশ্চাৎ পশ্চাৎ চিহ্নাতীর পর্য্যন্ত তাড়া করিয়া যখন দেখিলেন ভাস্কর বঙ্গদেশের সীমা অতিক্রম করিয়া চলিয়া গিয়াছেন, তখন তিনি প্রত্যাগমনে প্রবৃত্ত হইয়া কয়েক দিন মধ্যে কটকে উপস্থিত হইলেন। এখানে তিনি মারহাট্টাপরাজয়ের মহোৎসবে কয়েক দিন অতিবাহিত করিবার কালে সা মসুমের শোকার্ভ পরিজন-বর্গের সাহায্য সাধন করিলেন এবং তাঁহার শূন্য সিংহাসনে সেনাপতি মুস্তফা খাঁর পিতৃব্য মহম্মদ নেবি খাঁকে স্থাপিত করিয়া তাঁহাকে তিন সহস্র সেনার অধিনায়কত্বে সম্মানিত করিলেন। সৈনিক কার্যে আবহুল নেবির

যেমন প্রতিষ্ঠা ও প্রতিপত্তি ছিল, শাসন কার্যে তদনুরূপ পারদর্শিতা না থাকায় তিনি রাজা জানকী রায়ের পুত্র দুর্লভ রামকে তাঁহার সহকারিত্বে নিযুক্ত করিলেন।

নবাব কটকে থাকিতে থাকিতেই সংবাদ পাইলেন যে দিল্লীর সম্রাটের নিয়োগানুসারে অযোধ্যার সেনাপতি আজিমাবাদে আসিয়া তত্রত্য প্রধান কন্সচারীর সহিত বিরোধ বাধাইবার উপক্রম করিয়াছেন, অতএব তিনি কটকে অধিক কাল বিলম্ব করিতে না পারিয়া মুর্শিদাবাদ যাত্রা করিলেন, পথিমধ্যে বর্তমানে আসিয়া সংবাদ পাইলেন যে দিল্লীর সম্রাটের আজ্ঞা পাইয়া আবহুল মনসুর খাঁ আজিমাবাদ হইতে স্বরাজ্যে প্রত্যাগত হইয়াছেন, অতএব উদ্বেগের কারণ রহিল না, কিন্তু তাহার সঙ্গে সঙ্গেই মহা-রাষ্ট্রাধিপতি বালাজী রাওয়ের বঙ্গদেশে আসিবার কথা শুনিয়া তাঁহাকে পূর্বাপেক্ষা অধিক দুঃশিস্তাগ্রস্ত হইতে হইয়াছিল।

এই সময় মধ্যে ভাস্কর পণ্ডিতের পরাভব ও পলায়ন বার্তা সম্রাটের ক্রটিগোচর হইয়াছিল। তিনি এই সংবাদে যে কত দূর আফ্লাদিত হইয়াছিলেন তাহা বর্ণনাতীত— কারণ তৎকালে মহারাষ্ট্রীয়েরা অনেকেরই নিকট অজেয় প্রতিপন্ন হইয়াছিলেন, তাঁহাদের উপদ্রবে সমগ্র ভারতভূমি ব্যতিব্যস্ত হইয়া উঠিয়াছিল, তাঁহারা সম্মুখ সংগ্রাম অপেক্ষা সমধিক লুণ্ঠনপ্রিয় ছিলেন—তবে লুণ্ঠন উপলক্ষে যেখানে সম্মুখ সংগ্রাম অপরিহার্য হইয়া উঠিত, সেইখানেই তাহাতে প্রবৃত্ত হওয়া ব্যতীত তাঁহাদের উপায়ান্তর ছিল না—সম্রাট আলিবর্দি খাঁর উপর পরিতুষ্ট হইয়া তাঁহাকে হেসাম-উলুমুলক বা সাম্রাজ্যের তরবারি এই মহাসম্মানসূচক উপাধির সহিত একখানি হীরকখচিত তরবারি ও উফীষ ও বহুবিধ মূল্যবান উপহার এবং আপনার পরিধেয় বহুমূল্য পরিচ্ছদ উপঢৌকন পাঠাইয়া দেন। এই পুরস্কার ব্যাপা-রের সহিত নবাবের ভ্রাতুষ্পুত্রগণকে ও সেনাপতি মুস্তফা খাঁ ও আতাউল্লা খাঁকে সমুচিত পুরস্কার এবং সম্মানিত উপাধিতে উৎসাহিত করিবারও ক্রটি করেন নাই।

মুর্শিদাবাদে উপস্থিত হইয়া নবাব আলিবর্দি খাঁ শুনিলেন যে মহারাষ্ট্রাধিপতি বালাজী রাও বঙ্গদেশে আসিয়া উপস্থিত হইয়াছেন। তিনি তৎকালে ভাগলপুরে অবস্থিতি করিতেছিলেন, নবাব তাঁহার সাক্ষাৎকার লাভার্থ

তথায় যাত্রা করিলেন—গঙ্গাতীরে মারহাট্টা ভূপতির শিবির সন্নিবিষ্ট হইয়াছিল, নবাব তাঁহার শিবিরে উপস্থিত হইয়া সাক্ষাৎকারে তাঁহাকে বিলক্ষণ আপ্যায়িত করিলেন। বালাজী রাও যে শান্তভাবে বঙ্গদেশে উপস্থিত হইয়া-ছিলেন তাহা নহে—পথিমধ্যে তিনি নানা স্থান লুণ্ঠন করিয়াছিলেন, জাতীয়ভাষা বিস্মৃত হইতে পারেন নাই। যে যে জমিদার তাঁহাকে প্রচুর অর্থ দিতে না পারিয়া-ছিলেন, তিনি তাঁহাদিগেরই সর্বনাশ করিবার পক্ষে ক্রটি করেন নাই—তাঁহাদিগকেই সর্বস্বান্ত করিয়া ক্ষান্ত কোথায়, তাঁহাদিগের প্রকৃতিপুঞ্জকেও পথের ভিখারী করিয়া আসিয়াছিলেন। ফলতঃ বঙ্গদেশে আসিয়া তিনি বিশেষ কোন অত্যাচারের কাজ করেন নাই।

এই সময়ে বিরারপতি রঘুজী ভৌসলাও সসৈন্যে বঙ্গদেশে উপস্থিত হইয়া মুর্শিদাবাদের দিকে অগ্রসর হইতে ছিলেন, বালাজী রাওয়ের সহিত সাক্ষাৎকালে নবাব তাঁহাকে কতকগুলি বহুমূল্য উপঢৌকন দিয়া রঘুজী ভৌস-লার অত্যাচার হইতে বঙ্গদেশকে রক্ষা করিবার প্রস্তাব করিলে মহারাষ্ট্রাধিপতি অত্যধিক চৌথের দাবি করিয়া বসিলেন। ভাস্কর পণ্ডিতের দূরীকরণ সাধনে তাঁহার যথেষ্ট বলক্ষয় হইয়াছে, সৈন্যগণ এখনও সমরক্লেশ বিমুক্ত হইতে পারে নাই—অগত্যা অসঙ্গত চৌথের দাবি মিটাইতে তাঁহাকে বাধ্য হইতে হইল। চৌথের দাবি মিটাইয়া নবাব রঘুজীর উপদ্রব নিবারণের প্রস্তাব করিলেন। এই সময়ে রঘুজী বর্তমান ও কাটোয়ার মধ্যবর্তী স্থানে অবস্থিতি করিতেছিলেন; তিনি নবাবের সহিত বালাজী রাওয়ের সন্ধির সমস্ত সংবাদ অবগত হইয়া-ছিলেন, এতদুভয়ের বিরুদ্ধে অস্ত্র ধারণ করিলে পরাভব নিশ্চিত বুঝিয়া বঙ্গদেশ পরিত্যাগে কিছুমাত্র বিলম্ব করিলেন না—এই প্রত্যাবর্তন উপলক্ষে জনৈক মহারাষ্ট্রীয় সেনাপতি দ্বারা এক হৃদিনারিণী ঘটনার অভিনয় হইয়া-ছিল, তাহা স্মরণ করিলেও অদ্যাপি সর্বাপি শিহরিয়া উঠে। প্রবাদ এই যে একরূপ ঘটনা বিরল নহে, বর্গীর হাঙ্গামাকালে অনেকই ঘটয়া গিয়াছে, কিন্তু যাহার কিম্ব-দন্তী প্রায় অর্ধ শতাব্দী পূর্বে সমভাবে সজীব ছিল, প্রাচীন ও প্রাচীনাগণের অনেকেরই মুখে শুনিতে পাওয়া বাইত, তাহা কোন মতে উপেক্ষার বিষয় নহে।

বর্গী কখন শান্তভাবে পথ চলিত না। বিনা লুপ্তনে গ্রামপল্লী ফেলিয়া যাইত না। বায়ড়া পরগণার কোন একটা গণ্ড গ্রামে এক জন নিরপত্য জমিদারদম্পতি বাস করিতেন। জমিদার তখন জরাগ্রস্ত—তাঁহার পঞ্চাশৎ বর্ষ বয়ঃক্রমকালে গ্রামে সংক্রামকরূপে বিস্মৃতিকা রোগ প্রাচুর্য হইয়া বহুসংখ্যক নরনারী বালক বৃদ্ধ যুবার জীবনহানি করে—তত্পলক্ষে তাঁহার তিনটি উপ-যুক্ত পুত্র, দুইটি কন্যা ও সহধর্মিণী কালের করালগ্রাসে পতিত হয়—বৃদ্ধ ব্রাহ্মণ-জমিদারের আপনার বলিতে কেহই রহিল না, তিনি আপনার বিষয় সম্পত্তি বিক্রয় করিয়া তীর্থবাসে কৃতসংকল্প হইয়াছিলেন—কিন্তু প্রতি-বাসী বন্ধুবান্ধবদিগের অনুরোধে দ্বিতীয়বার দারপরিগ্রহে নূতন সংসারের পত্তন করিতে তাঁহার প্রবৃত্তি জন্মে। গ্রামের সকলে মিলিয়া গৃহশূণ্য জমিদারকে গৃহী করিল, তিনি বৈরাগ্য অবলম্বনের আয়োজন করিতে ছিলেন দশ জনের অনুরোধে তাঁহাকে সংসারানুরাগী হইতে হইল। পরম রূপলাবণ্যবতী বয়োধিকা একটা সং-ব্রাহ্মণের কন্যা মিলিল তাঁহাকেই অবলম্বন করিয়া তিনি শেষ দশায় নূতন সংসারের ভিত্তিপাত করিলেন। বার্কক্যে দ্বিতীয় পক্ষের পত্নীর রূপ গুণের চিত্তাকর্ষণী শক্তির অতিরিক্ত একটা বশীকরণী শক্তি থাকে—কেহ কেহ বলেন—সেটা বার্কক্যের দোষে, কেহ বলেন দ্বিতীয় পক্ষের স্ত্রী হারাধনের স্থান পরিপূরণ করে বলিয়া—এইরূপ নানা জনের নানা কথা, তাঁহার সীমাংসা করা এ প্রবন্ধের উদ্দেশ্য নহে—তবে আমরা সংক্ষেপে বলিয়া রাখি বৃদ্ধ ব্রাহ্মণ-জমিদার তাঁহার দ্বিতীয় পক্ষের পত্নীর প্রতি অসা-ধারণ অনুরক্ত ছিলেন, তজ্জন্ত তাঁহার বিশেষ দোষারোপ করা যায় না—প্রথম পক্ষের যে কোন যুবকেও এরূপ পত্নীর পক্ষপাতী না হইয়া থাকিতে পারেন না। ব্রাহ্মণীকে দেখিতে পরমাসুন্দরী, হাজারের মধ্যে তেমন একটাও মিলিবার নহে। শাস্ত্রে পদ্মিনী স্ত্রীর যে সকল লক্ষণ নির্দিষ্ট আছে তাঁহার সে সকলের একটীরও অভাব ছিল না—কমলকুম্বের সার না মাখিলেও তাঁহার গাত্রে পদ্মগন্ধের আশ্রয় পাওয়া যাইত, এই সকলের উপর যারপর নাই পতিপ্রাণা ছিলেন, পতিকে তিনি দেবতার শ্রায় জ্ঞান করিতেন, বার্কক্যে জমিদার-ব্রাহ্মণ জরাগ্রস্ত

হইলে তাঁহার পত্নী তাঁহাকে বিগ্রহের শ্রায় সেবা করিতেন—সেরূপ সেবা ভৃত্য বা ভৃত্যানীর দ্বারা হইবার নহে, স্বামীকে তিনি তিলান্ধের জন্ত দৃষ্টি অন্তরাল করিতেন না—সর্বদাই নিকটে থাকিয়া তাঁহার পরিচর্যা করিতেন, বৃদ্ধ জমিদার তাঁহার দ্বিরাগমনের পরই বুঝিয়াছিলেন তিনি কোন অংশে তাঁহার উপযুক্ত পতি নহেন, পত্নীর অসাধারণ আনুগত্য ও প্রীতিভক্তি দেখিয়া বড়ই কুণ্ঠিত হইতেন, দশ দিনের এক দিন তিনি ব্রাহ্মণীকে সে কথা প্রকাশ করিয়া বলিলে তাঁহার অপাঙ্গ বহিষ্য বড় বড় অশ্রুবিন্দু তাঁহার পীনোন্নত বক্ষঃস্থল আর্দ্র করে—তিনি কাঁদিতে কাঁদিতে বলেন—ও সকল কথায় আমার অপরাধ হয়,—”

জমি। আমি সে কথা বলিতেছি না—তোমার এ সাধ স্মৃৎ দীর্ঘস্থায়ী হইবে না, আমার জরা উপস্থিত, আমি আর কতদিন বাঁচিব।

জ, পত্নী। সে কথা কে বলিতে পারে—তোমার অপেক্ষাও বৃদ্ধের বংশরক্ষা হইয়াছে, পুত্র কন্যায় ঘর ভরিয়া গিয়াছে।

যেদিন রাত্রিতে স্ত্রী-পুরুষে ঐসকল কথা হইল, সেই রাত্রির অবসান-সময়ে “বর্গি বর্গি” শব্দে গ্রাম পূর্ণ হইল। দেখিতে দেখিতে পঙ্গপালের শ্রায় বর্গি আসিয়া গ্রামে প্রবেশ করিল—গ্রামবাসিগণ আপনারদের বৃদ্ধ পিতা, মাতা, ধনসম্পত্তি ফেলিয়া গ্রাম শূণ্য করিয়া এবং মাঠ পার হইয়া গ্রামান্তরে পলায়ন করিল—তখনও পূর্কদিক ফরসা হয় নাই—ভোরের পাখী ডাকে নাই। বৃদ্ধ জমিদারের ঘুম ভাঙ্গিল, সকালে পল্লীগ্রামে পাকা ঘরের এতটা বাড়াবাড়ি ছিল না—সম্ভ্রান্ত গৃহস্থের বাড়ীর বাহিরে দুই একটা পাকা মন্দির থাকিত, তাহাতে কিষ্কু-শিলা বা শিবলিঙ্গ বা তদ্রূপ কোন দেবতার বিগ্রহ বই আর কিছু থাকিত না। তবে দস্যুর ভয়ে সেই সকল মন্দিরে এক একটা গুপ্ত সিঁড়ী থাকিত, তদ্বারা মন্দির-চুড়ায় উঠিয়া লুকাইয়া থাকা যাইত—এবং পারিবারিক সঙ্কিত অর্থও তাহাতে রক্ষিত হইত। বৃদ্ধ জমিদারের বাড়ীতেও তদ্রূপ একটা বিষ্ণুমন্দির ছিল—আপৎকাল উপস্থিত দেখিয়া স্ত্রী-পুরুষে সেই মন্দিরের শিরোদেশে উঠিবার উদ্যোগ করিতেছিলেন, এমন সময় বর্গীর দল আসিয়া তাঁহাদিগকে

ধরিয়া ফেলিল এবং তাঁহাদিগকে বাঁধিয়া লুকায়িত অর্থের জন্ত যথেষ্ট পীড়ন করিল। বৃদ্ধ একটা পয়সা লুকাইলেন না, বাহা কিছু সঙ্কিত ছিল, সমস্তই বর্গীর হাতে তুলিয়া দিয়া আপনারদের দুইজনের জীবন ভিক্ষা করিলেন—বর্গী অধিক উপদ্রব অত্যাচার না করিয়া ব্রাহ্মণ-পত্নীকে লইয়া প্রস্থান করিল। ব্রাহ্মণ ব্রাহ্মণীর আর্দ্রনাতে বনের পশু, গাছের পাখীও কাঁদিল—নির্দয় বর্গীর মন কিছুতেই গলিল না, দেখিতে দেখিতে গ্রাম নীরব, কে কোথায় চলিয়া গেল—সকল ঘরেরই দরজা ভাঙ্গা, কপাট খোলা; বাক্স পেঁটরা ছড়ান—কোন কোন বাড়ী ধু ধু করিয়া জ্বলিতে লাগিল, অঞ্জলি পূর্ণ করিয়া জল দেয় এমন কেহই নাই। জমিদার-পত্নী অচেতনাবস্থায় একটা অশ্বপৃষ্ঠে আবদ্ধ, বর্গীর অগত্যা বাহিরের রাস্তা ধরিয়া পশ্চিমমুখে চলিল, রাস্তার দুইধারে যে সকল গ্রাম ছিল, সে সকলগুলির যথেষ্ট দুর্দশা করিল, সমস্তদিনের পর গড়মন্দিরণের অদূরবর্তী হাজিপুরের এক বৃহৎ আশ্রয়স্থানে রাত্রিকালের জন্ত মহারাষ্ট্রীয় সেনার শিবির সংস্থাপিত হইল। পশ্চিম-দিকের আকাশ অন্ধকারময় করিয়া নিবিড় কৃষ্ণবর্ণ মেঘ উঠিল—দেখিতে দেখিতে মহাডম্বরে নভোমণ্ডল আচ্ছন্ন করিল, প্রবলঝঞ্ঝাবাত, বিজ্যংস্করণ সহকারে বৃষ্টি আরম্ভ হইল—অনশন-উপবাসকাতরা জমিদারপত্নী ভূমি শয্যায় পতিতা, এই সময়মধ্যে মারহাট্টা সেনাপতি তাঁহাকে দেখিবার জন্ত দুই তিনবার চেষ্টা করিয়াছিলেন, কৃতকার্য হইতে পারেন নাই—বায়ু প্রবাহ ও বারিবর্ষণ উত্তরোত্তর বৃদ্ধি পাইতে লাগিল, মধ্যে মধ্যে শ্রুতিবিদারী বজ্রধ্বনিতে, সকলেরই হৃৎপিণ্ড মধ্যে শোণিতপ্রবাহ প্রবলবেগে বহিতে লাগিল—সকলেই চিরজীবীর নাম জপিতে লাগিল—ইন্দের অশনি তাহা মানিল না, সমগ্র কাননের অভ্যন্তরে অগ্নিস্তূপের আকারে পতিত হইল—দুইটা পটমণ্ডপ জ্বলিয়া উঠিল—মারহাট্টা সেনাপতির হৃদয় কাঁপিতে লাগিল—কিয়ংকাল মধ্যেই পটমণ্ডপের অগ্নি নির্কাপিত হইল, সেনাপতি অনুসন্ধান লইয়া জানিলেন, অশনিপাতে চারিজনকে অপমৃত্যু ঘটয়াছে। একজন অধীন সেনাপতি, অপর তিনজন পদাতিক—অপহতা জমিদার পত্নীর উপর পাহারা দিতেছিল। এই আকস্মিক বিপৎপাতকালে মহারাষ্ট্র শিবিরে সকলেই কিয়ংকালের

জন্ত অব্যবস্থিত হইয়াছিল, সেই অবকাশে শার্দূল কবলিত কুরঙ্গিনী (জমিদার পত্নী) উর্দ্ধশ্বাসে আশ্রয়স্থানে হইতে নিষ্ক্রান্ত হইয়া বৃষ্টিতে ভিজিতে ভিজিতে স্বদেশাভিমুখে প্রস্থান করিলেন। কিয়ংকালের পর তাঁহার অনুসন্ধান হইলে প্রকাশ পাইল, বনের বিহঙ্গিনী শিকল কাটিয়া পলায়ন করিয়াছে—কেহ কেহ তাঁহার অনুসন্ধান উদ্বৃত্ত হইল—কিন্তু সেনাপতি কি জানি, কি বুঝিয়া তাহাতে সম্মতি দিলেন না। পরদিন সায়ংকালে জমিদারপত্নী আপনার স্মৃৎশান্তির নিকেতনে প্রত্যাগমন করিয়া বিরহ-বিধুর দয়িতের ছরবস্তার অপনয়ন করিলেন।

ঐ বাড়বৃষ্টির রাত্রিতে মহারাষ্ট্রশিবিরে আর একটা সামান্যকারের দুর্ঘটনা ঘটয়াছিল। কাটোয়া হইতে আসিবার পথে দামোদরতীরবর্তী মদনমোহনপুর গ্রামের এক ব্রাহ্মণ অতি প্রত্যুষে দামোদরে মুখহাত ধুইতে গিয়া ছিলেন। তিনি বর্গীর দৃষ্টিগোচর হইলে তাঁহাকে ধরিয়া মাথায় এক বৃহৎ মোট চাপাইয়া দিয়া বর্গীর সাত আট-দিন হইল ঘুরাইয়া বেড়াইতেছিল। ব্রাহ্মণ একটু কুটিল বুদ্ধি ধরিতেন—এই সাত আটদিনের মধ্যেই বর্গীর সহিত একটু ঘনিষ্ঠতা করিয়া লইয়াছিলেন, তিনি বর্গীর “চৌকা” দিতেন, তরকারি বানাইতেন—সিদ্ধি ঘুটিয়া দিতেন। এই ঘনিষ্ঠতার সম্পর্কে তিনি তাহাদের পোষাক পরিচ্ছদ টাকাকড়ি কোথায় থাকিত জানিতেন। তিনি যে শিবিরে অবস্থিত করিতেছিলেন, বজ্রপতন ব্যাপার তাহার অতি নিকটেই ঘটয়াছিল। শিবিরবাসী সকল-কেই ব্যতিব্যস্ত দেখিয়া ব্রাহ্মণ একটা মুদ্রার তোড়া মাথায় করিয়া সরিয়া পড়িয়াছিলেন। সেই স্বর্ণমুদ্রাগুলি লইয়া তিনি নিরাপদে স্বদেশে ফিরিতে পারিয়াছিলেন, গ্রামে আসিয়া একটা বৃহৎ বিষ্ণু মন্দিরের প্রতিষ্ঠা করিয়াছিলেন, তাহা অষ্টাপি বিদ্যমান আছে।

ভাস্কর পণ্ডিতের এবারের যাত্রাটা বড় মন্দ—ঝড় বৃষ্টির পরদিন তিনি হাজিপুর হইতে উঠিয়া মেদিনীপুর যাইবার পথে নবাব সৈন্যদ্বারা অনুসৃত ও পরাজিত হইয়া মেদিনীপুরে গিয়া কিয়দিন অবস্থিত করিবার কালে প্রভু বালাজী রাওয়ের স্বদেশ প্রত্যাগমনবার্তা অবগত হইয়া তাঁহার পশ্চাত্তী হইলেন। ইহা খৃঃ ১৭৪১ অব্দের ঘটনা।

এই বৎসর বর্ষার শেষে আলি কেরোয়লি নামে জনৈক দাক্ষিণাত্যবাসী মুসলমান সেনাপতিকে সহায় করিয়া বিংশতি সহস্র অশ্বারোহী সৈন্য সমভিব্যাহারে বর্গী ভাস্করপণ্ডিত পুনরায় বঙ্গদেশে উপস্থিত হইলেন। নবাব আলিবর্দিখাঁ বার্ককে উপনীত হইয়াছিলেন, বঙ্গদেশের সুবাদারী পাইয়া অবধি তিনি শান্তিস্থখে বঞ্চিত হইয়াছিলেন, ক্রমাগত যুদ্ধ বিগ্রহ, উদেগ উৎকণ্ঠায় তিনি অবসন্নপ্রায় হইয়া পড়িয়াছিলেন, মহারাষ্ট্র সেনাপতির উপদ্রব নিবারণের জন্ত সন্মুখ সংগ্রামে তাঁহার বড় একটা প্রবৃত্তি জন্মিল না, কিন্তু এরূপ একাগ্রচিত্ত, হৃদম শত্রুর নির্ঘাতন নিতান্ত আবশ্যিক। এজাপালনের ভার ও শাসনদণ্ড হাতে লইয়া এই সকল বিষয়ে ঔদাসিন্য অবলম্বনও কাপুরুষের কাজ। তবে, এরূপ একটা উপায় চিন্তা করিতে হইবে যাহাতে ভবিষ্যতে আর জ্বালাতন হইতে না হয়। অতএব কৌশলে কাজ করিতে হইবে। এই ভাবিয়া তিনি সেনাপতি মুস্তফা খাঁকে ডাকিয়া পাঠাইলেন। মুস্তফা খাঁ পুনঃ পুনঃ যুদ্ধ বিগ্রহে অবসন্ন প্রায়—অবসন্ন লইয়া কিছুদিনের জন্ত শান্তি-ভোগ করিবার জন্ত প্রস্তুত, তাঁহার সৈন্যগণও তদবস্থ, সকলেই যুদ্ধশ্রান্ত ও নিরুচ্ছন্ন। নবাবের আহ্বান—অগত্যা তিনি তাঁহার সমীপস্থ হইয়া আজ্ঞা প্রার্থনা করিলে, নবাব তাঁহাকে আপন পার্শ্বে আসন দিয়া বসাইলেন পরে বলিলেন—“মুস্তফা খাঁ, তুমি আমার বল বুদ্ধি ভরসা, আমার বয়স হইয়াছে, যুদ্ধ বিগ্রহ আর বড় ভাল লাগে না—অথচ হুবৃত্ত মারহাট্টা দস্যুকে দমন না করিলেও চলিতেছে না, যদি তুমি কোন কৌশলে ভাস্করের নিধন সাধন করিতে পার, তাহা হইলে তোমাকে আজিমাবাদের শাসনকর্ত্তা করিয়া দিতে প্রস্তুত আছি।”

মুস্তফা খাঁ লোকটা বেশ চালাক চতুর, কুটিল কৌশল-পটু—নবাবের প্রস্তাব বিলক্ষণ বিপজ্জনক হইলেও আজিমাবাদের শাসনকর্ত্ত্বের লোভ পরিহার করা তাঁহার পক্ষে কোন মতেই সম্ভবপর নহে। মুস্তফা নবাবের প্রস্তাবে সন্মত হইলেন। এই সময়ে ভাস্কর কাটোয়ার নিকট অবস্থিত করিতেছিলেন—তাহাকে কোন কৌশলে আপন আয়ত্তে আনয়ন করিয়া পশ্চাৎ ইষ্টসিদ্ধি করেন ইহাই স্থির হইল। মুস্তফা আপন বিশ্বস্ত ব্যক্তিদ্বারা

ভাস্করের নিকট একটা স্থায়ী বন্দোবস্তের প্রস্তাব করিয়া পাঠাইলে ভাস্কর তাহাতে সন্মতি প্রদর্শন করিলেন। নবাবও তাঁহার প্রস্তাবানুযায়ী কাজ করিতে যে প্রস্তুত তাহা দেখাইবার জন্য মুর্শিদাবাদের দক্ষিণে মানকরা নামক স্থানে আসিয়া শিবির সংস্থাপিত করিলেন এবং মন্ত্রী জানকীরামকে সঙ্গে দিয়া মুস্তফা খাঁকে ভাস্করের নিকট পাঠাইলেন—তাঁহার কথপোকথনে ভাস্করের চিত্তাকর্ষণ করিলেন—তিনি যারপর নাই আপ্যায়িত হইয়া সন্ধির প্রস্তাবে আগ্রহ প্রকাশ করিলে মুস্তফা এরূপ বাক্জাল বিস্তারে নবাবের সাক্ষাৎকারে সন্ধিপত্র লেখা-পড়া ও স্বাক্ষরিত হইবার আবশ্যিকতা প্রতিপন্ন করিলেন যে, ভাস্করের মন উঠিল, তিনি তাহাতে অসন্মতি প্রদর্শন করিতে পারিলেন না, তবে এইমাত্র প্রস্তাব করিলেন যে এ কথা কতদূর সত্য ও নির্ভরযোগ্য তাহা জানিবার জন্য তাঁহার একমাত্র বিশ্বস্ত সেনাপতি আলিভা কেরোয়ালকে তাঁহাদের সঙ্গে নবাবের নিকট পাঠাইবেন। নবাব-দূত তাহাতে অসন্মতির বিন্দুমাত্র লক্ষণ প্রদর্শন না করিয়া বরং আগ্রহই প্রকাশ করিলেন, আলিভার যাইবার দিন স্থির হইল। নির্দিষ্ট দিনে আলিভা-আলিবর্দি দর্শনে যাত্রা করিলেন—সঙ্গে জানকীরাম ও মুস্তফা খাঁ। পথিমধ্যে তাঁহার আলিভার প্রতি এরূপ সদাচরণ করিয়াছিলেন যে, তাঁহার মনে ছায়ামাত্রাবশিষ্ট যে সন্দেহটুকু ছিল তাহাও দূর হইল। নবাবের শিবিরসমীপে উপস্থিত হইয়া আলিভা যে অভ্যর্থনার আয়োজন দেখিলেন, তাহাতে তাঁহাকে বিস্মিত হইতে হইয়াছিল—তিনি মহারাষ্ট্রীয় সেনাপতির মন্ত্রীত্ব গ্রহণ সার্থক মনে করিলেন, আপনাকে কৃতকৃতার্থ মানিয়া লইলেন। নবাব আলিবর্দি খাঁ একজন অতি বড় রাজনীতিকুশল ব্যক্তি ছিলেন—হৃদয়ে হলাহল লইয়া মুখে মধু বর্ষণ করিবার কৌশল তাঁহার ন্যায় অতি অল্প লোকেই জানিত। তিনি আদর অভ্যর্থনায় আলিভাকে আকাশের অতি উচ্চে উঠাইয়া দিলেন—আলিভা ভাবিলেন আলিবর্দি খাঁর মত চিঠিভাষী ব্যক্তি সংসারে অতি বিরল। নবাব যখন সদালাপের লহরী তুলিয়া অমিয়বর্ষণ আরম্ভ করিলেন, তখন আলিভা তাঁহাকে বিনয় ও শিষ্টাচারের অবতার না মনে করিয়া থাকিতে পারিলেন না, অথবা কোন প্যায়গছরই বা হইবে,

এরূপ ব্যক্তির সহিত সন্ধি করিয়া যদি কোনরূপে বিপন্ন হইতে হয়, তাহাও শ্লাঘার বিষয় মনে করিতে হইবে। এরূপ ব্যক্তি কখন সত্যের অপলাপ করিতে পারেন না। যথাকালে আলিভা আপন শিবিরে প্রত্যাগমন করিয়া নবাবের সদালাপ শিষ্টাচারের কথা মহারাষ্ট্র সেনাপতিকে সমস্তই অবগত করিলেন।

শ্রীঅম্বিকাচরণ গুপ্ত ।



দূরে ।

কেবল দূর হতে দেখিতে ভাল শুধু
ক্ষণিক ধরণীর সুষমা,
বারিধি বারি ঘেন তুলিলে কর পুটে
থাকে না যায় চলি নীলিমা ।
যাহারে কাছে পাই তাহারে করি হেলা
দেখিনে তার মধু-মাধুরী,
দূরেতে গেছে যাহা, তাহারি তরে কাঁদি
মানব হৃদে একি চাতুরী !
নয়ন কাছে সদা বিরাজে যে কুসুম
তাহারে দেখিনাক চাহিয়া,
পাপিয়া গৃহ দ্বারে ডাকি না পায় সারা
থামে বিদায়-গীতি গাহিয়া ;
হৃদয় মুচু হায় কেবল দূরে চায়
নিকটে আছে কি যে দেখে না,
দীপের কাছে শুধু আঁধার পড়ে থাকে
আলোক রেখা সেথা পশে না ।

শ্রীকুমুদরঞ্জন মল্লিক ।

পাহাড়ী বাবা ।

ষোড়শ পরিচ্ছেদ ।

পূর্ব-বর্ণিত ঘটনার পর প্রায় এক সপ্তাহ অতীত হইয়াছে। এই সপ্তাহের মধ্যে বিশেষ উল্লেখযোগ্য কোন ঘটনা ঘটে নাই। তবে অতুলচন্দ্রের সহিত মহামায়ার বিবাহ যে গোপনে গোপনে স্থিরীকৃত হইয়া গিয়াছে, সে সংবাদ অতুলচন্দ্র জানিতেন, স্মরণে তাঁহার আর আফ্লাদের সীমা ছিল না। আর অনু-কুলচন্দ্রের নিকটও এ সংবাদ গোপন ছিল না। উভয়েরই সংবাদদাতা সেই ভৈরব ঠাকুরদাদা। স্মরণে উভয়ের মধ্যে কেহ এখন আর বিমলার কাছে যাই-তেন না। একজন যাইতেন না লজ্জায়, অপর জন যাইতেন না রাগে, গায়ের জ্বালায়। তবে পাহাড়ী বাবা মধ্যে মধ্যে সে বাড়ীতে যাইতেন। যেন কোন কথা তিনি জানিতে পারেন নাই—এইভাবে যাইতেন। আজ সন্ধ্যার পূর্বাঙ্কেই তিনি সেই ভাবেই গিয়াছিলেন। প্রথমেই মহামায়ার সহিত তাঁহার সাক্ষাৎ হয়। এখন পাহাড়ীবাবাকে দেখিলে মহামায়া আর পূর্বের ছায় আফ্লাদিত হয় না, বরং ভয়ে একবারে জড়সড় হইয়া পড়ে। আর তার প্রাণের ভিতরেও কেমন একটা অব্যক্ত যন্ত্রণা অনুভব করে। এখন পাহাড়ীবাবাকে দেখিয়া মহামায়ার প্রফুল্ল মুখখানি অকস্মাৎ শুকাইয়া গেল যেন বায়ুভরে হঠাৎ একখানা কালমেঘ দৌড়িয়া আসিয়া আকাশের পূর্ণচন্দ্রকে আচ্ছাদিত করিল। পাহাড়ীবাবা মহামায়ার মুখ দেখিয়াই তাহা বুঝিতে পারিলেন। তৎক্ষণাৎ কহিলেন—“মহামায়া, আমায় দেখিলেই তোমার মুখখানি শুকিয়ে যায় কেন?”

কোন কথা গোপন না করিয়া মহামায়া কহিল—
“তোমায় দেখলেই আমার প্রাণের ভিতর কেমন ভয় হয় পাহাড়ীবাবা?”

পাহাড়ী। পূর্বে কি এমন হ'তো?

মহামায়া। না—যখন সেখানে থাকতাম, তখনও

এমন হতো না, বরং তোমায় দেখিলে অফ্লাদ হতো। তোমার চাহনি আমার আদৌ ভাল লাগে না। তুমি আর আমার দিকে অমন করে চেয়ে-নি পাহাড়ীবাবা।

পাহাড়ী। দেখ মহামায়া, তোমায় যে না দেখলে আমার বড়ই কষ্ট হয়, তাই সেখানকার সব ফেলে তোমার জন্তেই এখানে এসেছি। তোমায় যখন দেখবো বোলেই এসেছি, তখন তোমার দিকে না চেয়ে থাকতে পারবো কি করে? চক্ষু বুজে কি দেখা যায় মহামায়া?

মহামায়া। তবে তুমি আর আমার দেখতে এসো না পাহাড়ীবাবা।

পাহাড়ী। ছি! অমন কথা কি বোলতে আছে মহামায়া?

এমন সময় কে পশ্চাৎ হইতে কহিল—“ছ’সিয়ার খুব ছ’সিয়ার—মহামায়া!”

উভয়ে সঁচকিতে চাহিয়া দেখিল—পশ্চাতে লোহিয়া। লোহিয়া আরো কহিল—“মুখ সামলে কথা বলবে।”

পাহাড়ীবাবা লোহিয়াকে কি ইঙ্গিত করিলেন। কিন্তু লোহিয়া সে ইঙ্গিতের উদ্দেশ্য না বুঝিয়া কহিল—“মহামায়া আর হামাদের কথা শুনবে না—কারণ মহামায়ার সাদি হোবে পাহাড়ীবাবা। তোমায় জানাবে না—হামায় বোলবে না—সাদি হোবে।”

পাহাড়ী বাবার মুখ হইতে তৎক্ষণাৎ বহির্গত হইল—“আমি জীবিত থাকতে নয় লোহিয়া।”

মহামায়ার মস্তকে যেন বিনা মেঘে এক ভীষণ বজ্রাঘাত হইল। বজ্রাহত ব্যক্তির শ্রায় মহামায়া একবারে স্তম্ভিত হইয়া রহিল। পাহাড়ীবাবা পুনর্বার লোহিয়াকে প্রশ্ন করিলেন—“কার সঙ্গে বিয়ে হবে লোহিয়া?”

লোহিয়া। অতুলের সঙ্গে সাদি হোবে।

পাহাড়ী। কবে হবে লোহিয়া!

লোহিয়া। হামি সব শুনেছে—কাল হোবে।

তখন বিস্ফারিত-সুতীক্ষ্ণ-দৃষ্টি মহামায়ার প্রতি নিষ্কেপ করিয়া পাহাড়ীবাবা কহিলেন—“কখনই না—কখনই না।”

একেবারে নিশ্চল ও স্থির প্রস্তর-মূর্তিবৎ মহা-

মায়া দণ্ডারমান রহিল। লোহিয়ার কাণে কাণে কি কথা বলিয়াই পাহাড়ীবাবা তখন তাড়াতাড়ি সে স্থান হইতে পলায়ন করিলেন। বাড়ীর বাহিরে আসিয়া এক বার আকাশের পানে চাহিলেন। দেখিলেন—পশ্চিমদিকে অল্প অল্প কাল মেঘ দেখা দিয়াছে। দ্রুতগতিতে তখন একবারে দুর্গাদাসের বাড়ী আসিয়া উপস্থিত। সম্মুখে গাড়ি-বারান্দার নিম্নে দুর্গাদাস বাবুর সহিত তাঁহার সাক্ষাৎ হইল, সুতরাং তাঁহাকে আর বাড়ীর মধ্যে বাইতে হইল না। দুর্গাদাস হঠাৎ পাহাড়ীবাবাকে দেখিয়া কেমন খতমত খাইয়া গেলেন। এমন কি প্রণাম পর্য্যন্ত করিতে পারিলেন না। পাহাড়ীবাবা সে বিষয়ে কোন লক্ষ্য না করিয়া দুর্গাদাসকে কহিলেন—“আপনি কয়েক দিন আমার অনুসন্ধান করিতেছেন কেন দুর্গাদাস বাবু?”

প্রশ্নের কিছুক্ষণ পরে দুর্গাদাস বাবু উত্তর করিলেন—“আপনাকে একটা কথা জিজ্ঞাসা করবো বলে।”

পাহাড়ী। কি কথা বলুন।

দুর্গাদাস। আমার সেই মৃত্যু-বাণটি হারিয়ে গিয়েছে—সেই কথা আপনাকে জিজ্ঞাসা করবো বলে।

পাহাড়ী। তোমার মৃত্যু-বাণের বিষয় আমি কি জানি? সেই একদিন তোমার বাড়ীতে সেটিকে দেখেছিলুম তার পর আমি আর তাহা দেখিও নাই। তোমার কাছ থেকে আমি সেটি ভিক্ষা চেয়েছিলুম, তুমি আমায় ভিক্ষা দাও নাই। তত্রাচ তোমার সে জিনিষটা হারিয়ে গেছে শুনে বড়ই দুঃখিত হলেম।

দুর্গাদাস। আজ্ঞে সত্য কথা বলতে হলে—হারায় নাই চুরি গিয়েছে।

পাহাড়ী। কে চুরি করেছে।

দুর্গাদাস। কাকেও চুরি করতে স্বচক্ষে দেখি নাই—তবে কেমন করে বলবো?

পাহাড়ী। কার উপর সন্দেহ হয়?

দুর্গাদাস। আজ্ঞে, সত্য কথা বলবো?

পাহাড়ী। সত্য কথাই বলবে। আমি কখন মিথ্যা কথা শুনে চাই না।

দুর্গাদাস। তবে শুনুন। আমার দুই জনের উপর সন্দেহ হয়ে ছিল। একজন আপনি, আর অপর জন

আপনারই শিষ্য লোহিয়া। এখন আপনি যখন বলছেন—সেই একদিন ব্যতীত আপনি সে জিনিষ আর চক্ষেও দেখেন নাই, তখন লোহিয়ার উপরই আমার সন্দেহ রয়ে গেল।

পাহাড়ী। এ দেশে এত লোক থাকতে কেবল আমাদের দুজনের উপর সন্দেহ হলো কেন?

দুর্গাদাস। আপনারা দুজন ব্যতীত তার ব্যবহার আর কে জানে না, সুতরাং আর কেউ সে জিনিষ চুরি করবে না।

পাহাড়ী। তোমার ভাগিনেয় অতুলচন্দ্রই কি তোমার মনে এ সন্দেহ জন্মিয়ে দিয়েছে?

দুর্গাদাস। আজ্ঞে না। তবে সে আপনার উপর বড় সন্তুষ্ট নয়।

পাহাড়ী। তার কারণ পরে টের পাবেন। আমি তার মঙ্গলাকাজ্জী। আর কোন কথা আছে কি?

দুর্গাদাস। আজ্ঞে, না—প্রণাম হই।

দুর্গাদাস প্রণাম করিলেন। পাহাড়ী বাবা ধীরে ধীরে আপনার গন্তব্যস্থানে প্রস্থান করিলেন। বাইতে বাইতে পুনর্বার একবার আকাশের পানে চাহিলেন। দেখিলেন—পশ্চিমাকাশের সেই অল্প অল্প কাল মেঘ, ক্রমেই আয়তনে বৃদ্ধি হইতেছে।

এদিকে পাহাড়ী বাবা চলিয়া বাইতে না বাইতে অতুলচন্দ্রকে তাঁহার পশ্চাৎ পশ্চাৎ বাইতে দেখিয়া দুর্গাদাস তাঁহার পিছু ডাকিলেন—“অতুল কোথায় যাও?”

অতুলচন্দ্র উত্তর করিলেন—“আজ্ঞে, একবার কালী-ঘাটের দিকে যাবো।”

দুর্গাদাস সে কথা শুনিয়া যেন একটু বিরক্ত হইয়া বলিলেন—“সন্ধ্যা হয়ে গেছে, তায় আবার আকাশে মেঘও দেখা দিয়েছে এ সময় নাই বা গেলে?”

অতুল। আজ্ঞে, একরূপ অসময়ে বাবার বিশেষ কারণ আছে। পাহাড়ী বাবা কেন এসেছিল মামা?

দুর্গাদাস। তিনি যে মৃত্যুবাণ চুরি করেন নাই—সেই কথা বলতে।

অতুল। আপনার কি সে কথা বিশ্বাস হয়েছে?

দুর্গাদাস। সম্পূর্ণ নহে।

অতুল। তবে সম্পূর্ণ বিশ্বাস করুন—পাহাড়ীবাবা সে মৃত্যুবাণ চুরি করে নাই।

দুর্গাদাস। তবে কে করলে?

অতুল। আমি কতক কতক জানতে পেরেছি। আজ রামচন্দ্রের সঙ্গে দেখা হলে, কাল আপনাকে সে সকল কথা বলবো। আমি এই অসময়ে সেই সন্ধ্যানেই চলেছি।

দুর্গাদাস। আচ্ছা, অনুকূল কোথায়?

অতুল। অনুকূল কলিকাতা গিয়েছে।

দুর্গাদাস। আজ ফিবে আসবে তো?

অতুল। ঠিক নাই।

দুর্গাদাস। তবে তুমি শীঘ্র এসো আমি তোমার অপেক্ষায় রইলুম—তুমি এলে, একত্রে আহার করবো।

অতুলচন্দ্র—দ্রুতগতিতে বাহির হইলেন, আর অকাশে অমনি গুড় গুড় শব্দে মেঘ গজিয়া উঠিল।

সপ্তদশ পরিচ্ছেদ।

কেবল মেঘগর্জন নহে, সঙ্গে সঙ্গে করাল কাল মেঘখণ্ড সকল আকাশে ছুটোছুটি করিয়া বেড়াইতে লাগিল। তাহার ছুটোছুটি করিয়া কখন আয়তনে বৃদ্ধি পাইতেছে, কখন বা পুনরায় ছিন্ন ভিন্ন হইয়া সে বর্ধিত আয়তন আবার ক্ষুদ্র ক্ষুদ্র খণ্ডে পরিণত হইতেছে। দেখিতে দেখিতে সমস্ত আকাশ মেঘে আচ্ছাদিত হইয়া গেল। আকাশ ঘোরতর কুম্ববর্ণ হইল। তথায় চন্দ্র বা নক্ষত্রের চিহ্নও দেখিতে পাওয়া গেল না কেবল আঁধার কেবল অন্ধকার। তখন মুহূর্তে মুহূর্তে চিকিমিকি বিদ্যুৎ চলিতে লাগিল, আর থাকিয়া থাকিয়া আকাশ জুড়িয়া চক্চকে বিঘ্নুতের ছটা আর তার সঙ্গে সঙ্গেই অমনি ভীষণ বজ্রনাদের ষটা। সে কড়কড় নাদে প্রাণী-মাত্রেই শঙ্কিত। তার পর মুষলধারে বৃষ্টি। কেবল বৃষ্টি নয়—সঙ্গে সঙ্গে পূর্বের শ্রায় চক্চকানি ও আকাশ জুড়িয়া ঝক্ঝকানিও চলিতেছিল। সেই ঝক্ঝকানি আর সঙ্গে সঙ্গেই অমনি পূর্বের শ্রায় কড়কড়ানি। কান যেন একবারে ঝালাপালা! একি প্রলয়ের পূর্ব লক্ষণ নাকি?

দুর্গাদাস বাবু তখনও বাড়ীর মধ্যে প্রবেশ করেন নাই। সদর দরজায় দাঁড়াইয়া প্রকৃতির এই ভীষণ

ক্রোধ-মূর্তি দেখিতেছিলেন, আর এই দুর্ঘ্যোগে অতুলচন্দ্র না জানি কত কষ্ট পাইতেছে, সেই কথাই মনে মনে ভাবিতে লাগিলেন। ক্রমে সে মূষলধারে বৃষ্টি খামিয়া গেল, কিন্তু তখনও সেই বিজলীর খেলা ও মেঘের গর্জন পূর্ণমাত্রায় চলিতে লাগিল এমন সময় অদূরে একটা বিকট “উঃ প্রাণ যায়” চীৎকার তাঁহার কর্ণে গিয়া প্রবেশ করিল! কি সর্বনাশ! এ চীৎকার তাঁহার ভাগিনেয় অতুলচন্দ্রেরই কণ্ঠস্বর নয়? দুর্গাদাসের প্রাণ একবারে আকুল হইয়া উঠিল।

আর ত কোন সাড়াশব্দ নাই! দুর্গাদাস তথাপি স্থির থাকিতে পারিলেন না। তিনি সম্মুখের রাস্তা দিয়া যে দিক হইতে চীৎকার আসিয়াছে, সেই দিকে উর্দ্ধশ্বাসে দৌড়িলেন। কিছু দূর গিয়া রাস্তার উপর এক মহুঘ্যমূর্তি পড়িয়া রহিয়াছে দেখিলেন। অন্ধকারে সেই মূর্তি দেখিয়াই তাঁহার প্রাণ কাঁপিয়া উঠিল। বিছাৎ চমকিল। সঙ্গে সঙ্গে তাঁহার হৃদয়ে এক ভীষণ বজ্রাঘাত হইল। তিনি সেইখান হইতে চীৎকার করিয়া একজন ভৃত্যকে আলো আনিতে কহিলেন। ভৃত্য আলো আনিয়া উপস্থিত করিল। সেই আলোকে মূর্তির পরীক্ষা হইল—জীবনের কোন চিহ্নই নাই। সঙ্গে সঙ্গে সিদ্ধান্ত হইল—এ মূর্তি অশু কাহারো নহে—এ মূর্তি অতুলচন্দ্রের!

কি ভয়ঙ্কর সে পরীক্ষার ফল! প্রভু ও ভৃত্য কাহারো মুখে একটিও কথা নাই! উভয়ের মধ্যে কেহই তখন নিজের চক্ষুকেও বিশ্বাস করিতে পারিতেছিল না। কিছুক্ষণ পরে ভৃত্য কহিল—“অতুল বাবুর কি হয়েছে কর্তা বাবু?”

কর্তাবাবু সে প্রশ্নের আর কোন উত্তর দিতে পারিলেন না। তখন উভয়ে ধরাধরি করিয়া সে দেহ বাড়ীর মধ্যে আনিলেন। এই সময় অপর একজন ভৃত্য সেই স্থানে উপস্থিত হইল। দুর্গাদাস তাহাকে কহিলেন “তুই দৌড়ে গিয়ে বিনোদ ডাক্তারকে ডেকে নিয়ে আয়।”

ভৃত্য কোন বাঙনিপ্তি না করিয়া একবারে উর্দ্ধশ্বাসে দৌড়িল। অল্পক্ষণ পরেই ডাক্তার বাবু আসিয়া পৌঁছিল। তিনি সে দেহ পরীক্ষা করিয়া জীবিতের কোন লক্ষণই দেখিতে পাইলেন না, সুতরাং সে মৃতদেহের আর কি চিকিৎসা করিবেন? তখন কিসে মৃত্যু হইয়াছে—

সেই সিদ্ধান্ত করিবার জন্ত ডাক্তার বাবুকে অনুরোধ করা হইল। বজ্রাঘাতে যে মৃত্যু হয় নাই সে বিষয়ে আর কোন সন্দেহই ছিল না। এখন সর্পাঘাতে মৃত্যু কি কোন হৃদরোগে মৃত্যু ডাক্তার বাবু সেই পরীক্ষা করিতে লাগিলেন। শব্দেহ পরীক্ষা করিতে গিয়া ডাক্তার বাবু সে দেহের ডানহস্তের তালুর মধ্যস্থলে রক্তের ধারা দেখিতে পাইলেন। বিশেষরূপ নিরীক্ষণ করিয়া দেখিলেন যেন স্থচাগ্রে ছিদ্র স্থান হইতে এই সূক্ষ্ম রক্তধারা বহির্গত হইয়াছে। তখন সর্পাঘাত বলিয়া প্রথমেই তাঁহার সন্দেহ হইল। কিন্তু পরক্ষণেই তিনি কহিলেন—“এরূপ স্থলে সর্পাঘাতের কোন সম্ভাবনা আমার মনে হয় না, সুতরাং এ মৃত্যু—বড়ই সন্দেহজনক বলে আমার মনে হচ্ছে।”

তখন দুর্গাদাস বাবু কহিলেন “আমার মনে আর কোন সন্দেহই নাই। ডাক্তার বাবু এ মৃত্যু নয়—খুন!”

ডাক্তার বাবু একবারে শিহরিয়া উঠিয়া কহিলেন “খুন!—এ খুন কে করলে?”

দুর্গাদাস বাবু উত্তর করিলেন—“যে আমার বৈঠকখানা থেকে মৃত্যু-বাণ চুরি করেছে—সেই এ খুন করেছে।”

এই বলিয়াই তিনি মৃত্যুবাণের বিষয় ডাক্তার বাবুকে বুঝাইয়া দিলেন। তখন ডাক্তার বাবু কহিলেন—“সেইরূপ কোন বিষাক্ত অস্ত্রেই মৃত্যু সম্ভব।”

তখন দুর্গাদাস বাবু একজন ভৃত্যকে কহিলেন—“তুই দৌড়ে গিয়ে ভৈরব মামাকে ডেকে নিয়ে আয়।”

অল্পক্ষণ পরেই ঘোষাল মহাশয় আসিয়া পৌঁছিলেন। তিনি দেখিয়া শুনিয়াই কাঁদিয়া আকুল—ব্রাহ্মণ একবারে স্ত্রীলোকের স্থায় ভেউ ভেউ করিয়া কান্না আরম্ভ করিলেন। সুতরাং যে কার্যের জন্ত তাঁহাকে ডাকা হইল, তাঁহার দ্বারা সে কার্যের আর কিছুই হইল না। তখন দুর্গাদাস বাবু ডাক্তার বাবুর সহিত পরামর্শ করিয়া পুলিশে সংবাদ দিলেন। ভবানীপুর থানার ইন্স্পেক্টার বাবু আসিলেন। তাঁহার সঙ্গে একজন জমাদার আর দুই জন পাহাড়াওলাও আসিল। তখন পুলিশ-তদারকের ধুম পড়িয়া গেল, বাড়ী পাড়ার লোকে পরিপূর্ণ হইল। পুলিশ তাঁহাদের মধ্যে কাহার কাহার এজাহার লইলেন।

বাড়ীর কর্তা ও ভৃত্যদ্বয়েরও এজাহার গ্রহণ করা হইল, কিন্তু আসল কার্যের আর কিছুই হইল না।

অতুলচন্দ্র সকলেরই প্রিয় ছিলেন, সুতরাং যে এই আকস্মিক শোকাবহ মৃত্যুর কথা শুনিয়া, সেই রাত্রিকাল হইলেও দৌড়িয়ে আসিল। আর তখন দুর্ঘ্যোগও সম্পূর্ণরূপে খামিয়া গিয়াছিল, সুতরাং দুর্গাদাসের গৃহ-দ্বারে ক্রমেই জনতার বৃদ্ধি দেখা গেল। পুলিশ খুনের কোন কিনারা করিতে না পারিয়া সেই জনতার উপর অত্যাচার আরম্ভ করিয়া দিল। প্রতিবাসী ও বাড়ীর লোকের এজাহারের পর, ইন্স্পেক্টার বাবু সেই রাত্রেই লাস চালান দিতে চাহিলেন। কিন্তু সেই রাত্রেই যাহাতে লাস চালান দেওয়া না হয়, সেইজন্ত দুর্গাদাস বাবু তাঁহাকে অনুরোধ করিলেন। এই সূত্রে মৃত্যুবাণ চুরির ব্যাপার এবং মৃত্যুবাণ দ্বারাই যে অতুলচন্দ্রের খুন হইয়াছে, সে কথাও তাঁহাকে সমস্ত বুঝাইয়া বলা হইল। তখন খুনের একটা সূত্র পাওয়া গেল ভাবিয়া মনে মনে ইন্স্পেক্টার বাবু বড়ই আশ্চর্য হইলেন। আর যে ব্যক্তি সেই মৃত্যুবাণ চুরি করিয়াছে, সেই এই খুনের আসামী—এ বিশ্বাসও তাঁহার মনে দৃঢ়রূপে স্থান পাইল। তখন কাহার প্রতি সন্দেহ হয়, ইন্স্পেক্টার বাবু সেই প্রশ্ন পুনঃ পুনঃ জিজ্ঞাসা করিতে লাগিলেন। প্রথমে ইতস্ততঃ করিয়া অবশেষে সেই প্রশ্নের উত্তরে দুর্গাদাস বলিতে বাধ্য হইলেন—“আমার দুই ব্যক্তির উপর এ সন্দেহ হয়।”

ইন্স্পেক্টার। কে কে সেই দুই ব্যক্তি?

দুর্গা। এক পাহাড়ীবাবা আর অপর জন লোহিয়া।

ইন্স্পেক্টার। কি পাহাড়ীবাবা! যে তান্ত্রিক ব্রাহ্মণ কেওড়া-তলার আসানে থাকে?

দুর্গা। হাঁ।

ইন্স্পেক্টার। সম্ভব নয়—আর লোহিয়া কে?

এমন সময় “হামি লোহিয়া আছে।” বলিয়া স্বয়ং লোহিয়া সেই গৃহের মধ্য প্রবেশ করিল। ইন্স্পেক্টার বাবু একবার তাঁহার আপাদমস্তক নিরীক্ষণ করিয়া দুর্গাদাস বাবুর মুখের দিকে চাহিলেন। দুর্গাদাস বাবু ইন্স্পেক্টার বাবুকে কি ইঙ্গিত করিলেন। সে ইঙ্গিতের অর্থ বুঝিতে পারিয়া ইন্স্পেক্টার বাবু লোহিয়াকে জিজ্ঞাসা করিলেন “তোমার নাম লোহিয়া?”

লোহিয়া। হাঁ—আমার নাম লোহিয়া আছে।

ইন্স্পেক্টার। তুমি এ বাড়ী থেকে মৃত্যুবাণ চুরি করে নিয়ে গেছ?

লোহিয়া। হামি কিছু চুরি করে নে।

ইন্স্পেক্টার। তুমি এ খুনের কিছু জান?

লোহিয়া। হামি কিছু জানে নে।

তখন ইন্স্পেক্টার বাবু দুর্গাদাস বাবুকে ইংরাজীতে কহিলেন—“এ স্ত্রীলোকের দ্বারা এ খুন হয়েছে বলে আমার বিশ্বাস হয় না—তাহলে এ সময় এখানে আসবে কেন?”

দুর্গাদাস বাবু ইংরাজীতেই উত্তর করিলেন—“কেন আসিয়াছে একবার জিজ্ঞাসা করুন না।”

সে কথা জিজ্ঞাসা করার লোহিয়া উত্তর করিল—“হামার মাজী, হামায় ভেজেছে। মাজী খবর মাংগিছে।”

তখন মাজী যে কে এবং তাঁহারই কথার সহিত যে মৃত অতুলচন্দ্রের আগামী কল্য গোপনে বিবাহ হইত সে কথাও ইন্স্পেক্টার বাবুকে বলা হইল। আর কোন কু-অভিপ্রায় সিদ্ধির মানসে পাহাড়ীবাবা এবং তাহারই শিষ্যা এই লোহিয়া যে এই বিবাহের বিরোধী—এই সূত্রে সে সকল কথাও ইন্স্পেক্টার বাবুর অবদিত রহিল না। সর্বশেষে দুর্গাদাস বাবু কহিলেন—“পাহাড়ীবাবার রামচন্দ্র বলে আর একজন চেলা আছে, সে চুরি বা খুন না করুক তবু এ সম্বন্ধে কতক কতক জানে বলে আমার বিশ্বাস।”

ইন্স্পেক্টার বাবু এই সমস্ত কথাই লিখিয়া লইলেন। কোন কথাই বাদ দিলেন না। এই সকল কার্য শেষ করিতে রাত্রি প্রায় দ্বিপ্রহর অতীত হইয়া গেল। সুতরাং আর অধিক বিলম্ব না করিয়া ইন্স্পেক্টার বাবু একখানা খাটিয়ার উপর লাসকে শোয়াইয়া দিয়া নীচের একটা ঘরের মধ্যে রাখিলেন। সেই ঘরের মধ্যে বাড়ীর পাচক ব্রাহ্মণ শ্রামাচরণ রহিল, আর ঘরের দরজার নিকট একজন পুলিশ পাহারা নিযুক্ত করিলেন। রাত্রে জন্ত এইরূপে বন্দোবস্ত করিয়া তিনি সদলে থানায় চলিয়া গেলেন।

তখন একে একে অস্তাশ্রম সকল প্রতিবাসী ও আত্মীয় গৃহে চলিয়া গেলেন। কেবল রহিলেন এক

ঘোষাল মহাশয়। কাহারো বাড়ী বিপদ-আপদ হইলে ঘোষাল মহাশয় সে বাড়ী আর ছাড়িতে চান না। হুর্গাদাস বাবু কহিলেন—“মামা, তুমি ধরে যাবে না?”

ঘোষাল মহাশয় উত্তর করিলেন—“না বাবা রাত্রি অনেক হয়েছে, তোমার মামী এতক্ষণ ঘুমিয়ে পড়েছে, আর এত রাতে ডাকাডাকি করে তাকে বিরক্ত করবো না। আমি তোমার কাছেই থাকুবো।”

কিন্তু এদিকে তাঁহার স্ত্রী ‘কমলা’ যে তাঁহার জন্ম সমস্ত রাত্রি জাগিয়া বসিয়া থাকিবে, না হয় শয্যায় শুইয়া ছটফট করিবে—এ কথা জানিয়াও তিনি গোপন করিলেন। সে রাতে দুই জনের কেহই শয়ন করিলেন না—নীচেরই একটা গৃহে বসিয়া কেবল হা ছতাশ করিতে লাগিলেন। তবে হুর্গাদাসের চক্ষে বিন্দুমাত্র অশ্রু-পতনের চিহ্ন ছিল না, আর ঘোষাল মহাশয়ের চক্ষে দরদর-ধারায় অজস্র অশ্রু বিগলিত হইতেছিল। এই-রূপে রাত্রি প্রায় তিনটা বাজিয়া গেল। তিনটার পর অল্পকূলচন্দ্র আসিয়া পৌঁছিল। তিনিও আসিয়াই কাঁদিতে আরম্ভ করিলেন, সুতরাং এ রাতে তিনি কাহার নিকট এই দুঃখ-সংবাদ পাইলেন; সে সম্বন্ধে আর কোন কথা তাঁহাকে জিজ্ঞাসা করা হইল না। কিছুক্ষণ পরে একটু স্থিতির হইয়া অল্পকূলচন্দ্র অতুলের মৃতদেহ একবার দেখিতে চাহিলেন। তখন তিন জনেই সেই ঘরের দিকে চলিলেন। সে ঘরের নিকটে গিয়া দেখিলেন—পুলিষ-প্রহরী নাসিকাধ্বনি করিতেছে, আর ঘর অন্ধকার! একটা মৃতদেহ যখন ঘরের মধ্যে রহিয়াছে, তখন সে গৃহ অন্ধকার থাকা কোন ক্রমেই উচিত হয় না—এ কথা তৎক্ষণাৎ তিন জনের মনেই উদয় হইল। একজন ভৃত্যকে আলো আনিতে আজ্ঞা করা হইল। ভৃত্য আলো লইয়া অগ্রে অগ্রে চলিল। ঘরের মধ্যে প্রবেশ করিয়া তিন জনেই একটা বিকট চীৎকার করিয়া উঠিলেন—“এ কি! খাটিয়া শূত্র—ঘরে লাস নাই।”

ক্রমশঃ—

শ্রীযোগেন্দ্রনাথ চট্টোপাধ্যায়।

গ্রন্থের প্রাপ্তি-স্বীকার ও সমালোচনা।

আত্মজীবনচরিত।—স্বর্গীয় দেওয়ান কার্তিকেশ্বর

চন্দ্র রায়ের আত্মজীবন চরিত, ভারত-মিহির যন্ত্রে মুদ্রিত, উৎকৃষ্ট বিলাতী বাঁধাই, মূল্য দুই টাকা। স্বর্গীয় দেওয়ান-জীর দিকপাল সদৃশ সুযোগ্য কৃতিসন্তানগণ কর্তৃক প্রকাশিত। নবদ্বীপের রাজবংশ বঙ্গীয় হিন্দু-সমাজের শীর্ষ-স্থানীয় বলিয়া সর্বত্র বিশেষরূপে সমাদৃত ও সম্মানিত। নবদ্বীপ রাজবংশের সহিত স্বর্গীয় দেওয়ান কার্তিকেশ্বরচন্দ্র রায়ের বংশানুক্রমিক সম্বন্ধ; সুতরাং তাঁহার জীবন-চরিত বর্ণনাকালে নদীয়ার রাজবংশের ইতিবৃত্ত স্বতঃই আসিয়া পড়িয়াছে। দেওয়ান মহাশয়ের মনোহর আত্ম-চরিত বর্ণনার সহিত রাজবংশের গৌরবান্বিত ইতিবৃত্তের সংমিশ্রণে এক অপূর্ব-গ্রন্থ সৃষ্টি হইয়াছে। ইহার প্রতি পত্র বিবিধ জ্ঞাতব্য ও শিক্ষণীয় বিষয়ে পূর্ণ, তদুপরি ভাষা ও ভাবের লাগিত্যে, বর্ণনার মনোহারিত্বে এবং বিষয় গৌরবে এই আত্মজীবনচরিত বঙ্গসাহিত্যের মহাসূর্য্য অলঙ্কার স্বরূপ, ইহা এক কথায় নিঃসন্দেহে বলিতে পারা যায়। ৭৫ বৎসর পূর্বের বাঙ্গালার রাজনৈতিক, সামাজিক, বৈষয়িক এবং শিক্ষা প্রভৃতি বহুতর বিষয়ের বিশদ-বর্ণনায় এই বৃহৎ গ্রন্থ পূর্ণ। তাহার সম্যক আলোচনা করা এই সংক্ষিপ্ত স্থানে সম্ভবপর নহে, আমরা ইহা পাঠ করিয়া পরম প্রীতি এবং জ্ঞানলাভ করিয়াছি।

গ্রন্থকারের সুযোগ্য সন্তানগণ স্বর্গীয় জনকের এই বিশাল কীর্তিস্তম্ভ বঙ্গসাহিত্য-ক্ষেত্রে প্রতিষ্ঠিত করিয়া ধন্য হইয়াছেন, এজন্য তাঁহারা আমাদেরও ধন্যবাদার্থ। পরিশেষে বঙ্গীয় পাঠক সাধারণের প্রতি আমাদের সনির্ভর অনুরোধ, তাঁহারা যেন অসার নাটক নভেল ত্যাগ করিয়া এই উপাদেয় এবং শিক্ষাপ্রদ গ্রন্থখানি যত্নের সহিত পাঠ করেন, ইহাতে তাঁহাদের সময় ও অর্থ বৃথা ব্যয়িত হইবে না।



৭ম ভাগ।

মাঘ, ১৩১১।

১০ম সংখ্যা।

মহর্ষি দেবেন্দ্রনাথ ঠাকুর।

“Not in the camp his victory lies,
Nor triumph in the market place.
He is his nation's sacrifice.
To turn the judgment from his race.”

পতিত স্বদেশবাসিগণকে উদ্ধার করিতে যুগে যুগে এক এক মহাত্মার অবিত্যব হয়, তাঁহারা সমাজের গতি নূতন পথে পরিচালিত করিয়া আপনাদিগের কীর্তিস্তম্ভ স্থাপন করিয়া যান, অধঃপতিত জাতি যখন মোহাক্ষ হইয়া স্রোতে গা ভাসাইয়া দেয়, জ্ঞানীর উপদেশ ও সতর্কবাণী যখন তাহাদের শ্রবণপথে প্রবেশ করে না, যখন তাহারা উন্নতির আলোক ও ধর্মের মহীয়সী শক্তি অনুভব করিতে অক্ষম হয় তখনই এক এক মহাত্মার আবশ্যক। তাঁহারা ধরাধামে অবতীর্ণ হইয়া শত বাধা শত বিঘ্ন অতিক্রম করিয়া শত উপহাস শত বিজ্ঞপ সহ করিয়া সমাজকে নূতন প্রদর্শন করেন। শ্রীকৃষ্ণ বলিয়াছেন :—

পরিভ্রাণায় সাধুনাং বিনাশায় চ গুরুতাম্।

ধর্ম সংজ্ঞাপনায় সাধুনাং যুগে যুগে।

যুগপ্রবর্তক মহাত্মাগণের পক্ষেও এই কথাটি সম্যক প্রযুক্ত্য, তাঁহারা তাহাদের স্বদেশবাসিগণের নিকট সমস্ত সময় বখোচিত সম্মান ও ভক্তি না পাইলেও তাঁহাদের মৃত্যুর পর তাহাদের জীবনী-শক্তি যেন বর্ধিত হয়, মৃত্যু তাহাদিগকে অমর ও অজেয় করিয়া তুলে। তাঁহাদের অমাতৃষী শক্তি চিত্তাভঙ্গের সহিত বিলীন হয় না, জাহ্নবী-সলিল সে তেজ প্রতিরোধ করিতে পারে না, বিশ্বের দেশীয় সিংহকম্পক্ষীর দেহভাগ হইতে যেমন নূতন মহাবল পক্ষী উদ্ভূত হইত, সেইরূপ ত্রৈলোক্য প্রাতঃস্মরণীয় মহাত্মাগণের চিত্তাভঙ্গ হইতেও এক নবীন শক্তির অভ্যুত্থান হয়, তাহার তেজ অজেয় ও অমর। সমাজ সেই শক্তির প্রভাবে আপনার অভাব বুদ্ধিতে পারে এবং তাঁহাদের প্রদর্শিত পদচিহ্ন অনুসরণ করিয়া অনন্তের দিকে ধাবমান হয়।

মহর্ষি দেবেন্দ্রনাথ যুগপ্রবর্তক মহাত্মাগণের মধ্যে একজন, তাঁহার সর্বভোমুখী প্রতিভা, তাঁহার দেবোপম নিম্নলিখিত চরিত এবং সর্বোপরি তাঁহার পবিত্র ধর্ম-প্রবণ হৃদয় তাঁহাকে অমর করিয়া তুলিয়াছে।

বিগত ৬৬ বৎসর, বৃহস্পতিবার, স্কন্ধপঞ্চমীর অধোদশমীতে বেলা অপরাক্ত প্রায় ছটটার সময় মহর্ষি দেবেন্দ্রনাথ ঠাকুর

মহাশয় অষ্টাশী বৎসর আট মাস বয়সে তাঁহার ঘোড়াশাঁকোস্ত ভবনে সজ্ঞানে বেদনজ্ঞাদি শ্রবণ করিতে করিতে নন্দরদেহ পরিত্যাগপূর্বক অমরধামে চলিয়া গিয়াছেন। কয়েক বৎসর হইল যখন তিনি পার্ক স্ট্রীটে বামাবাটী পরিত্যাগ করিয়া তাঁহার ঘোড়াশাঁকোস্ত গৃহে প্রত্যাগমণ করেন, তখন বলিয়াছিলেন “আমি সেখানে জন্মিয়াছি, সেখানেই মরিব।” তাঁহার দেহধারণ ও দেহবজ্জন, এ উভয়ই একপ্রকার স্বর্গীয় ব্যাপার, বলিতে হইবেক। উহা বহুল আশ্চর্যঘটনাপূর্ণ। এই ক্ষেত্রে তাঁহার অসাধারণ ধৈর্য, তীক্ষ্ণবুদ্ধি, সংসাহস, প্রত্যাপন-মতিভ্র, আধ্যাত্মিক মহত্ব, ব্রাহ্মধর্মের প্রবর্তনা ও প্রচার এবং প্রকৃত মহত্বের পরিচয় পাওয়া যায়, তাহা মানবমণ্ডলে এক নতুন এবং মহাশিক্ষাপ্রদ ব্যাপার বলিতে হইবেক। মানবজীবনের নরীক্ষাসুন্দর একরূপ আদর্শ এ যুগে অতি বিরল।

কর্মজীবনে মহর্ষি দেবেন্দ্রনাথ ঠাকুর সে একজন কর্মযোগী ছিলেন, তাহা তাঁহার তাঁহাকে কাব্যক্ষেত্রে দর্শন করিয়াছেন, তাঁহারই জানেন। বর্তমান বাচক্ষণ এবং বহু-অভিজ্ঞতাসম্পন্ন কর্মীদের মধ্যে যে কেহ তাঁহার সংশ্রবে আসিয়াছিলেন, তিনিই বলিতেন “দেবেন্দ্রনাথ ঠাকুর একজন ক্ষণজন্মা পুরুষ এবং বিষয়কর্মক্ষেত্রে একজন সুদক্ষ ও প্রতিভাশালী ব্যক্তি।” সেখানে বড় বড় বিষয়ী ও কর্মীদের বুদ্ধি খাটিত না সেখানে তিনি সহজ সরল ভাবে এমন সকল উপায় উদ্ভাবন করিয়া বলিয়া দিতেন যে, সকলেই তাহা দেখিয়া শুনিয়া অবাধ হইয়া গাইত।

মহর্ষি দেবেন্দ্রনাথের দেবোপম পবিত্র চরিত্রে সত্যনিষ্ঠা এক বিশেষ উল্লেখ যোগ্য এবং সাধারণের শিক্ষণীয় বিষয়। যে যুগে মানবের মানবত্ব নাকল্য হয় তাহা না থাকিলে মানুষের এবং পশুতে প্রভেদ থাকে না, মানব চরিত্রের সেই একমাত্র বাঞ্ছনীয় বিষয়—সত্যের প্রতি সন্দেহের সারি দেবেন্দ্রনাথের চরিত্রে এত অধিক ছিল যে তাহা সচরাচর প্রায় দেখা যায় না, তিনি স্বীয় জীবনে যে অল্পদ সত্যনিষ্ঠার পরিচয় দিয়াছেন তাহা সকলেরই অনুকরণীয় এবং শিক্ষণীয় বিষয় সন্দেহ নাই। দৃষ্টান্ত স্বরূপ আমরা এখানে অতি সংক্ষেপে নামাত্ম একটি ঘটনার উল্লেখ করিতেছি। এক সময়ে মহর্ষি দেবেন্দ্রনাথ,

বৈবয়িক গোলযোগে কিছু ঋণী হইয়া পড়েন, পরে ঐ ঋণ পরিশোধ করিতে তিনি বিশেষ বিব্রত হইলে তাঁহার কোন পরামর্শদাতা অসত্বপায় অবলম্বনে উত্তমর্গদিগকে বঞ্চনা করিতে পরামর্শ দেন, কিন্তু তিনি সত্যের প্রতি সন্দেহ করিতে এতই অনুপ্রাণিত হইয়াছিলেন যে, অতি যত্ন সহিত পরামর্শদাতার প্রস্তাব উপেক্ষা করিয়া সত্যের মর্যাদা অক্ষুণ্ণ রাখিয়াছিলেন। তিনি যাহা সত্য বলিয়া জানিতেন এবং তাঁহার বিবেক তাঁহাকে সত্যের বেদ প্রতীতি জন্মাইয়া দিত তিনি আত্মীয় স্বজন, এমন এমন কি নন্দর পারিত্যাগ করিয়াও সেই সত্যের অপলাপ করিতেন না। তাঁহার জীবনে এ বিষয়ের ভূরি ভূরি দৃষ্টান্ত বিদ্যমান।

আমরা তাঁহার দম্ম এবং কর্মজীবন সংক্ষেপে আর অধিক কি বর্ণনা করিব? তাঁহার “আত্মজীবন” গ্রন্থখানি মিনি পাঠ করিয়াছেন, তিনিই জানেন তাহা এক শাস্ত্রবিশেষ। আর তাঁহার অতি প্রিয় পত্রিকা “তত্ত্ববোধিনী” (তাঁহার বয়স এক্ষণে প্রায় সত্তর বৎসর হইয়াছে) প্রথম হইতে শেষ পর্যন্ত পাঠ করিয়া দেখিলে জানা যায় মহর্ষি দেবেন্দ্রনাথ কিরূপ স্ননিপুণভাবে বিশ্বজনীন দম্ম আলোচনা ও প্রচার করিয়া গিয়াছেন। নাহি ত্যক্ষেত্রে বঙ্গ ভাষার বর্তমানের যে উন্নতি হইয়াছে, তাহার মূল কারণই এই তত্ত্ববোধিনী পত্রিকা। ইহা সাহিত্যসেবীদের বিশেষ আলোচ্য বিষয়। তবে কেহ যদি ঐ মহাপুরুষের দম্মজীবনের দম্মকে কাব্যাবলী জানিতে চাহেন তাহা হইলে তাঁহার তাঁহার গ্রন্থাবলীর মধ্যে নিম্নলিখিত গুরুত্বালি যেন পাঠ করেন :—

- ১। “ব্রাহ্মধর্ম” গ্রন্থ—উপনিষদের প্রাচীন ঋষিদিগের অস্তিত্ব খান্নাদি হইতে সঙ্কলিত ও তাঁহার সুন্দর বাঙ্গালা অর্থ এবং গভীর জ্ঞানপূর্ণ-তাৎপর্ষ সহ প্রকাশিত।
- ২। “ব্রাহ্মধর্মের ব্যাখ্যান”—উপনিষদের শ্লোকাবলম্বনে ও প্রাচীন ঋষিদের দম্মভাব গ্রহণে চমৎকার ব্যাখ্যা।
- ৩। “ব্রাহ্মধর্মের মত ও বিশ্বাস”—ঈশ্বরের অস্তিত্ব, তাঁহার স্বরূপ বিষয়ে উপদেশ এবং পরকালে স্বর্গ নরক মুক্তি প্রভৃতি ধর্মের অবস্থা জ্ঞাতব্য বিষয় সম্বন্ধিত সংক্ষিপ্ত গ্রন্থ।
- ৪। “তত্ত্ববিদ্যা”—দার্শনিক বিচারে আত্মজ্ঞান বিষয়ে সুন্দর গুস্তিকা।

৫। “জ্ঞান ও ধর্মের উন্নতি”—সৃষ্টি এবং ধর্ম বিষয়ে মহর্ষির উপদেশ হইতে সঙ্কলিত পুস্তক।

৬। “পরলোক ও মুক্তি”—অতি সংক্ষেপে পারত্রিক ও মুক্তি বিষয়ে তাঁহার উপদেশ হইতে রচিত গ্রন্থ।

৭। “শ্রীমন্নরধর্মের আত্মজীবনী।”



কুন্তলা।

সপ্তম পরিচ্ছেদ।

আহারাদি করিতে রাত্রি অনেক হইল। তৎপরে অতিথি বন্ধুর সহিত আলাপ আপ্যায়নে আরও অনেকক্ষণ কাটিয়া গেল। কালীপ্রসাদ দাস্ত হইয়া উঠিলেন। কালীপ্রসাদ বড় ক্ষেণ হইয়া উঠিয়াছেন। পাড়ার মেয়েরা, গ্রামের ছেলেরা, বন্ধেরা পর্যন্ত কাণাকাণি করিয়া বলিতে আরম্ভ করিল “বাবু বড়ই বোঁএর অমুগত হইয়া পড়িয়াছেন। বৌকে ছাড়িয়া একতিল কোথাও তিষ্ঠিতে পারেন না।” কথাটা নিতান্ত অসার বা অসহ্য নহে। কালীপ্রসাদের পক্ষে জগৎ এখন কুন্তলাময়। ভোজনে কুন্তলা, ভ্রমণে কুন্তলা, শয়নে কুন্তলা,—হার! হার! স্বপনেও সেই কুন্তলা। কুন্তলা ছাড়া জগতে আর কি আছে? কুন্তলা ব্যতীত সংসারের সার সত্য আর কি আছে—আর সজীবই বা কি হইতে পারে? কুন্তলা কালীপ্রসাদের আত্মা, দেহ, মন, প্রাণ সকলই একেবারে দখল করিয়া সম্পূর্ণরূপে আত্মসাৎ করিয়া বসিয়া আছে।

বৃদ্ধা গৃহিণী তাহা দেখিলেন—বুঝিলেন। মনে মনে আনন্দিত হইলেন—ভাবিলেন, তরুণমতি যুবকসন্তান আর কোনও মতেই বিগড়াইবে না। তবে প্রাণের মধ্যে একটু আশঙ্কার ছায়াও যে না পড়িল তাহা নহে। ভয়ে মাতা ভাবিলেন “ছেলে পাছে বধুর মোহে পড়িয়া স্বীয় সংসারধর্ম তুলিয়া যায়—বিষয় কর্মে আলগ্ন ওদাস্ত করে।” মনে মনে কহিলেন “লোকে যাহা বলে তাহা ত নিতান্ত

মিথ্যা ভ্রম নয়। ছেলে অতি প্রতাবে লোকজন উত্তিবার পূর্বে বধুকে লইয়া বাটাসংলগ্ন উচ্চানে ভ্রমণ করে, বধুকে সম্মুখে বসাইয়া আহার করে বধুকে পাশে বসাইয়া বই পড়ে। তবে কার্য করিবে কখন বিষয় আশর দেখিবেই বা কিরূপে? কিন্তু ভাবনার কথা নয় কি? আর ভাবনার কথা হইলে উপায়ই বা কি?”

কালীপ্রসাদ, বন্ধু বেণী বাবুকে কহিলেন “তবে তুমি এখন বিশ্রাম কর ভাই।”

কলিকাতাবাসী চতুর যুবক বেণী বাবু, কালীপ্রসাদের বাগত, ব্যস্ততা অনেকক্ষণ হইতে লক্ষ্য করিতেছিলেন। কালীপ্রসাদের বর্তমান বিশ্রাম প্রস্তাব শুনিয়া তিনি আর হাসি চাপিয়া রাখিতে পারিলেন না। বেণী বাবুর হাসি দেখিয়া কালীপ্রসাদ বুঝিলেন। কারণ দোষী ব্যক্তি পরের চক্ষুকে অত্যধিক পরিমাণে তীব্র তীক্ষ্ণ মনে করিয়া থাকে। বেণী বাবুর হাসির অর্থ বুঝিয়া কালীপ্রসাদ কিছু অপ্রতিভ হইলেন। ভাঙ্গা ভাঙ্গা অর্ধক্ষুণ্ট ভাষে কহিলেন “তোমার বোধ হয় এখনও ঘুম পায় নাই। তোমরা কলিকাতার লোক। তোমরা একপ্রকার নিশাচর।”

বেণী বাবু যেমন চতুর তেমনই সুরমিক। সুরমিক রসাতাসের পরিধা সুযোগ পাইলে সহজে তাহা পরিত্যাগ করে না। তাহার উপযুক্ত ব্যবহার না করিয়া ছাড়ে না। বেণী বাবু কহিলেন তোমরা দাঁজ যুমানো পাড়াগেয়ে। তোমাদের গুম সন্ধ্যার আগে সুর হইয়। এই বলিয়া বেণী বাবু বন্ধুর উত্তরের অপেক্ষা না করিয়া, তাঁহাকে ধরিয়া রাখিতে চেষ্টা না করিয়া, একেবারে সটান শুইয়া পড়িলেন। কহিলেন—“আলোটা চক্ষের সামনে হইতে সরাইবার বন্দোবস্ত করিয়া দাও।”

ভৃত্য আসিয়া আলোক সরাইয়া দিল। কালীপ্রসাদ ধীরে ধীরে উঠিয়া স্বীয় কক্ষে গমন করিলেন।

পানীর বিলদ দেখিয়া, কুন্তলা অনেকক্ষণ এ পাশে পাশ করিয়া কাটাইল। পরে কৃত্রিম নিজা ভান করিয়া পড়িয়া রহিল।

কালীপ্রসাদ আসিয়া, কুন্তলাকে অনেক ডাকাডাকি করিলেন। স্বাভাবিক নিদ্রা সহজে ভাঙে। কৃত্রিম নিদ্রা ভাঙিতে অনেক বিলম্ব ঘটে।

কালীপ্রসাদ প্রথমে কত ডাকিলেন। 'কুন্তলা', 'কুন্ত', 'কুন্তী'—আদরে, অভিমানে, বেদনায়, ছুইবার—তিনবার বারবার কতবার ডাকিলেন, কুন্তলা যে দেশেও নাই। কালীপ্রসাদ অভিমানে—অনুরাগে অপর পার্শ্বে মুখ ফিরাইয়া শুইলেন। খানিকক্ষণ নীরবে শুইয়া রহিয়া কালীপ্রসাদ আবার উঠিলেন। শয্যা কি ফুটিতে লাগিল। গায়ে কি প্রাণে ফুটিতে লাগিল, কালীপ্রসাদ তাহা বুঝিলেন না।

কালীপ্রসাদ মনে মনে রাগিলেন। রাগভরে কুন্তলার অধর দংশন করিয়া উঠেচঃস্বরে ডাকিলেন—'কুনো' 'কুনো,—কুন্তলা এইবার আর নীরবে অসার হইয়া রহিতে পারিল না। হাসিয়া ফেলিল। প্রকৃত নিদ্রাভঙ্গের ভাব করিয়া উঠিয়া বসিল।

কালীপ্রসাদ মনে মনে কহিলেন 'কে বলে কুন্তলা সরলা অবোধ বালিকা। কুন্তলা বড় কুটীলা ছুই মেয়ে।' প্রকৃত পক্ষে কুন্তলা যে কেমন মেয়ে—কুন্তলা সরলা কি কুটীলা—কুন্তলা শাহুময়ী কি চঞ্চলা—কুন্তলা বুদ্ধিহীন কি বুদ্ধিমতী—তাহা কালীপ্রসাদের প্রেমমুগ্ধ প্রাণ অনেক সময় বুঝিতে পারিত না। তবে কালীপ্রসাদের আত্মহারা অন্তরাখ্যা জানিত যে, সে কুন্তলার হাতে কলের পুতুল। সে পুতুল হইয়া রহিতে কালীপ্রসাদের প্রাণ সুখী ব্যতীত কখনও ছঃখিত হইত না। কেন হইত না—পরের হাতে খেলার পুতুল হইতে—পরের হাতে পিঙ্গরাদ্দ পাখী হইতে কেন কালীপ্রসাদের প্রাণ—ছঃখিত না হইয়া সুখী হইত, তাহা কালীপ্রসাদ বুঝিতেন না—যেন জানিয়াও জানিতেনও না—জানিতে পারিতেন না—অথবা জানিতে চাহিতেন না। বড় সুখের সে সময়। জীবনের এই সময় বড় সুখস্বপ্নের সময়। এ স্বপ্ন মদিরা এ মোহনিদ্রা ভাঙ্গিয়া জগতের আলা ভূগিতে কে জাগিতে চায়?

কুন্তলা বসিয়া কহিল "এত দেরি হইল!" কুন্তলার মুখের কথা শুনিয়া, কালীপ্রসাদের প্রাণে ঘোর অভিমান জন্মিল। এই বার কালীপ্রসাদের পালা। তিনি নীরবে অভিমানের ভাণ করিয়া রহিলেন।

কুন্তলা ছুই মৃগালভূজে আবেষ্টন করিয়া, পতির গল-দেশ ধারণ করিল। কহিল "মহাভারত পড়িবে বলিয়া ছিলে। এখন পড়িবে কি?"

কালীপ্রসাদ বিগলিত কণ্ঠে কহিলেন 'রাগি অনেক হইয়াছে।'

কুন্তলা ঈর্ষাভরে কহিল 'কেন হইল?'

কালী।—জানইত বেণী বাবু আসিয়াছেন।

কুন্তলা।—বেণী বাবুকে এতক্ষণ বসাইয়া জাগাইয়া রাখিবার প্রয়োজন?

সম্রাজ্ঞীর অহুজ্জা ভাবে কুন্তলা জিজ্ঞাসা করিল—কালীপ্রসাদ নীরবে রহিলেন। কুন্তলা মনে মনে হাসিল। পতিকে এমন করায়ত্ত করিতে পারিলে কোন তরুণী ভার্য্যা সুখী না হয়—কোন সতী আপনাকে সৌভাগ্যবতী বলিয়া মনে না করে?

নবীন দম্পতির প্রেম আলাপনে, প্রথম কলহে, শুধে ব রজনী বিগতপ্রায় হইল। যামিনীর চতুর্থ যামে উভয়ে নিদ্রিতা হইলেন।

অফিম পরিচ্ছেদ।

হরদিয়া খুব গুলজার নগর বিশেষ হইয়া দাঁড়াইয়াছে। হরদিয়ার নিকটে অনেক সাহেব কারবারী আসিয়াছে। তাহারা অনেকগুলি কয়লার কুঠি স্থাপন করিয়া ধুমধামের উত্তরোল উচ্চাস তুলিয়াছে। চারি পাশে সীম-কলের 'হসহস' শব্দ, হাপড়ের 'হম' 'হম' আওয়াজে কান পাতা দায়। আকাশ স্তম্ব ইঞ্জিনের ধূমে সর্বক্ষণ আঁধারময়। সাহেবদের কুঠির অনেক কর্মচারী, লোক-জন প্রান্তর ছাড়িয়া হরদিয়ার গ্রাম্যসীমায় বাস করিয়া রহিয়াছে।

এইরূপ লোকজনের সমাগম হওয়ায় হরদিয়া এক নগর বিশেষ হইয়া দাঁড়াইয়াছে। হরদিয়ায় এক ইংরেজী স্কুল স্থাপিত হইল। অনেকগুলি কুঠির কর্মচারী সে বিদ্যালয়ের অমুঠাতা হইলেন। আর তাহার প্রধান নেতা পরিচালক পৃষ্ঠপোষক হইলেন বিদ্যালয়গামী কালী-প্রসাদ বাবু।

কালীপ্রসাদের ধনসম্পদের অবস্থা, এই সময়ে অত্যন্ত অধিক পরিমাণে উন্নত হইতে লাগিল। যেসকল ভূমি তাহার পিতা হরদিয়ার প্রান্তরে ক্রয় করিয়া রাখিয়া গিয়াছিলেন, তাহাতে কয়লার আবির্ভাবে, তাহাদের

খায় প্রচুর পরিমাণে বাড়িয়া উঠিতে লাগিল। অনেক সাহেব সুখ আসিয়া বহুমূল্যে বেশী হারের খাজানায় সেসকল জমা করিয়া লইতে লাগিলেন। কালীপ্রসাদের ধনভাণ্ডার অল্পকালে উচ্চলিয়া উঠিল। কালীপ্রসাদ মনে করিলেন—'কুন্তলা কমলা। কুন্তলার আগমনে তাহার দাসত্বন লক্ষ্মীর ভাণ্ডারে পরিণত হইয়াছে।'

হরদিয়া ধনের চক্র দেখিয়া, বাহির হইতে যত্ন-মুগ্ধ সংগ্রাহক জুটিতে লাগিল। সঙ্গে সঙ্গে এক চক্রভেদ-কারী ব্যাধ আসিয়া উপস্থিত হইল। কাশী রায় সে ব্যাধদলের সর্দার। কাশী রায় জহরৎ ও বঙ্গ-বাবসায়ী বেশে হরদিয়ায় আসিয়া উপস্থিত হইল। কমে কমে কালীপ্রসাদের ছায়ায় আসিয়া আঁটিয়া বসিবার উত্তোগ উপক্রম করিতে লাগিল। তাহার সে উত্তোগ অল্পদিনেই সফল্য লাভ করিল।

কালীপ্রসাদ পিতার ব্যবসায় বৃদ্ধির রড একটা অংশ পান নাহি। তিনি ব্যবসা বুঝিতেন না। বৃত্ত ব্যবসায়ীর চল চাতুরীও সমঝাইতে পারিতেন না। সহজেই কাশী রায়ের বাক্যে প্রলোভনে মুগ্ধ হইয়া পড়িলেন। তাহার মুগ্ধ হইবার আরও একটা কারণ ছিল। সে কারণ টুকু তাহার নিজস্ব। কুন্তলাকে দেখিয়া তাহার হৃদয়ে কিছু-তেই তৃপ্তি জন্মিত না। কুন্তলা তাহার চক্ষে 'নিতুই নব'। কুন্তলাকে কি সাজে সাজাইবেন—কি বেশে দেখিবেন—কোথায় কিরূপে রাখিবেন—কালীপ্রসাদ ইহা অনেক সময় স্থির করিয়া উঠিতে পারিতেন না। এক বার ভাবিতেন কুন্তলার স্বাভাবিক সৌন্দর্য্যই ভাল—তাহাতে অকৃত্রিমতার ছটা দিলে সে বনদেবতার অপ-বংশ ঘটিবে। আবার ভাবিতেন কুন্তলাকে সুবর্ণ মুক্তার সজ্জিত করিলে সোনার সোহাগা পড়িবে—মণিকাক্ষ-নের গুণযোগ সুসংযোগ ঘটিবে। তাই যখন মনে করিতেন তখনই কাশী রায়ের নিকট মণি মুক্তার হার বলয় আদি ভূষণ এবং মূল্যবান পটুপটুদি ক্রয় করিতেন। এই প্রকারে কালীপ্রসাদের নিকটে কাশী রায়ের গতি-বিধির সূত্রপাত হইল। কিছু দিনে সে সূত্র বিলক্ষণ পরিপক হইয়া উঠিল।

এক দিন কাশীরায় কালীপ্রসাদের বৈঠকখানায় বাবুর নিকট বসিয়া নানাদেশ বিদেশের গল্প করিতেছে,

এমন সময় বিদ্যালয়ের তত্ত্বাবধায়ক জনৈক তথাকথিত শিক্ষিত ব্যক্তি বাহিরে ঘোড়া হইতে নামিলেন। বৈঠকখানায় আসিয়া, কালীপ্রসাদকে নমস্কার করিলেন। কালীপ্রসাদ প্রতিনমস্কার করিয়া সমস্বমে উঠিয়া দাঁড়াইয়া তাহার আদর-অভ্যর্থনা করিলেন।

আগত্বক কহিলেন "আপনি আমার জানেন না। আমি এই জেলার স্কুলের তত্ত্বাবধায়ক। আমার নাম শ্রীহরিকিশোর গোস্বামী। আমার নিবাস রামপুর।"

কালীপ্রসাদ বিনীতভাবে কহিলেন "আজ্ঞে হাঁ। আপনার নাম শুনিয়াছি। তবে আপনার সহিত সাক্ষাৎ আলাপ পরিচয়ের সৌভাগ্য আমার এ পর্য্যন্ত ঘটে নাই।"

হরিকিশোর মস্তক অবনত করিয়া, অত্যধিক পরি-মানে কুচ্ছিত ও বিনীত হইয়া কহিলেন "সৌভাগ্য আমা-রই। আপনার ছায় চরিত্রান সুশিক্ষিত মহাত্মার সহিত আলাপ পরিচয় হওয়া, বাঙ্গালা দেশের মধ্যে অতি মহৎ সন্মোচন পদবীতে অধিষ্ঠিত ব্যক্তির পক্ষেও মহা-প্লাবণ-গোরবের বিষয়। আমি অনেক দিন হইতে অনেক স্থানে অনেক লোকের মুখে আপনার মহত্বের গুণগান শুনিয়া আসিতেছি। অনেক দিন হইতে ভাবিতেছিলাম আপনার সহিত আলাপ পরিচয়ের সুবিধা—সুযোগ কবে কিরূপে ঘটিবে। আমার সৌভাগ্যক্রমে, শিক্ষাবিভাগের কর্ম-পক্ষ সম্প্রতি আমাকে এই দিকে 'ট্রান্সফার' করিয়াছেন। তাই অনেক কালের সঞ্চিত আশা আকাঙ্ক্ষা সফল হইল।"

কালীপ্রসাদ সরল শিষ্ট ব্যক্তি। কথার বাণিজ্য তিনি বড় বুঝেন না জানেন না। এত কথার তিনি কি উত্তর দিবেন কিছুই ভাবিয়া চিন্তিয়া স্থির করিয়া উঠিতে পারিলেন না। অতি সঙ্কুচিতভাবে মস্তক চুলকাইতে লাগিলেন। হরিকিশোর বাবুর আলাপনে তিনি সে বিশেষ আপ্যায়িত আক্লাদিত হইয়াছেন, তাহার চক্ষের ও মুখের ভাব ভঙ্গিতে তাহাই প্রকাশ পাইতে লাগিল।

হরিকিশোর বাবুর সমাদর সম্বৃষ্টির উদ্দেশে কালী-প্রসাদ তাহার ভোজনের জন্ত প্রচুর আয়োজন করিতে গাত্রোথান করিলেন। শিষ্টাচারসম্মত ক্ষণকালের জন্ত বিদায় প্রার্থনা করিয়া তিনি বাটার ময়ো চলিয়া গেলেন।

হরিকিশোর বাবু তখন বৈঠকখানার চারিদিকে শুভ-দৃষ্টি নিক্ষেপ করিতে লাগিলেন। তাহার দৃষ্টি কাশী

রায়ে প্রতী পতিত হইল। ঘরের আর লোকজন বাবুর পিছু উঠিয়া গেল। কাশীরায় মাথা হেট করিয়া কহিল—“নমস্কার বাবু সাহেব।” হরিকিশোর কহিলেন “আর কেও কাশী রায়! তুমি যে এখানে?”

সতর্ক হইয়া হরিকিশোর জিজ্ঞাসা করিলেন। কাশী রায় হাসিয়া কহিল “আজ্ঞে বাবু আর বাবসায়ী একই জাতি। উভয়েরই গতি সঙ্গত।”

হরিকিশোর কাশীরায়কে ভালরূপেই চিনিতেন। কাশী রায়ও হরিকিশোরকে বিশেষরূপে জানিত ও বসিত। হরিকিশোর ছুট্ট হাসি হাসিয়া কহিলেন “কেমন এদিকে ব্যবসা বাণিজ্যের আবহাওয়া কেমন বৃষ্টিতেছে?”

কাশী রায় উত্তরে হাসিয়া কহিল “এই তো সবে নূতন খাতা খুলিয়া বসিয়াছি বাবু।”

বৃষ্টিতেছে কেমন?”

কাশী রায় একটু বিস্ময়ভাবে কহিল—“বড় ভাল বোধ হয় না। বড় কঠিন টাই বলিয়া মনে হয়।”

হরিকিশোর হাসিয়া কহিলেন “কেন? নূতন কাপড়—নরম যামগা বলিয়াই তো মনে হয়।”

কাশীরায় কহিল “সে কেবল কানে শুনিতে। পুরের কেশে বন দেপায়।”

হরিকিশোর কহিলেন “দেখ কাশীরায়, তুমি পাকা বুদ্ধিমান ব্যবসায়ী হইয়া এই কথাটা বলিলে?”

কাশীরায় তীক্ষ্ণ দৃষ্টিতে চাহিয়া কহিল “কেন?”

হরিকিশোর “তোমার ও ‘কেন’র কি কোন উত্তর আছে?”

কাশী। যদি না থাকে তবে আমি নিরুত্তর।

উভয়ে কিছুক্ষণ নীরবে রহিলেন। পরে হরিকিশোর গলার পুর নরন করিয়া কহিলেন “সন্ধ্যার পর তোমার বাসায় বসিয়া সকল বুঝা পড়া করিব। এখন একটা মোটা কথা তোমায় বলিয়া রাখি। দেখ স্থান নরমে বা কঠিনে কিছু আসে যায় না। যদি হাতের গুণ থাকে, হাতিয়ারের ক্ষমতা থাকে তবে কঠিন পাথরে সোনার ফলন ফলে।”

কাশীরায় কহিলেন “সেটা কথার কথা মহাশয়। শুনিতে ভাল—বলিতে ভাল। হাতে কলমে তাহা ফলে না।”

হরিকিশোর বাহিরে পদশব্দ শুনিয়া অতি কোমল স্বরে কহিলেন “সে কথা এখন থাকুক। পরে সে কথা তোমায়

বৈকালে বুঝাইব। এখন তোমাকে যে জন্তু পাঠাইয়াছিলাম তাহার বিশেষ সন্ধান জানিতে পারিয়াছ কি? আমি—”

ভৃত্য আসিয়া কহিল “বাবু কি গরম জলে স্নান করিবেন?”

হরিকিশোর। না, পুষ্করিণীতে বাইব।

হরিকিশোর। পোষাক ছাড়িলেন। ভৃত্য তাঁহাকে তৈলমর্দন করিতে লাগিল। কাশীরায় অভিবাদন করিয়া চলিয়া গেল।

নবম পরিচ্ছেদ।

হরদিয়ার পশ্চিম ভাগে একটা অতি সঙ্গীর্ণ গলি। গলি যে পল্লীতে, তথায় ভদ্রলোকের বাস অতি অল্প—নাই বলিলেও বলা যায়। গলির দুই ধারে অতি ইতর শ্রেণীর বারবণিতার বাস। তাহার শেষ অংশে একখানি মদের দোকান। দোকান দিবা রাত্রি ইতর শ্রেণীর নরনারীর জনতায়, চীৎকারে, হাঙ্গুে ক্রন্দনে কলহে—গালিগালাজে এক ভীষণ জীবন্ত নরক হইয়া রহিয়াছে। এই দোকানের অনতিদূরে একখানি লম্বা খোলার ঘরে, কাশীরায় বাসা ভাড়া করিয়া বাস করিতেছে।

সন্ধ্যার পর ঘরের দাওয়ার এক খাটির উপর কাশীরায় উপবিষ্ট। নিম্নে চারি পাশে পরিচারক ও ইতর শ্রেণীর কয়টা লোক অবস্থিত। একটু পরে জনৈক ভৃত্য বাহির হইতে আসিয়া কহিল “হরিকিশোর বাবু বাহিরে দাঁড়াইয়া আছেন।”

কাশীরায় তাড়াতাড়ি উঠিয়া বাহিরে গমন করিল। হরিকিশোর বাবুকে লইয়া পুনরায় গৃহে প্রবেশ করিল। ভৃত্য একখানি চেয়ার আনিয়া দিল। হরিকিশোর বাবু চেয়ারে বসিলে, কাশীরায় পুঙ্কের খাটিয়ায় বসিল।

কাশীরায় ইঙ্গিত করিলে, একটা পরিচারক ব্যতীত অপর সকলে উঠিয়া প্রস্থান করিল। কাশীরায় ভৃত্যকে তামাকু আনিতে আদেশ করিল। ভৃত্য তামাকু সাজিতে প্রস্থান করিলে কাশী কহিল “আপনি বৈকালে আসিবেন বলিয়াছিলেন। আমি সেই আপনার অপেক্ষায় বসিয়া

আছি। আপনার আসিতে বিলম্ব দেখিয়া, আমি নিজে আপনার ওখানে বাইতে মনন করিয়াছিলাম।”

হরিকিশোর কহিলেন “আমি কার্যের জন্তই বিলম্ব করিতেছিলাম। তার পর তুমি যে এত দিন কালী প্রসাদের আচার ব্যবহার দেখিলে, তাহাতে কি বুঝিলে?”

কাশীরায় নিরাশ বদনে কহিল “বুঝিলাম সকল চেপ্তা বিফল। বলিয়াছি তো সে বড় কঠিন টাই। কালী প্রসাদ বড় শক্ত ছেলে।”

হরিকিশোর কহিলেন “তবে আর তোমার আমার হৃদয় দৌড় কতটুকু। শক্তকে যদি নরম করিতে না পারিলাম, তবে আর বুঝা এতকাল সংসারচক্রে ঘুরিয়া ঘুরিলাম কেন?”

কাশী। বাবু কথাটা মুখে বলিতে সহজ, কিন্তু কার্যে পরিণত করা বড় কঠিন।

হরি। কঠিন বলিলে, তুণচ্ছেদনও কঠিন হইয়া পাড়ায়।

কাশীরায় হাসিয়া কহিল “সেটা আর এটা কি আপনি সমান মনে করেন।”

হরিকিশোর দস্তুর সহিত কহিলেন “তা বৈ আর কি। একটা ছুধের ছেলেকে বশ করা, আর তুণচ্ছেদন করা, একই কথা বৈ আর কি।”

উভয়ে ক্ষণকাল নীরব রহিলেন। হরিকিশোর কহিলেন “বাউক, সে সব বাজে কথায় এখন কোন দরকার নাই। কাজের কথা শোন। আমি আজ সনস্ত দিন জখানে থাকিয়া বুঝিয়াছি, কালী প্রসাদ একটা প্রকাণ্ড মেঘশাবক—অত্যন্ত স্তূর্ণ—স্ত্রীর হাতে খেলার পুতুল। কোন রকমে স্ত্রীর প্রতি তাহার মনে ভাবান্তর জন্মাইতে পারিলেই কার্যসিদ্ধ হইবে।”

কাশীরায় কহিল “আজ্ঞে বাবু, আমি বিগম্ভ জানি, সেই টুকুই তো মহা সমস্যার কথা। স্ত্রী, কালী প্রসাদের প্রাণ অপেক্ষাও প্রিয়। সে বিচ্ছেদ ঘটান বড় কঠিন কাজ।”

হরিকিশোর। কঠিন বটে, কিন্তু অসম্ভব নয়। কালী প্রসাদ বাহাই ইউক নবীন যুবক। তেমন শিক্ষিতও সে নয়। আর মনের বল—চরিত্রের শক্তিও তাহার তত

দৃঢ় নয়। তাহাকে অল্প পথে আনিতে বিশেষ কষ্ট পাইতে হইবে না। কানাইএর রাজার ছেলেটার কথা মনে আছে? সেতো এক রকম কলির প্রচ্ছাদ হয়ে দাঁড়িয়েছিল। দিন রাত্রি হরি নাম লইয়া পাকিত। তাহাকে কি করিয়া ছই জনে উড়াইয়া দিয়াছিলাম বল দেখি।

কাশীরায় উৎসাহে উদ্দীপিত হইয়া, স্নেহ হাসিল। কহিল দেখুন, “ভগবানের ইচ্ছা।”

হরিকিশোর তীরস্বরে কহিলেন “সে ইচ্ছা পরের কথা। এখনকার কথা বাহা বলি তাহা শোন। সম্প্রতি কালী প্রসাদের সম্বন্ধীর বিবাহ উপস্থিত। তাহার পত্নীকে লইতে আসিয়াছে। পত্নীর কল্যই বাইবার বিশেষ সত্ত্ব। আমাকেও কল্য যাইতে হইবে। ইতিমধ্যে তুমি, মাঘী পূর্ণিমায়ে যে পক্ষ এখানে হয়, তাহাতে মেলার ‘ফন’ তুলিয়া কলিকাতা হইতে ‘বাইজি’ লইয়া আসিবার বন্দোবস্ত করিও। আমি সত্বরই আসিয়া জুটিব। তাহার পর বাহা করিতে হয়—তাহা বুঝিতেছ তো?”

কাশীরায় উৎসাহিত হইল। সে হরিকিশোরকে বিশেষরূপে চিনিত—এ সকল ব্যাপারে তাহার দক্ষতা বেশ বৃষ্টিত। কাশীরায় হাসিয়া কহিল “যে আজ্ঞা।” এই বলিয়া উঠিয়া যাওয়া, কাশীরায় গৃহ হইতে সুরা-পাত্রাদি বাহির করিল। উভয়ে মদ্যপান করিয়া মত্ত অবস্থায় অল্প স্থানে গমন করিল। সে স্থানের উল্লেখ বা পরিচয় প্রদান করিয়া, আমরা পাঠক পাঠিকার পবিত্র প্রাণে কলুষ কালিমা ঢালিতে চাহি না।

প্রাতে উঠিয়া, হরিকিশোর, কালী প্রসাদের অপেক্ষায় বাহিরের বারান্দায় বসিয়া আছে। ক্ষণপরে কালী প্রসাদ বিষমবদনে নামিয়া আসিলেন। হরিকিশোর কহিল “দেখুন আমি বড়ই জগ্গিত যে আপনার সহিত এবারে আমার অতি অল্পক্ষণ আলাপ পরিচয় হইল। কি করিল আমি পরের চাকর, কালী প্রসাদ বাবু, নতুবা ইচ্ছা হয় আপনার তায় মহা বক্তির সহবাসে দিবারাত্রি বাপন করি।”

কালী প্রসাদ বিস্ময়স্বরে কহিলেন “সে কেবল আপনার স্নেহ-অনুগ্রহের কথা। আপনার সারন্যে প্রকৃতপক্ষে এই গল্প সময়ের মধ্যে আমি এতই মুগ্ধ হইয়াছি, যে যেন

আপনি আমার অতি প্রাণের বন্ধু হইয়া দাঁড়াইয়াছেন। আপনার কতবা কাব্যো হানি না হইলে; আমি ২১৫ দিন আপনাকে কিছুতেই বাইতে দিতাম না।”

হরিকিশোর, ক্রন্দনোন্মুখ, হইয়া ভগ্নস্বরে কালীপ্রসাদের গলা পরিয়া কহিলেন “কি আর করিব ভাই! হতভাগ্য আমি! আমাকে অদ্যই মাজিষ্ট্রেট সাহেবের সহিত দেখা করিতে হইবে। নতুবা আপনাকে বলিতে হইত না। আমি নিজেই রহিয়া বাইতাম। মাথা হটুক মাতা ঠাকুরাণীকে আমার প্রণাম জানাইবেন।”

কালীপ্রসাদের মাতাকে, হরিকিশোর ইতিমধ্যেই শান্তনুগোধন করিয়াছেন। এটা তাঁহার স্বভাব। পরের পিতামাতাকে স্বাথ সিদ্ধির আশয়ে ‘মা, বাপ’ বলিয়া, ডাকিতে হরিকিশোর বিশেষ অভ্যস্ত ও স্তম্ভিত ব্যক্তি।

হরিকিশোর গমনের উদ্যোগ করিলেন। কালীপ্রসাদ তাহার পক্ষাৎ অনুসরণ করিলেন।

অদরে হরিকিশোরের অশ্ব প্রস্তুত ছিল। অশ্বের নিকটে আসিয়া, হরিকিশোর, কালীপ্রসাদের হাত ধরিলেন। কহিলেন “বধুমাতাকে অবশ্য কলাই পাঠাইবেন। আমি শীঘ্র আসিতেছি। উভয়ে বিবাহের সময় বাইব। আগামী পূর্ণিমার ‘পদ’ পয্যন্ত আমি হরদিয়ার পাঁকবার বন্দোবস্ত করিয়া এবারে আসিব।”

কালীপ্রসাদ একটু চমকিলেন। অল্পক্ষণের আলোচনার মধ্যেই হরিকিশোরের এই প্রকার গার্হস্থ্য ব্যাপারে অস্বাভাবিক উপদেশের কথা, তাহার মনে এক প্রকার আশ্চর্য্যভাবের উদয় হইল। কালীপ্রসাদ ভাবিলেন ‘এক! হরিকিশোর বাবু কি আমার হিতাকাঙ্ক্ষী অভিভাবক। আমার স্ত্রী পিত্রালয় বাইবে, তাহাতে তাঁহার এত ব্যাধাব্যাক্ষেপ কেন?’ এ ভাবটা, সরল প্রাণ কালীপ্রসাদের শুল্ক অন্তঃকরণে কখনই উদ্ভিত হইত না। কিন্তু কুন্তলার পিতৃগৃহে গমনের প্রভাবে, তাহার মাথা বিগড়াচয়া গিয়াছে—তাঁহার মন আজি ঠিক নাই। যে অবাধ, কুন্তলাকে লইতে লোক আসিয়াছে সেই ক্ষণ হইতে কালীপ্রসাদ যেন কমন একটু উদ্ভ্রান্ত ভাবাপন্ন হইয়া উঠিয়াছেন। প্রাণটার মধ্যে নন্দন যেন “ছন্দ” করিতেছে—মনটা অষ্টপ্রহর উড়ু উড়ু করিতেছে। কিছুই ভাব পাগিতোছে না। এমন মনোহর পাঠাগার

অন্ধকারময় বোধ হইতেছে। কুন্তলার ইচ্ছায় নতন যে বাগানবাড়ী হইতেছে, তাহা যেন মরুভূমি বলিয়া আঁকি মনে হইতেছে। কুন্তলার তিলাদ্র বিচ্ছেদ যে অসহনীয়। উপায় কি? কুন্তলাকে এ সময়ে না পাঠাইলে; কুন্তলার পিতামাতার প্রাণে আঘাত লাগিবে—কুন্তলার মনে বড় বাধিবে—কুন্তলার ভ্রাতার বিবাহ—উৎসব পড়ে হইবে। তাহা হইলে লোকেই বা বলিবে কি—মাতা হই বা কি মনে করিবেন। ইহা জীবনের একমাত্র আরাধ্য দেবী জননী ইচ্ছাও আদেশ কি করিয়াই বা উল্লেখ করা যায়?

ক্রমশঃ

শ্রীশরৎচন্দ্র লাহিড়ী



পদ্য।

যে দেখেছে তোরে পদ্য কবি ও অকবি
মুগ্ধ সবে; তোরে সেই প্রণয়ের ছবি,
উচ্ছল চঞ্চল বেগ, আবর্ত্ত ভীষণ
যে দেখেছে তারি নাকি মুগ্ধ প্রাণমন।
হেথা-হেথা সেথা কত জেগে আছে চর-
বুকে তোরে; তবু নাকি ক্ষুদ্রিত অন্তর,—
অগাধতা সেথা; তাই দৃঢ় আলিঙ্গনে
স্থল, গৃহ, বৃক্ষরাজি নিয়ে এস টেনে
ভরাতে হৃদয়। তোরে এই সর্বপ্রাণ
এরো মাঝে আছে নাকি প্রণয় উচ্ছ্বাস।
এবার চুপে ববে পরিপূর্ণ প্রাণ
কি কল্লোল, কি হিল্লোল, কি ভীষণ টান,
সেও নাকি প্রণয়ের দারুণ সম্ভাষ,
উদার হৃদয়ে নাকি আকুল উচ্ছ্বাস।

শ্রীচরৎচন্দ্র বন্দ্যোপাধ্যায়



শ্রীখণ্ডের প্রাচীন বৈষ্ণব কবি ।

(২)

১। নরহরি সরকার ঠাকুর

গতবারে সরকার ঠাকুর সম্বন্ধে কয়েকটা কথা বলা হয় নাই, এবারে আমরা সে ক্রমটী সংশোধন করিব।

গতবারে আমরা দেখাইয়াছি যে, নরহরি লোচনদাসের চরিত্র গঠনে যথেষ্ট সহায়তা করিয়াছিলেন; কিন্তু আর একজনের জীবনের উপরও তাঁহার প্রভাব অসাধারণ ছিল—তিনি আর কেহ নহেন শ্রীনিবাস আচার্য্য ঠাকুর—এবারে আমরা সেই কথাই বলিব।

একদিন নরহরি ঠাকুর গঙ্গানানে কাঁটোয়া যাইতে-
ছিলেন, যাজীগ্রাম শ্রীখণ্ড হইতে ৪ মাইল মাত্র, পথিমধ্যে
শ্রীনিবাস আচার্য্যের সহিত তাঁহার সাক্ষাৎ হইল, শ্রীনিবাস
তখন পঞ্চদশ বর্ষ বয়স্ক মাত্র। শ্রীনিবাস সাক্ষাৎ মাত্র
সরকার ঠাকুরকে প্রণাম করিতে উদ্যত হইলে সরকার ঠাকুর
তাঁহাকে ক্রোড়ে ধারণ করিলেন। এবং;—

“শ্রীনিবাস প্রতি কহে মধুর বচন।

তোমাতে দেখিয়া জুড়াইল নেত্র মন ॥

বড় সাধ ছিল বাপু তোমাতে দেখিতে।

এত কহি পদহস্ত বুলায় অঙ্গতে ॥”

ভক্তিবন্ধাকর।

এই ঘটনাটী “প্রেমবিলাস” গ্রন্থে অল্প পরিবর্তিত হইয়া
প্রকাশিত হইয়াছে;—

পথিমধ্যে সরকার ঠাকুরের সহিত শ্রীনিবাসের সাক্ষাৎ
হইবামাত্র, শ্রীনিবাস যে মহাপ্রভুর শক্তি লইয়া অবতীর্ণ,
ইহা তিনি স্পষ্ট বুঝিতে পারিলেন। তিনি শ্রীনিবাসকে
আলিঙ্গন করিয়া বলিলেন;—

“তোমার নিমিত্ত নিত্যানন্দ যে চিন্তিত।

সাধ ছিল দেখা হৈল তোমার সহিত ॥

নাহি শুনি কারো মুখে নহে দরশন।

না বুঝি ইহাতে আছে কত গুঢ় ধন ॥”

সরকার ঠাকুর আরও বলিলেন যে, বীরচন্দ্র প্রভু ও
জাহ্নবী দেবী তোমাকে বৃন্দাবন পাঠাইবার জন্ত আমাকে
বলিয়াছেন। প্রভু তোমার দ্বারা অনেক লীলা প্রকাশ করি-
বেন। অনন্তর উভয়ে শ্রীখণ্ডে গমন করিলেন—পরে শ্রীনিবাস

গৃহে ফিরিয়া আসিলেন কিন্তু তাহার পর হইতেই শ্রীনিবাস
গৃহে প্রত্যাগত হইয়া নিরন্তর শ্রীগৌরাঙ্গের লীলাবিলাস
শ্রবণ করিতে লাগিলেন। প্রেমবিলাসের মতে গৃহে যাইয়া
অকস্মাৎ শ্রীনিবাসের প্রেমোন্মাদ হইল;—

“ঘরে যাইয়া বালক অস্থির হইল প্রেমে।

হাসে কান্দে নাচে গায় ঘন পড়ে ভূমে ॥

ফুকরি ফুকরি কান্দে অতি উচ্চস্বরে।

রোদন উঠিল বড় আচার্য্যের ঘরে ॥”

জনতার মধ্যে একজন বৃদ্ধ ব্রাহ্মণ ছিলেন, তিনি বলিলেন:—

“খণ্ডবাসী নরহরি ঠাকুর মহাশয়।

স্নানকালে বালক মনে পথে দেখা হয় ॥

তাঁর দর্শনে বালকের এই দশা হইল।

চিত্তা নাহি পৈর্য ধর স্বরূপে কহিল ॥”

শ্রীনিবাস তাহার পর পিতার নিকট হইতে আনু-
পূর্বিক সমস্ত চৈতন্যলীলা শ্রবণ করিতে লাগিলেন। হৃদয়ে
প্রেমরাশিও সঙ্গে সঙ্গে উচ্ছ্বসিত হইয়া উঠিল, নয়নে ধারা
বহিতে লাগিল। ইহার পর তাঁহার পিতৃবিয়োগ ঘটিল,
নীলাচলে তিনি শ্রীচৈতন্যের সাক্ষাৎ লাভের জন্ত যাইবার
আয়োজন করিতে লাগিলেন। একদিন শ্রীখণ্ড গ্রামে সরকার
ঠাকুরের ভবনে আগমন করিয়া সরকার ঠাকুর ও খণ্ডবাসী
ভক্তগণকে প্রণাম করিয়া নীলাচলে যাইবার অনুমতি ভিক্ষা
করিলেন। সরকার ঠাকুর সম্মুখে তাঁহাকে কুশল জিজ্ঞাসা
করিয়া বলিলেন, “ও কার্য্যে বিলম্ব করিও না, শান্তিপুর
হইতে আচার্য্য প্রভু মহাপ্রভুকে যে তর্জী পাঠাইয়াছেন,
তাঁহা প্রাপ্তির পর মহাপ্রভু লীলা সম্বরণ করিবেন বলিয়া
সমস্ত ভক্তবৃন্দই উদ্ভিগ্ন হইয়াছেন, অতএব তুমি অবিলম্বে
নীলাচলে গমন কর।” বলিতে বলিতে তাঁহার নয়নকমল
অশ্রুস্রাবের ভরিয়া উঠিল। “প্রেমবিলাস” গ্রন্থে এ ঘটনাও
কিছু পরিবর্তিত ভাবে বর্ণিত হইয়াছে। একদিন রাত্রে
শ্রীনিবাস স্বপ্ন দেখিলেন যেন মহাপ্রভু তাঁহাকে আদেশ
করিতেছেন যে, “তুমি বৃন্দাবনে গমন কর।” নিদ্রাভঙ্গে
শ্রীনিবাস চিত্তা করিতে লাগিলেন “মাতাকে ছাড়িয়া কি
করিয়া যাইব? বিশেষতঃ এখনও আমার দীক্ষা হয় নাই,
দীক্ষা গ্রহণ না করিলে ত বৃন্দাবন গমনের অধিকার নাই।
যাহা হউক সরকার ঠাকুর যে যুক্তি দিবেন তাহাই করিব।”
এই ভাবিয়া তিনি শ্রীখণ্ডে যাত্রা করিলেন, বৃক্ষমূলে রঘুনন্দন

ঠাকুর উপবিষ্ট ছিলেন, তাঁহার প্রশান্ত প্রেমোজল মুক্তি দেখিয়া রঘুনন্দন ঠাকুর তাঁহার পরিচয় লইলেন। শ্রীনিবাস নাম শ্রবণ করিবামাত্র তাঁহাকে আলিঙ্গন করিলেন;—

“ঠাকুরের শ্রীমুখেতে শুনিয়াছি সব।
দর্শন মাত্রতে তোমার গেল সব কোভ ॥
চল চল ওহে ভাই ঠাকুরের কাছে।
ইষ্ট গোষ্ঠী পশ্চাৎ করিব জুঁহে পাছে ॥”

রঘুনন্দন ঠাকুর শ্রীনিবাসের হস্ত ধারণ করিয়া সরকার ঠাকুরের নিকট লইয়া গেলেন। সরকার ঠাকুর সম্মুখে তাঁহাকে ক্রোড়ে ধারণ করিয়া বৃন্দাবন যাওয়া সম্বন্ধে তিনি কি স্থির করিয়াছেন তাহা জিজ্ঞাসিলে, তিনি বলিলেন “ঠাকুর অগ্রাণি আমার দীক্ষা হয় নাই, আমি বৃন্দাবন যাইব কিরূপে?”

“রোদন করিয়া তিঁহ করে নিবেদন।
বঞ্চনা করিয়া কেনে পাঠাও বৃন্দাবন ॥
চাকন্দী হইতে আসি পাইল দরশন।
সেইকালে করিয়াছি আত্মসমর্পণ ॥”

(প্রেমবিলাস)

সরকার ঠাকুর বলিলেন, “মহাপ্রভু বলিয়াছেন যে, শ্রীগোপাল ভট্ট গোস্বামী তোমাকে দীক্ষিত করিবেন, অতএব তুমি নিশ্চিত হইয়া কিছু দিন অবস্থিতি কর, পরে ‘হরিনাম মহামন্ত্র’ গ্রহণ করিবে।” নানাপ্রকার চিন্তায় সমস্তদিন কাটিল, অবশেষে রজনীশেষে স্বপ্ন দেখিলেন—মহাপ্রভু বলিতেছেন;—

“শুন শুন শ্রীনিবাস কেন ভাব মনে।
প্রেমরূপ জন্ম তোমার মোর প্রয়োজনে ॥
বৃন্দাবন যাও তুমি বিলম্ব না কর।
গোপালভট্টের পদ আশ্রয় যে কর ॥
* * * * *
যত গ্রন্থ লিখিয়াছেন রূপ সনাতন।
তুমি গেলে তোমারে করিবেন সমর্পণ ॥
তোমার বিলম্বে তাঁরা আছেন চিন্তিত।
কার্য্য সিদ্ধ হইল তুমি চলহ ত্বরিত ॥”

প্রেমবিলাস।

শ্রীনিবাস স্বপ্নবৃত্তান্ত সরকার ঠাকুরকে জানাইলে, তিনি আশীর্বাদ করিয়া বলিলেন, “মহাপ্রভু তোমাকে

কৃপা করিয়াছেন, ব্রজধামও তোমার প্রতি কৃপা করুন। যে পর্য্যন্ত বীরচন্দ্র প্রভুর নিকট হইতে পত্র না পাওয়া যায় সে পর্য্যন্ত তুমি এখানে অবস্থান কর।” শ্রীনিবাস শ্রীখণ্ডে বাস করিতে লাগিলেন। ইতিমধ্যে তিনি জগন্নাথক্ষেত্রে যাইবার অভিপ্রায় জ্ঞাপন করিলে, নরহরি ঠাকুর একদল বৈষ্ণবকে শ্রীনিবাসের সঙ্গে যাইতে আদেশ করেন ও গদাধর পণ্ডিতকে একখানি পত্র লিখিয়া দিলেন।

শ্রীনিবাস নীলাচল পরিভ্রমণ করিলেন কিন্তু তখন গৌরচন্দ্র মহাপ্রভুর তিরোভাব ঘটয়াছে, চারিদিকে ভক্ত-মণ্ডলী প্রভুর অদর্শনে হাহাকার করিতেছেন, তিনি উৎকল ত্যাগ করিয়া ক্রমে গোড়াভিমুখে আগমন করিলেন। শ্রীখণ্ডে উপনীত হইয়া সরকার ঠাকুর প্রভৃতির চরণে প্রণিপাত করিয়া পথের সমস্ত বিবরণ বিবৃত করিলেন।

“দণ্ডবৎ করিয়া কহিল বিবরণ।
হাহাকার করি অনেক করিলা রোদন ॥
সে বিরহ বিলাপ কে বর্ণিবারে পারে।
গুরুবৈষ্ণববিচ্ছেদদুঃখ যাহার অন্তরে ॥

প্রেমবিলাস (চতুর্থ বিলাস)।

তাঁহার পর শ্রীনিবাস আচার্য্য কিছুদিন শ্রীখণ্ডে বাস করেন। পরে নবদ্বীপ, শান্তিপুর, খড়দহ প্রভৃতি পরিভ্রমণ করিয়া আবার শ্রীখণ্ডে আসিয়া তিনি সরকার ঠাকুরকে তাঁহার সমস্ত ভ্রমণবৃত্তান্ত বলিলেন। ইহার পর তিনি যাজীগ্রামে কিছুদিন বসবাস করিলেন, মাসে মাসে শ্রীখণ্ডে আসিয়া ধর্ম্মালোচনা ও সিদ্ধান্ত শাস্ত্রের প্রসঙ্গে সময় অতিবাহিত করিতেন।

তৎপরে বৃন্দাবন ধাম পরিভ্রমণ করিয়া যখন শ্রীনিবাস নিজ গ্রামে ফিরিয়া আসিলেন, তখন বৈষ্ণবগণের উজ্জল জ্যোতিকরুন্দ প্রায় অন্তর্হিত হইয়াছে, সরকার ঠাকুর মৃতপ্রায়—নির্জন ভজনগৃহে তিনি বাস করিতেছেন, শ্রীগৌর-বিগ্রহ আরাধনা ও গৌরগুণ গান করেন এবং অশ্রুজলে তাঁহার বক্ষ ভাসিয়া যায়। ইহা শুনিয়া পরদিনই তিনি সরকার ঠাকুরের সহিত সাক্ষাৎ করিতে শ্রীখণ্ডে উপনীত হইলেন। প্রথমেই সরকার ঠাকুরের প্রতিষ্ঠিত শ্রীগৌরঙ্গ-বিগ্রহের প্রাঙ্গণে প্রবেশ করিয়া প্রণিপাত করিলেন। রঘুনন্দন তাঁহাকে আলিঙ্গন করিয়া শ্রেমাশ্রু বর্ষণ করিতে করিতে সরকার ঠাকুরের নিকট লইয়া গেলেন। প্রেমবিলাস গ্রন্থে

লিখিত আছে যে, শ্রীনিবাস বৃন্দাবন হইতে প্রত্যাগত হইবার পূর্বেই সরকার ঠাকুরের তিরোভাব ঘটে, কিন্তু “ভক্তি-রত্নাকর” ও “অনুরাগবল্লী” গ্রন্থে লিখিত আছে যে, শ্রীনিবাস বৃন্দাবন হইতে প্রত্যাবৃত্ত হইয়া সরকার ঠাকুরের সহিত সাক্ষাৎ করিয়াছিলেন।

শেষোক্ত গ্রন্থদ্বয়ের ঐতিহাসিকতা অধিকতর প্রামাণ্য বলিয়া আমরা তাহাই গ্রহণ করিলাম;—

শ্রীনিবাস ভক্তিভরে শ্রণাম করিলে সরকার ঠাকুর—

“আইন বাপ বলি কোলে কৈল শ্রীনিবাসে ॥
শ্রীনিবাসে কোলে লইয়া হইল বিহ্বল।
নিবারিতে নাহে ছই নয়নের জল ॥
প্রেমজলে সিক্ত করিলেন শ্রীনিবাসে।
করে ধরি বসাইলা আপনার পাশে ॥
পরম বাৎসল্যে হস্ত বুলায়েন গায়।
দেখি সে অদ্ভুত রীত কে না সুখ পায় ॥”

“পুনঃ শ্রীনিবাসে কহে সম্মুখে বচনে।
নরোত্তম দেখি শীঘ্র সাধ বড় মনে ॥
বুঝি নরোত্তম এথা আসিবে ত্বরায়।
বহু কার্য্য সিদ্ধ হবে তাহার দ্বারায় ॥
তাঁর সহ তুমি সংকীর্তনে মত্ত হ'বা।
দারুণ বিচ্ছেদ জ্বালা হৈতে জুড়াইবা ॥
আহে বাপ হৈল ভাল আইলা শীঘ্র করি।
এসময়ে তোমারে দেখিছ নেত্র ভরি ॥
চিরায়ু হইয়া কর ভক্তি উপার্জন।
ভক্তিগ্রন্থ সর্বত্র করহ বিতরণ ॥
হইবে স্বতন্ত্র লোক ছাড়িয়া স্বধর্ম্ম।
না বুঝিবে গুরু কৃষ্ণ বৈষ্ণবের মর্ম্ম ॥
এ সব পাবণ্ডে উদ্ধারিব ভক্তিবলে।
গাইব তোমার যশ বৈষ্ণব সকলে ॥”

তার পরে অশ্রুগদ্য কণ্ঠে পুনরায় সরকার ঠাকুর বলিলেন “পরম বৈষ্ণবী মাতার চিরদিন সেবা করিও—এবং দারপরিগ্রহ করিয়া সংসারধর্ম্ম পালন কর।” সরকার ঠাকুরের আদেশে তিনি দারপরিগ্রহ করিতে সম্মত হইলেন। তাঁহার পর শ্রীখণ্ডের নাটমন্দিরে খণ্ডবাসী বৈষ্ণবগণের সহিত ইষ্টালাপ করিয়া তিনি যাজীগ্রামে প্রত্যাবৃত্ত হইলেন।

তৎপরে আর সরকার ঠাকুরের সহিত শ্রীনিবাসাচার্য্যের সাক্ষাৎ লাভ ঘটে নাই। তাঁহার সেই আশীর্বাদই শেষ আশীর্বাদ হইয়াছিল। শ্রীনিবাসাচার্য্য সম্বন্ধে এত কথা লিখিবার উদ্দেশ্য এই যে, আমরা দেখাইলাম নরহরি ঠাকুরের পুত্রবৎ স্নেহ, তাঁহার উপদেশ, মহৎ চরিত্রের অতুল প্রভাব তাঁহাকে মাধনপথে কতটা অগ্রসর করিয়া দিয়াছিল। আচার্য্য ঠাকুরের জীবনচরিত্র প্রণেতা স্বলেখক শ্রীঅধোয়নাথ চট্টোপাধ্যায় যথার্থই বলিয়াছেন “বলিতে কি শ্রীনিবাস সরকার ঠাকুরের হস্তেই গঠিত হইয়াছিলেন।”

২। লোচন দাস।

জীবনী।

লোচনদাস বঙ্গমানের দশ ক্রোশ উত্তরে কোগ্রাম নামক স্থানে জন্মগ্রহণ করেন। ইনি জাতিতে বৈদ্য; ইঁহার তিনটি নাম ত্রিলোচন, লোচনানন্দ ও লোচন; “চৈতন্যমঙ্গল” নামক তাঁহার রচিত গ্রন্থে এই তিনটি নামই পাওয়া যায়। শেষোক্ত লোচন নামেই তিনি বিখ্যাত।

“চৈতন্যমঙ্গল” গ্রন্থের শেষাংশে এবং “ভূক্তভঙ্গার” গ্রন্থের আদিতে লোচন যে আত্মপরিচয় দান করিয়াছেন, তাহা হইতে জানা যায় যে, তাঁহার পিতার নাম কমলাকর দাস এবং মাতার নাম সদানন্দী, মাতামহের নাম পুরুষোত্তম গুপ্ত, মাতামহীর নাম অভয়া দেবী, কোগ্রামে তাঁহার বাস এবং বৈদ্যকূলে তাঁহার জন্ম। যথা:—

“বৈদ্যকূলে জন্ম মোর কোগ্রামে বাস।
মাতা শুদ্ধমতী সদানন্দী তাঁর নাম ॥
বাহার উদরে জন্মি করি কৃষ্ণ নাম।
কমলাকর দাস মোর পিতা জন্মদাতা।
বাহার প্রসাদে পাই গোরাগুণগাঁথা ॥
মাতৃকুল পিতৃকুল হয় এক গ্রামে।
ধন্য মাতামহী সে অভয়া দেবী নামে ॥
মাতামহের নাম সে পুরুষোত্তম গুপ্ত।
সর্ব তীর্থে পুত তেঁহো তপস্বায় তৃপ্ত ॥

মাতৃকুলে পিতৃকুলে আমি একমাত্র ।
সহোদর নাই মোর মাতামহের পুত্র ॥
মাতৃকুলের পিতৃকুলের কহিলাম কথা ।
শ্রীনরহরি দাস মোর প্রেম ভক্তি দাতা ॥”

চৈতন্য-মঙ্গল ।

তঁাহার পিতার অবস্থা মন্দ ছিল না। আজিও তাঁহাদের ভূম্পত্তির চিহ্নস্বরূপ লোচনের ডাঙ্গায় ও অন্ত্যস্থানে বিস্তর ব্রাহ্মণ বৈদ্য বসবাস করিতেছেন।—সে সমস্ত সম্পত্তি এক কালে লোচনদাসের ছিল, এবং তাঁহার কুলগুরুবংশীয় খুতুরার অধিকারীরা আজিও তাঁহার প্রদত্ত বিষয় সম্পত্তি ভোগ দখল করিয়া আসিতেছেন।

বাল্যকালে পিতামাতার একমাত্র প্রিয়তম পুত্র বলিয়া লেখাপড়ায় তাঁহার ততটা আগ্রহ ছিল না।

যথা :—

“যথা যাই তথাই তুলিল করে মোরে ।
তুলিল দেখিয়া কেহ পড়াইতে নাহে ॥
মারিয়া ধরিয়া মোরে শিখাল আখর ।
যত সে পুরুষোত্তম চরিত তাহার ॥”

অল্প বয়সেই তাঁহার বিবাহ হয়, বিবাহের পরেই তিনি পাঠাভ্যাসের জন্ত নরহরি ঠাকুরের নিকট আগমন করেন। কৈশোরে তিনি শ্রীখণ্ডে বিদ্যাভ্যাস করেন, যৌবনে শিক্ষাগুরু ও দীক্ষাগুরু শ্রীনরহরি সরকার ঠাকুরের আদর্শে তাঁহার চরিত্র গঠিত হয়।

যথা :—

“প্রাণের ঠাকুর মোর নরহরি দাস ।
তঁার পদপ্রসাদে এ পথের প্রতি আশ ॥”

এবং জীবনের অধিকাংশ সময়ই তিনি শ্রীখণ্ডে যাপন করিয়াছেন বলিয়া আমরা তাঁহাকে শ্রীখণ্ডের কবি বলিয়া গ্রহণ করিলাম। সেই নিমিত্তই বোধ হয় “প্রেমবিলাস” গ্রন্থে লিখিত হইয়া থাকিবে :—

“বৈদ্য বংশোদ্ভব হয় শ্রীলোচন দাস ।
শ্রীনরহরির শিষ্য শ্রীখণ্ডেতে বাস ॥”

নরহরি ঠাকুর শ্রীগৌরস্বরের একজন পার্শ্বদ ভক্ত, গৌর-প্রেমে তাঁহার হৃদয় তখন অভিযুক্ত, লোচনও তাঁহার সঙ্গ ও শিক্ষা গুণে গৌরপ্রেমামৃত সাগরে ডুবিয়া গেলেন। তাহারই ফলে “শ্রীচৈতন্য মঙ্গল” ও তাঁহার রচিত পদাবলী।

নরহরি ঠাকুরের আদেশে ১৪৫৯ শকে তিনি চৈতন্যমঙ্গল রচনা করেন। চৈতন্যমঙ্গলের প্রারম্ভেই আছে :—

“শ্রীনরহরি দাস যে দয়াময় দেহ ।
পাতকী দেখিয়া দয়া বাঢ়াল মূনেহ ॥
দুরন্ত পাতকী অঙ্গ আমি ছুরাচার ।
অনাথ দেখিয়া দয়া করিল অপার ॥
তঁার দয়া বলে আর বৈষ্ণবপ্রসাদে ।
এই ভরমায় পুঁথি হইবে অবাদে ॥”

“চৈতন্যমঙ্গল” আদি, মধ্যম, অন্ত এই তিন খণ্ডে বিভক্ত। ইহাতে সংক্ষেপে প্রায় সমস্ত চৈতন্যলীলাই বর্ণিত হইয়াছে। বৈষ্ণবসম্প্রদায়ে পাঁচালীরূপে ইহার গান হইয়া থাকে; মুরারি গুপ্তের সংস্কৃত “চৈতন্যচরিত” অবলম্বনে সম্ভবতঃ এই গ্রন্থখানি রচিত হইয়া থাকিবে। ইহাতে ইতিহাসের শুষ্ক অস্থিপঞ্জর কবিত্ব-কল্পনার অপকৃপ লাভোপায় মণ্ডিত হইয়াছে।

“চৈতন্যমঙ্গল” গ্রন্থের নামকরণ সম্বন্ধে একটা প্রবাদ প্রচলিত হইয়া আসিতেছে। প্রথমে নিত্যানন্দ ঠাকুরের আদেশে শ্রীবৃন্দাবন দাস “চৈতন্যমঙ্গল” নামে একখানি গ্রন্থ রচনা করেন। মহাপ্রভুর সন্তোষ গ্রহণের পূর্ক রাতে তিনি বিষ্ময়প্রিয়া দেবীর দহিত যেরূপ ব্যবহার করেন লোচন সাধন-প্রভাবে তাহা জানিয়া শ্রীচৈতন্যমঙ্গলে বর্ণনা করেন। কিন্তু পূর্কোক্ত ঘটনার যথার্থ্য লইয়া বৃন্দাবন দাস ও লোচনদাসে মহা বচসা হয়। অবশেষে বৃন্দাবন দাসের জননী নারায়ণী ঠাকুরাণী লোচনদাস বর্ণিত বৃত্তান্ত সত্য বলিয়া সমস্ত বিবাদ মিটাইয়া দেন এবং বৃন্দাবন দাসের পুস্তকের নাম সেই হইতে “চৈতন্যভাগবৎ” রাখিয়া দিলেন। এই প্রবাদের মূলে কতটা সত্য আছে—বলা যায় না।

লোচনদাস যে প্রস্তরের উপর বসিয়া “চৈতন্যমঙ্গল” রচনা করিতেন আজিও তাহা শোভা পাইতেছে।

“চৈতন্যমঙ্গল” ব্যতীত “হুল্লভমার” “রাগলহরী” “বসন্তভঙ্গমার” “আনন্দলতিকা” “প্রার্থনা” “শ্রীচৈতন্য-প্রেমবিলাস” “দেহ নিরূপণ” নামক তাহার আরো সাতখানি গ্রন্থ আছে। “হুল্লভমার” গ্রন্থ চৈতন্যমঙ্গলের ত্রায়ই প্রসিদ্ধ; ইহাতে চৈতন্যমঙ্গলের নাম ও বিবরণ আছে বলিয়া অনুমান করা যায় ইহা সম্ভবতঃ চৈতন্যমঙ্গলের পরে রচিত হইয়া থাকিবে।

“রাগলহরী” “ভক্তিরসামৃত সিদ্ধ” গ্রন্থের অধ্যায়বিশেষের কাব্যানুবাদ। ইহাতে আচার্য্য প্রভুর নাম থাকিতে ইহা তাঁহার সর্কশেষ গ্রন্থ ও বৃদ্ধ বয়সে রচিত বলিয়া বোধ হয়।

“কাঁদড়া”-নিবাসী বিখ্যাত “চৈতন্যমঙ্গল”-গায়ক প্রাণকৃষ্ণ চক্রবর্তী মহাশয়ের গৃহে আজিও তাঁহার স্বহস্ত লিখিত পুঁথি সম্বন্ধে রক্ষিত ও পূজিত হইতেছে। তবে ভক্তির আতিশয্য বশতঃ চন্দনলিপ্ত হইয়া স্থানে স্থানে অপাঠ্য হইয়া আসিতেছে। লেখা দেখিয়া তাঁহার সুন্দর হস্তলিপির পরিচয় পাওয়া যায়। সম্ভবতঃ “জগন্নাথ বল্লভ” নাটকের ইনিই অনুবাদক। ইহা ছাড়া তাঁহার বিস্তর পদ আছে, ঐ পদাবলীর জন্ত তাঁহার নাম সর্কত্র প্রসিদ্ধ।

আজন্ম ব্রহ্মচারী জিতেন্দ্রিয় পরম ভাগবৎ নরহরি ঠাকুরের সঙ্গগুণে তাঁহারও সংসারবৈরাগ্য ঘটিল। তিনি স্বগৃহ ত্যাগ করিয়া শ্রীখণ্ডেই রহিয়া গেলেন, অথচ তাঁহার স্বশুরালয় আমোদপুর কাকুট গ্রামে তাঁহার উদ্ভিন্নযৌবনা স্ত্রী দিন দিন শিশিরমখিতা পদ্মিনীর মত বিরহে ম্লান হইতেছিলেন। বহু নিরুন্ধে তিনি একদিন পদত্রয়ে স্বশুরালয়-অভিমুখে চলিলেন, কিন্তু বিধাতার ইচ্ছা অশ্রুপূর্ণ ছিল। গ্রামে প্রবেশ করিয়া পথিপার্শ্বে একটা যুবতীর মাল্য লাভ করিয়া তাঁগকে জিজ্ঞাসা করিলেন, “মাতঃ কোন পথে যাইব?” পরে জানা গেল সেই যুবতীই তাঁহার স্ত্রী। লোচন স্থির করিলেন ইহা বিধাতারই ইচ্ছা, বিষাদে ফল নাই। ভগবদ্ভক্ত স্বামী-স্ত্রী সেই দিন হইতে আজীবন ব্রহ্মচর্য্য পালন করিয়া বসবাস করিতে লাগিলেন।

তাঁহাদের দাম্পত্য প্রেমের পুষ্পাঞ্জলী তিনি প্রাণের দেবতার পদে অর্পণ করিলেন, ক্ষুদ্র দাম্পত্য প্রেম বিপুল-প্রেমে পরিণত হইল। অথচ শেষ পর্য্যন্ত তাঁহার স্ত্রীর প্রতি একান্ত অনুরাগের পরিচয় চৈতন্যমঙ্গলে পাওয়া যায়। এই অপূর্ক গ্রন্থ তিনি স্ত্রীর অনুমতি লইয়াই রচনা করেন।

চৈতন্যমঙ্গলের প্রথমেই এই পদটি আছে :—

“প্রাণের ভার্য্যে নিবেদো নিবেদো নিজ কথা ।

আশীর্বাদ মাগে আগে

যতযত মহাভাগে

তবে গাব গোরাগুণগাথা ॥”

এই যতিপুরুষ গৌরপ্রেমযজ্ঞে কামের আশ্রিত দিয়া যে অমৃত লাভ করিয়াছিলেন, তাহাতে কত যে তাপিত

ভূমিত জন সঞ্জীবিত, সরস ও সুন্দর হইয়াছে তাহার আর সীমা নাই।

১৫৮৯ খ্রীঃ ২৯শে পৌষ ৬৬ বৎসর বয়সে তাঁহার তিরোভাব ঘটে। ঐ উপলক্ষে অজয় নদীতীরে লোচন ডাঙ্গায় তিন দিবসব্যাপী বহু জনাকীর্ণ এক মেলা বসিয়া থাকে। কেহ কেহ বলেন উক্ত মেলার প্রবর্তক স্বয়ং লোচনদাস। কোগ্রামের পূর্ক নাম অনুসরণ করিয়াই বোধ হয় উহা উজানীর মেলা নামে অভিহিত হইয়া আসিতেছে।

কুমুর নদীর তীরে আজিও কোগ্রামে লোচনের সমাধি রহিয়াছে। প্রতিদিন সেই সমাধি মোহাস্তগণ ও বহুদূর-সমাগত বৈষ্ণবগণ কর্তৃক পূজিত হয়। উহা কবির সমাধির উপযুক্ত স্থানই বটে, উপরে আকাশের নীলচন্দ্রাতপ—চারিদিকে হরিৎ তৃণক্ষেত্র, সমাধিপ্রদেশ কুমুমিত মাধবী লতাদামপরিবেষ্টিত; মাধবী কুমুম যেন প্রকৃতির পুষ্পাঞ্জলির মত দিবানিশি বর্ষিত হইতেছে।

কবিত্ব ।

“চৈতন্যমঙ্গল” কাব্যে কবি ইতিহাসের নীরস অস্থি পঞ্জর ভাবপ্রবাহে সরস ও কল্পনার অপকৃপলাভো ভূষিত করিয়াছেন, এবং অনুর্কর ইতিহাসের যেখানে একটু অবকাশ পাইয়াছেন, সেখানেই কবিতার শামনিকুঞ্জ প্রতিষ্ঠিত করিয়াছেন, তাহা শ্রদ্ধেয় দীনেশচন্দ্র সেন মহাশয় তাঁহার সুলিখিত বাঙ্গালা ভাষার ইতিহাসে ইতঃপূর্ক দেখাইয়াছেন। তাঁহার কবিত্বের “সোণার কাঠি” স্পর্শে যেন নিজ্জীব কঠোর সত্যও চকিতে সরস ও সজীব হইয়া উঠিয়াছে। এবং “চৈতন্য-মঙ্গল” কেবল মাত্র শ্রীচৈতন্যের জীবন চরিত না হইয়া যেন তাঁহার সুখচুঃখ, বিরহম্লান, মান-অভিমান, জয়পরাজয়, ধ্যানধারণা, সাধ্যসাধনা, প্রেমভক্তির উচ্ছ্বাস, কঠোরবৈরাগ্য, অতুল করুণা, ও সর্কোপরি তাঁহার বিরাট মহিমার মহান চিত্রগুলি লোচন দাসের অপূর্ক তুলিকা স্পর্শে, অতুল চিত্রাঙ্কনী প্রতিভায়, এবং কবিত্ব ও কল্পনার সুন্দর বর্ণাভায় উদ্ভাসিত হইয়া উঠিয়াছে।

কিন্তু ইহা অপেক্ষাও তাঁহার রচিত ধামাণী ও পদা-বলীতেই তাঁহার কবিত্ব ও প্রেমভিত্তিক হৃদয়ের সমধিক

পরিচয় পাওয়া যায়। কবি যেন ভাবে ও প্রেমে তন্ময় হইয়া আত্মহারা হইয়াছেন, তাঁহার মনে হইয়াছে যে লীলাময়ের বিশ্বরূপ লীলামগুপে যেন কেবলমাত্র তিনি ও তাঁহার প্রাণেশ্বর শ্রীগৌরাঙ্গ দেব। তিনি যেন চিরদাসী হইয়া তাঁহারই চরণে মন প্রাণ সমর্পন করিয়া আছেন। তাই কখনও প্রিয়তমের রূপে মুগ্ধ, বিরহে আকুল, মিলনে আত্মহারা, আবেগে উন্মত্ত, অভিমানে অধীর, ভক্তিতে আর্দ্র, প্রেমে তন্ময় হইয়াছেন। মন-বৃন্দাবনে এই মধুর রসধারা উচ্ছৃঙ্খলিত হইয়া উঠিয়াছে।

সে কবিত্ব কি সুন্দর! এই প্রেমপ্রবাহে, এই ভাবধারায়, কবিতার উৎস বলিয়া তাহা এত মধুর। প্রেমের ভিতর দিয়া অসীমের ভাব তাঁহার মনে ফুটিয়াছে বলিয়াই তাহা বিশ্ববিজয়িনী। বহু দিনের সাধনার ধন বলিয়াই তাহা আমাদিগকে একেবারে অভিভূত করিয়া ফেলে!

লোচন দাসের কবিতা অত্যন্ত সরল খাঁটী বাঙ্গালা ভাষায় রচিত; তাহাতে অলঙ্কারের ঘনঘটা বা কল্পনার ছটা নাই। অলৌকিক শাস্তিকতা এবং ছন্দের বান্ধারও তাহাতে বিরল। প্রেমের ভাষা, ভাবসম্বন্ধে হৃদয়ের ভাষা বলিয়াই বোধ হয় তাহার কৃত্রিম বেশভূষার প্রয়োজন হয় নাই। ভাষা বড় স্বচ্ছ, বড় সরল, কিন্তু ভাব বড় গভীর অতলস্পর্শ। ভাবশ্রোতে ডুবিলে কুলকিনারা পাইবার যো নাই।

শ্রীচৈতন্যমহাপ্রভুর রূপ বর্ণনা উপলক্ষে কবি বলিতেছেন :—

“রূপ লাগি আঁখি বুঝে গুণে মন ভোর।

প্রতি অঙ্গ লাগি কাঁদে প্রতি অঙ্গ মোর।”

“প্রতি অঙ্গ লাগি কাঁদে প্রতি অঙ্গ মোর” এই একটী মাত্র ছত্রে ক্ষমতাশালী কবি যে গভীর ভাব, বিরহের তীব্রতা, আকুল মিলনলালসা, অত্যন্ত সহজ সরল ভাষায় ফুটাইয়া তুলিয়াছেন, তাহা অল্প কবির কাব্যে দুর্লভ, অথচ হা হতাশ নাই, বৃথা আড়ম্বর কিম্বা বিশাল বাজ্বালের রচনা কুহেলি নাই, বিরহের রুশিকদংশন কিম্বা জ্বালাময়ী লালসার তীব্র শিখা নাই। ইহাই লোচন দাসের বিশেষত্ব। একস্থলে কবি বলিতেছেন :—

“আমার নয়ন বলে ও রূপ দেখে আসি।

আমার মন বলে তার হইগে দাসী ॥

করে নয়নপথে আনা গোনা।

আমার পঁজর কেটে কল্পে খানা ॥”

গৌরাঙ্গের রূপবর্ণনা উপলক্ষে কবি বলিতেছেন :—

“ওবা কে, রসের দে, রূপের সীমা নাই।

কোন বিধি, রসের নিধি কৈল একঠাই ॥

যুগ্মভূক, কামেব গুরু, ছাড়ছে ফুলের বাণ।

কেমন কলি ধরে তুলি ক’রেছে নিশ্চয় ॥

আঁখির তল, নিবমল, নীল কমলের দল।

অরুণতা, ছুটীপাতা, করছে ছল ছল ॥

তিলফুল, কিসে তুল এমনি নামার শোভা।

কুঁদেকাটী, পরিপাটী, কিবা দস্তুর আভা ॥

হিঙ্গুলভালে, হরিভালে, নবনী দিল ভেঁজে।

কাঁচা সোনা, চাঁদখানা, রসান দিল মেজে ॥

আলতা তুলি, দুধে গুলি, কর দিয়াছে ছেনে।

চাঁদকে আনি, ছানি ছানি, তায় বসাল জেনে ॥

গলে হার, শোভে তার, কিবা বাহর ভাতি।

গগন হ’তে, জল তুলিতে, নামল সোণার হাতী ॥

রূপের নাগর, রসের সাগর, উদয় হ’লো এসে।

নাগরী লোচনের মন তাইতে গেল ভেসে ॥”

স্থানান্তরে :—

“চরণতলে, অরুণ খেলে, কমল শোভে তায়।

চলে চলে চলে চলে পড়ছে সখার গায় ॥

আমাপানে, নয়নকোণে চাইল একবার।

মনহরিণী, বাঁধা গেল, ভুরুপাশে তার ॥”

রূপমুগ্ধা কোন যুবতীর মুখে কবি বলিতেছেন :—

“অঙ্গস্টা, রূপের ছটা, পথে চলে যায়।

গৌররূপের ঠমকু দেখে চমক লাগে গায় ॥

হটাং করে দেখতে গেলাম, এমন কে তা জানে।

অনুরাগের ডুরি দিয়া মনকে ধৈরা টানে ॥”

“আমার গৌরাঙ্গ নাচে হেম-কিরণিয়া।

হেমের গাছে প্রেমের রস, পড়ছে চুয়াইয়া ॥

ঠারঠমকা, কাঁকাল বাঁকা, মধুর মাথা হাসি।

রূপ দেখিতে জাতিকুল হারাই হারাই বাসি ॥”

“প্রতি অঙ্গ নিরুপম কি দিব তুলনা।

হিয়ার আরতি মাত্র করিয়ে যোটনা ॥”

যাহাতে সুন্দরীদের চকল দৃষ্টি স্থির হইয়াছে—কবি বলিতেছেন :—

“নারীদের নেত্র যেন ভ্রমরার জাঁতি।

গৌরমুখপদ্মমধু পিও মাতি মাতি ॥”

এইরূপ অতি সহজ কথায় কবি আমাদের হৃদয়ে বিরহ-মিলনের যে বিচিত্র কাহিনী ধ্বনিত করেন তাহার তুলনা নাই।

অত্যন্ত সহজ গ্রাম্য ভাষায় কবি বিরহিণীর কথায় কেমন সুন্দর হৃদয়ের ব্যথা প্রকাশ করিয়াছেন :—

“ছনছনানি মন লো সেই ছটফটানি প্রাণ।”

স্থানান্তরে :—

“প্রাণ ছনছন করে আমার মন ছনছন করে।

আধকপালে মাথার বিষে বৈতে নারি ঘরে ॥

লোচন বলে কাঁদিস্ কেন ঢোক আপনার ঘর।

হিয়ার মাবো গোরাচাঁদে মন ডুগায়ে ধর ॥”

শ্রীগৌরাঙ্গ কথা কহিতেছেন, তাহাতে লোচনদাস বলিতেছেন, তাঁহার মনে হয় “চাঁদ যেন উগরায়ে সুধা।”

আর কত উদ্ধৃত করিব—সুন্দর কুমুমসুন্দরকের কোনটী রাখিয়া কোনটী দেখাইব? সকল পদগুলিতেই লোচন দাসের অদ্ভুত কবিত্ব শক্তির পরিচয় পাওয়া যায়—এমন কথা বলিতেছি না। কিন্তু সকলগুলির ভিতরেই এমন একটা সরলতা, আন্তরিকতা ও হৃদয়ের ভাষা উপভোগ করা যায় যাহা চণ্ডীদাস ভিন্ন অল্প বৈষ্ণব কবির কাব্যে দুর্লভ।

কবি এইরূপে সহজ কথায় গভীর ভাব প্রকাশ করেন। রচনার কোথাও কোনও যত্ন বা বিন্দুমাত্র আয়াস উপলব্ধি হয় না, তাহা যেন আরণ্য কুমুমের মত স্বতঃ বিকশিত হইয়া স্বাস্থ্যে দশদিক্ আগোদিত করে। কবি হৃদয়ে যে আনন্দ উপভোগ করেন, তাহা যেন যত্ন করিয়া পরিবেশন করেন নাই। তাহা আপনি উচ্ছৃঙ্খলিত হইয়া উঠিয়াছে। ভাব-নির্ঝরিত হৃদয় ছাপাইয়া বহিয়া চলিয়াছে। তাহা যেন স্বতঃ উৎসারিত ভোগবতীধারা, তাহা যেন কবি কল্পনার পারিজাত-ছায়া-স্নিগ্ধ ভাব-মন্দাকিনী।

তাই ভাষা-সম্পদে ও ছন্দের বান্ধারে কবিতাকে কোথাও কৃত্রিমরূপ লাভনো ভূষিত করিতে হয় নাই—শব্দ ও ধ্বনি যেন স্বেচ্ছায় ভাবকে অলঙ্কৃত করিয়াছে।

তাঁহার প্রিয়তমের বিষয় বর্ণনা করিতে করিতে ভাব-সম্ভাবন উচ্ছৃঙ্খলিত হইয়া যেন হৃদয়ের দুই কুল ছাপাইয়া দেয় এবং তাহাতে তাঁহার চিররাধ্য দেবতার রাতুল চরণ ছ’খানি রাখিবার জন্ম কি সুন্দর কবিত্বের ফল শতদল ফুটিয়া উঠে। উদাহরণের দ্বারা ইহা সুস্পষ্ট করিতেছি।—

“এ হেন সুন্দর গোরা কোথা বা আছিল গো,

কে আনিল নদীয়া নগরে।

নিরখিতে গৌররূপ হৃদয়ে পশিলে গো

তনু কাঁপে পুলকের ভরে ॥

ভাবের আবেশে ওলো এলায়ে পড়েছে গো

প্রেমে ছল ছল ছুঁটী আঁখি।

দেখিতে দেখিতে আমার হেন মনে হয় গো

পরাণপুতলি করে রাখি ॥

বিধি কি আনন্দ নিধি মথি নিরমিল গো

কিবা সে গড়িল কারিকরে।

পীরিতি কুঁদের কুঁদে উহারে কুঁদিল গো

উহার নয়ন কুঁদিল কাম-সবে ॥”

কিন্তু এত করিয়াও কবির রূপ বর্ণনা যেন সমাপ্ত হইল না, চিত্রাঙ্কনে বর্ণের অভাব হইল। কবে প্রেমিকের প্রিয়তমের চিত্র অঙ্কিত করিয়া হৃদয়ের আশা মিটিয়াছে? পুনশ্চ তাই কবি বলিতেছেন :—

“অমিয়া মথিয়া কেবা নবনী তুলিল গো

তাহাতে গড়িল গৌর-দেহ।

জগৎ ছানিয়া কেবা রস নিগাড়িল গো

এক কৈল সুধাই সুনহে ॥

অথও পীযুষধারা কেবা আওটিয়া গো

মোগার বরণ কৈল চিনি।

সে চিনি মথিয়া কেবা এ ফেণী তুলিল গো

হেন বাসি গৌর-অঙ্গখানি ॥

বিজুরী বাটিয়া কেবা সে খানি মাজিল গো

অপরূপ রূপের বলনী ॥”

“শারদ পূর্ণিমার চাঁদে, আকুল হইয়া কঁদে,

কল্পপদ পদগিনী গন্ধ।

কুড়িটা নখের ছটায় জগৎ করেছে আলা

আঁখি পাইল জনমের অন্ধ ॥”

স্থানান্তরে :—

“অরুণ কমল আঁখি তারকা ভ্রমর পাখী

ডুবু ডুবু করণা মকরন্দে।

বদন পূর্ণিমার চাঁদে, ছটা হেরি প্রাণ কাঁদে

কত মধু মধুর্ঘ্যাম্ব বন্ধে ॥”

অস্থানে—নিত্যানন্দের রূপ বর্ণনায় কবি বলিতেছেন।

মথিয়া লাভণ্য সিন্ধু তাহে নিঙ্গাড়িয়া ইন্দু,
সুধা দিয়া মুখানি গড়িল।”

“নব কঙ্কদল-আঁখি তারকা ভ্রমর পাখী
ডুবিরহু প্রেম মকরন্দে ॥”

কখনও কবি অনন্তরূপ গুণ-সাগরের সীমা না পাইয়া
উচ্ছ্বাসে বলিয়াছেন :—

“শুন ও গো প্রাণসই জগতে তুলনা কই
তবে সে তুলনা দিব কিসে।

জগতে তুলনা নাই যার তুলনা তার ঠাই
অমিয়া! মিশাবো কেন বিধে ?

কেবা তার গুণ গায় গুণের কে ওর পায়
কেবা করে রূপ নিরূপণ,

রূপ নিরূপিতে নারে গুণ কে কইতে পারে,
ভাবিয়া বাউল হইল মন ॥

পক্ষী যেন আকাশের, কিছুই না পায় টের
যতদূর শক্তি উড়ে যায়।

সেইরূপ গৌরাঙ্গের, রূপের না পায় টের
অনুসারে এ লোচন গায় ॥”

কখনও কবি মহাভাব উচ্ছ্বাসিত হৃদয়ে কল্পনা-আলোকে
দেখিতেছেন যে শুধু তিনি নহেন, অণুপরমাণু হইতে বিশ্ব-
ব্রহ্মাণ্ড পর্যন্ত যেন সেই মহাপুরুষের প্রেমে নৃত্য করি-
তেছে। সমস্ত চরাচর যেন তাঁহারই সৌন্দর্য্যাকিরণে
উদ্ভাসিত, জগৎ বেড়িয়া যেন তাঁহারই প্রেমধারা ফরিত
হইতেছে তথা :—

“চাঁদ নাচে সূর্য্য নাচে আর নাচে গোরা।

পাতালে বাসুকী নাচে বলে গোরা গোরা ॥”

কখনও আধ্যাত্মিকতার চরম শিখরে উঠিয়া কবি
বলিতেছেন, হে প্রভু তোমাতে আমাতে যে প্রেম, সে প্রেম,
হে প্রেমময়! তোমারই প্রেমসমুদ্রের তরঙ্গমাত্র তাহারই
রূপ ও গুণের ভিতর দিয়া কবি অসীম সৌন্দর্য্য সাগরে
ডুবিয়া গিয়াছেন; নিজভাব মহাভাবে লয় হইয়াছে। সসীম
অসীমে মিশিয়াছে। কবি বলিতেছেন :—

“এমন এ বিনোদিয়া কোথাও না দেখি গো

অপরূপ প্রেম বিনোদে।

পুরুষ প্রকৃতিভাবে কাঁদিয়া আকুল গো

রমণী কেমনে প্রাণ বাঁধে ॥ ক্রমশঃ।

শ্রীশৈরীন্দ্র মোহন গুপ্ত।

কৃষকের কথা।

(২)

অনেকে বিবেচনা করেন যে, অতিরিক্ত জন-সংখ্যাই
আমাদের সামাজিক দুর্দশার প্রধান কারণ, এই মত এতই
বিস্তৃত এবং অশিক্ষিত ব্যক্তিদিগের মনে এতই বদ্ধমূল
হইয়াছে, যে তৎসম্বন্ধে কিছু আলোচনা করা কর্তব্য।
সকলেই জানেন, স্মরণাতীত কাল হইতে ভারতের লোক
সংখ্যা বিপুল। আলেকজেন্ডার-দি-ত্রেন্টের সহিত যে সকল
গ্রীক-লেখক আসিয়াছিলেন এবং যাহারা তাঁহার পরেও
জীবিত ছিলেন, তাঁহারাই এসম্বন্ধে সাক্ষ্য দিবেন। বেদ,
মহাভারত, রামায়ণ, সংহিতা প্রভৃতি যাবতীয় ধর্ম গ্রন্থে
আমরা দেখিতে পাই যে, ভারতবর্ষ বহুদিন হইতে বহুতর
লোককে আশ্রয় দান করিতেছে।

মিঃ মালথাস্ বলিয়াছেন যে, হিন্দু আইনে লোক সংখ্যা
বৃদ্ধি করিত, পতিব্রতা রক্ষিত হইত, পত্নীনির্বাচনে কড়া-
কড়ি করিত, জ্যেষ্ঠা ভ্রাতৃজ্যাকে বিবাহ করিতে দিত না,
নীচ শ্রেণীর লোকের পত্নী লাভ দুর্ঘট ছিল, দুর্ভিক্ষ উপস্থিত
হইত না, কোনো কোনো জাতির শিশু-হত্যা-প্রথা প্রশমিত
হইত। কিন্তু এতৎসত্ত্বেও ভারতবর্ষে বিপুল জনসংখ্যা ছিল।

নিম্নলিখিত পৃথিবীর কয়েকটি প্রধান স্থানের জনসংখ্যার
পরিমাণের সহিত তুলনা করিলেই ভারতের অবস্থা বুঝা
যাইবে।

| দেশ | প্রতিবর্গ মাইলে লোক বসতি। | দেশ | প্রতিবর্গ মাইলে লোক বসতি। |
|-----------|------------------------------|--|------------------------------|
| বেলজিয়াম | ... ৫৪০ | আয়ারল্যান্ড | ... ১৪৪.৬ |
| ইংলণ্ড | ... ৩৯৮ | স্কটল্যান্ড | ... ১০২ |
| হল্যান্ড | ... ৩৬০.২ | স্পেন | ... ৮৮ |
| চীন | ... ২৮২ | নরওয়ে ও সুইডেন | ২৭ |
| ইতালী | ... ২৬৩.৬ | টারকিস্ সাম্রাজ্য | ২৪ |
| জার্মানী | ... ২৩৬.৭ | যুক্তরাজ্য | ... ১৭.৯৪ |
| ভারতবর্ষ | ... ২২৯ | রুশিয়া (ইয়ুরোপিয়ান ও এসিয়াটিক)... | ১৩ |
| ফ্রান্স | ... ১৮৭.৮ | কেনেডা | ... ১.৪৫ |

দেখা যাইতেছে যে, ভারতে লোক-সংখ্যা বিপুল
হইলেও, আয়তন অনুসারে তাহাতে অধিক লোকের বাস

নাই। ফ্রান্স, আয়ারল্যান্ড, অথবা স্কটল্যান্ড, নরওয়ে
সুইডেন, টারকিস্ সাম্রাজ্য, ইয়ুরোপিয়ান ও এসিয়াটিক
রুশিয়া এবং দক্ষিণ আমেরিকার অপেক্ষা ভারতে প্রতি বর্গ
মাইলে অধিক লোকের বাস হইলেও, ইংলণ্ড, চীন ইতালি,
জার্মানী, নিদারল্যান্ড প্রভৃতিতে এতদপেক্ষা অধিক লোক
প্রতি বর্গমাইলে বাস করে।

প্রথম আদম সুমারিতে (১৮৬৮—৭৬) স্থিরীকৃত হয়
যে, ভারতের প্রতি বর্গমাইলে ২১০ জন লোকের বাস ছিল।
গত আদম সুমারিতে ২২৯ জন হইয়াছে। পঞ্চদশ বৎসর
নির্দিষ্টরূপে জীবন ও সম্পত্তি লইয়া সুখ স্বচ্ছন্দে বাস
করিয়া যে বর্গমাইলে ২০ জন লোক বৃদ্ধি হইয়াছে, তাহাতে
আশ্চর্য্য হইবার এবং অপ্রত্যাশিত লোক সংখ্যা বলিয়া
টকা নিনাদ করার কোন বিশেষ হেতু নাই। মিঃ
নেইনস্ বলিয়াছেন যে, গত দশ বৎসরে শতকরা একজন
অথবা মোট ২০ লক্ষ লোক বৃদ্ধিতে অলৌকিক কিছুই নাই।

অতিরিক্ত লোক সংখ্যার বিষয় সাধারণের যে একটা
ধারণা আছে, তাহা যদিও অতিরঞ্জিত তত্রাচ একেবারে
উল্লিখিত নহে। কারণ ভারতের কোন কোন স্থানে
লোকের বসতি অত্যধিক আবার কোথাও অত্যল্প। কিন্তু
এ কথা অনেকের মনেই স্থান পায় না। আমরা নিম্নে
ভারতের বিভিন্ন স্থানের লোক সংখ্যার একটা তালিকা
দিলাম।

১৮৯১ সালের আদম সুমারি।

| প্রদেশ | প্রতি বর্গমাইলে লোক বসতি। | প্রদেশ | প্রতি বর্গমাইলে লোক বসতি। |
|------------------------|------------------------------|------------|------------------------------|
| অযোধ্যা | ... ৫২২ | বেরার | ... ১৬৪ |
| বঙ্গদেশ | ... ৪৭৪ | বোম্বে | ... ১৫০ |
| উত্তর পশ্চিম প্রদেশ | ... ৪১৯ | আসাম | ... ১১৭ |
| মাদ্রাজ | ... ২৫৩ | কুর্গ | ... ১০৯ |
| আজমীড় | ... ২০০ | মধ্যপ্রদেশ | ... ৯৮ |
| পঞ্জাব | ... ১৭৪ | বঙ্গদেশ | ... ৪৮ |

উল্লিখিত তালিকা হইতে সমস্তই অবগত হওয়া যাইবে।
ভারতের স্থানে স্থানে জন সংখ্যা অতিরিক্ত এবং স্থানে
স্থানে অতি অল্প। উত্তর বেহার হইতে বর্ষা পর্যন্ত ভূভাগে

প্রতি বর্গমাইলে ৪ হইতে ৯৩০ জন লোক বাস করে।
লর্ড ল্যান্ডাউন তাঁহার বিদায় কালীন বক্তৃতায় বলিয়া-
ছিলেন, ‘কেনেডার বৃহৎ সাম্রাজ্য অপেক্ষা পাটনা বিভাগে
তিন গুণ বেশী লোক বাস করে।’ অপরপক্ষে আসাম,
সিন্ধু এবং আপার বাঙ্গায় গড়ে প্রতি বর্গমাইলে ২৪ জন
করিয়া লোক বাস করে। প্রায় ৩৮ লক্ষ লোক গড়ে দুই
একার জমি লইয়া আছে। চারিটি প্রধান স্থান ব্যতীত
অন্যান্য সমস্ত প্রদেশের লোকের হার ১৮৪ জনের বেশি
নহে। ২১ লক্ষ লোক কেবল গঙ্গার ধারে বাস করে,
তথায় জন সংখ্যা কিছু বেশী,—প্রতি বর্গমাইলে ৮৭৭ জন।

আমাদের দুঃখের কারণ সম্বন্ধে সাধারণের আর একটা
বিশ্বাস এই—ভারতবর্ষে দ্রব্যের মূল্য অত্যধিক। অবশ্য
আমাদের শস্যের অতিরিক্ত রপ্তানী হেতু ইহা ঘটিয়াছে,
ইহা অস্বীকার করিবার উপায় নাই। খাদ্য সামগ্রীর মূল্য
পূর্বাপেক্ষা বৃদ্ধিত হইয়াছে এবং আজকালকার ভাব গতক
দেখিয়া দেশের কৃষককুলের চক্ষু স্থির হইয়াছে। ইংলণ্ডে
যদি এইরূপ অবস্থা হইত তবে এত দিন তথাকার সকল
কাজ কর্ম শেষ হইয়া যাইত। কিন্তু ভারতবাসী নীরবে
সহ্য করিতে জানে এবং সাদর্শ এক শতাব্দীর শিক্ষায়
তাহাদের অভিজ্ঞতা হইয়াছে যে, ধৈর্য্য ও ক্ষমার অপেক্ষা
উচ্চ আর কিছুই নাই। নাগপুর কংগ্রেসের বৈঠকে একজন
প্রসিদ্ধ মদস্ত বলিয়াছিলেন, “ত্রিশ বৎসরের অধিক হয়
নাই, তখন টাকায় দেড়মণ গম অগ্ৰাণ্ড শস্য দুইমণ করিয়া
বিক্রয় হইত। কারণ তৎকালে আমাদের লভ্যাংশ বিদেশে
রপ্তানী হইত না। এক্ষণে তাহার মূল্য ছয়গুণ বৃদ্ধি
হইয়াছে, কারণ আমাদের হিতৈষীরদল অবাধ বাণিজ্য
প্রথা দ্বারা শস্য সমূহ বিদেশে চুষিয়া লইবার পথ প্রশস্ত
করিয়াছেন। * * * ইহা উচ্চ economic
science এর অনুমোদিত হইতে পারে কিন্তু সভ্যগণ মনে
রাখিবেন, ইহা আমাদের ভ্রাতৃবর্গের উপবাস ব্রত।”

অর্দ্ধ শতাব্দী পূর্বে ভারতের এক তৃতীয়াংশ লোকের
প্রধান খাদ্য—চাউলের দর একটাকারও ন্যূন ছিল কিন্তু
বর্তমান সময়ে উহার মূল্য চতুর্গুণ বাড়িয়াছে। কি বিষম
পরিবর্তন! এ বিষয় আমরা এক বার বিস্তৃতভাবে অল্প
আলোচনা করিয়াছি, সুতরাং এস্থলে অধিক বলা
নিঃপ্রয়োজন।

খাগ সামগ্রীর মূল্য বৃদ্ধি হইয়া থাকিলেও সেই অনু-
পাতে আমাদের শ্রমজীবীদের বেতন কিম্বা কৃষিকার্যে
লাভ বৃদ্ধি হয় নাই। শ্রম সেমুয়েল বেকার বলেন,—
হতভাগা শ্রমজীবীরাই অধিক সহ্য করে, কারণ তাহাদের
খাগ সামগ্রীর মূল্যবৃদ্ধি হইলেও তাহাদের পারিশ্রমিকের
হার বৃদ্ধি হয় নাই।* হিসাব করিয় দেখা গিয়াছে যে,
আমাদের চাষী শ্রমজীবীদের আয় মাসে ৫ টাকা বা
৫ শিলিংএর বেশী হয় না। শ্রম হেনরী ক্যানিংহাম
অনুমান করেন,—‘শ্রমজীবীদের দৈনিক আয় ২ পেন্স
অথবা মাসিক ৩৫ শিলিংএর বেশি নহে।’ একজন লেখক
(সম্ভবতঃ ইংরেজ) পরিচয় গোপন করিয়া ১৮৭৭ সালে
‘অযোধ্যা গেজেটে’ লিখিয়াছিলেন,—‘কেবল ভারতবর্ষেই
ঐর্ষ্যানীল, স্তম্ভ স্মৃতিপূর্ণ স্বর্ণ ও মূল্যবান প্রস্তরের কারি-
কর এবং বহু বৎসর ধরিয়া অবিশ্রান্ত পরিশ্রমের ফলে
যাহাদের হস্ত সূচত্বর হইয়াছে এমন লোককে দৈনিক
তিন পেন্স দিয়াই ক্রয় করা যায়।’ মিঃ থোরাল্ড দেখাই-
য়াছেন, এইরূপ বেতনের সহিত চতুর্দশ শতাব্দীর ইংরাজ
শ্রমজীবীর আয় সমাক্রমে তুলনা করা যাইতে পারে। আবুল
ফজল আইন আকবরীতে তিন শত বৎসর পূর্বের ভারতে
প্রচলিত পারিশ্রমিকের যে হার নির্দেশ করিয়াছেন, সেই
হার অত্যাধিক সঠিক আছে। অবাধ বাণিজ্যের ঐন্দ্রি-
জালিক ক্ষমতা সত্ত্বেও দাসত্ব শৃঙ্খলে নিগড়িত জাতি কখনও
ভাল দিনের ভাল কাজের নিমিত্ত ভাল মাহিয়ানা প্রত্যাশা
করিতে পারে না। এদেশের ইহাই প্রধান ভেদাভেদ
এবং ইহার আলোচনাতেই আমাদের বর্তমান দুঃখ
দারিদ্র্যের কারণ অনেকটা পরিষ্কৃত হইবে। দুঃখদারিদ্র্যে
গ্রাসিত হইলেও আমরা এই গভীর প্রশ্ন পর্যবেক্ষণের
নিমিত্ত চক্ষুঃস্মিলন করি নাই।

এদেশে চিরস্থায়ী বন্দোবস্ত এবং জমীতে প্রজার কায়েমী
স্বত্ব প্রচলিত থাকিলেও, কৃষককুল এবং ভূমি আবাদকারী
অগ্ণাত শ্রেণীর লোক, পূর্ববর্তী উর্দ্ধতন করগ্রাহী জমীদারের
কঠোর নিষেধে মৃতপ্রায় হইতেছে। ইহারা গবর্ণমেন্টের
স্বত্ব এবং তৎকর্তৃকই বৃদ্ধি হইতেছে। রিভিউ শত্রে অলদিন
হইল এক জন ইংরেজ লিখিয়াছেন, আমাদের সদাশয়

* Fortnightly Review, August 1888 (Reflections
i India).

গবর্ণমেন্ট কিম্বা অল্প কোন সমিতি কর্তৃক ভারতের এই
জমীদার পরিবর্তনের দৃঢ়বদ্ধ মূলটুকু উৎপাদিত হইতেছে
না, বা তাঁহারা পারিতেছেন না। ইহা খাঁটি সত্য এবং
কর্তৃপক্ষেরও সুবিদিত যে, এদেশের জমীদারগণ প্রজার রক্ত
শোষণ করিয়া পরিপুষ্ট হইতেছেন এবং তাঁহাদের কলেবর
যে পরিমাণ বৃদ্ধি হইতেছে, দরিদ্র প্রজাকুল সেই অনুপাতে
মৃতকম হইতেছে।

অল্প এক শ্রেণীর লোকে বলিয়া থাকেন যে, আমাদের
কৃষককুলের দারিদ্র্যের কারণ—করভার বর্ধমান প্রচলিত
অতিরিক্ত করভারে তাহারা প্রসিদ্ধিত এতদ্বন্দ্বিত্ব এখন
আমরা কিছু বলিতে ইচ্ছা করি না পবে স্বতন্ত্র প্রবলে
তাঁহারা বিস্তৃত আলোচনা করিবার বাসনা থাকিল।

অপর এক শ্রেণীর বিজ্ঞ লোকের অভিমত এই যে
ভারতের দারিদ্র্যের কারণ—ভূমির রাজস্ব সম্বন্ধে কর্তৃ-
পক্ষের পক্ষপাতিত্ব। লর্ড কর্ণওয়ালিসের সময় যাইতে বঙ্গ
এবং অগ্ণাত চিরস্থায়ী বন্দোবস্তী দেশ তিন সকল স্থানে
১২।১৩ বৎসর পর ভূমির রাজস্ব পরিবর্তিত হইয়া থাকে।

নূতন বন্দোবস্তে রাজস্ব এতই বৃদ্ধি হয় যে, কৃষকদিগের
ক্ষুদ্র খলিয়া তাহাতে প্রায় শূন্য হইয়া যায়, তাহাদের
প্রশান্ততা বিনষ্ট হয়, প্রধান ব্যবসায়শ্রোত রুদ্ধ হয় এবং
তাহাদের অধিকৃত জমীর এতই অধোগতি হয় যে বহু
বৎসরেও তাহা পূর্নাবস্থায় উঠিতে পারে না। অতিরিক্ত
কর বৃদ্ধিতে অপকার হয় না, যদি এইরূপ কাহারও সন্দেহ
হইয়া থাকে, তিনি তবে আসাম উপত্যকার এবং কোলাবা
প্রজার ইতিহাস পাঠ করুন, তাঁহারা সকল সংশয় বিদূরিত
হইবে। ১৮৭২ সালে শ্রম অকল্যাণ কলভিন, যন যন রাজস্ব
পরিবর্তনের ফলাফল এরূপ জলন্ত ভাষায় বর্ণন করিয়াছেন
যে, যদি তাহা কোন বাঙ্গালীর লেখনী প্রসূত হইত, তবে
নিশ্চয়ই সে রাজদ্রোহী বলিয়া প্রতিপন্ন হইত। পঞ্জাবের
ভূতপূর্ব ছোটলাট শ্রম চার্লস্ এটকিন্সন উচ্চ
রাজস্বকে dangerous policy এবং তাহা হইতে উখিত
অপকারকে incidious বলিয়াছেন। লর্ড রবের্স একজন
বন্দোবস্ত কর্মচারীকে লিখিয়াছিলেন,—‘স্মরণ রাখিও,
তোমার কর নির্ধারণ কম যদি তাহা মনে না রাখ
তবে নিশ্চয়ই আমি তোমার শত্রু হইব।’ Land system
of British India পুস্তকে বেডেন পাণ্ডয়েল এবং India

গণ্ডে শ্রম জন ধ্বংসীকার করিয়াছেন যে, এই সকল
সাময়িক বন্দোবস্ত বহু ব্যয়সাধ্য এবং লোকের পীড়াদায়ক।
মিঃ ফিন্লে লিখিয়াছেন, “উন্নতির গতিরোধ এবং ভূমি
বর্ধনের মূলধনে হাত না দিয়া কৃষকশ্রেণীর মধ্য হইতে
বিপুল কর সংগ্রহ করা সুকঠিন। রোম সাম্রাজ্যের সুন্দর
স্বভাবে বন্দোবস্ত এবং কৃষিকার্য কর্তৃপক্ষগণের সতত যত্ন
বশত্বেও জমীর প্রত্যক্ষ কর স্থাপনে তাহা পতিত এবং জন
শূন্য হইয়াছিল।”

এদেশের অর্থার্থিক land policyর সহিত দেশীয় বা
মুসলমানগণের রাজস্বের তুলনা কর। দেশে good
government প্রতিষ্ঠিত হইবার পর হইতে যে কৃষকগণ
ভূমিতে কায়েমী স্বত্ব লাভ করিয়াছে তাহা ভারত ইতিহাসে
প্রমাণ হইবে। আকবরের শাসনকালে ইহার পরিবর্তে
দণ্ডশাসনা বন্দোবস্ত ছিল কিন্তু তৎকালে বন্দোবস্ত বলিতে
জমীর পরিমাণ এবং আবাদী জমির উৎপন্ন শতের পরিমাণ
নির্ধারণ ভিন্ন আর কিছু বুঝাইত না। উৎপন্ন দ্রব্যের এক
তৃতীয়াংশ রাজস্ব নিরূপিত হইয়াছিল এবং যখন পুনঃ বন্দোবস্ত
করা হইত, ম্যালিসন বলেন, তখন আকবর এই প্রথার কাঠিন্য
বহিত করতঃ প্রজার দুঃখ প্রশমনের চেষ্টা করিতেন। কিন্তু
অগ্ণাত প্রদেশীয় শাসনকর্তাদিগের ত্রায় মুসলমান শাসন-
কর্তাদিগের মধ্যে ধীরে ধীরে কুনীতি প্রবেশ করে এবং
তাহাদের শেষ সময়ে তাহা পূর্ণতা প্রাপ্ত হইয়া রাজস্ব বৃদ্ধি
প্রথার পূর্ণ বিকাশ হয়। ইংরেজ রাজ এই প্রথাটি উত্ত-
রাধিকারী স্বত্রে পূর্নধিকারীর নিকট প্রাপ্ত হইয়াছেন।
ইহা তাঁহাদের কল্পনা প্রসূত না হইলেও তাঁহাদের দ্বারা
উন্নীত হইয়াছে। ইহার ফল এই হইয়াছে যে, দেশের
কৃষককুল পরিবার প্রতিপালনের কোন ভাল উপায় এবং
তৎসঙ্গে জমী রক্ষা করিবার সুযোগ অনুসন্ধান করিয়া
পাইতেছে না।

অবসর প্রাপ্ত বোম্বাই সিভিলিয়ান মিঃ আলেকজেন্ডার
রোগার ১৮৯৩ সালের ২২শে জুন তারিখে ‘লণ্ডন ইষ্ট ইণ্ডি-
য়ান এসোসিয়েশনে’ ‘মাদ্রাজ ও বোম্বের রায়তি বন্দোবস্ত’
নামক প্রবন্ধে বলিয়াছেন,—‘সত্যই বর্তমান সময়ে জমীর
যে পরিমাণ রাজস্ব নির্ধারিত হইতেছে তাহা আদায়
হইতেছে না এবং আদায়ের চেষ্টা করাতে লোকের বিশেষ
কষ্ট হইতেছে।’ আবার রাজস্ব না দেওয়ার অপরাধে ১৮৮৭-

৮৮ হইতে ১৮৮৯ ৯ এই তিন বৎসবে ৮৭১১৪ একর জমী
নিলামে বিক্রয় হইয়াছে তন্মধ্যে ৩৯৮৫৯ একর অল্প ক্রেতা
না থাকায় গবর্ণমেন্টের তরফ হইতে নাগ মাত্র মূল্যে ক্রীত
হইয়াছে এবং ৪৭২৬৫ একর জমী বেসরকারী লোকে ক্রয়
করিয়াছে। অর্থাৎ বর্তমান রাজস্ব নির্ধারণের দরুণ লোকে
অন্ধকৈ জমী চাষ আবাদ করিতে সক্ষম হয় নাই। যদি ঐ
সকল জমীর উপযুক্ত কর নির্ধারিত হইত, তবে কৃষকগণ
তাহা নিশ্চয়ই আবাদ করিত। মিঃ রোগার এগার বৎসরের
হিসাব করিয়া দেখাইয়াছেন যে, ঐ সময়ের মধ্যে রাজস্ব
না দিতে পারায় ৮৪০৭৩১৩ লোকের স্বনামি বেনামি সম্পত্তি
২৯৫৯৯০৬ টাকায় নিলাম হইয়াছে। (দখলী স্বত্ব বিশিষ্ট
(occupancy right) ১৯৬৩৩৬৪ একর জমী বিক্রীত
হইয়াছে। তন্মধ্যে সরকার পক্ষে ১১৭৪৩৫৮ একর নাম
মাত্র মূল্য ক্রীত হয়।) এই এগার বৎসরের শেষ বৎসর
১৮৭৯-৮০ সাল এবং ১৮৭৬-৭৭ সালে সেই মহাজুর্ভিক্ত
উপস্থিত হয়। সুতরাং যদি আমরা অনুমান করি যে,
জমীর অতিরিক্ত রাজস্ব নির্ধারণই দুর্ভিক্ষের কারণ, তবে
তাহা যে একবারে অর্থোক্তিক হইবে, তাহা কে বলিবে?
পূর্নোক্ত হিসাব দেখিলেই প্রকৃত বৃত্তান্ত হৃদয়ঙ্গম হইবে,
ইহার উপর টাকা টিপ্তানী অনাবশ্যক। পূর্নোক্ত রাজস্ব
প্রদানে অক্ষম ব্যক্তিদিগের পরিবারে গড়ে ৪ জন করিয়া
লোক ধরিলেও প্রায় ৩২৫০০০ জন লোক অথবা মাদ্রাজ
প্রেসিডেন্সির কৃষকশ্রেণীর এক অষ্টমাংশ লোক উচ্চ হারে
রাজস্ব দিতে না পারায় এগার বৎসরের মধ্যে আশ্রয়শূন্য
হইয়াছে। এইরূপ উচ্চ রাজস্বের দরুণ মাদ্রাজ প্রেসি-
ডেন্সীতে দখলী স্বত্ব বিশিষ্ট জমীর শতকরা প্রায় ১৬ খান
জমী পতিত আছে।

বোম্বের অবস্থাও ভাল নহে। ১৮৭৮ সালের ডেকান
রায়ত কমিশন বলেন,—আমাদের প্রাথমিক কালেক্টরগণ
ডেকানের অতিরিক্ত রাজস্ব নিরূপণ করার দেশের কৃষক
দিগের আবাদের মূলধন শোষণ করিয়া লইয়াছে, তজ্জন্ত
কৃষকশ্রেণী এপর্যন্ত দুঃখ দারিদ্র্য সমুদ্রে নিমজ্জিত আছে।
বোম্বের গবর্ণমেন্টের মিনিটে সোলাপুরের কালেক্টরের
১৮৭২-
৭৩ সালের রিপোর্ট প্রকাশিত হইলে, মিঃ ডেকোষ্টা
(Dacosta) বলিয়াছিলেন,—‘অতিরিক্ত রাজস্ব নির্ধারণে
যে বহুতর ভূমিখণ্ড নিলামে উঠিয়াছিল তাহা অধিকাংশেরই

ক্রেতা পাওয়া যায় নাই। তৎবিষয়ে কালেক্টরের মন্তব্য গবর্ণমেন্ট অতি সতর্কতার সহিত পাঠ করিয়াছেন। বোম্বাই কর্তৃপক্ষীয়দিগের কথা সত্য হইলে, কৃষিকার্যোপযোগী প্রায় অর্ধেক জমি এখনও আবাদ হয় না। উত্তর পশ্চিম প্রদেশ, পঞ্জাব, মধ্য প্রদেশ সকল দেশের কথাই একরূপ।

কাহারও অভিজ্ঞত এই যে, অল্প পরিমাণ ভূমি আবাদ—কৃষকদিগের দুর্দশার আর একটা কারণ। হাটার সাহেব বলেন,—

“Millions cling with a despairing grip, to their half-acre of earth a price under burden a rack rent and using”

ডাঃ Vocleker বলেন, ভারতীয় কৃষক শ্রেণীর শঙ্কট-বস্থার একটা প্রধান কারণ—কার্যশূন্যতা। একজন আহারের কিছু সংস্থান করিতে পারিলেই ধরাকে সরা জ্ঞান করিয়া বাড়ীতে বসিয়া থাকে। জন ব্রাইট আয়ারল্যান্ড সম্বন্ধে যাহা বলিয়াছেন ভারতবর্ষ সম্বন্ধেও তাহাই বলা যাইতে পারে। ‘আয়ারল্যান্ড অলস, স্মৃতরাং আহাৰ্য্যভাবে মরিবে।’ (Ireland is idle therefore she starves) এই উক্তির সহিত অনেকটা সত্যের সংশ্রব আছে কারণ দারিদ্র্য, খাদ্যের অভাব এবং অয়নক সূর্যের (Tropical Sun) দৌরাত্ম্যে মানুষ দুঃস্থ কার্যে কেবল যে অপারগ হয় তাহা নহে, তাহার কার্য করিবার ক্ষমতাও প্রভূত পরিমাণে বিনষ্ট হয়। একটা অর্ধভুক্ত বঙ্গীয় প্রজার সহিত কখনও স্ফুর্তিশীল ইংরেজ বা স্কচ কৃষকের প্রতিদ্বন্দ্বীতা হইতে পারে না। যে অসংখ্য জীব কেবল জন্ম ও মৃত্যুর ফাঁপড়ে পড়িয়া যায় যায় হইতেছে, যাহাদের খাদ্যাভাব কোন দিনেও ঘুচিবে না, যাহাদের কুটীরে কখনও সূখ সূর্য উঁকি মারিবে না, তাহাদের কথাই বা কি? তাহা-দিগকে অকর্ষণ্য বলিলে সামাজিক ও ব্যবচ্ছেদনীতির (anthropology) কথা তুলিতে হয়। সাহসের সহিত বলা যাইতে পারে, জীবন রক্ষার আমিত্ব বজায়ের প্রধান উপাদান—একমাত্র বীজ ভারতীয় লোকের অপরিচিত নহে।

বিবাহ কিস্তি শ্রদ্ধ উপলক্ষে অতিরিক্ত ব্যয়—ভারতীয় প্রজার অবস্থার সহিত আলোচনা যোগ্য। বছদিনের সংস্কার বা আচরিত কার্য কখনও সহজে উন্মূলিত হইতে

পারে না এবং যিনি তাহা না মানিয়া কার্য করিতে পারেন তিনি নিশ্চয়ই সুপুরুষ। এদেশের সামাজিক আচার ব্যবহারের সহিত ধর্ম্যভাব বড়ই বিচিত্রভাবে বিজড়িত এবং পরে তাহাই কুসংস্কাররূপে পরিণত হয়। এতদ্বিষয়ে বিশদ আলোচনা বারান্তরে করিব।

শ্রীব্রজসুন্দর সাম্যাল।

পাট ।

ভারতবর্ষে পাটের চাষ বাঙ্গালা দেশেই সর্বাপেক্ষা অধিক হয়। আমামে মাত্র গোয়ালপাড়া জিলায় পাটের চাষ দেখিতে পাওয়া যায়। বোম্বাই মাদ্রাজ প্রভৃতি অঞ্চলেও পাটের চাষের চেষ্টা হইয়াছিল, কিন্তু কৃতকার্য হওয়া যায় নাই। নিতান্ত পাহাড়ে জমী এবং সে সকল জমীতে লৌহ অথবা বালুকার ভাগ অধিক সেই সকল জমী ব্যতীকে আর প্রায় সকল জমীতেই পাট উৎপন্ন হয়। তবে এটেল জমীতে সর্বাপেক্ষা উৎকৃষ্ট পাট জন্মে। নীচু জমীতেও পাট বেশ ভাল জন্মিতে দেখা যায় বটে কিন্তু সে সব পাট প্রায়ই মোটা রকমের। প্রথম শ্রেণীর পাট প্রায় নীচু জমীতে হয়ই না। চরা ভূমি অথবা দিয়ার ভূমিতেও গাছগুলি বেশী তেজস্বী ও দীর্ঘ হইতে দেখা যায় বটে কিন্তু ইহারও আঁশ অপেক্ষাকৃত মোটা; তেমন চিক্কণ হয় না। আবাদী পাট দুই শ্রেণীর, দেশী ও মিরাজগঞ্জি, দেশী পাটের পক্ষে অপেক্ষাকৃত লোনা জমীই ভাল, একটু বেশী লোনা হইলেও বড় বিশেষ আসিয়া যায় না স্মৃতরাং কলিকাতা দক্ষিণে সুন্দরবন প্রভৃতি স্থানে দেশী পাটের আবাদ বেশ চলিতে পারে কিন্তু মিরাজগঞ্জের পাটের চাষ লোনা জমীতে ভাল হয় না। অনেক কালের পতিত জমীতে পাট বেশ সুন্দর জন্মে।

কর্ষণঃ—নীচু জমীতে পাটের আবাদ করিতে হইলে শীত শেষ হইতে না হইতেই চাষের কার্য আরম্ভ করিবে। যদি উক্ত জমীতে কোন শস্য না থাকে তবে শীতের প্রারম্ভেই জমী কর্ষণ করা উচিত। যে প্রকারেই হউক নীচু জমীতে যাহাতে চৈত্র মাসেই বীজ দেওয়া যাইতে পারে সেই ভাবে

জমী তৈয়ার করিয়া রাখিতে হইবে। কোন কোন স্থলে এমন ও হয় যে গাছ নিতান্ত ছোট থাকিলে জমীতে বটার জল আসিয়া পড়ে। এই সব জমীতে মাঘ ফাল্গুন মাসেই বীজ দেওয়া উচিত; কারণ গাছগুলি একটু বড় হইয়া উঠিলে জলে আর বিশেষ কিছু করিতে পারে না। উচ্চ জমীতে আষাঢ়মাস পর্যন্ত বীজ দেওয়া যাইতে পারে। যদি জমীতে কোনরূপ রবিশস্য থাকে তাহা হইলে ঐ শস্য কাটিয়া লইবার অব্যবহিত পরেই জমীতে চাষ দিবে। পরীক্ষা দ্বারা স্থিরীকৃত হইয়াছে যে, জমীতে বীজ বুনবার যত পূর্ব হইতে চাষ দেওয়া যায় ততই ফল ভাল হয়। যে হেতু পুনঃ পুনঃ কর্ষণে মৃত্তিকা বায়ু হইতে নাইট্রোজেন গ্যাস আহরণ করে এবং এই নাইট্রোজেন উদ্ভিদ জীবনের একটি প্রধান উপাদান। স্মৃতরাং দেখা যাইতেছে যে পূর্ব হইতে জমীতে চাষ দেওয়াতে প্রকারান্তরে সারেরও কাজ দেয়। দুইবার লম্বা-ভাবে ও দুইবার এড়াভাবে জমীতে চাষ দিয়া একবার মট দিয়া লইলেই জমী তৈয়ার হইয়া আসিবে; তৎপরে আর একবার চাষ ও আর একখানা মট দিলেই উহা ধূলিবৎ হইয়া যায়। এখন একবার বিদে চালাইয়া ক্ষেত্রের আব-র্জনা বাছিয়া লইলেই জমী বীজ গ্রহণের উপযুক্ত হইল। বীজের পরিমাণ বিষয় প্রতি একসের, মোয়া সেরের অধিক হওয়া উচিত নহে। আমাদের কৃষকগণ ইহা হইতে অনেক বেশী বীজ বপন করিয়া থাকে; তাহার ফলে গাছগুলি অত্যন্ত ঘণ হইয়া উঠে এবং তদ্রূপ নিড়াইনের খরচ অনেক বেশী পড়িয়া যায়। বীজ ফেলিবার আর একটি অসুবিধা এই যে যদি পূর্ব হইতে একটু বেশী রকম বৃষ্টি হইতে আরম্ভ হয় তবে ক্ষেত্রের মাটি নরম থাকার দরুণ আর ক্ষেত্রে নিড়াইন যায় না। শস্য একেবারেই নষ্ট হইয়া যায়। কারণ ভাল পাট জন্মাইতে হইলে গাছ গুলি ও অন্ততঃ তিন চারি ইঞ্চি তফাৎ হওয়া নিতান্ত আবশ্যকীয়। পাটের বীজ অত্যন্ত ক্ষুদ্র; অতএব বপন করিবার সময় বীজের সহিত কিছু মাটি মিশাইয়া বীজ ছিটাইবে। ইহাতে বীজগুলি সমস্ত ক্ষেত্রে সমভাবে ছড়াইয়া পড়ে গাছগুলি যখন আধ হাত আন্দাজ উচ্চ হইয়া উঠিবে তখন উহা চারিইঞ্চি ফাঁক ফাঁক করিয়া নিড়াইয়া দিবে। আর যদি বীজ ডিল করিয়া বুনা যায় তবে বীজ বুনবার সময়ই নির্দিষ্ট পরিমাণ ফাঁক দিয়া বীজ বপন করিবে। এ ক্ষেত্রে কেবল জমীর ঘাস বাছিয়া দিলেই

চলে। নিড়ানির কার্য রীতিমত বর্ষা আরম্ভ হইবার পূর্বেই হওয়া উচিত। কারণ পূর্বেই বলিয়া আসিয়াছি বর্ষার জলে জমী নরম হইয়া গেলে নিড়ানির কার্য চলে না। ঘাস বাড়িয়া উঠিলে গাছ আর বিশেষ জোর করিতে পারে না। ক্ষেত্র বিশেষে নিড়ানি ২৩ বার দেওয়া হয়; শেষ নিড়ান হইয়া গেলে শস্য কর্তনোপযোগী না হওয়া পর্যন্ত আর বিশেষ কোন কাজ নাই।

সারঃ—যে সকল জমীতে প্রতিবৎসর বর্ষার সময় পলি পড়ে উহাতে কোন সার দেওয়ার প্রয়োজন হয় না। কিন্তু অগ্রাণ্ড জমীতে অবশ্য সার ব্যবহার করিবে। পাটের চাষের পক্ষে বিষয় প্রতি ৫০/ মন করিয়া গোবর সার দেওয়া উচিত। মোরা প্রভৃতির সারে পাটের বড় বিশেষ উপকার হইতে দেখা যায় না। উক্ত গোবর সার জমীতে চাষ দেওয়ার পূর্বে ছড়াইয়া দিবে। কোন নির্দিষ্ট জমীতে বিনা সারে ক্রমান্বয়ে পাটের চাষ করিলে ক্রমে উহার ফলন কমিতে দেখা যায়, কারণ একই জমীতে একই শস্যের আবাদ ৩৪ বৎসর ধরিয়া হওয়াতে ঐ জমীর উক্ত শস্যের পোষণকারী পদার্থগুলি উত্তরোত্তর হ্রাস প্রাপ্ত হয় এবং উহার উৎপাদিকা-শক্তি নষ্ট করিয়া দেয়। আমাদের মতে কোন নির্দিষ্ট জমীতে বার বার পাটের চাষ না দিয়া পর্যায়ক্রমে ঐ জমীতে অগ্রাণ্ড ফসল দেওয়া উচিত। আর যদি একই জমীতে চাষ করিতে হয় তাহা হইলে ৩৪ বৎসর পর এক বৎসর জমী পতিত রাখিয়া দেওয়া উচিত; ইহাতে জমী এক বৎসর বিশ্রাম পায় এবং সেই বিশ্রাম কালে উহাতে উদ্ভিদের পোষণকারী পদার্থগুলি পুনরায় সঞ্চিত হইয়া উহার উৎপাদিকাশক্তি আবার পূর্বের স্থায় করিয়া তোলে।

কাটিবার সময়ঃ—গাছগুলিতে যখন কেবল ফল ধরিতে আরম্ভ করে তখনই পাট কাটিবার প্রশস্ত সময়। ইহার পূর্বে কাটিলে পাটের আঁশ নরম হয় এবং অপেক্ষাকৃত একটু বেশী পরিষ্কার হইয়া থাকে; তবে ইহাতে ওজন ও অপেক্ষাকৃত কম হয়। আবার যদি বিলম্ব করিয়া অর্থাৎ ফল পাকিতে আরম্ভ করিলে কাটা যায় তাহা হইলে পাটের আঁশ মোটা হইয়া পড়ে এবং রং ও একটু খারাপ হয় যদি ও এই অবস্থায় পাট একটু বেশী ভারী ও শক্ত হইয়া থাকে কিন্তু তদ্রূপ দাম কোন ক্রমেই বেশী পাওয়া যায় না; কারণ পাটের পক্ষে

যেমন আঁশ শক্ত হওয়া দরকার তেমন উহা পরিষ্কারও হওয়া চাই। কৃষকগণ ঠিক সময় মত পাট কাটিয়া উঠিতে পারে না বলিয়া অনেক সময় উহাদের পাট খারাপ হইয়া যায়; কাহারও পাট খুব শক্ত হয় কিন্তু লাল হইয়া যায়; আবার কাহারও বা খুব পরিষ্কার হয় কিন্তু পাট একেশারে নরম হইয়া যায় এবং ওজন ও কম হয়।

পাট কাটা হইয়া গেলে পর মাঠের উপর ২৩ দিন পর্যন্ত ছড়াইয়া রাখা হয়; এই সময় মধ্যে গাছের প্রায় সমস্ত পাতা বারিয়া পড়ে। তৎপর গাছগুলি একত্র করিয়া ছোট ছোট আঁট বান্ধিয়া ক্ষেত্র সমিহিত কোন জলাশয়ে পচাইবার জন্ত ডুবাইয়া রাখা হয়। এই আঁট গুলির উপর ছোট ছোট গাছ, পাতা এবং মাটি ইত্যাদি চাপাইয়া দিতে হয় যেন ইহা শীঘ্রই পচিয়া উঠে। গাছগুলি যাহাতে সম্পূর্ণরূপে ডোবে তাহার প্রতি বিশেষ দৃষ্টি রাখিতে হইবে। জলাশয়টি অগভীর না হওয়াই উচিত। জল যেমন পরিষ্কার হইবে পাটের রং ও তেমন পরিষ্কার হইবে। লোনা বা বোলা জলে পাট পচাইলে উহা খারাপ হইয়া যায়। স্রোত বিশিষ্ট জলে ডুবাইলে পাট পচিতে অনেক সময় লাগে, পাটের রং ও তেমন ভাল হয় না। শ্রাবণ ভাদ্র ও আশ্বিন মাসে সাধারণতঃ পাট কাটা হইয়া থাকে। এই সময়ে পাট পচিতে অনেক সময় লাগে না। ৮১০ দিনে পাট বেশ পচিয়া উঠে; কিন্তু যদি পাট কাটিতে কাটিতে দেরি হয় এবং পাট ভিজাইতে শীত আসিয়া পড়ে তাহা হইলে মাঝে মাঝে পাট পচিতে এমন কি দুইমাস পর্যন্ত ও সময় লাগিয়া যায়; তা ছাড়া কতকগুলি পাট অধিক পচিয়া যায় আবার কতগুলি হয়ত পচেও না। পাট অধিক পচিয়া গেলে যে কেবল রংই খারাপ হয় তাহা নহে পাট শক্তও হয় না। এ দিকে অল্প পচাইলে ও পাটের রং খারাপ হইয়া যায়। অতএব যাহাতে উপযুক্ত সময়ে পাট কাটিয়া উপযুক্তরূপ পচাইয়া পাট বাহির করিয়া লওয়া যায় সেই বিষয়েই বিশেষ দৃষ্টি রাখা কর্তব্য। পাট ভিজাইবার এক সপ্তাহ পর হইতেই প্রতিদিন পরীক্ষা করিয়া দেখিতে থাকিবে যে উহা উপযুক্তরূপ পচিল কি না। যখন পাট দস্তুর মত পচিয়াছে বলিয়া বোধ হইবে তখন আঁটগুলি এক এক করিয়া উঠাইয়া আনিয়া গাছ হইতে আঁশ ছাড়াইয়া লইবে।

পাট ছাড়াইবার ২৩টা প্রথা প্রচলিত আছে। পূর্ব বঙ্গে পচা আঁটগুলি উঠাইয়া আনিয়া এক একটা গাছের গোড়ার দিক হইতে অক্ষুর সাহায্যে কতকটা আঁশ ছাড়াইয়া লইয়া আস্তে আস্তে টানিয়া গাছ হইতে আঁশ ছাড়াইয়া লওয়া হয়। তৎপরে পাট হাতে ও গাছটি ভিন্ন স্থানে রাখা হয়। হাতে এক মুষ্টি পরিমাণ পাট হইলেই তাহা মুঠা বাধিয়া রাখা হয়, তৎপরে এইরূপ কতকগুলি মুঠা একত্র হইলে তাহা পরিষ্কার জলে উত্তমরূপে ধুইয়া রৌদ্রে শুকাইতে দেয়, পাট শুকাইলে পর গাইট বাধিয়া রাখিয়া দেওয়া হয়।

পশ্চিম বঙ্গের লোকে পচা পাটের আঁট খুলিয়া ৮৯টা করিয়া গাছ হাতে লইয়া তাহা মধ্যস্থলে ভাঙ্গিয়া রাখে, তৎপরে ঐ ভাঙ্গা গাছগুলি উপর দিকে ধরিয়া জলে খুব নাড়িয়া ধুইলেই পাট হইতে গোড়ার দিকের শলাগুলি পৃথক হইয়া পড়ে, এইরূপে নীচের দিকে ধরিয়া ধুইলে উপর দিকের শলাগুলি পৃথক হইয়া যায়। অতঃপর পাটগুলি আরও কতকগুলি বোঝা করিয়া ধুইলে যখন ইহা শুষ্কবর্ণ হইয়া উঠে তখন শুকাইতে দেওয়া হয়।

আমরা দ্বিতীয় উপায় অপেক্ষা প্রথম উপায়ই বেশী পছন্দ করি, কেন না দ্বিতীয় উপায়ে যেরূপ জোরে টানিয়া পাট বাহির করা হয় তাহাতে উহা নাল না থাকিয়া অনেক সময় এলো হইয়া পরে উহাতে পাটের দাম অনেক কমিয়া যায়, শেষোক্ত উপায়ে পাটের শলাগুলি প্রায় সবই নষ্ট হইয়া যায়, কিন্তু প্রথম উপায়ে উহা বাজারে বিক্রি করা যায় বা নিজেদের ব্যবহারেও লাগান যাইতে পারে। প্রথম উপায়ে খরচ বেশী পড়িবে বলিয়া অনেকে আশঙ্কা করিতে পারেন; কিন্তু ইহা অমূলক। কারণ সাধারণতঃ গরীব স্ত্রীলোকেরা কেবল শলাগুলির বিনিময়ে পাট ছাড়াইয়া দিয়া থাকে। যেখানে এই প্রথা নাই সেখানেও ইহা তেমন ব্যয়সাধ্য হইবে বলিয়া বোধ হয় না কারণ গৃহস্থের মেয়েরা নিজেরাই এই কাজ করিতে পারে। পাটের শলা দ্বারা অনেকে বাড়ীর চতুর্দিকে এবং গরীব লোকেরা ঘরের বেড়া এমন কি ছাউনি পর্যন্তও দিয়া থাকে। ইহা জ্বালানি কাঠরূপেও ব্যবহৃত হয়। পাট ধুইবার পর খুব ভাল করিয়া শুকাইয়া লওয়া উচিত। পাট শুকাইবার জন্ত খোলা জায়গায় লম্বা দাঁশ দ্বারা আঁড় বান্ধিয়া ঐ

আড়ের উপর খুব পাতলা পাতলা করিয়া পাটগুলি রাখিয়া দেওয়া উচিত এবং শুকাইলে গাইট বান্ধান হইয়া থাকে। স্বল্প শুক পাট গাইট বাধিয়া রাখিয়া দিলে তাহা পচিয়া যায়।

মেস্তা পাট ।

বোম্বাই, মান্দাজ এবং মধ্যপ্রদেশে ইহার চাষ খুব বেশী। ছোটনাগপুরেও ইহার চাষ হইয়া থাকে, বেহারেও ইহার চাষ আছে। তথায় ইহা পাটের নামে অভিহিত। উত্তর পশ্চিম প্রদেশ, পঞ্জাব এবং অমোদ্যতেও ইহার চাষ আছে বটে, কিন্তু তেমন বেশী নহে। মেস্তা পাট ঠিক সাধারণ পাটের তায়ই লক্ষ্য হয়। আঁশগুলি পাটের আঁশ অপেক্ষা অনেক শক্ত এবং কদরকম জাল ইত্যাদি বুনবার জন্ত ইহা সচরাচর ব্যবহৃত হইয়া থাকে। ইহা দ্বারা কাঁজও তৈয়ার হয়।

জমী :—কেবল নীচু জমী যাচা বর্ষায় ডুবিয়া যায় তাহা ছাড়া পাটের চাষের পক্ষে যে সকল জমী অনুপযোগী বলিয়া নির্দেশ করা হইয়াছে সে সবই মেস্তার চাষের উপযোগী। মেস্তায় ফুল ধরিতে আরম্ভ করিলেই উহা কাটিবে; এই সময়ে কাটিলেই মেস্তা পাট খুব শক্ত ও উজ্জ্বল হয়। ফলন ঠিক পাটের তায়। ইহার পাতাগুলি অনেকে শাক খাইয়া থাকেন এবং দানাগুলি বো মহিষদিগকে দেওয়া হয়।

শণ পাট ।

ইহারও আঁশ খুব শক্ত এবং জাল প্রভৃতি বুননে ইহা সচরাচর ব্যবহৃত হইয়া থাকে। বেশ উচ্চ হালকা জমী ইহার চাষের বিশেষ উপযোগী। এতল মাটি বা খুব তেজস্বর ভূমি বা নীচু মেঁতর্দেঁতে জমীতে ইহার চাষ ভাল হয় না। গাছগুলি অশ্রু বড় হয়, কিন্তু পাট অতি নিকট এবং মোটা হইয়া থাকে। ওজনেও বেশী হয় না। শণের চাষ যে জমীর উর্বরতা বৃদ্ধি পায় ইহা আমাদের কৃষকগণ বিশেষ অবগত আছে এবং সেই হেতু তাহারা ইক্ষু, আলু প্রভৃতি শস্যের পূর্বে একবার শণের চাষ করিয়া লয়। কখনও কখনও বা শণ গাছ ছোট থাকিতেই উহা চাষ দিয়া জমীতে পচাইয়া দেওয়া হয়।

চাষ :—বেলে জমীতে বিশেষ চাষ দেওয়ার দরকার

করেনা; দুইবার চাষ দিয়া একবার মই চালাইয়া লইলেই যথেষ্ট হইল। ইহার বীজ পাট অপেক্ষা একটু ঘন করিয়া লাগাইবে। বীজের চার বিঘা প্রতি ৬৭ সের। বীজ বুনবার সময় বৈশাখ জ্যৈষ্ঠ মাস। শ্রাবণ মাসেই শণ গাছে ফুল ধরিতে আরম্ভ করে; কিন্তু দানা হইবার পূর্বে শণ কখনও কাটা উচিত নহে। শণের গাছ হইতে আঁশ বাহির করিয়া লইবার নানা প্রকার প্রথা প্রচলিত আছে। কোন কোন স্থলে গাছ গুলি কাটিয়া জলাশয়ের ধারে পাঁকের ভিতর পরিয়া রাখা হয়। এই জন মন্থকে ও দুই প্রকার মত দেখা যায়। কেহ কেহ স্রোত জলে ভিজাইয়া থাকেন, কেহ বা স্থির জলই পছন্দ করেন। যাচা হউক ভিজাইবার এক সপ্তাহ মধ্যেই গাছ গুলি পচিয়া উঠে; তখন আঁট গুলি উঠাইয়া লইয়া পাটের তায় আঁশ ছাড়াইয়া লইবে। পাটের তায় ইহাও বেশী পচিতে দেওয়া উচিত নয়। আবার কোথাও কোথাও গাছ গুলি কাটিয়া মাঠে রাখিয়া দিয়া দস্তুর মত শুকাইলে জলে ফেলা হয় এবং ২৩ দিন পরে গাছ হইতে আঁশ ছাড়াইয়া লওয়া হয়। যে স্থানের আবহাওয়া সাধারণতঃ আর্দ্র সেখানে ঐ প্রথা বিধেয় নহে; কারণ উক্ত স্থানে ঐ রূপ করিলে আঁশ গুলি নষ্ট হইয়া যাওয়ার সম্ভাবনা। আবার কোথাও বা গাছ গুলি আর্দ্র না পচাইয়া আঁশ ছাড়াইয়া লওয়া হয়। ইহার ফলন বিঘা প্রতি সাধারণতঃ দুই মণ আড়াই মণ; কখনও কখনও পাঁচ মণ পর্যন্ত দেখা যায়। শণের বীজ দুগ্ধবতী গাভীকে খাওয়াইলে উহার দুগ্ধ বাড়ে।

রীয়া ।

ইহাকে উদ্ভিদ শাস্ত্রে *Boehonera Nivea* কহিয়া থাকে। ইহার পাট ঠিক রেশমের তায় উজ্জ্বল এবং খুব শক্ত। ইহা দ্বারা ঠিক রেশমের তায় কাপড় ও তৈয়ার করা যায়। এই আঁশের মূল্য খুব বেশী বলিয়া অনেকে ইহার চাষে ধনি হইবেন বলিয়া মনে করেন এবং গবর্ণমেণ্ট ও ভারতবর্ষে ইহার চাষের প্রবর্তনের জন্ত অনেক দিন ধরিয়া চেষ্টা করিতেছেন, শিবপুর এবং সাগরপুর কোম্পানীর বাগানে এবং অনেক জেলে ইহার চাষের জন্ত দস্তুর মত চেষ্টা করা হইয়াছে, কিন্তু কোথাও তেমন ভাল ফল পাওয়া যায় নাই। ইহার প্রধান কারণ রীয়া সকল জমিতে ভাল হয়না, আর হইলেও ইহার আঁশ ছাড়াইয়া লওয়া ও

তৎপরে উহাকে পরিষ্কার করা এত ব্যায় ও কষ্ট সাধ্য যে কলের সাহায্য বিনা হাতেপরিষ্কার করিয়া কখনও লাভবান হওয়া যায় না।

রীয়া গাছ হইতে আঁশ ছাড়াইয়া লইবার ও তাহা পরিষ্কার করিবার কল যে নাই তাহা নহে কিন্তু এ সব কলের এত দাম ও সেই সব কলের উপযুক্ত কাজ দিতে হইলে এত বেশী জমী লইয়া উহার চাষ করা দরকার যে সাধারণ কৃষকের পক্ষে তাহা একেবারে অসম্ভব, তবে যদি কোন দনী লোক অথবা কোন কোম্পানি এই কাজ আরম্ভ করেন তবে অবশ্য চলিতে পারে।

আমান, রংপুর, দিনাজপুর, বগুড়া প্রভৃতি অঞ্চলের লোকেরা ইহার অর্ধ পরিষ্কৃত আঁশ দ্বারা, জাল দড়ি প্রভৃতি তৈয়ার করিয়া থাকে।

জমী :—যে স্থানের মৃত্তিকা স্বভাবত আর্দ্র ও ছায়াযুক্ত অথচ এমন উচ্চ যে বজ্রার জল উঠে না বর্ষায় জল দাঁড়ায় না সে সব স্থানেই রীয়ার চাষ ভাল হয়। রীয়াবীজ হইতে উৎপন্ন হয়, ডাল কাটিয়া কলম করিয়াও লাগান হয়। ডাল কাটিয়া লাগাইলে এক এক খণ্ড আধ হাত আন্দাজ লম্বা করিয়া কাটবে। জমী বেশ ভাল রকম চাষ করিয়া ৪৬ অঙ্গুলি মাত্রের নীচে প্রত্যেক দিগে ৫ তিন পোওয়া হাত অন্তর করিয়া লাগাইবে। রীয়া লাগাইবার প্রশস্ত সময় ভাদ্র, আশ্বিন। বৈশাখ, জ্যৈষ্ঠ মাসেও লাগান যাইতে পারে। একবার লাগাইলে ৩৪ বৎসর পর্যন্ত বেশ থাকে। প্রথম ফসল লাগাইবার নয় মাস মধ্যেই কাটা হয়। তার পর মাসে মাসেই কাটা যাইতে পারে। সাধারণতঃ বৎসরে ৩.৪ বার ফসল কাটা হয়। যদি জমী বেশ ছায়াযুক্ত হয় দস্তর মত সার প্রয়োগ ও জল সেচন ইত্যাদি করা হয় তবে ৫৬ বারও কাটা হয়। উগাগুলির গোড়া যখন বাদামী রং ধরিয়া উঠে, এবং পাতাগুলি ঝরিয়া পড়িতে আরম্ভ করে তখনই উহা কাটিয়া লইবে। এইরূপ উগা বাছিয়া বাছিয়া কাটিতে পারিলে, সমস্ত বৎসর ভরিয়াই রীয়ার ফসল পাওয়া যায়।

বীজ হইতে গাছ করিতে হইলে চারা জন্মাইবার জমী থানা বেশ হালকা দোয়াশ জমী দেখিয়া ভাল করিয়া গোবর সার দিয়া চাষ করিয়া লইবে। রীয়ার বীজ কখনও মাটি দিয়া ঢাকিয়া দিতে নাই। ক্ষেত্রে বীজ বৃনিবার পরে

একখানি কলাপাতা অথবা মাদুর দ্বারা বীজগুলি ঢাকিয়া রাখিবে এবং উহারই উপর জল দিয়া উহা ভিজাইয়া দিবে যেন উহার শৈল্পতায় জমী বেশ আর্দ্র থাকে। বীজ গজাইবার পূর্বে কখনও জমীতে মোজাসুজি জল দিতে নাই। বীজ দস্তর মত গজাইয়া উঠিলে উপরের আবরণ থানা উঠাইয়া লইবে। এবং দরকার মত চারাতে জল দিবে। যখন চারাগুলি ৩ টিফি আন্দাজ উচ্চ হয়, তখন উচাদিগকে উঠাইয়া লইয়া জমীতে লাগাইবে। রীয়ার আঁশ বিদ্য প্রাপ্তি কত ফলিয়া থাকে সে সম্বন্ধে ঠিক করিয়া বলা বড় শক্ত : কারণ উহার আঁশ বাহির করা ও পরিষ্কার করা অত্যন্ত কঠিন বলিয়া কেহই উহার বড় একটা চাষ করে না। যাহারা করিয়া থাকে তাহারাও অতি সামান্য পরিমাণ স্থান লইয়াই করে। এবং তাহাদের মধ্যে কেহই আঁশ তেমন পরিষ্কার করিয়া বাহির করেন। এবং কেহই আঁশ তেমন পরিষ্কার করিবার চেষ্টা বহুও করে না। তবে মোটা-মোটা এই বলা যায় যে, দস্তর মত চাষ করিলে বিদ্য প্রাপ্তি আঁশ ৪৫ মণ হইবে।

রীয়া গাছ হইতে আঁশ বাহির করিবার ও তৎপরে উহা পরিষ্কার করিয়া লইবার নানারূপ প্রথা প্রচলিত আছে। ১। ভাগলপুরে একবারে মগ্ন গাছগুলিকে বালি মিশ্রিত জলে (বালির পরিমাণ প্রত্যেক মণ গাছের জগ্ন ১০/ দশ ছটাক) আন্দাজ ২ ঘণ্টাকাল সিদ্ধ করিয়া তৎপরে ধোপার পাতের ছায় পাতের উপরে আছড়াইয়া গাছ হইতে আঁশ পৃথক করিয়া লওয়া হয়, তৎপরে পুনরায় ঐ জলে আধ ঘণ্টাকাল আঁশগুলিকে সিদ্ধ করিয়া ভাল জলে ধুইয়া পরিষ্কার করিয়া লওয়া হয়।

২। বগুড়ার প্রথা অল্পরূপ। সেখানে জলের সহিত প্রথম কতকটা হলুদ অথবা কিছু চাল সিদ্ধ করে তৎপরে ঐ জলে আঁশগুলিকে সিদ্ধ করিয়া লয়, ইহাতে আঁশের মধ্যে যে আঁঠা থাকে, তাহা অনেক পরিমাণে শিথিল হইয়া যায়, এবং পরিষ্কার করিবার খুব সুবিধা হয়। ৩। আসাম অঞ্চলে প্রথমতঃ গাছগুলির উপর হইতে একখানা ভেঁতা ছুরি দিয়া টাছিয়া উহার উপরিভাগের ছালটি ফেলিয়া দেওয়া হয়। তৎপরে গোড়ার দিগে ভাঙ্গিয়া ভিতরের কাটি হইতে সেই আঁশ বাহির করিয়া লওয়া হয়, তৎপরে সেই আঁশ উন্টাইয়া ধরিয়া ক্রমে

মাথার দিকে টানিয়া লইয়া আঁশ বাহির করিয়া লওয়া হয়। এই প্রকার একটা দোষ এই যে, গাছের সঙ্গে কতকটা আঁশ থাকিয়া যায়।

পাট, মেস্তা, শণ ইত্যাদি কাটিয়া জলে ভিজাইয়া, পরে আঁশ বাহির করিয়া ধুইয়া লইলে বেশ পাট হইল। কিন্তু রীয়ার তাহা নয়, ইহার আঁশের সহিত এক রকম আঁঠা আছে তাহা ছাড়ান বড় শক্ত, অথচ উহা না ছাড়াইতে পারিলে ইহার আঁশও পরিষ্কার হয় না।

আমামে আর এক রকম রীয়ার গাছ আছে, ইহাকে উদ্ভিদ শাস্ত্রে *Villebremia Integrifolia* কহিয়া থাকে, আমামে ইহার নাম বনরীহ। ইহার আঁশও বেশ সাদা হয়, এবং রীয়ার আঁশ অপেক্ষা ইহা নরমও নছে, ইহাতে রীয়ার ছায় কোন আঁঠাও নাই, সুতরাং ইহার আঁশ পরিষ্কার করিতে কোন কষ্ট পাইতে হয় না। আমাদের মতে এই রীয়ার চাষই বরং অধিক বাঞ্ছনীয়।

শ্রীরাঙ্গেশ্বর দাস গুপ্ত।

বাঙ্গালি-গৌরব।

এক জন কবি বিজয় সিংহের সিংহল বিজয় উপলক্ষ করিয়া লিখিয়াছেন :—

“বাজা ঢাক বাজা ডঙ্গা
মনে নাহি কর শঙ্কা
অদূরে ভাসিছে লঙ্গা
বাঙ্গালী জাতির বীরত্ব নিশান।”

আবার আর এক জন কবি গাইয়াছেন :—

“যেখানে সেখানে যাই
বাঙ্গালী দেখিতে পাই
তবে কি ভয় কি ভয়
বল বাঙ্গালীর জয়।”

এই সকল কবিগণের আন্তরিক উচ্ছ্বাস একেবারে মিথ্যা নহে। পূর্বকালে বঙ্গের মাটিতে বাঙ্গালীর গৌরবের অনেক বস্তু উৎপন্ন হইত। বস্তুতঃ ভারতেশ্বরীর রাজ্য গ্রহণের অগ্রবর্তী সময়কে বঙ্গের পূর্ব যুগ বলিয়া কথিত হয়। এসময়

বঙ্গ বাঙ্গালীর গৌরবের অনেক পদার্থ ছিল। দৃঢ় প্রতিজ্ঞা, আত্মমর্যাদা, উৎসাহ, অতুল প্রতিভা, কার্যকরী শক্তি ইত্যাদিতে পূর্বকালের বাঙ্গালী জীবন অলঙ্কৃত ছিল। বঙ্গ-ভূমি প্রকৃতই পুরুষোচিত অতুলনীয় শক্তিতে শক্তিময়ী ছিল। জানি না কি ভূভাষ্যে বাঙ্গালায় অভিনব যুগের প্রবর্তন হইল—আর অমনি বাঙ্গালীর বাঙ্গালি বঙ্গমাগরে ভাসিয়া যাইতে লাগিল।

কোন এক সময়ে ব্রহ্মানন্দ কেশবচন্দ্র সেন কোন ব্যক্তিকে কথা প্রসঙ্গে বলিয়াছিলেন—“আমি আমার জীবনে বহুকাল পর্যন্ত ধর্মোপদেষ্টা, শিক্ষক, বক্তা, প্রচারক, লেখক ও পরামর্শদাতা প্রভৃতির কার্য করিয়াছি—কিন্তু আমার জীবনের প্রথমাবস্থায় যে সকল মর্কশুণ মঙ্গল বাঙ্গালী দেখিয়াছি, এখন আর তেমনটি প্রায়ই দেখি না। অতি পূর্বকালের বাঙ্গালীর গুণবন্দনা ক্রমশঃ লোপ পাইয়া আসিতেছে।”

মহায়া কেশব চন্দ্রের এই অভিমত আজ আমাদের নিকট একটা ক্রমসত্য বলিয়া প্রতীত হইতেছে। যখন এই দেশে রেল ছিল না—অথবা সংবাদ পত্র প্রচলন হয় নাই, অর্থাৎ অভিনব যুগের আবির্ভাব হয় নাই, তখন যে সকল মর্কশুণশালী অভিজ্ঞ বাঙ্গালী ছিলেন, এখন আর তাহা আদৌ দেখিতে পাই না। প্রকৃত পক্ষে এই দেশে যে সকল উর্বর মপিষ্ট বাঙ্গালী প্রতিষ্ঠা লাভ করিয়া গিয়াছেন, তাহাদের এবং বর্তমান বাঙ্গালীর মধ্যে আকাশ পাতাল প্রভেদ।

কীর্ণ প্রাণ অসম্বন্ধ ভারতেতিহাসে অনেক বাঙ্গালীর খ্যাতি প্রতিপত্তি এবং অতুল প্রতিভা ও অসীম শক্তির যথেষ্ট পরিচয় পাওয়া যায়, বস্তুতঃ নবযুগের যে দিক ধরিয়া লওয়া হইক না কেন, প্রত্যেক অংশেই পূর্বকালের বাঙ্গালীর প্রতিভা শতমুখী গতিতে পরিচালিত হইত।

বীরভৈ—প্রতাপাদিত্য, শঙ্কর, স্বর্ষাকুমার, উদয়াদিত্য কালিদাস, সীতারাম, প্রভৃতি অনেকানেক স্মরণীয় বাঙ্গালীর উল্লেখ করা যায়। ধর্মো—শ্রীচৈতন্য হইতে লাল বাবু, কৃষ্ণানন্দ ব্রহ্মাচারী প্রভৃতির নাম চিরস্মরণীয়। দয়া ও পাণ্ডিত্য—রঘুনন্দন হইতে আরম্ভ করিয়া বাসুদেব সার্কভৌগ, রঘুনাথ ভট্ট, জগন্নাথ তর্কপঞ্চানন, বিদ্যাসাগর প্রভৃতি অগ্রগণ্য। ইহারা বঙ্গের আকাশে ক্রম তারার ছায় জ্যোতিমান। কবিত্বে—চণ্ডিদাস হইতে দ্বারা বাহিক রূপে বৈকব কবিগণকে

লইয়া ভারতচন্দ্র, স্বনরায়ণ, মুকুন্দরাম চক্রবর্তী প্রভৃতি স্মরণীয়। বাঙ্গালী বঙ্গের কৃতিপুত্র। মাহসে, বলে এবং উদ্ভমে—
 ছলেবাগদি বিশ্বনাথ হইতে ধরিয়া ভবানী পাঠক, রসিদ-
 মামুদ, ফেমিবাট পাড়নী, দেবী চৌধুরাণী, আশানন্দ,
 মনোহর প্রভৃতি চিহ্নিত বঙ্গ রত্নগুলি এই বর্তমান নিজীব
 বঙ্গের স্মরণীয়। কার্যদক্ষতা এবং প্রশমীলতাবৃত্ত
 ধনোপার্জনে মহারাজ নন্দকুমার হইতে আরম্ভ করিয়া
 শেঠবংশ, রাজারাজবল্লভ, দয়ারাম, রঘুনন্দন, কাশি-
 শঙ্কর, দুলাল সরকার প্রভৃতি বাঙ্গালী চির নমস্কার। ইহার
 বঙ্গের অন্ধকার-গৃহের উজ্জ্বল রত্ন। রমণী জীবনের মাহাত্ম্যে—
 রাণী ভবানী হইতে আরম্ভ করিয়া স্বর্ণময়ী, ভগবতী দেবী,
 তারামণি প্রভৃতি নারীরত্ন সমূহ বর্তমান যুগের বিলাসিনী-
 গণের চির পূজিতা। আবশ্যক হইলে একরূপ উদাহরণ
 যথেষ্ট দেখান যায়। যাঁহারা বঙ্গ দেশকে চির দিনই
 ভীক, অলস, প্রতিভাশূন্য অক্ষয় ও আত্মমর্যাদাহীন
 জাতির দেশ বলিয়া ঘৃণা করেন—তাঁহারা নিতান্ত অদৃশ্য।
 জাতীয় গৌরব বলিলে যাহা বুঝা যায়, তাহা এই দেশের
 অধিবাসীদের যথেষ্ট ছিল এবং আবার হইতে আরম্ভ
 হইতেছে।

সময় এবং অবস্থার পরিবর্তনে আজ কাল এক অভিনব
 যুগ উপস্থিত হইয়া ভারতের গৌরবশালী বাঙ্গালী জাতীকে
 এক নবীন অবস্থায় আনিয়া উপনীত করিয়াছে। জানি না এই
 পূর্ণ পরিবর্তন কোন কুহকময় অন্ধকরণ শক্তি সঞ্জাত কি না।
 অমত্য ব্যবহার, অযথা অন্ধকরণ, এবং বাস্তুত্ব আর
 বিলাসিতাপূর্ণ অলসতা বর্তমান বঙ্গের অস্থিমজ্জায় অস্তঃ
 প্রবিষ্ট।

পূর্বকালের এক একটা বাঙ্গালীর কার্য এবং শক্তি
 আলোচনা করিলে আমাদের এই পাশ্চাত্য ভাবাপন্ন মস্তিষ্ক
 অবশ হইয়া পড়ে। পাঠক! শুনিলে, জানিলে এবং
 দেখিলে বিস্মিত হইবে। এই ভীক বাঙ্গালীর একজন মুণ্ডিত
 মস্তক নামাবলিধারী ব্রাহ্মণ সুদূর রাজপুতনা রাজ্যে ঐশ্বর্যের
 নিকেতন, গৌরবের শীর্ষস্থানীয় “জয়পুর” নগরের প্রতিষ্ঠা
 ইহা বিশ্বাস হয় কি?

রাজপুতনা ব্যতীত ভারতের অস্ত্র প্রদেশেও বাঙ্গালীর
 প্রতিভার বিকাশ-উদাহরণ দুর্লভ নহে। পঞ্জাবের
 গোলকনাথ—ত্রিপতীর ভুবন মোহন—বোম্বের সুবেশ মিত্র

বৃন্দাবনে লালা বাবু—মধ্য ভারতে কৃষ্ণানন্দ ব্রহ্মচারী—
 বঙ্গের দুর্লভপোশাগী ইহার অগতর উদাহরণ। অত্র
 রাজপুতনার মহাপুরুষ বিদ্যাবর ভট্টাচার্যের কাহিনী
 আলোচনা করিব।

যখন মহারাজ মানসিংহ বঙ্গের শেষ স্বাধীন-শোণিত
 শোষণ করিতে দিল্লীশ্বর কর্তৃক আদিষ্ট হইয়া প্রাতঃস্মরণীয়
 মহারাজা প্রতাপাদিত্যকে পরাজয় করিতে যশোহর প্রদেশে
 আগমন করিয়াছিলেন, তখন তাঁহার কৃতকার্যের ফল
 স্বরূপ প্রায় ৩০০ শত বাঙ্গালী স্ত্রী পুরুষ বন্দী হইয়াছিল।
 বলা বাহুল্য যে ঐ সঙ্গে যশোহরের অধিষ্ঠাত্রী “যশোরেশ্বরী
 মাতাও” বন্দি হইয়াছিলেন।

(মানসিংহ বিজয়-মদিরাপান উন্নত হইয়া দেবী
 প্রতিমার সহিত স্বীয়প্রভু দিল্লীশ্বরকে সমস্ত বন্দী-প্রাণ
 উপহার প্রদান করেন। বিধবা বাদশাহ বন্দিগণকে আবদ্ধ
 এবং দেবীকে যমুনা নিকটে রাখিতে আদেশ দিলে পরে হিন্দু
 মহারাজ মানসিংহ ভিক্ষা স্বরূপ দেবীর সহ বন্দিগণকে
 প্রাপ্ত হইয়াছিলেন। বাঙ্গালীর এই নবনিক্কামন যাত্রায়
 মানসিংহের উক্ত ভিক্ষালব্ধ অস্ত্রগুলি, রাজপুতনায় প্রেরিত
 হয়। তাঁহার পিতামহ জয়চন্দ্র বা জয়সিংহ তখন অন্ধ
 দুর্গের অধিপতি। তিনি কালী প্রতিমাখানিকে প্রতিষ্ঠা
 করিয়া বন্দিপ্রধান বিদ্যাবর ভট্টাচার্যের প্রতি উহার পূজার
 ভার অর্পণ করেন। এই স্থান হইতেই বাঙ্গালীর গৌরব চিহ্ন
 দেশময় রাষ্ট্র হইতে থাকে।)

রাজপুতনায় ঐ দেবীর নাম “মল্লাদেবী” অর্থাৎ পরামর্শ
 দায়িনী। ইহার তাৎপর্য এই যে, দেবীর পূজক
 ব্রাহ্মণ যে কোন বিষয়েই হউক, রাজপুত জাতির একজন
 মহাপরামর্শদাতা হইয়াছিলেন। ক্রমে ভট্টাচার্য মহাশয়
 রাজা জয়সিংহের একজন নমস্কার মন্ত্রী মধ্যে গণ্য হইয়া-
 ছিলেন। তিনি সমগ্র রাজপুতনাকে নিজের অতুল প্রতিভা-
 গুণে নখদর্পণবৎ করিয়া লইয়াছিলেন।

একদিন ঘটনা প্রমুখে রাজা এবং বিদ্যাবর অম্বরের
 নিকটস্থ “গঙ্গানীরে” উপস্থিত হন। জয়সিংহ গঙ্গানীর নগরের
 সৌন্দর্য্য দেখিয়া বলিয়াছিলেন—“আহা যেন ইন্দ্র-ভবন”।
 রাজার এই সৌন্দর্য্য-পিপাসু-বাক্য শুনিয়া ভট্টাচার্য
 কহিয়াছিলেন, “অনুমতি হইলে আমি ইহা অপেক্ষা উৎকৃষ্ট
 পুরী নিৰ্ম্মাণ করিতে পারি”। সেই হইতে জয়পুর নগর

নিৰ্ম্মাণ কার্য আরম্ভ হয়।

শুভযোগে শুভমুখে বাঙ্গালী ইঞ্জিনিয়ার ভট্টাচার্যের
 দ্বারা জয়পুর নগর নিৰ্ম্মিত হয়। অনেকানেক পৃথী ভ্রমণকারী
 ইউরোপীয় বলিয়াছেন—জয়পুরের স্থার সুন্দর নগর জগতে
 অতি অল্পই আছে। এই মহানগরী সম্বন্ধে প্রবীণ কবি
 হেমলাল বাবু লিখিয়াছেনঃ—

“জয়সিংহ পুরী জয়পুর চাকু দেশ

যার শোভা মনো লোভা বৈকুণ্ঠ বিশেষ।”

বস্তুতঃ সৌন্দর্য্যে জয়পুর নগর ভারতের বৈকুণ্ঠই বটে।
 বড় সুখের এবং বড় গৌরবের কথা যে, এই পার্থিব বৈকুণ্ঠের
 সৃষ্টি কর্তা একজন বাঙ্গালী শিখাধারী ব্রাহ্মণ।

বিদ্যাবর এই নগর নিৰ্ম্মাণ করিয়া গঙ্গানীরে অপর
 বাঙ্গালীগণের সঙ্গে মৃত্তভাবে মহা শান্তিতে বাস করিতেন।
 এক্ষণে তিনি আর একজন ভট্টাচার্যকে দেবীর পূজক
 নিৰ্ব্বাচন করিয়া কঠিন হৃদয় রাজপুত জাতির হৃদয়ে এক
 মহা কোমলতার বীজ বপন করিতে দৃঢ় প্রতিজ্ঞ হন।
 রাজপুতনার সমাজ-দেহে দে সকল পাশবিক শক্তি ছিল,
 উগা বিনাশ করিবার আশায় বিদ্যাবর সমগ্র হিন্দুর দীর্ঘ
 অন্তঃস্থ “সতীদাহ প্রথা” নিবারণ করিতে সর্বপ্রাণে উগ্রম-
 শীলতা দেখাইয়া গিয়াছেন।

তিনি নিজে ব্রাহ্মণ, তাহাতে দেবীর পূজক, বিশেষতঃ
 হিন্দুভাবে অনুপ্রাণিত কঠোর রাজপুত জাতির হিন্দু নৃপতি
 জয়সিংহের মন্ত্রী এবং সম্পূর্ণ হিন্দু নীতির অঙ্গরত পুরুষ,
 তথাপি তাঁহার মনে নব ভাবের সংস্কার জন্ম প্রকৃতিজাত
 মনস্বীতা এবং সহৃদয়তা জাগিয়া উঠিয়াছিল। এইরূপ সং-
 মাহস উদ্ভূত না হইলে কেহ কখনও সার্বজনীন মঙ্গলকার্য
 করিতে পারে না। মার্টিন লুথার ও ম্যাটসিনি তাহার
 অগতর উদাহরণ।

বলিতে কি, যখন রাজা রামমোহনের কিন্না লর্ড
 বেণ্টিনের প্রপিতামহ জন্ম গ্রহণ করেন নাই তখন এই
 বাঙ্গালী ব্রাহ্মণ (যেমন তেমন স্থানে নয়) সেই অর্ধ শিক্ষিত
 কাঠোর রাজপুত নীতির শাসনে শাসিত রাজপুতনায় দীর্ঘ
 প্রবহমান “সতীদাহ প্রথা” দূর করিতে কৃতসংকল্প। ইহা
 অপেক্ষা বাঙ্গালীর গৌরবের বিষয় আর কি আছে।

এই ভারত-মঙ্গলকর কার্য বিদ্যাবরের হৃদয়ে উদ্বোধিত
 হইয়া কার্যে পরিণত হয় নাই। যদিও ভট্টাচার্যের অধ্যব-

সায় গুণে রাজা জয়সিংহ বুঝিয়াছিলেন যে, সতীদাহ
 নিতান্ত অশাস্ত্রীয়, এবং মানব হৃদয়ের ঘৃণ্য, তথাপি তাহা
 কার্যে পরিণত করিতে পারেন নাই; কেন না বিশাল
 বিরাত হিন্দুসমাজের নিকট জয়সিংহের রাজশক্তি অতি
 হীন অতি নগণ্য। বিদ্যাবর আসমুদ্র হিমাচল ব্যাপী অথও
 হিন্দু ভারতের একটা অতি ক্ষুদ্র বাসুকাকণা মাত্র।
 কাজেই তাঁহাদের এই মঙ্গলচ্ছা পূর্ণ হইল না কিন্তু এই
 ভারতরমণী-হিতকর মহাকাব্য শেষে বিদ্যাবরের স্বদেশী
 সজাতী দ্বারাই প্রবল রাজশক্তির অনুকূলে নিবারণিত
 হইয়াছে।

এই সতীদাহ নিবারণ ক্রিয়া বাঙ্গালীর মহা গৌরবের
 কার্য। তৎকালের রাজপুত শক্তি বাঙ্গালী শক্তির প্রবলতা
 দেখিয়া মহা ভক্তি করিতে লাগিল। তাহারই উদাহরণ স্বরূপ
 রাজপুতগণ জয়পুর নগরের সদর রাস্তাটিকে “বিদ্যাবরকা
 সড়ক” নাম দিয়া অভিহিত করিতেছে। অত্যাধিক উক্ত
 নামে উহা পরিচিত আছে।

বিদ্যাবর যখন জয়পুরের অধিবাসীগণের হৃদয় অধিকার
 করিয়া ব্রাহ্মণ্য আচার ব্যতীত অপর গুণে তাহাদের
 প্রাতঃনমস্কার হইয়া উঠিলেন—তখন এক দিন এক মহা
 স্তুযোগ উপস্থিত হইল। ইহাতে বাঙ্গালী গৌরব আরও
 স্তুতিয়া উঠিল। জয়পুরের নিকটস্থ দুইটি ক্ষুদ্র রাজ্যের
 রাজাদ্বয় এক সময় বাদশাহের বিরুদ্ধে উত্থিত হইয়াছিলেন।
 সমর নীতি বিশারদ বাঙ্গালী বীরের বীর সেনাপতি বিদ্যাবর,
 রাজা জয়সিংহকে পরামর্শ দিয়া তাহাদিগকে দমন করিতে
 উত্তেজিত করিয়া বলিয়াছিলেনঃ—“ব্রাহ্মণ ভিন্ন অত্যাচারী
 রাজাকে দণ্ড আর কে করিতে পারে?” আহা সময়ের কি
 বিষম পরিবর্তন!

আজ বঙ্গের ব্রাহ্মণ জাতির সর্ববিধ অবনতি ঘটয়াছে।
 যাঁহাদের একজন বন্দী, বিদেশবাসী ব্যক্তি উক্ত রূপ মূলমন্ত্রে
 দীক্ষিত, আমরাই কি সেই বাঙ্গালী ব্রাহ্মণ? মনে করিলে ও
 শরীর রোমান্থিত হয়। ধন্য বিদ্যাবর! তুমিই প্রকৃত ব্রাহ্মণ,
 তুমিই প্রকৃত বঙ্গ গৌরব।

জয়সিংহ বিদ্যাবরকে সেই রাজাদ্বয়ের বিরুদ্ধে সেনাপত্যে
 বরণ করিলে পর, অতি অল্প রক্তপাতেই তাঁহারা পরাস্ত
 হইয়া বাদশাহের আনুগত্য সহ রাজা জয়সিংহের সামন্তরূপে
 অবস্থিতি করিতে লাগিলেন। এইরূপে ভট্টাচার্য বাদশাহের

নিকট এবং রাজপুত শক্তির নিকট একজন রাজনীতিকুশল বলিয়া পরিচিত হইয়া উঠিলেন ।

এই প্রকার মহাশক্তিশালী বাঙ্গালী পূর্বকালে এদেশে যথেষ্ট ছিলেন । এখনও জয়পুর অঞ্চলে বিখ্যাতের নাম আবালবৃদ্ধবনিতার সম্পূর্ণ পরিজ্ঞাত । বস্তুতঃ বঙ্গের বাহিরে এখনও অনেক বাঙ্গালীর পাণ্ডিত্য, বীরত্ব, কার্যদক্ষতা ও সাধুতা প্রকুল বাসন্তি মল্লিকা ফুলের স্থায় পরিস্ফুট রহিয়াছে । পূর্বের কথা ছাড়িয়া দিলেও দেখা যায় যে, এই শতাব্দীতে ও সুদূর ব্রাজিলে বাঙ্গালীর বীরত্ব জগত স্তম্ভিত ।

পূর্বকালের বাঙ্গালীর খ্যাতি প্রতিপত্তি যথেষ্ট হইলেও শত শত প্রমাণ অস্তিত্ব রাখিয়া এক যশোহর প্রদেশ হইতেই যথেষ্ট উল্লেখ করা যায় । যদি বিধাতার কুহকময় কোশলে মানসিংহের প্রতাপাদিত্য-সমরে বিজয় লাভ না হইত, অথবা বঙ্গের কুপুত্রগুলির চক্রান্তে বাঙ্গালীর ভবিষ্যৎ-দাকাশ ঘোর অন্ধকারে আবৃত না হইত, কিম্বা আর দুই দশ বৎসর পরেও যশোহর বিজয় সংঘটিত হইত, তাহা হইলে মুসলমান কখনই বঙ্গের একাধিপত্য লাভ করিতে পারিত না । বলিতে কি, হয় তো তাহা হইলে বৃষ্টিশক্তিও অগ্রে বঙ্গদেশে কেন্দ্রস্থল করিয়া লইতে পারিত না ।

বিধাতার এই চক্রের কুহকচক্রে আজ আমরা (প্রকৃত না হইলেও) “সপ্তদশ অশ্বারোহী বঙ্গ জয় করে” অথবা “পলাশীর বিস্তৃত প্রাঙ্গণে মাত্র ৬ জন পুত্র সৈনিক হতাহত হয়” ইত্যাদি ঘণিত ঐতিহাসিক ইঙ্গিত মানিতে বাধ্য । হায় যে দেশে মহাবল সেনবংশ, প্রতাপ, সীতারাম, শঙ্কর, সূর্য্যকুমার এবং বঙ্গের-অভিমন্যু উদয়াদিত্যের জন্মভূমি—যে দেশ কালিদাস, কেদার ও চাঁদরায় সুন্দর মল্ল—দনুজ মর্দন সত্ত্বামীদল, শোভা সিংহ প্রভৃতির বিহারক্ষেত্র—সেই দেশ কি না আজ কুংসিত ঘণিত, ইঙ্গিত বাক্যশুনিতে নিশ্চল । সেই জাতি কি না আজ শ্বেতাঙ্গের গুলি ও ঘুঁষিতে মৃত ।

ভগবান তোমার লীলা অনন্ত এবং অক্ষয় । জানি না কি অবোধ্য শক্তি সঞ্চালিত করিয়া, আজ আবার বহুদিনের পর সুপ্ত বাঙ্গালী হৃদয়ে এই সকল পূর্ব গৌরব-স্মৃতি জাগাইয়া দিতেছে । তোমার কুহকী চক্রের আবর্তনে আজ আবার বাঙ্গালীর প্রাণে মর্মান্বাহের অনুভূতি জাগিয়া উঠিতেছে । ভাই বঙ্গবাসী ! আমরা অসার অকৃতী

অকর্মণ্য দীন জাতির রক্তে জন্ম গ্রহণ করি নাই, জাতীয় গৌরবে প্রমত্ত বীর জাতির শাসন রূপ উষার কিরণে জাতীয় গৌরব, জাতীয় মহত্ত্ব, জাতীয় কর্তব্য উদ্দীপ্ত কর । আলো ফুটিবে । নবদ্বীপ, মালদহ, যশোহর মঙ্গলদপুর রংপুর, বীরভূম, বর্ধমান, বিক্রমপুর, বাথরগঞ্জ প্রভৃতিকে তীর্থস্থান বলিয়া দর্শন কর—আর বঙ্গের পূর্ব গৌরবকে ধ্যান কর, সুবর্ণ কিরণ দেখিতে পাইবে । কুলাঙ্গারগণের জন্মই শিবজী, প্রতাপ এবং সীতারামের জীবন মাতৃযজ্ঞে আহুতি পাইয়াছে । নতুবা আজ আমরা সূর্য্যকিরণে মুখোজ্জ্বল করিতে পারিতাম । জগতের নিকট বাঙ্গালী গৌরব উন্নত মস্তকে ঘোষণা করিতে পারিতাম ।

শ্রীমোকদাচরণ ভট্টাচার্য্য ।

প্রত্যাখ্যাতা ।

সাধিনু এত করে চরণে ধরে ;
ধরা ত দিল না সে নয়ন-লোরে ।
তোরা ত বলেছিলি, খেলিতে চতুরালী,
বসিতে গরবেতে নিকুঞ্জবনে ;
হেরিতে ঠারে ঠারে, বিজনে মনচোরে,
ফিরাতে পিছু পিছু নয়ন কোণে ।
বঁশরী কেড়ে নিতে, ভোলনি বলে দিতে,
কালিন্দী কাল জলে ফেলিতে তারে ;
সকলি ছিল মনে, সো শ্রীম দরশনে,
এত যে বোঝা পড়া অলীকান্তরে ।
বচন মূহ মূহ, কহিনু প্রেমে সুধু,
সাধিনু এত করে চরণ ধোরে ;
ধরা ত দিল না সে নয়ন-লোরে ।
একেলা নিকুঞ্জে বসিয়ে রেখে ;
তোরা ত দেখেছিষ্ গোপনে থেকে ।
কালার কালো বঁশী, অধরে গেছে মিশি,
বদনে মূহ হাসি চুমিছে তারে ;
রাধা আয় রাধা আয়, যামিনী বয়ে যায়,
ডাকিছে মুরলী ব্যাকুল স্বরে ।

প্রাচীন সাহিত্যোদ্ধার ।

৩ । লক্ষ্মী দেবীর পাঁচালী ।

এই ক্ষুদ্র পুঁথিখানি রঞ্জিত (রণজিত) রামদাস নামক জনৈক কবির রচিত । গ্রন্থে কোথাও তাঁহার কোন পরিচয় নাই । পুঁথিখানা চট্টগ্রাম পট্টকোড় গ্রামে পাওয়া গিয়াছে । গ্রন্থের ভাষাতেও চট্টগ্রাম প্রচলিত কয়েকটি শব্দ ও বিভক্তির প্রয়োগ দেখা যায় । সুতরাং ইহা হইতে কবিকে চট্টগ্রামবাসী অনুমান করিলে বোধ হয় বড় অসঙ্গত হয় না ।

পুঁথিখানি একবারে জীর্ণশীর্ণ ; লিপিকরের নাম ও তারিখাদি নাই । ইহা ‘বহু যুগ সিন্ধু শশী’ শব্দে অর্থাৎ ১৭২৮ শকাব্দায় বা ১৮ বৎসর পূর্বে বিরচিত হইয়াছে ।

ইহাতে রচনা-চাতুর্য্য বা সৌন্দর্য্য বড় একটা পরিলক্ষিত হয় না । ভাষা মর্কটই সহজ ও অনাড়ম্বর ।

এরূপ ব্রত কথায় রচনার পারিপাট্য বিধানের চেষ্টা বড় একটা থাকে না । কবিত্ব প্রদর্শন ইহার মুখ্য উদ্দেশ্য নহে ! আশ্চর্য্যের বিষয়, সকল দেশে সকল কবিই একই রকম উপাখ্যান অবলম্বন করিয়া এই শ্রেণীর গ্রন্থ-রাজি রচনা করিয়া গিয়াছেন । সে কালের বঙ্গীয় কবিগণ চর্কিত চর্কনে অত্যন্ত সিদ্ধহস্ত ছিলেন ; প্রাচীন সাহিত্যে তাহার বহুল প্রমাণ বিদ্যমান আছে । যাহাউক এরূপ গ্রন্থাদির দ্বারা বাঙ্গালীর মনোবৃত্তির অনুধাবন-কার্য্যে বিশেষ সুবিধা হইবে, সন্দেহ নাই । সমালোচ্য পুঁথিখানি এই :—

ওঁ নমঃ সরস্বতী নমঃ

বন্দম যে গণপতি মুখিক-বাহন ।
চারিভুজ এক দত্ত গজেন্দ্র বদন ॥
গরুড় বাহনে বন্দম দেব নারায়ণ ।
শঙ্খ ঢকে গদা পদ্ম কস্তভ ভূষণ ॥
বৃষ আরোহণে বন্দম দেব পঞ্চানন ।
ত্রিশূল ডমরু হস্তে ভূজঙ্গ ভূষণ ॥
হংস পিষ্ঠে (পৃষ্ঠে) আরোহণ দেব প্রজাপতি ।
সিংহ পিষ্ঠে আরোহণ দেবী ভগবতী ॥
বন্দম যে সরস্বতী করিআ ভকতি ।
অহুগ্রহ কর মাতা অধমের প্রতি ॥

রাখাল একে একে, ফিবেছে গোঠ থেকে,
গোবুলি নেমেছে গো-রেণু মেখে ;
রাধিকা আয় আয়, নিকুঞ্জবন ছায়,
হাসিবে চাঁদিমা তুঁহারে দেখে ;
তোরা ত শুনেছিষ্ গোপনে থেকে ।
কেমনে কেড়ে লই শ্রামের বঁশী ;
নিভায়ে মোহাগের সূচাক হাসি ।
আপনা গিয়ে ভুলে, লুটানু পাদমূলে,
যতনে নেয় যদি হৃদয়ে তুলে ;
কে জানে কালচাঁদ, বঁশীতে পেতে ফাঁদ,
এসেছে মজাইতে অবলাকুলে !
কালিন্দী জল কালো, হৃদয় তো বেশ ভালো,
জুড়াতে গার জ্বালা ফণেকে পারে ;
দেখেছি দিবা শেষে উহার জলে এসে,
শীতল তনু নিয়ে ফিরিতে ঘরে ।
কালার সব কালে, কিছু ত নয় ভালো,
বিফল হেথা আসা, মরমে মরা ;
প্রাণের জ্বালা আগে, ওঠেনি এত জেগে,
সোহাগ দিতে আসে উপেক্ষা ভরা ?
নারী ত তোরা সবে, শুনেছিষ্ কোথা কবে,
বলনা বল, সখি, মাথার কিরে ;
তু পায় যার দলি, তাহারে কাছে পেলি,
কেবলি যার তরে কাননে ফিরে ।
তোহারে ডাকে যদি, বঁশরী নিরবধি,
হৃদয়ে আয়লো রমণি রূপসি ;
তখন (ত্রি) গুণ করা, বঁশরি মনহরা,
পারিস্ কি কেড়ে নিতে সূচাক হাসি ;
লওয়া কি যায় কেড়ে শ্রামের বঁশী ?
সাধিনু এত করে চরণ ধোরে ;
ধরা ত দিলনা সে নয়ন-লোরে ।
তোরা ত বলেছিলি, খেলিতে চতুরালী,
সে শঠ বনমালী রহিল কই ;
হেরিতে ঠারে ঠারে, বিজনে মনচোরে,
ফিরাতে পিছু পিছু দিলনা সই ।
বচন মূহ মূহ, কহিনু প্রেম সুধু,
সাধিনু এত করে চরণ ধোরে ;
ধরা ত দিলনা সে নয়ন-লোরে ।

শ্রীসুরেন্দ্রনাথ গুপ্ত ।

কুবের বরুণ বন্দম আর-হুতাশন ।
 চন্দ্র সূর্য্য ইন্দ্র আদি বন্দম পবন ॥
 বন্দম যে ভগবতী করিয়া প্রণতি ।
 যার হৈতে পঞ্চম পুরুষ হইছে উৎপত্তি ॥
 পিতামহ পিতামহী আর মাতাপিতা ।
 প্রণতি করিয়া বন্দম শ্রী গুরু দেবতা ॥
 সর্ব দেব মুনিগণের বন্দিলুম চরণ ।
 লক্ষ্মীর পাঞ্চালী কহি শুন বিবরণ ॥
 পদ্ম আরোহণ মাতা বিষ্ণু বক্ষে স্থিত ।
 তাহান চরণ বন্দম পড়িয়া ভূমিৎ ॥ ১০
 কিস্করের অধিষ্ঠান হও সিদ্ধ স্ত্রী ॥
 সর্ব দুঃখ দূর কর জগতের মাতা ॥
 ভাগীরথী দেশে রাজা বিক্রম কেশরী ।
 ভার্য্য। তান ভূষণমতী পরম সুন্দরী ॥
 লক্ষ্মী অবতার সেই বড় ধর্ম্মশীলা ।
 রাজবাড়ী কাঠ দিত এক কাঠিয়াল ॥
 সূচীমুখী নাম হএ তাহার যে নারী ।
 সর্দার অলক্ষ্মী তাইর (১) বড় চুরাচারী ॥
 কত দূর ভোম (২) রাজা দিছেন নালাকার । (৩)
 দিনে অপর (অবসর) না পাএ ভোম রূপিবর ॥
 আর দিন কাঠিয়াল ভাবিয়া প্রাক্রিতে ।
 ভার্য্যার তরে বলিলেক উজাল (৪) ধরিতে ॥
 স্বামীর বচনে রামা উজাল লইয়া করে ।
 যথায় জমিন তথা চলিলা সত্বরে ॥
 পিছে পিছে কাঠিয়াল করিল গমন ।
 জমিনেতে গিয়া জালা (৫) করএ রোপণ ॥
 হেন কালে রাজা যাইতে দরবার হইতে
 দেখে কাঠিয়াল স্ত্রী উজাল লইছে হাতে ॥
 কাঠিয়াল ভূমিতে জালা রোপণ যে করে ।
 আশ্চর্য্য ভাবিয়া রাজা আসিলেক পুরে ॥ ২০

মহাদেবী স্থানে কহে এসব কাহিনী ।
 বরহি চতুর কাঠিয়ালের রমণী ॥
 এ বলিয়া নরপতি করে প্রশংসন ॥
 ভূষণাবতী বলে সেই অলক্ষ্মী লক্ষণ ॥
 ক্রোধ হইয়া রাজা বলেন দেবীরে ।
 তুমি বুঝি ভাগ্যবতী সংসার ভিতরে ॥
 কাঠিয়াল স্ত্রীকে মন্দ বল অকারণ ।
 কালুকা যাইও তুমি তাহার ভুবন ॥
 কাঠিয়াল স্ত্রী আমি অবশ্য আনিব ।
 তুমি কেমন লক্ষ্মীরূপা তবে সে বুঝিব ॥
 এত শুনি মহাদেবী বলে ভালো ভাল ।
 নিশাপতি অস্ত্র গেল হৈল প্রাতঃকাল ॥
 সভাতে বসিলা রাজা করিয়া দেয়ান ।
 হেনকালে কাঠিয়াল আইল বিদ্রোহান ॥
 কাঠ এড়ি ভূপতির বন্দিলা চরণ ।
 কাঠিয়াল সম্বোধিয়া বোল এ রাজন ॥
 তোমার রমণী আমি আনিবাম এথা ।
 মহাদেবীকে তুমি লই যাও সর্দার ॥
 রাজমুখে শুনি তবে বলে কাঠিয়াল ।
 অসম্ভব কথা কেনে বল মহীপাল ॥ ৩০
 প্রজার জননী দেবী তোমার ঘরিনী ।
 আমার মন্দিরে যাইতে কেনে বল বাণী ॥
 রাজা বলে কাঠিয়াল শুন ২ বচন ।
 মহাদেবী লইয়া যাও তোমার ভুবন ॥
 কাঠিয়াল নিঃশব্দ হৈল রাজার বচনে ।
 মহাদেবীরে রাজা বলিলা বচন ।
 কাঠিয়াল ঘরে তুমি করহ গমন ॥
 সূচমুখীর ভরে দোলা পাঠা এ রাজনে ॥
 মহাদেবী একখান সূতা হস্তে করি ।
 দোলা এ চড়িয়া গেলা কাঠিয়াল বাড়ী ॥
 দোলা হইতে লামি (৭) দেবী প্রবেশিলা ঘরে ।
 দুই গর্ত দেখি কেনে তোমার যে ঘরে ॥
 কাঠিয়াল বলে মাগো করি দিবেদন ।
 দুই গর্তে দুই জন করিতাম ভোজন ॥

৬। কালুকা—কল্যা ।

(৭) লামি—নামি ।

এথ শুনি মহাদেবী লাগিলা হাসিতে ।
 কাঠিয়ালকে বলে তুমি যাও ত হাতেতে ॥
 সার্বৈগ (সামগ্রী) আনিবা সব চাউল আদি করি ।
 লবণ মরিচ জঙ্গি আনিবা লাকরি ॥
 বস্ত্র আনিবা পৈরনের (৮) তরে ।
 ধেনু এক আনিবা যে কছিলাম তোমারে ॥ ৪০
 কাঠিয়াল বোলে মাও নিবেদন করি ।
 কি দিআ আনিব সব খরিদ যে করি ॥
 মহাদেবী বলিলেক একথা শুনিয়া ।
 সূতাপান দিলাম হাটে যাও ত চলিআ ॥
 কাঠিয়াল বলে মাও করি নিবেদন ।
 এহার যে মূল্য আমি না জানি কখন ॥
 মহাদেবী বলে সূতা বলিঅ আমূল ।
 তোলাইতে (৯) কোন জনে নহি দিবা তুল ॥
 এথ শুনি কাঠিয়াল করিলে গমন ।
 সূতাপান লৈআ হাটে দিলা দরশন ॥
 সূতা দেখি হাটে লোক চমকিত মন ।
 কাঠিয়াল স্থানে কহে মূল্যের কখন ॥
 কাঠিয়াল বোলে সূতা হএ ত আমূল ।
 যেই জনে নিবা সূতা টা না দেঅ বহল ॥
 লক্ষ্মীর হাতের সূতা জানিবা কারণ ।
 বহু ধন দিয়া সূতা নিল একজন ॥
 টাকা পাইয়া কাঠিয়াল হাট সব করি ।
 শীঘ্র করি মিলিলেক আপনার বাড়ী ॥
 হাট সব দেখি দেবী হরসিত হৈল ।
 রন্ধন করিতে দেবী স্নান যে করিল ॥ ৫০
 স্নান করিয়া দেবী হরসিত মন ।
 পাকশালা ঘরে গেলা করিতে রন্ধন ॥
 কাঠিয়াল সম্বোধিয়া বলিলা বচন ।
 কথ মুষ্টি চাউল দিতাম কহ ত কারণ ॥
 তাহার জন্তে কত মুষ্টি কহ বিবরণ ।
 কত মুষ্টি দিত চাউল তোমার কারণ ॥
 কাঠিয়াল বলে মাতা শুন মোর বাণী ।
 মোর জন্তে সপ্ত মুষ্টি দিত মাত্র জানি ॥

(৮) পৈরানের—পরিধানের ।

(৯) তোলাইতে—তোলাইতে, পরিমাণ করিতে ।

তাহার লাগিয়া চাউল দিত নয় মুষ্টি ।
 সত্য কহিল মাতা ন' কহিল বুট ॥
 এত শুনি ভূষণাবতী লাগিলা হাসিতে ।
 সপ্ত মুষ্টি চাউল দিলা তাহার নিবৃত্তে (১০) ॥
 আর পঞ্চ মুষ্টি দিলা খাইতে আপন ।
 রন্ধন করি দুই জন করিলা ভোজন ॥
 সর্দারুথ দুবে গেল সম্পদ অপার ।
 দেবীর প্রশাদে ধন হইল তাহার ॥
 তাহার বিবাহ দেবী করাইল পুনি ।
 কাঠিয়ালে জানে তানে যেহেন জননী ।
 ভূষণাবতী রহিলেক কাঠিয়াল ঘর ।
 সূচমুখী লইআ কিছু শুনহ উত্তর ॥ ৬০
 গীচমুখী গেল যদি রাজঅস্ত্রস্পুরী ।
 সেই দিন লক্ষ্মীদেবী গেলা দেশ ছাড়ি ॥
 সূচমুখীর চরিত্র শুন করি অধান ।
 কেশ মধ্যে নিজ মারে সন্ধ্যা যে বেহান ॥ ?
 হস্ত পদের নখ কাটে চাকু হস্তে করি ।
 আর কত অমঙ্গল কহিতে না পারি ॥
 মন দুঃখে অ'ছে রাজা মদ্য এ ভাবিৎ ।
 আশ্বিনের পূর্ণমাসী হইল উপস্থিত ॥
 এই যে লক্ষ্মীর ব্রত করে নারীগণ ।
 সূচমুখী এই ব্রত না জানে কারণ ॥
 এই কথা শুনি রাজা কোটলেবে বলে ।
 এই ব্রতে নিষেধ কর গ্রামী সকলেরে ॥
 রাজ আজ্ঞাএ কোটয়ালে চোলে কাটি দিল ।
 নিষেধ শুনিআ কেহ ব্রত না করিল ॥
 ঐখানে ভূষণাবতী কাঠিয়াল ঘরে ।
 নানা উপচার দিআ লক্ষ্মীর ব্রত করে ॥
 ষোড়শ উপচারে পূজে বেদের বিধানে ।
 ভক্তি জ্ঞানে ভূষণাবতী ভাবে রাত্রিদিনে ॥
 তবে লক্ষ্মী দেবী রাজপুরে প্রবেশিলা
 কেহ ব্রত নাহি করে প্রতি ঘরে চাছিল ॥ ৭০
 রাজ্য ভ্রমি গেলা দেবী কাঠিয়াল ঘরে ।
 তাখাতে দেখিলা বিধিমতে পূজা করে ॥

(১০) নিবৃত্তে—নিমিত্ত ।

(১) তাইর—তাহার । (চটগ্রামী প্রাকৃত প্রয়োগ) ।

(২) ভোম—ভূমি । (৩) নালাকার—দাস দাসীকে যে ভূমি
 নিষ্কর দেওয়া যায় ।

(৪) উজাল—মশাল । (৫) জালা—ধাতুর গাছ একটু বড়
 হইলে তাহাকে 'জালা' বলে । এই জালা তুলিয়া পুনরায় রোপণ
 করিতে হয় ।

তথাএ আগমন দেবী হইলা আপনি।
কাঠিয়ালকে বর তবে দিলা নারায়ণী ॥
অপার সম্পদ তোর থাকিব চিরকাল।
রাজা আদি প্রজাগণের আর নাহি ভাল।
এ বলিয়া মহামায়া হইলা অন্তর্দান (অন্তর্দান)।
রাজার বৃত্তান্ত কিছু কর অবধান ॥
দিনে দিনে অলক্ষ্মী যে হইল প্রবেশ।
দাস দাসীগণ রাজার গেল নানা দেশ ॥
গোলার ধাতু রাজার যে চোবা (১১) হই উঠে।
বল বীর্য রাজার যে দিনে দিনে টুটে ॥
তামা কাসা আদি যত তৈজসের বাসন।
চার (১২) প্রায় হইয়া উঠে কি কৈব কখন ॥
আমরবি টাকা সব সিসা হই রৈল।
দিনে দিনে রাজার যে অমঙ্গল হৈল ॥
রাজার যে পাত্র মিত্র গেল নানা স্থানে।
অন্ন বস্ত্র নাহি মিলে হারাইল জ্ঞান ॥
ভূষণবতীকে রাজার নাহিক স্মরণ।
অতি দুঃখ পায়ে রাজা কি কৈব কখন ॥ ৮০ ॥
ওখাতে ভূষণবতী সন্তোষিত মন।
কতুকে আছয়ে কাঠি আলের ভুবন ॥
অপার সম্পদ হৈল লক্ষ্মীর কারণ।
প্রভব না করএ রাজার এ সব লক্ষণ ॥
কাঠিয়াল স্থানে দেবী বলিলা বচন।
পুষ্করী দিতে আগার ইচ্ছা হইল মন ॥
এত শুনি কাঠিয়াল হস্তযুগ্ম হইআ।
মহাদেবী স্থানে কহে বিনয় করিআ।
সর্বধন মাও তোমার শুন নিবেদন।
যেই মতে ইচ্ছা তোমার কর বিতরণ ॥
কাঠিয়াল বাক্যে দেবী বলে আরবার।
পুষ্করী দিব আমি মনে কৈল সার ॥
যেবা এক পেরুআ (১৩) মাটি করএ কাটন।
তারে এক পেরুআ কড়ি দিবাম এখন ॥

(১১) চোবা—অন্তঃ সার বিহীন।

(১২) চায়—ভগ্ন মৃৎপাত্রের ক্ষুদ্র ক্ষুদ্র অংশকে 'চার' বলে।

(১৩) পেরুআ—যাহাতে করিয়া মাটিয়ালের মাটি উঠায়।

এগ মত কহি দেয় (দেও) নগরে খবর।
মাটি কাটিতে লোক আনহ সত্তর ॥
দেবীর আঞ্জায় পাইয়া ঢোলে কাঠি দিল।
মাটি কাটিতে লোক সত্তরে আসিল ॥
ঐখানে যে সূচমুখী রাজার ঠাই বলে।
ঘরে বসি রৈলা রাজা অন্ন নাহি মিলে ॥ ৯০ ॥
কাঠিয়ালে পুষ্করী দেহি শুনিলাম আমি।
সেই পুষ্করীতে রাজা না যাও কেনে তুমি ॥
যেবা এক পেরুআ মাটি করএ কাটন।
তারে এক পেরুআ কড়ি দিবেক তখন ॥
এক দিন কট যদি পাইয়া বহু কড়ি।
তুমি আমি কত দিন বন্ধিবারে পারি ॥
এই কথা শুনি রাজা করিলা গমন।
কাঠিয়াল পুরে গিয়া দিলা দরশন ॥
পুষ্করী উদ্দেশে যাএ মাটি কাটিবারে।
মহাদেবী উঠি বলে অনুচর তরে ॥
শুন শুন অনুচর আমার বচন।
পুরীর ভিতরে আন এই মহাজন ॥
দেবীবাক্যে অনুচর সত্তরে চলিল।
রাজারে সঙ্ক্ষেতে করি পুরীতে আনিল ॥
খেউর (১৪) কর্ম্ম করাউতে বলে পাটেশ্বরী।
তৈল অঙ্গে দিআ স্নান করাও শীঘ্র করি ॥
নাপিত ডাকিআ তান খেউর করাইল।
নারায়ণ বিষ্ণু তৈল অঙ্গেতে মাখাইল ॥
স্নান করিয়া রাজা ভাবে মনে মন।
নয়া (১৫) পুষ্করীতে বলি দিবেক এখন ॥ ১০০ ॥
কি কর্ম্ম করিল আমি আমিআ এখাতে।
জীবন হারাইলুম মুই না গেলুম দেশেতে ॥
এ বলিয়া মহারাজা ভাবে সর্বদাএ।
ভোজন করিতে রাজা দেবীএ বোলএ।
সুবর্ণ খালাতে অন্ন দেবী দিলা আমি।
ভোজন করিতে তবে বৈসে নৃপমণি ॥
কুশল জিজ্ঞাসে দেবী রাজার গোচরে।
কেমত আছএ রাজা বলহ আমারে ॥

(১৪) খেউর—ক্ষৌর।

(১৫) নয়া—নূতন।

কেবা জিজ্ঞাসিল কথা রাজা নাহি চিনে।
উত্তর না দিল রাজা ভাবে মনে মনে ॥
উত্তর না পাই দেবী বলেন সত্তর।
তোমা দাসী ভূষণবতী নাম হয়ে মোর ॥
কাঠিয়াল স্থানে আমা করিলা সমর্পণ।
সূচমুখী মনে তুমি আছএ কেমন ॥
মহাদেবীর বাক্যে রাজাএ শুনিআ।
বলিবারে লাগে রাজা সক্রম হইআ ॥ ১০৮ ॥

লাচারি—করণ।

কান্দে রাজা হইআ সক্রমণ।

তুমি আইলা যেই দিনে, কাঠিয়াল ভুবনে,
অলক্ষ্মী যে প্রবেশ তখন ॥

সূচমুখী আইল যবে, অমঙ্গল হৈল তবে,
কি কহিমু তাহার কখন।
অতি সে তুরাচার, সর্ব অঙ্গে অনাচার,
অমঙ্গল দেখি সর্বক্ষণ ॥

মৎস্য ধুই জল পেলে, সর্বক্ষণ চুল মেলে,
সন্ধ্যাকালে বৈসে ঘর দ্বার।
দাস দাসী দূরে গেল, ধাতু সব চোবা হইল,
পাত্র মিত্র ছাড়িল সকল ॥

শুনিলাম বড় নাম, কড়ি দেয় (দেও) অশ্রাম,
আসিআছি কড়ি নিবার তরে।
এখ মোর বিষঠন, হৈল দেবের অকারণ,
সর্ব দোষ ক্ষেমহ আমারে ॥

আমা অনুগ্রহ করি, চলহ আপনা পুরি,
তুমি দেবী লক্ষ্মী অবতার।
রাজার বচন শুনি, মহাদেবী বলে পুনি,
অবধান করম্ সত্তর ॥

সূচমুখী থাকিতে, না যাইমু দেশেতে,
এই কথা কহিলুম নিশ্চয়ে।
দেবী বোলে মহারাজ, কর গিয়া এই কাজ,
তবে আমি যাইব আলায়ে ॥

শীঘ্র করি যাও পুরী, গর্ত কর গন্তীর করি,
নীচে কণ্টক করিআ পেক্ষন (ক্ষেপন ?)।
বলিও ওহার (১৬) তরে, ধন পাইয়াছি বহুতর,
খুইতে গর্ত খুন্দিছে (১৭) এখন ॥

গর্তের পারে গেলে তাই (১৮), ঢেকা মারি পেলাই (১৯),
মাটি দিআ রাখিবা সর্বথা।
একথা শুনিব যবে, আমিহ চালব তবে,
তোমার ঠাই বলি সব কথা ॥

হিত উপদেশ বাণী, কহিলাম নৃপমণি,
দেশে চল না করিঅ ব্যাজ।
মহাদেবীর বাক্য শুনি, দেশে চলে নৃপমণি,
উপস্থিত হইল পুরীর মাজ ॥

সূচমুখী নাহি জানে, গর্ত খোন্দাএ নির্জনে,
গন্তীর করি কণ্টন তিল তাতে।
তবে ওহার তরে, বলিলেক নৃপবরে,
ধন রত্ন পাইছি এখাতে ॥

রাজার বচন শুনি, হরসিত হৈয়া পুনি,
গর্তের কাছে চলিলা তুরিতে।
দাড়াইল গর্তের পারে, ঢেকা মারি নরেশ্বরে
পোলিলেক গর্তের ভিতরে ॥

মাটি দিয়া বহুতর, হরসিত নৃপবর,
পুনি চলে কাঠিয়াল পুরে।
দেবীর স্থানে আদিঅন্ত, কৈলা সব বৃত্তান্ত,
শুনি দেবী সন্তোষ অপার ॥ ১২০ ॥

দোলা কৈলা সাজান, যাইতে দেবী ভুবন,
কাঠিয়াল লাগে কান্দিবারে।
দেবীর চরণে ধরি, কান্দএ বিলাপ করি,
আমা ছাড়ি যাও কথাকারে (২০) ॥

(১৬) ওহার—উহার। (১৭) খুন্দিছে—খনন করিছে।

(১৮) তাই সে। (১৯) পেলাই—ফেলাই।

(২০) কথাকার—কোথায়।

পাতকী দেখিয়া মরে (মোরে) ছাড়ি যাও নিজ পুরে,
কিরূপে আমি থাকিমু যে ঘরে ।

অপরাধ ক্ষেমা করি, থাকহ আগার পুরি,
তুমি বিনে তেজিমু জীবন ।

মাও তুমি বিনে আর, কেবা আছে আমার,
দাস রাখ আপনা চরণ ॥

কি করিব রাজ্য ধন, স্ত্রীপুত্র পৌর জন,
তুমি বিনে সব বিষজ্ঞান ।

তুমি মাও বিনে আর, কি গতি হইবে আমার,
কেবা আছে তোমার সমান ॥

তোমা অদর্শনে ঘরে, থাকিমু যে কি প্রকারে,
কেনে মাতা হইলা নিষ্ঠুর ।

মহাদেবী বলে বাপ, কেনে ভাব মনস্থাপ,
ধন রত্ন হইছে প্রচুর ॥

ক্ষেমা কর জন্মন, থাক আপনা ভুবন,
স্ত্রীপুত্র লইয়া থাক সুখে ।

নাহি কোন ভয় ভ্রাস, কর তুমি বসবাস,
তোমা প্রশংসিব সর্বলোকে ॥

কাঠিয়াল শান্তাইয়া, সর্বজন প্রবোধিয়া,
দেশে দেবী করিলা গমন ॥

লক্ষ্মীদেবীর চরণে, রঞ্জিত রামদাস ভণে,
সর্ব দুঃখ কর বিমোচন ॥ ১২৭

পয়ার ।

দোলাএ চড়িয়া দেবী করিলা গমন ।
তুরগে উঠিয়া রাজা চলিলা তখন ॥
যখনে ভূষণাবতী রাজ্যে প্রবেশিল ।
তখন অলক্ষ্মী ছাড়ি দেশান্তরে গেল ॥
অন্তপুরী গেলা দেবী কতক যে মন ।
সিন্ধুসুতা রাজ ঘরে হৈলা আগমন ॥
ভক্তি অনুসারে দেবী পূজয়ে লক্ষ্মীরে ।
অধিষ্ঠান হৈলা মাতা নৃপতি মন্দিরে ॥
কমলা গমন দেখি রাজার ভুবন ।
পুনর্বীর আসিলেক দাস দাসীগণ ॥

রাজার যে পাত্র মিত্র সকল আসিল ।
পূর্বে যেই মত ছিল সেই মত হইল ॥
ভূষণাবতী সঙ্গে রাজা কতক যে মন ।
রাজ কাজ করে রাজা লৈইআ প্রজাগণ ॥
লক্ষ্মীর প্রসাদে রাজার দুঃখ যে মোচন ।
ষোড়শ উপচারে পূজে ভক্তি কৈরি মন ॥ ১৩৫
এই যে লক্ষ্মীর ব্রত করে সেই জন ।
ধন ধাত্তে পুত্র পৌত্রে বাড়ে দিনে দিন ॥
লক্ষ্মী দেবীর ব্রত করে নারীগণ ।
অবশ্য যে সিন্ধুসুতা হইবে অধিষ্ঠান ॥
ভক্তি করি লক্ষ্মীদেবী পূজে সেই নারী ।
অবশ্য লক্ষ্মীএ তার নাহি ছাড়ে বাড়ী ॥
পাঞ্চালী শুনএ যেন ভক্তি করি মন ।
সর্ব দুঃখ দূরে যাএ লক্ষ্মীর কারণ ॥
পাঞ্চালী শুনতে যেন মনে করে সাধ ।
মনস্কাম সিদ্ধি হএ খণ্ডে বিসম্বাদ ॥
ভক্তি করি এই পুস্তক পঠে সেই জন ।
অন্তকালে যাএ সেই বৈকুণ্ঠ ভুবন ॥
লক্ষ্মীর পাঞ্চালী ভণে রঞ্জিত রামদাস ।
চরণে শরণ দেয় (দেও) বলি তব পাশ ॥
বহু যুগ সিন্ধু শশী শক পরিমাণ ।
কমলার চরিত্র কথা হইল সমাধান ॥ ১৪৩

“ইতি লক্ষ্মীদেবীর পাঞ্চালী সমাপ্ত । শ্রীরামচন্দ্র
শর্মনঃ স্বাক্ষর ।”

শ্রীআব্দুল করিম ।

“ন’টে গাছটী ।”

(আদর্শ গল্প)

সে দিন প্রত্যুষে উঠিয়াই শঙ্কায়মান বায়সকুলের মধ্যে
শঙ্খাচিল দেখিয়াছিলাম অথবা গঙ্গান্নানে যাইবার সময়
মথলা-ফেলা গাড়ীর বৃদ্ধ বলীবর্দটা রাস্তার দক্ষিণ পার্শ্ব
যেঁ সিয়া দাঁড়াইয়াছিল, ঠিক স্মরণ নাই—তবে এ রকম একটা
ঘটনা নিশ্চয়ই ঘটয়া থাকিবে—নহিলে প্রায় দীর্ঘ দ্বাদশ

বর্ষের পর মেদিন সহসা হৃদয় মনোহারী “নিমন্ত্রণ” জুটিল
কেন ?

দ্বাদশ বৎসর কি সাধারণ সময় ! প্রনয়িতৃত্বকা রমণীর
শ্রায় নিমন্ত্রণবন্ধিত আমি “হার বাজু বালা কেয়ুর কঙ্কণ”
দূরে ফেলিয়া দিয়াছিলাম—সুতরাং বহুকাল পরে প্রিয়,
সমাগম লাভ করিয়া এ সকল পুনশ্চ সংগ্রহ করিতে
আমায় যথেষ্ট আয়াস স্বীকার করিতে হইয়াছিল, বিষম
বিপাকে না পড়িলে কাহাকেও বোধ হয় তাদৃশ কষ্ট স্বীকার
করিতে হয় না ।

যাহা হউক আতপতাপিত নিবিড় মধ্যাহ্নে অভিসার-
যাত্রা করিয়া যখন বহুবাস্তিত প্রিয়তমের শশধরলাঙ্ঘন রূপ-
জ্যোতি নিরীক্ষণ করিলাম, কিন্তু হায় বিধাতার নির্বন্ধ
কে-জানি !

নাসিকারঞ্জন, জিহ্বাসিক্তকারী আহার্যসম্মুখে উপ-
বেশন করিয়াই প্রথমেই দৃষ্টি পড়িল চনকসংযুক্ত স্নুকোমল
শাকের উপর । পার্শ্বস্থ বন্ধুকে জিজ্ঞাসা করিলাম “কি শাক”
“ন’টে” । ন’টে !! সেই ন’টে বাহার করণ মুগুনকাহিনী
দেকালের—সেই পিতামহীদের কালের সকল মন্তব অসম্ভব
উপকথা—রাজপুত্র রাজকন্যা, মোগার কাঠি রূপার কাঠি
বিহঙ্গম বিহঙ্গমীর সঙ্গে চিরদিনের জন্ত বিজড়িত হইয়া
গেছে !

আমার দৃষ্টির সম্মুখে অপূর্ব ছায়ালোক উদ্ভাসিত হইল
কত রাজা কত রাজপুত্র কত রাজকন্যা কত স্নয়োরাণী
হুয়োরাণী কত শুক কত সারিকা কত ঘনশ্রাম বরষার
উদ্বেলিত সৌন্দর্য্যোৎসব কত তরুরাজিসমাকীর্ণ কাননমধ্যে
অপূর্ব মৃগয়া—কত পরীলোক কত সৌরকরপরিম্বানকারিণী
যুবতীর নবীন যৌবন ছটা—কত নক্ষত্রলোকবিহারী “পক্ষী-
রাজ” তুরগের অপূর্ব বিমানগতি—কত স্ফটিক ভবন, রত্ন-
প্রদীপ, মুক্তামালিকা আমার অন্ধপ্রায় নয়নকে চকিত ঝল-
সিত করিয়া একে একে মানস-নাট্যশালায় উদ্ভাসিতাবে মায়া
অভিনয় করিয়া ফিরিতে লাগিল ।

কোথাও দেখিলাম স্ফটিক গঠিত অপূর্ব অট্টালিকা—মধ্যে
মধ্যে প্রাচীরগাত্রের সুসজ্জিত সুগ্রথিত বিচিত্র-বর্ণ-রঞ্জিত
সমুজ্জ্বল মণিমালিকা—তাহারই নিভৃত সুবাসিত মধুর কক্ষে
হীরকখচিত পালঙ্কোপবে—মানবের সুখস্বপ্নের শ্রায়, বিধাতার
সৌন্দর্য্য কল্পনার শরীরিণী প্রতিমার শ্রায় সুখশয়ানা অপূর্ব

রমণী মুক্তি—নারীহৃদয়ের সমস্ত প্রেম সমস্ত কোমলতা একত্র
ধারণ করিয়া উপযুক্ত গ্রহীতার অভাবে সৃষ্টির আদি হইতে যেন
অপেক্ষা করিয়া আছ—কুণ্ডলীকৃত চূর্ণ কুন্তলে প্রেম ক্রীড়া
করিতেছে, বিশালায়ত সমুজ্জ্বল নয়নসাগরে অবগাহন করি-
তেছে—সমুন্নত হৃদয়ের মোহন মন্দিরে সিংহাসন পাতি-
তেছে—কিন্তু হায়, সে লীলা দেখিবার কেহ নাই সে মন্দিরে
আত্মসমর্পণ করিবার উপযুক্ত একান্ত ভক্তের একান্ত অভাব ।
কোথাও নবীন যৌবনের প্রথম প্রভাতে সহসা জাগ্রত
রাজকুমার বায়ুগামী তুরগ ও ক্ষুরধার অসি মাত্র সম্বল
করিয়া স্বপ্নদৃষ্টা জীবন-দেবতার অন্বেষণে কম্পিত হৃদয়ে
প্রেমের কনককিরণালোকিত পথে দীর্ঘ যাত্রায় বাহির হই-
য়াছে—বরষার অবিরল জলধারা তাহার কুকিত কেশকলাপ
ও আলোহিত গণ্ডয়ুগ বাহিয়া প্রবাহিত হইতেছে—মস্তকের
কনক কিরীট সৌদামিনীর নয়নান্ধকারী কিরণছটা হীরক-
খচিত বলিয়া বোধ হইতেছে—কোথাও ভীষণ রাক্ষস বীভৎস
মুখভঙ্গীতে অরণ্যাদি ভীষণতর করিয়া তুলিতেছে—কোথাও
বিদ্যধারীবধু মধুর কলগানে মুনিমন মোহিত করিতেছে—
রাজপুত্রের কোন দিকে দৃষ্টি নাই—রাজপুত্র সেইখানে
চলিয়াছেন যেখানে সুনীল সাগরবক্ষে তাঁহার নলিনীদল-
মধ্যগতা প্রিয়তমা অনন্ত বিভাগ্য বিরাজিতা রহিয়াছেন—
সূর্য্য বাহার জ্যোতিকণা হরণ করিয়া সমুজ্জ্বল হইয়া উঠি-
তেছে—শক্তি বাহার অশ্রুকণা পান করিয়া গর্ভে মুক্তাবলী
ধারণ করিতেছে !

কোথাও একাকিনী মলিন স্মন্দরী দিবাসানে দৈত্যের
আগমন-আশঙ্কায় পাণ্ডুরাধরা হইয়া উঠিতেছেন—ভীষণ
দৈত্য সৌন্দর্য্যের চরণে তলে প্রাণটুকু রাখিয়া গিয়াছে—কিন্তু
সেই স্ফটিকাস্তগত প্রাণ হরণ করিয়া কে তাঁহাকে দৈত্যের
হস্ত হইতে নিষ্কতি দান করিবে ?

কোথাও নিষ্ঠুর দৈত্য রূপসীর প্রণয়লাভে হতাশ হইয়া
যুবতীর প্রতি অঙ্গে কঠোর হিংসার শ্রায় লৌহসুচী
বিদ্ধ করিয়াছে—তবু রমণীর অপক্লপ লাবণ্য-জ্যোতি ম্লান
হয় নাই, মৃগাল কটকিত নলিনীর শ্রায় সে এই সুভীষণ দৈত্য-
মন্দিরেও আপনার অনুরক্ত ভক্তকে আকর্ষণ করিয়া আনিতে
সমর্থ হইয়াছে । যুবক একটা একটা করিয়া সূচী তুলিয়া
দিতেছে এবং সঙ্গে সঙ্গে অশ্রুজলে ক্ষতস্থান ধৌত করিয়া
তথায় চুম্বনের কোমল প্রলেপ মাখাইয়া দিতেছে—কিন্তু

যুবক সাবধান, ওই গভীর তরঙ্গ কল্লোলের ছায় অদূরে দৈত্য গর্জন শুনা যাইতেছে।

রাজা মৃগয়ায় নির্গত হইয়াছেন—সুন্দর গ্রীবাভঙ্গীতে রাজার চিত্ত আকর্ষণ করিয়া লঘুপদে শোভনমূর্তি হরিণশিশু কদম্বকানন অতিক্রম করিয়া পলাশবনে প্রবেশ করিতেছে বিততকাস্মুক দৃঢ়লক্ষ্য রাজা বায়ুবেগে পশ্চাৎ অনুসরণ করিতেছেন—কিন্তু এ কি হইল? সমাকুল বিশাল কাস্মুক দৃঢ়হস্ত হইতে স্থলিত হইয়া পড়িল কেন? রাজার রোষ-প্রদীপ্ত কৃষ্ণিত নেত্র বিষ্ময়বিষ্কারিত হইয়া উঠিল কেন? সুরভিত বকুলকুঞ্জ রূপালোকে সমুজ্জ্বল করিয়া রাজার দৃষ্টি-পথ অবরোধ করতঃ মুকুলিত মাধবীলতাবিতানে অন্ধযষ্টি স্থাপন করিয়া কে ওই রমণী? বনদেবী কি?

রাজা অশ্ব হইতে অবতরণ করিয়া রূপসীর সুলোহিত চরণতলে প্রেমাক্ত হৃদয় উপহার দিলেন। দেবী সম্মিত মুখে ভক্তের সাদর উপহার গ্রহণ করিয়া ভক্তকে চরিতার্থ করিলেন।

কিন্তু এ কি হইল? নবীন মহিষী অস্তঃপুরে শুভাগমন করার পর হইতে হস্তীশালে হস্তী মরে কেন? অশ্বশালে অশ্ব লীলাসমরণ করে কেন? আশ্চর্যের উপর আশ্চর্য্য! মৃত হস্তী মৃত অশ্বের কয় খণ্ড অস্থি মাত্র থাকে কেন? মাংস তাহার কোথায় যায়?

জ্যোৎস্নাপুলকিত ফুল যামিনী! মধুর মলয় সঞ্চালিত বকুলসুরভি নীলাকাশ পূর্ণ করিয়া ভক্ত হৃদয়ের প্রার্থনার ছায় ভগবানের চরণতলে সমুখিত হইতেছে। অপূর্ণ মুখবেদনায় সচকিত রাজা শয্যাতলে উঠিয়া বসিলেন—কিন্তু কই তাঁহার জীবনের আলোক প্রিয়তমা মহিষী কই?

মন্দুরা হইতে গন্ধিত নশ্বের তীক্ষ্ণ হেঁচকি শান্ত রজনীর নীরবতা ভঙ্গ করে কেন? পলায়মান হস্তীযুথের গভীর পদশব্দে হস্তীশালা কাম্পিত হয় কেন?

ফুল জ্যোৎস্নালোকে সমুখিত রাজা কি দেখিলেন? সর্বনাশ! এই আমার মহিষী!!

নবীন বসন্তের স্নিগ্ধ অরণালোকে সুরভিত বকুলের সূচিক্রম ফুলমালা করে উদ্ভানদ্বারে দাঁড়াইয়া কে তুমি কিশোরি? মধুর বদনে চিত্তার কুটিল রেখা, বিশাললোচনে আশঙ্কার ঘনাক্ষ ছায়া, কোমল হৃদয়ে দ্রুত স্পন্দন কাহার আশায় জীবনের সকল বাসনা সব সুখতুঃখ সমস্ত নারী-

হৃদয়ের উদ্বেলিত প্রেম একে একে মালায় গাঁথিয়া নীরব-বেদনার অপেক্ষা করিয়া আছে? সময়ে উপযুক্ত পাত্র জুটে নাই—বিষম অপরাধ!—রাজা আদেশ করিয়াছেন যাহাকে সম্মুখে দেখিবে তাহাকেই পতিত্ব বরণ করিবে।

স্নানমুখে ক্ষীণ হাঙ্গরেখা ফুটিয়া উঠিল কি? উদ্বেলিত হৃদয় বেশী করিয়া কাঁপিয়া উঠিল কি? উদ্ভানদ্বারে আনত-মুখে কে প্রবেশ করিতেছে? সুগৌর স্নিগ্ধকান্তি—বিশাল ললাটে মহত্ত্বের উদার শোভা প্রশান্তনেত্রে প্রতিভার প্রদীপ্ত জ্যোতি—এবং সংযত প্রেমের মোহন বিভা—রাজকুমারি, তোমার পতিভাগ্য শোচনীয় নহে। কিন্তু এ কি হইল, রাজকুমারি? মাল্যে কি কণ্টক ছিল? তোমার হীরকখচিত অঙ্গুরীয়ে কি প্রাণঘাতী হলাহল ছিল? ব্রহ্মচারীর প্রদীপ্ত বদনশোভা এমন স্নান হইল কেন? সুগৌর বদনতলে নীলিমা সঞ্চারিত হইল কেন? হায় রাজকুমারি! মাল্যমধ্যে অতি সূক্ষ্ম সর্পশিশু তোমার মুর্ত্তিমান চুরদৃষ্টের ছায় অদৃশ্যে বিরাজ করিতেছিল। কিন্তু কি কর কি কর কুমারি, তোমার ওই কুলসম সুরকুমার তনু হতাশনে সমর্পণ করও না—না না এ দৃশ্য আমি দেখিতে পারিব না—তোমার জীবন রক্ষা করিবই!

কিন্তু এ কি? বিপুল জনতা আমার চারিদিক ঘিরিয়া জাগ্রত কৌতুকে আমার মুখের দিকে বিষ্কারিতনেত্রে চাহিয়া আছে। আমি বন্ধুবরের গলদেশ প্রাণপণে চাপিয়া ধরিয়াছি—বন্ধুবর যথাসাধ্য চেপ্টা করিয়াও আপনাকে আমার কবল হইতে মুক্ত করিতে পারিতেছেন না—যাতনায় তাঁহার মুখ নীলিম হইয়া উঠিতেছে। শয্যাতলে রমনাতর্পণ সূমধুর খাগুরাশি পদদলিত হইয়া ইতস্ততঃ বিক্ষিপ্ত রহিয়াছে। ডাক্তার বাবু stethoscope হস্তে ত্রস্তভাবে আমার চতুর্দিকে ঘুরিয়া বেড়াইতেছেন এবং কোথায় stethoscope বসাইবেন স্থির করিতে না পারিয়া হতাশ হইয়া উঠিতেছেন।

সংজ্ঞালাভ করিয়াই আমি পরিক্রিষ্টমান বন্ধুবরকে মুক্তি দান করিলাম এবং ব্যাপার কি জানিবার জন্ত সকৌতুকে ইতস্ততঃ দৃষ্টি সঞ্চালন করিতে লাগিলাম। কিং-কর্তব্যবিমূঢ় ডাক্তার বাবু এতক্ষণে একটু স্নযোগ পাইয়া ব্যস্তভাবে আমার চারিদিক হইতে ভাড়া সরাইয়া দিলেন। এবং চীৎকার করিয়া বলিলেন “উহাকে শোয়াইয়া দাও—শোয়াইয়া দাও—এতক্ষণে fit টা গিয়াছে।” আমি আপত্তি

করিতে যাইতেছিলাম, কিন্তু আমার ক্ষীণ আপত্তিতে কেহই কর্ণপাত করিল না—ধরাধরি করিয়া আমায় শয্যাশায়ী করিল। তখন ডাক্তার বাবু বীরদর্পে আমার পরীক্ষা আরম্ভ করিলেন। বহু গবেষণা ও বহু পরীক্ষায় স্থির হইল যে, উদরে অতিরিক্ত কৃমি সঞ্চয় জন্ত উৎকৃষ্ট আহাৰ্যদর্শনে এইরূপ আক্ষেপ উপস্থিত হইয়াছিল। ডাক্তার বাবু বলিলেন “যাহা হউক আর কোন চিন্তা নাই—santonine দিয়া একটা castor oil emulsion তৈরি করিয়া দিতেছি, তাহা খাইলেই সব উপসর্গ সারিয়া যাইবে। যাহা হউক আমি যতক্ষণ না ঔষধ লইয়া ফিরিয়া আসি ততক্ষণ ইহাকে উঠিতে দিও না। নহিলে আবার fit হইবার সম্ভাবনা। আমি প্রমাদ গণিলাম। হা অদৃষ্ট! castor oil emulsion কোথায় লুচি মিষ্টান্ন কোথায় castor oil! বিধাতার নিকর্ব্বক!

আমি বিষম আপত্তি উপস্থিত করিলাম। কিন্তু তাহাতে হিতে বিপরীত হইল। “আবার fit হইল! fit হইল বলিয়া সকলে আমায় প্রাণপণে চাপিয়া ধরিল। আমি হতাশ হইলাম। এমন সময় ডাক্তার বাবু ত্রস্তপদে উপস্থিত হইয়া সবলে আমার মুখব্যাদান করিয়া গলমধ্যে ounce খানেক castor oil emulsion সজোরে ঢালিয়া দিলেন।

* * * * *

যাহা হউক ডাক্তার বাবুকে ধন্যবাদ। castor oil সেবনে কৃমিবংশের বিনাশ সাধিত হউক বা না হউক—অসংযত ভাবোচ্ছ্বাস বহু পরিমাণে বিস্তৃত হইয়া গিয়াছে।

শ্রীঅপ্রকট চন্দ্র ভাস্কর—অমরাবতী।

মধ্য এশিয়ার ইতিবৃত্ত।

কুতুবর আগমনে মধ্য এশিয়ায় মুসলমানবিজয়ের ইতিহাসে নূতন যুগ প্রবর্তিত হইয়াছিল। মার্তনগরে রাজধানি প্রতিষ্ঠিত করিয়া আরবেরা খোরাসান প্রদেশ বহুকাল যাবৎ শাসন করিতেছিলেন বটে কিন্তু অক্ষু নদীর পরপারস্থিত প্রদেশ সমূহে তাঁহাদের ক্ষমতা কিছুই ছিল না। ইতিপূর্বে তাঁহারা বোখারা এবং ট্রানস্ অক্সিয়ানা (অর্থাৎ অক্ষু নদীর পরপারস্থিত ভূভাগ) প্রদেশে যে কয়েকবার সৈন্য

প্রেরণ করিয়াছিলেন তাহার উদ্দেশ্য লুণ্ঠন ব্যতিরেকে আর কিছুই ছিল না এবং তাঁহাদের সৈন্য সকল চলিয়া আসিলে তাঁহাদের ক্ষমতার চিহ্ন মাত্র বিদ্যমান থাকিত না। আরব সেনাপতিদিগের মধ্যে কুতুবাই অক্ষু ও জাক্জারটিস্ নদী-দ্বয়ের প্রদেশবাসীদিগকে কালিফের প্রাধাণ স্বীকার করিতে বাধ্য করিয়া ইসলাম ধর্মের পতাকা উড্ডীন করেন। তখন এই স্থানে জোরোওয়েস্টার ধর্মের প্রাধাণ বিদ্যমান ছিল।

খৃঃ ৭০৫ অব্দে কালিফ আব্দেল সেলিফ স্বর্গারোহণ করিলে তাঁহার পুত্র উলিদ কালিফ-পদ প্রাপ্ত হন। এই বৎসরে কুতুবাইবন মুসলিম খোরাসানের শাসনকর্তা হইয়া মার্তনগরে মহাসমারোহের সহিত গমন করেন। মার্তনগরে উপস্থিত হইয়া কুতুবাই তদেশবাসিগণকে সমবেত করিয়া মুসলমান ধর্ম প্রচারার্থ ধর্মযুদ্ধে নিযুক্ত হইবার জন্ত তাহাদিগকে উৎসাহিত করিলেন। সমরাকান্দী আরবগণ এইরূপে উৎসাহিত হইয়া দলে দলে যুদ্ধে যাইবার জন্ত প্রস্তুত হইল এবং কুতুবাই অতি শীঘ্র এক বিপুল সেনাদলের কর্তা হইয়া উঠিলেন। যোদ্ধৃ বর্গের পরিবারগণের ভরণপোষণের জন্ত যথেষ্ট অর্থ প্রদান করা হইল। বিশ্বাসী প্রাদেশিক শাসনকর্তাগণের উপর রাজ্যভার অর্পণ করিয়া কুতুবাই মরুভূমির মধ্য দিয়া পশ্চিমাভিমুখে যাত্রা করিলেন। মরুভূমি অতিক্রম করিয়া কুতুবাই টালিকান্ নগরে উপনীত হইলে তথাকার নগরাধিপতি (ডিহাকান) এবং বাল্খ্ প্রদেশের শাসনকর্তা তাঁহাকে সঙ্গে লইয়া অক্ষু নদী পার হন। নদীর দক্ষিণ তীরে উপস্থিত হইলে সাগালিয়ান্ প্রদেশের রাজা বহু উপঢৌকন সমেত কুতুবার নিকট উপস্থিত হইয়া তাঁহাকে তাঁহার রাজধানীতে যাইবার জন্ত নিমন্ত্রণ করিলেন। কুতুবাই তাঁহার বশতা স্বীকার করিয়া তাঁহাকে কালিফের অধীনস্থ প্রাদেশিক শাসনকর্তারূপে দেশশাসন করিতে অনুমতি দেন। তৎপরে কুতুবাই আখ্ রুন ও সুমান্ অভি-মুখে গমন করেন। তথায় রাজদণ্ড উপঢৌকনাদি আদায় করিয়া পুনরায় মার্তনগরে প্রত্যাগমন করিলেন।

কোন কোন ঐতিহাসিকের মতে, কুতুবাই অক্ষু নদী পার হইয়া, বাল্খ্ নগরে গমন করেন এবং তথাকার যে সকল নগরবাসিগণ তাঁহাকে ক্ষমতাহীন করিবার জন্ত বিদ্রোহী হইয়াছিল তাহাদিগকে দমন করেন। খৃঃ ৭০৫ অব্দে কুতুবাই বাল্খিস্ প্রদেশের কর্তা (টারখুন) নিজেদের

সহিত সন্ধি সংস্থাপন করেন এবং পরবর্ষে ট্রান্স অক্সিয়ান আক্রমণ করিবার জন্ত যাত্রা করেন। তথায় যাইবার পথে তিনি মার্ত এররুগ, আমুল এবং জামিন্ নগরত্রয় অতিক্রম করিয়া যান এবং অফুনদী পার হইয়া বেকাণ্ড নগরে শিবি মন্নিবেশিত করেন। ঐতিহাসিক তবির মতে, এইস্থান (বেকাণ্ড) বোখার রাজ্য প্রধান নগর এবং অফু নদীর অতি নিকটবর্তী ও মরুভূমির সীমান্তে অবস্থিত থাকায় ব্যবসাবাণিজ্যের একরূপ কেন্দ্র ছিল। চতুর্দিকে এই নগরকে সকলে মণ্ডাগরের নগর (city of merchant) বলি য জানিত। কুতেবার আগমনসংবাদে নগরবাসীরা আত্মরক্ষণের জন্ত প্রস্তুত হইয়া সখ্দিয়ানা রাজ্যে সাহায্য প্রাপ্ত হইবার জন্ত দূত প্রেরণ করে। সাহায্য যথাসময়ে আসিলে কুতেবারের মেনা চতুর্দিকে এক প্রকার অবরুদ্ধ হয়। দুইমাস কাল কুতেবা একরূপ ভাবে অবরুদ্ধ হইয়া থাকেন যে তিনি হাজ্জাজের নিটক কোনরূপ সংবাদ প্রেরণ করিতে পাবেন নাই। হাজ্জাজও বিশেষরূপে চিন্তিত হইয়া কুতেবা ও তাহার সেনাবর্গের মঙ্গলার্থে সকল মন্দিরে প্রার্থনা করিবার জন্ত আদেশ দেন। ঐতিহাসিক তথ্য বলেন যে কুতেবার গুপ্তচর তগুরকে অর্থলোভে বশীভূত করিবার জন্ত বোখারবাসী চেপ্টা পায় এবং তাহার দ্বারা তাহার প্রভুকে স্বদেশে প্রত্যাগমন করিবার জন্ত অনু-রোধ করাইতে প্রয়াসী হয়। তগুর অর্থলোভে মুগ্ধ হইয়া এই প্রস্তাব তাহার প্রভুর নিকট উপস্থিত করিলে কুতেবা তাহার মিয়া নামক একজন ক্রীতদাসকে তগুরের মস্তক ছেদন করিবার জন্ত অজ্ঞা দেন। তগুর এইরূপে নিহত হইলে কুতেবা তাহার সহচর পিরার ইরন হসনকে সম্বোধন করিয়া বলিলেন “তগুরের হত্যার বিষয় আপনি ও আমি ব্যতীত কেহ জানে না। যদিপি এই সংবাদ কোনরূপে প্রকাশ পায় তাহা হইলে অবশ্য লোকে আপনাকে দোষ দিবে, অতএব এ বিষয় যাহাতে গোপন থাকে তাহা করুন; যতপি লোকেরা এ বিষয় অবগত হয় তাহা হইলে তাহাদিগের অত্যন্ত মর্সাহত হইবার সম্ভাবনা”, তৎপরে কুতেবা তাহার অনুচর-বর্গকে তাহার সঙ্গীপে আহ্বান করিলেন। তগুরের মৃত দেহ পতিত দেখিয়া তাহার বিহ্বলচিত্ত হইল এবং ভুলুঠিত হইয়া বিলাপ করিতে লাগিল। ইহা দেখিয়া কুতেবা তাহাদিগকে এতাদৃশ ভীত হইবার কারণ জিজ্ঞাসা করিলে

তাহারা বলিল যে তাহাদের বিশ্বাস ছিল যে তগুর একজন প্রকৃত মুসলমান। কুতেবা প্রত্যুত্তরে বলিলেন “না সে একজন বিশ্বাসঘাতক। ঈশ্বর তাহার পাপের যথোচিত শাস্তি বিধান করিয়াছেন এবং সে তাহার নিজ :কর্মের ফল ভোগী হইয়াছে।” এইরূপ বাক্যে তাহাদিগকে উৎসাহিত করিয়া কুতেবা পরদিন তাহাদিগকে ঘোরতর যুদ্ধ করিবার জন্ত আদেশ দেন।

পরদিন আরবগণ দ্বিগুণ উৎসাহের সহিত রণরঙ্গে মাতিল। কুতেবা স্বয়ং যুদ্ধক্ষেত্রে অবতীর্ণ হইয়া যোদ্ধৃ বর্গকে উৎসাহিত করিতে লাগিলেন। সূর্যাস্ত পর্যন্ত যুদ্ধ হয় এবং পরিশেষে বোখারবাসিগণ রণে ভঙ্গ দিয়া পলায়ন করে। আরবগণ তাহাদের পশ্চাদ্ধাবন করিয়া বহু মহত্ৰ লোককে হত এবং বন্দী করে। সামান্য কয়েকজন মাত্র বেয়াস্ত নগরে উপস্থিত হইতে সক্ষম হইয়াছিল। কুতেবা ত্বরিত পদে আসিয়া বেকাণ্ড আরোধ করিলেন, নামাখী ঐতিহাসিকের মতে মুসলমান সৈন্যগণ ৫০ দিন নগর অবরোধ করিয়াও জয় লাভ করিতে পারে নাই। বরং তাহাদের বহুসংখ্যক অনাহারে মৃতপ্রায় হইয়া যায়। কিন্তু পরিশেষে সংগ্রামে ব্যর্থমনোরথ হইয়া তাহারা কৌশলে নগর অধিকার করিবার জন্ত চেপ্টা পায়। নগর প্রাচীরের সন্নিকটে এবং দুর্গের গিরে তাহারা একটি পরিখা খনন করিয়া দুর্গের অভ্যন্তরে একটি পশুশালার সহিত সংযোগ স্থাপন করিলে পর কতকগুলি সৈন্য এই পথ দিয়া দুর্গের মধ্যে প্রবেশ করে। দুর্গের ভিতর প্রবেশ করিয়া মুসলমান সৈন্য-গণ দুর্গের প্রাচীরের কতক অংশ ধ্বংস করিলে অবরোধ-কারিগণ তদ্বারা প্রবেশ লাভ করিবার জন্ত অগ্রসর হয় এবং তুমুল সংগ্রাম আরম্ভ হয়। যিনি প্রথম দুর্গে প্রবেশ করিতে পারিলেন তাহাকে এবং তাহার পরিবারগণকে যাবজ্জীবন অর্থ সাহায্য করিবেন কুতেবা এইরূপ প্রতিশ্রুতি হইলে সৈন্যেরা দলে দলে দুর্গ আক্রমণ করে এবং পরিশেষে দুর্গ অধিকার করে। বেকাণ্ডনগরবাসীগণ বশতা স্বীকার করিলে পর কুতেবা তথায় একজন প্রতিনিধি এবং একদল সৈন্য রাখিয়া নগর ত্যাগ করেন। বেকাণ্ড হইতে খুনবুণে উপস্থিত হইলে কুতেবা তথাকার অধিবাসীগণের বিদ্রোহের সংবাদ পান এবং পুনরায় বেকাণ্ডাভিমুখে অগ্রসর হন। নগর পুনরায় অবরুদ্ধ হইল এবং একমাসকাল

অবরোধ প্রত্যাহান করিয়া বেকাণ্ডবাসীরা বশতা স্বীকার করিবার প্রস্তাব করে কিন্তু কুতেবা সদলে দুর্গ আক্রমণ করেন। নগর অধিকার করিয়া কুতেবা যোদ্ধৃ পুরুষগণকে নিহত করেন অবশিষ্ট নগরবাসিগণকে ক্রীতদাসরূপে মার্তনগরে প্রেরণ করেন এবং নগরটিকে সম্পূর্ণরূপে লুণ্ঠন করিয়া মার্ত নগরে প্রত্যাবর্তন করেন। বেকাণ্ড নগর কেবলমাত্র ধ্বংসাবশিষ্ট হইয়া পড়িয়া রহিল। তবরি বলেন যে বেকাণ্ড নগর লুণ্ঠন করিয়া কুতেবা যে সামগ্রী মার্ভে লইয়া গিয়াছেন তাহার সংখ্যা খোরাসান লুণ্ঠন দ্রব্য অপেক্ষাও অত্যধিক।

পূর্ণ ধ্বংসাবশেষ বেকাণ্ড নগরের কিরূপে পুনরায় উদ্ধার সাধন হয় তাহার ইতিহাস অতি মনোরম। যৎকালে কুতেবা নগর অবরুদ্ধ করেন তৎকালে বেকাণ্ডের বহু ব্যবসায়ী চীন এবং অত্যাণ্ড অধিবাসী দূরবর্তী প্রদেশে অনুপস্থিত ছিল। পুনরায় স্বদেশে আসিয়া তাহারা আপন ক্রীতপরিবারগণকে মুসলমানদিগের নিকট হইতে পুনঃ প্রাপ্ত হয় এবং অতি অল্প দিনের মধ্যেই পুনরায় বেকাণ্ড নগরকে উদ্ধার করে। ঐতিহাসিক নরসখির মতে বেকাণ্ডের পুনঃ স্থপ্তির তায় অপর একটি দৃষ্টান্ত আর নাই। এ যুগের মধ্যেই বেকাণ্ড পুনরায় তাহার পূর্ব ক্রীলাভ করিতে সক্ষম হয়। কুতেবাকে বাৎসরিক কর দিতে স্বীকৃত হইলে বেকাণ্ডবাসীরা পুনরায় শান্তিসম্ভোগে আদেশ প্রাপ্ত হয়।

খঃ ৭০৫ অব্দে কুতেবা বেকাণ্ড জয় করিয়া মার্ত নগরে প্রত্যাগমন করেন। পরবৎসর তিনি পুনরায় যুদ্ধ যাত্রা করেন কিন্তু দুইবৎসর কাল যুদ্ধক্ষেত্রে থাকিয়াও তিনি খালিফের রাজত্ব মধ্য এশিয়ায় অধিক দূর বিস্তার করিতে পারেন নাই। মার্ভের পূর্ব শাসনকর্তাগণ বোখারা নগর পর্যন্ত বিজয় পতাকা উড্ডান করিতে পারিয়াছিলেন কিন্তু কুতেবার সময় খালিফের রাজ্য বোখারার শীমান্ত প্রদেশ পর্যন্তও বিস্তৃত হয় নাই।

যাহা হউক বেকাণ্ড ধ্বংস করিয়া কুতেবা ট্রান্স অক্সিয়ানায় গমনের পথ বিশেষরূপে প্রশস্ত করিয়া দেন এবং ভবিষ্যতে মধ্য এশিয়া জয় করিবার বহুল সুবিধা করেন। খঃ ৭০৬ অব্দে যুদ্ধযাত্রা করিয়া কুতেবা নুখুসকাট এবং রামটিল জয় করেন। এই দুই প্রদেশ বাৎসরিক

কর প্রদানে স্বীকৃত হইয়া বশতা স্বীকার করিলে তথায় পুনরায় শান্তি বিরাজ করে। ইত্যবসরে বোখারা মোখ্দিয়ানা এবং উহাদের চতুষ্পার্শ্ব প্রদেশবাসিগণ একত্রিত হইয়া আরবদিগের গতিরোধ করিবার জন্ত বন্ধপরিষ্কর হয়। সমবেত সৈন্যগণের সংখ্যা ৪০০০০ হাজার এবং মোগ্দিয়ানা, খুলুক-খুদাং, ভরদান্ খুদাং এবং চীনসম্রাটের ভাগিনেয় রাজপুত্র কুর মঘানুন্ প্রভৃতির সেনানী দ্বারা পরিপুষ্ট ছিল। যৎকালে কুতেবা মার্তনগরে ফিরিয়া আসিবার জন্ত যাত্রা করেন তৎকালে টার্কসৈন্য আসিয়া তাহার সেনানীর পশ্চাদ্ধাগ আক্রমণ করে। মুসলমান সৈন্যগণ ভীত হইয়া পলাইবার উপক্রম করিলে কুতেবা তাহাদের মধ্যে উপস্থিত হইয়া উৎসাহিত করেন। দ্বিপ্রহর পর্যন্ত ঘোরতর যুদ্ধ হইলে পর টার্কগণ রণে ভঙ্গ দেয়। কুতেবা বালখু অভিমুখে প্রবাহিত পথ দিয়া এবং টিরমিজ নামক নগরের সন্নিকটে অফুনদী অতিক্রম করিয়া মার্তনগরে ফিরিয়া আসেন। কিন্তু ফারিয়ার নগরে পৌঁছিলে তিনি হাজ্জাজ কর্তৃক বোখারার রাজা ভারদান্ খুদাতের বিরুদ্ধে অগ্রসর হইবার জন্ত আজ্ঞাপ্রাপ্ত হন। কাজেই তাহাকে পুনরায় যুদ্ধযাত্রা করিতে হয়। জামিন্ নগরের নিকট অফু নদী পার হইয়া মরুভূমির মধ্য দিয়া অগ্রসর হইবার সময় তাহার কতকগুলি মোখ্দিয়ান কেস্ ও নমকের (নক্ষত্র) সহিত সাক্ষাৎ হয়। তিনি তাহাদিগকে পরাস্ত করিয়া বোখারায় প্রবেশ করেন এবং ভারদানের দক্ষিণে নিম্ন খারকানায় শিবির স্থাপন করেন। এখানে আসিয়া টার্করা তাহাকে আক্রমণ করে। দুই দিবস এবং দুই রাত্রি যুদ্ধের পর আরো সৈন্য জয়লাভ করে কিন্তু কুতেবা বোখারার রাজা ভারদান্ খুদাতের সম্মুখীন হইলে পরাজিত হন এবং মার্ত নগরে পলায়ন করেন। মার্ভে পৌঁছিলে কুতেবা তাহার প্রভুকে বোখারার একখানি মানচিত্র পাঠাইয়া সমস্ত বিষয় অবগত করান। মানচিত্র নিরীক্ষণ করিয়া হাজ্জাজ এই ভাবে কুতেবাকে পত্র লিখিয়াছিলেন; “পূর্ব স্থানে ফিরিয়া যাও এবং উহা ত্যাগ করিবার জন্ত ঈশ্বরের নিকট শোক প্রকাশ কর; শত্রুদলকে পুনরায় আক্রমণ কর, বেস্, ননক্ ও ভারদান্কে ধ্বংস কর। দেখ যেন তোমাকে শত্রুদলে না ঘিরিয়া ফেলে; পথের বিপদের জন্ত আমি দায়ী” এই পত্র পাইয়া কুতেবা পুনরায় খঃ ৭০৮ অব্দের

প্রারম্ভে বোখারা রাজ্য জয় করিবার জন্ত যাত্রা করেন। ভরদান খুদাৎ কুতেবার পুনরাগমনের বিষয় শুনিয়া মোখদিয়ানার সাহায্য পাইবার জন্ত দূত পাঠান। সাহাবৎ আসিবার পূর্বেই কুতেবা ভারদানে উপস্থিত হইয়া উহা অবরোধ করেন। সাহায্য উপস্থিত হইলে টার্কেরা সদলে কেলা হইতে বহির্গত হইয়া আরবদিগকে আক্রমণ করে। এই যুদ্ধ সম্বন্ধে ঐতিহাসিক তবরি এবং নরসখি উভয়ের মধ্যে মতভেদ দৃষ্ট হয় কিন্তু তবরির বিবরণ সমধিক মনোহর।

শ্রীসঞ্জীব চন্দ্র সান্যাল।

কবিতা গুচ্ছ।

আমিত্র লয়।

যামিনী পোহায়ে গেল, ভাঙ্গিল স্বপন,
নিভিল আলোয়া-আলো—গেল মরীচিকা।
পতঙ্গ বাঁপায় যথা হেরি অগ্নিশিখা,
হে শিব স্নন্দর দেব, করি' দরশন—
তোমার ও রূপ-বহ্নি, আমিও তেমন
বাঁপাইয়া পড়িলাম আপনা পাসরি!
হে মোহন, না জানি ত আশুন কেমন
চন্দন লেপন হলো সর্কাপ্পে আ মরি।
অঙ্গার হইল হীরা, হে পরশমণি,
তোমার ও হিরণ্ময় লাবণ্য পাশে
দেহ কর্মনাশা নদী করি কুছ ধ্বনি
পশিল, পশিল দেব, হিঙ্গল হরষে
ক্ষীর জলধির গর্ভে! নীর হল ক্ষীর,
তীব্র রৌদ্রে ডুবে গেল আমিত্র তিমির!
শ্রীদেবেন্দ্রনাথ সেন।

গোগা চোহান।

‘To every man upon this earth
Death cometh soon or late,
And how can man die better,
Than facing fearful odds,
For the ashes of his fathers,
And the temples of his gods?’

Macaulay.

[গজনির সুলতান মামুদ যখন ভারত আক্রমণ করিবার জন্ত শতক্রর তীরে উপস্থিত হন, সেই সময়ে গোগা চোহান নামক জনৈক রাজপুত্র বীর স্পীর্ষ পক্ষচত্রারিংশং পুত্র সহ অশেষ বীরত্ব প্রকাশ পূর্বক তাঁহার বিরুদ্ধে যুদ্ধ করেন, কিন্তু অবশেষে পরাজিত হইয়া পুত্রগণ সহ মৃত্যুমুখে পতিত হন। এই কবিতা সেই ঘটনা অবলম্বনে লিখিত হইয়াছে।]

ঘন ঘোর ঘটাচ্ছন্ন নিশীথ গগন,
সুদ্র বনস্থলী মাঝে অক্ষুট আরাব;

ধরেছে প্রকৃতি দেবী ভয়ঙ্করী বেশ,
দেখাইতে আপনার যতেক প্রভাব।
শতক্রর তীর আজি অন্ধকারময়,
একটি পল্লব তথা নাহি নড়ে আর;
বহে কি না বহে শ্রোত বুঝা নাহি যায়,
ব্যাপ্ত ধরাতলে শুধু ঘোর অন্ধকার।
ভীমবেগে প্রভঞ্জন বহিল এবার,
খেলিল দামিনী হাসি, আকাশের কোলে,
নাচি নীরদমালা প্রভঞ্জন সাথে
উজ্জ্বল বিদ্যুৎমালা পরি যেন গলে!
চকিত বিদ্যুতালোকে ক্ষণে দেখা যায়
পক্ষ চত্রারিংশং বীর যোদ্ধা দলে;
অস্ত্র শস্ত্র দৃঢ় চক্ষুে আচ্ছাদিয়া কায়
চোহান দাঁড়ায়ে আছে তটিনীর কূলে।
বরষিছে বারিধারা আকাশ ভাঙ্গিয়া,
তারি সাথে ক্ষণে ক্ষণে অশনি পতন।
অবিশ্রান্ত বারিধারা ঢালিয়া ঢালিয়া
পথ, ষাট, মাঠ আদি করেছে মগন।
দূর,—বহুদূর হ'তে সৈন্ত কোলাহল
নীরদের গরজন সহিত মিশিয়া,
ক্ষণে ক্ষণে মহাসিন্ধু কলধ্বনি সম
উন্নত সে বায়ুসনে আসিছে ভাসিয়া।
শুনিল যুবকবৃন্দ সেই কোলাহল,
নাচিল মে আর্ষ্য রক্ত ধমনী ভিতরে;—
সদর্পেতে কোষমুক্ত করি তরবার
দেখাবে ভারতবীর্ষ্য অবনী মাঝারে!
নিক্ষেপিত তরবার ধরি দৃঢ় ভাবে
উল্লাসে যুবাগণ ধাইল সকলে,—
হানিতে লাগিল সব প্রচণ্ড আঘাত,
পড়িল যবন তাহে কত দলে দলে।
মূহুর্তেকে আরস্তিল তুমুল সংগ্রাম,
অস্ত্রের বাঞ্ছনা রবে পুরিল মেদিনী,—
বরষার বারিধারা সহিত মিলিয়া
বহিল রক্তের নদী রঞ্জিয়া অবনী!
পিশাচের মত যুবা শতেক যবন
ঘেরিল যুবকবৃন্দে দিকট উল্লাসে;
নিশ্চয় মরণ জানি যুঝি হিন্দুগণ
একে একে মৃত্যুমুখে পড়ে অবশেষে।
স্বদেশ রক্ষার তরে করি প্রাণপণ
নারিলে রঞ্জিতে তার তোমরা হে বীর,
চিরজুখী ভারতের নিয়তি লিখন,—
কে কবে খণ্ডন করে লিখন বিধির।
শ্রীযতীন্দ্রমোহন মিত্র।



৭ম ভাগ।

ফাল্গুন, ১৩১১।

১১শ সংখ্যা।

কুন্তলা।

দশম পরিচ্ছেদ।

কালীপ্রসাদের বৃহৎ বৈঠকখানার পার্শ্বে এক অতি স্নন্দর প্রকোষ্ঠ। প্রকোষ্ঠ অতি স্নন্দর সাজে সজ্জিত। সে সাজ সজ্জা কুন্তলা নিজে করিয়াছে। কুন্তলা বিলাসী শ্রেষ্ঠীর কন্যা। কুন্তলার পিতা সৌখীন—কুন্তলা স্বয়ং সৌন্দর্যের অনুরাগিনী। কুন্তলা নিজের ব্যয়ে সজ্জার সামগ্রী আনাইয়া, স্বামীর কক্ষ সাজাইয়া দিয়াছে। কক্ষের দেয়ালে বড় বড় ভাল ভাল আয়না—নীচে কার্পেটের উপর ভেলভেটমণ্ডিত বিবিধ প্রকারের চেয়ার, সোফা। মধ্যে এক স্নন্দর টেবিল। চারি কোণে কর্ণার টেবিল। এক পার্শ্বে চারিটি বৃহৎ কাচের আলমায়রা। আলমায়রাতে ইংরাজী ও বাঙ্গালা বহু গ্রন্থ সংগৃহীত। এই ঘরে বসিয়া কালীপ্রসাদ কুন্তলার সহিত একত্রে অধ্যয়ন করেন অথবা অধ্যয়নের ছলে প্রেম আলাপনে বিভোর হইয়া, দ্রুতগামী সুখ-রজনী অতিবাহিত করেন।

কালীপ্রসাদ এই কক্ষে একাকী চেয়ারে উপবিষ্ট। তাঁহার চক্ষু মুদ্রিত। সম্মুখস্থ টেবিলের উপর একখালি খোলা পুস্তক আশা করিয়া কালীপ্রসাদের মুখ চাছিল। আছে। কালীপ্রসাদ অনেক ক্ষণ পরে চক্ষু মেলিয়া, পুস্তকের পত্রে দৃষ্টিপাত করিলেন। একটু পরে তাঁহার চক্ষু পুস্তকের পত্র ছাড়িয়া বাহিরে যাইল। কালীপ্রসাদ উঠিলেন। বাহিরে যাইয়া পদচারণা করিতে লাগিলেন। বাহির ভাল লাগিল না। গৃহের মধ্যে ফিরিয়া আসিলেন। চেয়ারে বসিলেন—পুনরায় পুস্তক হাতে লইয়া পড়িতে প্রবৃত্ত হইলেন। পুস্তকের প্রতি পত্রে—প্রতি ছত্রে বিষের বায়ু বহিতে লাগিল।

আবার উঠিলেন—আবার বাহির হইলেন। একটু দ্রুতপদে বেড়াইতে লাগিলেন। আবার শোকভরে আসিয়া বসিয়া পড়িলেন। টেবিলের উপর মস্তক রাখিয়া চক্ষু মুদ্রিত করিয়া রহিলেন। ক্ষণকাল নীরবে রহিয়া, আপন মনে কহিয়া উঠিলেন “আমি যাইতে না দিলে, কাহার সাধ্য কুন্তলাকে পাঠায়? কাহার ক্ষমতা কুন্তলাকে লইয়া যায়?” কুন্তলা অতি ধীরে অতি নীরবে আসিয়া কালীপ্রসাদের পৃষ্ঠে হাত দিয়া দাঁড়াইল।

কালীপ্রসাদ চমকিত হইয়া চাহিলেন। দেখিলেন পাশ্বে দেবী মূর্তি কঠোর ভঙ্গিতে দণ্ডায়মান। একি কুন্তলা! কুন্তলার আজি এ মূর্তি—এ ভাব কেন? সে হান্তময়ী, আনন্দময়ী, মনমোহিনী মূর্তি আজি কোথায় লুকাইল?

কালীপ্রসাদের মনে পৌরাণিক কাহিনী জাগিয়া উঠিল। দক্ষালয়ে গমনের জন্ত সতীর শিব-সম্মুখে সমাগমের কথা মনে পড়িল। কালীপ্রসাদের প্রাণটা কেমন কাঁপিয়া উঠিল।

কুন্তলা দৃঢ়কণ্ঠে কহিল—“উঠ; বাড়ীর ভিতর চল।”

কালীপ্রসাদ কম্পিত স্ববে কহিলেন—“কিছু দিন আর বাড়ীর মধ্যে যাইব না—ক্ষণকাল পরে আবার ভগ্নস্বরে কহিলেন—“যত দিন আবার তুমি না ফিরিয়া আইস।”

কুন্তলা মৃদু হাসি হাসিয়া কহিল—“আমি আর ফিরিব না। আমি মরিতে যাইতেছি।”

কালীপ্রসাদ দাঁড়াইয়া কুন্তলার মুখ চাপিয়া ধরিলেন।

কুন্তলা পতির হস্ত স্বীয় বক্ষে টানিয়া ধরিয়া কহিল—“দেখ, আর ছেলেরি করিয়া লোক ঢলাঢলা করিও না। এক্ষণে মা অত্যন্ত ছঃখিত হইয়া রহিয়াছেন। আমি এ সময়ে না যাইলে বাড়ীতে বাপ মার কত কষ্ট হইবে। তুমি আর বারবার বাধা দিও না। তোমার স্পর্শ করিয়া বলিয়া যাইতেছি, আমি অতি সত্বরই ফিরিয়া আসিব। কোন বাধা বিঘ্ন মানিব না।”

কুন্তলার বদন এত গম্ভীর কালীপ্রসাদ পূর্বে কখন দেখেন নাই। কুন্তলার মুখের কথা এত কঠোর—তাহার কণ্ঠের স্বর এত দৃঢ়—তাহা কালীপ্রসাদ—অগ্রে জানিতে পারেন নাই।

কালীপ্রসাদ দেখিলেন আর পীড়াপীড়ি করিলে হিতে বিপরীত ঘটবে। কুন্তলা তাঁহাকে ছাড়িয়া তাঁহার কথা ঠেলিয়া যাইবে না সত্য; কিন্তু তাহার প্রাণে বড় আঘাত লাগিবে—তাঁহাকে অতি অসার অপদার্থ মনে করিবে। কালীপ্রসাদ হতাশ নয়নে চাহিয়া কহিলেন—“তবে যাও। যদি আমি না যাইতে পারি, তবে শীঘ্র আসিও।”

কুন্তলা তাঁহাকে যাইতে অনুমতি করিল না। কুন্তলা দেখিতে চায়—বুঝিতে চায়—প্রণয়ী পতি স্বতঃপ্রবৃত্ত হইয়া তাহার অনুসন্ধান করেন কি না।

কুন্তলা আর কিছু কহিল না। কালীপ্রসাদের শেষ কথা কয়টির মধ্যে ‘যদি আমি না যাইতে পারি’ শব্দগুলি বিষকণ্ঠকের ত্রায় তাহার কর্ণে বাজিতে লাগিল। পতি-সোহাগিনী কুন্তলার মনে হইল—‘আমি যাইতেছি’ তাহাতে কথা হইল ‘যদি আমি না যাইতে পারি’ এই কি প্রাণের কথা! কুন্তলা বালিকা—কুন্তলা বুদ্ধিমতী হইলেও সংসারের ব্যবহারে, মনুষ্যের মানসিক ব্যাপারে তাহার অভিজ্ঞতা অতি অল্প। বালিকা অতি মানিনী—বালিকা মান ভরে, উড্ডীয়মান গভীর মেঘখণ্ডের ত্রায় ধীরে ধীরে প্রস্থান করিল। আর বেশী কথা কিছু কহিল না কহিতে পারিল না।

কালীপ্রসাদ অবাক হইয়া দেখিতে লাগিলেন। কুন্তলা যে তাঁহাকে তদবস্থায় দেখিয়া, তাঁহাকে ফেলিয়া যাইতে পারিল ইহাতে কালীপ্রসাদ অবাক হইলেন। কালীপ্রসাদের প্রাণেও ঘোর অভিমান-উচ্ছ্বাস উত্থিত হইল।

অভিমানের অতিবদানলে কালীপ্রসাদ বুঝিলেন—কুন্তলা ধীরা নহে—চঞ্চলা কুন্তলা তাঁহা অপেক্ষা তাহার পিত্রালয় অধিক ভালবাসে। হয় রে প্রণয়! তোমার মহিমার নোহে বিজ্ঞ বুদ্ধিমান অন্ধ হয়—বৃদ্ধ বালক হইয়া পড়ে! কালীপ্রসাদ কোন ছার!

একাদশ পরিচ্ছেদ।

প্রাণের আঘাত—সকল আঘাত অপেক্ষা প্রাণঘাতী। সে আঘাতের উপর ঈর্ষাজনিত অভিমান বড় মারাত্মক সামগ্রী।

কালীপ্রসাদ কুন্তলার গমনের প্রথম দিনে শয্যাগত হইলেন। পরদিন অভিমানজনিত ক্রোধভরে উঠিয়া বসিলেন। তৃতীয় দিন কলের পুতুলের ত্রায় ঘুরিয়া ফিরিয়া বেড়াইতে লাগিলেন। কেন কি জন্ত তাহা কিছুই বুঝিতে পারিলেন না। এখন দুর্জয় অভিমানের স্থানে, কালীপ্রসাদের প্রাণে দারুণ ক্রোধাবেগ উপস্থিত হইয়াছে।

এইরূপে কয়েক দিন কাটিলে শশুরালয় হইতে বিবাহ উপলক্ষে কালীপ্রসাদকে লইতে আসিল। কালীপ্রসাদ শশুরের নিমন্ত্রণ পত্র পাঠ করিলেন। কৈ আর পত্র কৈ?

কুন্তলা একখানি পত্র লিখিতেও সময় পাই নাই? ছি ছি কুন্তলা কেমন করিয়া একবারে সমুদয় ভুলিয়াছে! অন্ধ-প্রণয়ী যুবক সত্যই পাগল। মহাকবি সেক্ষপীয় সত্যই বলিয়াছেন:—

“Lovers and madmen have such seething brains,
Such shaping fantasies, that apprehend
More than cool reason ever comprehends.”

কালীপ্রসাদকে শশুরালয়ের পত্র পাঠ করিতে দেখিয়া তাঁহার মাতা আসিয়া কাছে দাঁড়াইলেন। মাতা কহিলেন—“কালীপ্রসাদ! বেহাই বৃদ্ধ হইয়াছেন। এখন তোমাকে সকল দেখিতে শুনিতে হইবে। আর বিলম্ব করিও না। অত্নই চলিয়া যাও।”

কালীপ্রসাদ গম্ভীর স্বরে কহিলেন—“আমি যাইতে পারিব না, মা! আমার শরীর বড় খারাপ হইয়াছে।”

এই বলিয়া মাতার উত্তর অপেক্ষা না করিয়া কালীপ্রসাদ উঠিয়া চলিয়া গেলেন। মাতা জানিতেন শাস্ত শিষ্ট কালীপ্রসাদ সহজে রাগিবার নহে, টলিবার নহে। কিন্তু যদি কোন কারণে একবার বিচলিত হয়, তবে তাহাকে প্রকৃতিস্থ করা অতি কঠিন, প্রায় অসাধ্য কার্য।

মাতা আর কথা না কহিয়া আকাশ পাতাল কত কি ভাবিতে ভাবিতে বিষম বদনে প্রস্থান করিলেন।

কালীপ্রসাদ আসিয়া বাহিরের কক্ষে বসিলেন। বসিয়া দেখিলেন প্রাণের মধ্যে সেই মুখখানি—সেই ছবিটুকু—সেই কুন্তলা। দেখিলেন সেই কুন্তলা যেন এই কুন্তলা নহে। এ ছবি আর সে ছবিতে যেন অনেক প্রভেদ। কালীপ্রসাদ মনের দর্পণে দেখিতে দেখিতে মনে মনে কহিলেন—এই তো কুন্তলা—এই তো কুন্তলার প্রণয়—এই তো কুন্তলার আমার প্রতি মমতা! হায়রে ভ্রম—মোহ! তোমার ছলনার তীব্র শর কি জগতের কোন পদার্থই অতিক্রম করিতে পারে না।

কালীপ্রসাদ এখানে যাহা ভাবিতেছেন, কুন্তলা পিত্রালয়ে একাকিনী কক্ষে বসিয়া—স্বামীর আশায় নিরাশ হইয়া সেই একই ভাব ভাবিতেছিল—কুন্তলাও ভাবিতেছিল—‘এই তো পতির প্রণয়! পতির আমার আদর আবদারের এই তো মূল্য!’ বিবাহবন্ধন কুন্তলার পক্ষে এখন বিষ-শয্যায় পরিণত হইয়াছে। পাখী হইলে পাখা

পাইলে, কুন্তলা এই মুহূর্তেই হরদিয়ার সেই লাইব্রেরী-গৃহে উড়িয়া আসিতে প্রস্তুত। কুন্তলা কি ইচ্ছা করিলে—চেষ্টা করিলে সত্বর আসিতে পারে না? পারে বৈ কি! কিন্তু চক্ষু-লজ্জা—প্রাণের অভিমান তাহার প্রত্যাগমন-পথে তীক্ষ্ণ কণ্ঠ হইয়া দাঁড়াইয়া রহিয়াছে। হায়বে অভিমান! তোর পরাক্রমে নিমেষে স্তূভায় গরল উত্থিত হয়।

তরুণমতি কালীপ্রসাদ মনের আবেগে কহিলেন—‘প্রকৃত প্রণয় সংসারে ভোজের বাজী। এই তো তাহার পরিণাম! এ কোন্ সুখ-আশা করিয়া আগুনের মালা গলায় পরা। এখন উপায় কি? কি করিয়া এ জীবন কাটাই—কি করিয়া প্রাণের বোঝা বহন করি?’

এই বলিয়া কালীপ্রসাদ উর্দ্ধে দৃষ্টি সংলগ্ন করিয়া কি ভাবিতে লাগিলেন।

বাহিরে কাশী রায় আসিয়া নীরবে দাঁড়াইল। কাশী-রায়, কালীপ্রসাদের অসুখ-কথা শুনিল। কাশী রায়, তাঁহার অবস্থা ব্যবস্থা, ভাবভঙ্গী চালচলন—তাঁহার বাটীর অভ্যন্তরীণ ব্যাপার, তন্ন তন্ন করিয়া, তীক্ষ্ণ চক্ষে দেখিতেছিল। কাশীরায়, কালীপ্রসাদের বর্তমান বিরক্তির ভাব বুঝিয়া লইল। বুঝিয়া ভাবিল, এই উপযুক্ত অবসর—সুযোগ। এই সুযোগের স্তূভ ধরিয়া উদ্দেশ্য সাধন করিতে হইবে।

কাশীরায়, কালীপ্রসাদের সম্মুখে বাইয়া করবোধে দাঁড়াইল। কাশীরায়কে দেখিয়া কালীপ্রসাদ একটু বিরক্ত হইলেন। কালীপ্রসাদ সম্ভাবতঃ সুশীল বিনীত। তাঁহার মনের বিরক্তির ভাব মুখে কিছুমাত্র প্রকাশিত হইল না।

কালীপ্রসাদ কাশী রায়কে বসিতে কহিলেন। কাশী রায় বসিয়া কহিল—“বাবু সাহেব! নাথী পূর্ণিমা তো আসিয়া পড়িল। এই সময় হরদিয়ার ‘পরব’ হয়; এবার একটু সমারোহ করিলে পরবটা জাঁকিয়া উঠে। সামান্য বায়ে পরবটা বেশ আয়ের সম্পত্তি হইয়া দাঁড়ায়; আর দেশের লোকেরও মনে বিশেষ আনন্দ উৎসাহ জন্মায়।”

কালীপ্রসাদের মনে কথাটা লাগিল। তিনি একটা কিছু সময় কাটাইবার ব্যাপার খুঁজিতেছিলেন। এমন সময়ে কাশী রায়ের এই প্রস্তাব অতি উপাদেয় বলিয়া তাঁহার মনে ধরিল। কালীপ্রসাদ কহিলেন—তাহাতে

আমার সম্পূর্ণ মত আছে। হরিকিশোর বাবুকে আনাইয়া তাঁহার সহিত পরামর্শ যুক্তি করিয়া কার্য আরম্ভ করিলে ভাল হয়।”

কাশী। এ সামান্য কার্যের জন্য তাঁহাকে এখন না আনাইয়া, চিঠি পত্রে তাঁহার পরামর্শ লইলে যথেষ্ট হইতে পারে। আর তিনি বাহির হইতে সকল ব্যাপারে সাহায্য ও সকল দ্রব্যের সরবরাহ অনায়াসে করিতে পারিবেন। তাঁহাকে পরের সময় আনাইলেই চলিবে।

কালীপ্রসাদের আঁধার-প্রাণে একটু জ্যোৎস্নার আলোক ফুটিল। তিনি কহিলেন “কি রূপভাবে কার্যের অনুষ্ঠান করা যায়?”

কাশীরায়। একটা মেলার আয়োজন করিয়া নাচ গানের বন্দোবস্ত করিলেই চলিতে পারে।

মেলার উল্লেখে কালীপ্রসাদের নবীন জীবন উদ্দীপিত হইয়া উঠিল। তিনি কহিলেন “তুমি সকল বিষয়ের ভার লইতে পারিবে?”

কাশীরায় গম্ভীরভাবে কহিল “আপনি মাথার উপর থাকিলে সকল ভার বহিতে পারিব।”

কালীপ্রসাদ সরলভাবে কহিলেন “অর্থ বাহা ব্যয় হইবে, তাহার জন্ত কিছুনাত্র ভাবিতে হইবে না। তবে প্রথম আরম্ভে যেন কোনরূপ ভ্রুটী না ঘটে।”

কাশী রায় উৎসাহের আনন্দে কহিল “আজ্ঞে, তাহার জন্ত কিছুনাত্র ভাবিতে হইবে না। আমি নিজে যাইয়া কলিকাতা হইতে নাচ গানের বাছাই করিয়া বন্দোবস্ত করিব।”

কালীপ্রসাদের বৈরাগ্যগ্রস্ত প্রাণ উৎসাহিত হইয়া উঠিল। উৎসাহভরে কালীপ্রসাদ কহিলেন “তবে সত্বরই কার্য আরম্ভ করিয়া দাও। দিন আর বেশী নাই।”

এই বলিয়া কালীপ্রসাদ উঠিয়া দাঁড়াইলেন। কাশী রায় সঙ্গে সঙ্গে উঠিয়া কহিল “আহারান্তেই আমিও আসিয়া বন্দোবস্তের পরামর্শ করিব। কাশীনগরের মেলায় আমি যে সার্টিফিকেট পাইয়াছিলাম তাহা দেখিবেন তখন।”

উভয়ে প্রস্থান করিলেন।

দ্বাদশ পরিচ্ছেদ।

হরদিয়ায় খুব ধুমধাম পড়িয়া গেল। বিশেষ সমারোহে মাঘী পূর্ণিমার পরবের উদ্যোগ আয়োজন চলিতে লাগিল। কাশী রায়, আহার নিদ্রা বন্ধ করিয়া, সকল বিষয়ের অনুষ্ঠান করিতে লাগিল।

হরিকিশোর পত্র পাইলেন। তাঁহার মাথার টনক নড়িল। হরিকিশোর এক মাসের ছুটি লইয়া হরদিয়ায় আসিয়া উপস্থিত হইলেন; আশুনের সহিত ঝড় মিশিল।

হরিকিশোর কহিলেন “বাহা এদেশে কখন হয় নাই; তাহাই করিতে হইবে। জেলা হইতে জজ মাজিষ্ট্রেট প্রভৃতি সাহেবদিগকে নিমন্ত্রণ করিয়া আনিতে হইবে; বাহাতে একটা উচ্চ উপাধি লাভ ঘটে তাহারই চেষ্টি করিতে হইবে।”

হরদিয়ার পূর্ব প্রান্তে বড় বড় আটচালা উঠিল। দেশ বিদেশে সংবাদ প্রেরিত হইল। থরে থরে ভারে ভারে জিনিসপত্র আয়দানি হইতে লাগিল। হরদিয়ায় তিল ধারণের স্থান রহিল না। খাবারের দোকান, মণিহারীর দোকান, পোষাকের দোকান, বাসনের দোকান, খেলানার দোকান, কত শত আসিতে লাগিল। বাহুর, বাজীর, ভাড়া কত আসিয়া জুটিল। হরদিয়ায় টলমল করিতে লাগিল।

মধ্যভাগে এক প্রতিমা প্রতিষ্ঠিত হইল। আশে পাশে নহবত বাদ্য বাজিতে লাগিল।

কালীপ্রসাদ অকাতরে হরিকিশোরের হাতে নোটের কেতা দিতে লাগিলেন। হরিকিশোর কাশী রায়কে বগ বগ শব্দে টাকা গণিয়া দিতে লাগিলেন। কাশী রায় টাকা ভাঙ্গাইয়া পয়সা বৃষ্টি করিতে লাগিল।

হরিকিশোর ‘নাচওয়ালী’ ‘গানওয়ালী’ আনিতে নিজে সাজিলেন। রাত্রির ট্রেণে কলিকাতায় রওয়ানা হইলেন। নিজে দেখিয়া শুনিয়া বাছিয়া গুছিয়া নর্তকীদল নিজ সঙ্গে লইয়া মহা সমারোহে মেলা বসিবার কয়েক দিন পূর্বেই হরদিয়ায় আসিয়া পৌঁছিলেন। যাত্রাওয়ালার বায়না দিয়া আসিলেন। স্থানে স্থানে নানাজাতীয় সামান্য সামান্য গ্রাম্য নাচ গান চলিতে লাগিল।

কলিকাতার নর্তকীদল দুই এক দিন বিশ্রাম করিয়া স্তম্ভ হইলে, হরিকিশোর কালীপ্রসাদের নিকট যাইয়া কহিলেন “নর্তকীদলকে আর মিছা বসাইয়া রাখিয়া ফল কি? তাহাদের মজুরা আরম্ভ হউক।”

উদাসভাবে কালীপ্রসাদ কহিলেন “হউক” হরিকিশোর কহিলেন “কোথায় হইবে?”

কালীপ্রসাদ “কেন? প্রতিমার সম্মুখের আটচালায়।” হরিকিশোর ঈষৎ হাসিয়া কহিলেন “তাহা হইলে উহাদিগকে ‘খেলো’ করা হয়। মেলার তিন দিন, সাহেবেবা ও বাবুরা আসিবে সেই সময় সেইখানে উহাদের মজুরা হইবে। এখন কোন গোপনীয় স্থানে যেখানে সাধারণের দৃষ্টি না যায়—এমন স্থানে উহাদের মজুরা হওয়াই উচিত। নতুবা মেলায় জাঁক থাকিবে না।”

কালীপ্রসাদ একটু ভাবিয়া কহিলেন,—“এমন স্থান কোথায়?” হরিকিশোর একটু নীরবে রহিয়া কহিলেন,—“নূতন বাগান বাড়ীতে হয় না?”

কালীপ্রসাদের প্রাণটা কেমন করিয়া উঠিল। যে বাগান বাড়ী হৃদয়ের দেবী কুন্তলার ইচ্ছায়-উত্থোগে প্রতিষ্ঠিত—তথায়—সেই প্রাণের পূজার পবিত্র মন্দিরে—সামান্য অপবিত্রা নর্তকীদলের কুংসিং কদর্য নর্তন! এও কি সহ হয়!

কালীপ্রসাদ মুখ ফিরাইলেন। হরিকিশোর কাশী-রায়ের নিকট কুন্তলার গমনের কথা, কালীপ্রসাদের বর্তমান মানসিক অবস্থার কথা সকল শুনিয়াছিলেন।

হরিকিশোর খুব ‘তুখোর’ লোক। যে তাঁহাকে চিনে, সে ভালরূপেই চিনে। হরিকিশোরের আশীর্বাদ ও পদধূলির গুণে অনেক জেলার অনেক বড় মানুষের সম্মান সত্বরই সম্পদ-সম্ভ্রমের হাত হইতে জন্মের মত মুক্তি লাভ করিয়া, পথে পথে ঘুরিয়া বেড়াইতেছে। কালীপ্রসাদ হরিকিশোরকে অগ্রে কখনও জানিতেন না—চিনিতেন না; এখনও জানেন না—চিনেন না। হরিকিশোরের গুণগ্রাম পূর্বেও তিনি জানিতেন না—এখনও জানেন না। তাঁহাকে একজন শিক্ষিত ভদ্রলোক বলিয়াই—তিনি এখন জানেন।

হরিকিশোর শিক্ষা-আলোকের আড়ম্বর করিয়া গম্ভীর মুখে কহিলেন “তাহাতে আপত্তির কারণ কিছুই

দেখি না। নূতন বাগান বাড়ীতে অনায়াসেই এখন নাচ গান চলিতে পারে।” এই বলিয়া একটু অশ্রুট অর্দোচ্চারিত ভাবে অথচ কালীপ্রসাদের প্রতিগোচর হয়—এমন ভাবে কহিলেন “হায় রে ভ্রম! রমণীর প্রণয়-ছলনা—তাহাদের প্রেমের অসারত্ব জগতে যে জানে, সেই কেবল জানে। জীবনে যে তাহার মাদ পাইয়াছে, সে ভালরূপেই ভুগিয়াছে।”

কালীপ্রসাদের প্রজ্জ্বলিত প্রাণে যুগান্ত পড়িল। কালীপ্রসাদ একটু বিচলিত হইয়া কম্পিত কণ্ঠে কহিলেন “আপত্তিক? তাহাই হউক। বাগান বাড়ীতেই আজি হইতে নাচ গান চলিতে থাকুক।”

হরিকিশোর উঠিয়া, বাগান বাড়ী সাজাইবার আয়োজন করিতে উত্তত হইলেন। কালীপ্রসাদ বিষম্বদনে ভাবিতে ভাবিতে প্রস্থান করিলেন।

ভাবিতে ভাবিতে কালীপ্রসাদ, বাগানে বেড়াইতে লাগিলেন। এক দিন সন্ধ্যার সময় কুন্তলার সহিত বেড়াইতে বেড়াইতে এই বাগানের কত ফুল তুলিয়াছিলেন উভয়ে পুষ্করিণীর বাধা ঘাটে বসিয়া সেই ফুলের মালা গাঁথিয়া ছিলেন। নিজে মালা গাঁথিয়া কুন্তলার গলে পরাইয়া দিয়াছিলেন। কুন্তলা যে মালা গাঁথিয়া তাঁহার গলায় পরাইয়া দিয়াছিল, সে মালা ছিঁড়িয়া পড়িয়াছিল। কুন্তলা তাহাতে বড় অধীরা হইয়া আবার সেই মালা গাঁথিয়া তাঁহার গলায় পরাইয়াছিল। সে বারেও মালা ছিঁড়িয়াছিল। কুন্তলার চক্ষে তাহাতে জল আসিয়াছিল। এই সকল স্মৃতি সাক্ষ্য নক্ষত্রের ঞ্চায় তাঁহার আঁধার-প্রাণে একে একে জাগিয়া উঠিতে লাগিল। বোধ হইল যেন কুন্তলার মালা জন্মের মত ছিঁড়িয়া তাঁহার কণ্ঠ হইতে খসিয়া পড়িয়াছে।

কালীপ্রসাদের চক্ষু হইতে অজ্ঞাতসারে ঝড় ঝড় করিয়া অশ্রু পড়িতে লাগিল।

সেই কুন্তলা তাঁহাকে ফেলিয়া তাঁহার অনুরোধ—তাঁহার যত্নগা উপেক্ষা করিয়া, অনায়াসে হাসিতে হাসিতে আমোদ করিতে বাপের বাড়ী চলিয়া গেল। এ অভিমান রাখিবার স্থান কোথায়? হায়রে রমণীর ক্ষণভঙ্গুর অসার অস্থায়ী প্রেম! পাটিকা মনে মনে বলিতেছেন—“হায়রে যুবকের প্রণয়-উপলব্ধির বুদ্ধি সামর্থ্য।

যিনি যাহাই বলুন—ওকালতি উভয় পক্ষেই চলে। আমরা কাহারও 'ব্রিক' লইতে বসি নাই। সত্য কথা বাহা, তাহাই বলিতে বসিয়াছি—অকপটে তাহাই বলিব।

কালীপ্রসাদ উর্দ্ধে দৃষ্টিপাত করিলেন—দেখিলেন কুন্তলার সেই মালা ছেঁড়ার দিনের বিষাদভরা বদনখানি। সেই বদনখানি সতৃষ্ণ নয়নে বিবাদের অভিমানে তাঁহারই দিকে চাহিয়া রহিয়াছে।

কালীপ্রসাদ তদপেক্ষা অধিকতর অভিমানভরে বদনমণ্ডল অবনত করিলেন। যে সময় কুন্তলা তাঁহার কথা উপেক্ষা করিয়া হাসিতে হাসিতে বাপের বাড়ী চলিয়া যায়—সেই দিনের সেই সময়ের তাহার সেই হাসিভরা মুখখানি কালীপ্রসাদের প্রাণের দর্পণে প্রতিবিন্দিত হইল।

অন্ধ কালীপ্রসাদ ভ্রান্ত মুগ্ধ চক্ষে দেখিলেন 'কুন্তলা তাঁহা অপেক্ষা জগতের আরও কিছু চার, আরও কিছু ভালবাসে। কালীপ্রসাদ মনে স্থির করিলেন 'তেমন ভালবাসা—তেমন ওজন করা ভালবাসার ফল কি? তাহাতে জীবনের আশ্রয় অবলম্বন কোথায়? সে ভালবাসা লইয়া বাস করা অপেক্ষা, এ জীবন যেখানে সেখানে যে-সে রূপে অতিবাহিত করার লাভ লোকসান কিছুই নাই।

ভাবিয়া ভাবিয়া কালীপ্রসাদ অটল অচল ভাবে স্থির হইয়া বসিলেন—পরিস্কাররূপে মনকে বুঝাইলেন—দৃঢ় ভাবে প্রাণকে বাঁধিলেন। হায়রে উদ্ভ্রান্ত যুবক! এ যে অতি শিথিল বালির বাঁধ! প্রেমের বতায় যে হিমালয় ভাসিয়া যায়।

কালীপ্রসাদ অতি স্থির ধীরভাবে উঠিয়া গম্ভীর বদনে, দৃঢ় হৃদয়ে গৃহাভিমুখে প্রস্থান করিলেন। আঁধার-আচ্ছন্ন সংসার, তাঁহার দেহ-প্রাণ দুইই নিবিড় আঁধারে ডুবািয়া ফেলিল।

ত্রয়োদশ পরিচ্ছেদ।

হরদিয়ার আশে পাশে নানা রকমের বাজী তামাসা নাচ গান চলিতেছে। হরদিয়ার বাগান-বাড়ীতে কলিকাতার সর্বশ্রেষ্ঠ সুন্দরী নর্তকী গায়িকাগণের নৃত্য গীত প্রতিদিন সন্ধ্যায় চলিতেছে।

এ নাচ গানের মজলিসে স্রোতা-দর্শকের সংখ্যা অতি অল্প। প্রকাণ্ড হল ঘরের মধ্যে বৃহৎ গালিচা। গালিচার

অর্দ্ধাংশের উপরিভাগ অতি সুন্দর কারুকার্যে খচিত জাজিমমণ্ডিত। জাজিমের আশে পাশে মধ্যে তাকিয়া। তাকিয়ার আশে পাশে তামাক চড়ান আলবোলা! আলবোলার কাছে কাছে আতরদান, গোলাবদান, বড় বড় রূপার খালায় রাশি রাশি পানের থিলি। উর্দ্ধে ঝাড় দেয়ালগিরির আলোকে প্রকাণ্ড প্রকাণ্ড রবিকর উদ্ভাসিত সমুজ্জল। গৃহের দেওয়ালের গায়ে নানা রকমের আধুনিক 'স্ক্রুচিসঙ্গত'—যাহার মাথুর্য্য মৌন্দর্য্য কেবল মনেই বোধগম্য—মুখে অপ্রকাশ্য সেইরূপ স্ক্রুচিসঙ্গত বহু আয়না বাঁধান ছবি।

এ সকল দ্রব্য সামগ্রী সম্প্রতি হরদিয়ার উৎসব উপলক্ষে হরিকিশোর বাবু স্বয়ং কলিকাতার সাহেব কোম্পানীর দোকান হইতে আনিয়াছেন।

এইরূপ দুই তিন দিন নৃত্যগীত চলিতে লাগিল। কালীপ্রসাদ হরিকিশোর বাবুর নিতান্ত অল্পরোধে—অত্যাচার নিমন্ত্রিত বাবুদিগের খাতিরে আসিয়া প্রস্তর-পুত্তলিকার জায় বসিয়া থাকেন; উদাসীন নয়নে শিথিল শ্রবণে, কি দেখেন, কি শুনেন কিছুই বুঝিতে পারেন না। কেবল কে আসিল কে যাইল তাহাই তদন্ত করেন। সমাগত লোকজনকে সমাদর আপ্যায়নে পরিতুষ্ট করেন।

উদাসীন নৈত্রে দেখিতে দেখিতে একটি তরুণী নর্তকীর প্রতি কালীপ্রসাদের করুণ দৃষ্টি নিপতিত হইল। নর্তকীর মুখমণ্ডল দেখিলে বোধ হয়, কে যেন সরোবর হইতে পবিত্র কমল তুলিয়া আনিয়া অতি অল্পক্ষণ আস্তাকুঁড়ে ফেলিয়া দিয়াছে। এখনও তাহা শুকায় নাই—এখনও তাহাতে পুতিগন্ধ ধরে নাই। কালীপ্রসাদ যতই তাহার দিকে দৃষ্টিনিক্ষেপ করেন ততই তাঁহার প্রাণে তাহার পরিণামের পাপতাপের চিন্তা প্রবল হইয়া উঠে; ততই তাঁহার প্রাণে যেন একটি অতি অজ্ঞাত অপরিচিত হস্তের কঠোর আঘাত আসিয়া লাগে।

হরিকিশোর, কাশীরায়, তাহা লক্ষ্য করিলেন। আর লক্ষ্য করিল—হতভাগিনী নর্তকীদলের প্রৌঢ়া পরিচালিকা নেত্রীকর্ত্রী। ত্র্যহম্পর্শ ঘটিল।

আবার সোনার সোহাগা পড়িল কালীপ্রসাদ যতই নিরীক্ষণ করিয়া স্তম্ভ দৃষ্টিতে তরুণী নর্তকীকে দেখিতে লাগিলেন, ততই যেন তাঁহার মুখমণ্ডলে, কুন্তলার

মুখের কিছু কিছু ভাব ভঙ্গি পরিলক্ষিত হইতে লাগিল। প্রতিদিন সেই ভাবভঙ্গি সেই আকৃতি প্রকৃতি আরও প্রস্ফুটিত আকারে প্রকটিত হইয়া পড়িল। শেষে কালীপ্রসাদ বিহ্বল বিস্ময় নয়নে দেখিতে লাগিলেন কুন্তলায় ও তাহাতে পার্থক্য অতি অল্প। সে 'অল্পও' ক্রমে লুকাইল। তরুণী নর্তকী, কুন্তলার সম্পূর্ণ আকৃতি ধরিয়া বসিল। কালীপ্রসাদ বিস্ময়ে বিহ্বলে দেখিলেন একি মোহ! একি ভোজের বাজী—একি মায়ী মরীচিকার ভ্রম! কোথায় বৈকুণ্ঠের কমলা আর কোথায় পাপীয়সী পিশাচিনী নর্তকী! কালীপ্রসাদ মনে মনে একটু হাসিলেন যুগায় আপনাকে একটু ধিক্কার দিলেন। স্তম্ভিত হইয়া, আপনাকে বাহির হইতে সজোরে ধরিয়া আনিয়া হৃদয়ের নিভৃত কক্ষে পুরিতে চেষ্টা করিলেন। কিন্তু হত বিধির বিভ্রমনা প্রাণ বুঝিয়াও বুঝে না—মন মানিয়াও মানিতে চায় না। অন্তরের আশ পাশ হইতে রহিয়া রহিয়া সেই 'আধ পবিত্রতা মাথা আধ পাপভরা মুখখানির ছায়া উ'কি বু'কি দিতে লাগিল।

এক দিন বৈকালে হরিকিশোর বাবু আসিয়া অন্তঃপুরস্থ কক্ষে খাটের উপর কালীপ্রসাদের পাশে বসিলেন। কালীপ্রসাদ তখন উষ্ণ মস্তকে গোলাপ জল দিয়া পাখার হাওয়া খাইতেছিলেন। শীতকাল—মাঘ মাস—এত গরম কিসের?

কালীপ্রসাদ ক্ষিপ্তহস্তে ব্যজন করিতেছেন—আর ভাবিতেছেন "কুন্তলা! তুমি কোথায়? একবার আসিয়া এ সময়ে শ্রাণান-হৃদয়ের সংগ্রাম-যন্ত্রণা স্বচক্ষে দেখিলে না! এই কি তোমার দাম্পত্য প্রণয়! এই কি পতিগতপ্রাণা সতী রমণীর পতিভক্তি!"

হরিকিশোর বাবু কালীপ্রসাদের মুখের ভাব, তাঁহার মনের গভীর বিষাদের কথা বুঝিলেন। বুঝিলেন প্রাণের অন্তস্তলে এক ভীষণ দারুণ ব্যাধির বিষবীজ রোপিত হইয়াছে। এই সঙ্কটে, তিনি বৈষ্ণ হইয়া স্ক্রুচিকেশ্বর সফলতা লাভ করিতে পারিলে, কালীপ্রসাদ তাঁহারই হাতের খেলার পুতুল হইয়া পড়িবেন।

হরিকিশোর বাবু কালীপ্রসাদের হস্ত ধারণ করিলেন। তাঁহার হৃৎথে পূর্ণ সহানুভূতির উচ্ছ্বাস ভাণে ভগ্নকণ্ঠে, ছল ছল নৈত্রে কহিলেন "আসুন, আর একা বসিয়া মন

খারাপ করিবেন না। এ সংসারে আপনার অভাব কি? ভাবনা কিসের?" এই বলিয়া সবলে কালীপ্রসাদকে আকর্ষণ করিয়া লইয়া, হরিকিশোর বাবু প্রস্থান করিলেন।

উভয়ে আসিয়া, উজ্জান বাটিকার প্রান্তকক্ষে বসিলেন। এই ঘরটি হরিকিশোর বাবুরই জন্ম নিদ্রারিত হইয়াছিল। উভয়ে বসিয়া কিয়ৎক্ষণ একথা সে কথা চলিতে লাগিল। পরে একটু ইতস্ততঃ করিয়া হরিকিশোর বাবু কহিলেন "দেখুন, একটা কথা আপনাকে বলিতে ইচ্ছা করি। তবে কি জানেন সংসারটা আমাদের দেশে বড় প্রবল পদার্থ। তাহার হাত, অতি বুদ্ধিমান শিক্ষিত ব্যক্তিও সহজে এড়াইতে পারে না। সংসারের ফলেই আমাদের জাতি, সমাজ, ধর্ম কর্ম সকলই আজি প্রবল বেগে ধ্বংসের পথে অগ্রসর হইতেছে। যত দিন আমাদের মধ্যে এই সংসারের প্রাবল্য প্রাধান্য রহিবে, তত দিন আমাদের উন্নতি অভ্যুদয়ের আশা আদৌ নাই বলিলে কিছুমাত্র অত্যাুক্তি হয় না।"

হরিকিশোরের এইরূপ লম্বা চওড়া বিশেষণবিশিষ্ট, অলঙ্কারবিভূষিত, বর্ণবিত্ত-বাক্যচ্ছটায়, অনেক সময় তরুণমতি কালীপ্রসাদের সরল স্তম্ভ হৃদয় অন্তঃকরণে একটু মোহের আবেশ উপস্থিত হইত।

কালীপ্রসাদ বিষন্ন বদনে মুহু হাসিয়া কহিলেন "কি সংসারের কথা কহিতেছেন আপনি?"

হরিকিশোর উদ্দীপ্ত কণ্ঠে কহিলেন "একটা বিশেষ কোন সংসারের কথা আমি বলিতেছি না। আমাদের সংসার-দোষ বহু। এই দেখুন পান-আহারের সংসারের কথাটা একবার তলাইয়া ভাবিয়া দেখুন দেখি। কি ভীষণ দৌরাভ্যা অত্যাচার তাহার দ্বারা আমাদের জাতীয় দেহে, সামাজিক প্রাণে সংঘটিত হইতেছে।

কালীপ্রসাদ বিনীতস্বরে কহিলেন "তবে কি হরিকিশোর বাবু, আপনার মতে আহার-ব্যবহারে বিচার ব্যবধান থাকা, অমঙ্গল অনর্থের হেতু?"

হরিকিশোর সদর্পে কহিলেন "শত বার সহস্র বার। মাপ করিবেন—আপনার জ্ঞান বিবেচক চিন্তাশীল ব্যক্তির সঙ্গে যুক্তিতর্কের বিচারে লাভ আছে—আনন্দ আছে, তাই বলিতেছি। এই দেখুন 'ড্রিংকিং' টা কি মন্দ প্রথা।

অবশ্য অপরিমিততায় অপব্যবহারে সূধাও হলাহলে পরিণত হয়। তাই বলিয়া সূধা কি পরিত্যজ্য। অগ্নিতে গৃহদাহ হয় বলিয়া, যে অগ্নিকে ত্যজ্য বলে সে কি উন্মাদ নয়? 'ওয়াইন' আমার মতে—আর আমার সে মত অতি পরীক্ষিত সত্য—সে সত্য সত্য জগতে সর্বকালে সর্বস্থলেই সর্বতোভাবে স্বীকার্য শিরোধার্য—আমার মতে 'ওয়াইন' সময় ও অবস্থা অনুসারে সর্বব্যধিবিনাশী—সর্বসন্তাপহারী স্বর্গসূধা। "সময়" ও 'অবস্থা' দুইটা শব্দ কালীপ্রসাদের প্রাণে বাজিয়া হৃদয়ের তন্ত্রীতে আঘাত করিল।

কালীপ্রসাদ অক্ষুট অকোচ্চারিত ভাবে কহিলেন "দময়" আর 'অবস্থা' অনুসারে। তাহা ঠিক।" নীরবে মনে মনে ভাবিলেন আমার যে সময় যে অবস্থা তাহাতে তাহা মন্দ কি! জীবন ভ্রষ্ট হইবে উন্নতি ও কল্যাণকে জন্মের মত জলাঞ্জলি দিতে হইবে। তাহাতে ক্ষতি কি? এ জীবনের ভ্রংশে অপকার কি? তাহার অধোগতি অকল্যাণে অপচয় কি?

হরিকিশোর বাবু টুক খুলিলেন। বোতল ও গ্লাস বাহির করিয়া ব্রাণ্ডি ঢালিলেন। আপনি খাইলেন। সংসাহসসম্পন্ন দৃষ্টান্ত দেখাইবার ছলে অগ্রে আপনি পান করিলেন। আর এক গ্লাস ঢালিয়া, কালীপ্রসাদের সম্মুখে ধরিলেন। কালীপ্রসাদ চমকিয়া স্তম্ভিত হইলেন। 'সুরা' শব্দ শ্রবণে যে কালীপ্রসাদের প্রাণ কাঁপিয়া উঠে, শরীর শিহরিয়া উঠে, তাঁহারই সম্মুখে পূর্ণপাত্র সুরা। কালীপ্রসাদ ভীতভাবে, হরিকিশোর বাবুর মুখপানে চাহিলেন। কিন্তু ভদ্রতা এটিকেটের খাতিরে কোন আপত্তির কঠিন কথা বলাও, তাঁহার শিষ্ট বিনীত স্বভাবের একান্তই বিরুদ্ধ। ভীত চকিত ভাবে, হরিকিশোরের মুখের পানে চাহিলেন। হরিকিশোর গ্লাস স্বহস্তে ধরিয়া, তাঁহার হস্তের উপর রাখিয়া কহিলেন "আমার অনুরোধ আপনি অন্ততঃ আজিকার জন্ত পান করিয়া দেখুন। যদি দেহের বল, স্বাস্থ্য, মনে শান্তি আনন্দ না পান, তবে আর কখন এ দ্রব্য স্পর্শ করিবেন না। আর কিছু হউক না হউক জীবনে একটা অভিজ্ঞতাও তো জন্মিতে পারে।" এই সময়ের মধ্যে হরিকিশোরের মনে একটু প্রমোদের হিলোল বহিতে শুরু করিয়াছিল। আনন্দ ভরে হরিকিশোর কহিলেন "পরকালে পাণের জন্ত দায়ী আমি রহিলাম।"

পরকালের পাপ পুণ্য বা হিন্দুয়ানীতে কালীপ্রসাদের হৃদয়ে বড় আস্থা ছিল না। আধুনিক পূর্ণ শিক্ষিত বা অন্ধ শিক্ষিত বুদ্ধিমান যুবকবর্গের আলোকিত চিত্ত-বিশ্বাস সাধারণতঃ যে ভাবাপন্ন হইয়া দাঁড়ায়, কালীপ্রসাদের মন তদ্ব্যতীত অত্ৰ কোন পদার্থ তো নহে। কুসংস্কারবর্জিত কালীপ্রসাদ 'পরকালে' 'হিন্দুয়ানীতে' তেমন বিশ্বাসবান আস্থাবান হইবেন কেন?

কালীপ্রসাদ ভাবিলেন "মন্দ কি! মরিয়া তো অবশ্য যাইব। একদিনে ডুবিয়াও যাইব না। দেখা যাউক না কেন ব্যাপার কি। জীবনে একটা অভিজ্ঞতাও তো জন্মিবে।" এই বলিয়া একটু ইতঃস্ততঃ করিয়া কম্পিত হস্তে সুরাপাত্র ধরিলেন। হরিকিশোর 'কেল্লা ফতে' হইল ভাবিয়া, আত্মদে উৎসাহে উচ্ছ্বসিত হইয়া কহিলেন "তিলাক বিলম্ব করিবেন না। কিছুমাত্র ভাবিবেন না। আপনি দেখুন ছনিয়ায় কি সুন্দর সামগ্রী সুরা। সুরা নয় সত্যই সূধা। সত্যই "Wine is heaven."

কালীপ্রসাদ হস্তে সুরাপাত্র ধরিয়া কাঁপিতে লাগিলেন। হরিকিশোর তাঁহার হস্ত আকর্ষণ করিয়া উত্তোলন করিলেন। কালীপ্রসাদের সমুদয় মানসিক দৈহিক শক্তি প্রলোভন-স্রোতে নিপতিত হইল। কালীপ্রসাদের জীবন-তৃণ সে স্রোতে প্রবলবেগে ভাসিয়া চলিল। একপাত্র পান করিয়া, তাঁহার পিপাসিত প্রাণে একটু ক্ষুধার উদয় হইল। পুনরায় দ্বিতীয় পাত্র—ক্ষণপরে তৃতীয় পাত্র পান করিয়া কালীপ্রসাদ এক নূতন জীবনের নূতন পন্থায় উপনীত হইলেন। দেখিলেন, এ কি সুন্দর দৃশ্য! কালীপ্রসাদ আনন্দে উৎফুল্ল হইলেন। ভাঙা ভাবে কহিলেন হরিকিশোরবাবু! এ তো অতি উত্তম জিনিস! তাই তো এত দিন মাতৃগর্ভে ছিলাম। সত্যই এত কাল জগতের আলোক দেখি নাই।"

হরিকিশোর বাবু কহিলেন "আমি কি আপনাকে মিথ্যা বলিয়াছি?" এই বলিয়া নিজে প্রচুর পান করিয়া, আর এক পূর্ণ পাত্র কালীপ্রসাদকে প্রদান করিলেন। কালীপ্রসাদ পান করিয়া কহিলেন "হরি দাদা! এই সময়ে সেই বালিকা নর্তকীর নৃত্যগীত এই খানে আরম্ভ করিলে হয় না?"

হরিকিশোর তাহা পূর্বেই জানিতেন। পূর্ক হইতেই

তাহার বন্দোবস্ত করিয়া রাখিয়াছিলেন। তাঁহার ইঙ্গিত মাত্র কাশীরায় সেই নর্তকী ও জনৈক বাদক সহ আসিয়া উপস্থিত হইল। নৃত্যগীত চলিতে লাগিল। সুরার স্রোত বহিল। তার পর কি হইল? যাহা হইবার তাহাই হইল। যাহা দুর্লভ-চিত্ত ধর্মবলবিহীন ধনী সন্তানের পক্ষে কুসঙ্গে ঘটয়া থাকে তাহাই ঘটিল। যাহা অপেক্ষা আর ভয়ঙ্কর মূঢ়্য মনুষ্যে। পক্ষে নাই, সেই আধ্যাত্মিক মূঢ়্য কালীপ্রসাদের ঘটিল।

সেলা কোথা হইতে আসিল, কোথা দিয়া চলিয়া গেল, চৈতন্যহীন কালীপ্রসাদ তাহা দেখিলেন না।

ক্রমশঃ

শ্রীশরচ্ছন্দ্র লাহিড়ী।



গম।

গমের চাষের তুলনা করিতে গেলে পৃথিবীতে আমেরিকার যুক্তরাজ্যের পরই ভারতবর্ষকে স্থান দিতে হয়। গ্রেট ব্রিটেন এবং আয়ারল্যান্ড অপেক্ষা ভারতবর্ষে তিন গুণের অধিক গম হয়। গম প্রধানতঃ দুই শ্রেণীতে বিভক্ত—নরম ও শক্ত। নরম গমেতে ভাল ময়দা হয় আর যে গম শক্ত তাহা হইতে অতি সুন্দর সূজি প্রস্তুত হইয়া থাকে। আবার রংবিশেষেও গম নানা শ্রেণীতে বিভক্ত হইয়া থাকে যথা—

(১) ছবিয়া গম—ইহা হইতে অতি সুন্দর ময়দা প্রস্তুত হয়। ইহার দানা শ্বেতবর্ণ পুষ্ট এবং নরম। অত্যাগ্র জাতি হইতে ইহার পাতাগুলি অপেক্ষাকৃত চওড়া, ইহাতে কাল শূঙ্গ আছে।

(২) জামালী গম—দানা বেশ বড় ও নরম। দানার রং পাটল বর্ণ, পাতাগুলি সরু। এক শ্রেণীর জামালী মাঘ মাসে পাকে বলিয়া উহাকে মাঘীয়া বলে।

(৩) গঙ্গাজলী গম—দানা বড়, রং ধূসর, অপেক্ষাকৃত কঠিন, পাতা চওড়া। ঐ গম সূজি এবং আটা প্রস্তুতের বিশেষ উপযোগী।

(৪) খেরী গম—রং—ধূসর বর্ণ, দানাগুলি মাঝারি, গাছের পাতা সরু।

(৫) পুইছা গম—দানাগুলি খুব ছোট ও নরম, রং—ধূসরবর্ণ, পাতা সরু।

(৬) নানবিয়া গম—দানা খুব ছোট ও শক্ত, রং লাল আভায়ুক্ত, পাতাগুলি খুব সরু।

মৃত্তিকা—এঁটেল জমী গমের চাষের পক্ষে প্রশস্ত। গমের চাষ সূচাক্রমে করিতে গেলে, জল সিঞ্চন ইহার পক্ষে বিশেষ প্রয়োজনীয়। সুতরাং ক্ষেত্রনির্বাচনের পূর্বে বিশেষ দৃষ্টি রাখা উচিত যে, ঐ জমীতে জলসিঞ্চনের সুবিধা আছে কি না।

বেলে মাটিতেও গমের চাষ অনেকে করিয়া থাকে কিন্তু উক্ত জমীতে ফসল যে বড় একটা বেশী হয় এমত বিশ্বাস হয় না। চরা ভূমিতে বাহাতে বর্ষার সময় বেশ দস্তুর মত পলি পরে, তথায় অবশ্য গমের চাষ ভালই হইয়া থাকে। নিখাত জল সিঞ্চনে প্রথম প্রথম গমের চাষে খুব ফল পাওয়া যায় কিন্তু এমনও দেখা যায় যে, যে স্থানে উপর্যুপরি নিখাত বারি সিঞ্চনের নিমিত্ত ব্যবহার হইয়া আসিতেছে হঠাৎ তাহার ফসল একেবারেই কমিয়া যায়। মিঃ মুখোপাধ্যায় ইহার দুইটি কারণ নির্দেশ করিয়াছেন। তিনি বলেন (১) অতিরিক্ত জল সিঞ্চন দ্বারা মৃত্তিকার মূল্যবান উপাদানগুলি ধৌত হইয়া যায় এবং উদ্ভিজ্জীবনের অনুপকারী কতকগুলি পদার্থ মৃত্তিকাতে আনীত হয়। (২) ক্রমান্বয়ে কতক বৎসর অধিক পরিমাণে ফল দিতে দিতে পুনরায় সার প্রয়োগ না করার দরুণ জমীর উর্বরতার হ্রাস হইয়া আসে।

চাষ—গমের জন্ত গভীর চাষ বিশেষ প্রয়োজনীয়। আমাদের দেশে কতকগুলি কৃষক আছে যাহারা দুই তিন খানা চাষ ও সেই সংখ্যক মই দিয়াই জমীতে বীজ ফেলিয়া দেয়। ইহারা কি পরিমাণ শস্ত পায় তাহা সহজেই অনুমান করা যাইতে পারে কিন্তু ভাল ভাল কৃষকগণকে জমী গভীর-রূপে কর্ষণ করিবার জন্ত এমন কি ১২১৪ খানা চাষ ও তৎসংখ্যক মইও দিতে দেখা যায়। এই প্রকার চাষে যে ফলন অধিক হয় ইহা কাহাকেও বলিয়া দিতে হইবে না। এত বহুসংখ্যক চাষের পরিবর্তে এক খানা শিবপুরী লাঙ্গলে অথবা তদভাবে একখানা ভাল দেশী লাঙ্গলের সাহায্যে একবার লম্বা ও একবার এঁড়ো চাষ দিয়া তাহার পর কেবল "গ্রাবার" যন্ত্র ব্যবহার করিলে

জমীর চাষও গভীর করা যায় খরচও অপেক্ষাকৃত কম পড়ে। অবশ্য প্রত্যেক বার “প্রাবার” চালানোর সঙ্গে সঙ্গে মই দিতে হইবে যেন জমীর আর্দ্রতা প্রথর স্বর্ঘ্যোত্তাপে নষ্ট হইয়া না যায়।

বীজ ছিটাইয়া বুনা অপেক্ষা নির্দিষ্ট অন্তরে বুনাই ভাল। ইহাতে জলসিঞ্চনের সুবিধা হয়। নির্দিষ্ট অন্তরে বীজ লাগাইবার জন্য এক প্রকার যন্ত্র আছে ইহাকে “সিড্‌ড্রিল” কহে। এই যন্ত্রের বিবরণ পূর্বেই বলা হইয়াছে। এই যন্ত্রের সাহায্য বাতিরেকেও বীজ নির্দিষ্ট অন্তরে লাগান যাইতে পারে যথা ক্ষেত্রে জুলী কাটিয়া ঐ জুলীর মধ্যে বীজ মাটিচাপা দেওয়া, তবে ইহাতে খরচ কিছু বেশী পড়ে। দস্তুর মত শীত আরম্ভ না হইলে বীজ বপন করা উচিত নহে। সাধারণতঃ বিঘা প্রতি ১৫:৬ সের বীজ লোকে ব্যবহার করিয়া থাকে কিন্তু আমাদের মতে ইহা অতিশয় বেশী বলিয়া বোধ হয়; বিঘা প্রতি ৮:৯ সের বীজই যথেষ্ট বলিয়া আমাদের বিশ্বাস।

বীজ দেওয়ার পূর্বে জমী শুষ্ক বলিয়া বোধ হইলে পূর্বেই জল সিঞ্চন করিয়া লওয়া উচিত। গমের চাষে জুই বারের বেশী জল সিঞ্চনের দরকার হয় না যদি জমী স্বভাবতঃই আর্দ্র থাকে তবে জল সিঞ্চন না করিলেও চলে। এমনও হইতে পারে যে বীজ বপনের সময় জমী বেশ আর্দ্র থাকে এবং তাহার পরে ডিসেম্বর এবং জানুয়ারী মাসে অর্থাৎ যখন জল সিঞ্চনের দরকার তখন হয়ত বেশ ২৩ ফসলা বৃষ্টি হইয়া গেল এমতাবস্থায় জল সিঞ্চনের কোনই দরকার নাই। গাছগুলি একটু বড় হইয়া উঠিলে ২১ বার নিড়াইয়া দিলেই গাছ বেশ সতেজ ও সুপুষ্ট হইয়া উঠে। যদি জলসিঞ্চন করা হয় তবে প্রথম জলসিঞ্চনের ৮১০ দিন পরেই একবার নিড়াইয়া দেওয়া উচিত।

সার—বিঘা প্রতি ১১ মণ করিয়া সোরা গমের পক্ষে প্রশস্ত সার। যদি জমী স্বভাবতঃ নিস্তেজ থাকে তাহা হইলে বিঘা প্রতি ১০ মণ হারে অস্থিচূর্ণ ও ৫ মণ খোল চাষের সময় জমীতে প্রয়োগ করা যাইতে পারে কিন্তু সোরাই গমের পক্ষে সর্বাপেক্ষা ভাল সার। যে সব ভূমিতে বগায়া গুলি পড়ে তাহাতে সারের কোন আবশ্যক নাই।


শস্য কর্তন—গম সুপক হইলে ও তাহার খড় সম্পূর্ণ-

রূপে শুষ্ক হইলে উহা কাটা উচিত। গমের গাছ উত্তম-রূপে না শুকাইতে মলাই করা উচিত নহে কেন না তাহা হইলে গমের গাছ ও শীষ ভাঙ্গে না এবং গম ছাড়াইয়া লইতে বিশেষ কষ্ট হয়।

ফলন—সাধারণতঃ বিঘা প্রতি ৩৪ মণ দানা ও তদপেক্ষা কিঞ্চিৎ অধিক পরিমাণে খড় পাওয়া যায়। মাঝে মাঝে বিঘা প্রতি ৭৮ মণও ফলন দেখা গিয়া থাকে।

গমের চাষের পর্যায় সম্বন্ধে কৃষিতত্ত্ববিৎ মুখার্জি সাহেবের মত, কতক নিম্নে উদ্ধৃত করা গেল। জুয়ার অথবা মিলেট এবং গম সাধারণতঃ পর্যায়ক্রমে এক জমীতে দেওয়া হয়। জুয়ার এবং যব গমের জমীতে দেওয়া যাইতে পারে কেন না জুয়ার এবং যব উভয়েই জমীর উপরিস্তর হইতে তাহাদের আহারীয় গ্রহণ করে, এ দিকে গম নিম্ন স্তরস্থিত মৃত্তিকা হইতে তাহার আহার খুজিয়া লয়। কিন্তু আমার মতে কুড়ি অথবা ভাদই মুগ অথবা ভাদই কলাই গমের পূর্বে জমীতে দিলে বিশেষ ভাল ফল পাইবার সম্ভাবনা।

শ্রীরাজেশ্বর দাস গুপ্ত।



আঁখির ভাষা।

সুচারু হস্তা পড়িতেছে ভাঙ্গি
গেছে চূণ বালি খসি,
লতিকা গুল্ম ঢেকেছে আঙ্গিনা
দিবসেতে অমানিশি।
এক পাশে তার আধভাঙ্গা গৃহে
আছে দুঃখী এক প্রাণী,
শেষ হেমন্ত সেফালি গুচ্ছে
মলিন কুমুমখানি
শাশান ভূমির শূন্য কলসী
তারে যবে আমি দেখি,
বসনা সে ব্যথা প্রকাশিতে নারে
প্রকাশে সজল আঁখি।
বিষাদ জড়িত বদন ইন্দু
গাণ্ডু কপোলতল
চারু সীমন্ত সিন্দুরহীন
পৌষের শতদল,
আভরণ হারা বর তনু খানি
বদনে নাহিক কথা,
সত্ত্ব ছেদিত প্রণয় বৃক্ষ
ললিত মাধবী লতা,
শরৎ উষার মান শুকতারি
তারে যবে আমি দেখি
বসনা সে ব্যথা প্রকাশিতে নারে
প্রকাশে সজল আঁখি।
লাবণ্য রাশি গিয়াছে শুকায়ে
তবু রেখা আছে তার
বৈশাখী দিনে সিকতা মগ্ন
তটিনীর জলধার,
পশিয়াছে প্রাণে ব্যাধি-কীট হায়
শুকাইছে ফুলকলি,
বাদশীর শশী পড়িতেছে যেন
অমা নিশি কোলে ঢলি

ভুজগ দষ্ট বিহগের মত
তারে যবে আমি দেখি,
বসনা সে ব্যথা প্রকাশিতে নারে
প্রকাশে সজল আঁখি।
উৎসব-শেষে ধীরে ধীরে আসে
যবে বিজয়ার নিশি,
মধ্যাকাল আসি ফুকারে বিষণ
কাঁপাইয়া দশদিশি,
তৈল বিহীন দেওয়ালী প্রদীপ
একে একে নিভে আসে,
বিদায় বাদ্য বেজে উঠে তার
আপনার প্রিয় বাসে
জীবন বর্ষ ব্যাপি বিচ্ছেদ
দাঁড়ায়ে যখন দেখি,
বসনা সে ব্যথা প্রকাশিতে নারে
প্রকাশে সজল আঁখি
ব্যথিত হিয়ার করুণ কাহিনী
সুললিত মধুগান
দক্ষ ধূপের গন্ধ মধুর
জুড়ায় তাপিত প্রাণ
তপ্ত বৃকের পুত মলিল
সীতা কুণ্ডের জল,
বিষাদ মধুর সঙ্গীত যবে
পরশে মরম তল
কত দূর স্মৃতি কত সাস্বনা
তাহারা যে আনে ডাকি
বসনা সে সব প্রকাশিতে নারে
প্রকাশে সজল আঁখি।
যৌবন শেষে শান্ত স্বচ্ছ
কূলে কূলে ভরা নদী
শশীর স্নহর ভরি দেয় যবে
তাহার বিমল হৃদি
নিশিথ তরীর দূর সারি গান
সমীরণ আনে লুটি

বিরহবাহিনী বহে মাঝখানে

কাঁদে চক চকী ছুটী।

প্রবাসী নয়নে যত চেনা মুখ

দেয়গো তাহার আঁকি

রসনা সে সব প্রকাশিতে নারে

প্রকাশে সজল আঁখি।

সচকিত চারি আঁখির মিলন

অধরে বিজলি হাসি,

চল অপাঙ্গে সরসের খেলা

বলে যে কাহিনী রাশি

প্রবাসে যা বলে বাঞ্ছিত মুখ

যা বলে তারকাগুলি

যত কথা রাখে রঙেতে মিশায়

চিত্রকরের তুলি,

গাহি গান কবি জীবন ব্যাপিয়া

যত কথা রাখে বাকি

রসনা সে সব প্রকাশিতে নারে

প্রকাশে সজল আঁখি।

মুরতি বাহার চির পরিচিত

তবুও চিনিতে নারি,

তাপিত পরাণ করে স্মৃশীতল

বাহার করুণা বারি

বিপদ মন্দ তাহার গন্ধ

কভু বহে আনে প্রাণে,

কভু পাই যার বাঁশরীর স্বর

বৈষ্ণব কবি গানে,


আমি যত কথা প্রাণাধিকে মোর

বলিবারে চাই ডাকি,

রসনা সে সব প্রকাশিতে নারে

প্রকাশে সজল আঁখি।

শ্রীকুমুদরঞ্জন মল্লিক।



প্রকৃতিবাদ তত্ত্ব।

পুণ্যময় পবিত্র ভারতক্ষেত্রে বৈদিক তত্ত্বের সমালোচনার পরেই দার্শনিকগণ শিষ্যের মত শ্রুতির আদেশ মস্তকে বহন করিয়া আপনাদের মত প্রচার করিয়াছিলেন। কিন্তু আর কেহ না ইউক সাংখ্যদর্শনকার শ্রুতিকে মাঝে মাঝে আপনার প্রতিকূলবাদী বলিয়া একটু একটু মত প্রকাশ করিয়াছেন। মহামুনি কপিলের শিষ্য সাংখ্যকারিকায় সপ্ততি শ্লোকময় স্বকীয় গ্রন্থে কৈবল্যপন্থা নির্ণয় করিতে গিয়া শ্রুতির বিধেয়বিশেষকে রক্ষা-কবচাদি মন্ত্রের শ্রেণীভুক্ত করিয়াছেন। স্বয়ং কারিকাকার লিখিয়াছেন—

“দৃষ্টবদানুশ্রবিকঃ সহবিগ্ধক্ষিফ্যাতিশয়যুক্তঃ”

এই কথাটা বুঝিয়া লইতে হইলে অগ্রে আমাদের ইহার প্রকরণ নির্ণয় করিতে হইবে।

সাংখ্যদর্শনের “অথ ত্রিবিধ ছঃখাত্যন্তনিবৃত্তি রত্যন্ত পুরুষার্থঃ” এই মৌলিকসূত্র লইয়া এই কারিকাগ্রন্থের অবতারণা, ত্রিবিধ ছঃখের অত্যন্ত বিনাশে দৃষ্টহেতুর শক্তির অভাবের হ্রাস “আনুশ্রবিক” ও গৃহীত হইয়াছে। কারিকার ভাষ্যকার স্বয়ং গোড়পাদ আনুশ্রবিক শব্দে বেদোক্ত ক্রিয়াবিশেষ নির্দেশ করিয়াছেন। তিনি বলিয়াছেন আনুশ্রবতীত্যনুশ্রবঃ তত্রভব আনুশ্রবিকঃ স চ আগমাৎ সিদ্ধঃ। এই কথায় সায় দিয়া সাংখ্যদর্শনের প্রসিদ্ধ ভাষ্যকার বিজ্ঞানভিক্ষুও আনুশ্রবিক শব্দে বেদোক্ত ক্রিয়াবিশেষ স্বীকার করিয়াছেন তিনিও বলিয়াছেন “গুরোরনুশ্রবতে ইত্যনুশ্রবঃ বেদঃ তদ্বিহিতযাগাদি রানুশ্রবিকঃ।” কারিকার ভাষ্যকার বৈদিক প্রসঙ্গের উল্লেখে বলিয়াছেন। সকলে বিচার করিল আমরা কেমন করিয়া অমর হইব, কেমন করিয়া পরম জ্যোতিঃ পাইব, কেমন করিয়া দিব্য যাহা তাহা জানিতে পারিব, কেমন করিয়া শত্রুর হাত এড়াইব, কেমন করিয়া ব্যাধি ও হিংসার হস্ত হইতে মুক্ত হইব। অমনি পথ নির্ণয় হইল—

অপাম সোমমমৃত্য অভূমাগন্ম জ্যোতিরবিদ্যাম দেবান্।

কিন্মনমস্মান কৃণবদরাতিঃ কিমুধুর্তিরমৃতমর্ভশ্চ ॥

সোমপান করা হইল বটে কিন্তু ফলশ্রুতি রক্ষা হইল

না কারণ কেহই অমর হইতে পারিলেন না সকলেই ক্ষয়োন্মুখ, যথা—

বহুনীল সঃস্রাগি দেবানাঞ্চ যুগে যুগে।

কালেন সমভীতানি কালোহি ছরতিক্রমঃ ॥

শ্রুতি আবার অগ্নমেধ যজ্ঞের ফলশ্রুতিকে বর্জন সময়ের ঔবধের বিজ্ঞাপনের মত ঘোষণা করিয়াছেন। তিনি বলিয়াছেন “সর্বলোকান্ জয়তি মৃত্যুং তরতি পাপ্যানাং তরতি ব্রহ্মহত্যাং তরতি যো যোহঃস্বমেধেন যজতে।”

সাংখ্যদর্শন কিন্তু এমতকেও আপনার মতের সহচর করেন নাই। ভাষ্যকার বিজ্ঞানভিক্ষু, “বৈধহিংসার অতিরিক্ত হিংসাই পাপ” এই সম্বন্ধে প্রমাণাভাব উল্লেখ করিয়া যুধিষ্ঠিরাদির বৈধ জ্ঞাতিবধে প্রায়শ্চিত্তের দৃষ্টান্ত প্রদর্শন করিয়াছেন। ভাষ্যকার আপনার মত বজায় রাখিবার জন্ত মার্কেণ্ডেয়কে সহযোগী করিয়া তাহার প্রমাণ সংগ্রহ করিয়াছেন। ত্রয়ীধর্ম্ম অর্থাৎ বৈদিক ধর্ম্মকে হিংসা প্রকরণে মার্কেণ্ডেয় বলিতেছেন।—

তস্মাদ্ যাত্মামাহং তাত। দৃষ্টে মং ছঃখমনিধিঃ ত্রয়ীধর্ম্ম-
মধর্মাচ্যঃ কিম্পা কফলসন্নিভং ॥

শুক্লাচার্য্য ও বুঝি এই মতের পোষকতায় বলিয়াছেন—

যুপংকৃতা পশুন কীর্ত্বী কৃতা কৃধিরকর্দমং।

যদি নরঃ স্বর্গং যতি নরকং কেন গম্যতে ॥

যুপ করিয়া পশু কাটির কৃধিরের কাদা করিয়া মানুষ যদি স্বর্গে যায় তবে নরক কাহার জন্ত সৃষ্ট হইয়াছে। বুঝি ভারতকে বৈদিক যজ্ঞীয় ধূমাচ্ছন্ন দেখিয়াই শাক্যসিংহ “মাহিংসন্ সর্ভভূতানি” এই বলিয়া পৃথকভাবে সম্প্রদায় দাঁড় করিলেন। ভারতীয় মনস্বী কবি ভারবি হিংসাকে মুক্তিপথের প্রতিকূল বলিয়া ঘোষণা করিয়াছেন। তিনি “কিরাতাজ্জুনীয়ে” অর্জুন-ইন্দ্র সংবাদে ইন্দ্রমুখে বলিয়াছেন—

যঃ করে তি বধোদর্কাঃ নিশ্রেয়সকবীঃ ক্রিয়াঃ।

প্রানিদোবচ্ছিদঃ স্বচ্ছাঃ সমূচঃ পক্ষয়তাপঃ ॥

আমরা সাংখ্যদর্শনের প্রতিকূল মতের উল্লেখ করিতে বাইয়া আরও কতকগুলি প্রতিকূল মত সমর্থন করিয়াছি, অবশ্য স্বীকার করিতে হইবে ইহার কোন কোন মত সাংখ্যদর্শনের মত প্রসূত।

আবার কিন্তু সাংখ্যদর্শনকার শিষ্যের মত শ্রুতির অনুশাসন মস্তকে বহন করিয়া আপনার মতগুলিকে দৃঢ়ভিত্তির উপর দাঁড় করাইয়াছেন। প্রথম সূত্রের “অণ” শব্দটির মঙ্গলার্থ প্রমাণে শ্রুতির অনুশাসন গ্রহণ করিয়া স্বয়ং বলিয়াছেন “মঙ্গলাচরণঃ শিষ্টাচারঃ ফলদর্শনাঃ শ্রুতি তশ্চেতি।” বাস্তবিক পক্ষে সাংখ্যদর্শনের মূলতত্ত্ব অনুসন্ধান করিতে গেলে স্পষ্টই প্রতীয়মান হয় যে, ইহার ভিত্তি শ্রুতিকে লইয়াই গঠিত। দর্শনকার যে প্রকৃতি পুরুষের ছবি আঁকিয়া আগাদের সম্মুখে দাঁড় করিয়া কোন্টী কোন্ রঙ্গে চিত্রিত তাহা পরিষ্কাররূপে বুঝাইয়া দিয়াছেন। তাহার মৌলিক রঙগুলি শ্রুতির কারখানা হইতে সংগৃহীত। আত্মার অর্থাৎ পুরুষের মাঙ্কাৎ-কারই মুক্তি। এই আত্মতত্ত্ব নির্ণয় করিতে হইলেই আত্মের অখচ আত্মার সহিত বাহার সম্বন্ধ রহিয়াছে তাহাই নির্ণয় করিতে হইবে। এই প্রসঙ্গ দেখিতে গেলে প্রকৃতির সহিত পুরুষ একটা ছুঁছে ছুঁ বন্ধন আমাদের উপলব্ধি হইবে। পুনঃ পুনঃ আবর্তিত এই বন্ধন ছিন্ন করিবার উপায়স্বরূপ কে প্রকৃতি, কে পুরুষ, এই বিবেকের নানই মুক্তি। এই কথাই সাংখ্যকার নিজ ভাষায় বলিয়াছেন “প্রকৃতিপুরুষোবিবেকাগ্রহণাৎ সংসারঃ, বিবেকগ্রহণাৎ মুক্তিঃ” আমরা এই দর্শনের পারিভাষিক “বিবেক” শব্দটির যথার্থ্য শক্তি লোপ করিয়া যথেষ্ট ব্যবহার করিতেছি। এখন আমরা বুঝিতে পারিলাম—দর্শনকার প্রাকৃতিক তত্ত্ব সম্বন্ধে মোক্ষকে কৈলিক বিন্দু করিয়া “ব্যক্তাব্যক্তজ্ঞ” ইহাদের প্রত্যেকটি লইয়া অস্পূরীয়ক বৃত্ত আঁকিয়া নিজ প্রচলিত মতগুলিকে সাংখ্য নাম দিয়াছেন। সাংখ্যশব্দ হইতে সাংখ্যশব্দের উৎপত্তি। কে কে ইহার সম্বন্ধে গ্রন্থনাম নির্দেশ প্রসঙ্গে বলিয়াছেন।—

সাংখ্যাং প্রকৃষতে চৈব প্রকৃতিঞ্চ প্রচক্ষতে।

তত্বানিচ চতুর্বিংশৎ যেন সাংখ্যা প্রকীর্ত্তিতাঃ ॥

এখন আমাদের দেখিয়া লওয়া আবশ্যিক যে শ্রুতির কোন্ উপদেশকে সাংখ্যদর্শনকার আপনার গন্তব্য পথ নির্ণয়ের দ্রব নক্ষত্র করিয়াছিলেন। শ্রুতি গাহিয়াছেন “আত্মা বারে দ্রষ্টব্যঃ শ্রোতব্যো মন্তব্যো নিদিধ্যাসিতব্যঃ” এ সম্বন্ধে প্রমাণও উক্ত হইয়াছে। শ্রোতব্যঃ শ্রুতি-বাক্যেভ্যঃ মন্তব্যঃ শ্চেপাপত্তিভিঃ। নহ্যচ সততং ধোয়

এতে দর্শনহেতবঃ ॥ শ্রুতিবাক্য হইতে শ্রবণ উপপত্তি হইতে মনন তদনন্তর যোগশাস্ত্র প্রকারে ধ্যান করিতে হইবে তবেই আত্মসাক্ষাৎকারে পৌছিতে পারা যাইবে অতএব এখন আমরা দেখিতে পাইলাম দর্শনকারের সুদৃঢ় ভিত্তি শ্রুতিকে লইয়াই গঠিত এ সম্বন্ধে বিজ্ঞানভিক্ষু ও বলিয়াছেন—“শ্রুতিবিরোধিনীরূপপত্তীঃ ষড়ধ্যায়ীরূপেণ বিবেকশাস্ত্রেণ কপিলমূর্ত্তিভগবান্ উপদিদেশ ॥”


ইহা দ্বারা ইহাও প্রমাণিত হইতেছে যে, ভাষ্যকার ষড়ধ্যায়ীরূপী বেদশাস্ত্রের অবিরোধী বলিয়া সাংখ্যদর্শনকে নির্দেশ করিয়াছেন। অথচ কিন্তু আমরা দেখিয়াছি স্থলবিশেষে শ্রুতির বিরোধী মতও ভাষ্যকার অনুমোদন করিয়াছেন। একটু অনুসন্ধান করিলে দেখিতে পাইব যে, এই বিরোধী স্থলে গোণমুখ্য ব্যবহার করিয়াছেন অর্থাৎ যে মতটী দর্শনের বিরোধী, শ্রুতির সেটীই গোণ-মন্তব্য অপরগুলি মুখ্য। কেহ কেহ বলেন ভাষ্যকার শ্রুতির অবিরোধী দর্শন এই কথা প্রমাণ করিতে গিয়া যে “উপপত্তি” শব্দটী ব্যবহার করিয়াছেন, তাহা দ্বারা ইহাই প্রমাণিত হইতেছে যে, যাহা শ্রুতির যুক্তিযুক্ত তাহাই দর্শনের গ্রাহ্য। আমরাও এই কথায় সায় দিয়া বলিতে পারি দর্শনকার স্বাধীনভাবে আপনার গন্তব্যপথে নৌকা চালাইতে গিয়া অনুকূল পাল টানিয়াছেন, প্রতিকূল গুণরঞ্জু ধরিয়াছেন।

দর্শনকার প্রমাণ্যবাদে জৈমিনীকেও প্রতিকূলমুখে রাখিয়াছেন। জৈমিনী যে ছয়টী প্রমাণ সংগ্রহ করিয়া তত্ত্বনিয়ম করিতে গিয়াছেন, সাংখ্য সে ছয়টী প্রমাণের অর্ধ বন্দোবস্ত করিয়া প্রমাণ বাহুল্যে নিরাবশ্যকতা ঘোষণা করিয়াছেন, জৈমিনীর অর্থাপত্তিকে অনুমানের ভিতরে এবং বাদবাকী সম্ভব, অভাব, প্রতিভা, ঐতিহ্য উপমা, এই পাঁচটীকে আপ্তবচনের ভিতর নির্দেশ করিয়া দর্শনকার প্রত্যক্ষ বলিয়া আরও একটি প্রমাণ স্বীকার করিয়াছেন। বর্তমান প্রবন্ধে অহর্ভাবের কারণ নির্দেশ সম্ভব নহে বলিয়া আপাততঃ ইহা হইতে আমরা ক্ষান্ত রহিলাম। সাংখ্যদর্শনকে আমরা চিকিৎসাশাস্ত্রের ত্রায় চারিটী ভাগে বিভক্ত দেখিতে পাই। চিকিৎসাশাস্ত্র যেমন রোগ, আরোগ্য, রোগনিদান ও ঔষধ এই কয়টী লইয়াই গঠিত, দর্শনশাস্ত্রও সেইরূপ হেয়, হাণ, হেয়হেতু, হাণোপায় এই

চতুষ্টয়ের অভিব্যক্তি। ব্যাধি হইলে যেমন তাহার দূরী-
করণ আবশ্যক এবং এই দূরীকরণের নামই আরোগ্য,
সেই আরোগ্য করিতে হইলে নিদান, পূর্বরূপ, রূপ, উপশয়,
সম্প্রাপ্তি, এই পঞ্চাবয়বাত্মক নিদান নির্দেশ আবশ্যক ও
তদনুযায়ী ঔষধ প্রযুক্ত। দর্শনেরও চতুষ্টয় বাহ
এইরূপ। এই কথাটা পরিষ্কাররূপে বুঝিতে হইলে
দর্শনের পারিভাষিক বাহুচতুষ্টয় এক বুঝিয়া লওয়া
আবশ্যক। হেয় বলিয়া যাহার নাম উল্লিখিত হইয়াছে
তাহাই “ত্রিবিধজুঃখ”। ইহার ব্যাধির সাদৃশ্যে বোধ হয়
সকলেই একমত হইবেন। “হাণ” ইহার নামান্তর মোক্ষ
ইহার সহিত আরোগ্যের তুলনা করা হইয়াছে, এই তুল-
নায় একটু সামঞ্জস্যের অভাব দেখিতে পাওয়া যায়,
আরোগ্য হইলে পুনরায় ব্যাধির উৎপত্তি সম্ভব হইতে
পারে। কিন্তু মোক্ষের পুনরাবর্তন অসম্ভব। এইরূপ
স্থলে ইহা ধরিয়া লওয়া যায় যে অনুপমেয় মোক্ষের সহিত
একটী উপমা দিতে যাওয়া কথঞ্চিদ্রুপে বুঝিবার ব্যবস্থা
মাত্র। এইরূপভাবে অবিবেকরূপী হেয়হেতু এবং বিবেক
খ্যাতিরূপী হাণোপায় ইহাদের সহিত যথাক্রমে রোগ-
নিদান ও ঔষধের দৃষ্টান্তের নিকশ বুঝিয়া লইয়া যাইতে
পারে।

দর্শনকার এইরূপ চারিটী বাহু নির্মাণ করিতে গিয়া
আপনার স্বাধীন মত বজায় রাখিয়া অনেকের সহিত
এইরূপ খটকা বাজাইয়াছেন, বিজ্ঞানভিক্ষু সালিশ সাজিয়া
কোন কোন স্থলে মীমাংসা করিয়াছেন। আমরা বারান্তরে
সেই মতগুলি দেখাইতে চেষ্টা করিব।

শ্রীযামিনীরঞ্জন সেন গুপ্ত কাব্যাতীর্থ।



অনন্ত রামায়ণ ।

বিগত জ্যৈষ্ঠ মাসের ২য় সংখ্যা প্রদীপে “ব্রহ্মপুত্র
উপত্যকার প্রাচীন কবি” শীর্ষক প্রবন্ধে কবি অনন্ত
কন্দলির বিষয়ে কয়েকটী কথা লিপিবদ্ধ করিয়াছি।
সুতরাং ঐ কথাগুলির পুনরুক্তি নিম্নলিখিত। সম্প্রতি
কবি অনন্ত কন্দলির রামায়ণের “কিক্কাক্যাকাণ্ড” সংগ্রহ
করিয়াছি। এই কবির বিষয় “বঙ্গভাষা ও সাহিত্যের”
১১২ পৃষ্ঠায় শ্রীযুক্ত বাবু দীনেশচন্দ্র সেন বি, এ মহাশয়
উল্লেখ করিয়াছেন। তাঁহার অবলম্বন শ্রীযুক্ত করুণানাথ
ভট্টাচার্য্য সংগৃহীত পুঁথি। উক্ত পুঁথিতে বা ককুণা বাবুর
বক্তব্যে কবির বিষয় কিছু না থাকায় দীনেশ বাবুকে
অনুমানের উপর নির্ভর করিতে হইয়াছে। সুখের বিষয়
তাঁহার অনুমান অনেকাংশে সত্যের সমীপবর্তী হইয়াছে।
যথাঃ—“আমরা ইহা নূন পক্ষে ১০০ শত বৎসর পূর্বে
রচিত * * * অনুমান করি।” * * *
আমরা এই পুস্তকের প্রণেতাকে বঙ্গের পূর্বোত্তর * * *
কোন পল্লীর অধিবাসী বলিয়া গ্রহণ করিতে পারি।”
আমরাও তাঁহাকে অনুোধ করিতেছি “বঙ্গভাষা ও
সাহিত্যের” পরবর্তী সংস্করণে তাঁহার অনুমান সত্যসিদ্ধ
করিয়া লইবেন। এ বিষয়ে আর কিছুই বলিবার নাই।
নিম্নে পুঁথি হইতে কিছু কিছু উদ্ধৃত করিয়া দিতেছি।
প্রাচীন বঙ্গ-সাহিত্যের পাঠকবর্গ কবির কবিত্ব ভাষা
শ্রুতির যথাবিহিত বিচার করিবেন।

সুগ্রীবের প্রতিজ্ঞা ।

* * *
দিব্য ধনু ধরিবঞা, ঘোর শর প্রহারিবো
পৃথিবী পাতাল বিদারিবো।
অনন্তক যুজিবোহো, ত্রিভুবন কপাবোহো
ত্রিদশর ভয়ক জন্মাইবো।
শরে শরে বিদারিবো, সমুদ্রক শুখাইবো
রাক্ষস কুলক লাগ পাইবো।
রাবণক লাগ পাইবো, দশশির কুটীবো
রিপুকুল সমস্তে দহিবো ॥ ৫০ ॥

জাগৌকিক উদ্ধারিবো, নিজ বীর্ঘ্য প্রকাশিবো
মিত্রর হরিষ দরশিবো।

* * *
তারার শাপ ।

“তারা বোলে প্রভুরাম করিলাহা কি ক।
নিদারুণ ব্যাধ ঘেন বধিলা বালীক ॥
দেখা মহাশক্তি মোর শোকে তনু কম্পে।
তোমাকে দহিবো পারো পতিব্রতা শাপে ॥
তোমাক দহিলে কিন্তু নিজীবন্ত স্বামী।
তাতে সে তোমাক ভং সনা করিলো আমি ॥
হেন জানিয়া ন জানা ন করা পাপ।
তোমাক দিবোহো গোমাই অনুরণ শাপ ॥
মোক ঘেন স্বামী সহে রহে বঞ্চিলাহা।
তুমিয়ো সীতার সঙ্গে রহ না পাইবাহা ॥”

* * *
শুনিলোক সভাসদ পদ রামায়ণ।
ভাই ভাই দেখা কেনে মিলে মহারণ ॥
বিষয় সুখর মদে নছাড়ে অছাই !

* * *
মই কেনে মুড়মতি দেখিয়ো সভাসদ।
মহামুখ ছয়া করো রামায়ণ পদ ॥
হেন জানি তেজিলোক বিষয় আক্রোশ।
কৃষ্ণে জেন দেহু হই তাহাত সতোষ ॥
সুখে ছুখে না চারিব * হরির চরণ।
হতো ঘোর সংসারত হরিশে তারণ ॥

* * *
অনন্ত কন্দলি কহে এহি মূল কাম।
গুচোক আপদ বোলা রাম রাম ॥

* * *
শ্রীদেবনারায়ণ ঘোষ ।



শ্রীখণ্ডের প্রাচীন বৈষ্ণব কবি।

৩। বলরাম দাস

প্রাচীন বৈষ্ণব সাহিত্য পাঠে একাধিক বলরাম দাসের পরিচয় পাওয়া যায়—সকলেই কিছু স্বতন্ত্র ব্যক্তি নহেন :—

বৈষ্ণববন্দনায় তিন জন বলরামের নাম উল্লেখ আছে।

- (১) “সঙ্গীত কারক বন্দো বলরাম দাস।
নিত্যানন্দ ধর্মের বীর সুদৃঢ় বিশ্বাস ॥”
- (২) কানাই খুটিয়া বন্দো বিশ্বের প্রচার।
জগন্নাথ বলরাম দুই পুত্র বার ॥
- (৩) বন্দো উড়িয়া বলরাম দাস মহাশয়।
জগন্নাথ বলরাম বশ বার হয় ॥
- (৪) মহাপ্রভুর দাক্ষিণাত্য দেশ হইতে প্রত্যাবর্তন
কালে, এক বলরাম দাস তাঁহাকে সিঙ্গা বাজাইয়া অভ্যর্থনা
করিয়াছিলেন।
“রাম সিঙ্গা বাজাইতে বড়ই পণ্ডিত।
বলরাম দাস আসে হ’য়ে পুলকিত ॥”
গোবিন্দ দাসের করুণা।
- (৫) অদ্বৈত আচার্য্য প্রভুর এক পুত্রের নাম বলরাম
ছিল।
- (৬) “প্রেমবিলাস” গ্রন্থে রামচন্দ্র কবিরাজের শিষ্য
কবিপতি বলরাম নামধেয় আর এক জন বলরাম দাসকে
পাওয়া যায়।
- (৭) শ্রীনিবাস শাখার আর এক জন বলরাম দাস
ছিলেন।
- (৮) “নরোত্তম বিলাসে” পূজারি বলরাম বলিয়া
নরোত্তম ঠাকুরের এক শিষ্যের নাম দেখা যায়।
- (৯) গোয়াড়ী নিবাসী বলরাম দাস নামক জনৈক হাড়ী
দারবান বলরামভজা সম্প্রদায়ের প্রবর্তক, ঐ সম্প্রদায়
আজিও নদীয়া, বঙ্গমান, পাবনা, প্রভৃতির স্থানে স্থানে
বসবাস করিয়া থাকে।

(১০) কবিকল্প উপাধিধারী জনৈক বলরাম মুকুন্দ

রামের পূর্বে চণ্ডী প্রণয়ন করিয়াছিলেন, মেদিনীপুর
অঞ্চলে ঐ গ্রন্থ প্রচলিত ছিল।

(১১) বৈষ্ণব বন্দনায় বলরাম মহোতির নাম পাওয়া
যায়।

পদকর্তা বলিয়া বিশেষ খ্যাতি ইহাদের ছিল না।
নিম্নে দুই জনের কবি বলিয়া খ্যাতি ছিল :—

১। কৃষ্ণনগরের অন্তর্গত দোগাছী গ্রামনিবাসী
নিত্যানন্দশিষ্য বলরাম দাস। কবিরাজ গোস্বামীর স্বরূপ
বর্ণন নামক গ্রন্থে দেখা যায় :—

“মন্দির মার্জনা করে সুমন্দির সখী।

এবে তাঁর বলরাম দাস খ্যাতি লিখি ॥”

“ভাবামৃত মঙ্গল” গ্রন্থে যথা :—

“জয় ও ভূপ্রিয় বলরাম দাস।

সঙ্গীত প্রবীণ দোগাছিয়া বার বাস ॥”

“জয় দ্বিজ বলরাম দোগাছিয়াবাসী।

গৌরগুণগানে যেই মত্ত দিবানিশি ॥”

২। কিন্তু আর এক জন উচ্চতর শক্তিসম্পন্ন কবি ও
পদকর্তা চৈতন্যের সমসাময়িক, শ্রীখণ্ডে জন্মগ্রহণ করিয়া
ছিলেন। আজ তাঁহারই জীবনী ও কবিত্বের পরিচয় লইতে
আমরা আসিয়াছি। ইনিই বৈষ্ণবসাহিত্যে সুপরিচিত
“প্রেমবিলাস” গ্রন্থপ্রণেতা—সেই গ্রন্থে তিনি এইরূপ আত্ম-
পরিচয় দিয়াছেন।

“মাতা সৌদামিনী, পিতা আত্মারাম দাস।

অশ্রু কুলেতে জন্ম শ্রীখণ্ডেতে বাস ॥

আমি এক পুত্র মোরে রাখিয়া বালক।

পিতা মাতা দৌহে চলি গেলা পরলোক ॥

অনাথ হইয়া আমি ভাবি অনিবার।

রাত্রিতে স্বপন এক দেখি চমৎকার ॥

জাহ্নবাঈশ্বরী কহে কোনও চিন্তা নাই।

খড়দহে গিয়া মন্ত্র লহ মোর ঠাই ॥

স্বপ্ন দেখি খড়দহে কৈলা আগমন।

ঈশ্বরী করিলা মোরে কৃপার ভাজন ॥

বলরাম দাস নাম পূর্বে মোর ছিল।

এবে নিত্যানন্দ দাস শ্রীমুখে রাখিলা।

ইহা হইতে জানা যায় যে তাঁহার পিতার নাম আত্মা-
রাম দাস, পিতামাতার এক সন্তান, শৈশবেই দুই জনে

তাঁহাকে অনাথ করিয়া গেলেন। জাতিতে বৈষ্ণব ও নিবাস
শ্রীখণ্ড গ্রামে। এবং ইহাও বেশ স্পষ্ট বুঝা যায় যে, স্বপ্ন
অনুযায়ী তিনি জাহ্নবাঈশ্বরীর নিকট দীক্ষা গ্রহণ করিয়া
ঐহিক ও পারত্রিক উভয় উন্নতিই সাধন করিয়াছিলেন।
নিম্নে দুই ছত্র উদ্ধৃত করিতেছি :—

মোর দীক্ষা গুরু হয় জাহ্নবাঈশ্বরী।

যে কৃপা করিলা মোরে কহিতে না পারি ॥

তাঁহার পূর্বনাম বলরাম দাস ছিল, দীক্ষার পর শুকদত্ত
নিত্যানন্দ দাস নাম গ্রহণ করেন। ইহার পিতা আত্মারাম
দাস সম্বন্ধে আমরা এইমাত্র জানিতে পারি যে, তিনি এক
জন নিত্যানন্দভক্ত ও গৌরানন্দ দেবের সামসাময়িক ছিলেন।
ইনিও একজন পদকর্তা, ইহার কয়টিমাত্র পদ আমরা
বহু কষ্টে সংগ্রহ করিয়াছি, কয়টি “পদকল্পতরু”তে আছে
একটি পাঠকগণকে উপহার দিতেছি :—

“অঙ্গন গঙ্গন, লোচনগঙ্গন, গতি অতি ললিত স্থান।

চলত খলত পুন, পুন উঠি গরজন, চাহনি বন্ধ নয়ান ॥

গৌর গৌর বলি, ঘন দেই করতালি, কঙ্গনয়ানে বহে লোর।
প্রেমেতে অবশ হইয়া, পতিতেরে নিরখিয়া,

আইস আইস বলিয়া দেই কোর ॥

ছুঙ্কার গরজন, মালসাট পুন পুন, কত কত ভাববিথার।
কদম কেশর জগু, পুলকে পুরিল তনু,

ভাইয়ার ভাবে মাতোয়ার ॥

আগম নিগম পর, বেদ বিধি অগোচর,

তাহা কৈল পতিতের দান।

কহে আত্মারাম দাস, না পাইয়া কৃপা লেখ,

রহি গেল পাবণ সমান ॥”

এই বলরাম দাস সম্বন্ধে উল্লেখ বহু গ্রন্থে পড়িয়া
যায়—তাহা হইতে ইনি যে কিরূপ প্রসিদ্ধি লাভ করিয়া
ছিলেন তাহা অনুমান করা যায়। “পদকল্পতরু”র ভূমি-
কায় লিখিত হইয়াছে “কবিনৃপবংশজ, ভুবনবিদিত যশ,
জয় যনশ্রাম বলরাম ॥” এই বলরাম কবিরাজের বিষয়
“নরোত্তম বিলাস” গ্রন্থেও উল্লিখিত হইয়াছে। বৈষ্ণব
বন্দনায় ইনিই যে সঙ্গীতকারক ও নিত্যানন্দ শাখাভক্ত,
সে কথা পূর্বে বলিয়াছি।

হনি এক জন ভক্তপ্রবর ছিলেন, নিত্যানন্দ প্রভুর

প্রতি ভক্তি অত্যন্ত সুদৃঢ় ছিল। সেই প্রেমিক, ভক্ত,
কবি সম্বন্ধে চৈতন্যভাগবৎ গ্রন্থে লিখিত হইয়াছে :—

“প্রেমরসে মহামত্ত বলরাম দাস।

বাহার বাতাসে সব পাপ পায় নাশ ॥”

চৈতন্যভাগবৎ, অন্ত্যখণ্ড, ৬ষ্ঠ অধ্যায়। “চৈতন্য-
চরিতামৃতে” :—

“বলরাম দাস কৃষ্ণ প্রেমরসাস্বাদী ॥”

নিত্যানন্দ নামে হয় পরম উন্মাদী ॥”

সেতুরীর প্রসিদ্ধ মেলাস্থলে জাহ্নবাঈ দেবী ও অগাথ
নিত্যানন্দভক্তগণ সঙ্গে তিনি উপস্থিত হইয়াছিলেন।
তখন তিনি বৃদ্ধ ও বিজ্ঞবর বলিয়া পরিচিত। যথা “ভক্তি
রত্নাকরে” :—

“মুরারী চৈতন্য জ্ঞানদাস মহীধর।

পরমেধর দাস বলরাম বিজ্ঞবর ॥”

তাঁহার “প্রেমবিলাস” গ্রন্থে ঐতিহাসিক অংশ অত্যন্ত
অল্প, তাহা প্রধানতঃ কবিকল্পনায় পূর্ণ। বিষয়বর্ণন
প্রভৃতিতে গ্রন্থকারের ক্ষমতার পরিচয় পাওয়া যায়।
গ্রন্থখানি প্রধানতঃ শ্রীনিবাস প্রভুর ও শ্রীমানন্দের বিষয়
লইয়া রচিত, ইহা বিংশ অধ্যায়ে সম্পূর্ণ। “প্রেমবিলাস
ছাড়া “গৌরান্দিক,” “বীরচন্দ্রচরিত,” “রসকল্পসার”
“কৃষ্ণলীলানুত” ও “হাটবন্দনা” নামক আরও পাঁচখানি
গ্রন্থ তিনি রচনা করিয়াছেন।

“তৃতীয় সময় কালে, বন্দন সে হাতে গলে

পুত্র কলত্র গ্রহবাস।

আশা বাড়ে দিনে দিনে ত্যাগ নাহি হয় মনে,

হরি পদে না করিহু আশ ॥”

এই পদাংশ দেখিয়া অনেকে অনুমান করেন, যে
তিনি পুত্রকলত্র লইয়া বোধ হয় সংসারী হইয়া ছিলেন;
কিন্তু তাঁহার বংশাবলীর কোনও সন্ধান আমরা পাই নাই।
সম্ভবতঃ :৫৩৭খঃ তাঁহার জন্ম হইয়া থাকিবে।

কবিত্ব।

বিদ্যাপতি, চণ্ডীদাস, গোবিন্দদাসের পরেই বৈষ্ণব
কবি ও পদকর্তাগণের মধ্যে বলরাম দাসের নাম উল্লেখ-
যোগ্য সম্বন্ধে নাই।

চণ্ডীদাসের পদাবলীর মত বলরাম দাসেরও কবিতা

কবিহৃদয়ের স্বতঃউৎসারিত ভাবধারা! চণ্ডীদাসের মত তাহাতে ভাবের গভীরতা নাই সত্য। এবং বিজ্ঞাপতি ও গোবিন্দদাসের কবিতাস্থলভ অসাধারণ শাক্তিকতা, ছন্দের অপূর্ণ ঝঙ্কার, চরিত্রচিত্রণের সুন্দর বর্ণচ্ছটা বিরল বটে, কিন্তু তথাপি তাঁহার সরল বর্ণনা, মধুর ভাবাবেশ প্রেম ও আবেগে ভাবোচ্ছ্বাস হৃদয় হরণ করে।

গোবিন্দদাসের এই স্থলে বিদ্যাপতির অনুকরণের ছায়া পড়িয়াছে কিন্তু বলরাম দাসের কবিতা সম্বন্ধে তাহা বলা যায় না; ভাল হউক, মন্দ হউক, সমস্ত কবিতার ভাবগুলিই তাঁহার নিজস্ব। দৃষ্টান্ত দ্বারা পূর্বোক্ত কথাগুলি পরিষ্কৃত করিবার প্রয়াস পাইতেছি :—

শ্রীকৃষ্ণের রূপদর্শনমুগ্ধা রাধিকা বলিতেছেন :—

“কি বা সে নয়ানবাণ হিয়ার হানিল গো,
গরল ভরিয়া রৈল বুকে ॥”

“কি বা রাতি কি বা দিন কিছুই না জানি।

জাগিতে স্বপনে দেখি কালরূপখানি ॥

আপনার নাম মোর নাহি পড়ে মনে।

পরান হরিল রাজ্য নয়ন নাচনে ॥”

“ভাবেতে বিভোর তনু গদগদ বাণী।

ধরিতে ধরণ না চায় ছুঁটী আঁখির পানী ॥

ও চন্দ্র মুখের হাসি আধ আধ বোলে।

হিয়ার ভিতরে প্রাণ নিরবধি দোলে ॥”

শ্রীরাধিকাকে বাইতে দেখিয়া শ্রীকৃষ্ণ বলিতেছেন—

এমন মোহিনী রূপরাশি লইয়া চরণকমল দলিত করিয়া
হে সুন্দরী তুমি কোথায় চলিয়াছ? আমার ভয় হয়
পাছে—

“চাঁচর চিকুরে বেণী দোলিছে কোমরে।

ফণির ভরমে বেণী গিলিবে মগরে ॥

করি কুন্ত জিনি তার কুচ যুগ গিরি।

গজের ভরমে পাছে পরশে কেশরী ॥

সিন্দূরের বিন্দু ভালে ভানুর উদয়।

রবি শশী বলি পাছে রাহু পরসয় ॥

নীল উড়নির মাঝে মুখ শোভা করে।

কমল ভরমে পাছে দংশিবে ভ্রমরে ॥

খঞ্জন-গঞ্জন আঁখি অঞ্জন ভালে শোভে।

নিমিবেক বামে হেম হরিণীর গোভে ॥

নগ্নিময় আভরণ অঙ্গে ঝলমলি।

ব্রজের বিষম চোর লইবে সকলি ॥”

তাহার অপেক্ষা তুমি এই তরুতলে উপবেশন কর
আমি প্রাণ ভরিয়া তোমায় একবার দেখি। কতবার কতরূপে
তোমায় দেখিয়াছি কিন্তু তৃপ্তি পাইলাম কই? কেননা :—

“তুমি মোর নিধি রাই তুমি মোর নিধি।

না জানি কি দিরা তোমা নিরমিল বিধি ॥

বসিয়া দিবস রাতি অনিমিত্ত আঁখি ॥

কোটা কল্প যদি নিরবধি দেখি ॥

তবু তিরপিত নহে এ ছই নয়ান।

জাগিতে তোমারে দেখি স্বপন সমান ॥”

প্রভাত বর্ণনার ছ' একটা স্থল উদ্ধৃত করিতেছি
তাহাতেও বর্ণনার ঘটা নাই,—কল্পনার বিপুল ছটা নাই,—
অপচ বিনা আয়াসে সুন্দর চিত্রগুলি কেমন সুন্দর ফুটিয়া
উঠিয়াছে :—

ঝামর দীপ, সুধাকর ধূসর,

দিশি ভরু অরুণীম কাঁতি।

কুমুদিনী ছোড়ি নলিনীগণে ধারই

আকুল মধুকর পাতি ॥”

স্থানান্তরে,

“মধুর সময় রজনী শেষে

শোহই মধুকর কানন দেশে

গগনে উয়ল মধুর মধুর

বিধু নিরম কাঁতিয়া।

মধুর মাধুরী কেলি নিকুঞ্জ।

ফুটল মধুর কুসুম পুঞ্জ।

গাবই মধুর ভ্রমরা ভ্রমরী,

মধুর মধুহি মাতিয়া ॥

মধুর পবন বহই মন্দ,

কুজয়ে কোকিল মধুর ছন্দ,

মধুর বিহসি শরদ স্তভগ,

নদহ বিহগ পাঁতিয়া।

মধুর মিলন খেলন হাস,

মধুর মধুর রস বিলাস,

মদন হেরই ধরণী গুটই

বেদন ফুটত ছাতিয়া ॥”

আর এক স্থল উদ্ধৃত করিতেছি :—

“বিকসিত কুসুম বরই মকরন্দ।

সব বন পবন পসারল গন্ধ ॥

মধু পিবি ধাবই মধুকরপুঞ্জ।

গায়ই ভ্রমি ভ্রমি কেলি নিকুঞ্জ ॥”

শ্রীরাধিকার রূপবর্ণন উপলক্ষে কবি বলিতেছেন—

“যাকর মাঝ হেরি মৃগরাজ।

ভয়ে পৈঠল গিরিকন্দর মাঝ ॥

শুনইতে সচকিত সবছ' মতঙ্গ।

চরণহি সোপল নিজ গতি ভঙ্গ ॥

আনি দেই নিজ লোচন ভঙ্গী।

বন পর বেশগ সবছ' কুরঙ্গী ॥”

তাঁহার মালা দেখিয়া মৃগরাজ ভয়ে গিরিকন্দরে
প্রবেশ করিল। হস্তীগণ সচকিত হইয়া আপন আপন
গমন ভঙ্গী তাঁহার পদতলে সমর্পণ করিল। সমস্ত কুরঙ্গী
আপন আপন নয়ন ভঙ্গী তাঁহাকে প্রদান করিয়া বনে
প্রবেশ করিল।”

নায়িকার পূর্বরাগে কবি সম্বন্ধে তাঁহার তুলিকায়
চিত্রে প্রতি রেখাটুকু পর্য্যন্ত কি সুন্দর ফুটাইয়া তুলি
য়াছেন—রাধিকা বলিতেছেন “সে অমরবাস্তিত রূপ কেন
দেখিলাম?”

তাহার,

“প্রতি অঙ্গ কোন বিধি নিরমিল কিসে।

দেখিতে দেখিতে কত অমিয়া বরিষে ॥

অরুণ অধর মুহু মন্দ মন্দ হাসে।

চঞ্চল নয়নকোণে জাতিকুল নাশে ॥

মহুর চলনখানি আধ আধ যায়।

পরান যেমন করে কিকহিব কায় ॥”

যদি দেখিলাম ত পাইলাম না কেন? কেন মজিলাম
কেন মরিলাম?”

তাহার পর সেই প্রেমে তন্ময়, বিরহে স্নান, মিলনাশায়
অধীর, রূপে মুগ্ধা, রাধিকার চিত্রটা আমরা সমস্ত উদ্ধৃত
করিবার প্রলোভন সম্বরণ করিতে পারিলাম না। তাহা
হইতে বলরাম দাসের বর্ণনা কেমন সরল আন্তরিকতাপূর্ণ,
কেমন হৃদয়গাহী তাহা বুঝা যাইবে :—

“শুনইতে কানহি আনহি শুনত

বুঝইতে বুঝই আন।

পুছইতে গদগদ উতর না নিকষই,

কহইতে সজল নয়ান ॥

সখীহে কি ভেল এ বরণারী।

কবছ' কপোল থকিত রছ' ঝামরী

জহু ধনহারী জুমারি ॥ ৩ ॥

বিহুরল হাস রভস রস চাতুরী,

বাউরী জহু ভেলি নাগরি।

গনে খনে দীঘ নিশথি তহু মোড়ই

সঘন ভরম ভেলি ভোরি ॥

কাতর কাতর নয়ানে নেহারই,

কাতর কাতর বাণী।

না জানিয়ে কোন হুখে দাকন বেদন,

ঝর ঝর এ ছই নয়ানী ॥

ঘন ঘন নয়নে নীর ভরি আঁগত

ঘন ঘন অধরহি কাঁপ।

বলরাম দাস কহে, জানলু জগমাহ

প্রেমক বিষম সন্তাপ ॥”

প্রেমের চিত্র উপরে দেখাইয়াছি তাহাতে মধুর
রসধারা ক্ষরিত হইয়াছে—নিম্নে গোষ্ঠলীলার ছ' একটা
পদ উদ্ধৃত করিতেছি তাহাতে সখ্য বাৎসল্য রসের উৎস
উচ্ছ্বসিত হইয়া উঠিয়াছে :—

শ্রীকৃষ্ণ বলরাম সখাগণ সঙ্গে গোচারণে চলিয়াছেন :—

কবি বলিতেছেন রামকৃষ্ণ একনঙ্গে চলিয়াছেন,

তাই যেন :—

“ঘনাপ্রা ঘনপ্রা কাছে, আনন্দে ময়রী নাচে,

টাদে মেবে দেখি এক সঙ্গ।”

স্থানান্তরে, নটবর নব কিশোর রায়,

রহিয়া রহিয়া যায় গো।

ঠমকি ঠমকি চলত রঙ্গে,

ধূলি ধূসর শ্রাম অঙ্গে,

হৈ হৈ হৈ ঘনয়ে বোলত,

মধুর হুবলী বায় গো।

নীল কমল বদন চান্দ,
ভাওর ভঙ্গিম মদন ফান্দ,
কুটিল অলকা তিলকা ভাল,
ফলিত ললিত তায় গো ॥
চুড়ে বরিহা গো কুলচন্দ,
কিবা পবন বায় মন্দ মন্দ,
মধুকর মন হ'য়ে বিভোর,
নিরখি নিরখি ধায় গো ॥
নয়ানে সঘনে উলটি উলটি,
হেরি হেরি পালটি পালটি,
নাগোরী নগোরী থোরি থোরি,
আন নাহিক ভায় গো ॥
বলরাম দাস করতহি আশ,
রাখাল সঙ্গে সদাই বাস,
বেত্র মুরলী লইয়ে খুরলি,
সঙ্গ সঙ্গে যায় গো ॥

কিন্তু শ্রীকৃষ্ণকে বিদায় দিতে নন্দরাণীর হৃদয় আকুল হইয়া উঠিতেছে—তিনি বলিতেছেন—তাঁহাতে মেহাকুল মার হৃদয়খানি কি সুন্দর বিকশিত হইয়া উঠিয়াছে :—

“শ্রীদাম সুদাম দাম, শুনরে বলরাম
মিনতি করিয়ে তো সভারে ।
বনকত অতি দূর, নব তৃণ কুশাকুর,
গোপাল লৈইয়া না যাইছ দূরে ॥
সমাপন আগে পাছে, গোপাল করিয়া মাঝে,
ধীরে ধীরে করিছ গমন ।
নব তৃণাকুর আগে, রাস্তা পায় জানি লাগে,
প্রবোধ না মানে মায়ে মন ॥

নিকটে গোধন রেখো, মা বলে শিঙ্গাতে ডেকো
ঘরে থাকি শুনি যেন রব ।

বিধি কৈল গোপজাতি গোধন পালনবৃত্তি
তেঞি বনে পাঠাই যাদব ।”

এবার গৌরলীলায় এক ছ' একটা পদ তুলিয়া আমাদের এ প্রবন্ধ সমাপ্ত করিতেছি—

কবি বলিলেন :—
“প্রেমের বণা নিতাই হৈতে, অদ্বৈত তবঙ্গ ভাভে,
চৈতন্য বা নামে উপলিখা ।

আকাশে লেগেছে ঢেউ, স্বর্গে নাহি বাঁচে কেউ
সপ্ত পাতাল ভেদি গেল ॥”

শ্রীগৌরচন্দ্রের রূপ বর্ণনা উপলক্ষে কবি বলিতেছেন :—

“বিহরে আজু রসিকরাজ,
গৌরচন্দ্র নদীয়া মাঝ,
কুঞ্জকেশর পুঞ্জ উজোর,
কনক কুচির কাতিয়া ।
কোটি কামরূপ ধাম,
ভুবনমোহন লাবণি ঠাম,
হেরত জগত যুবতী উমতি,
ধৈরজ ধরম তেজিয়া ॥

অসীম পূর্ণিম শরদচন্দ,
কিরণ মদন-বদন চন্দ,
কন্দ কুমুম নিন্দি সুমম
মঞ্জু মদন পাঁতিয়া ।

বিশ্ব অধরে মধুর হাসি,
বমই যতইহ অমিয়া রাশি,
সুধই সিধু নিকর নিবার
বচন ত্রিছন ভাঁতিয়া ।

আবেশে অবলা অলস ধন্দ
চলত চলত খলত মন্দ,
পতিত কোর জড়ত ভোর
নিবিড় আনন্দে মাতিয়া ।

অরুণ নয়ানে করুণ চাই,
সঘনে জপয়ে রাই রাই,
নটত উমত লুঠত ভ্রমত,
ফুটত মরম ছাতিয়া ।”

স্থানান্তরে :—

“গৌর মনোহর নাগর শেখর ।
হেরইতে মুকুহই অসীম কুমুমশর ॥
কাঞ্চন কুচিভর রচিত কলেবর ।
মুখ হেরি রোয়ত শরদ সুধাকর ॥
জিনি মত্ত কুঞ্জর গতি অতি মহর ।
অধর সুধার সে মধুর হাসিত বার ॥

* * * *

সিংহল দ্বীপ ।

লঙ্কার কথা ।

অতিরসে গর গর না চিনে আপন পর ।
রোয়ত করে ধরি পতিত নীচতর ॥
ও রস সাগরে মগন সুরাসুর ।
বিন্দু না পরশন বলরাম দাস পর ॥”

পরিশেবে প্রেমোন্মত্ত গৌরচন্দ্র দেবের মধুময় মুরতি-
বর্ণনা উদ্ধৃত করিয়া আমাদের এ প্রবন্ধ সমাপ্ত করিলাম,
ইহা হইতেই পাঠক বলরাম দাসের কবিত্ব শক্তির পরিচয়
পাইবেন সন্দেহ নাই :—

“নাচত গৌর সুরাগর মনিয়া ।

খঞ্জন গঞ্জন, পদযুগ রঞ্জন,
রণ রণি মঞ্জীর মঞ্জুল ধনিয়া ॥

সহজই কাঞ্চন, কাঁতি কলেবর,
হেরইতে জগজন মনমোহনীয়া ।

তহিঁ কত কোটি, মদনমন মুকুল,
অরুণকিরণ অম্বর বলিয়া ॥


উগমগ দেহ, মেহ নাহি বাকুই
ছহঁ দিষ্টি সেহ সঘনে বরি খনিয়া ॥

প্রেমক সাগরে, ভুবনে মজায়ই,
লোচনকোণে করুণ নির খনিয়া ॥

ও রসে ভোর ওর নাহি পাওই
পতিত করে ধরি ভুবন বিরাজি ।

কহ বলরাম লক্ষ ঘন হুঙ্কৃতি,
হেরি পাষণ্ড স্বর অতি কাঁপি ॥

শ্রীশৌভীকমোহন গুপ্ত ।



লঙ্কা ভারত ছাড়া বিশেষতঃ এদেশে বড় কেহ আসে না। সকলেই বোধ হয় মনে করে লঙ্কায় গেলে জাত যায়; তার একটা কথা আছে, সাধারণতঃ কলিকাতা হইতে জাহাজে চড়িয়াই লঙ্কায় যায় তাই আমাদের এ ভ্রাত ধারণা হইবে আশ্চর্য্য কি? স্থূল কথা, লঙ্কায় গেলে জাত যায় না। রেলের মাজুরা পর্য্যন্ত গিয়া পরে পো-রথে যাওয়া যায়। তার পর রামনদ হইতে এক পথ পামবেন পর্য্যন্ত গিয়াছে, তথা হইতে বাস্পীয় জলশক্তিতে উঠ, তার পর ক্রমে ক্রমে কতগুলি দ্বীপ ইহাদেরই নাম সেতুবন্ধ। মহারাজ রামচন্দ্র লঙ্কাবিজয়ী হইয়া কেরত হইবার সময় তাঁহার পুলকৃত সেতুবন্ধ ভগ্ন করিয়া আইলেন। তাই মাকে মাকে সেতুবন্ধ ভগ্ন। দুই চারি দণ্ড জাহাজে চড়িলেই এক একটা দ্বীপ পাওয়া যায় এ দ্বীপে মালুঘ, হাট, বাজার, কাছারী সবই আছে। এক একটা দেশ আর কি? ইহার একটীর নাম জাফনা পট্টম, ও একটীর নাম মান্নার আর গুলিয় নাম মনে নাই। এই সকল দ্বীপে এক দিন বিশ্রাম করিয়া গেলে আর জাত যাওয়ার ভয় নাই। লঙ্কায় যাইবার অনেকগুলি পথই গিয়াছে। টুটিকরিন, টি ভানডাম, গোয়া, মেঙ্গালোর, পাক্ষিম, নেগাপট্টম, পণ্ডিচারী প্রভৃতি অনেক স্থান হইতেই বাস্পীয় রথে জল-পথে যাওয়ার সুবিধা আছে। বাহারা এয়েষ্ট কোষ্ট হইতে আসেন তাহারা একবারে কলম্বো নামেন, আর বাহারা ইষ্ট কোষ্ট হইতে যান তাহারা বাটা কালোরা, পায়ন্টডি—গেলি, মাতোরা, অথবা কলম্বোতে অবতরণ করিয়া থাকেন। কলম্বো নামিয়া কাণ্ডি যাওয়াই সুবিধা। লঙ্কা অতি স্বাস্থ্যকর স্থান বলিয়া অনেকে জল বায়ু পরিবর্তন উদ্দেশ্যে আমাদের দেশ হইতেও এখানে আসিয়া থাকেন।

লঙ্কার মালুঘ আমাদের মালুঘের মতই। আমরা দিনের বেলায় কলম্বো নগরীতে অবতরণ করিলাম। মধুম দেখিলাম—যে টেণখানা জাহাজের যানী লইয়া

যায়, জাহাজের বিলম্ব দেখিয়া তাহা চলিয়া গিয়াছে ; পুন-
রায় জাহাজে আসিয়াই শুইয়া পড়িলাম, কলম্বোতে রেলও
জাহাজের ষ্টেশন দুইই আছে, ষ্টেশনটা ভারি সুন্দর, এমন
বুনি আর নাই। রেল গাড়ী জাহাজের এত নিকট
আসিয়া দাঁড়ায় যে, জাহাজ হইতে জোরে ফেলিয়া দিলে
জিনিষ পত্র গিয়া টেপে পড়ে আর কি, সমুদ্র-বাত্যায়
আমার কোন ব্যারাম বা অসুখ বিস্মুখই হয় নাই। লঙ্কায়
খাদ্য-দ্রব্য ভারত অপেক্ষা অনেক সস্তা। এখানকার
লোকেরা ভাতই বেশী খায়। এখানে কয়েকটা বাঙ্গালী
কার্য উপলক্ষে আছেন, অনেকে স্ত্রী পরিবার লইয়াই
আছেন। এখানকার বাঙ্গালী স্ত্রীলোকেরা অপেক্ষাকৃত
স্বাধীন। ইহার কথা এই যে, এখানে ত আর বাঙ্গালী
নাই তাই তাহারা যেন তেন প্রকারেণ স্বাধীন হইয়া বসিয়া-
ছেন। সমুদ্রতীরে হাওয়া খাওয়া ইহাদের অভ্যাস।
এখানে যে কয়টা বাঙ্গালী হিন্দু আছেন তাহাদের হিন্দু-
য়ানীর লেশমাত্র আছে বুঝিলাম না। স্বাধীনা রমণীরাও
তেমনই। লঙ্কায় চিরকাল বসন্ত বিরাজ করিতেছে
কপাটা ঠিক কিন্তু সোনার লঙ্কা কথাটা কেন হইয়াছিল
তা বুঝিতে পারি নাই। তবে আমাদের “সোনার ভারত”
এইরূপ যদি হইয়া থাকে।

রাম-রাবণের কথা লঙ্কাবাসীরা আদর্শেই জানে না
বাস্তবিক ইহারা যে লঙ্কার প্রকৃত ইতিহাস জানে তাহাও
বিশ্বাস হইল না। লঙ্কায় বৌদ্ধ মানুষই বেশী। মুসল-
মান ষ্ট্রান হিন্দুও আছে। এখানে পালি ভাষার চলন
তবে তাহারা হিন্দী কথাবার্তা বুঝে ও কহিতেও কিছু কিছু
পারে তাই লঙ্কা, যেমন আমাদের দেশে হিন্দী চল,
এখানেও তেমনই। হিন্দুস্থানীরা এখানে বাণিজ্য কহিতে
বাস করে। রাজ পুত্রেরা লোকেরা এখানে মণি, মুক্তা ও
নিগুকের ব্যবসায় করে। আর বাঙ্গালীরা চাকরী বাকরী
করে। এখানকার সম্মানী বৌদ্ধেরা মাথায় চিরুণী বাধে।
তা এক জনের মাথায় দুই চারিটা চিরুণীও আছে। যে
লোক একখানি চিরুণী মাথায় বাঁধিবার উপযুক্ত সে
যদি দুই খানি বাঁধে তবেই গোল, তখন তাহার উপর
নানারকম শাসন উপস্থিত হয়। যাব মাথায় যত বেশা
চিরুণী তিনি তত বেশী সম্মানী। চিরুণী থাকটা সম্মা-
নের লক্ষণ, সিংহলীরা আমাদের মত কাপড় পরে

না। সে আর এক রকম নীচে একটা কোঁপিনের মত আর
গায় চায়না কোটের মত জামা। এখানকার লোকে
মধ্যে যাহারা ইংরেজের চাকরী করে তাহারা প্রায় সকলেই
খুঁটান হয়। খুঁটান হইলে ভাল চাকরী পাওয়া যাইবে আর
সাহেবেরা ভাল বাসিবে এই বিশ্বাস। আর যেই চাকরী
গেল তখনই যেই বৌদ্ধ সেই। একটা পরিবারের মধ্যে
এক জন হয়ত খুঁটান আর সব বৌদ্ধ, কেহ কাহাকে
কোন বিষয়ে ঘৃণা করে না। কেবল উপাসনার সময়
পৃথক করে—খাওয়া দাওয়া সবই একত্রে। এই সিংহলীরা
বড় আমোদী। আমি যখন গিয়াছিলাম তখন কলিকাতার
কয়েকটা বাবু তথায় স্বাস্থ্য-উন্নতির জন্ত গিয়াছিলেন।

সিংহলে বেশ মসলা পাওয়া যায়। এলাচ দারুচিনি
লবঙ্গ প্রভৃতি এখানে প্রচুর ও অতি মূল্যবান। সিংহল, যাবা,
মুম্বাত্রা প্রভৃতি হইতেই এই সকল আসিয়া ভারতে
আমদানী হয়। সিংহলে এই ব্যবসা প্রধান, তা ছাড়া মণি,
মুক্তা নিগুকের ব্যবস্যাটাও বেশী। এখানে আদত এলাচ
প্রভৃতির দাম খুব মূল্যবান। আমরা ভারতে আদত এলাচ
পাই না। এই সকলের আরক ছাড়াইয়া আসল
মাল বাহির করিয়া রাখিয়া দেয় পরে আমরা পাই।
সিংহলে মণি, মুক্তার কারবার যথেষ্ট আছে এই সকল
কারবারে মাড়োয়ারীগণই যথেষ্ট লাভ করিয়া থাকে।

সিংহলে বার মাস বসন্ত তাই ইহার স্বাস্থ্য ভাল।
তাই ভারতের লোকেরা স্বাস্থ্যোন্নতির জন্ত সে দেশে
যায়। এখানে মাছ বড় প্রচুর ও সস্তা। নানারকম
সামুদ্রিক মাছ আছে, কত রকম মাছ দেখিয়াছি তা আগে
জানিতামও না দেখিও নাই। সামুদ্রিক টেপা মাছ
খাইতে বড় স্বাদু। সামুদ্রিক ইলিশ, রুই প্রভৃতি খাইতে
তেমনই। এখানে উড্ডীয়মান মৎস্য পাওয়া যায়। এই
মাছেরা জলের উপর উড়িয়া যায়। মাছের যে ডানা
থাকে, ইহাদের ডানাগুলি অপেক্ষাকৃত বড়, তাহাতেই
পাখার কাজ করে আর উড়িতে পারে। তাহাও বাজারে
বিক্রয় হয়। এ মৎস্যের প্রতি আমাদের পূর্ব হইতেই
ঘৃণা ছিল তাই আমরা খাই নাই।

কত আশাই যে করিয়া লঙ্কায় আসিয়াছিলাম সোনার
লঙ্কা, সোনার রাবণের পুরী দেখিব, সজীব বিভীষণ
পাইব। কই তাত কিছুই নাই। কেবলই মাটি আর

পাথর। রাক্ষসও নাই, সে রাম, রাবণ কিছুই চিহ্ন
লঙ্কায় পাইলাম না, আমার বড় আশায় ছাই পড়িল।
আর এক কথা, এখানে কাণ্ডি সহরের কাছে একটা জঙ্গ-
লের ভিতর অতিশয় বৃহৎ প্রস্তরের প্রাচীর পাওয়া যায়।
আমরা অনুমানের সাহায্যে তাহাকেই রাবণের বাড়ী
ধরিয়া লইলাম। এখানে এক প্রকার অসভ্য মানুষ আছে,
তাহারা অন্ধ উলঙ্গ, অসভ্য, সভ্য সিংহলীদের ভাষা হইতে
ইহাদের ভাষা পৃথক। সিংহলে সামান্য রকম পাহাড়
আছে। এই সকল পার্শ্ব প্রদেশেই অসভ্যেরা বাস করে।
অনুমানের বলে তাহারই আমাদের নিকট রাক্ষস। লঙ্কায়
অনেক বানর আছে ইহারা দিন রাত মানুষকে বড় উপ-
দ্রব করে। মানুষেরা তাদের জালায় অস্থির ও জ্বালাতন
হয়।

লঙ্কাটা এখন ষোল আনাই ইংরেজের। ইংরেজদের
এখানকার বিচার আচার উত্তম। আমাদের অ ইন
কানুনের মতই তবে একটু পৃথক। এদেশটা বড় উর্বর,
সেই জন্ত ফসল জন্মে প্রচুর। এ দেশীয়েরা বড় অমায়িক
ও পরোপকারী, স্থিরচিত্ত। এখানে বাড়ী ভাড়া বড়
পাওয়া যায় না। বাস করিবার বাড়ী বিনা ভাড়ায়ই মিলে।
ভদ্রলোকেরা বিনা ভাড়ায় অপর ভদ্রলোকের বাসের
জন্ত বাড়ী ছাড়িয়া দেয়। আমাদের দেশের মত অতিথি
সংস্কারও আছে। অতিথি ফিরিয়া গেলে পাপ হয় মনে
করে আর গৃহকর্তার নিন্দা হয়। ফসলের মধ্যে এখানে
ধান ও ইক্ষু প্রচুর হয়। নারিকেল এদেশে অপরিপাণ্ড।
নারিকেল আপনিই হয়, বহু করিয়া বড় তোলে না। বড়
বড় বৃহৎ আয়তনের নারিকেল এখানে খুব পাওয়া যায়।
আমাদের দেশের নারিকেল ৩ বা ৪টার সমান এক একটা
হয়। লঙ্কায় মুসলমান ও বৌদ্ধই বেশী, হিন্দু ও ষ্ট্রান
সংখ্যায় কম।

এখানে সমুদ্রের শোভা বড় চমৎকার। ভূগোলে
যে ভারত মহাসাগরের কথা মুখস্থ করিয়াছি ইহা
তাহাই। সমুদ্রের তীরে দাঁড়াইয়া নীল জলের শোভা
চমৎকার দৃশ্য! তরঙ্গের পর তরঙ্গ আসিয়া তীরে আঘাত
করিতেছে আর অমনিই প্রতিধাতে অভিমানে ফিরিয়া
যাইতেছে কি চমৎকার দৃশ্য! আমি অনেক দিন এই
কাণ্ড দেখিতে যাইতাম, দেখিয়া তৃপ্তি পাইতাম। হায়,

পয়সায় কি এমন দৃশ্য মিলে? সমুদ্রে স্বর্ষ্যের উদয়াস্ত
দর্শনও চমৎকার দৃশ্য। স্বর্ষ্য জলে ঝাপ দিল, ডুবিল,
একটু একটু করিয়া ডুবিল বেশ চমৎকার ব্যাপার। যেমন
স্বর্ষ্যকে নীচ হইতে কে যেন টানিয়া লইয়া গেল, এই
যে যায়, ত্রী নীচে নামে, এই বেশ দেখা যায়। কি অতুলনীয়
দৃশ্য! উদয় দর্শনও ঐরূপ চমৎকার ব্যাপার। স্বর্ষ্যদেব
পূর্ব প্রান্তে সমুদ্রজলে দেখা দিলেন, ও উঠিতেছেন,
যেন জলটা লাল হইয়া উঠিল, তার পর ক্রমে জলের ভিতর
হইতে একখানি গোলাকার খালা যেন ঐন্দ্রজালিক বিদ্যা
প্রভাবে, কি যাতুকরী মহা মন্ত্রে জলের ভিতর হইতে
এটু একটু করিয়া ভাসিতেছে। এ দৃশ্য দেখিতে কি
কে কেহ পয়সা বিলাইয়া পাইয়াছে! আমরা এ আনন্দের
অধিকারী।

লঙ্কার প্রায় প্রতিদিনই মধ্যাহ্নে বৃষ্টি হয়। প্রবাদ
কথা শুনিয়াছি রাবণের আহারের সময় বৃষ্টি হইত। কি
জানি, বলিতে পারি না আকাশের সঙ্গে লঙ্কার জল বায়ুর
কি সম্পর্ক যে প্রত্যহ মধ্যাহ্নেই বৃষ্টি হইবে। লঙ্কার বার
মাসই আম পাওয়া যায়। আমাদের দেশে প্রবাদ যে
লঙ্কা হইতে হজরত আন এদেশে আমদানী করিয়াছিল।
শীতকালে আম তত সুখাদ্য নয়, একটু টক ধরে।

পয়েণ্ট ডি গেলিতে একটা লাইট হাউস আছে,
জাহাজ রাত্রিকালে এই লাইট দেখিয়া চলিয়া থাকে।
আমি এই লাইট হাউসে এক দিন এক জন সিংহলী বন্ধুর
সাহায্যে উঠিয়াছিলাম, গিয়া দেখি উপরে উঠিলে সবই
জলাকার দেখায়। উপর নীচ সবই জল যেন চার দিকেই
জল মাঝখানেই আমি আছি। আকাশও নীলবর্ণ, জলও
নীলবর্ণ, জলে আর আকাশে মিলিয়াছে ভাল, সবই
জলাকার। আর সমুদ্রজলের মধ্যে মোচার খেলার মত
ছোট ছোট এক একটা কি ডোঙ্গা ভাসিতেছে।
ছুবীক্ষণ সাহায্যে দেখি, প্রকাণ্ড এক এক জাহাজ আমা-
দের দিকে ভাসিয়া আসিতেছে। কি চমৎকার নয়ন-মন-
তৃপ্তিদায়ক দৃশ্য!

শ্রীরাধেশ্বরকুমার মজুমদার।

হাঁচি।

বড় সদ্দি লাগিয়াছে। সে দিন মৃত ছাদের উপর চাদের কিরণে কবিত্ত ফলাইতে গিয়া আজ এককালীন ধরের মধ্যে আবদ্ধ। গায়ে ফ্রানেলের জামা, গলায় কমকটার, পায়ে ষ্ট্রিকিং; চারিদিকের জানালা দরজা সব বন্ধ। যেন হবচন্দ্র রাজার গবচন্দ্র মন্ত্রী বুদ্ধি পালাইবার ভয়ে নাক কানের ছিদ্র তুলা দ্বারা বন্ধ করিয়া গম্ভীরভাবে বসিয়া আছেন। হাঁচির পর হাঁচি—ঠাকুরমারও বিরাম নাই। মালার থলি লইয়া তিনি ধরের এক কোণে বসিয়া আছেন, আর আমার প্রতি হাঁচিতে বলিতেছেন—“জীব সহস্রং, জীব সহস্রং!” শেষে বিরক্ত হইয়া আমি বলিলাম—“এত সহস্র বৎসর আমি বাঁচিতে চাই না; তুমি এখন খাম।” ঠাকুর মা বলিলেন—“আহা, বাঁচিতে না কেন? হাঁচিলে যে ‘জীব সহস্রং’ বলিতে হয়; কেন—শুনিলে কি?” উত্তরের প্রতীক্ষা না করিয়া ঠাকুর মা গল্প আরম্ভ করিলেন।

“এক রাজার একটিমাত্র পুত্র ছিল। রাজা গণিয়া পড়িয়া দেখিলেন, আঠারো বৎসর উত্তীর্ণ হইবা মাত্র পুত্রটির মৃত্যু হইবে। তাই রাজা তাহাকে যত্ন কি আদর কিছুই করিতেন না। রাজপুত্র পিতার এই অস্বাভাবিক ভাবে দেখিয়া দুঃখিত হইয়া একদিন কারণ জিজ্ঞাসা করিলেন। রাজা সব খুলিয়া বলিলেন। রাজপুত্র সমস্ত শুনিয়া পিতার রাজ্য ত্যাগ করিয়া আর এক রাজ্যে চলিয়া গেলেন। সে দিন তিনি সে রাজ্যে পৌঁছিলেন, সে দিন তথাকার রাজকন্ঠার বিবাহ। এদিকে যাহার সহিত রাজকন্ঠার বিবাহ হইবে সে দেখিতে বড়ই কুৎসিত। কিন্তু বরের পিতা বড়ই চতুর। তিনি এক সুন্দর যুবকের অপেক্ষে বাহির হইলেন। রাজপুত্র তাহার দৃষ্টিতে পড়িলে, তিনি সমস্ত শুনিয়া বলিলেন—“ভালই, তুমি আমার পুত্রের হইয়া বিবাহ কর; রাতে দরজা খুলিয়া রাখিও, তুমি বাহির হইলে আমার পুত্র ধরের ভিতর প্রবেশ করিবে। ইহাতে তোমার আর আপত্তিই বা কি? তোমার ত’ পরদিনই মৃত্যু হইবে।” রাজপুত্র বর সাজিয়া বিবাহ করিলেন।

কিন্তু যখন গিনি প্রকৃত কথা প্রকাশ করিয়া গৃহ হইতে বাহির হইতে চাহিলেন, তখন রাজকন্ঠা কিছুতেই ছাড়িতে চাহিলেন না। তিনি বলিলেন ‘তোমার সহিত আমার বিবাহ হইয়াছে তোমাকেই আমি স্বামী বলিয়া জানি। আমি আর কাহাকেও এ গৃহে প্রবেশ করিতে দিব না। তুমি যদি যাও, এই প্রদীপ থাকিবে। যদি সত্য সত্যই তোমার মৃত্যু হয় তবে এ প্রদীপ নিভিয়া যাইবে এবং আমিও সেই হইতে বিধবার আচরণ পালিতে থাকিব।’ রাজি ভোর না হইতেই রাজপুত্র গৃহ হইতে বাহির হইলেন। আকাশ কালমেঘে ঢাকা, ঘোর অন্ধকার, পাছেব একটা পাতাও নড়ে না, মাঝে মাঝে বিজুলী চমক দিতেছে ও সঙ্গে সঙ্গে ভয়ঙ্কর শব্দ হইতেছে। হাঁচিতে হাঁচিতে রাজপুত্র এক অরণ্যের নিকট উপস্থিত হইলেন। অগ্ন্যম্নভাবে কুশের অগ্রভাগ দিয়া একবার হাঁচিলেন। ঐ অরণ্যে জৈমিনি মুনি তপস্বী করিতেন। মনুষ্যের আগমন জানিতে পারিয়া তিনি আশীর্বাদ করিলেন—“জীব সহস্রং” রাজপুত্র আশ্চর্যঘটিত হইয়া অরণ্যের ভিতর প্রবেশ করিয়া মূনিবরকে দেখিতে পাইলেন এবং ভক্তিতরে তাঁহাকে প্রণাম করিয়া নিবেদন করিলেন—“হে দেব, আপনার আশীর্বাদ যে মিথ্যা হইতেছে, কারণ এই মুহূর্তেই আমার মৃত্যু হইবে।” জৈমিনি বলিলেন—“আমার আশীর্বাদ মিথ্যা হইবার নহে। তুমি আমার ক্রোড়ে বসিয়া থাকা।” প্রলয় উপস্থিত হইল; এত বজ্র পড়িল, একটিও রাজপুত্রের গাত্রস্পর্শ করিল না। শেষে বিধির লিখন লঙ্ঘন হয় দেখিয়া, স্বয়ং ইন্দ্র জৈমিনির নিকট আসিয়া নানারূপ বুরাইতে লাগিলেন। বুরাইবার ফলে রাজপুত্রের মৃত্যু হইল বটে; কিন্তু তৎক্ষণাৎ আবার তাঁহাকে পুনর্জীবিত করা হইল। সেই হইতে হাঁচির শব্দ শুনিলে লোকে জীবসহস্রং; বনিয়া থাকে; আর মেঘের ডাক শুনিলে জৈমিনির নাম উচ্চারণ করে।

ঠাকুর মার গল্প শেষ হইল। আমি বলিলাম ‘তোমার মতে হাঁচি একটা মূলফল; কারণ হাঁচিয়াই রাজপুত্র এক প্রকার পুনর্জীবন লাভ করিলেন। কিন্তু আবার হাঁচিলে বা টিকটিকির শব্দ হইলে কোন স্থানে আমাদের যাতায়াত করা হয় না। তাহার কারণটা কি বলিতে পার?’ ঠাকুর মা উত্তর করিলেন—“কি জানি ভাই? বেঙপের

সাহেব। কি দিয়াছ—আবার বল।
রামচন্দ্র। সকাল বেলায়।
সাহেব। তখন কয়টা বাজিয়াছিল?
রামচন্দ্র। আমি ঘড়ি দেখিনি, স্মরণে তা বলতে পারবো না।
সাহেব। আচ্ছা, কত সকাল?
রামচন্দ্র। খুব সকাল।
সাহেব। সে দিন রাত্রিকালে তুমি কোথায় শয়ন করিয়াছিলে?
রামচন্দ্র। সে দিন রাত্রে আমি আদৌ শয়ন করিনি।

সাহেব। তবে কোথায় ছিলে?
রামচন্দ্র। রাস্তায় রাস্তায় ঘুরে বেড়িয়েছিলুম।
সাহেব। কি উদ্দেশ্যে?
সাহেব। পাহাড়ী বাবার অনুসন্ধানে।
সে কথায় হুর্গাদাস ও ঘোষাল মহাশয় একবারে বিস্মিত হইয়া কহিলেন—“কি পাহাড়ী বাবার অনুসন্ধানে!”

সাহেব তখন একটু বিরক্তিত্ব প্রকাশ করিয়া কহিলেন—“আপনারা চুপ করুন।” তার পর রামচন্দ্রের দিকে ফিরিয়া পুনরায় প্রশ্ন করিলেন—“পাহাড়ী বাবা সেদিন রাত্রে কোথায় ছিল?”

রামচন্দ্র একটু চিন্তা করিয়া কহিল—“সমস্ত রাত্রির সংবাদ আমি জানি না। তবে সে দিন সন্ধ্যার সময় পাহাড়ী বাবাকে এ বাড়ীর দিকে আসতে দেখেছি, আর রাত্রি দেড়টার সময় এ বাড়ীর পিছনের বাগান দিয়ে বেড়িয়ে যেতেও দেখেছি।”

সাহেব তখন আগ্রহের সহিত তাড়াতাড়ি জিজ্ঞাসা করিলেন—“সঙ্গে আরো কেহ ছিল?”

রামচন্দ্র। আস্বোর সময় ত দেখলুম একা, কিন্তু বাবার সময় দেখলুম সঙ্গে লোহিয়া আর একটা মড়া।

সাহেব। দেখ সব সত্য কথা বলিবে—কোন কথা গোপন করিবে না।

রামচন্দ্র। রামচন্দ্র কখন মিথ্যে কথা বলে না। তবে যা জিজ্ঞেস করবেন—কেবল সেই কথারই উত্তর দেবো।

সাহেব। পাহাড়ী বাবা আর লোহিয়াতে একটা মৃত দেহ বহিয়া লইয়া যাইতেছিল কি?
রামচন্দ্র। আজ্ঞে হাঁ।
সাহেব। সে মৃত দেহ কাহার তুমি বলিতে পার?
রামচন্দ্র। তা কেমন করে পারবে? আমি দূর থেকে দেখেছি।

সাহেব। আচ্ছা, সে মৃত দেহ অতুলচন্দ্রের কি না— সে কথা তুমি বলিতে পার?
রামচন্দ্র। তাই বা কেমন করে বলবে? তবে হলেও হতে পারে।

সাহেব। তোমার মনে যদি সে সন্দেহ হইয়াছিল— তবে এত দিন সে কথা গোপন রাখিয়াছ কেন?

রামচন্দ্র। আমার মনে ত কোন সন্দেহ হয়নি।
সাহেব তখন আশ্চর্য হইয়া কহিলেন—“কি! দেড়টার সময় দুই জনে একটা খুনী লাশ চুরি করিয়া লইয়া যাইতেছে দেখিয়াও তোমার মনে কোনরূপ সন্দেহ হইল না?”

রামচন্দ্র। সাহেব, অগ্র কেউ হলে হতো, কিন্তু পাহাড়ী বাবাকে দেখে আমার সে সন্দেহ হয়নি।

সাহেব। কেন—পাহাড়ী বাবা কি এত বড় সাধু?
রামচন্দ্র। সাধু কি অসাধু—তা আমি জানিনে। তবে শব না হলে পাহাড়ী বাবার সাধনাই হয় না—একথা আমি জানি, আর রাত্রিকালই যখন সে সাধনার উপযুক্ত সময়, তখন সে সময় পাহাড়ী বাবাকে সে অবস্থায় দেখে আমার মনে অত্র সন্দেহ হবে কেন?

সাহেব। একথা এত দিন প্রকাশ কর নাই কেন?
রামচন্দ্র এবার যেন একটু আশ্চর্য হইয়া কহিল—“জিজ্ঞেস না করলেও প্রকাশ করবো। কই এ কথা এত দিন কেউ আমায় একবারও জিজ্ঞেস করেনি।”

সাহেব কিছুক্ষণ মনে মনে কি চিন্তা করিতে লাগিলেন। তার পর পকেট হইতে দেশলাই ও চুরুট বাহির করিয়া ধূমপান আরম্ভ করিয়া দিলেন। কিছুক্ষণ ধূমপানের পর কহিলেন—“সে মৃত দেহ লইয়া তাহার কোথায় গেল?”

রামচন্দ্র উত্তর করিল—“তা আমি জানিনি— দূর থেকে দেখেছিলুম। তার পর গলির মোড়টা ফিবে

দেখি—আর কেউ কোথাও নেই। সেই সন্ধ্যানেই ত সমস্ত রাত্রি রাস্তায় রাস্তায় ঘুরে ঘুরে বেড়িয়েছি।”

সাহেব। এ লাশ চুরি সম্বন্ধে আর কোন কথা তুমি জান?

রামচন্দ্র। আজ্ঞে—না।

সাহেব তখন দুর্গাদাস বাবুকে কহিলেন—“বাবু, আমি আর এক মুহূর্তও দেরী করিতে পারি না। লোহিয়া-কেও এখনই গেরেপ্তার করিতে হইবে। আর এই রামচন্দ্র আপনার হেপাজতেই থাকিল।”

এই কথা বলিয়া দ্রুতগতিতে সে গৃহ হইতে চলিয়া গেলেন। সাহেব চলিয়া গেলে পর, ঘোষাল মহাশয় একটি সুদীর্ঘ নিশ্বাস ত্যাগ করিয়া কহিলেন—“কি ভয়ঙ্কর কথা বাবা!”

পঞ্চবিংশ পরিচ্ছেদ।

“যথার্থই ভয়ঙ্কর কথা ঠাকুরদাদা।”—বলিতে বলিতে সেই গৃহের মধ্যে অনুকূলচন্দ্র প্রবেশ করিল। দুর্গাদাস বাবু ও ঘোষাল মহাশয় তাহার মুখের দিকে চাহিয়া দেখিলেন—সে মুখে বিষয় যেন মাখান রহিয়াছে। অনুকূল তারপর কহিল—“আপনারা কি প্রমাণে পাহাড়ী বাবাকে খুনের আসামী করলেন?”

কিছুক্ষণ উভয়েই নীরব। দুর্গাদাস বাবু কি ঘোষাল মহাশয় কাহার মুখে কোন কথা নাই। অনুকূলচন্দ্র পুনরায় বলিতে আরম্ভ করিল—“পাহাড়ী বাবা এ খুন করে নাই। এক জন নিরপরাধ ব্যক্তিকে অশ্রায়রূপে কষ্ট দেওয়া কখনই উচিত হয় না। যে লোক সংসারী নয় একবারে শ্মশানবাসী, তার উপর কি ভয়ঙ্কর দোষারোপ! পাহাড়ী বাবা এ খুন করবে কেন?”

দুর্গাদাসের মূর্তি ক্রমে ক্রমে গম্ভীরভাব ধারণ করিল। ঝটিকার পূর্বে আকাশ যে মূর্তি ধারণ করে, এ মূর্তি তাহার সহিত তুলনীয়। তার পর বজ্রগম্ভীর স্বরে প্রশ্ন করিলেন—“তবে এ খুন কে করেছে অনুকূল?”

সে প্রশ্ন শুনিয়া অনুকূলচন্দ্রের সেই বিষয়বিস্ফারিত মুখখানি একবারে শুষ্ক হইয়া গেল। কিছুক্ষণ অনুকূল সে প্রশ্নের আর কোন উত্তর দিতে পারিল না। তার পর

সেই উত্তেজিত কণ্ঠস্বরের পরিবর্তে অতি মুহূর্তে অনুকূল কহিল—“যেই করুক, কিন্তু পাহাড়ী বাবা নয়।”

তখন পুনরায় প্রশ্ন হইল—“তুমি এ কথা কেমন করে জানলে?”

অনুকূল এবার অপেক্ষাকৃত উচ্চকণ্ঠে কহিল—“আমি এ কথা ভালরূপই জানি। না জানলে আপনার সামনে এত জোর করে কি এ কথা বলতে পারি জ্যেষ্ঠা মহাশয়?”

দুর্গাদাস তখন এক ভীষণ বজ্র নাদ করিলেন—“তবে কে খুন করেছে তুমি নিশ্চয়ই জান। না জানলে এ কথা তুমি এত জোর করে কি করেই বা বলবে। আর কেবল ত খুন নয়—মৃত্যুবাণ চুরি—খুন—আর লাশ চুরি—এই তিনটা অপরাধেরই প্রধান আসামী পাহাড়ী বাবা।”

অনুকূলচন্দ্র তখন ধীরে ধীরে কহিল—“অত্র অপরাধ সম্বন্ধে আমি কিছুই জানি না। কিন্তু জ্যেষ্ঠা মহাশয় আপনার পা ছুঁয়ে আমি দিব্য করে বলছি পাহাড়ী বাবা অতুলকে খুন করে নি।”

দুর্গাদাস বাবু তখন ক্রোধভরে কহিলেন—“তবে কে করেছে বল।”

অনুকূলচন্দ্র তখন ধীরে ধীরে উত্তর করিল—“এ প্রাণ থাকতে সে কথা বলতে পারবো না।

ক্লান্ত সিংহের শ্রায় ফুলিয়া উঠিয়া দুর্গাদাস একবার অনুকূলচন্দ্রের আপাদমস্তক নিরীক্ষণ করিলেন। তারপর গর্জন করিয়া উঠিলেন—“অতুল যে তোমার সহোদর ভেয়ের মতন ছিল রে। তাকে কে খুন করেছে জেনেও তুই তার নাম প্রকাশ করবি নি—এ কথা আমার সম্মুখে বলতে সাহস করলি?—তুই এত নীচ—এমন নরাধম—এমন কুলাঙ্গার?”

অনুকূল উত্তর করিল—“জ্যেষ্ঠা মহাশয়, আমার আপ্নি নীচ, নরাধম ও কুলাঙ্গার যা ইচ্ছে বলুন—আমি সকল কথা অম্লান বদনে সহ্য করবো। এমন কি ঝাটা জুতা মারলেও পিট পেতে দেবো, কিন্তু তবুও সে কথা বলতে পারবো না—সে প্রস্তাব আমার কাছে আর কখন আপ্নি উত্থাপনও করবেন না।”

তখন ক্রোধভরে দুর্গাদাস চীৎকার করিয়া উঠিলেন—“তুই আমার সম্মুখ হতে দূর হ’।”

এত বীচি শুণিলে আর চলে না।” আমি দেখিলাম ঘোঁসার দৌড় মনজিদ পর্য্যন্ত।

তবেই দেখা যাইতেছে আমাদিগের মধ্যে হাঁচি সম্বন্ধে দুইটি বিভিন্ন সংস্কার বর্তমান আছে। এক সংস্কার অনুসারে হাঁচি শুভ লক্ষণ, অত্র সংস্কার অনুসারে তাহার বিপরীত। এ স্থলে কোন সংস্কারের উপর অস্থা স্থাপন করিতে হইবে, তাহা নির্ধারণ করা কঠিন। ডাক্তার জোনাথান হাচিনসনের (Dr. Jonathan Hutchinson) মতে হাঁচি একটা শুভ লক্ষণ; কারণ মানুষ যখন মনের মাধে হাঁচিতে পারে, তখন বুঝিতে হইবে তাহার স্বাস্থ্যের অবস্থা উত্তম; ভয় স্বাস্থ্যের লোককে হাঁচিতে দেখা যায় না। আবার অত্র দিকে তাহার বিরুদ্ধে কোন কোন ডাক্তার মত দিয়া থাকেন। তাঁহাদিগের মতে হাঁচি অশুভ সূচনা করে, এবং সেই জন্ত হাঁচিলেই শুভাকাঙ্ক্ষীরা আশীর্বাদ করিয়া থাকেন। দৃষ্টান্ত স্বরূপ, জার্মানীতে চতুর্দশ শতাব্দীতে এক ‘প্লেগ’ উপস্থিত হয়। তাহার পূর্বে লক্ষণ হাঁচি—প্রথম এক ছইবার, তাহার পর অনবরত। এখন পর্য্যন্ত হাঁচির শব্দ শুণিলে সে দেশের লোক ভীত হইয়া আশীর্বাদ বাক্য উচ্চারণ করে। ভিন্ন ভিন্ন মুনির ভিন্ন ভিন্ন মত; কাহার মত প্রকৃত তাহা ঠিক করা দুষ্কর।

যাহা হউক যতদূর জানা গেল তাহাতে বুঝা যায় হাঁচি শুভ ও অশুভ দুইই। কিন্তু একই জিনিষ একই সময়ে দুই বিরোধভাবাপন্ন হইতে পারে না। তাহা হইলে বুঝিতে হইবে হাঁচি এক সময় শুভ, অত্র সময় অশুভ। কোন সময় শুভ এবং কোন সময় অশুভ তাহা প্রাচীন গ্রীক ও রোমক পণ্ডিতগণ নির্ধারণ করিয়াছেন। কণ্ঠা, তুলা, কর্কট অথবা বৃশ্চিক রাশির মধ্যে চন্দ্র না থাকিলে, বেলা দ্বিপ্রহর ও রাত্রি দ্বিপ্রহরের মধ্যে যত হাঁচি আসিবে সমুদয়ই শুভ; আর হাঁচিবার সময় মাথা দক্ষিণ দিকে ফিরিলে তাহাও শুভ বলিয়া বিবেচনা করিতে হইবে। কিন্তু ঘুমের পর বিছানা হইতে উঠিবার কালে অথবা আহার করিবার সময় হাঁচি আসিলে তাহা অমঙ্গল-সূচক। এই শেষোক্ত সংস্কারটি আমাদের সংস্কারের সহিত মিলে। ঘুম হইতে উঠিবার সময় হাঁচিলে পুনরায় শুইতে হয়, এবং কোন কোন স্থানে আহারের সময়

হাঁচিলে খালের তল হইতে মাটি খুঁড়িয়া নাভিতে তাহা তিনবার দিতে হয় ও সঙ্গে সঙ্গে জন্মস্থানের নাম করিয়া বলিতে হয়—“গোপালপুরের মাটি জন্মমাটি।”

সর্দি লাগিয়াছে! হাঁচির পর হাঁচি আসিতেছে। সুতরাং এ বিষয় লইয়া আর আলোচনা করা উচিত নহে। তবে হাঁচির উৎপত্তি সম্বন্ধে একটা গল্প না বলিয়া থাকিতে পারিতেছি না। এ গল্প ঠাকুরমার নহে—ফাদার ফেমিন-স্ট্রাডার (Father Famen Strada)। তিনি বলেন—“প্রমিথিউস (Prometheus) মানুষ-সমাজে প্রথম হাঁচি আনয়ন করেন। তিনি একটা মূর্তি নির্মাণ করিয়াছিলেন। তাহার নিতান্ত ইচ্ছা যে মূর্তিটীতে প্রাণপ্রতিষ্ঠা করেন। এ জন্ত তাঁহাকে সূর্য্যরশ্মির কিয়দংশ অপহরণ করিতে হয়। কিন্তু তাহা কোথায় লুকাইয়া রাখিবেন? নন্দনানী ব্যতীত আর কোন স্থান পাইলেন না। কিছুক্ষণ পর নন্দনানী হইতে এক চিম্টি নন্দন লইতে গেলেন; কিন্তু নন্দন না লইয়া অগ্রমনস্কভাবে ঐ সূর্য্যরশ্মিটুকু নামিকার ভিতর গ্রহণ করিলেন। আর যাইবেন কোথায়?—হাঁচিতে হাঁচিতে প্রমিথিউস মরেন আর কি! সেই হইতে এ জগতে হাঁচির আবির্ভাব হইল।”

শ্রীঅবিনাশচন্দ্র চেধুরী।



কমলা ও কবি।

কবির বিমাতা লক্ষ্মী, তবু তার প্রতি সতত কবির কিবা অচলা ভকতি; তাঁহারি করুণা কণা পাইবার আশে হইয়া সে দেশান্তরী এসেছে প্রবাসে! দারুণ দাসত্ব বেড়ী পরিয়াছে পায়; তথাপি বিমাতা যদি মুখ তুলি চায়! কিন্তু কি পাষণে গড়া ইন্দিরার হিয়া, সপত্নী-নন্দন পানে চাহে না ফিরিয়া। সামান্য মানব কবি, তবু তার প্রাণ দেবতা হইতে কত উন্নত মহান!

শ্রীহরিপ্রসন্ন দাস গুপ্ত।

পাহাড়ী বাবা।

চতুর্বিংশ পরিচ্ছেদ।

সেই দিন সন্ধ্যার পর পুলিশ সাহেব দুর্গাদাস বাবুকে কহিলেন—“সে রুমালের অনুসন্ধান হইয়াছে, সে রুমাল অল্প কাহার নহে, সে রুমাল মহামায়াদের বাড়ীর। ধোবার দাগ দেখিয়া এ অনুসন্ধান ঠিক করা হইয়াছে।”

সে সময় দুর্গাদাস বাবুর নিকট কেবল ঘোষাল মহাশয় ছিলেন। ঘোষাল মহাশয় কহিলেন—“সে বাড়ীতে কেউ ত পুরুষ নাই—এই রুমাল ও বাড়ীর কি করে হবে? আমাদের দেশের মেয়েরা ত আর রুমাল ব্যবহার করে না সাহেব।”

সাহেব তখন ঈষৎ হাস্য করিয়া কহিলেন—“আপনার দিগের মেয়েদেরও আচার ব্যবহার আমার ভালরূপ জানা আছে। এ সন্দেহ প্রথমে আমার মনেও উদয় হইয়াছিল, কিন্তু ধোবাকে প্রশ্ন করিয়া জানিলাম যে, মহামায়া রুমাল ব্যবহার করিয়া থাকে।” তার চাল-চলন সম্পূর্ণ এদেশের মেয়েদের মত নহে।”

সাহেবের উত্তর শুনিয়া ঘোষাল মহাশয় নিরুত্তর হইলেন। তখন দুর্গাদাস বাবু বলিলেন—“সাহেবের কথা মিথ্যা নয়—সে রুমাল মহামায়ার, এ কথা আমি অবিশ্বাস করি না। তা হলে লোহিয়াই আমার এ সর্বনাশ করেছে। লোহিয়াই মৃত্যু-বাণ চুরি করেছে—সেই আমার অতুল-কেও খুন করেছে—আবার পাছে ধরা পড়ে সেই ভয়েই সে রাত্রে বামুন ঠাকুরকে অজ্ঞান করে লাশ চুরি করে নিয়ে গেছে।”

তার পর শ্রামাচরণের মুখে আরো অগাধ যে সকল কথা তিনি শুনিয়াছিলেন, সে সমস্তই সাহেবের নিকট প্রকাশ করিলেন। সে কথা শুনিয়া সাহেব এই সময় কহিলেন—“আপনি কি মনে করেন লোহিয়া একাকী লাশ চুরি করিয়া লইয়া গিয়াছে?”

দুর্গাদাস। আজ্ঞে না মহাশয়—আমি তা কখনই সম্ভব মনে করি না। লোহিয়ার সঙ্গে পাহাড়ী বাবা নিশ্চয়ই ছিল কারণ এরা দুজনেই অতুলের সঙ্গে মহামায়ার যাতে বিয়ে না হয়, সেই চেষ্টা প্রাণপণে কর-

ছিলো। পাহাড়ী বাবা এক জন ভয়ঙ্কর তান্ত্রিক—তার নিজের কু অভিশ্রয় চরিতার্থ করিবার জন্তই এত দিন মহামায়াকে কুমারী করে রেখেছে। তার ভয়েই মহামায়ার মা মেয়েটিকে নিয়ে আমার কাছে পালিয়ে এসেছে। এখন এ বিষয়ে আর কোন সন্দেহই নাই। পাহাড়ী বাবা পালিয়ে যাওয়া সম্ভব, সে পালালে তাকে ধরা বড় মুঞ্চিল হবে, আপনি এখনই তার উপায় করুন।

সাহেব। সে উপায় আমি পূর্বাঙ্কে করিয়াছি। পাহাড়ী বাবা পুলিশ কর্তৃক ধৃত হইয়াছে। লোহিয়া এখন পুলিশের নজরবন্দীতেই আছে। পাহাড়ী বাবাই মূল আসামী, লোহিয়া তাহার সাহায্যকারী। তবে লোহিয়াকে আসামী শ্রেণীভুক্ত না করিয়া সাক্ষীশ্রেণীভুক্ত করিতে মনস্থ করিয়াছি। এখন সেই রামচন্দ্র কোথায়?

দুর্গাদাস বাবু সাহেবের এই প্রশ্নের উত্তরে কহিলেন—“সে আমার বাড়ীতেই আছে। কিন্তু সাহেব, আপনাকে আর একটি কথা বলা আমি আবশ্যিক বোধ করছি। যে বিষয়ে এ খুন হয়েছে, আমার বিশ্বাস সে বিষ লোহিয়া ভিন্ন আর কেহই প্রস্তুত করতে জানে না—পাহাড়ী বাবা পর্যন্ত নয়। সুতরাং লোহিয়াকে আসামী করা উচিত কি না—আপনি এখন সে বিচার করুন। আমার মতে এরা দুজনেই আসামী, তবে প্রধান আসামী সেই পাহাড়ী বাবা।”

সাহেব তখন ঈষৎ হাস্য করিয়া কহিলেন—“সে সম্বন্ধে আমি পরে বিবেচনা করিব। এখন আপনি সেই রামচন্দ্রকে একবার হাজির করুন।”

দুর্গাদাস বাবু এক জন ভৃত্যকে অনুমতি করিবারাত্র সে তৎক্ষণাৎ রামচন্দ্রকে সেই গৃহে আনিয়া উপস্থিত করিল। সাহেব সতৃষ্ণ দৃষ্টিতে রামচন্দ্রের আপাদমস্তক একবার নিরীক্ষণ করিয়া কহিলেন—“তুমি এ মৃত্যুবাণ কোন সময় পাইয়াছিলে?”

রামচন্দ্র একবার সাহেবের মুখের দিকে ফ্যাল ফ্যাল করিয়া চাহিল,—তার পর মস্তক অবনত করিল। সে প্রশ্নের আর কোন উত্তর দিল না। সাহেব এবার ধমক দিয়া কহিলেন—“আমার প্রশ্নের উত্তর দাও।”

রামচন্দ্র তখন আমতা আমতা করিয়া কহিল—“আমি সে কথার উত্তর ত পূর্বেই দিয়াছি।”

সুখে দুঃখে বিপদে সম্পদে। তাই বলি বিদায়ের বলা,—আমারে যেয়োনা ছলি নিদয়ের মত। প্রস্তুত হইত মোরে দিও অবসর। দেখ ভব মায়া ঘোরে জড়িত হৃদয় মম। আঁখি বারে তাই, স্মধু ছু দিনের বেশী যারে দেখি নাই তারেও বিদায় দিতে। তুমি বন্ধু, তুমি সখা, তুমি প্রিয়তম এই বিশ্বভূমি মাঝে, আমার সকলি তুমি একাধারে। বারেক ভাবিয়া দেখ, কি বজ্র প্রহারে ব্যথিত হইব আমি—তব অদর্শনে! তাই পুনঃ বলি—একদা শুভ লগণে ত্যজিও আমার ধীরে ধীরে। তমোময়ী রজনীর অন্ধ অন্তঃপুরে নাহি লই যেন বিদায় চূষন। একদা পূর্বে যবে প্রকাশিবে দিবা—সোহাগে সুরবে গাহিয়া উঠিবে পাখী, তখন হে তুমি—বিদায় লইও মম পাণ্ডু গ্রীবা চুমি।

শ্রীহরিপ্রসন্ন দাস গুপ্ত।

অনুরোধ।

সখা যদি যেতে হয় চলে যেয়ো তুমি
বারেক মাড়িয়া যেয়ো মোর বাসভূমি,
তোমার চরণ ধূলি শিরেতে লইব তুলি
বারেক চরণখান নিতে দিয়ো চুমি
সখা যদি যেতে হয় চলে যেয়ো তুমি।
যদি সাধ নাহি থাকে রেখে যেয়ো খুলি
মোর দত্ত মাল্যখানি, আমি লব তুলি
সবতনে মোর গলে তোমার পরশ বলে
আনন্দে উঠিবে মোর পরাণ আকুলি
মাল্যে সাধ নাহি থাকে রেখে যেয়ো খুলি।
নাহি যদি নিতে হয় রেখে যেয়ো ফুল
বারেক পরশ ক'রো করিওনা ভুল
সোনা হতে শ্রেষ্ঠ মানি কানেতে পরিব আনি
দোলাইব সবতনে সোহাগের তুল

সখা যদি যেতে হয় চলে যেয়ো পরে
বারেক বসিয়ে যেও শয়ন উপরে;
তোমা করি' অনুভব পরণ করিব সব
শয়ন করিব তাহে আকুল অন্তরে
সখা যদি যেতে হয় চলে যেয়ো পরে।
শ্রীনিশিকান্ত সেন।

দৈত নিয়ম।

হাসে উবা নিশি অন্তে পূর্বাশার অরণ শিখরে,
অস্ত রবি দেখা দেয় ফুল জ্যোতিঃ সূহাসি অধরে।
অমা অন্তে আকাশের চিব স্নিগ্ধ নীলিনার পটে,
হাসে পুনঃ চারুচন্দ্র শুভ্র টীকা প্রকৃতি ললাটে।
বসুধার অঙ্গ হ'তে কুসুমের আভরণ খুলি,
বসন্ত চলিয়া গেলে পুনরায় আসে হেলি ছলি'।
নীরব হলেও নাথ! বাসন্তী বীণার নব তান,
আবার বসন্ত সহ জেগে উঠে কোকিলের গান।
তোমার এ বিশ্ব হতে যখন বা যায় গো সরিয়া
কোথা হ'তে পুনরায় প্রভু তাহা আসে গো ফিরিয়া।
আমাদের গৃহ হ'তে যখন বা যায় হারাইয়া,
আমরা তো কোন দিন পুনঃ তাহা পাইনা ফিরিয়া
আমাদের যাহা যায়—যায় তাহা জীবনের তরে,
কেন নাথ! হারা নিধি পুনরায় নাহি আসে ঘরে।

শ্রীকালিকাপ্রসাদ ভট্টাচার্য্য।

প্রবাহের প্রাপ্তিস্বীকার এবং
সংক্ষিপ্ত সমালোচনা।

প্রবাহ—ইহা একখানি কবিতা পুস্তক, রচয়িতার নাম বিশ্বা মূল্যের উল্লেখ নাই। চেরিপ্রেসে সূচাকল্পে মুদ্রিত, উৎকৃষ্ট বাধাই—বহুৎ আকার। “উৎসর্গ” “প্রভাত” “মধ্যাহ্ন” এবং “সন্ধ্যা” এই চারিখণ্ডে প্রবাহ বিভক্ত। প্রবাহ-রচয়িতা যিনিই হউন তিনি কবিত্যাতি লাভের অযোগ্য নহেন। স্বর্গীয় জননীর পবিত্র চরণোদ্দেশে প্রবাহ উৎসৃষ্ট হইয়াছে। “উৎসর্গ”, “মায়ের ছবি”, “যে তোমার কথা বলে”, “ভিক্ষা” প্রভৃতি কবিতায় স্বর্গগতা জননীর প্রতি কবিশ্রদ্ধয়ের গভীর ভক্তি ও প্রীতির পূর্ণ

মহোজ্জল। প্রবাহের সকল কবিতাই সুন্দর নির্দোষ এমন কথা বলা যায় না তবে অনেক কবিতাই সুন্দর মনোহর এবং যে কোন শ্রেষ্ঠ কবির যোগ্য ইহা নিঃসঙ্কেচে বলা যায়। দৃষ্টান্ত স্বরূপ “জীবন”, “বঙ্গবালী” প্রভৃতি বহু কবিতার নামোল্লেখ করা যাইতে পারে। প্রবাহ রচয়িতা সুদীর্ঘ জীবন লাভ করিয়া মাতৃভাষার সেবায় রত থাকুন ইহাই প্রার্থনা করি।

কপালিনী—সামাজিক নাটক—শ্রীযুক্ত কৃষ্ণানন্দ শর্মা প্রণীত। মূল্য ১০ আট আনা—বঙ্গ সাহিত্য জগতে প্রথিত-নামা সুলেখক স্বর্গীয় কালীময় ঘটক মহাশয়ের “ছিন্নমস্তা” নামক উপন্যাসখানি নাটকাকারে পরিবর্তিত হইয়া “কপালিনী” নামে তৎপুত্র কর্তৃক প্রকাশিত হইয়াছে। কপালিনীর লেখা সরল সুন্দর ও স্থানে স্থানে বেশ মধুর। নাটকীয় চরিত্র চিত্রণে এবং ঘটনার বৈচিত্র্য সাধনে কৃষ্ণানন্দ শর্মা মহাশয় তাৎসর্ঘ্য নৈপুণ্য দেখাইতে না পারিলেও যাহা দেখাইয়াছেন তাহা তাঁহার ন্যায় নূতন লেখকের পক্ষে প্রশংসার যোগ্য সন্দেহ নাই। কপালিনীর প্রায় আদ্যোপান্ত পদ্যে রচিত কিন্তু গদ্যাকারে লিখিত। পুস্তকের আকার ক্ষুদ্র এবং মূল্য সুলভ করাই ইহার উদ্দেশ্য কিন্তু ইহাতে পাঠকের সুবিধা অসুবিধার কথা গ্রন্থকার ভাবিয়া দেখেন নাই।

মায়াবিনী—দৃশ্য কাব্য—শ্রীযুক্ত আশুতোষ বিদ্যাভূষণ প্রণীত। মূল্য ১১০ দেড় টাকা। উৎকৃষ্ট বাঁধাই ও সুন্দর ছাপ। এ খানিও প্রায় আদ্যোপান্ত পদ্য ছন্দে রচিত। ঘটনার অল্পত ঘাত প্রতিঘাতে এবং চরিত্রের বিচিত্র চিত্রণে ইহা নাটক নামের অযোগ্য হয় নাই। ভাষার সৌন্দর্য্যে, ছন্দের রক্ষারে, ভাবের বৈচিত্র্যে পুস্তকখানি সুখপাঠ্য হইয়াছে। স্থানেস্থানে অতি দীর্ঘ বর্ণনায় পাঠকের চিত্তকে ক্লান্ত করে। যদি এই দীর্ঘ বর্ণনার বাহুল্য না থাকিত তাহা হইলে এই সুন্দর পুস্তকখানিকে সর্বোৎকৃষ্ট সুন্দর বলা যাইত। পুণ্যের জয় ও পাপের পরাজয় চিত্রিত করাই গ্রন্থকার মহাশয়ের প্রধান উদ্দেশ্য। তাঁহার সে উদ্দেশ্য সম্যক্রূপে সফল হইয়াছে। মানবী জ্যোতিষ্ময়ীকে তিনি পুণ্যের প্রোজ্জল মহিমায় বিমগ্নিত করিয়া দেবীত্ব দান করিয়াছেন। এই দেবী জ্যোতিষ্ময়ী পার্শ্বে পিশাচী

পাঠিকাগণ এই নির্দোষ সুন্দর পুস্তকখানি পাঠে আমোদিত হইবেন।

যোগ ও বিয়োগ—“বরণ ও মরণ কবিতা”—শ্রীযুক্ত মহেশচন্দ্র ভট্টাচার্য্য প্রণীত। মূল্য ১০ আট আনা। বিভিন্ন বিষয়ের ২৯ উনত্রিশটি ক্ষুদ্র কবিতায় “যোগ ও বিয়োগ” রচিত। অতি সরল সহজ ভাব ও ভাষায় কবিতাগুলি বিরচিত।

বোধন—“প্ৰীতি ও গীতি কবিতা”—উক্ত গ্রন্থকার প্রণীত। মূল্য ৫০ আনা, এই পুস্তকে বিভিন্ন বিষয়ের ৭৯টি কবিতা রহিয়াছে। নিত্য নৈমিত্তিক জীবনের ক্ষুদ্র ক্ষুদ্র সুখদুঃখে হাসিকান্না মান-অভিমান উৎসব-ব্যসনই অধিকাংশ কবিতার বিষয়, মহেশবাবুর ছুইখানি পুস্তকেরই ইহাই বিশেষত্ব। নির্মল জলের মত সহজ ও সরলভাবে তাঁহার কবিতা-স্রোত প্রবাহিত হইয়াছে। পাঠে তৃপ্তি হয়।

গুপ্ততত্ত্ব—অর্থাৎ আমি কি প্রকারে জগতে অসিয়াছি—এ, জুশন সাহেব প্রণীত। মূল্য ১০ আনা। জুশন সাহেব মহোদয় বঙ্গীয় স্থায়ী সাহিত্য-ক্ষেত্রে অপরিচিত নহেন। ইতঃপূর্বে তিনি এবম্বিধ আরও বহু পুস্তক প্রণয়ন করিয়া বাঙ্গালা ত্রীষ্টীয় সাহিত্যের শ্রীবৃদ্ধি সাধনে সহায়তা করিয়াছেন। সরল বাঙ্গালার প্রধানতঃ বালকদিগের জন্য কতিপয় জ্ঞাতব্য বিষয় এই পুস্তকে পত্রচ্ছলে বর্ণিত হইয়াছে। প্রসঙ্গক্রমে বাইবেলোক্ত আদি মানব সৃষ্টি-বৃত্তান্তও উল্লিখিত হইয়াছে। জুশন সাহেবের বাঙ্গালা ভাষায় লিখিবার শক্তি আছে। তাঁহার পুস্তকপাঠে অনেক সময়ে বাঙ্গালী লেখকের লেখা “৫” রিতেছি বলিয়া ভ্রম হয়।

পত্রাবলী—স্বামী বিবেকানন্দ লিখিত—প্রথম ভাগ। মূল্য ১০ আট আনা। মহাত্মা স্বামী বিবেকানন্দ বোম্বে, ইয়াকোহমা, চিকাগো, দারজিলিং, বৈদ্যনাথ প্রভৃতি বিভিন্ন স্থান হইতে তাঁহার প্রিয় শিষ্য এবং বন্ধুগণকে যে সকল পত্র লিখিয়াছিলেন তন্মধ্যে ১১ খানি পত্র এই পুস্তকে প্রকাশিত হইয়াছে। পত্রগুলিতে প্রসঙ্গক্রমে সমাজ-ধর্ম্ম শিল্প বাণিজ্যাদি বিভিন্ন বিষয় আলোচিত হইয়াছে। কয়েকখানি পত্র ইংরাজি হইতে অনুবাদিত কয়েকখানি বাঙ্গালা এবং সংস্কৃতে লিখিত। সকলগুলিই বিবিধ জ্ঞাতব্য শিক্ষণীয় বিষয়ে পূর্ণ। ভাষা সরল। পাঠে পাঠক আমোদিত হইবেন। আমরা সস্তরেই ইহার পরবর্তী খণ্ডের উত্তর ত পূর্বে করি।